

Architecture
DE
PHILIBERT
DE L'ORME



Fac-similé
par les procédés héliographiques
de Motteroz

2000

CST

P/6 P/6

39458

PHILIP DE LORE

*À monsieur J. Minsicille
architecte à Bordeaux
Compagnie de construction
d'édifices
Nizet*

L'ŒUVRE

DE

PHILIBERT DE L'ORME

COMPRENANT

Le premier Tome de l'Architecture

ET

Les nouvelles Inventions pour bien bastir et à petitz frais

REPRODUCTIONS EN FAC-SIMILÉ PAR LES PROCÉDÉS MOTTEROZ

Publiée par les soins de

C. NIZET

Architecte du Gouvernement



PARIS

LIBRAIRIES-IMPRIMERIES RÉUNIES

2, rue Mignon, 2

ANCIENNES MAISONS MOREL & QUANTIN

1894

L'ÉTAT

DE LA

REPUBLICQUE

FRANCOISE

CONSTITUTIONNELLE

DE LA

REPUBLICQUE

FRANCOISE

CONSTITUTIONNELLE

DE LA

REPUBLICQUE

FRANCOISE

CONSTITUTIONNELLE

DE LA

REPUBLICQUE

FRANCOISE

CONSTITUTIONNELLE

DE LA

REPUBLICQUE

L'ŒUVRE
DE
PHILIBERT DE L'ORME



Il est devenu extrêmement difficile de se procurer les œuvres de Philibert de l'Orme.

Les anciennes éditions publiées de 1561 à 1648 (les plus anciennes surtout, qui sont les plus intéressantes puisqu'elles ont paru du vivant de leur illustre auteur et sous sa surveillance,) sont recherchées par les amateurs; les exemplaires qui ont échappé aux nombreuses causes de destruction d'un objet aussi fragile qu'un livre sont pour la plupart classés dans les bibliothèques publiques ou dans celles des architectes et des nombreux collectionneurs de livres rares, ce qui explique la difficulté toujours croissante de trouver une occasion d'achat et le prix élevé des volumes que le hasard met à la disposition du public.

Il est cependant très désirable de répandre les bonnes doctrines si nettement exposées par Philibert de l'Orme; puisque l'art Français a la bonne fortune d'avoir été pratiqué et enseigné à l'époque de la Renaissance par un homme d'une telle valeur, la propagation de ses écrits s'impose et ne peut qu'être bien accueillie.

Les architectes, par suite de la nature absorbante de leurs travaux, sont en général peu portés à écrire; ils manient plus volontiers le crayon que la plume; aussi les livres d'exposition

générale des règles de leur art sont-ils peu nombreux, et si l'on en excepte Vitruve, les architectes Italiens de la Renaissance, Philibert de l'Orme, Blondel, Daviler, Durand, Léonce Reynaud et Viollet-le-Duc, qui à des époques et à des points de vue différents ont manifesté leurs idées, il ne reste que des livres traitant des points spéciaux, des monographies ou des parallèles; mais c'est seulement dans les auteurs que nous venons de citer qu'on trouve des vues d'ensemble émanant de véritables architectes; encore Léonce Reynaud était-il ingénieur.

Les œuvres de Philibert de l'Orme ont un autre avantage précieux; non seulement elles doivent être lues et étudiées avec fruit au point de vue spécial des architectes, mais on y trouve fréquemment des conseils s'appliquant à toutes les circonstances de la vie.

Nul n'a mieux que lui indiqué la conduite à suivre dans les relations de celui qui fait bâtir avec le mandataire technique chargé d'exécuter, et qui doit non seulement traduire les désirs souvent mal définis de son client, mais leur donner d'abord une forme graphique, puis matérielle, et pourvoir aux nombreux et si variés détails de l'exécution. Avec quelle netteté notre auteur pose les principes et dans quel langage à la fois naïf, imagé et précis il sait s'exprimer! C'est un philosophe et un fin observateur qui parle, et il le fait avec une autorité, une dignité, un respect de soi, qui en font le meilleur éducateur des commençants, et un excellent guide pour le maître vieilli dans l'exercice de sa profession.

Quelquefois passionné, il n'est pas de ceux qui abandonnent quoi que ce soit de l'autorité nécessaire à l'architecte appelé à diriger de grandes opérations. Il trace avec netteté les droits et les devoirs de l'architecte, vis-à-vis de toutes les personnes avec lesquelles il est en rapports.

C'est presque une magistrature qu'il exerce avec une indépendance d'esprit, une intégrité, une haute idée de la dignité profes-

sionnelle, une sévérité pour lui-même qui lui donnent le droit de ne rien tolérer aux autres.

Comme, en termes amusants, il fait le parallèle du bon et du mauvais architecte, et comme il crosse les ignorants qui alors déjà prenaient le titre d'architecte, sans y avoir aucun droit! Il se plaint tout autant de ceux qui n'avaient que la pratique, sans connaissances artistiques, que de ceux « que, tous les jours, se voyent « plusieurs donneurs de portraits et faiseurs de desseings dôt « la pluspart n'en scauroil bien trasser ou descrire aucun, si ce « n'est par l'ayde et moyen des peintres qui les savent plus « tost, bien farder, laver, ombrager et colorer que bien faire et « ordonner avecques toutes leurs mesures(1). »

« Plus qu'aucun de ses contemporains, dit Viollet-le-Duc, Philibert de l'Orme était peut-être l'artiste dont le goût était le plus « sûr, le sentiment le plus vrai, les principes les plus sévères(2). »

Représentant le vieil esprit national, continuateur, malgré ses voyages et ses études en Italie, de la tradition des maîtres d'œuvres du moyen âge, il est un des derniers à appliquer cet esprit de logique quand même que la Renaissance tendait à faire disparaître, en lui substituant les méthodes et procédés italiens, et qui a depuis si complètement sombré avec Libéral Bruand, son dernier représentant (3), devant les tendances presque exclusivement décoratives du grand siècle.

Philibert de l'Orme eut à lutter contre les novateurs de son temps; il prévoyait les funestes résultats de la transplantation sous notre ciel des œuvres conçues pour un autre climat et pour d'autres besoins. Ses contradicteurs le trouvaient toujours prêt à la lutte et prompt à la riposte. Les écrits de l'époque en gardent la trace, notamment dans les œuvres de Rabelais, de Ronsard, de Bernard Palissy, etc.

(1) *Philibert de l'Orme*, tome 1^{er}, ch. 10, f° 21, v°.

(2) *Entretiens sur l'Architecture*. Paris, Morel, 1863, 1^{er} volume, page 362.

(3) Auteur du plan général des Invalides.

Il professait que la construction et les études artistiques doivent marcher de front, et qu'il n'y a de véritable architecte que celui qui réunit ces qualités.

Mettant ses idées en pratique, il produisit des œuvres où la bonne conception jointe à l'originalité des moyens pratiques et à la perfection de l'exécution lui valut une renommée et une réputation justifiées.

Qu'il suffise de citer à l'appui de cette opinion : au point de vue pratique, les fondations sur puits et arcs du château de Saint-Maur, les charpentes décrites aux X^e et XI^e livres de l'*Architecture*, encore connues aujourd'hui sous le nom de « charpentes à la Philibert de l'Orme » ; au point de vue de la bonne exécution, la voûte de la chapelle d'Anet, d'un travail si parfait, et aussi les colonnes et pilastres par assises accusées du palais des Tuileries, dont quelques fragments sont encore visibles dans le jardin des Tuileries, où ils ont été pieusement installés près de la terrasse des Feuillants.

Et cette idée de colonnes composées de tambours franchement distincts, n'est-elle pas charmante ?

Loin de moi la pensée de ne pas leur préférer les colonnes monolithes ; mais combien leur conception est plus franche et leur aspect plus satisfaisant que celui de colonnes bâties par assises dans tant d'édifices modernes ayant la prétention à l'aspect monumental, en voulant donner l'impression monolithique, mais ne montrant en réalité que la pauvreté des moyens d'exécution et l'absence de toute sincérité !

Il y a cinquante ans, on enseignait à composer un projet d'architecture sans se préoccuper de savoir si la province où il devait être exécuté produisait ou non les matériaux nécessaires à l'édification du monument étudié, et à tracer des profils sans souci de la matière qui devait servir à l'exécution. Telle étude était faite sans qu'on sût d'abord si elle serait réalisée en maçonnerie,

en bois ou en métal. Ces méthodes ont fort heureusement disparu. Henry Labrouste fut un des premiers à les combattre par l'enseignement et par l'exemple, et, de nos jours, le classique le plus endurci — sans s'avouer peut-être à lui-même qu'il a profité inconsciemment des enseignements de l'école qui prône l'étude des procédés logiques du moyen âge — ne ferait pas le moindre profil sans connaître au préalable les qualités de dureté, de résistance, de malléabilité, etc., de la matière qui servira à l'exécution.

Et cet esprit logique n'est pas seulement à l'ordre du jour parmi les architectes : les sculpteurs également le pratiquent ; dès la maquette en terre de leurs œuvres, ils se préoccupent de la matière qui servira à sa manifestation définitive et composent en raison des qualités de résistance et d'aspect de cette matière. Les peintres, eux aussi, ont abandonné les errements de l'école de David et ne donnent plus à leurs personnages les attitudes sculpturales qui ne sauraient convenir à la peinture. En un mot, qu'on le veuille ou non, l'esprit de logique poursuit son œuvre.

C'est là, pour les architectes au moins, le commencement de la fusion des écoles, naguère si intransigeantes et si exclusives. Qu'on nous permette de formuler l'espoir de voir à la fin du siècle qui s'achève, au lieu de la lutte des écoles, une entente heureuse de toutes les tendances et de tous les talents, pour rendre à notre chère profession la première place, qui est la sienne, parmi les arts et pour empêcher son envahissement par les ingénieurs, auxquels nous ne devons emprunter que dans une certaine mesure l'éducation scientifique et la précision des formules.

On ne connaît pas exactement la date de la naissance de Philibert de l'Orme, ou Delorme ; mais on sait qu'il est né à Lyon, où son père était, croit-on, maître d'œuvres ; on s'accorde généralement à penser que ce fut vers l'année 1515, en se basant sur ce qu'il

dit dans son ouvrage: les *Nouvelles inventions pour bien bastir et à petitz frais*.

La date de sa mort variait généralement de 1570 à 1577; mais M. Marius Vachon nous apprend que « Philibert de l'Orme mourut « à Paris le dimanche 8 janvier 1570, vers 7 heures du soir, dans « sa maison du cloître Notre-Dame, d'après un des registres capitulaires de Notre-Dame de Paris, dont il était chanoine (1). »

Il était robuste et travailleur. Cette existence, dont la durée n'a rien d'extraordinaire, fut bien remplie par les voyages, les écrits et les travaux que nous allons sommairement énumérer, d'après les divers auteurs qui se sont occupés de lui et notamment d'après Quatremère de Quincy (2).

« De l'Orme eut l'avantage d'étudier de bonne heure les « grands modèles de l'art de bâtir; à l'âge de quatorze ans il « était déjà en Italie. Il y trouva pour protecteur et pour guide « Marcel Servin, amateur des arts, qui devint pape, sous le nom « de Marcel II. Témoin du zèle et des progrès de ce jeune artiste, Marcel le reçut dans son palais et se fit un devoir de « contribuer à son instruction.

« Pendant son séjour à Rome, il rechercha la compagnie « des hommes instruits dans l'architecture et dans les sciences « qui s'y rapportent; il s'attachait de préférence à la reconstitution raisonnée des édifices anciens. Dans cette synthèse « architecturale, de l'Orme choisissait les problèmes les plus « compliqués et, suppléant par son génie aux données qui lui « manquaient, il reproduisait des monuments dont l'histoire n'avait « laissé que des descriptions vagues et imparfaites. Ces études le « conduisirent à un examen approfondi des moyens pratiques et « vers les applications de la science à l'art. Il excelle effectivement dans le trait géométrique et dans la coupe des pierres (3). »

(1) *Philibert de l'Orme*, par M. Marius Vachon. Paris, Librairie de l'Art, 1887 (page 23).

(2) *Dictionnaire historique d'Architecture*, par M. Quatremère de Quincy. Paris, Adrien le Clerc et C^e, 1832.

(3) *Histoire et Caractères de l'Architecture en France*, par M. Léon Château. Paris, Morel, 1864 (p. 461).

Il revint à Lyon en 1536 et construisit, dit-on, le portail de Saint-Nizier, mais le fait est douteux. Il fit à Lyon divers travaux pour M. Billau, général de Bretagne, notamment deux trompes reliées par une galerie. Il vint à Paris sous le patronage du cardinal du Bellay, qui le fit connaître à la cour et lui confia les travaux de son château de Saint-Maur-les-Fossés, aujourd'hui détruit.

On attribue à l'influence du général de Bretagne la nomination de Philibert de l'Orme à la charge de contrôleur militaire, qui lui donnait l'inspection des travaux de fortification de la Normandie et de la Bretagne (voir l'instruction de M. d'Ivry, nom qu'il prenait d'une abbaye dont il était titulaire, comme nous le verrons tout à l'heure) (1), puis il devint architecte de Fontainebleau et conseiller du roi Henri II, etc.

Vers la même époque, il obtint l'abbaye de Geveton en Bretagne, celle de Saint-Barthélemy-les-Noyon (1548), puis celle de Saint-Éloy-les-Noyon, celle d'Ivry près Evreux et, plus tard, celle de Saint-Serge-les-Angers.

Il fut également chanoine de Notre-Dame (de Paris) et aumônier du roi, comme nous l'apprend le sous-titre du premier tome de l'*Architecture*.

Il commençait aussi, pour Diane de Poitiers, les travaux du château d'Anet et construisait, à Saint-Denis, le tombeau de François I^{er} ainsi que la chapelle des Valois.

Après la mort de Henri II (1559), il tomba en disgrâce, supplanté par ses ennemis, notamment par le Primatice, qui fut nommé à sa place inspecteur des bâtiments du roi.

Entre temps, il avait étudié les projets et commencé (1564), pour Catherine de Médicis, la construction du palais des Tuileries.

Il fit également des travaux importants au château de la

(1) Ce document, découvert par M. Léopold Delisle dans un portefeuille (où nul n'imaginerait qu'il pût se trouver), a été reproduit par M. Adolphe Berty à la suite de la Notice sur Philibert de l'Orme dans *Les grands architectes français de la Renaissance*. Paris, Auguste Aubry, 1850.

Muette, à Limours, à Saint-Germain-en-Laye, à Fontainebleau, à Vincennes, à Villers-Cotterets, à Saint-Léger, dans la forêt de Montfort-l'Amaury, le pont et la galerie ajoutés au château de Chenonceaux, l'hôtel du banquier Patoillet, rue de la Petite-Savatterie à Paris, une maison pour lui-même, rue de la Cerisaie, l'Hôtel-Dieu de Saint-Jacques-du-Haut-Pas, les écuries des Tournelles avec l'arsenal et magasin de l'artillerie (1).

On lui attribue, mais sans preuves, beaucoup d'autres constructions inutiles à énumérer.

Les ouvrages qu'il publia (de son vivant) sont les suivants :

1561 — Paris, Federic (sic) Morel, rue Saint-Jean-de-Beauvais : *Nouvelles inventions pour bien bastir et à petitx frais*, en deux livres.

1567-68 — Paris. Fed. (sic) Morel, rue Saint-Jean-de-Beauvais : le premier tome de l'*Architecture* de Philibert de l'Orme, conseiller et aumosnier du roy et abbé de Saint-Serge-les-Angers.

En général, ceux des exemplaires de cette édition datés à la première page de 1567 ne comprennent que les neuf premiers livres de l'*Architecture* et se terminent après le 284^e feuillet, qui contient « quelques advertissements aux lecteurs » et « quelques choses dignes de corriger en ce présent œuvre ».

Au contraire, les éditions datées de 1568 (et aussi celles postérieures à cette année, dont nous parlerons plus loin) contiennent, outre les neuf premiers livres, les *Nouvelles inventions pour bien bastir et à petitx frais* qui portent alors respectivement en tête le premier et dixième livre des *Œuvres et Nouvelles inventions pour bien bastir et à petitx frais* trouvées naguère par M. Philibert de l'Orme, et le second et onzième livre des *Œuvres et Nouvelles inventions pour bien bastir*, etc.

C'est un de ces derniers exemplaires qui a servi à la reproduction en fac-similé que nous offrons au public en regrettant que notre auteur n'ait malheureusement pas, suivant le désir qu'il

(1) M. Marius Vachon. Ouvrage déjà cité, page 54.

avait exprimé, ajouté un complément aux onze livres que nous possédons, pour traiter, comme il le dit lui-même à plusieurs reprises, des « divines proportions ».

Quelques années après la mort de Philibert de l'Orme, en 1576-78 (nous donnons ces deux dates parce que l'une figure au commencement et l'autre à la fin du volume), une autre édition des *Nouvelles inventions pour bien bastir et à petitx frais* fut publiée chez de Marnef, à Paris, et, en même temps (1576), une nouvelle édition du premier tome de l'*Architecture*, exactement semblable à l'édition primitive (Hierosme de Marnef et Guillaume Cavillat, au Mont-Saint-Hilaire, à l'enseigne du Pélican, à Paris).

Puis en MDCXXVI (1626), à Paris, chez Regnault Chaudière, rue Saint-Jacques, à l'*Escu de Florence*, une nouvelle édition des onze livres, semblable (avec quelques variantes et quelques gravures ajoutées) à l'édition de 1567-1568; mais la typographie est beaucoup moins soignée et les gravures, tirées avec les vieux bois fatigués et écrasés, laissent considérablement à désirer.

Enfin en MDCXLVIII (1648), à Rouen, chez David Ferrand, tenant sa boutique au bout de la rue du Bec, près le palais, une dernière édition à très peu près conforme à la précédente, mais avec la typographie et les bois plus inférieurs encore.


Nous reproduisons en fin du volume les variantes intéressantes et quelques-unes des planches ajoutées à ces deux éditions.

Avant de terminer, nous adressons nos sincères remerciements à nos éditeurs (et en particulier à M. Motteroz) qui ont employé pour la première fois un procédé nouveau, fort perfectionné, à la reproduction en fac-similé qui suit, et aussi à toutes les personnes qui nous ont aidé en nous facilitant les recherches et en nous donnant les renseignements intéressant Philibert de l'Orme; nous leur adressons ici l'expression de toute notre gratitude.

Paris, le 8 février 1892.

C. NIZET,

Architecte du Gouvernement.



GLOSSAIRE ⁽¹⁾



Abaco, Abacus. — Abaque.

Acut. — Aigu.

Æolipyle. — Boules creuses propres à souffler le feu.
(Voir explication, 270-271.)

Agrossir. — Renfler, augmenter de grosseur.
(Voir Appétisser.)

Ains. — Mais.

Aireste. — Arête.

Aiz. — Ais, planche.

Alburnom. — Aubier.
(Voir Aubour.)

Anchre. — Ancre.

Angustie. — Angoisse, tourment, difficulté.

Apparoir. — Apparaître, voir, démontrer.

Appétisser. — Diminuer, devenir plus petit.
(Voir Agrossir.)

Arable. — Érable.

Architrabe ou Epistyle. — Architrave, quelquefois pris dans le sens de chambranle.

Arondelle. — Hirondelle.

Atastre. — Listel, larmier ou mouchette.

Atterer. — Abattre, jeter à terre.

Aubour. — Aubier.

Aurégier. — Oranger.

Auster. — Vent du midi, même origine que austral.

Baigneries. — Bains.

Bailler. — Donner.

Balchon. — Balcon.

Basse-taille. — Bas-relief.

Bénéuole. — (Lecteur bèneuole.) Lecteur de bon vouloir.

Besongner. — Besogner, travailler.

Bigearre. — Bizarre.

Boréas. — Vent du nord.

Bouleuart. — Boulevart.
Terme de fortification ayant désigné d'abord le terre-plein du rempart, plus tard un bastion avancé ou

barbacane, et enfin une avenue plantée d'arbres établie sur l'emplacement d'une fortification détruite.

Branque-Ursine. — Patte d'ours ou acanthe épineuse des jardins. (Horticulture.)

Buisson. — Bois, petite forêt; est encore usité avec cette signification dans le nom de Verrières-le-Buisson (Seine-et-Oise).

Buuau, buveau ou bi-veau.
(Voir explication fol. 54, verso.)

Cambre (arbre). — Arbre courbe.

Camp-dolle, Cāp-doile. — Le Capitole à Rome.

Canonnière. — Meurtrière ou embrasure pour le canon.

Cathete. — Ligne perpendiculaire.

Cault, Caut. — Fin, rusé, subtil, même étymologie que cauteleux.

(1) Il est fait remarquer, pour faciliter la lecture du texte ancien reproduit par le procédé Motteroz, que les lettres *f* et *s* sont généralement représentées par le même signe *f*; que les *u* et les *v* sont confondus sous la forme *u*; que les lettres *m* et *n* sont fréquemment supprimées par abréviation et indiquées par un til placé au-dessus de la ligne (*bū* pour *bon*); *ai* est écrit *oi* (*devoit* pour *devait*), etc.

- Caurus.** — Vent du nord-ouest.
- Cercher.** — Chercher.
- Cerche-rallongée.** — Vraie grandeur.
- Cestuy-ci.** — Celui-ci.
- Ce temps pèdant.** — Cependant.
- Chalybe.** — Acabit (?), calibre (?).
- Charte.** — Carte, carton.
- Chassauant, Chasse-avant.** — Maître ouvrier.
- Carquan.** — Carquois.
- Cogitation.** — Réflexion, pensée.
- Collerin.** — Gorgerin.
- Colliger.** — Faire un recueil, un état récapitulatif, totaliser (?).
- Colloquer.** — Placer.
- Commissure.** — Joint.
- Conférer.** — Comparer.
- Contemner, Cōtemner.** — Mépriser.
- Contremont.** — En montant, au rebours.
- Cornucopie.** — Corne d'abondance.
- Coronne, pour couronne.** — Corniche, couronnement.
- Cryptoportique.** — Galerie souterraine.
- Cuider.** — Penser, croire.
- Cyma, Cymas, Cymat, Cymace, Cymacion, Cyme.** — Cimaie.
- Débilitier la vue.** — Affaiblir la faculté de voir.
- Défailler.** — Faire défaut.
- Départiment.** — Département, distribution.
- Despécher.** — Remercier, renvoyer.
- Désigner, deseigner.** — Dessiner.
- Despendre.** — Dépenser.
- Despriser.** — Mépriser.
- Détraire.** — Détracter, médire.
- Difflation.** — Écoulement.
- Difformer.** — Faire disparaître la forme, rendre informe.
- Discommoder.** — Rendre incommode.
- Dolle.** — Douëlle, intrados, parement du dessous d'un arc.
- Douloir.** — Plaindre.
- Encathener.** — Enchaîner.
- Enfondrer.** — Effondrer.
- Enfourner.** — Engager.
- Engressement, Engraissement.** — Épaississement. Se dit des claveaux de plates-bandes, plus larges par le haut qu'à la partie inférieure.
- Epistyle.** — Architrave.
- Epitome.** — Abrégé.
- Equidistamment.** — A distance égale.
- Equipollent.** — D'égale valeur.
- Ergo.** — Donc.
- Esbair.** — Ébahir.
- Escappe.** — Filet carré à la partie inférieure du fût d'une colonne, au-dessus de la base.
- Eschaliér.** — Escalier.
- Eslongner.** — Éloigner.
- Espaulettes.** — Épaulées.
- Esquicher.** — Esquisser.
- Estoupper.** — Boucher, tamponner.
- Estre.** — Hêtre.
- Estuc.** — Stuc.
- Estuf.** — Étuve.
- Eurus.** — Vent du midi ou du sud-est.
- Excogiter.** — Penser, réfléchir.
- Exercitation.** — Exercice, dissertation.
- Fascherie.** — Fâcherie, déplaisir, querelle.
- Faudrez.** — Manquerez.
- Favonius.** — Zéphir ou vent de l'ouest.
- Fenêtre croisée.** — Fenêtre à meneaux de pierre, disposés en croix.
- Fiez ou Fraize.** — Fresque.
- Formage.** — Fromage.
- Fors.** — Sauf.
- Fractures.** — Fragments, débris.
- Fraize ou Fiez.** — Fresque.
- Frangible.** — Fragile.
- Front, Fronteau ou Frontispice.** — Fronton.

Gabor. — Pièce de bois de la coque d'un navire.

Gardefol. — Garde-fou.

Gauion, gaujon, gouion. — Goujon.

Gentils-esprits. — Esprits ouverts, cultivés.

Gerber (les muids ou tonneaux). — Les empiler dans une cave les uns au-dessus des autres.

Gotterons, goutterons. — Godrons.

Grand-blanc. — Monnaie d'argent valant 5 deniers.

Guarist. — Guérit.

Gueulle ou Goule. — Doucine ou cimaise; ailleurs gueulle veut dire : bouche ou ouverture de cheminée.

Guimberge, guymberge. — Cul-de-lampe.

Hémicycle. — Demi-circonférence.

Hermyle. — Astragale.

Histoires. — Sculptures, gravures. Tailleur d'histoires : sculpteur, graveur sur bois.

Hypotrachelio. — Gorge-rin.
(Voir Ypotrachelio.)

Iarser, iarsure. — Gercer, gerçure.

Idoine. — Convenable, propre à, capable de.

Illec. — Celui-là.

Impétrér. — Obtenir. *

Infelice. — Disgracieux, mal réussi.

In foro boario. — Dans le marché aux bœufs.

Insculper. — Graver, sculpter avec peu de relief.

Ja. — Déjà.

Jaçoit. — Bien que, quoique, encore que.

Joint d'engressement. — Joint de claveau.
(Voir Engressement.)

Lacunaire. — Plancher en forme de voûte.

Lairrey. — Pour laisserai, du verbe laisser.

Libe. — Libage.

Lierne. — Pièce de bois servant à relier ou entretoiser, nervure de voûte.

Liste. — Listel.

Loppin. — Lopin, petite partie.

Lymace. — Volute; de limace, escargot à coquille en spirale.

Madré. — Tacheté, en parlant de la pierre. Nouveaux, s'il s'agit de bois.

Marchasite, Marcassite. — Pyrite jaune, brillante.

METEΩPIZOMENOS. — S'enorgueillissant. — Dernier mot de la fin du XI^e livre.

Mirelifique. — Magnifique.

Modelon ou Modellon. — Modillon, mutule.

Moitoiant. — Situé dans l'espace moyen ou entre-deux. Même origine que mitoyen.

Moleste. — Vexation.

Montée. — Projection verticale en géométral, élévation.

Moule. — Est employé quelquefois pour module et aussi pour calibre.

Moult. — Beaucoup.

Nancelle, Nanselle, Nacelle. — Nacelle ou scolie.

Naiz, Nay. — Né, apte de naissance.

Ne quid nimis. — Rien de trop. — Devise du blason de Philibert de l'Orme.

Neud. — Nu.

Nigère. — Noir.

Nubileux. — Sombre.

Nuisance. — Action de nuire.

Ode.

(Voir explication fol. 260, verso.)

Œuf. — Ove.

Omnia cum tempore. — Tout avec le temps. — Devise de l'en-tête des Livres. (Édition de 1626.)

Orthographie. — Élévation géométrale.


Ouvrage. — Ornement sculpté.

Ouyr, Oyr. — Ouir, entendre.

- Palatio.** — Palais. Palatio maior : Palais majeur, Grand Palais.
- Palus, Paluz.** — Marais.
- Palustre.** — Marécageux.
- Parastate.** — Contrefort.
- Parfond.** — Dans le fond, dans l'éloignement.
- Parforcer.** — Par un grand effort.
- Patenôtre.** — Billette, perle, pirouette (de chapelet ou patenôtre, servant à dire des *Pater noster* et des *Ave*).
- Patrouiller.** — Travailler malproprement.
- Péculier.** — Particulier.
- Pertuis.** — Ouverture.
- Piedestas, pied d'estat, pied de stat.** — Piédestal.
- Poisle, poille.** — Poêle. Pièce chauffée au moyen d'un poêle.
- Pondérosité.** — Pesanteur.
- Portaux.** — Pluriel de portail.
- Postique.** — Portique postérieur.
- Pourcelane.** — Pouzzolane.
- Pourfil.** — Profil.
- Pourmener.** — Promener.
- Pousteau.** — Poteau.
- Précogiter.** — Penser par avance, prévoir.
- Prémarquer.** — Marquer, fixer à l'avance.
- Prémémorer.** — Faire mention à l'avance.
- Premier que.** — Avant que.
- Pronau, pronao.** — Lanterneau au-dessus d'une voûte.
- Propine.** — Prélèvement en argent, remise.
- Protraire.** — Faire un tracé graphique.
- Protrait.** — Tracé graphique.
- Quasi.** — Presque.
- Recercher.** — Rechercher.
- Recolliger.** — Recueillir, employé aussi dans le sens de proportionner.
- Recordation.** — Souvenir.
- Rédiger.** — Transformer, employé également pour obliger à, être réduit à.
- Redonder.** — Rebondir, rejaillir.
- Rière-Voulsure.** — Arrière-voussure.
- Roborer.** — Fortifier, confirmer, même étymologie que corroborer.
- Rogneure.** — Rognure.
- Rouleau, Roulleau.** — Modillon ou mutule.
- Sauterelle.** — Équerre à branches articulées.
- Saux.** — Saule.
- Scarpelin.** — Tailleur de pierre (italien).
- Scape, Scappe.** — Listel.
- Scénographie.** — Tracé en perspective.
- Scintille.** — Étincelle.
- Scope.** — Intention (italien).
- Sédulité.** — Soin, zèle, empressément.
- Séquente.** — Suivante.
- Signamment.** — Notamment.
- Soubaissé.** — Surbaissé.
- Souloir.** — Avoir coutume.
- Sourcil.** — Attique ou fronton placé au-dessus d'une baie, comme le sourcil est au-dessus de l'œil.
(Voir Supercil.)
- Souventes fois.** — Fréquemment.
- Subsolanus.** — Vent d'est.
- Superabondant.** — Surabondant.
- Supercil.** — Attique au-dessus d'une baie.
(Voir Sourcil.)
- Surpendu.** — Suspendu.
- Strieure, Striure.** — Espace ou listel entre deux cannelures.
- Syncoper.** — Retrancher.
- Syndiquer.** — Blâmer.
- TaiMer.** — Graver, sculpter.

Tailleur. — Graveur sur bois, sculpteur.	Tournelle. — Tourelle.	Vérin. — Engin à vis et écrou pour soulever les fardeaux au moyen d'étais.
Tenie. — Listel.	Transtebre. — Transtévère, au delà du Tibre. Quartier de la ville de Rome.	Vitupère. — Blâme.
Teston. — Menue monnaie d'argent.	Trigone. — Triangulaire.	Voirement. — A la vérité.
Thuscan. — Toscan.	Trousse. — Tresse de cheveux.	Xilobate. — Stylobate.
Tien-mains. — Main-courante à laquelle on se tient de la main.	Vague. — Vide d'une baie.	Ypotrachelio. — Gorgerin. (Voir Hypotrachelio.)
Til. — Tilleul.	Verbi gratia. — Employé dans le sens de <i>par exemple</i> .	Zophore. — Courant orné de figures d'animaux.





TRADUCTION DES CITATIONS LATINES

qui ne sont pas reproduites en français dans le texte



Verbi gratia.

Par exemple.

Omnia tempus habent; tempus tacendi, et tempus loquendi.

Toute chose a son temps; il est un temps pour se taire, il en est un pour parler.

(Fol. 51, recto.)

In foro boario.

Dans le marché aux bœufs.

(Fol. 209, verso.)

Hunc tibi, Franciscus, assertas ob Palladis arteis
Secessum, vitas si forte palatia, gratæ
Diana, et Charites, et sacra vere Camœnæ.

O François, en retour de la protection que tu accordes aux arts de Pallas, cette retraite t'a été consacrée, pour quand tu voudras fuir les palais, par Diane, les Grâces et les Muses reconnaissantes.

(Fol. 250, recto.)

Si quis vestrum indiget sapientia, postulet a Deo.

Si quelqu'un de vous est à court de sagesse, qu'il en demande à Dieu.

(Saint Jacques) (Fol. 329, verso.)

Inimica amicitia.

Amitié ennemie.

Postremi dies sapientissimi.

Les derniers jours de la vie sont les plus pleins de sagesse.

(Fol. 307, verso.)

Ab operibus eorum cognoscetis eos.

Par leurs œuvres vous les connaîtrez.

(Fol. 309, verso.)

Zoïle, si quid habes mellius, vel rectius, elia,
Candidus imperti; si minus, ista feras.

Zoïle (critique envieux), si tu as quelque chose de meilleur ou de plus parfait, allons! courage! fais-nous-en part franchement; sinon, contente-toi de ceci.

(Verso du dernier feuillet.)

Hoc lex, hoc pietas, hoc vult Deus. Omnia non das
Omnibus, insigni pro bonitate sua.

Voilà ce que veut la loi, la piété; voilà ce que veut Dieu. Tu n'accordes pas tout à tous, en raison de sa bonté insigne.

(Verso du dernier feuillet.)

METEΩPIZOMENOS.

S'enorgueillissant.

(Verso du dernier feuillet.)

Ne quid nimis.

Rien de trop.

(Devise du blason de Philibert de l'Orme.)

Omnia cum tempore.

Tout avec le temps.

(Frontispice des livres de l'édition de 1626.)


Artificem doctum discrimina mille morantur
Dum celer ad palmam quærit ab arte viam.

De mille peines et mille empêchements
Est retardé l'artisan docte et sage
Qui, par son art, sçavoir et instruments,
Promptement quiert vers la palme passage.

(Autour de la vignette qui suit le prologue en forme d'advertissement du 3^e livre.)

(Traduction de Phil. de l'Orme.)

(Fol. 51, verso.)



BIBLIOGRAPHIE



Lettres et devis de Philibert de l'Orme, par l'abbé Chevalier. Paris, Techener, 1864.



Collection de Mémoires sur l'Archéologie et les Arts en Touraine, articles de M. de Grand-Maison sur Philibert de l'Orme et Chenonceaux.



Les grands Architectes français de la Renaissance, par Adolphe Berty. Paris, Auguste Aubry, 1860. Cet ouvrage contient l'instruction de M. d'Ivry, dict de Lorme.



Philibert de l'Orme, par M. Marius Vachon (*Les Artistes célèbres*). Librairie de l'Art. Paris, Rouam, Londres, Gilbert Wood, 1887.



De l'Orme, architecte lyonnais, par Flacheron. Lyon, 1814.



Bulletin de la Société académique d'Architecture de Lyon.



Dictionnaire historique d'Architecture, par Quatremère de Quincy. Paris, Adrien Le Clerc, 1832.

Notice sur un faux portrait de Philibert de L'orme, par M. Courajod, dans les Mémoires de la Société des Antiquaires de France.



Entretiens sur l'Architecture, par Viollet-le-Duc. Paris, Morel, 1863.



Histoire et caractère de l'Architecture en France, par M. Léon Château. Paris, Morel, 1864.



Monographie du Château d'Anet, par M. Pfnor. Paris, Morel, 1865.



Revue de l'Architecture et de Travaux publics, par M. César Daly. Différents articles indiqués à la table générale. Paris, Ducher et C^{ie}, 1874.



L'Architecture de la Renaissance, par M. Léon Palustre (Bibliothèque de l'Enseignement des Beaux-Arts). Paris, Librairies-Imprimeries réunies, 1892.



Topographie historique du vieux Paris, par Adolphe Bertz. Paris, 1885, Imprimerie Nationale.



VARIANTES



Comme nous l'avons dit plus haut, notre reproduction est faite d'après l'édition primitive de 1567-68 ; l'exemplaire qui a servi à l'exécution des fac-similés contient, en plus des neuf livres de l'*Architecture*, le 1^{er} et 10^e livre, et le 2^e et 11^e livre, consacrés aux *Nouvelles inventions pour bien bastir et à petitx frais*, qui avaient déjà paru antérieurement (1561), à Paris, chez *Féderic* (sic) *Morel*, rue Saint-Jean de Beauvais, au Franc Meurier.

Les éditions postérieures contiennent quelques variantes que nous allons détailler.

1^{re} Édition du premier tome de l'*Architecture*, de 1576. Paris, *Hiérosme de Marnef* et *Guillaume Cavillat*, au Mont Saint-Hilaire, à l'enseigne du Pélican.

C'est une reproduction presque textuelle de l'édition de 1567 ; les légères variantes qu'on y remarque ne sont que des erreurs de composition ne méritant pas la peine d'être signalées en détail.

2^e Édition de 1626. Paris, chez *Regnauld Chaudière*, rue Saint-Jacques, à l'Escu de Florence.

Cette édition, comme celle de 1576, contient les œuvres complètes en 11 livres ; on y remarque les changements suivants :

Le titre a été augmenté et se trouve ainsi composé, comme on peut le voir dans la reproduction en fac-similé :

« Architecture de Philibert de l'Orme, conseiller et aumosnier ordinaire du Roi et
« abbé de Saint-Serge-lez-Angers.

« Œuvre entière, contenant onze livres, augmentée de deux, et autres figures
« non encore vües, tant pour dessins qu'ornements de maisons.

« Avec une belle invention pour bien bastir et à petitx fraiz.

« Très utile pour tous Architectes et Maistres-Jurez, au dit art, usans de la
« règle et compas. »

« Dédiée au Roi. »

L'épître dédicatoire : *Au Roy*, semblerait s'adresser à Louis XIII, qui régnait alors; il n'en est rien. C'est la reproduction exacte de la dédicace datée du « *VIII^e jour de septembre MDLXI* », mise en tête du premier ouvrage publié par Philibert de l'Orme, en 1561, *Nouvelles inventions pour bien bastir et à petitx fraiz*; elle s'adresse donc en réalité à Charles IX, et le « *feu roi, vostre très honoré père* », dont il est question au commencement de cette dédicace, est par conséquent Henri II.

Nous reproduisons cette intéressante préface.

Cette édition ne contient pas l'épître : « *A très vertueuse et très illustre dame, Madame Catherine, Royne de France, mère du Roy très chrétien Charles IX^e de ce nom* », qui précédait le texte de 1567-68.

Les quelques différences de texte qui existent dans cette édition sont si peu importantes qu'il nous a paru inutile de les signaler.

En fin de volume on ne trouve plus : « *Quelques advertissements aux lecteurs* », ni : « *Quelques choses dignes de corriger* », qui étaient dans l'édition de 1567-68.

A la fin du livre huitième il a été ajouté dix planches nouvelles dont la première porte la mention : « *Ces figures icy se mettent après le huictième livre.* »

Ces planches paraissent avoir été gravées d'après des dessins de Philibert de l'Orme. Deux d'entre elles reproduisent des édifices assez frustes, entourés de toute part par les flots. Ce sont sans doute des projets datant de l'époque où de l'Orme était chargé de l'inspection « *de toute la Côte et Forteresses de Bretagne* », comme il le dit dans le mémoire ou instructions de Monsieur d'Ivry.

Deux autres dessins représentent la façade et une coupe en perspective d'une « *baignerie* » ayant quelque analogie avec les bains maures. Deux autres planches sont des vues du Colisée à Rome, à l'extérieur et à l'intérieur. Ce sont des documents précieux, qui indiquent l'état de ce monument à l'époque où Philibert de l'Orme était à Rome, vers 1530. La planche suivante est une élévation de l'abside de la chapelle d'Anet. Deux autres représentent des cariatides inspirées de celles qu'on voit

dans les éditions de Vitruve publiées à Venise aux débuts de l'imprimerie, ou reproduites d'après celles que Jean Goujon avait dessinées pour l'édition française de Vitruve publiée en 1547. La dernière planche est un plan d'hôpital ou d'*Hostel-Dieu*; Philibert de l'Orme s'était occupé de deux établissements de ce genre, l'un à Anet et l'autre à Saint-Jacques-du-Haut-Pas; rien ne permet de distinguer s'il s'agit de l'un ou de l'autre.

Plusieurs autres figures ont été employées à remplir des feuilles blanches ou des bas de pages; elles sont au nombre de trente et une, en général peu intéressantes et, ne pouvant être attribuées à Philibert de l'Orme, ne méritent pas d'être reproduites.

Quelques-unes sont tirées des éditions italiennes ou françaises de Vitruve, notamment de celle publiée à Venise en 1524 (*Joane Antonio et Pietro Fratelli da Sabio*); d'autres sont extraites de l'édition française de Vitruve, *mis de latin en français par Jan Martin, pour le Roi très chrétien Henry II, avec figures et épître de Jan Goujon, studieux d'architecture. Paris, M.D.XLVII, chez Jacques Gazeau, rue Saint-Jacques, à l'Escu de Colongne.*

3° Edition de 1648. Rouen, chez David Ferrand, tenant sa boutique au bout de la rue du Bec, près le Palais.

Cette édition est une reproduction presque textuelle de celle de 1626. Après la dédicace au Roy, une autre dédicace adressée par l'éditeur D. Ferrand « *A messire Jean Louis de Faucon, chevalier, seigneur de Ris, Charleval etc., conseiller ordinaire du Roy en ses conseils d'estat et privé, Président en son Parlement de Normandie* ».

Le texte des onze livres contient quelques modifications : des mots vieilliss sont remplacés par d'autres devenus à la mode; l'orthographe a, elle aussi, suivi le goût du jour; *lecteur bèneuole* est devenu *lecteur de bon vouloir*; *suyvoient* est remplacé par *suivaient*; *voiez* par *voyez*, etc. Un grand nombre de chapitres ont eu leurs débuts modifiés; il semble que les initiales ornées aient manqué pour composer le texte et qu'on ait été obligé de le remanier pour employer les majuscules qu'on possédait. Philibert de l'Orme a commencé un grand nombre de chapitres par « *Je* ». Cet abus du pronom personnel conduisant à l'épuisement des J majuscules, il a fallu modifier les premiers mots du chapitre : on y a procédé de diverses façons; par exemple : chapitre xiv, livre IV, le texte primitif « *Je vous figureray...* » a été remplacé par « *Et pour vous figurer...* ». Au chapitre ix, livre VIII, le texte « *Je vous figure ci-après...* » est remplacé

par : « *Cy après, je vous figure...* » Il en est de même aux chapitres xii et xvii, livre VIII ; ii, vii, viii, ix, xi, livre IX, etc.

Les en-têtes des chapitres et les culs-de-lampe sont aussi remplacés par d'autres au goût du jour.

L'exécution matérielle de cette édition de Rouen, 1648, paraît être exclusivement l'œuvre de l'imprimeur, sans qu'un architecte y ait donné son concours. Nous en voyons la preuve dans le renversement de plusieurs figures, notamment celles des feuillets 187, 214, etc.

4° Éditions spéciales des *Nouvelles inventions pour bien bastir et à petitx fraiz*.

Ces éditions sont toutes des reproductions, sans modification sensible, de celle donnée par Philibert de l'Orme en 1561; les légères différences que nous avons pu relever ne présentent aucun intérêt; elles ne contiennent généralement pas le quatrième chapitre du livre deuxième dont la suppression ne s'explique pas. Nous avons reproduit ce chapitre avec les variantes, d'après l'édition de 1561. Il avait déjà été supprimé en 1567-68.



TABLE ALPHABÉTIQUE DES MATIÈRES



	Feuillet
ABATAGE DES ARBRES (Temps favorable pour l').	260 a
ÆOLIPTYLE	270 b
ANET (Château d').	
— Trompe	88 a
— Cryptoportique	125 a
— Perron	125 a
— Porte	243 b
— Entrée	246 b
— Lucarne	258 b
— Couverture	300 a
— Hôtel-Dieu	301 a
— Fenêtre de galerie	322 a
ANSE DE PANIER	318 b
APPAREIL de voute en spirale	119 a
— pour architrave	225 a
APPROVISIONNEMENT de matériaux	24 b
ARBRE (Colonnes en tronc d')	217 a
ARBRES (Qualité des)	279 b
ARCATURE sur colonnes	226 b
ARC DE TRIOMPHE	232 a
ARCS et puits de fondation	46 a
ARCHITECTE mauvais	328 a
— bon et docte	330 a
ARCHITECTES (Connaissances nécessaires aux)	40 a
ARCHITRAVE antique	213 a
— (Appareil pour)	225 a
ARÉOSTYLE	222 b
ARGENT destiné aux entrepreneurs	12 b
ARRIÈRE-VOUSSURE	64 a
AUBIER	281 b
BASILIQUE	301 b
BÉNÉVENT (Arc de)	191 a
BÉTON	48 a

	Feuillet
BIVEAU	42 b
Bois de menuiserie	29 b
— — — — —	260 a
— (Défauts et qualités des)	279 b
— de charpente	29 b
— (Choix des)	281 a
— (Conservation des)	324 b
BOULOGNE (Château de)	124 a
BOUSSOLE	42 a
BUANDERIE	42 a
BUCHER	52 a
CAPITOLE	191 a
— (Colonnes antiques près du)	192 a
CARIATIDES	221 b
CAYES	52 a
CERCES de charpente	285 b
CERCLES de fer aux colonnes en bois	217 a
CERISAI (Maison de Philibert de l'Orme, rue de la)	254 a
CHARPENTE à la Philibert de l'Orme	283 a
CHAUX	27 b
CHEMINÉES	260 a
— de Saint-Maur	261 a
CERCHE RALLONGÉE	55 a
— — — — —	287 a
CHOIX d'un architecte	8 a
— — — — —	10 a
— des bois	281 a
CINTRES	56 b
CLOAQUES	52 b
CLEF pendante	110 a
COLONNE athénienne	215 b
— engagée	215 b
— française	216 b
— en tronc d'arbre	217 a

	Feuillets		Feuillets
COLONNES par assises accusées.	219 <i>b</i>	FONTAINEBLEAU (Perron du château de). .	125 <i>a</i>
— torses	215 <i>b</i>	FORMERET.	107 <i>a</i>
COLISÉE.	197 <i>a</i>	FOUR.	273 <i>b</i>
— Ordres superposés.	202 <i>b</i>	FRANÇAIS (Ordre).	216 <i>b</i>
— Mâts du velum.	306 <i>b</i>	—	218 <i>b</i>
COMBLES à la Philibert de l'Orme.	287 <i>b</i>	FRONTON.	228 <i>b</i>
COMPARAISON des mesures antiques et modernes.	132 <i>a</i>	FUMÉE (Moyen d'empêcher la).	269 <i>a</i>
COMPOSÉ ou composite (Ordre).	201 <i>a</i>		
CONNAISSANCES que doit posséder un architecte.	10 <i>a</i>	GALBE des colonnes.	153 <i>a</i>
CONSERVATION des bois.	323 <i>b</i>	— —	143 <i>a</i>
— des vins et provisions.	53 <i>a</i>	— —	180 <i>b</i>
CONSTANTIN (Arc de).	197 <i>a</i>	GARGOUILLE.	199 <i>a</i>
CORINTHIEN (Ordre).	175 <i>a</i>	—	228 <i>b</i>
COURBES pour charpente à la Philibert de l'Orme.	285 <i>a</i>	GILLES (Vis de Saint-).	122 <i>b</i>
COUVERTURE.	30 <i>a</i>	GRANDE SALLE ou basilique.	301 <i>b</i>
CROISÉE D'OGIVE.	107 <i>a</i>		
CRYPTO-PORTIQUE.	125 <i>a</i>	HEXASTYLE.	222 <i>b</i>
CUISINE.	52 <i>a</i>		
—	273 <i>b</i>	IMITATION de la nature.	217 <i>a</i>
		IONIQUE (Ordre).	154 <i>b</i>
DECASTYLE.	222 <i>a</i>	— (Chapiteau).	206 <i>b</i>
DELIT (Pierre en).	216 <i>a</i>	INCONVÉNIENTS du fer dans les maçon- neries	282 <i>a</i>
—	218 <i>b</i>		
DESCENTE (Voûte en).	58 <i>a</i>	LEVÉ de plans.	41 <i>b</i>
— (Biaise).	60 <i>b</i>	LIBAGES.	49 <i>a</i>
DIASTYLE.	222 <i>b</i>	LIERNE.	167 <i>a</i>
DIOCLÉTIEN (Thermes de).	197 <i>a</i>	LIMOURS (Charpente du château de). . . .	296 <i>a</i>
DORIQUE (Ordre).	142 <i>a</i>	LUCARNE.	249 <i>a</i>
DORTOIR des religieuses de Montmartre. .	304 <i>b</i>	—	255 <i>b</i>
Eaux POTABLES.	9 <i>a</i>	MAISON de Philibert de l'Orme, rue de la Cerisaie, à Paris.	254 <i>b</i>
EMPLACEMENT pour bâtir (Choix d'un). .	8 <i>a</i>	MARBRES DE FRANCE.	26 <i>b</i>
ENGIN contre la fumée.	272 <i>b</i>	MARCELLUS (Théâtre de).	147 <i>b</i>
ENTABLEMENT ANTIQUE.	191 <i>a</i>	—	150 <i>b</i>
— —	209 <i>b</i>	—	151 <i>b</i>
ENTRÉE du château d'Anet.	246 <i>a</i>	MENUISERIE (Bois de).	280 <i>a</i>
ÉQUERRE (Vérification de l').	33 <i>b</i>	MESURES antiques et modernes.	132 <i>a</i>
ESTIMATION de dépenses.	24 <i>a</i>	MISE à l'échelle.	42 <i>a</i>
EUSTYLE.	222 <i>b</i>	MODÈLE en relief.	21 <i>b</i>
EXTINCTION de la chaux.	28 <i>b</i>	MODIFICATION de bâtiments anciens. . .	65 <i>a</i>
		MORTIER.	28 <i>a</i>
FACÈDES.	251 <i>b</i>	MUETTE (Château de la).	
FAÏENCE décorative.	268 <i>b</i>	— Pierres défectueuses.	49 <i>b</i>
FERS (Inconvénient des) dans la maçon- nerie.	282 <i>a</i>	— Charpente	297 <i>a</i>
FONDACTIONS.	33 <i>a</i>	— —	325 <i>b</i>
—	44 <i>a</i>		
— sur puits et arcs.	46 <i>a</i>	NATURE des pierres.	25 <i>b</i>
— dans l'eau et à la mer.	48 <i>b</i>	NIVELLEMENT.	39 <i>b</i>
FENÊTRES.	322 <i>b</i>	N.-D. DE TRANSTÈVÈRE. Chapiteaux an- tiques.	162 <i>a</i>
—	249 <i>a</i>		


TABLE ALPHABÉTIQUE DES MATIÈRES


XXIX

	Feuillets		Feuillets
OCTOSTYLE.	224 a	PORTE du château de St-Maur les Fossés.	237 a
ORDRES.	134 a	— — — — —	249 b
ORDRE composé ou composite.	201 a	PORTIQUE.	222 a
— corinthien.	175 a	— — — — —	237 a
— dorique.	142 a	POUTRES de plusieurs pièces.	309 b
— français.	216 b	PRIVÉS.	52 b
— — — — —	218 b	PROPORTIONS.	173 b
— ionique.	154 b	— — — — —	202 b
— — — — —	206 b	— — — — —	233 b
— toscan.	134 a	— — — — —	248 a
ORIENTATION des bâtiments.	13 b	PUITS et arcs de fondation.	46 a
ORNEMENTATION des façades.	19 b	PYCNOSTYLE.	222 b
— — — — —	63 b		
— des moulures.	212 b	QUADRATURE du cercle.	88 b
OUTILS de maçon, etc.	56 b	QUALITÉ des arbres.	279 b
		— des bois.	29 b
PALAIS Saint-Marc à Rome.	152 b		
PALME (Mesure).	132 a	RACINE cubique.	87 a
PANTHÉON.	229 a	RÉSISTANCE du sol pour l'assiette des fon-	
— — — — —	237 b	dations.	45 a
— * Ordre intérieur.	182 b		
— — — — —	184 b	SABLE.	28 a
— — — — —	185 b	SALUBRITÉ des emplacements pour bâtir.	9 b
— Portique extérieur.	189 a	SAINT-GERMAIN EN LAYE, galerie du roi	
— — — — —	194 a	Henry.	304 a
— — — — —	224 b	SAINT-GILLES (Vis de).	122 b
— Porte.	237 b	SAINT-JEAN DE LATRAN, colonnes torsées.	215 b
PENDENTIFS.	113 a	SAINT-LÉGER (Fenêtres du château de).	322 a
PÉRISTYLE.	222 a	SAINT-MAUR LES FOSSÉS (Château de).	
PERRON.	125 a	— Fondations.	46 a
PERSPECTIVE.	155 a	— Architrave.	225 b
— — — — —	174 a	— Façade.	250 b
PIED ANTIQUE et pied moderne.	132 a	— Entrée.	249 b
PILOTIS.	49 a	— Fenêtre.	322 a
PLANTATION des bâtiments.	20 b	SAINT-PIERRE DE ROME, colonnes torsées.	215 b
— — — — —	33 a	SAUTERELLE.	42 b
PLOMBERIE.	30 a	SOUPIRAIL.	63 a
PONT AUX ANES.	37 a	STÉRÉOTOMIE (Livre III).	52 a
PORTE du château d'Anet.	243 b	SYMMÉTRIE des façades.	49 b
PORTE sur l'angle.	72 a	SYSTYLE.	222 b
— accompagnée de colonnes.	232 b		
— corinthienne.	245 b	TAMBOURS de colonne, ornés.	219 b
— dorique.	236 b	TEMPLE de la Paix.	197 a
— de l'église Sainte-Sabine.	237 a	TEMPS favorable pour abattre les arbres.	280 a
— intérieure.	248 a	— propice pour tirer et approvision-	
— ionique.	236 b	ner les pierres.	25 a
— — — — —	238 a	TÉTRASTYLE.	222 b
— — — — —	244 b	THÉÂTRE de Marcellus.	147 b
— en tour ronde.	74 b	— — — — —	150 b
— en talus.	78 b	— — — — —	151 b
— biaise.	67 b	— — — — —	107 a
— — — — —	77 b	TIERCERON.	134 a
— du Panthéon.	237 b	TOSCAN (Ordre).	134 a
— rustique.	239 a	TORRENTS (Voisinage des).	8 b
— toscane.	238 b		

	Feuilles		Feuilles
TROMPE d'Anet	88 <i>a</i>	VILLERS-COTTERETS (Château de)	156 <i>b</i>
— carrée sur angle droit.	100 <i>a</i>	Vis (Voûte en)	120 <i>a</i>
— — sur angle obtus	103 <i>b</i>	double.	122 <i>a</i>
— rampante	106 <i>a</i>	— Saint-Gilles.	122 <i>b</i>
TRONC d'arbre (Colonne en forme de).	217 <i>a</i>	— du Belvédère, à Rome.	124 <i>a</i>
TUILERIES (Palais des).		VITRERIE.	30 <i>a</i>
— Piédestaux.	159 <i>b</i>	VOLUTES (Tracé des).	162 <i>a</i>
— —	216 <i>b</i>	VOÛTE sur croisée d'ogive	107 <i>a</i>
— Colonnes de tambours ornés.	221 <i>a</i>	— de four.	117 <i>b</i>
		— — sur pendentifs	113 <i>a</i>
VENTS (Noms et directions des).	14 <i>b</i>	— — oblongue	114 <i>b</i>
VERGIER (Château du).	249 <i>a</i>	— à la mode française	107 <i>a</i>
VIDANGE	52 <i>b</i>	— sphérique.	111 <i>b</i>
		— surbaissée sur plan circulaire.	117 <i>a</i>











LE
PREMIER
TOME DE L'AR-
CHITECTVRE DE
PHILIBERT
DE L'ORME CON-
SEILLIER ET AVMO-
nier ordinaire du Roy,
& Abbé de S.Serge
lez Angiers.

A PARIS,
Chez Federic Morel, rue
S. Jean de Beauvais .

1567.
AVEC PRIVILEGE
DV ROY.





A TRES-VERTVEVSE ET

TRESILLVSTRE DAME MADAME

CATHERINE, ROYNE DE FRANCE,

Mere du Roy treschrestien Charles

IX. de ce nom.



ADAME, ie voy de iour en iour l'accroissement du grandissime plaisir. que vostre maiesté prend à l'Architecteure, & comme de plus en plus vostre bon esprit sy manifeste & reluit, quand vous-mesme prenez la peine de protraire & esquicher les bastiments qu'il vous plaist commâder estre faicts, sans y omettre les mesures des longueurs & largeurs, avec le departiment des logis, qui veritablement ne sont vulgaires & petits, ains fort excellents & plus que admirables: comme entre plusieurs est celuy du Palays que vous faictes bastir de neuf à Paris pres la porte neufue, & le Louure maison du Roy. Lequel Palays ie côduis, de vostre grace, suiuant les dispositions, mesures, & cômandements qu'il vous plaist m'en faire. Ceux qui admirent en vous vn tant sublime & diuin esprit, côme aussi vne infinité de belles vertus heroïques, graces incôparables, & inuétions trefadmirables, ne les doiuent trouuer estranges, veu qu'elles vous sont hereditaires, & procedent (apres la celeste disposition) de la source & naturel de voz ancestres & predecesseurs: qui ont esté si excelléts en sçauoir, diuins en conseil, incomparables en pouuoir, ingenieux à inuen-ter & ordonner bastiments fort adroit, & tant affectiônez d'ay-der & fauoriser aux gents de sçauoir, qu'ils ont donné matiere aux hystoriographes & hommes doctes (ainsi que nous le mon-

E P I S T R E

strerons cy-apres) de consacrer leurs noms à perpetuelle memoire. Et sil fault que ie rapporte ce que i'en ay quelque-fois apprins estant à Florence, conformément à ce que depuis i'en ay leu, ie produiray & mettray en auant ce grand & excellent philosophe Argyropile, Grec de nation, lequel le Seigneur Cosme de Medicis surnomé Grand, pour ses vertus, munificences, & bienfaits, feit venir à Florence, & l'entretint avec treshonnestes gages (comme aussi Chrysolore) pour instruire en Grec la ieunesse, & en tous les arts liberaux. Ce qu'il feit aussi à Marfile Ficin, homme tresdocte en la philosophie Platonique, medecine, theologie, & toutes bonnes lettres. Auquel mesmes il donna vne maison à Carreggy de fort bon reuenu, & ioignant à l'une des siennes, à fin que plus commodément ledict Ficin peust conuerſer avecq luy, & communiquer de philosophie. Ie ne denombreray icy vne infinité d'autres hommes excellents en toutes lettres, & tous arts, qui ont receu de grandissimes biens, honneurs & faueurs dudit seigneur Cosme, à fin de parler du sieur Laurent de Medicis, & de son fils le sieur Pierre, qui ont vsé de mesme liberalité & faueur enuers les hommes doctes: &, entre plusieurs, enuers le susdit Marfile Ficin, Ange Politian, Chalcondile, Landin, Bapt. Mantuan, Lascaris, Marulle, Acciole, & autres innumerables, qui pour ce fait ont publié par tout le monde, publient encores, & publieront à tout iamais par leurs liures & moniments, l'incomparable liberalité, munificence, & grandeur de la maison de Medicis. Quoy oyant & voyant plusieurs Roys, princes, & grands seigneurs, tant de Italie, que d'autres nations, se desplaisoient d'estre surmontez en cest endroit par les susdicts seigneurs de Medicis: comme aussi par la diligence de laquelle ils auoient vsé, & des grands frais qu'ils auoient soustenu pour enuoyer chercher, acheter & faire venir toutes sortes de liures rares & exquis qu'on pouuoit trouuer & recouurer en la Syrie, Egypte, Grece, & autres pays estranges, par la permission du Sultan & grand Seigneur: à fin de pouoir rendre leur bibliotheque Florentine la plus belle, & plus riche de toute l'Europe. Qui fut cause que à leur imitation & exemple, le duc de Milan Sforce, Mathias Roy de Hongrie, Ferdinád Roy d'Arragon, & peu apres nostre excellent & memorable Roy François premier du nom, en feirent autant, & commencerent à appeller & entretenir les doctes, cōstruire bibliotheques, fonder colleges, & honnorablement stipendier, & salarier lecteurs publics pour instruire en toutes langues & disciplines la ieunesse. Ce que depuis a esté fort bien entretenu par vostre

D E D I C A T O I R E.

bon seigneur & mary le feu Roy Henry, & ses deux enfans & les vostres, le feu Roy François second, & Charles neuuiesme, à present regnant sous vostre bonne conduicte & sagesse. Voila Madame, voila les ailes, moiennant lesquelles plusieurs anciens Roys, Roynes, princes, princesses & grands seigneurs ont esté portez & translatez entre les astres, où ils reluisent encores, & reluiront tant que le ciel aura ses reuolutions & mouuements. Voila la vraye voye d'immortalité: voila en quoy se plaisoit & glorifioit ce puissant & belliqueux Roy Alexandre le Grand, quand il escriuit à son precepteur & maistre Aristote, qu'il auoit en plus singuliere recommandation de pouuoir gagner & attirer à soy les hommes doctes qui perpetueroient son nom, ses gestes & victoires, que de conquerir & acquerir vne infinité de villes & Royaumes perissables. Et de là vient qu'il loüoit à merueilles le preux & vaillant Achilles pour l'heur qui luy estoit aduenü d'auoir esté celebré & immortalisé par les escrits & liures de l'excellentissime poete Homere. Voila d'ocques les premiers fondemens de la felicité & immortalité de vostre maison, Madame, qui depuis ont esté fortifiez & soustenus par le seigneur Iehan de Medicis fait Cardinal en l'aage de xvij ans, & quelque temps apres Pape, surnommé Leon dixieme: par lequel ceste tant belle & incomparable bibliotheque Florentine, fondée & enrichie par ses predecesseurs (côme nous auons dit) mais, hélas! par les dissentions & guerres ciuiles depuis suruenues à Florence, presque ruinée, fut diligemment restaurée & réparée. Car ledict Leon pape n'estoit moins amateur des liures, des lettres & lettrez, que ses maieurs & ancestres: ainsi que entre plusieurs autres l'ont escrit & tesmoigné Sadolet, Bembe, & Longol, apres auoir receu plusieurs biens, honneurs, & grands faueurs de luy. Je ne veux icy oublier, Madame, que si voz susdicts maieurs & ancestres ont esté soigneux de bastir spirituellement, c'est à dire d'entretenir & auancer les hommes doctes & excellents esprits (qui est la plus haulte louange des louanges) ils n'ont aussi esté negligents de bastir materiellement tant à Florence que dehors: voire auecques vne telle magnificence, beaulté, & splendeur, qu'elle obscurcit toutes les autres. Mais de plusieurs excellentes structures qu'ils ont fait faire à leurs despens, & signamment le sieur Cosmé, aïeul & deuancier du seigneur Laurent, j'en proposeray quelques vnes, comme l'Eglise de saint Marc à Florence, en laquelle il feit dresser la librairie & bibliotheque dont nous auons parlé cy deuant: l'eglise de saint Laurent, le monastere de sainte Vadiane

E P I S T R E

dedans l'enclos de là ville : l'église de saint Hierosme avecques son abbaye au mont de Firenzolles, & le temple des Cordeliers à Mugello. Mais il fault icy noter que toutes les susdictes places & eglises ne furent seulement restaurées ou réparées par les vostres, mais bien edifiées tout de neuf, & esleuées depuis les fondements iusques au sommet des couuertures : en les accompagnant de chappelles & autels enrichiz d'ornemens fort exquis & precieux, comme aussi de toutes choses necessaires au diuin seruice. Apres ces beaux edifices sacrez ledit seigneur Cosme feit faire les bastiments de ses maisons prinées : l'une desquelles fut construite à Florence, en tel appareil, telle structure & magnificence que requeroit l'auctorité & grandeur d'un tel seigneur. Quatre autres furent basties aux enuirs de la ville, dignes veritablement d'estre plustost nommées Palays & chasteaux de Roy, que autrement. Passeray ie oultre sans escrire que ledit seigneur Cosme, meu & conduit de bon zele & pitié, feit bastir vn grand & beau hospital en la ville de Ierusalem, pour y loger les pauvres pelerins & malades, qui iroient visiter le saint Sepulchre, & le renta d'un grand reuenue. Les histoires & liures des gents doctes resmoignent que pour la construction & rente dudit hospital & des susdicts edifices, & quelques autres, il exposa la somme de quatre millions d'or, sans y compter vn milion, lequel il distribua aux pauvres necessiteux. Je ne dois icy omettre deux beaux & sumptueux colleges fondez par le seigneur Laurent de Medicis, l'un à Florence, & l'autre à Pise, ausquels les plus grands esprits & excellents hommes qui se trouuoient en Italie, & ailleurs, y furent stipendiez & honorablement receuz, à fin que par leur ayde & moien, la ieunesse eust occasion de s'exercer aux bonnes lettres & disciplines. Vous oyez, Madame, les excellentes vertus & memorables bienfaits de voz predecesseurs & ancestres, desquels vous vous declairez estre vraye & legitime heritiere, quand vous entretenez & auancez les vertueux & doctes, & aymez l'Architecture, en faisant bastir de tant magnifiques & sumptueux edifices, au grand proufit, vtilité, & emolument du bien publicque. Car, ie vous prie, quel plus grand bien peult on trouuer, ou quelle charité & pitié plus grande peult on exercer, que de faire en bastissant gagner vne myriade de pauvres gents, qui autrement iroient mendier leur pain? Quel proufit peult estre plus grand en vn Royaume, vne prouince ou ville, que d'employer, faire traualier & occuper vne infinité d'hommes, femmes, & ieunes gents, qui autrement seroient vagabonds, faincants, & peult estre larrons & voleurs, au grand detrimement, ie ne diray des villes &

DEDICATOIRE.

villages, mais aussi de tout vn pais, ainsi que Aristote en fait vn beau discours en ses Politiques, conformément à ce que son maistre Platon en a disputé. Ce trouuera il chose par laquelle lon puisse employer & occuper plus de personnes d'un chacun sexe, que en bastissant. Ce donnera il chose ou lon face continuellement & longuement plus de frais en diuerses sortes de matieres, qu'en bastissant. Qui voudra ample tesmoignage de mon dire, qu'il lise Herodote, Pline, & autres: & il trouuera, que en edifiant vne des Pyramides d'Egypte furent employez & occupez six cens mille ouuriers & maneuures par l'espace de vingt ans: & que seulement en raues, aulx & oignôs pour lesdicts ouuriers, furent exposez mille & huiët cés talents, qui valent plus d'un milion de noz écus, suyuant la supputation du docte Budé. Voila doncques, Madame, le grand bien & proufit que rapporte l'Architecture en vn Royaume, & signamment ceux qui la mettent en vsage & execution, ainsi que vostre Maiesté le sçait bien faire & fort proprement, pour la cognoissance qu'elle en a, accompagnée de bons & louables moiens pour le soulagement & ayde des pauüres, qui iouraellement & en grand nombre trauaillent à vostre palais de Paris, au grand contentement du peuple & des citoiës, qui louënt Dieu du bon vouloir & graces qu'il vous a departy, non seulement en cela, mais aussi pour le fait d'estat, & tresheureuse conduite de nostre bon Prince & Roy vostre fils, & de messieurs ses freres: côme aussi de tout le Royaume: pour la conseruation duquel si vous auez esté trauaillée, comme veritablement vous l'auetz beaucoup esté, Dieu vous a fait la grace d'en auoir eu bone & heureuse issue, apres infinis dangers, esquels vous vous estes exposée, comme la mere pour ses chers enfans. Dieu vous donnera la grace, vertu, & constance de foustenir & perseuerer de mieux en mieux, ainsi qu'il feit à la bonne & sage mere du Roy saint Loys venant ieune à la couronne de France. Mais ie crain, Madame, de vous estre moleste par vn si long discours, & vous destourner des affaires du Royaume, qui vous sont en beaucoup plus grande recommandation que mes telles quelles escritures & propos. Qui me fait deliberer de faire fin à la presente epistre, apres que ie vous auray treshumblement supplié, de me vouloir supporter & excuser, si ie prend la hardiesse de vous dedier ce present œuure, pour la grande cognoissance d'Architecture que ie voy en vous: me persuadant que pour le plaisir que vous y prenez, vous y trouuerez quelque contentement, & y verrez plusieurs inuentions & choses non accoustumées de voir, avecques leurs propres figures, demon-

EPISTRE.

strations & explications: lesquelles i'ay premeditées & trouuées non sans grand trauail d'esprit, & excessiue despenſe pour la tail le des planches, & impression du liure. De sorte que ie y ay em- ployé tout ce que i'auois peu amasser iusques icy. Considerant doncques qu'il est fort raisonnable, apres auoir dedié mes pre- mières œuures à la Maieſté du Roy Charles, mon tressouuerain Prince vostre fils, que consequemment ie vous dedie & offre, avecques toute humilité, les secondes: ie le fais icy autant affe- ctionnément, que ie supplie de-rechef treshumblement vostre Maieſté les vouloir receuoir gracieusement, & defendre contre les calomniateurs. Ce faisant, Madame, vous me donnerez cou- rage de continuer le second Tome & volume de nostre Archi- tecture, qui est Des diuines proportions & mesures de l'ancien- ne & premiere Architecture des peres du vieil testament, accom- modées à l'Architecture moderne. Lequel volume ie mettray en lumiere, moyennant la grace de Dieu, quand il vous plaira le me commander.

A Paris, le xxv. iour de Novembre, M.D. LXVII.

*De vostre Maieſté le treshumble & trespobeissant
subiect & seruiteur,*

PHILIBERT DE L'ORME.

TABLE OV EXTRAICT

ET RECVEIL DES PRINCIPALES

MATIERES CONTENVES EN VN CHA-
cun chapitre & discours de tous les liures du
present œuure. La lettre a, signi-
fie page premiere, &
b, seconde.

PREMIER LIVRE.

PREFACE accompagnée de singuliers aduerrissemens pour ceux
qui legerement entreprennent de bastir sans l'aduis & conseil des doctes
Architectes, & des fautes qu'ils commettent, & inconueniens qui en
aduiennent. Fueillet 6, a.

CHAP. I. Certaines considerations & preuoyances desquelles doiuent vsr
ceux qui desirent faire bastiments, à fin qu'ils ne soient mocquez, & n'en
regoiuent dommage avec desplaisir. 7, b.

II. De l'estat & office de celui qui ueult faire bastir, comme aussi de l'Ar-
chitecte, & quelle assiette ou aspect doiuent auoir les logis, & de quoy il
les fault accompagner, semblablement de la nature des eaux & de l'air. 8, b.

III. Qu'on doit choisir un expert Architecte, & de quelles sciences il doit
estre accompagnè, & que sa liberrè doit estre exempte de toute contrainte
& subiection d'esprit. 10, a.

IIII. Pour quelles personnes se doit employer l'Architecte, & comme il se
doit garder d'estre trompè ou empesché à ses entreprises. 11, b.

V. L'Architecte ne deuoir manier l'argent de ses entreprises, ne se rendre
comptable. 12, b.

VI. Que l'Architecte doit auoir cognoissance des quatre parties du monde,
& des vents qui en procedent; à fin de bien planter son logis, & l'accômo-
der à la sante des habitans, & reserue des prouisions de la maison. 13, b.

VII. Ordre, lieu, & qualité des huit uents qui nous sont familiers, & com-
me l'Architecte sen doit ayder pour bien tourner les bastiments, à fin de
les rendre salubres & commodes en toutes leurs parties. 14, b.

VIII. Les beaux ornemens, belles façons & enrichissemens des logis n'estre
tant necessaires que la bonne situation d'iceux, & ouuerture bien accom-
modée aux uents. 19, a.

IX. Instruction pour l'Architecte quand il est contrainct de plâter ou tour-
ner son logis autrement qu'il n'appartient, & contre la raison des uents, &
commodité de l'air. 20, b.

X. L'Architecte deuoir manifester ses inuentions par desseings & pour-
traicts, tant des plates-formes & montées, que autres, & signamment
par vn modele qui representera au naturel tout le bastiment, & logis
pretendu. 21, b.

XI. Qu'il ne se fault arrester à vn seul modele de tout l'œuure & bastiment,
mais bien en faire plusieurs concernans toutes les principales parties de l'e-
6

TABLE DES PRINCIPALES MATIERES

	disce, & des grandes commoditez qui en prouieront.	22, b.
XII.	Pour cognoistre combien pourra couster l'edifice que uous uoudrez faire bastir, & ce par le moien d'un modele qui en sera legitimemēt fait.	24, a.
XIII.	Qu'il conuient faire bonnes prouisions de toutes sortes de matieres necessaires, premier que de commencer à bastir, à fin que l'edifice se paracheue sans discontinuation.	24, b.
XIII.	En quel temps il fault faire prouisions de pierres, & les tirer des carrieres: semblablement cōme il les fault choisir & mettre en œuvre, & aussi pour cognoistre leur bonté.	25, a.
XV.	Des pierres de marbre qui se trouuent en France fort bonnes, sans en faire uenir des pays estranges.	26, b.
XVI.	De la chaux & pierres propres pour la faire, & de quel sable & caues il fault vser pour preparer les mortiers, avecques la difference & nature desdicts sables.	27, b.
XVII.	Maniere de bien destremper la chaux, tant pour durer long temps en œuvre, que pour estre longuement & seurement gardée, & de l'usage d'icelle pour les peintres.	28, b.
XVIII.	Des prouisions de boys, tant pour la charpenterie que menuiserie, & des terres pour la brique, carreaux, tuilles & autres: semblablement des serrures, clefs, & ferrures.	29, b.
XIX.	Du vitrier, plombier, couvreur, & autres artisans necessaires pour fournir les matieres de leur estat pour l'accomplissement du logis.	30, a.

DE VXiEME LIVRE.

	Prologue en forme d'aduertissement, ou il est traité de la premiere figure de Geometrie, qui sont deux lignes s'entrecroisants & faisant angles droicts en forme du caractere de la croix, qui est le commencement pour faire toutes œuvres quelles qu'elles soient, & sans lequel caractere on ne scauroit rien faire.	31 & 32.
I.	Comme lon peut trasser les fondements d'un bastiment par le moien d'un perpendicule au bout d'une ligne droicte.	33, a.
II.	La maniere de examiner & amender vne equierre.	36, a.
III.	Comme deux lignes perpendiculaires estant tirées sur les bouts d'une droicte au contraire l'une de l'autre, & si vous voulez l'une dessus, & l'autre dessous, monstrent à diuiser toute ligne de longueur en tant de parties egales que uous voudrez par nombres impairs.	38, b.
IIII.	La forme d'un nyneau sur la figure d'un triangle equilateral, & comme il sen fault ayder pour dresser les plans des edifices qu'on voudra bastir, & cognoistre les pantes d'un pays, ou amasser les eaues pour s'en seruir ayder, ou garder qu'elles ne nuysent.	39, b.
V.	L'usage & pratique du precedent nyneau triangulaire, avec l'explication de ses parties.	40, b.
VI.	La composition & usage d'un triangle equilateral, duquel on se peut ayder pour prendre tous destours & toutes sortes d'angles, soient droicts, pointus, obtus, ou de quelque façon que ce soit: comme aussi pour mesurer	

CONTENUES AV PRESENT OEUVRE.

- instement une nulle, chasteau, ou autre place, avec ses destours, à fin d'en pouvoir représenter sur papier, ou parchemin, la urayè forme & figure, avec ses mesures. 41, b.
- VII. Quelles largeurs & espsseurs sont requises aux fondements selon les grosseurs & hauteurs des murs qu'on aura à faire, avecques l'ordre & façon qu'on y doit garder pour l'assurance du logis & des habitans. 44, a.
- VIII. Pour cognoistre la fermeté d'un fondement, & des terres qui sont bonnes à fonder. 45, a.
- IX. La façon d'amender un fondement quand on ne trouue terre ferme pour le bien assurer. 45, b.
- X. Belle inuention pour cognoistre si un fondement sera meilleur estant creusé & fouillé d'auantage. 46, b.
- XI. Comme c'est que à faulte de grandes pierres on doit remplir les fondements pour edifier, soit pour ponts sur riuieres, pour ports de mer, pour construire sur paluds & autres lieux aquatiques. 48, a.
- XII. Maniere de remplir les fondements d'un edifice, ne se presentant commodité de trouuer cailloux, ou grauois de riuere pour y proceder comme dessus: & des incommoditez qui suruiennent pour n'y auoir assés les pierres proprement, & ainsi qu'il appartient. 49, a.

TROISIEME LIVRE.

- Prologue en forme d'aduertissement touchant la prudence qui doit estre aux Architectes, & les qualitez qui leur sont requises. 50, & 51.
- I. Des parties & membres des logis qui se doiuent faire dedans les terres entre les fondements: comme sont caues, celiers, & autres: ensemble quelles ouuertures & uenès on leur doit donner. 52, a.
- II. Qu'il fault pour la santé & conseruation des habitans (pendant qu'on est encores bien pres des fondements) preparer lieux pour faire escouler la vyndange des cuisines, priuez, cloaques, baigneries, & autres lieux im-mundes, à fin que les excremens ne demeurent & croupissent aux mai-sons. 52, b.
- III. De la façon, disposition, & situation des caues, & comme il fault fai-re leurs voultres pour y garder les uins seurement & sainement, sembla-blement les huyles, les lards, les formages, & toutes autres prouisions de maison. 53, a.
- IIII. Declaration d'aucuns instrumens desquels les ouuriers s'aydent, à fin que en lisant les chapitres & discours des traicts Geometriques on les puis-se mieux entendre. 54, b.
- V. Des traicts Geometriques qui monstrent comme il fault tailler et coup-per les pierres pour faire les portes et descentes des caues et estages qui sont dedans les terres, comme cuisines, estuues, baigneries, & semblables, ou lon ne peut aller à nyueau, & y fault descendre. 58, a.
- VI. Des traicts pour la descente biaise & droicte par le deuant des caues, ou lon voit comme il fault leuer les paneaux, tant pour traßer les doyles, iointis & commissures, que pour ceux de la voulte de toute la caue, avec-

TABLE DES PRINCIPALES MATIERES

	ques les doyles & voultres de la descente.	60, a.
VII.	Des souspiraux & fenestres des canes, celiers, prieux, cuisines, garde-manger, estunes & baigneries: & en ce mesme chapitre se voient les traicts de deux voultures reiglées, droictes par le deuant, & voultres surbaissées par le dedans.	63, a.
VIII.	L'artifice des traicts Geometriques servir quand on veult faire d'une maison, ou de deux mal commencées ou imparfaites, (soit uieil logis, ou autrement) une belle & parfaite maison, en accommandant tous les membres & parties du uieil edifice avec le neuf.	65, a.
IX.	L'artifice des traicts Geometriques servir pour faire une porte, laquelle sera biaise par moitié, ou du tout, qui voudra: pareillement pour faire une voultre qui s'accommodera à un grand passage d'un logis, ou à quelque pont.	67, b.
X.	D'une porte biaise & quarrée par les deux costez.	69, b.
XI.	Pour faire une porte biaise par reste, ou quelque voultre qu'on auroit à faire droicte sur le deuant, & erigée sur une muraille qui va obliquement, avec bel artifice.	71, a.
XII.	De la porte & voultre sur le coing qui se peult faire sur un angle de bastiment, soit droit ou obtus, comme il uient à propos.	72, b.
XIII.	Pour faire le traict d'une porte qui sera ronde par le deuant, creuse par le dedans, & ronde par le dessous, pour l'ouuerture d'une maison, ou d'une voultre faicte sur la muraille d'une tour ronde.	74, b.
XIII.	Pour faire porte ou voultre sur une tour ronde biaise.	77, b.
XV.	De la porte sur la tour ronde & voultre qui se peult faire en talus, & en diuerses autres sortes.	78, b.
XVI.	Le traict d'une porte sur un angle obtus, ronde d'un costé, & creuse en dedans, l'autre moitié droicte sur la ligne oblique, & biaise des deux costez.	80, b.
XVII.	Comme lon peult faire deux portes, ou deux passages & entrées en une seule dans une forme ronde par le dedans, & quarrée par le deuant, pour oster les subiections & imperfections d'un logis.	82, a.
XVIII.	Comme lon peult faire en autre sorte sur la forme d'un triangle equilateral, trois entrées ou trois portes, estats leurs voultres reduictes en vne seule porte.	84, b.

QUATRIEME LIVRE.

Prologue accompagné de plusieurs bons aduertissemets, auquel on voit comme la cognoissance de Geometrie & Arithmetique est tres-necessaire à l'Architecte.

I.	De la voultre & trompe que i'ay ordonnée & faict faire au chasteau d'Annet pour porter vn cabinet, à fin de l'accommoder à la chambre ou logeoit ordinairement la maiesté du feu Roy Henry.	86 & 87.
II.	Le plan de la trompe & saillie du susdict cabinet du Roy, estant suspendu en l'air, & cōme il fault faire voultres & trompes semblables.	88, a.
III.	La façon par laquelle on pourra entendre le traict de la trompe du	89, b.

CONTENUES AV PRESENT OEUVRE.

- chasteau d'Annet, & leuer les panneaux pour couper les pierres applicables en œuvre, quand il viendra à propos. 92, a.
- IIII. Autre figure & demonstration du plan & traict de la trompe du chasteau d'Annet, avec les lignes de pente, lignes ralongées, & panneaux de doile, ou vous auez la façon comme il fault faire & trouuer tous les panneaux de doile, de reste & de ioints, avec vn abrégé bien intelligible pour couper les pierres d'une trôpe, semblable à celle qui est au chasteau d'Annet. 96, a.
- V. Comme lon doit proceder à faire la trompe quarrée sur vn angle droit, pointu ou obtus, appelée des ouuriers La trompe sur le coing. Sur laquelle on peut eriger & planter par le dessus un cabinet, voire une chambre, ou garderobbe, ou ce qu'on uoudra, en forme quarrée, ou bien oblongue, & tant large & longue qu'on desirera, estant toute suspendue en l'air. 100, a.
- VI. Description de la trompe qui aura un angle obtus par le deuant, & sera la moitié ronde, & l'autre moitié droicte. 103, b.
- VII. Le traict de la trompe rempante, creuse & cœcave par le deuant, estant plus haulte d'un costé que d'autre, & aussi surbaissée. 105, b.
- VIII. Des voultres modernes, que les maistres maçons ont accoustumé de faire aux eglises & logis des grands seigneurs. 107, a.
- IX. D'une autre sorte de voultre moderne pour une eglise, laquelle est faicte au droit du grand autel, vulgairement appelée crouppe, ou bien cueur d'eglise. 109, a.
- X. D'une voultre à croisée d'ogives ayant une clef suspendue. 110, a.
- XI. D'autres sortes de voultres pour appliquer aux eglises, ou autres lieux qu'on uoudra: & premierement de celle qui est pratiquée & faicte sur la forme spherique. 111, b.
- XII. De la voultre de four quarrée sous forme de pendentif, estant d'autre sorte que la precedente. 113, b.
- XIII. Encores d'une sorte de voultre spherique qui sera oblongue, & nō point quarrée (comme celle de ci-deuant) c'est à dire plus longue que large, & toutefois faicte en pendentif. 114, b.
- XIIII. De la voultre spherique & à four, sous la forme d'un triangle equilateral. 116, a.
- XV. Le trait et figure d'une voultre toute rōde et surbaissée en façon de four. 117.
- XVI. La façon d'une voultre pour couvrir une tour ronde, ou le dessus d'une vis en forme d'une coquille de limaçon. 119, a.
- XVII. Des montées de uiz pour seruir aux estages des sales, chambres, & galeries des bastiments, & mesmes d'un quartier de uiz suspendu. 120, a.
- XVIII. De la montée & uiz double ayant chacune marche faicte de plusieurs pieces pour satisfaire au lieu ou ne se trouuent point de pierres longues pour faire chacune marche d'une pierre ou de deux. 122, a.
- XIX. Autre sorte de uiz & montée qui peult estre uoltée entre le noyau & les murailles qui ferment la uiz, & sera une voultre toute droicte qui uoudra, ainsi que lon fait la voultre sur le noyau au plus hault de la uiz, ou bien rempante pour porter les marches, comme est la uiz saint Gilles, ainsi qu'on la nomme. 123, b.
- XX. Le traict d'une autre sorte de uiz & montée rempante, en façon de la

TABLE DES PRINCIPALES MATIERES

	viz saint Gilles.	126, a.
X XI.	Le trait d'une montée & eschelier, ou viz quarrée faicte en forme de la viz saint Gilles.	127, a.

CINQUIEME LIVRE.

	Prologue contenant l'inuention, ordre, parties, mesures, & noms des colonnes: & comme lon s'en seruoit anciennement: & des premiers qui les ont apportées à Rome, selon Pline.	129, a.
I.	Des mesures desquelles nous auons vsé, & nous sommes aydex en mesurant & recherchant les antiquitez en diuers pays, & premierement du pied antique & palme Romain.	131, a.
II.	Des mesures des Grecz, Geometriens, & aussi de plusieurs autres.	132, b.
III.	De certaines marques & caracteres des mesures lesquelles nous employons & faisons seruir en ce present auure d'Architecture.	133, b.
IIII.	De la colonne Thuscane, & de ses parties, ornemens, & mesures.	134, a.
V.	De la base, ou basse (ainsi que plēt les ouuriers) de la colōne Thuscane.	136, a.
VI.	Du chapiteau Thuscane, & ornement de ses parties.	136, b.
VII.	De l'epistyle, frise, corniche, & architraue de la colōne Thuscane.	137, a.
VIII.	Encores de la colonne Thuscane, & de ses mesures selon nostre aduis, et comme lon y doit proceder.	137, b.
IX.	Du chapiteau de la colonne Thuscane.	139, b.
X.	De l'architraue, frise, & corniche Thuscane.	140, a.
X I.	De la colonne Dorique, & de ses mesures, ornemens, & parties.	142, a.
X II.	D'une sorte de stylobate, ou pied de stat Dorique.	143, b.
X III.	Encores d'une autre sorte de pied de stat Dorique.	144, a.
X IIII.	Du chapiteau Dorique, & de la mesure de ses parties.	144, b.
XV.	De l'epistyle Dorique, cōme aussi de ses parties & triglyphes.	145, a.
XVI.	D'une autre sorte de pied de stat retiré des antiquitez.	146, a.
XVII.	Encores du chapiteau, epistyle, metopes, triglyphes, & couronne de l'ordre Dorique. Le tout mesuré & décrit apres les antiquitez du theatre de Marcel à Rome.	147, b.
XVIII.	De l'epistyle, triglyphes & couronnes de l'ordre Dorique trouuez aux colonnes du theatre de Marcel à Rome.	148, b.
XIX.	D'autres parties de la colonne Dorique du theatre de Marcel, & de son chapiteau, racourcy en perspectiue, estāt accōpagné d'architraue.	150, a.
XX.	Autre sorte de chapiteau Dorique.	151, b.
XXI.	D'une sorte de corniche Dorique retirée d'un marbre fort antique.	152, b.
XXII.	Encores d'autres ornemens de la corniche Dorique.	153, b.
XXIII.	De l'ordre et mesure des colōnes Ioniques, & de leurs ornemens.	154, b.
	Aduertissement sous forme d'une petite digression, ou il est parlé des colonnes du palais de la maiesié de la Roync mere, faicte à l'ordre Ionique, & la raison pourquoy.	155, b.
XXIIII.	Comme doiuent estre faictes les basses Ioniques, et de leurs mesures.	156, b.
XXV.	Des mesures et proportions du stylobate, ou pied de stat Ionique.	157, b.
XXVI.	D'une sorte de pied de stat Ionique, retiré & mesuré apres vn antique, avec la basse de sa colonne.	160, a.
XXVII.	Des mesures du chapiteau Ionique, & la façō de faire ses volutes.	162, a.

CONTENUES AV PRESENT OEUVRE.

	Aduertissement fort digne de noter pour les façons des volutes & ornements appliquez aux chapiteaux Ioniques.	164, a.
XXVIII.	Figure & dessein de la moitié d'une volute qu'on doit faire par les costez des chapiteaux Ioniques.	165, a.
XXIX.	Autre sorte de volute fort belle & elegante.	165, b.
XXX.	De l'ordre & mesure de l'epistyle, frise & corniche de la colonne Ionique, suivant nostre inuention, extraicte des anciennes & diuines mesures & proportions de l'escriture sainte.	166, b.
XXXI.	D'une autre sorte de chapiteau, architraue, frise, & corniche, mesurez apres les edifices antiques, sans grands ourages.	170, a.

SIXIEME LIVRE.

	Preface accompagnée de singuliers aduertissements.	173, a.
I.	De l'inuention et origine de la colonne Corinthienne, et de son chapiteau.	175, a.
II.	Des mesures de la colonne Corinthienne, tant en son corps, que membres & parties.	175, b.
III.	Du chapiteau Corinthien.	179, a.
IIII.	Particulieres descriptions de quelques colonnes & ornemens antiques, & en premier lieu des colonnes du Pantheon de Rome.	180, b.
V.	Des colonnes & ornemens qui sont aux tabernacles & petites chapelles du susdit Pâtheon, appellé à Rome nostre Dame de la Rotonde.	184, a.
VI.	Mesures des colonnes du portique du Pâtheon, comme aussi de leurs basses, chapiteau, architraue, frise, & corniche.	186, b.
VII.	D'autre sorte de colonnes Corinthiennes, pour monstrier la difference de leurs mesures & proportions.	190, b.
VIII.	Des trois colonnes que lon voit à Rome pres l'eglise de S. Cosme & S. Damian, avec leurs ornemens de l'ordre Corinthien.	192, a.
	Petite digression accompagnée de quelque aduertissement.	194, b.
IX.	De l'Architraue, frise & corniche des susdictes trois colonnes qui sont pres de saint Cosme & de saint Damian à Rome.	195, a.
X.	D'autre sorte de corniche Corinthienne, retirée avec ses mesures, des antiquitez de Rome, & notez que le chapitre doit estre signé X.	197, a.
XI.	D'une autre fort belle corniche antique, & de sa mesure tres admirable, avec la haulteur de sa frise, & dimension de l'architraue telle que vous uerrez. Et notez que le chapitre doit estre signé XI.	198, b.

SEPTIEME LIVRE.

	Bref discours sous forme de preface touchant l'inuention des colonnes de l'ordre composé, & de la difference qu'elles ont avec les autres.	201, a.
I.	Des ornemens des colonnes de l'ordre composé.	202, a.
II.	Du pourfil & ornement d'une basse de l'ordre composé, avec le discours du plan & montée d'un chapiteau du mesme ordre.	204, a.
IIII.	D'un chapiteau de l'ordre composé, et la mesure de ses membres et pties.	205, a.
IIII.	D'une autre sorte de chapiteau Ionique, seruant à l'ordre composé, & premierement de son plan.	207, a.
V.	De la montée dudit chapiteau.	207, b.
VI.	Chapiteaux composez & extraicts de l'ordre Dorique.	209, a.
VII.	Corniche composée participât de la Dorique, Ionique, et Corinthienne.	209, b.

TABLE DES PRINCIPALES MATIÈRES

VIII.	D'une autre sorte de corniche et architraue, composée des trois ordres.	210, b.
IX.	Aduertissement sur les corniches qui seruent à l'ordre composé.	212, a.
X.	Des ornemens des corniches, & d'autres sortes de moulures.	212, b.
	Bref aduertissement & discours sur les colonnes Atheniennes.	215, a.
XI.	Des colonnes faictes de pieces & plusieurs assiettes, qui ne sont que la moitié, ou les deux parts plus ou moins hors les murs, & comme elles ont esté faictes tant pour la decoration & ornement des murs, que pour fortifier les murailles.	215, b.
XII.	D'une sorte de colonnes suyuant l'antique & premiere façon extraicte des troncs des arbres.	217, a.
XIII.	Qu'il est permis, à l'exemple des anciens, d'inuenter & faire nouvelles colonnes ainsi qu'en auons fait quelques vnes, appellées colonnes Françoises.	218, b.
XIII.	Des portiques & distributions des colonnes lesquelles on applique ensemblement ausdicts portiques & peristyles, ou autres lieux, suiuant l'opinion de Vitruue, & la nostre.	222, a.
XV.	Côme il fault faire les epistyles, ou architraues, aux portiques & peristyles, quand lon est contrainct de faire plus larges les entrecolumnemens, que ne portent les mesures qui ont esté cy deuant proposées.	225, a.
XVI.	D'autre sorte de portique noulté sur les colonnes.	226, b.
XVII.	Comme lon doit plâtrer un ordre Thuscan de quatre colonnes, soit pour vn portique d'eglise, ou bien pour un palais, ou autre edifice.	227, a.
XVIII.	D'une autre sorte de portique de l'ordre Corinthien.	228, a.

HUITIEME LIVRE.

	Prologue portant forme d'aduertissement.	231, a.
I.	D'un arc triumpfal retiré des antiquitez de Rome, pour monstrier par exemple comme il fault distribuer les colonnes aux ornemens des grandes portes & entrées.	232, a.
II.	Autre inuention pour les distributions des colonnes aux grandes portes & entrées, suiuant les nombres & mesures des diuines proportions, desquel les nous nous voulôs ayder, ainsi que i'ay dit plusieurs fois.	232, b.
III.	Autre sorte de mesures, nô seulement pour les arcs triumpaux & grâdes portes de uilles, mais aussi pour les principales entrées & portes des eglises, temples, chasteaux, palais, & simples maisons, esquelles on se peult ayder de plusieurs sortes de mesures, tant belles que lon en aura affaire.	233, b.
III.	Autre moyen pour trouuer promptement les mesures d'une porte, avec les ornemens de ses colonnes.	235, a.
V.	D'une sorte de porte de l'ordre Dorique, & Ionique, suiuant l'opinion de Vitruue.	236, b.
VI.	De la porte Ionique selon Vitruue.	238, a.
VI.	D'une porte de l'ordre Thuscan & façon rustique, portant un balcon par le dessus.	238, b.
VII.	Des portes Doriques.	240, a.
VIII.	D'une porte composée, ou de deux ornemens de portes en vne seule.	241, b.
IX.	Porte quarrée et droite par sa conuerture, d'une inuention tresbelle.	242, b.

CONTENUES · A V · PRESENT OEUVRE.

En ensuyuant il y a encores vne autre belle porte qui fut faicte pour l'entrée des orengiers d'Annet.

- X. D'une porte de l'ordre Ionique.
- XI. D'une porte Corinthienne.
- XII. De la grande porte & principale entrée du chasteau d'Annet.
- XIII. Des portes que lon doit faire au dedans des logis pour entrer aux sales, chambres, garderobbes, galeries, & autres lieux. 247, a.
- XIII. Des fenestres croisées pour les sales et châbres, et aussi des lucarnes. 249, a.
En ce chapitre vous trouuerez la moitié d'une face du logis de S. Maur des fosses, du dedans de la court, ainsi qu'elle fut faicte du temps de feu monsieur le Cardinal du Bellay.
- XV. Encores d'une face de maison laquelle auoit esté faicte autrefois par l'auteur, pour appliquer par le dehors du susdit chasteau de saint Maur des fosses. 251, a.
- XVI. D'une sorte de fassade de bastiment, pour voir cōme les fenestres se peuvent appliquer. 251, b.
- XVII. Autre face de maison monstrant comme lon y peut appliquer les fenestres & portes, sans aucunes colonnes & piliers, ouy bien leurs corniches & ornemens pour les entablemens. 252, b.
En ce mesme chapitre l'auteur descriit & monstre les deux faces d'une maison qu'il a fait edifier pour soy: l'une du costé de la court, & l'autre du costé des iardins. Et encores vne autre face troisieme, pour un corps d'hostel qu'il deliberoit faire sur le deuant de la rue de la Cerisaye à Paris: estant le tout propose par maniere d'exemple, & pour monstrier comme lon doit appliquer les fenestres & portes.
- XVIII. Des fenestres appellées lucarnes, que lon applique au dernier estage, comme aux chambres & logis, que lon fait aux galetas. 255, b.
- XIX. Autre sorte de lucarnes rondes, ou bien faictes en arceau. 256, a.
- XX. Singulier aduertissement sur les fagons des lucarnes. 257, a.

NEVFVIERME LIVRE.

Prologue portant aduertissement pour remedier aux cheminées qui fument dans les logis, & la cause pourquoy elles fument. 259, a.

- I. Des cheminées pour les sales, châbres & garderobbes en general. 260, a.
 - II. De certaines mesures des cheminées tant pour leurs manteaux, corniches, frise & architrave, que pour les pieds droicts. 261, b.
 - III. D'un ornement de cheminée qu'on pourroit faire en vne grande sale royale, ou autre de quelque grand prince, & seigneur. 263, a.
 - III. Des cheminées pour les châbres en particulier, & par le menu. 264, a.
 - V. Des ornemens des cheminées lesquels on peut faire depuis le dessus de la corniche des manteaux, iusques au plancher. 264, b.
 - VI. Des cheminées pour les garderobbes. 267, a.
 - VII. Singulier moien pour empescher que les cheminées ne rendent fumée dedans les maisons. 267, b.
- Petite digressio pour plusieurs cheminées ensemblemēt accumulées. 269, a

TABLE DES CHAPITRES

VIII.	<i>Autre façon & inuention pour garder de fumer dans les logis.</i>	270, b.
XI.	<i>De quelques sortes d'ornemens de cheminées par dessus les couuertes des maisons, avec plusieurs remedes contre la fumée, autres que les precedents</i>	271, b.
X.	<i>Autre inuention & engin contre les fumées</i>	272, b.
	<i>Aduertissement pour ce même effet.</i>	273, a.
XI.	<i>Vne sorte de cheminée estant accompagnée de fours, & propre pour les maisons ausquelles on fait grandes cuisine.</i>	273, b.
XII.	<i>Autre sorte de grande cheminée, avec le moyen de faire euacuer les fumées par le dessus des couuertes, quand elles sont fort grandes, pour la quantite des feuz & marmittes dont lon pourroit auoir affaire pour nourrir vn grand nombre d'hommes.</i>	275, b.
XIII.	<i>Autre meilleur moyen pour garder de fumer dedans les logis toutes sortes de cheminées avecques vne petite digression accompagnée de bons aduertissemens.</i>	278, a.
	<i>Conclusion du present œuvre, avecques certaines instructions sur l'antreprise & fait des bastiments. Le tout accompagné de belles histoires & figures morales.</i>	279, b.

DIXIESME LIVRE

P OUR cognoistre les bons arbres en la forest, & comme il les faut sçauoir choisir	280
<i>Quels arbres sont commodes pour ceste Inuention: & desquels on se pourra ayder deormais en diuerses sortes pour edifices.</i>	281
<i>Comme il faut proceder à faire la charpenterie de ceste Inuention, avecques aduertissemens des fautes qu'on fait aux bastiments, tant pour le fer que lon y employe, que pour les pierres mal mises en œuvre.</i>	281, b.
<i>La figure & demonstration est</i>	283
<i>Comme les courbes & hemicycles pour faire les combles se commencent à assembler sur les murs.</i>	283, b.
<i>La figure de ce.</i>	284
<i>La façon de cognoistre plus facilement les pieces comme elles se doiuent tailler & assembler pour faire l'hemicycle & courbe de ceste nouvelle Inuention.</i>	284, b.
<i>La figure & demonstration.</i>	285
<i>Comme les pieces des courbes se monstre nt quand elles sont toutes assemblees en leur hemicycle, avec leurs liernes.</i>	285
<i>Les figures & demonstrations.</i>	285 & 286
<i>Comme les hemicycle, liernes, & diagonales, quand on veut faire des croupes aux couuertes, se monstrent en leur plan entre les murs.</i>	286
<i>La figure & demonstration.</i>	287
<i>Pour cognoistre comme il faut faire les courbes sur le coing, & toutes les cherches & alongees pour faire les croupes des couuertes.</i>	287, b.
<i>La figure & demonstration.</i>	288, b.
	<i>Maniere</i>

TABLE DES CHAPITRES

<i>Maniere de trouuer les trois points perdus pour s'en ayder à faire les cherches r'alongees,</i>	289
<i>La figure & demonstration</i>	289
<i>La façon pour trouuer les courbes & cherches r'alongees par autre stile & moyen,</i>	289, b.
<i>La figure & demonstration.</i>	209
<i>Exemple pris des combles & courbes r'alongees, appliquees aux croupes des pavillons qui sont sur la Chappelle & escalier du chasteau de la Muette de saint Germain en Laye.</i>	290,
<i>Les figures & demonstrations.</i>	291.
<i>Pour cognoistre plus facilement comme les pieces des courbes se doiuent assembler avec les clefs, liernes, & coiaux qui sont sur les antablemens des murs.</i>	
<i>page 292</i>	
<i>La figure & demonstration.</i>	292
<i>Comme il faut faire les pieces des courbes & assemblage quand on veut edifier vn comble de grande largeur, comme celui de la Muette de saint Germain en Laye, ou plus large.</i>	292
<i>Les figures & demonstrations.</i>	292
<i>Comme lon peut faire couuertures de diuerses montees, tant de l'hemicy cle que du tiers point, & autre. Et sera aussi facile d'y mettre tuille ou ardoise, qu'à celles qu'on a accoustumé de faire, laquelle s'assemblera & ioinra autant bien que toutes autres que lon scauroit faire.</i>	293
<i>Les figures & demonstrations.</i>	293
<i>Comme lon peut faire vn double plancher en anse de panier dessous les combles, quand les couuertures se trouuent trop hautes pour mieux s'en seruir de chambres, salles, ou ce qu'on voudra.</i>	295
<i>La figure & demonstration.</i>	296
<i>Comme lon peut faire les couuertures droictes par le dessus sans y auoir rondeur, avec plusieurs petits bords de plomberies qui donneront fort bonne grace.</i>	296
<i>La figure & demonstration.</i>	296 b.
<i>Comme lon se pourra seruir de ceste Inuention à voûter vne chambre, chappelle ou Eglise d'une croisee d'augues, ou autrement: comme lon fait à la maçonnerie.</i>	298
<i>Les figures & demonstrations.</i>	298 & 299 b.
<i>Deux autres façons de couuertures desquelles lon se pourra aider pour la decoration & ornement de quelque petite gallerie, ou de ce qu'on voudra,</i>	300
<i>Les figures & demonstrations.</i>	300, b.
<i>Des œures selon ladicte Inuention nouvelle, qui ont esté faictes au chasteau d'An-</i>	
<i>net.</i>	page 301
<i>La façon d'une grande salle, comme Basilique, ou lieu Royal, accompagnée de pavillons aux quatre coins & galleries, comme sic estoient portiques. Et se peut faire à petits fraiz, veu la grandeur de l'œure.</i>	301 b.
<i>La figure & demonstration.</i>	301 b.
<i>De la montee & face de ladicte salle & Basilique, qui se voit par le pignon, & par les costez en perspective.</i>	305
<i>La figure & demonstration.</i>	305

TABLE DES CHAPITRE

<i>Autres Inuentions raves que l'Auteur auoit trouuees pour le seruice des maiestez du feu Roy, & Royne mere.</i>	page. 305, b.
<i>Deuis d'un dortoir, & cellules que la Maiesté du feu Roy Henry vouloit estre faictes par aumosne aux Religieuses de Montmartre pres Paris.</i>	page. 304, b.
<i>La figure & demonstration.</i>	page. 305
<i>De la montee du dedans de l'edifice du dortoir cy-deuant descript, ainsi qu'il eust esté.</i>	page. 306
<i>La figure & demonstration.</i>	page. 306
<i>Discours de plusieurs choses, avecque la conclusion du premier liure.</i>	page 306 b.

ONZIESME LIVRE.

<i>Certain discours de l'Auteur, accompagné d'aucuns aduertissemens en general.</i>	page 309
<i>La façon & maniere comme lon doit proceder à faire les poutres de plusieurs pieces.</i>	page 310
<i>La figure & demonstration.</i>	page 311
<i>Difference des mesures des poutres selon leurs longueurs, & la façon d'y assembler les lambourdes qui portent les solives.</i>	page 311, b.
<i>La figure & demonstration.</i>	page 312
<i>La maniere comme lon se doit conduire pour assembler les poutres, & de quelle sorte de bois doit estre faict l'anse de panier.</i>	page 313
<i>La figure & demonstration.</i>	page 314, b.
<i>Comme lon peut enrichir les poutres apres qu'elles sont faictes, soit de lambris de menuisieris, ou de quelque composition d'estuc, ou d'autre matiere.</i>	page 315
<i>La figure & demonstration.</i>	page 317
<i>Comme on doit faire les corbeaux, mutules ou rouleaux à porter les poutres, & de leurs assiettes, & commencement de solives faictes de petites pieces.</i>	page 317
<i>La figure & demonstration.</i>	page 318
<i>Comme lon doit tirer les commissures des poutres des trois centres.</i>	page 318
<i>Inuention de faire vne autre sorte de poutre de plusieurs pieces & toute droicte par le dessoubz qui se trouuera tres-forte & fort bonne.</i>	page 319
<i>D'un corbeau, ou mutule faict en plus grand volume que ceux que nous auons descripts cy-deuant. Qui semble vn discours comme lon se peut ayder des busches de moule à faire poutres: & du bois de costereus (ainsi qu'on appelle à Paris) pour faire combles & couuertures.</i>	page 320
<i>La figure & demonstration.</i>	page 320
<i>Pour faire solives de toutes petites pieces d'aix, & seront en anse de panier ainsi que les poutres.</i>	page 321
<i>La figure & demonstration.</i>	page 321
<i>Comme on doit faire les fenestres croisees plus hautes que la naissance des poutres, à fin de donner meilleure clarté dedans les lambris.</i>	page 322
<i>La figure & demonstration.</i>	page 323
<i>Aduertissement des dangers qui peuvent aduenir à cause de la façon des planchers quarez, pour les lambris que les Seigneurs y font mettre. Et de l'experience que i'en ay eüe au grand danger des Princes, Seigneurs & autres.</i>	page 323, b.

Des

TABLE DES MATIERES

Des maladies du bois qu'on met en œuvre: aussi quelle chose on doit faire pour longuement conseruer les poutres & solives faictes des pieces, comme tout autre bois, afin qu'il ne se pourrisse soudain.


page 324

Comme on se peut seruir en diuerses sortes de ceste Inuention nouvelle: & de la commodité, profit, & grand aspargne qui en peut reuenir, avec vn sommaire & recapitulation de plusieurs choses reprises du present œuvre.

page 325

Conclusion du present œuvre, avecques certaines instructions sur l'entreprise & faict des bastiments le tout accompagné de belles Histoires & figures morales fol. 328.

FIN DE LA TABLE



Aux Lecteurs beneuoles Salut.



L me souuient vous auoir promis au liure que i'ay fait imprimer de la nouuelle Inuention pour bié bastir & à petits frais, dedié à la Maiesté de nostre treschrestien & tresbon Roy CHARLES, que si ie voyois sadiète Maiesté auoir quelque contentement de mes labeurs; & prendre plaisir à ce que i'escriis, ie m'efforcerois de mettre en lumiere plusieurs autres belles œures & inuentions, lesquelles i'ay meditées & pratiquées de lōg temps, pour la decoration de son Royaume, & illustration de nostre Architecture. Ayant doncques veu & aussi entendu que sa Maiesté y prenoit plaisir, comme aussi celle de la Royne, sa tresprudente & tressage mere, avec les Princes & grands Seigneurs, & encores que les Princes estrangers & toutes personnes de bon esprit auoient contentement de telle inuention, & qu'on retirot vn grandissime proufit de son vsage (ainsi qu'il se voit par experience en diuers lieux, & signamment aux pays ou il y a penurie & necessité de boys à faire charpéterie) i'en loüay Dieu le createur beaucoup de fois, pour la doubte que i'ay tousiours de moy, & de mes capacitez. Protestant que sil sest trouué quelque chose d'esprit à la susdicte inuention, ou sil y a quelque scintille de sçauoir & artifice en moy, de bon cueur & franchement ie le recognois proceder de l'immense largesse de ce grand Pere eternal qui distribue à vn chacun telles graces que luy plaist. Lequel ie supplie treshumblement me donner la faueur & moien de tousiours pouuoir faire chose qui luy soit agreable, & proufitable au bien publicque & à la posterité, avecques continuation de ma bonne volonté, qui ne tend à autre fin que de distribuer aux hommes le talent qu'il luy a pleu me prester & octroyer: aux hommes, dis-ie, qui ont les ames bonnes, l'esprit prompt à bien dire, le iugement entier & sain, & le sçauoir sans aucune arrogance & enuie contre les vertueux & la vertu. De ceux la certainemēt ie m'asseure estre bié receu, & tenu en telle reputation que leur sagesse le iugera: & tels & leurs semblables m'exciterōt de faire entēdre droictemēt l'art & methode de proprement dresser, planter, & conduire toutes sortes de bastimentz, suyuant les dimensions, symmetries & mesures qu'on leur doit donner, avecques les ornementz, & au-

*Nouuelle In-
uention de l'au-
teur dedee au
treschrestien
Roy Charles.*

*Tout bien, sça-
uoir et graces
proceder de
Dieu.*

E P I S T R E

tres choses qui y sont requises & dependent du vray art d'Architecture, ainsi que vous le pourrez iuger cy apres, quand vous aurez veu & entendu mes conceptions & discours, non par vn chapitre seulement, ains par la diligente & reiterée lecture de tout le present œuvre, qui vous pourra introduire & mener, quasi par la main, à la vraye intelligēce d'Architecture. Laquelle n'est autre chose, ainsi qu'escrit nostre Vitruue, qu'une science, ou art accompagné & orné de plusieurs disciplines & diuer-

*Qu'il y a au-
iourd'huy peu
de vrais Ar-
chitectes.*

ses eruditions. De là il nous fault indubitablement penser, qu'il y a auourd'huy peu de vrais Architectes, & que plusieurs qui sen attribuent le nom, doibuent plustost estre appelez maistres maçons, qu'autrement. Car les vns se sont seulement voulus exercer aux œuvres manuelles, sans se soucier de la cognoissance des lettres & disciplines, qui a esté cause qu'ils n'ont tant sceu faire par leurs labeurs, qu'ils ayent acquis grande reputation. Les autres tout au contraire se sont arrestez aux lettres seules, & demonstrations Geometriques, sans les appliquer à l'œuvre, qui a fait que seulement ils ont suiuy l'ombre de ce beau corps d'Architecture, sans aucunement paruenir à la vraye cognoissance & vsage de l'art, ainsi que Vitruue a fort

*L'architectu-
re estre pour-
suiue en diuer-
ses sortes, &
laquelle en est
la meilleure.*

bien discoursu au commencement de son œuvre. Ceux qui ont voulu conioindre & accoupler l'un avec l'autre, c'est à dire les lettres & disciplines avecques l'usage & pratique de l'art, ou, si vous voulez, la theorique avecques ladicte pratique, ceux là, dis-ie, comme gens bié garnis de toutes sortes d'armes & equipage, sont incontinent paruenus à grande reputation & au bout de leur attente. Ledit Vitruue desire que l'Architecte soit Rhetoricien, Philosophe, Arithmeticien, Geometrien, Astrologue, Musicien, Peintre, Iuriconsulte, & Medecin, pour les causes que nous alleguerons au discours du premier & prochain liure. Quant à la pratique & traditions des legistes, ie suis d'aduuis que l'Architecte mette peu de peine & temps à les sçauoir, mesmes en ce Royaume, auquel il n'y a point faulte de tressages Iuges, aduocatx & procureurs. Quant aux medecins, leur art est lōg, & la vie de l'homme fort briefue, ainsi que leur grand maistre & docteur Hippocrates a escrit. Qui est la cause que l'Architecte ne sy doit amuser. Ioinct aussi qu'auourd'huy presque tout le mode se mēse d'exercer la medecine, au grand danger & interest du bien publique. Laquelle chose m'a faict plusieurs fois penser à la felicité des anciens Romains, lesquelz M. Caton a escrit auoir esté six cens ans sans medecins, mais non sans medecines: car ils vsoient seulement de remedes & medi-

caments simples, prins & retirez de leurs iardins: ainsi que n'augueres Antoine Mizauld Medecin & Mathematiciē l'a fort biē discouru, en son lardin medicinal. Quoy que ce soit, ie louēray l'Architecte estāt accompagné des susdictes disciplines, & arts, qui luy ont esté proposez par Vitruuie. Car lors indubitablement il fera & inuentera des œuures & ouurages qui surpasseront l'artifice & engin des hommes, avecques vne grande reputation de son honneur & contentemēt de tous. Mais il se doit contenter d'en sçauoir autant qu'il luy en fault, pour autant qu'il luy conuient apprēdre plusieurs autres choses necessaires à son art, comme la conduite & inuention des machines, sçauoir bien commander aux hommes qui sont sous luy (qui n'est peu de chose) trouuer vne infinité de sortes d'engins, entendre l'vſage & l'art de toutes façons d'œuures, à fin de prendre garde si les ouuriers font bien ou mal, sçauoir la pratique & artifice de fortifier villes, chasteaux, & autres places de defense, conduire riuieres, ou les retrencher, monſtrer la maniere de couper bois pour les charpenteries, tailler pierres pour la maçonnerie, & ordonner vne infinité de choses qui gisent en grandes experiences, & ſapprenent avec longueur de temps. Ausquelles si l'homme n'est bien nay, & apte à les comprendre, comme aussi à droitement commander, iamais il n'en receura honneur. Ie diray hardiment que celuy qui ſçait dextrement commander, & promptement ordonner ce qui est requis, monſtre par certain & euident ſigne qu'il entend tresbien son estat. Mais ſil y ſonge & y va comme vn aueugle tatonnant avecques longueur de temps à se reſouldre, outre ce qu'il est en danger de faire plusieurs fautes, il fera cause que la deſpenſe de l'œuure en fera beaucoup plus grande. Bref l'Architecture est vn art & ſcience tresadmirable, contenant & embrassant en ſoy autant de disciplines & artifices que les bastiments qu'elle monſtre à conſtruire contiennent & reçoient en eux de matieres, membres & parties. Qui sont en nombre, sept: sçauoir est, Murailles, ſans leſquelles le bastiment ne peut eſtre, ne la ſeureté des habitans: Portes, pour y entrer: Cheminées, pour le chauffer: Fenestres, pour y donner clarté: L'aire & paué, pour le ſouſtenir & cheminer: Plancher ou ſont les poutres & ſolies, pour fermer & ferrer les ſalles, chambres & autres lieux, à fin d'y eſtre plus chaudement: & pour la dernière & ſeptieſme partie, les Couuertures de charpenterie tuille, ou ardoise, pour couurir tout le logis & defendre les habitans contre les iniures de l'air & des larrons. Desdictes sept parties l'Architecture ne se peut aucunement ayder ſeparément &

*L'Architecte
deuoit eſtre ac
compagné de
plusieurs disci
plines, et arts.*

*Architecture
eſtre vn art
tresadmirable
et composé de
diuerſes cho
ses.*

E P I S T R E

à part pour faire vn corps de logis & bastimēt parfait: mais biē les agglutinant & accommodant ensemble selon l'esprit, inuention & ordonnance du docte Architecte, qui de plusieurs pieces & membres represente vn excellent & admirable ouurage deuant les yeux des hommes: Mais sous telle condition, que si vne des susdictes matieres default, tout demeure imparfait, illogisable & inutile, tant est necessaire l'harmonie, symmetrie, consent & vnitē de ces sept choses pour la perfection & conseruation du bastimēt & logis. Il ne fault trouuer ce propos estrange, touchant les sept choses necessaires pour la construction & conseruation d'un corps de logis, veu que ce grand Architecte de l'vniuers, Dieu tout puissant, le nous a figuré & mōstré quād il a créé les sept estoilles errātes appellées Planettes, cōme la matiere (si ainsi fault parler) ou plus tost la forme de l'establissement, perfection & conseruation du tant admirable bastimēt & theatre de ce mōde inferieur. De sorte que si l'un des susdicts planettes defailloit à la cōcurrēce de ceste occulte harmonie qui entretient en bonne concorde les elements discords, le susdit bastiment de ce petit monde seroit inhabitable & inutile. Parquoy non sans cause Mercure Trismegiste me semble auoir biē écrit, que les sept planettes ont esté créées & ordonnées de Dieu, comme sustētateurs, recteurs, & gouuerneurs, apres luy, du monde inferieur & sensible. Si vous me voulez permettre de discourir vn peu d'auantage sur ceste matiere & propos des sept planettes, qui sont comme sept principales parties du ciel, ou, si vous voulez, comme sept colonnes qui soustiennent & establisent, apres Dieu, comme nous auons dit, l'estat & vigueur de ce petit Royaume & vniuersité du monde inferieur, ie diray que tous les Roys qui regnent & possèdent quelque Royaume ne le peuuent bien garder, ou long temps y dominer, sans la faueur & concurrence de l'unité, conionction, ayde, alliance, & confederation des sept parties ou planettes de ce grand & hault Royaume qu'on nomme le Ciel, soit par effect, participation, similitude, signification, ou autrement. De sorte que si vne desdictes parties y māque & default (ainsi que n'a gueres nous parlions des parties d'un bastiment) le corps & estat du Royaume,

Belle Philosophie de l'estat du monde inferieur, avec les sept planettes du ciel.

Saturne significateur du labourage, Jupiter de religion & Iustice, Mars de gent d'armes & force.

quel qu'il soit, ne pourra auoir vigueur, ne durée lōgue. Comme quoy? si l'agriculture, signifiée & fauorisée par Saturne, luy default, commēt, ie vous prie, y pourront viure les subiects du Roy, & luy payer tributs avecques les tailles & deuoirs en quoy ils sont tenus? derechef, à quoy s'occuperōt les rustiques & gens de labour sans agriculture? Si vn Royaume est sans religion &

A V X L E C T E V R S .

Iustice, signifiez par Iupiter, cōme y pourront regner les Roys, ou bien quel sera l'estat dudiect Royaume, sinon vn brigandage & volerie: ainsi qu'escriit saint Augustin. Ostez la gendarmerie & les forces d'un Royaume, signifiez par Mars, en quelle assurance sera le Roy de ses subiectz ou de ses ennemis, comme aussi tout son Royaume: Si vn Roy est sans amour, signifie & conserué par Venus, & sans aucune amitié, laquelle il doit à ses subiectz, & reciproquement les subiectz à luy, que sera son royaume autre chose que crainte & tyrannie, comme fut l'empire de Nerō: S'il n'y a amour mutuelle entre le mary & la femme, le seigneur & le vassal, le maistre & le seruiteur, le Roy & son peuple, quelle fidelité trouuerez vous en l'estat de tel Royaume? De rechef, si les lettres, la marchandise & traffique, signifiez par Mercure, ne s'exercent en vn Royaume, quelz y seront les habitans & subiectz du Roy, sinon rudes asniers & brutaux, sans aucune humanité & discipline, sans société & alliance avecques les nations voisines & estrangeres, qui communiquent & se visitent par trafiques de marchandise & commerces, le tout au prouffit du Royaume & honneur du Roy: S'il n'y a en vn Royaume multitude d'artisans & mechaniques signifiez par la Lune, à quoy foccupera ou comment y viura le menu peuple: S'il n'y a aussi multitude de gens représentée & auctorisée de la Lune, quelz subiectz ou vassaux y pourra auoir le Roy, ou de qui se pourra il dire Roy: certes debié peu de gens, ou de nuls. Reste la septiesme partie & colonne de l'establissement & confirmation d'un Royaume & maison Royale, sçauoir est, honneur & maiesté, qui doibuent estre conduicts & accompagnez des quatre vertus cardinales, ainsi que le Soleil de ses quatre triumphatz cheuaux. Lequel estant au milieu des planettes, nous represente & figure vn Roy qui doit estre logé au milieu de son Royaume, & entre ses subiectz, à fin de les voir tous à l'entour de soy, comme les laboureurs Saturniens, les iusticiers & ecclesiastiques Iouiaux, les gens d'armes Martiaux, les gens de lettres & de marchandise Mercuriaux, & le menu peuple Lunaire: estant le tout gouverné & moderé avecques vne douceur & amour Venerique, cest à dire chaste, honneste & vertueuse (car les anciens ont fait vne Venus pudique, & vne autre impudique) associée de faueur, liberalité, iustice, pitié, & mansuetude. Vous voiez par ce peu de discours, comme les maisons & citez (qui equipollent à vn petit Royaume) ou, si vous voulez, le corps de l'estat œconomique, & politique, est composé de plusieurs membres & parties, ainsi que le corps celeste & humain: mais en telle sorte, telle al-

*Venus signifie-
catrice d'a-
mour et ami-
tié, comme
Mercure des
lettres et mar-
chandise.*

*La Lune si-
gnificatrice
du menu
peuple.*

*Le Soleil signi-
ficateur des
Roys, honneur
& maiesté.*

*Belle compa-
raison d'un
royaume, &
ses parties, a-
vec le corps
humain.*

EPISTRE

liance, ligature, harmonie & mesure, que l'une ne peut rié sans l'ayde, confederation & concurrence de l'autre. Qui fait que toutes estant bien vnies, rapportées, conioinctes & disposées ensemble, rendent vn corps parfait en toute symmetrie, proportiō & harmonie, ainsi que plusieurs cordes aux instruments de musique. Lesquelles bien temperées, proportionnées & accordées ensemblement, rendēt vne parfaite harmonie & gracieux accord & consonāce, appellée des Grecs symphonie: qui ne se recognoist & remarque quand vne chacune d'elles sonne à part. Telle est l'harmonie des sept planettes du ciel, sous diuerses qualitez, températures & resonances occultes, mais proportionnées ensemblement sous vn certain symbole, sympathie & harmonique influence, pour la generation & conseruation des choses de ce monde inferieur. De sorte qu'il sy fait, d'un heptachorde, ainsi que disoit Socrates, vn monochorde, c'est à dire d'un instrumēt de sept diuerses cordes (qui sont les sept planettes de diuerses qualitez) vn d'une seule corde, qui est l'harmonie & consent de tous les sept en vn: comme scauent ceux qui ont versé en la diuine philosophie d'Orphée, Pythagoras, Platon, Aristote, & autres anciens. Et se peut aussi voir en l'accord & consent des Elements concurrents à la generation & conseruation de tous corps, & de toutes choses de ce monde inferieur & visible, sous le regiment, conduicte & agitation du reiglé mouuemēt de tout le ciel. C'est ce que nous pretendions monstrier, scauoir est que de plusieurs choses bien proportionnées & proprement disposées il sen fait vne parfaite, ainsi que nous auons exemplifié des sept matieres & parties qui font vn beau corps de logis, quand elles sont bien appropriées, conioinctes & ordonnées. Semblablement des sept arts & disciplines qui rendent l'Architecture parfaite, & l'Architeccte admirable. Mais, hélas! peu d'Architectes reçoient tant de graces & faueurs de Dieu, de les pouuoir cognoistre & entēdre, ainsi qu'il luy plaist ouurir les sens & l'intelligence à vn chacun pour luy donner cognoissance de ses œuvres, & des proportionnées mesures, ie ne diray d'Architecture, mais aussi de toutes autres choses, lesquelles luy mesmes a ordonnées à la premiere creation, sous certaines mesures, pois & nombre, ainsi que plus à plein nous le deduirons quelque iour (Dieu aydant) en nostre Tome & œuvre des Diuines proportions: ou nous conseillerons à vn chacun de vouloir imiter les mesures & proportions lesquelles nous appellons diuines pour bonnes & iustes causes, & par consequent dignes d'estre plustost ensuiuies, que celles

De l'harmonie & accord mutuel des sept planettes pour la conseruation du monde inferieur, comme aussi des elements.

qui ont esté escrites, inuentées & faictes par les hommes, tant aux edifices antiques que modernes, ainsi qu'on les voit encores en diuers lieux. Car Dieu est le seul, le grand, & l'admirable Architecte, qui a ordonné & créé de sa seule parole toute la machine du monde tant celeste que elementaire & terrestre, avecques vn si grand ordre, vne si grãde mesure, & si admirables proportions, que l'esprit humain sans son ayde & inspiration ne les peult comprendre, & signamment l'architecture & fabrique du corps humain, ie ne diray en la composition & coagmentation de ses parties spirituelles, humides & solides (ainsi que les contemplent les medecins) mais bien en la grande harmonie & plusque admirable proportion & symmetrie qui est entre tous les membres & parties tant interieures que exterieures d'iceluy. Laquelle contemplent où doiuent contempler & sçauoir les doctes & experts Architectes, à fin de l'accómoder aux bastiments qu'ils entreprennent avecques vne diuine excellence, voire autre que celle qui vient des proportions communes & accoustumées: ainsi que (Dieu aydant) nous le deduirons bien par le menu, & demonstrerons familièrement audit Tome & œuure, ou nous parlerons des saintes & diuines mesures & proportions données de Dieu aux saints peres du vieil testament: comme à son Patriarche Noé, pour fabriquer l'Arche contre le cataclysmé & deluge: à Moÿse, pour le Tabernacle de l'autel, des tables, des courtines, du paruis & autres: à Salomon, pour le Temple qu'il edifia en Ierusalem, & deux maisons qu'il feit, vne pour luy, & l'autre pour sa femme, fille de Pharaon. Il se voit cas semblable en Ezechias de l'hóme qui s'apparut à luy, ressemblant estre d'airain, & tenât en vne main vne ficelle, & en l'autre vn roseau ou canne, portant les mesures & proportions lesquelles Dieu seul luy monstra pour restaurer & redifier le Temple de Ierusalem. I'en pourrois alleguer assez d'autres qui se trouuent dans l'Escripture sainte, n'estoit que ie serois trop prolix. Veritablement telles proportions sont si diuines & admirables, que ie ne puis contenter mon esprit de les lire, relire, contempler, &, si ainsi ie dois dire, adorer, pour la grande maïesté & diuinité de celuy qui les a données & prononcées. O grande & insigne bôté de Dieu enuers les hommes! O magnifique & supernaturel Architecte, qui a tant voulu honorer l'Architecture & fauoriser à l'Architecte, que luy enuoyer des hauts cieux, & prononcer de ta tressacrée bouche les vraies mesures & proportions desquelles il se doit ayder, non pour faire œuures qui approchent à celles des saints peres du vieil testament, mais beaucoup plus excellentes

Dieu estre le grand & admirable Architecte du monde vniuersel, lequel il a créé en toute perfection & mesure.

Des saintes et diuines proportions données de Dieu aux peres de l'ancienne loy.

Les proportions d'Architecture se estre venues du ciel, & de Dieu.

E P I S T R E

que celles que les Architectes des Empereurs, Roys & Princes ont iusques auourd'huy cōstruit. Certes ie ne me puis assez merueiller, comme tant de diuines mesures & proportiōs n'ont esté cogneuës, obseruées, & pratiquées par les anciës, ou par aucuns des modernes. Quant à moy, ie confesse librement & franchement que les Palays, Chasteaux, Eglises & maisons que i'ay par mon ordonnance fait cōstruire iusques à present, & sont par la grace de Dieu prisées & louées des hommes, ne me semblēt rien (iaçoit que les proportiōs y soient gardées, selon l'art de la vraye Architecture des hommes) quand ie les confere & compasse avecques les diuines proportions venues du ciel (ainſi que nous auōns dit) & celles qui sont au corps de l'homme. De forte que si lesdicts edifices estoient à r'edifier, ie leur donnerois bien autre excellence & dignité, que celle que les hommes y trouuent auourd'huy. Venant à conclusion, vous pouuez par ce petit narré colliger, comme la dignité, origine, & excellence d'Architecture est venue de Dieu, & du ciel, sans en faire plus grand discours ne m'arrester à vn Dedalus (lequel on dit auoir esté auteur & inuenteur des premieres loges & maisons faites de charpenterie) ne aussi respecter les oyseaux, mouches à miel, limaçons, tortues, & autres animaux tant grands que petits, auxquels nature a donné l'industrie de ſçauoir cōstruire & bastir fort artificielement des nids & loges, selon l'espece & nature d'vn chacun, pour la cōseruation & perpetuatiō de leurs semblables. Ie ne m'amuseray aussi à la difinition & diuision d'Architecture, ny au denombrement des Empereurs, Roys, Princes, Papes, Euesques, Abbez, Seigneurs & gentils hommes tant anciens que modernes, qui l'ont exercée & aymée, n'auſſi aux louenges de ceux qui en ont escrit, pour autant que ce ne seroit que battre vn meſme fer avecques plusieurs autres, c'est à dire, vouloir traicter & escrire ce que plusieurs autres ont dit & escrit. Parquoy ie m'en de porteray tout à propos. Voila doncques ce que presentement ie desirois vous proposer de l'excellence d'Architecture. Laquelle est tant proufitable & neceſſaire au monde, que non seulement les hommes, les biens de la terre, & le bestail, ne peuuent estre commodément logez, ne bien asſeurez contre les iniures de l'air, du feu, de l'eauë, des hōmes & animaux, sans elle & son ayde: auſſi les Royaumes, villes, chasteaux & eglises n'ont aucune decoration, & ne peuuent estre conseruez sans son moyen & ayde. Mais deuant que faire la fin, ie prieray tresaffectionnément les beneuoles Lecteurs me vouloir oſtroyer trois ou quatre requeſtes fort fauorables. L'vne est, que ſils trouuent quelques choses


*L'auteur a-
pres auoir co-
gnu les pro-
portions diui-
nes, deſpriſe
celles qui ſont
inuentées par
les hommes.*

*L'architecture
auoir esté ay-
mée & exer-
cée de grands
Seigneurs.*

aux quottations marginales du present œuure, qui soient dictes à ma faueur, & comme si ie les propoisois, qu'il leur plaise attribuer cela au bõ zeile de quelque miẽ amy qui sest voulu occuper à faire lesdictes quottations. La secõde est, que ou il se trouuera en tout le discours du present œuure chose qui soit mal couchée par escrit, ou impropremẽt vsurpée, soit en sens ou parolle, qu'elle soit attribuée à la difficulté du subiect, ou, si vous voulez, de la matiere proposée. Car (ainsi que Marc Manile escrit à l'Empereur Auguste deses liures Astronomiques) la chose de soy difficile desire beaucoup plus estre bien & sainemẽt enseignée, que de langage fardé estre richemẽt parée. La troisieme chose laquelle ie requiers, sera, que sil se presente à noz figures quelques traicts, nombres ou lettres qui ne respondent à la description & demonstration qui en est faicte au texte, le vouloir imputer & attribuer aux tailleurs desdictes figures, desquelz ie n'ay peu iouyr ainsi que ie voulois. Et aussi qu'au temps de la taille i'estois empesché & occupé au seruice des Maiestez : parquoy ie n'ay eu tousiours suffisant loysir de pouuoir examiner & conferer lesdictes figures avecques les protraicts & deseings que i'en auois donné. Le quatriesme & dernier sera, que ie proteste deuant Dieu n'entendre ny pretendre en tout ce discours, de particulieremẽt toucher ou offenser persõne, quelle qu'elle soit. Tãt sen faut que i'aye pẽsẽ de vouloir noter ceux à qui ie desire faire toute ma vie hõneur & treshũble seruice accõpagné de quelque bien & prouffit pour la posterité. Je ne fais ceste protestation sans cause, car ie sçay combien sont malicieux les iours presents, & les oreilles de plusieurs charouilleuses, comme aussi les iugements corrompus & deprauez : de sorte qu'ils estiment, le plus souuent, vn doux miel estre vn tresamer fiel. Les bõs & sages sçaurõt le tout fort bien & sagement interpreter, & en faire leur prouffit, moyennant la grace de Dieu : lequel ie supplie treshumblement, beneuoles Lecteurs, vous vouloir maintenir en bonne & entiere santé, tout le temps de vostre vie.

*Excuses de
l'auteur fort
modestes &
favorables.*

*Des figures
du present œu-
ure, & des
tailleurs.*





LE PREMIER LIVRE DE
L'ARCHITECTURE DE PHILIBERT DE
L'ORME LYONNOIS, CONSEILLER ET
Aulmosnier ordinaire du Roy, & Abbé de S.
Eloy lez Noyon, & S. Serge lez Angiers,
& nagueres d'Iury.

PREFACE ACCOMPAGNEE DE SINGULIERS aduertissements pour ceux qui legerement entreprennent de bastir sans l'aduis & conseil des doctes Architectes : & des faultes qu'ils commettent, & inconuenients qui en aduiennent.



EVANT qu'entrer bien auant en matiere ie vous aduertiray, que depuis trête cinq ans en ça, & plus, iay obserué en diuers lieux, que la meilleure partie de ceux qui ont fait, ou voulu faire bastiments, les ont aussi soudainement commencez, que legerement en auoient delibéré: dôt sen est ensuiuy le plus souuēt repétance & derision, qui tousiours accōpagnēt les mal aduisez: de sorte que tels pensans bien entendre ce qu'ils vouloient faire, ont veu le contraire de ce qui se pouuoit & deuoit bien faire. Et si par fortune ils demandoient à quelques vns l'aduis de leur deliberation & entreprinse, c'estoit à vn maistre Maçon, ou à vn maistre Charpentier, cōme l'on a accoustumé de faire, ou biē à quelque Peintre, quelque Notaire, & autres qui se disent fort habiles, & le plus souuent n'ont gueres meilleur iugement & cōseil que ceux qui le leur demandent. Et qui pis est, ils s'arrestent pour toutes choses à vn seul plan de l'œuure qu'on veult faire, estant figuré par ledit maistre Maçon, ou bien par vn autre, qui y procedera cōme il entend, & peult estre bien à l'auenture, se promettant toutesfois estre bien expert en l'art d'Architecture, & auoir reputation de quelque grād Architecte, iagoit qu'il ne sache quel nom est Architecte. Et si l'œuure est commencēee soudainement, plus soudainement plusieurs veulēt qu'elle soit faicte, auecques bien

L'auteur a-
uoir de long
temps fait ob-
servations en
l'Architectu-
re.

La façon de
faire de plu-
sieurs qui deli-
berent bastir.

LIVRE I. DE L'ARCHITECTVRE

*Repentance
accompagner
tousiours les
mal aduisez.*

*Observations
de l'auteur sur
les entreprin-
ses de bastir.*

*Les seigneurs
voulz bastir
se tromper, et
estre trompez.*

peu de patience. Aussi i'ay veu que toutes les œuvres de ceux qui sont ainsi soubdains, n'estoient pas à moitié conduictes, qu'ils se repentoient beaucoup de fois, soit pour n'auoir bien tourné leurs bastiments (pour le peu de iugement qu'ils auoient) ou pour n'y auoir fait quelque chose d'auantage, ou pour auoir esté trompez des pris & marchez qu'ils auoient fait, ou pour autre incommode que le temps leur faisoit cognoistre, & les amis & ennemis remarquer en deuissant des bastiments, ou les venant visiter, ou bien qu'ils n'estoient assez discrets pour pouoir iuger de toutes les opinions qu'on leur proposoit. Et cōme ils auoient commencé fort legerement, plus legerement ils se repentoient, & encores plus facilement receuoient nouuelles fascheries. Qui estoit vne grande derision, grande faulte & grand vitupere pour eux, & pour leur honneur. I'ay veu dauantage, que la plus part de ceux qui sont prompts à reprendre les œuvres des autres, & en dire leur aduis, depuis qu'ils voyent qu'on leur accorde quelque chose, ils presument incontinent beaucoup d'eux, & se persuadent estre fort bien entendus, parquoy ils font estat de vouloir corriger, mais pas vn de tous ne scauroit conseiller ce qu'il fault bien faire, ne dire comment, ne monstrier la raison pourquoy ils trouuent à dire quelque chose, ne comme il fault amender l'œuvre. Souuentefois aussi i'ay veu de grands personnages qui se sont trompez d'eux mesmes, pour autant que la plus part de ceux qui sont auprès d'eux, iamais ne leur veulent cōtredire, ains comme desirants de leur complaire, ou bien à faulte qu'ils ne l'entendent, respondent incontinent tels mots, *C'est bien dict, Monsieur: c'est vne belle inuention, cela est fort bien trouue, & monstrez bien que vous auez tresbon entendement: iamais ne sera veu vne telle œuvre au monde.* mais les fascheux, pensent tout le contraire, & en discourent par derriere, peult estre, tout autrement. Voila cōment plusieurs Seigneurs se trompent, & sont contentez des leurs. Dites moy, ie vous prie, quād celuy qui fait bastir voit qu'il est repris, & que lon trouue tant de faultes aux œuvres qu'il fait faire, n'a il pas occasion d'auoir grande fascherie & ennuy en son esprit, maudissant quelque fois & les ouuriers & ourages? S'il a sentiment ne doit il pas auoir peur d'estre mocqué des homes, & encores estre plus marry de son argēt qui est mal employé? certes ie croy qu'il ne sçait à qui sen prédre, ou à luy, ou à ses ouuriers: n'entendant que sil auoit vn proces pour dix liures de rente, il feroit plus de deux & trois consultations pour en auoir l'aduis des sçauants: & quād il veult despédre vingt ou trēte mille escus, plus ou moins, se doit il fier à soy mesme, ou à vn maistre maçon, sans sonner la

trôpette, c'est à dire, sans demander l'aduis de plusieurs sages & sçauans en telles choses: par le cōseil desquels ne luy aduiendroient telles repentances, & ne se feroient si grandes fautes ne si enormes. A dire verité on doit craindre merueilleusemēt de failir à vne grande entreprinse, & signamment de bastiments, lesquels on voit tousiours durāt la vie, & en reçoit on ou plaisir ou grand regret. Je ne veux icy omettre, qu'on iuge l'entendement du seigneur & la sagesse par les œuures qu'il faict faire, & la prudence pour bien sçauoir choisir les hommes & donner bon ordre à tout, à fin que ce qu'il desire soit bien faict. Il aduient aussi vne faulte tresenorme pour mal considerer son entreprinse, laquelle bien souuent est si grande, & la despenſe si excessiue, que le seigneur n'y peult satisfaire, & est cōtraint que l'œuure demeure du tout imparfaicte, ou bien long tēps suspendue & entrerompue: de sorte qu'il est necessaire ou de vendre quelques terres, ou bien les engager, & aller aux emprunts. Le tout par faulte d'y auoir preueu en temps & precōsultē avec les doctes Architectes. Telles entreprinſes de bastimēts ainsi legeremēt faictes & poursuiuies soubz espoir d'y pouuoir commodément loger, de sy maintenir en santé, y prendre plaisir & le donner aux amis, en auoir honneur, & estre tenu pour sage & biē auisē, tant sen fault qu'elles apportent quelque resiouissance aux seigneurs, qu'elles sont accompagnées de repentance tout le temps de la vie, avecques grand regret des excessiues despenſes. Qui faict qu'au lieu d'estre bien accommodez, ils se voiet fort discommodez, & mal logez: & que pis est, la plus part du temps ennuyez & malades, pour ne prendre aucun plaisir en tels logis, n'aussi le pouuoir donner à autrui. J'ay veu aussi que aucuns pour demeurer trop de temps à commencer de bastir ne se pouuoient resouldre, & demandoient l'opinion de plusieurs, iusques à leur commander faire force desseings & modelles, mais ils ne sçauoient choisir les bons, ne le temps propre pour besongner, ne moins les gens. De sorte qu'ils n'ont riē faict en leur vie digne de memoire, ains sont morts, avecques leurs entreprinſes desseings & richesses, sans laifſer aucun tesmoignage d'eux, par quelque singulier edifice, au prouffit & commoditē de leur posterité. Il en y a aucuns qui rencontrent fort bien, soit pour leur bon entendement, ou par l'ayde des hommes experts, desquels ils ont receu conseil, & par leur moien faict faire quelque edifice qui se trouue plaisant & agreable. Mais cela est souuent cause de leur ruine, ou des leurs pour le moins. Principalement quand ils bastissent d'autre sorte que les autres, & font plus grande despenſe que leur qualité ne requiert:

*Consultation
& delibera-
tion estre ne-
cessaires deuant
que bastir.*

*Un chacun
debuoir exami-
ner sa bour-
se & ses facultez
deuant que
bastir.*

*Mal aduisez
estre tousiours
en peine.*

*Election de
temps & de
gens estre ne-
cessaire à ceux
qui veulent
bastir.*

LIVRE I. DE L'ARCHITECTVRE

Ainsi qu'on a veu aduenir par experience depuis vingt-cinq ou trente ans en ça, voire en ce pays de France & ailleurs. D'autres bastissent si mal à propos que leurs maisons se trouuent subiectes à plusieurs accidents, dangers, & incommoditez, dont ils en reçoient desplaisir & fascheries en diuerses sortes. Autres inconueniens aduenient par faulte de bien pouruoir aux affaires, & demander l'aduis de ceux qui sçauent l'Architecture & l'entendent. Veritablemēt quand ie pense aux entreprinſes faictes quelquesfois trop inconsiderement, & aux œuures de plusieurs ainsi precipitées & mal conduictes, ie ne sçay qu'en dire ny penser. Considerant doncques tant d'incommoditez suruenir à la plus part de ceux qui bastissent, & si grâdes faultes se cōmettre à l'Architecture, ie me suis bien voulu ingerer pour le grand desir que i'ay de faire prouſit au bien public, & signamment à ma patrie, de mettre par escrit ce que i'ay cogneu de l'Architecture, tāt par liures, que par l'experience que i'en ay eu en diuers lieux, & aussi par diuerses œuures que i'ay faict faire & cōduit en mon temps. Lesquelles (Dieu aydāt) i'allegueray cy apres avec leurs façons, ornements & mesures, ainsi que les choses viendront à propos, & monstreray d'auantage comme lon doit proceder desormais pour se garder d'y faire faulte, tant qu'il sera possible. Car ie sçay que tous les hommes faillent, les vns plus, les autres moins, ainsi que les graces leur sont données de Dieu le createur, lequel les bons & sages sçauront bien prier, à fin de pouuoir faire chose qui soit à sa gloire & hōneur, & au prouſit d'eux, & de leur posterité.

*Le conseil des doctes Archi-
tectes estre le
vray fonde-
ment de bien
bastir.*

*Les causes qui
ont meu l'au-
theur d'escri-
re le present
œuure d'Ar-
chitecture.*

*Certaines considerations & preuoyances, desquelles doi-
uent user ceux qui desirent faire bastiments, à fin
qu'ils ne soient mocquez, & n'en reçoient
dōmage avec desplaisir. CHAP. I.*



*Quelles choses
doit preuoir et
considerer ce-
luy qui veut
bastir.*

Le sage entrepreneur ayant choisi lieu & temps propre pour bastir, ainsi que nous dirōs cy apres, considerera premierement ses forces & commo- ditez, puis quelle lignée & enfans il a, ou bien peuuent venir des siens, à fin que son entreprin- se ne soit cause d'inimitiez entre eux apres sa mort, & leur engendre dissensions & proces, presque tousiours accompagnez de ruine & destruction de maisons, au lieu de bon- ne amitié & paisible edification. S'il faict bastir par necessité de logis, ou pour donner plaisir à plus grand que luy, il fault qu'il considere, comme i'ay dict, ses forces, & la despenſe qu'il veult

faire: semblablement qu'il regarde le temps qui peult aduenir, le danger des guerres, & sur tout qu'il pense que beaucoup de personnes parleront de luy, & que par là on cognoistra son bon entendement, & sil est digne d'entreprendre grandes charges. Il fault aussi que le seigneur qui pretend de bié bastir, ne face rien, comme nous auons dit, sans bon cōseil, par plusieurs raisons pertinentes, & entre autres, pour autant qu'il pourroit acquerir reputation d'estre leger, en quoy il feroit vne tresgrande playe à son honneur. Il doit semblablement estre curieux d'entendre de l'Architecte son desseing & entreprinse, à fin que les œuures ne se facent avec ignorance, & aucunes fautes ne sy commettent: car cela produiét dommage & mocquerie trop cuisante. Les blafmes ou louenges, honneurs ou deshonneurs, communement accompagnent les grands bastiments & grandes œuures, & spécialement celles qui sont publiques. Je adiouteray que ordinairement les personnes sont plus promptes à mesdire qu'à dire quelque chose va mal, qu'en bien parler, & bien estimer le labeur, fust-il en toute perfection. Si vous voulez lire le premier chapitre du second liure de l'Architecture de Leó Baptiste Albert, vous verrez le sage conseil qu'il donne à ceux qui veulent bastir, lequel s'adresse aussi bien aux seigneurs que aux Architectes. Doncques apres auoir consideré tout ce qui est requis pour l'honneur, pour le proufit, pour la santé & bien des habitants, comme aussi pour leur contentement, si les logis sont pour les Roys ou Princes, il fault regarder à leurs auctoritez, grandeurs & commoditez, à fin de faire chose qui soit digne d'eux, & d'acquerir vne memoire & renommée immortelle. Mais il ne fault aussi oublier d'accommoder les logis pour tous ceux qui aurōt affaire avec eux, selō leurs qualitez, à fin qu'ils en soient mieux seruis & ayez, & que lon n'édure mal en leur faisant seruice, & estāt à leur suite, ou poursuite de leurs affaires. Ainsi que ie le monstrey cy apres tant aux maisons Royales, qui doiuent estre accompagnées pour ce fait, de vestibules, peristyles, portiques, & autres choses, qu'au si aux maisons des Princes, grās seigneurs, prelatz, & semblables, voire iusques aux marchands, bourgeois, gens de mestier & laboureurs, qui doiuent tousiours cōsiderer ce qui est facile & possible à leur force & moies, selon la qualité d'un chacun, à fin qu'ils ne despendent tant, qu'il faille emprunter, & exposer dauantage que leur reuenu ou traffique ne rapporte. Aussi que le marchand ne rompe & laisse le train de sa marchandise pour bastir sa maison, car ce ne luy seroit sagesse, ains plustost temerité, indiscretion, follie, & ruine tant de luy que des siens.

Ceux qui veulent bastir ne deuoir rien faire sans bon cōseil.

Bastiments estre accompagnés de blafmes ou louenges.

L'Architecte deuoir estudier à acquerir bon bruit et renommée.

Un chacun de uoir mesurer ses forces & moies, deuant que commencer à bastir.

LIVRE I. DE L'ARCHITECTVRE

De l'estat & office de celuy qui veult faire bastir, comme aussi de l'Architecte, & quelle assiette ou aspect doivent auoir les logis, & dequoy il les fault accompagner: semblablement de la nature des eaux, & de l'air. CHAPITRE II.

*Non & sage
conseil pour
ceux qui ven-
lent bastir.*



*Grande dex-
terité à l'Ar-
chitecte de sen-
voir bien ac-
commoder les
vieux logis a-
vec les nou-
ueaux.*

*Les bastimens
deuoir estre
loing des tor-
rens & rai-
nes d'eau, ou
subiection des
vents.*

Yant vn chacun ainsi mesuré ses forces, & considéré sagement ce qui luy pourroit aduenir, & pourquoy il veult bastir, il appellera vn ou deux, ou plus, des experts Architectes du pays, & leur monstrera le lieu auquel il veult edifier, & pour son proufit ne leur donnera aucune subiection ne contrainte apres autres vieux bastiments : si ce n'estoit que quelque fois on les veult faire seruir & sen ayder. Quoy faisant on cognoist le gentil esprit de l'Architecte, pour sçauoir bien accommoder le vieux bastiment avecques le nouveau, sous ynetel le grace & dexterité, que tous les membres de la maison sy puissent trouuer bien à propos & sans aucune subiection. Qui n'est pas peu de chose pour le seruice du seigneur, car il ne sçauroit recompenser l'Architecte du grand proufit qu'il luy fait en cela, & peult faire ailleurs quand il entend bien ce qu'il ordonne. Le seigneur doncques l'aduertira seulement de ce qu'il veult despendre, & quel bastiment il desire auoir. Mais sur tout il ne fault rien entreprendre qui soit par dessus l'opinion des hommes doctes, n'aussi faire chose en quoy il faille combatre la nature du lieu, qui a tant de force, qu'encores qu'on la contraigne par artifice & inuentions humaines, si est-ce qu'elle se fait tousiours faire place. Doncques il faudra prendre garde que l'assiette de vostre bastiment ne soit en tel lieu, que quād les torrés ou riuieres viendront à croistre & se desborder, elles le puissent offenser, ou bien quelque rauine descendant des montaignes, par laquelle les riuieres sentent & estant enflées se respendent & apportent grandes incommoditez. D'auantage il fault regarder, si l'impetuosité des vents, ou d'aucun d'iceux, y peult causer quelque dommage, ou engédrrer maladies. Je ne voudrois aucunement bastir en la croupe d'une montaigne difficile & malaisée à mōter, ny en vne campagne sterile & deserte, mais bien en vn lieu qui soit fertile & habite, ayant ses elements bien à propos, & estant accompagné de bonnes terres, bonnes eaux, avec vn air libre & salubre tout autour, sans aucun empeschement n'aucune subiection de brouillats extraordinaires, ou vapeurs immundes & contagieuses, si est possible. Il n'y fault aussi omettre la commodité des bois pour

bastir & brusser, au moins qu'ils n'en soient loing, à fin qu'il ne conuienne faire grands charrois. Fault d'auantage que le lieu & assiette ne soit incommode pour apporter les prouisions conuenables & necessaires à la maison, soit par basteau, charroy, voiture, ou autrement. Et que le terroir ne soit trop moitte & humide par superabondance d'eauës, ne trop dur & sec, par default d'icelles, ains moiennement temperé: ou sil ne peult ainsi estre, au moins que la region soit plus tost peu froide & seiche, que trop chaude, ou trop humide, par ce que lon remedie bien au froit par bonnes murailles, bons feuz, vestements, & autres moiens, mais non si facilement aux chaleurs intemperées. Noz auteurs d'Architecture disent conformément avec les medecins, que la meilleure region & situation est celle qui se trouue temperée en chaleur mediocre & humidité, ou bié en approche: car elle produit de beaux & grands personages, n'estats comme point molestez de maladies, & viuants longuement. Sur tout il fault garder de fenclorre entre deux montaignes, ou bien entre quelques fondrieres & vallées, ou sengendrent de tres mauuaises vapeurs par les bouës & fanges qui y croupissent, & n'ont lieu de seua-cuer & escouler: Autrement seroit se faire prisonnier, & lassuier à la misericorde des immundices, facherie du chemin, & autres incommodeitez qui en peuuent suruenir. La meilleure situation & plus plaissante, est vne petite colline, qui ne soit ne trop haute ne trop basse, & batue par fois de quelque douce haleine de vent suaue. Mais principalement il fault prendre garde à la bonté des eauës, car c'est chose de bien grande importance pour la santé, veu qu'il en prouient plusieurs maladies, mesmement quand lesdictes eauës sont vicieuses, comme grauuelles, coliques, gouttes, grosses gorges, oppilations, hydropisies & autres: ainsi que vous pouuez voir au chapitre de la nature des eauës en Vitruue, & Leó Baptiste, sans y omettre les beaux discours qu'en font les medecins. Ce temps pendant ie vous declareray ce que i'ay cogneu, tant par experience que par liures, touchant lesdictes eauës. La bonne eauë, ainsi qu'enseignent les Medecins, Philosophes, & Architectes, sera de tresgracieuse saueur, n'aura aucun goust facheux, & representera à l'œil vne belle couleur (iaçoit que proprement on ne luy en puisse assigner aucune) bref elle sera estimée parfaicte si on la voit claire, pure & subtile, de sorte qu'estant mise sur quelque linge blanc, elle n'y laisse aucune tache, & apres auoir bien tost & incontinent bouillu, facilement & plus tost elle se refroidist, ne laissant aucun limon en son vaisseau. Dauantage, elle n'engendre aucune mousse ou limon au canal

*Beau discours
et digne de
noter sur la cō-
modité & in-
cōmodité des
lieux.*

*Lieux entre
deux monta-
gnes, ou val-
lées, mal pro-
pres pour bas-
tir.*

*Plusieurs ma-
ladies proue-
nyr des mau-
uaises eaux.*

*Choses dignes
de noter, et de
grande impor-
tance, touchant
les bonnes eaux*

LIVRE I. DE L'ARCHITECTVRE

par lequel elle passe, si c'est fontaine: & ne souille ou tache aucunement les cailloux sur lesquels elle court, si c'est riuere: ains sy montre tousiours belle, claire & fort legere. Voila les signes des tresbonnes & salubres eauës, entre plusieurs, ainsi que vous le pouuez voir aux auteurs cy dessus alleguez, & autres. Mais pour reuenir au propos delaisé, ie dy qu'il conuient prédre garde, que rien ne croisse à l'entour du lieu ou vous voulez bastir, qui soit corruptible, puant, & pestilët. Quand la terre & l'eauë ont quelque vice en elles, cela se peult corriger par industrie: mais quand l'air est vicié & corrompu, il est difficile par art humain le meliorer. Doncques l'air est vne des choses que nous deuons le plus cōsiderer: car sil est pur & net, nous le sentons estre merueilleusement proufitable: au cōtraire, sil est infecté, ne se trouue rie qui soit plus dangereux. Il le fault doncques bien choisir veu qu'il est tant requis pour la santé, nourriture & conseruation de toutes creatures. C'est chose veritable que les hommes qui viuent en air serain & salubre, sont de beaucoup meilleur esprit, que ceux qui croupissent sous vn gros air n'estant esuenté, & bien peu agité. Il faudroit aussi cognoistre si les hommes qui sont au ressort & lieu ou lon veult bastir & demourer, soustiennēt longueur de vie, quelles sont leurs couleurs, leurs meurs, leurs maladies, & autres accidents du corps. Pareillement quelles herbes proufisent au pays, tant pour les hommes que pour les bestes, & si le foye des moutons & brebis y est sain, car veritablement de telles choses & semblables, on vient à la cognoissance de la temperature ou intemperature, salubrité ou insalubrité de la region, assiette ou terroir, ou lon veult edifier. Quand vous aurez considéré ce que dessus, & entendu le rapport des Sages, des Philosophes, & Medecins, qui cognoissent la nature des lieux, de l'air, & des eauës, ainsi que Hippocrates en a faiët vn liure, lors vous penserez à chercher vn Architecte tel que ie vous le descriray cy apres, à fin de bien ordonner & conduire vostre bastiment.

Autres considerations pour la cognoissance d'un pays et lieu salubre

Le conseil des Medecins & Philosophes estre proufitable à ceux qui veulent bastir.

Qu'on doit choisir vn expert Architecte, & de quelles sciences il doit estre accompagné, & que sa liberté doit estre exempte de toute contrainte & subiection d'esprit. CHAPITRE III.



Pres auoir aduerty ceux qui veulent edifier, quelles choses ils doiuent considerer & preuoir deuant que mettre la main en œuvre, & aussi apres leur auoir fait recognoistre la situation & assiet de lieu ou ils doiuent bastir, à fin qu'ils se sachent garder des choses incommodes & sayder des bonnes & commodos: consequemment ie les veux icy aduertir qu'ils doiuent choisir vn sage, docte, & expert Architecte, qui ne soit du tout ignorant de la Philosophie, des Mathematiques, n'aussi des histoires, pour rendre raison de ce qu'il fait, & cognoistre les causes, & progres d'une chacune chose appartenant à l'Architecture, & aussi qui entende la protraiture, pour faire voir & donner à entendre à vn chacun par figures & deseings les œuvres qu'il aura à faire. Semblablement qui cognoisse la perspective, tant pour faire ses protraits, que pour scauoir donner la clarté aux edifices selo les régions & naturel d'une chacune partie d'iceux. Aucuns ont dit qu'il doit aussi entédre la medecine, mais ie ne trouue point que cela luy soit fort requis, cōme nous l'auōs discouru en l'epistre adressée aux Lecteurs: mais bien plustost qu'il cognoisse aucunes regles de Philosophie naturelle, pour scauoir discerner la nature des lieux, les parties du mode, la qualité des eauls, les régions, assiettes & proprieté des vèrtez, la bonté des bois, des sables, & le naturel des pierres, à fin de les faire tirer en tēps propre, & cognoistre celles qui sont bonnes à faire la chaux, la tuille, & comme il fault mettre le tout en œuvre. Il y en a aussi qui disent estre necessaire que l'Architecte soit Iuriconsulte, ou si vous voulez, qu'il sçache les loix, à cause qu'il aduient souuent qu'en bastissant se peuuent mouoir proces: mais cela à mon iugement ne luy est requis, quelque chose qu'en escriue Vitruue, car il suffit qu'il entende les ordōnances & coustumes des lieux pour faire son rapport au Iuge, qui puis en ordōne selon les loix, au proufit de ceux à qui il appartient. Aussi telle charge est plus propre aux maistres maçons & officiers (comme sont les maistres des œuvres & maistres iurez des Roys & seigneurs) que à l'Architecte, qui a autre profession & beaucoup plus grande & honorable, iagoit qu'il en peult aussi parler quand il y est appellé. Lediect Vitruue veut d'abondant, que l'Architecte soit Rhetori-

Briefue recollection des precedens chapitres.

De quelles sciences et disciplines doit estre accompagné le bon & expert Architecte.

L'architecte n'auoir que faire des loix & science du Iuriconsulte.

Office des maistres maçons, & autres officiers iurez.

LIVRE I. DE L'ARCHITECTURE

cien, pour sçauoir bien deduire & r'apporter eloquemment son entreprinse deuant les seigneurs, & gens qui le mettēt en besongne & l'employent. Je suis d'opinion avec Leon Baptiste Albert que cela ne luy est necessaire, car il suffit qu'il donne seulement son conseil, & monstre sa diligence n'aiuement, & dise ce qui fera expedient pour paruenir à son entreprinse & intention. Cela est la principale Rhetorique & eloquence d'un Architecte. Toutesfois quand il en sçauoit quelque chose, il en auroit beaucoup meilleure grace pour bien deduire son fait. Mais qu'il ne luy aduienne ainsi qu'à plusieurs qui festudiēt plus à discourir & bien parler, qu'à biē faire. & ordonner: laquelle chose sert plus tost à surprendre les hommes, que bien entendre à leur fait. Plusieurs ne sçauent parler beaucoup, mais ils sont fort studieux & curieux de leur estat, & trop plus à louer que ceux qui sont grāds parleurs & font longs discours, avecques ostentations de beaux protraicts & bien peincturez, mais leurs œuures ne sont en rien semblables. I'en voy & ay veu infinis qui ne sçauent riē dire, toutesfois ils sont merueilleusement heureux à bien faire ce qu'ils entreprennent. I'en sçay d'autres qui sont seulement nayz pour vn fait, lequel ils cōduisent trop plus dextrement que ceux qui y ont beaucoup plus estudié qu'eux. Oyez Ptolomee sur ce propos au quatriesme Aphorisme de son Centiloque ainsi escriuant:

Anima ad cognitionem apta, veri plus assequitur, quam qui supremum in modum se in scientia exercuit: L'ame apte & naye à la cognitione de quelque chose, l'aura beaucoup plus facilement & aysément, que celuy qui n'y est nay, iacoit qu'il en aye la science & sy soit exercé de toutes ses forces & pouuoir. Mais nous delaisserons ce discours à fin de reuenir à nostre propos, qui est que le seigneur se doit enquerir diligemment de la suffisance de l'Architecte, & aussi entendre quelles sont ses œuures, sa modestie, son assurance, preud'homme, gouuernement, & bon heur en ses entreprinſes. Semblablement sil est nay pour bien conduire vn œuure, sil est sage, & sil a les parties qui sont requises à vn bon Architecte. Cela est de grande importance, car sil est fol, glorieux, fier, presumptueux ou ignorant, il entreprendra vn grand œuure auquel il ne pourra dignement satisfaire, & consumera en frais le seigneur, pour mal cōsiderer & preuoir les choses necessaires. Tels ne veulent communement estre reprins, ne moins remōstrez, & s'opiniaſtrent de tout faire à leur fantasie, en danger de commettre grandes fautes par leur temerité & precipitee inconsideration. Il seroit tresbon que l'Architecte eust esté nourry de ieunesse en son art, & qu'il eust estudié aux sciences

Estre beaucoup meilleur de bien faire que de bien parler.

Le seigneur se doit enquerir de la suffisance & ouurages de son Architecte.

(outre celles que nous auons dict) qui sont requises à l'Architecte, comme entédre bien l'Arithmetique, ie dy en sa pratique & theorique: la Geometrie aussi en theorique, mais plus en pratique, pour les traicés qui sont le vray vsage d'icelle: pareillement l'Astrologie, Philosophie & autres disciplines, comme i'ay dict, & sur tout entendre bien la raison des symmetries, pour donner les mesures & proportions à toutes choses, soient fassades des maisons, ou autres parties des bastiments, ainsi que nous le monstrerons cy apres. Il sera aussi fort bon, qu'il ne soit du tout ignorant de la theorique de Musique, pour sçauoir représenter l'Echo, & faire resonner & ouyr la parole & voix, aussi bien de loing que de pres. Qui est chose requise aux Temples & Eglises pour les predications qui sy font, & psalmes ou autres choses qui sy chantent & proferent. Semblablement aux auditoires ou lon plaide, aux theatres ou se recitent & iouët comedies, tragedies, histoires & semblables actes, à fin que ceux qui sont loing puissent aussi bien ouyr que ceux qui sont pres. Le seigneur d'ocques ayant rencontré vn Architecte accôpaigné de tant belles singularitez, & sur tout d'une bonné ame, sen pourra asseurer, & luy commettre hardiment son œuure. Mais aussi il regardera qu'il ne soit faché par les domestiques ou parents de sa maison, car véritablement cela detourne beaucoup ses entreprinſes, inuentions & dispositions, comme ie l'ay veu par experiēce en diuers lieux. De sorte que le seigneur se faict beaucoup plus de dommage en cela, qu'il ne sçauoit penser. Je diray d'auantage que i'ay cogneu bien souuēt que les seruiteurs ne veulent ce que les seigneurs desirent, & trouuent communement mauuais ce qui plaist ausdicts seigneurs: comme aussi font les parēts, & mesmes la dame de la maison, estant communement marrie de ce que son mary entreprend; & grongnant contre celuy qu'il ayme, & à qui il porte faueur: & autant en faict le mary enuers sa femme. Lesquelles choses causent beaucoup de troubles & empeschemens qui rompent les grandes entreprinſes, si les conducteurs, & mesmes les seigneurs ne sont sages. Il fault doncques estre biē aduise & prudent pour se garder de tels inconueniens, & donner pouuoir & liberté à l'Architecte de choisir les maistres maçons & ouriers telz que bon luy semblera, à fin qu'ils luy soient obeissants: autrement fils ne le reuerent, & ne veulent faire son commandement, l'œuure ne se pourra iamais bien cōduire, & en aduiendra grand dommage au seigneur.

Arithmetique & Geometrie estre necessaires à l'Architecte.

Que l'Architecte ne doit estre faché par les parents & domestiques du Seigneur.

La liberté qu'on doit donner à vn Architecte.

Pour quelles personnes se doit employer l'Architecte, & comme il se doit garder d'estre trompé ou empesché à ses entreprinſes. CHAPITRE IIII.



L'Architecte
ne deuoit pré-
dre la totale
charge de l'œu-
ure.

Quelles gens
doit choisir
l'Architecte
en grâdes en-
treprinſes.

ils n'en ont plus affaire) comme si c'estoit vn creditur qui importe pour luy estre satisfait. Et au contraire fils vous ont fait beaucoup de biens, plus ils vous commandent, plus se fient en vous, & plus vous chargét & rechargét, côme on le voit tous les iours. De sorte que si on vous ayme, iamais on ne cesse de vous comâder, & d'ôner infinité de charges & recharges pour la fiance qu'on a en vous, & grande diligence dont vous vlez. Qui fait que pour la crainte qu'on a de faillir, & le vouloir de satisfaire à tout, on prend tant de peine qu'on se tue & consume. l'ay congneu qu'auoir trop grand credit avec les grands, est autant grand mal que n'en auoir point, à cause des enuies: mais se sçauoir maintenir avecques vne mediocrité autour d'eux, est vne grandissime louenge & sagesse. Il suffit doncques estre homme de bien, & monstrier que lon fait droictement & vertueusement son deuoir. Souuentefois on a vëu qu'aux riches maisons, la femme, les enfans, les parents & seruiteurs en veulent à l'Architecte, & ne sçauent pourquoy, sinô qu'ils ont peur que la marmitte se diminue, & que lon ne face si grande despenſe qu'on a accoustumé, pour le soing que le seigneur a de despendre, à fin de faire despescher tous ses bastiments. Il peut aussi estre que pour lors lesdicts parents & seruiteurs ne peuuent pas tant pratiquer qu'ils voudroient, & sont regardez de plus pres pour l'espargne que fault faire. Cela aduiuent souuent à ceux qui font grandes entreprinſes, & pour ceste cause retrenchent leurs despenſes superflues, lesquelles ils ayment beaucoup mieux employer à leurs bastiments, qu'à nourrir l'oyſiueté de plusieurs, qui ne seruēt qu'à regarder & bien souuent reprendre la vie de leurs maistres. Pour reuenir à nostre propos, l'Architecte donnera ordre de ne facher personne, n'aussi d'estre faché d'aucuns, pour autant qu'estant trauaillé d'autrui, iamais il ne peult rien faire ne ordonner qui soit à propos. De ſen vouloir pleindre au seigneur chascune fois, ne seroit iamais fait, & de là se pourroit engendrer telle querelle, qu'on seroit contraint de laisser l'entreprinſe, qui causeroit vn grand mal pour le seigneur, & l'Architecte aussi: car on l'estimeroit estre indiscret, leger & indigne d'auoir charge. Je ſçay par moy combien en telles choses on endure de facheries, ie dy autant grandes qu'il est impossible de croire. Mais il fault prendre patience, & ne faire semblât de le cognoistre. Je vous aduise que le plus du dommage en reuiēt tousiours au seigneur & à ses ceuures, pour autant qu'on se reculle desdictes ceuures, & y reuiēt on le plus tard qu'on peult. Et qui pis est, au retour on trouue beaucoup de faultes que les ouuriers ont faittes, & beaucoup

*Beau discours
en plus que
veritable.*

*Raisons pour
quoy les pa-
rents & do-
mestiques en
veulent sou-
uient à l'Ar-
chitecte.*

*Querelles en
bastimens
domageables
au seigneur.*

LIVRE I. DE L'ARCHITECTURE

d'inuentions omises, lesquelles ce temps pendant on eust pratiquées au grand contentement du seigneur. Le chasteau d'Annet & plusieurs autres sen pourroient iustement plaindre, auquel si on ne m'eust tât trauaillé qu'on a fait, i'eusse excogité beaucoup de plus belles œuvres qu'il n'y a: & croy que la Dame iamais n'en sceut rien, ou bien elle faisoit semblant de ne le sçauoir, & moy encores moins.

L'Architecte ne deuoit manier l'argent de ses entreprinſes, ne se rendre comptable. CHAPITRE V.



L'Architecte ne doit prendre presents des ouuriers.

Bis: enseignemets à l'Architecte & dignes de noter.

Vltre les choses susdictes, il fault que l'Architecte desirant auoir l'esprit libre, & se voulant garder d'estre outragé & calomnié, ne manie iamais autrē argent que le sien, & ne soit comptable à personne du monde: comme i'ay tousiours voulu faire, & m'en suis biē trouué. Fault d'auantage qu'il ne prēne iamais presents, ne chose que ce soit, des ouuriers, à fin qu'il aye liberté de les tenser & reprēdre quand ils font faulte, & les chasser de l'œuvre, sil est de besoing: quoy faisant, ils ne luy pourrōt riē reprocher. Il sera aussi tresbō qu'il n'ordōne point les deniers, sil est possible, & ne face les marchez des œuvres. Toutesfois pource qu'il peult mieux entendre que tous autres les façons & la quantité de l'œuvre, avecques leurs valeurs, ie suis biē d'aduis qu'il en die son opinion fidelement, & encores qu'il ayde à ceux qui sont commis pour faire les marchez, & qu'il prenne garde au Tresorier, Contreroleur, & autres qui distribuent les deniers, à fin de sçauoir cōme ils les employent, de peur qu'ils ne luy facent receuoir vne honte, en donnant entendre aux seigneurs & autres que l'Architecte fait vne trop grande despenſe, & qu'il adhère par trop aux ouuriers, & expose beaucoup plus qu'il ne doit: & aussi à fin qu'ils ne luy persuadēt que ce qui ne couste que mille escus, en couste deux mille. Telz officiers qui maniēt les deniers des seigneurs, pour en farcir leurs bouges, & les pratiquer en diuerſes sortes, trouuent plusieurs mauuaises inuentions, pour couurir leur auarice, tant sur les voitures qu'autres matieres, & rançonnent les ouuriers, de sorte qu'il leur en fault donner pour estre payez, qui est cause que les ouurages en coustent beaucoup plus. Voila comme bien souuent ils remettent toute la faulte sur l'Architecte, & disent qu'il est mauuais mesnager pour l'œuvre qui couste tant, sous vmbre d'infinies despenſes & collusions qui se font extraordinairement par eux, & sont

& sont reiectées toutes sur les bastiments: ainsi que ie l'ay veu faire, qui est au deshonneur de l'Architecte, mesmes quād l'œuvre couste plus qu'il ne conuiét. Car il ne luy doit estre assez de bien accommoder toutes choses, sçauoir donner toutes mesures, & symmetries bien ordonnées, & proprement disposer le tout, si l'ne monstre par effect qu'il est bon mesnager, & qu'il entéd bien la valeur & pris des œuvres: à fin que le seigneur ne soit trompé, & que l'œuvre ne couste plus qu'il n'appartiét, & aussi que outre l'honneur qu'il en receura, il en ayt digne recompense. Par ainsi il doit prendre garde à tout, avecques vne grande modestie & prudence. Mais pour obuier à tant de peines, il doit aussi choisir vn bō & sage seigneur qui le soustiène, qui le garde des enuieux, & qui l'ayme & conserue: vous aduisant que s'il faiét autrement, iamais ne sera faiète chose digne de grande louenge. Je sçay tresbien cela par experience: de sorte que iamais homme n'a tant enduré que ie pense auoir faiét, & principalement aux inuentions nouvelles, ou les enuies sont si grandes, qu'il semble que toutes choses doiuent nuire à l'inuenteur, s'il n'est fort vertueux & constant pour y resister. Il fault aussi que l'Architecte soit fidele à son seigneur, & qu'il face les œuvres, comme si elles estoient pour luy mesmes, donnāt à cognoistre par espreuue sa fidelité en tout ce qu'il fera entieremēt, à fin qu'il ayt la seule charge, & le credit de faire ce qu'il voudra. Car s'il a vn compagnon ou autre qui l'observe, ou qui se vueille mesler d'ordonner, il ne sçaura iamais rien faire qui vaille. Je l'ay veu & experimenté au chasteau d'Annet, auquel lieu pour me laisser faire ce que i'ay voulu en cōduisant le bastiment neuf, ie luy ay proprement accommodé la mai- son vieille, qui estoit chose autāt difficile & facheuse qu'il est impossible d'excogiter. Bref i'ay faiét ce qui m'a semblé bon, & de telle sorte & telle disposition que i'en laisse le iugemēt à tous bōs esprits qui auront veu le lieu, & entédū la subiection & contrainte qui sy presentoit à cause des vieux bastiments. Et n'eussent esté les grandes enuies & haines que m'en portoient les domestiques & autres, lon y eut faiét encor' des œuvres trop plus excellentes & plus admirables que celles qu'on y voit. s'il y a quelque chose singuliere & rare, louenge en soit à Dieu. Pour conclusion Mes- seigneurs & amys qui desirez faire edifices, & vous qui desirez faire profession d'Architecture, ie vous prie de vouloir bien entendre, retenir & pratiquer le present discours, & vous aperceurez le fruit, accompagné de plaisir, qui vous en reuiendra & aux vostres.

*L'Architecte
deuoir prēdre
garde que le
seigneur ne
soit trompé.*

*Inuētiōns nou-
uelles estre
subiectes à en-
uie & calom-
nie.*

*Le chasteau
d'Annet con-
struit par l'or-
donnance de
l'auteur.*

*Aduertisse-
ment de l'a-
uteur en forme
de cōclusion.*

LIVRE I. DE L'ARCHITECTVRE

Que l'Architecte doit auoir cognoissance des quatre parties du monde, & des vents qui en procedent, à fin de bien planter son logis, & l'accommoder à la santé des habitants, & reserue des prouisions de la maison. CHAPITRE VI.



Onduisant quasi par la main nostre Architecte à la cognoissance des choses qui luy sont necessaires de preuoir & sçauoir deuant que commencer ses œuures; ie ne veux oublier de l'aduertir qu'il a entre autres choses grand besoyn de la cognoissance des quatre angles ou parties du mode, pour bien planter & salubrement asseoir son bastiment, & accommoder ses ouuertures, c'est à dire les portes, fenestres, & souspiraux des caues bien à propos. Lesdictes parties, ainsi que plus ample-ment nous le deduirons cy apres, sont Orient, Occident, Midy, & Septentrion. Il prendra doncques garde, si entre Orient, & le lieu ou il veut bastir se trouue riuere limonneuse, paluz, ou mar-escage: car seroit chose fort mauuaise si la maison estant bastie, les regardoit, pour autant que quand le Soleil se leue, il reiecte & repoulse contre ladicte maison, de grosses & puantes vapeurs espuisées de telles eauës crouppies qui sont fort dâgereuses pour les bestes venimeuses qui y habitêt tousiours accôpagnées d'ex- halation pestilente, qui donne facilement dedans la maison, & offense incontinent les habitans. Lors il fault sçauoir tourner la- dicte maison, ou bien la mettre plus hault, ou plus bas, ou à costé pour euitier telles incommoditez. Et fault, sil est possible, qu'en- tre l'Orient & le bastiment n'y ayt que terre seiche, ou petites collines, ou prairies, & point de riuere, si ce n'est qu'elle ayt son cours à trauers. Il fault aussi diligemment prendre garde à v- ne chose qui est la pire de toutes, ainsi que i'ay cogneu par plu- sieurs experiéces, & principalement en France: c'est que les mai- sons qui sont situées en la croupe d'une montaigne, ou en vne vallée qui regarde entierement l'Occident, & ont l'Orient & Septentrion couuerts & empeschez, communement sont mal saines: ce que ie dy pour en auoir veu infinies situées en lieux semblables, & sous tel aspect, ausquelles on ne pouuoit demou- rer sans estre malade, & offensé en la santé, voire bien souuent iusques à la mort. Les parties de Midy en aucuns lieux sont salu- bres, aux autres insalubres & fort mauuaises, comme en aucuns lieux de la Prouence, de Languedoc, d'Italie, & ailleurs. Celles de Septentrion sont tresbonnes en ce pays, & necessaires pour la

*Les bastimēts
ne deuoir estre
ouuerts contre
lieux aquati-
ques.*

*Quelles sont
les situations
des maisons
mal saines.*

conseruation des corps & de beaucoup de choses qui sont requi-
 ses pour la vie des hommes. Voila quant à la generalité: mais pour
 plus particulièrement en philosopher, & parler pour l'usage de
 nostre Architecture, il ne fault auoir seulement la cognoissance
 des susdictes parties & angles du monde, mais aussi des vêts qui
 nous en sont enuoyez, soient principaux & cardinaux, ou bien
 soubprincipaux & collateraux (ainsi qu'on les appelle) qui nous
 peuuent ayder ou offenser, selon le lieu & nature d'un chacun: par
 autant qu'ils alterent l'air, l'air les humeurs des corps & esprits
 avec le sang, & par conséquent la santé, si ledit air n'est cor-
 rigé ou empesché par son contraire. Comme quoy? si l'air règne vn
 vent chaud, ainsi qu'en esté, il conuient changer la chambre &
 habitation chaude, ou, si vous voulez, estiuale, en celle qui sera
 froide & hybernale, & la froide, en chaude. Ainsi que nous en-
 seignent faire les arondelles & grues, lesquelles nous voyons
 se retirer de nous, & laisser noz pays froids, quand l'hyuer s'appro-
 che, & se retirer vers ceux qui sont chauds: de rechef quand il
 y fait froid, reuenir à nous. Je ne suis d'auis que nous omettions
 icy ce que Vitruue escrit du proufit & vtilité qu'on reçoit de la
 bonne situation d'un logis pour la conseruation & recouremēt
 de la santé de ceux qui y sont malades. Car il veult que ceux qui
 seront affligés de fieures ardētes & chaudes soient logez aux par-
 ties Septentrionales & chambres froides, & ceux qui aurōt ma-
 ladies froides, humides & catarreuses, habitent aux parties meri-
 dionales, ou sont les chambres chaudes, & ainsi des autres. Il est
 doncques tresbon & fort expedient à l'Architecte de cognoistre
 les contrées & régions des vents, avecques leurs qualitez & tem-
 peratures, à fin de s'en sçauoir bien ayder, selon ce que nous en
 proposerons cy apres. Et notez ie vous prie, que cecy ne seruira
 seulement pour la santé des habitans, mais aussi pour la conser-
 uation des biens & viures de la maison. Qui me fait dire hardi-
 ment, que la cognoissance des vents est de plus grāde importan-
 ce & consequence qu'on ne pourroit penser. De sorte qu'il vau-
 droit trop mieux à l'Architecte, selon mon aduis, faillir aux or-
 nēments des colonnes, aux mesures & faillades (ou tous qui sont
 profession de bastir s'estudient le plus) qu'en ces belles reigles de
 nature, qui concernent la commodité, l'usage, & proufit des ha-
 bitans, & non la decoration, beauté, ou enrichissement des logis,
 faitz seulement pour le contentement des yeux, sans apporter
 aucun fruit à la santé & vie des hommes. Ne voit on point, ie
 vous prie, qu'à faulte d'auoir bien approprié, tourné & accom-
 modé vn logis, il rend les habitans tristes, maladifs, desplaisants,

*Nature des a-
 rondelles &
 grues digne de
 noter: avec-
 ques vn bel
 enseignement
 de Vitruue.*

*Les reigles de
 nature passer
 les enrichisse-
 ments d'Ar-
 chitecture.*

LIVRE I. DE L'ARCHITECTURE

& accompagnez de toutes disgraces & incommoditez: desquelles on ne peult le plus souuent rendre raison, ne moins sçauoir d'ou elles viennent. Il ne fut doncques iamais mal dict, qu'il est permis à plusieurs de donner de beaux ornemets à vn logis: mais le sçauoir bien dresser & commodément tourner, c'est œuvre & industrie de peu d'Architectes. Pour dōcques obuier à telles necessitez, nous donnerons cy apres, Dieu aydant, claire intelligence, non seulement de la temperature & naturel du lieu auquel on veult bastir, mais aussi des quatre parties du monde, & de leurs vents domestiques, tant principaux que moitoians, ou, si vous voulez, collateraux, avecques les natures & temperatures des chambres & lieux qui les regardent.

Ordre, lieu, & qualité des huit vents, qui nous sont familiers, & comme l'Architecte s'en doit ayder.

CHAPITRE VII.



Nous auons dit nagueres que les quatre parties du monde sont Orient, Occident, Midy, & Septentrion. Oriēt est le lieu ou se leue le Soleil au temps des deux Equinoces, peu deuant la my Mars, & my Septembre: Occident, ou il se couche audit temps: Midy, ou il est au milieu de son cours, c'est à dire entre son leuer & coucher, qui fait le iour artificiel. Septentrion est le point & partie opposite de Midy, ou le Soleil ne paruiet iamais. De ces quatre parties principales du monde soufflent directement quatre vents nommez principaux ou cardinaux, sçauoir est du point d'Orient, Subsolanus, marqué en la figure ensuiuant par A, duquel la qualité & nature est chaude & seiche: d'Occident vente Fauonius, noté par C, sa qualité estant froide & humide: de Midy, Auster, signé B, ayāt nature & qualité humide & chaude: & de Septentrion Boreas, marqué D. duquel la qualité est froide & seiche. Voila quant aux quatre parties & angles du monde, avecques leurs propres vents domestiques. Il fault consequemment noter, que les anciens ont encores diuisé également en quatre, vne chacune espace qui est entre les susdits vents principaux, & donné à vne chacune de superabondant vn vent propre. Parquoy entre Subsolanus & Auster, c'est à dire entre Orient & Midy, ou, si vous voulez, entre A & B également, ils ont situé le vent appellé Eurus, marqué par E. entre Midy & Occidēt, Africus noté par F. entre Occident & Septentrion, Caurus signé par G. & entre Septentrion & Orient

*Les nōs, lieux
& qualitez
des quatre
vents principaux.*

Excuse de l'auteur touchant le nō des vents.


Aquilo, marqué par H. Si nous ne donnons en François les noms des vents, c'est pour autant qu'ils n'y ont encores esté proprement & generalemēt specificiez, au moins que ie sçache: iacōit que vne chacune nation & prouince les designe & nōme à sa mode. Mais voirement pour appliquer à nostre Architecture ce que iusques icy nous auons escrit, il fault noter que les lieux & chambres qui declineront du vray Orient bien peu vers Septentrion, & seront ouuertes contre telle partie du monde, elles serōt tousiours fraiches pour l'esté: celles du costé de Midy, chaudes pour l'hyuer. De la partie Occidentale, excessiuemēt chaudes, & fort propres à faire cuisines, buāderies, estuues, poisles, & baigneries. Vers Septentrion les lieux seront tresaptes pour faire cryptoportiques, galleries, bibliothèques, greniers, & caues. Il fault ainsi iuger des autres membres, & parties du bastiment, lesquelles on pourra tourner & accommoder vers le lieu & vent qui leur sera propre, selon la situation de la place ou lon voudra bastir. L'etree du bastiment ou logis sera propre au droit du vent, lequel nous auons nommé Caurus, egaleement situé entre le Septentrion & Occident, ainsi que nous auons dict, & le pouuez voir par la figure enfuyuante. Car vne partie du lieu d'ou procede ledict vent estāt chaude, & l'autre froide, temperera la fassade de la maison. La partie regardant le vent nommé Africus, entre Occident & Midy, est propre à construire chambres & lieux contre l'injure du froid, pour l'aspect & ouuerture qu'elles auront contre la partie chaude du monde. Et telles sont ou doiuent estre les ouuertures & aspects des salles pour se trouuer temperées. Entre l'espace de Subsolanus & Boreas, ou, si vous voulez, entre Orient & Septentrion, ou nous auons situé le vent Aquilo, sont les vrayes habitatiōs d'esté, pour estre fraiches, à cause du regard qu'elles ont vers les parties froides, qui resistent aussi à corruption & putrefactiō. Parquoy elles sont fort bonnes, & propres pour garder bledz, huiles, vins, fruiets, grains, lards, & choses semblables pour la prouision de la maison. Vous voyez par ce peu de discours combien est necessaire & proufitable à vn doctre & expert Architecte la cognoissance des quatre parties du monde, & de leurs vents. Laquelle les anciens auteurs d'agriculture & medecine ont tant estimée, qu'ils y ont r'apporté, ie ne diray l'assiette des terres pour les vignes, bleds, boys, & semblables, mais aussi, la meilleure partie de la santé & cōseruation des hommes, bestail, & prouisions domestiques, ainsi que vous en pourrez iuger, si vous lisez les liures rustiques de M. Caton, M. Varron, Virgile, Columelle, Pline, Pallade, & autres. Et des mede-

*Application
des vents: col-
lateraux &
entremoiens
aux parties
des bastimens.*

*Choses fort di-
gnes de noter,
pour bien dispo-
ser toutes les
parties d'un
logis.*

LIVRE I. DE L'ARCHITECTVRE

cins le liure de ce grand & incomparable Hippocrates, lequel il a intitulé, Des lieux, de l'air, & des eauës. Bref ce qu'en ont écrit presque tous les medecins, côme aussi les philosophes, poëtes, & Architectes. Lesquels ie vous propose pour les voir, à fin que ie continue & pourfuiue le fil de nostre entreprinse.




Ie feray encores icy vn bref discours de la situation & aspects des vents, à fin de monstrier quelle difference il y a de planter & perfer vn edifice vers les parties meridionales, & cõtre les septentrionales, ou bien orientales & occidentales, & autres qui leur sont entremoiënnes. Iagoit que la chose semble estre petite, si est-ce qu'elle est de plus grande importance & consequence qu'on

n'estime: voire beaucoup plus que tout le reste de l'œuvre, à fin de bien accommoder les habitations, donner propres & com-
 modes ouuertures aux portes, fenestres & souspiraux des caues, *L'observation des vents est de grande importance à l'Architecte.*
 bien asseoir les cheminées, & cōstruire vn chacun lieu, ainsi que sa nature & temperature le requiert, & l'auons cy deuant dict, & dirons plus à plein cy apres, Dieu aydant. La cause qui me induict de poursuiure ceste matiere bien au long, c'est pour autant que ie voy la plus part de ceux qui bastissent, faillir lourdement pour ne prendre garde & ne se foucier de l'vtilité & sancé des habitants, par faulte de cognoistre & entendre la situation des vents, à fin de les accommoder proprement aux parties des logis. On cognoistra par le discours du present œuvre le dommage qu'on reçoit quand l'edifice n'est planté & persé, comme il doit, & selon le lieu ou il est situé. Pour vous monstrer donc-
Grandes incōmoditez ensuiure les logis mal persés et dressés.
 ques la difference qu'il y a, & comme on sy deura conduire, i'ay faict encores vne figure, en laquelle ie descripts les huit vents (ain si qu'à la precedente) & forme quatre quarrez parfaicts touchâts & montrants par leurs extremitez & angles, les lieux d'ou departent les vents qui y sont designez par leurs propres noms, & marquez de lettres conuenables. Ce que i'en ay faict, c'est pour autant que aucuns bastiments veulent estre plantez & perséz en vne sorte, & les autres en autre, & bien souuent au contraire. De sorte qu'on voit certaines maisons qui desirent auoir ouuerture, *verbi gratia*, vers l'orient estiuial marqué K. en la figure ensui-
 uante: & les autres vers l'hybernal signé L. De rechef aucûs vers la partie de septentrion declinant vers l'oriēt estiuial marqué H. & les autres vers ledict septentrion, inclinant à l'occident estiuial signé G. Et ainsi des autres vents & parties du monde, designées en la figure par leurs propres lettres, lignes, & angles: comme la nature & situation du lieu le permettra, & le docte Architecte l'aduîsera. Les raisons se pourront cognoistre par le discours du present œuvre, sans en faire plus lōgue esécriture. Mais voiremēt quelques vns se pourront esmerueiller, pourquoy c'est qu'en la figure prochaine des quatre quarrez entrelassez, ie descris xvi. *Obiection à laquelle respond fort dextremēt l'auteur.*
 vents, contre l'opinion & aduis tant des anciens que modernes, qui en ont mis quatre premierement, puis huit, qui sont en somme douze, ainsi que Aristote, Senecque, Pline, Vegece & autres les ont fort bien designez. Je respondray, que l'Architecte est en mesme liberté que le marinier, qui se propose & constitue trente deux vents pour dresser son cours en toutes les contrées & parties du monde par les adresses des vents. Ainsi l'Architecte qui doit conduire son bastiment dextremement, & luy donner

LIVRE I. DE L'ARCHITECTVRE

*Que c'est que
Vent & de sa
generation.*

ouuerture en lieux diuers, selon la nature & situation de la place, ou il veult edifier, & la commodité des habitans peult diuiser l'horizon du lieu en tant de parties qu'il vouldra, veu que de tous les poincts & lieux d'iceluy peuuent proceder vents, qui ne sont autre chose que vne exhalation, vapeur ou fumée conduite & agitée lateralement sur la terre, & procedant de diuerses parties de l'horizō, ainsi que les philosophes le nous descriuēt. Et de là vient que Vitruue, auteur d'Architectue le nompareil, faict & cōstitue x x i i i. vents. Ce que n'ont faict tous autres auteurs, soient Latins ou Grecs. Mais de ce propos sera assez, sinon que encores ie veux mettre cy apres deux ou trois autres figures pour exemple, & plus facile intelligēce du present discours des vents.




A fin qu'un chacun puisse auoir la cognoissance de bien tourner son bastiment, selon le lieu & assiette ou il vouldra edifier, ie propose ce plan qui est cy apres, quasi semblable à celuy que feu monsieur le Cardinal du Bellay me fait faire cōmençant le chasteau de saint Maur des fosses pres Paris, qui est aujourdhuy à la maiesté de la Roynie mere, qui le fait acheuer & cōduire avecques vne grande magnificence, suyuant le bon esprit & iugemēt qu'elle a tresadmirable sur le fait des bastimēts, ainsi qu'il se voit non seulement audit lieu de saint Maur, mais aussi à son Palais qui se construit pres le Louure à Paris, ainsi que plus amplement nous le donnerons à cognoistre en ce present discours d'architecture & ailleurs. Vous voyez qu'audit plan, l'orient equinoctial regarde droit sur l'angle du bastiment marqué A, de la partie du vent Subsolanus: & l'autre angle marque B, regarde droit sur la partie de midy vers Auster. Le tiers angle ou coing marqué D, regarde la partie de Septentrion ou est situé Boreas. Et le quart regarde l'Occident du costé ou est marqué F, de la part du vent Fauonius, ainsi que vous le pouuez cognoistre & remarquer à la figure du quarré parfait A B C D descrite cy deuant. Par ainsi on voit audit plan de saint Maur, & en l'œuure propre, que la chambre marquée C, est fraiche pour l'esté, estant persée & ouverte du costé de l'orient estiuial, regardant les parties septentrionales, & celle qui est marquée H, est chaude pour l'hyuer, à cause du regard qu'elle a vers les parties meridionales. & ainsi se peuent accommoder tous autres edifices.

*Louenges de
la Roynie mere
du treschrestien
Roy Charles.*


*Situation &
disposition du
chasteau de S.
Maur pres
Paris.*

LIVRE I. DE L'ARCHITECTVRE



En tel lieu pourrez vous estre qu'il faudra planter & tourner vostre bastiment tout au contraire de celuy lequel vous voyez cy deuant, & le pouuez considerer en la figure du quarré parfait. des vents au lieu marqué H R F G. Et d'abondant en la suiivante figure du plan d'un bastiment quasi semblable à celuy de saint Maur, lequel cy dessus ie vous ay proposé, fors que ie metz quatre pavillōs sur les quatre coings en forme de chasteau, ausquelz vous voyez sur la partie de H, le vent Aquilo, qui estoit en la figure precedente, le vent Subsolanus, & sur la partie de R, le vent Eurus, qui estoit Auster en la precedente: de rechef sur la partie de G, le vêt Caurus qui estoit en l'autre Boreas, & sur le quatriesme angle, ou partie, marqué F, le vent Africus. De sorte que les quatre faces de tels bastiments regardēt tousiours les quatre angles du ciel, sçavoir est, Orient, Occident, Midy & Septentrion, ainsi que vous le pouuez iuger par la suiivante figure.

*Description
d'un autre ba-
stiment avec-
ques ses vents.*




Je mettray encores icy vn autre plan de bastiment en forme d'un paillon quarré ayant terrasses tout autour, bouleuart, & fossez, ainsi que vous pouuez iuger par la figure suyuant, sans en faire plus longue escriture en ce lieu, par autant que ie le propose ailleurs plus amplement. Ioinct aussi que ie ne me veux ayder pour ceste heure des figures & plans d'edifices que vous voiez,

LIVRE I. DE L'ARCHITECTVRE

*Discours d'un
autre basti-
ment accom-
modé comme
les precedents
à ses vents &
parties.*

finon pour vous monstrier la differēte façon de tourner & planter les bastiments. Car les vns veulent estre d'une sorte, & les autres d'une autre, ainsi que vous auez veu que l'un des angles du bastiment de sainct Maur regarde l'Orient equinoctial du costé du vent Subsolanus: & à l'autre plan ensuyuant, ce mesme angle regarde la partie du vent Aquilo. Quant à ce dernier, ie le figure comme fil estoit planté suyuant le quarré parfait, ainsi que vous le voiez en la figure des vents marqué K M P N. Par ainsi vn de ses angles seroit entre Subsolanus & Aquilo: & l'autre du costé de M, entre le vent d'Eurus & Auster: & ainsi des autres, comme vous le pouuez comprendre par la figure vniuerselle & generalle des vents qui precede ces trois plans. Doncques en obseruant la nature & situatiō des lieux, vous pouuez tourner voz bastiments en telles sortes qu'auiez ouy, ou autres, & faire non seulement habitations propres pour y demourer en temps d'hyuer, mais aussi pour y loger en esté, & lieux commodes pour garder les grains, & ainsi consequemment des autres parties de la maison, selon ce qui leur sera requis & propre au naturel des personnes & prouisions du logis. Ainsi que plus amplement vous le pourrez cognoistre par le discours du present œuure, car ie ne faudray point d'en parler & en aduertir le Lecteur ainsi qu'il viēdra à propos. Parquoy il me semble qu'il suffit quant à ceste matiere.

Les beaux



*Les beaux ornements, belles façons, & enrichissements des
logis, n'estre tant nécessaires que la bonne situation
d'eux, & ouverture bien accommo-
dée aux vents.*

d

LIVRE I. DE L'ARCHITECTVRE

CHAPITRE VIII.



Ay tousiours esté d'auis, ainsi que nous difions nagueres, qu'il vaudroit mieux à l'Architecte, ne sçauoir faire ornemens ne enrichisseméts de murailles ou autres, & entendre bien ce qu'il fault pour la santé & conseruation des personnes & de leurs biés. Ce qu'aujourd'huy est pratiqué tout

*La pratique d'Architectu-
re estre en ce
temps mal ex-
ercée par plu-
sieurs.*

au contraire: car plusieurs qui font profession de bastir, & se veulent dire Architectes & conducteurs des ceuures, ne s'estudient à cela, pour autant peult estre, qu'ils ne l'entendent: & si on leur en parle, ils le trouuent fort nouveau. Et que pis est, ie voy quelque-fois que noz seigneurs qui font edifier, s'arrestent plus à vouloir faire de beaux ornemens enrichis de pilastres, colonnes, corniches, moulures, frises, basse tailles, & incrustations de marbre, & autres, qu'à cognoistre la situation & nature du lieu de leurs habitations. Je ne dy pas qu'il ne soit conuenable & fort bon de faire tresbeaux orneméts & faslades enrichies pour les Roys, Princes, & Seigneurs, quand ils le veulent ainsi. Car cela donne

*Jugement de
l'auteur sur
les faslades et
ornemens.*

vn grand contentement & plaisir à la veuë: principalemét quád telles faslades sont faictes par symmetrie & vraye proportion, & les ornemens appliquez en vn chacun lieu, ainsi qu'il est necessaire & raisonnable. Par ainsi les choses delicates seront aux cabinets, estuues, baigneries, galleries, bibliothèques, & lieux ou les seigneurs hantent souuent & prennent plus de plaisir, & non aux faslades des logis, vestibules, portiques, peristyles & lieux semblables. Je ne sçache hôme qui ne dise, qu'elles seroient mal cōuenables en vne cuisine, & lieux ou logent les seruiteurs. Mais lesdictes choses doiuent estre faictes avec grand art & maiesté d'Architecture, & non point de fueillage, ny basse taille, qui ne r'amassent qu'ordures, villennies, nids d'oyseaux, de mousches & semblable vermine. Aussi telles choses sont si fragiles & de si peu de durée, que quand elles commencent à se ruiner, au lieu de donner plaisir, elles donnent vn grandissime desplaisir & triste spectacle, accompagné de grand ennuy. l'appelle tout cela despense perdue, sinon pour seruir de melancholique despit à l'aduénir. Pour ce ie conseille à l'Architecte, & à tous qui font profession de bastir, qu'ils s'estudient plustost à cognoistre la nature des lieux, que à faire de tant beaux ornemens, qui le plus souuent ne seruent que de filets à prendre les hommes, ou ce qui est dans leurs bourses. Veritablemét il est trop plus honneste & vtile de sçauoir bien dresser vn logis & le rendre sain, que d'y faire tant de mirelifiques, sans aucune raison, proportions, ou me-

*Fueillages en
basse taille
estre vn va-
mas & reser-
ue d'ordure.*

fures, & le plus du temps à l'adventure sans pouuoir dire pourquoy. Combien que ie confesse qu'il fault sçauoir l'un & l'autre, & mettre chacune chose par bon ordre & ornément, ainsi qu'on la demande, à fin de rendre les habitations saines & belles. Je ne dis point toutefois cecy pour empescher ou vouloir cōseiller que lon ne face les bastiments à la volonté des seigneurs qui les commandent, car il est raisonnable qu'ils soient seruis comme ils le veulent & leur plaist. Ainsi qu'on voit aujourd'huy estre faict au Palais de la maiesté de la Roynne mere, à Paris, laquelle pour son gentil esprit, & entendemēt trefadmirable accompagné d'une grande prudence & sagesse, a voulu prendre la peine, avec vn singulier plaisir, d'ordonner le departimēt de sondit palais, pour les logis & lieux des salles, antichambres, chambres, cabinetz, & galleries, & me donner les mesures des longueurs & largeurs, lesquelles ie mets en execution en sondit palais, suyuant la volonté de sa maiesté: d'abundant elle a voulu aussi me cōmander faire faire plusieurs incrustations de diuerses sortes de marbre, de bronze doré, & pierres minerales, cōme marchasites incrustées fus les pierres de ce païs, qui sont tresbelles, tant aux faces du palais & par le dedans que par le dehors, ainsi qu'il se peult voir, & avec tel artifice, qu'il n'y a celuy qui ayt quelque iugement qui ne trouue les œuvres de ceste tresbōne & magnanime Princefse, trefadmirables & dignes de sa grādeur: voire trop plus grandes (sil plaist à Dieu luy donner la grace de paracheuer) que Roy ne Prince en ayant encores faict faire en ce Royaume, cōme vn chacun de ceux qui en sont capables le pourra iuger, voyant le commencement dudit palais. Mais pour reuenir à nostre propos delaisé, il fault que les ornements & decoratiōs de faffades soient à propos & correspondantes au dedans du logis, & que les separations des salles, chambres, & ouuertures des fenestres & croisées ne donnent aucune difformité à la face de la maison qui est par dehors. Aussi ie ne voudrois point que lesdicts ornements des faces empeschassent, qu'on ne peust donner les vrayes mesures qu'il fault à vne salle ou chambre, & aussi qu'on ne peust mettre les portes, fenestres & cheminées aux lieux plus commodes & necessaires, sans y rien faire par contrainte, ains plustost par les moiens de l'art & de nature. Si plusieurs qui conseillent de bastir & en veulēt faire profession, ne le sçauent, & n'entendent les dimensions & mesures d'Architecture, avecques les reigles de nature qui montrent à cognoistre ce qui est proufitable & salubre, ie les prie amiablement & fraternellement d'y vouloir penser & estudier. Il fault donc que l'Architecte soit diligent de no-

*Digression de
l'auteur sur
l'excellent &
diuin esprit de
la maiesté de
la Roynne me-
re.*

*L'Archite-
cte deuoit
estre obserua-
teur de natu-
re, laquelle ne
veult estre
contrainte.*

LIVRE I. DE L'ARCHITECTVRE

ter & voir par experience ce que nature fait d'elle mesme, sans y estre contraincte, laquelle en aucuns lieux il est tresmalaisé & presque impossible de combattre. Sur tout il fault bien pouruoir ainsi que nous auons dit, aux nuyssances des vents, des palus, marais & offense de la mer, semblablement aux vapeurs qui en produiennent, comme aussi aux riuieres, montaignes, & autres empeschements, qui se peuuent cognoistre par certaines reigles & obseruations qui seroient longues à reciter: iaçoit que nous en ayons touché quelque chose cy deuant, & en pourrons parler cy apres, comme il viendra à propos.

Instruction pour l'Architecte quand il est contrainct de planter ou tourner son logis autrement qu'il n'appartient, & contre la raison des vents & commodité de l'air.

CHAPITRE. IX.



Il aduiendroit que l'Architecte fust contrainct de planter son bastimēt en autre sorte qu'il n'appartient, soit par la subiection du lieu, ou volonté du Seigneur qui fait bastir, pour autant, parauenture, qu'il ne se soucie point de toutes reigles & raisons, pour ne les entendre & n'en auoir ia-

Discours sur l'affectiō des Seigneurs, qui donc quelque sou peine & contraincte à l'Architecte.

mais ouy parler, ou bien pour l'affection qu'il auroit de vouloir regarder sur quelque prairie, riuiere, montaigne, forest, ou sur vn grand chemin, ou bien qu'il voudroit qu'on tournast son bastiment cōme il l'aura pēsē, ou pour autre subiection qui y pourroit estre par quelque vieux bastiment, lequel il y voudroit accommoder, ou autrement. Pour ce regard il fault que l'Architecte ait grandes considerations & grands iugemens d'une chacune chose, pour remedier aux inconueniens & fautes qui pourroient aduenir: ainsi que nous l'auons veu plusieurs fois par experience, & en plusieurs beaux bastimēts, lesquelz on faisoit edifier pour auoir la commodité d'aucuns autres vieux: mais apres qu'ils ont esté faitz, on a cogneu l'erreur, nuyssance & incommodité qu'ils portoient à la santé. Parquoy on a esté contrainct de les abbatre, ou refaire, ou bien les cōtemner, & n'y logger aucunement ne prendre plaisir, apres auoir cogneu les fautes irreparables, & accompagnées d'un regret durant toute la vie: mais il n'estoit temps de penser à l'erreur, ains eust esté beaucoup plus expedient & meilleur d'auoir sceu eslire gēs experts, & prins bō conseil deuant l'entreprinse, à fin de sayder de choses propres, selon le lieu, le temps, l'art, & la saison qu'il les fault prendre, ainsi

Bon conseil d'exoir. preceder les entreprinse, plus tost que les suivre.

que ie le deduirois plus amplement n'estoit que ie ferois trop prolix, pour les grandes matieres qui sy presentēt à descrire, & aussi que cecy ne peult gueres seruir à nostre discours. Il fault que l'Architecte se voyant estre ainsi cōtrainct par le seigneur, & que l'assiette de son bastiment ne vient à propos pour le bien tourner comme il fault, que lors il mōstre sa dexterité & bon esprit à faire tout seruir, & accōmoder le vieil bastimēt avecques le neuf, & trouuer quelques inuentions sur ce qu'il y conuient faire soit en forme quarrée, ronde, ouale, triangulaire ou de quelque autre façon qui sy puisse bien adapter: en donnant par tout les aspects & veuës propres, & regardant que vne chacune chose soit droitement en son lieu. Mais sur tout il fera plus que bon de chercher ce qu'il fault pour la santé des habitāts, & quād on ne peult mieux, il conuient changer les veuës des fenestres qui peuuent estre mauuaises, & les portes, ainsi que fait Marc Terence Varro en Corse, comme il le tesmoigne en ses liures d'agriculture, par lequel moien il preserua de peste plusieurs de la garnison & compagnie en laquelle il estoit. Fault aussi changer les places des lits, des cheminées, des passages & autres, ainsi que le bon Architecte sçaura bien faire. Je vous puis aduiser, que promptement y remedier n'est peu de cas, ny peu de labeur. Les choses qui sont ainsi de contrainte, & ausquelles on ne peult tousiours donner ordre, mesures & proportions, ne moins tourner les bastiments comme il fault, requierent vn sçauoir, & cognoissance laquelle s'apprend par longue expérience & pratique d'auoir mis plusieurs edifices en œuvre, & non par les mesures & proportions, lesquelles on y pourroit donner. Et pour mieux l'entendre, il fault que l'Architecte sçache bien toutes les reigles & preceptes de l'art, non tant par liures, que par long & grand vsage, ainsi que nous auons dict: car lors il trouuera les remedes & aydes incontinent qu'il en aura affaire. Je luy conseille estāt appellé ne dire son opinion legerement, comme plusieurs ont accoustumé de faire. Car estant sur vne place il verra que chacun dōne son aduis promptement, sans considerer ne comprendre le fait, sinō que bien peu: de sorte qu'en vn instāt sont proposez plusieurs deuïs. Je me suis trouué souuent aux lieux, ou i'estois contraint de dire soudainement mon aduis comme les autres, pour me vouloir accommoder avec tous. Mais quand i'auois en apres diligemmēt considéré le lieu pour lequel i'estois appellé, & pensē à ce qui luy estoit necessaire, il me failloit faire mes desseings tout autrement que ie n'auois dit, ne ouy. Parquoy c'est grande sagesse & prudēce de ne rien mettre en auāt & ne deliberer aucunement, que premie-

L'Architecte deuoit regarder sur tout à la santé des habitans.

La cognoissance d'Architecture s'apprendre par longue experience.

LIVRE I. DE L'ARCHITECTVRE

ment lon n'aye bien examiné la nature du lieu, & pensé à tout ce qui luy est necessaire. Car ainsi nō seulement on fera vn grand prouffit pour le bien du seigneur, mais aussi pour la conseruation de sa santé & de tous les siens, qui est chose la plus requise.

L'Architecte deuoit manifester ses inuentions par desseings & portraits tant de plates formes & montées, que autres, & signamment par vn modele qui representera au naturel tout le bastiment & logis.

C H A P I T R E X.



Le me conuiendroit icy escrire vn grandissime volume, si ie voulois deduire les erreurs & fautes que i'ay veu aduenir aux bastiments non seulement des Roys, Princes, & grands Seigneurs, mais aussi des mediocres & petis, par la seule negligence, de n'auoir bien consideré l'entreprinse, & n'auoir fait bons & suffisants modelles pour cognoistre ce qu'on vouloit bastir: comme aussi pour les tromperies & abus qui sont ausdicts modelles, le plus souuent faicts par gens ignorants. De sorte que tous les iours se voyent plusieurs donneurs de portraits & faiseurs de desseings, dōt la pluspart n'en scauroit bien trasser ou descrire aucun, si ce n'est par l'ayde & moyen des peintres, qui les scauent plustost bien farder, lauer, vmbrager, & colorer, que bien faire & ordonner avecques toutes leurs mesures. Le dy asseurémēt que tous Architectes & maistres maçons faisans ainsi, sont cōme perroquets, car ils scauēt biē parler, mais ils ne cognoissent ce qu'ils disent, ne moins la fin de ce qu'ils promettent, qui est de bien faire. Mais quoy? par leurs beaux portraits, & vne ie ne scay quelle temerite accompagnée de grand nōbre de paroles & arrogance, aucuns d'eux deçoient les hommes, & corrompent par presents ceux qui ont autorité & charges pres des Seigneurs, à fin qu'ils ne leur nuisent. Bref ils patelinent si bien que leursdicts tant beaux portraits & desseings seruent de filets à prendre ceux qui sont trop credules & eschauffez de faire bastir sans y rien cognoistre. I'ay veu auenir d'autres grandes fautes & abus, c'est qu'apres que les maistres maçons ont fait entendre ce qu'ils peuuent aux peintres pour en faire leurs portraits, lesdicts peintres se promettent incontinent estre grands Architectes, ainsi que nous auons dict, & sont si presumptueux qu'ils veulent entreprendre les œuures de maçonnerie, comme aussi font aucuns menuysiers & tailleurs d'images. Car pour a-

*Plusieurs de-
ceus par pro-
raits fardex
& bien colo-
rez, plustost
que biē faicts.*

uoir ouy parler les maçons, ou veu mesurer quelque façade de bastiment, soit antique ou moderne, ou auoir faict quelque modelle sous la conduite de quelque Architecte ou maistre maçon, ils se persuadent & promettent incontinent estre les primes du monde, & auoir merité d'estre reputez grands Architectes. Laquelle chose a esté cause qu'aucuns d'eux ont prins charge de conduire bastiments dont il en est auenu vne infinité d'erreurs & fautes, qui ont causé grands dommages, desplaisirs & mocqueries aux Seigneurs qui faisoient bastir, & eussent beaucoup mieux faict de continuer leur estat. Je ne dy pas que quelques honorables hommes n'ayent esté trouuez auoir conduit de belles œuures, mais pour vn bien faisant, il y a beaucoup d'abuseurs. Je conseille dōcques aux Seigneurs qu'ils se seruent des hommes, & les employent selō leur qualité & l'estat qu'ils ont bien appris des leur ieunesse, s'ils ne veulent estre trompez, ainsi que ie l'ay veu auenir à plusieurs qui ne s'en osent vanter, ne dire les grandes fautes qu'ils ont faictes, & se voiet encores tous les iours. Dōcques le seigneur regardera qu'il ne soit trompé & abusé de tels ignorants, & que ses deniers soient biē employez: qui se fera lors qu'il sçaura choisir les hommes pour bien dresser ses modelles, avecques toutes leurs proportions & symmetries, qui ne se peuuent faire sans grād sçauoir & grande diligence. J'ay bien aussi cogneu quelque-fois des hommes, lesquels combien qu'on estimast ignorants, si est ce qu'ils auoient par vn instinct de nature le iugement si grand, que si en vn œuure y auoit quelque chose de bon ou de mauuais, ils en disoient incontinent leur aduis, & ne se pouuoient bien contenter des fautes, iāçoit que l'œuure fust autrement fort riche & orné de tous beaux ouurages, voire tels qu'on eust peu desirer. Pour cela ils ne pouuoient auoir contentement, car la veuē est d'autre iugement, & de beaucoup plus grande efficace en cecy, que tous les autres sentiments & organes de l'esprit. A fin qu'aucune reprimende n'aduienne à l'Architecte, il fault qu'il soit sage & bien aduisé, pour preconsiderer toutes choses de peur qu'il ne die deuant que acheuer son œuure, ou quand elle sera parfaite, qu'il l'eust desirée autrement, & que c'est le maistre maçon ou l'appareilleur qui a faict la faute. Ceux qui vsent de telle façō de faire & excuse sont ignorants, & ne font rien qu'à l'auenture & par le conseil desdicts maistres maçons. Ainsi qu'il se voit pratiquer en diuers pays, ausquels plusieurs apprennent aux despens des Roys, & des grands seigneurs, sans sçauoir cognoistre la fin de l'œuure, ne ce qu'ils font & cherchent, ains comme borges cheminent à l'auēture & sous la conduicte d'autrui. Qui se faict

*La temerité
de plusieurs
contrefaisants
les Architectes.*

*Plusieurs biē
iuger naturel-
lement d'Ar-
chitecture
sans en auoir
l'art.*

*Plusieurs ap-
prendre l'Ar-
chitecture
aux despens
des Roys &
grands Sei-
gneurs,*

LIVRE I. DE L'ARCHITECTURE

au grand mespris & contemnement de l'Architecture, & encores plus au grand dommage & derision de l'œuvre des Seigneurs, quand on y trouue des fautes & erreurs si enormes qu'elles sont reprises d'un chacun. Je suis doncques d'avis, que nous suyviions les bonnes coustumes de ceux qui souloient anciennement bien edifier, & ne sarrestoiēt, comme escrit Leon Baptiste Albert, aux protraicts de plates peintures ou autres. Croyez (diēt il) que tous ceux qui se sont amusez à faire beaux desseings, ont esté ceux qui moins ont entendu l'art. Il suffit donc à l'Architecte de sçauoir bien faire les lignes pour dresser propremēt vn plan, & vne montée faicte nettement avec toutes les proportions & mesures, à fin que le Seigneur l'entende. Puis dresser les modelles qui serōt de boys ou de papier, ou de charte, ou d'autre matiere, ainsi qu'elle

L'art en industrie de protraire et peindre appartient à l'Architecte.

lui viendra à propos. Je ne dy pas que ce ne soit vne fort belle grace à l'Architecte de sçauoir bien protraire & peindre, mais il a tāt d'autres choses beaucoup plus necessaires à cognoistre, qu'il lui doit suffire de protraire mediocrement, proprement & nettement. Car pourueu que les mesures soiēt bien gardées, les protraits ne sçauoient faillir à se bien monstrier.

Qu'il ne se fault arrester à vn seul modele de tout l'œuvre & bastiment, ains en conuient faire plusieurs cōcernans toutes les principales parties de l'edifice: & des grandes commoditez, qui en prouieront.

CHAPITRE XI.



Vous serez icy aduertis, qu'il ne se fault arrester à vn seul modele de tout l'œuvre, qui n'y veult estre trompé, ainsi que j'ay veu aduenir, car pour en dresser vn seul, on y voit bien la forme de ce qu'on veult faire, mais toutes les parties y sont si petites & si cachées qu'il n'est facile d'en iuger, ny cognoistre ce que doit estre au bastiment, & comme le tout se comportera apres que l'œuvre sera faicte. Laquelle communemēt ne ressemble en beaucoup de parties au modele qui pour ce en a esté faict. Aussi les Seigneurs y pourroient estre trompez soit de la despenſe ou autrement, pour autant que le modele de tout l'œuvre se monstre trop petit, & ne represente en tout la maieſté du bastiment: ou bien que les ouuriers l'enrichissent & decorent tellement, qu'il semble que l'œuvre doie estre de plus grande valeur, & de plus excellente beauté, qu'elle ne se trouuera quand elle sera faicte. Je ne veux omettre que plusieurs choses

mises en petit modèle ou volume, iamais ne correspondent à ce qu'elles representent & promettét estans mises en plus grand & en œuvre. Comme quoy ? vous voyez plusieurs modèles d'engins à faire monter l'eau, ou pour autre chose, qui font bié leur effect en petit volume & modèle, mais quád ils sont mis en œuvre, en plus grád, pour s'en seruir, c'est tout autre chose, & ne s'en peult on ayder. Parquoy il fault que l'Architecte ayt gráde consideration & grand iugement en ce qu'il a à faire. Je suis bien d'aui que vous faisiez vn modèle general de tout l'œuvre que vous desirez faire, pourueu qu'en apres il en soit fait plusieurs autres des principales parties dudit œuvre, à fin qu'on y puisse voir & cognoistre les ornements & mesures d'une chacune chose à part. Vous ferez doncques particulièrement vn modèle du vestibule, vn autre du portique, autre des peristyles & portaux, des estuues, baigneries, escaliers, chappelles, cheminées, lucarnes, & autres parties sil est de besoing : & par tout ou vous voudrez faire ornements, ils y serót figurez. Quelques vns me pourront dire qu'il faudroit beaucoup de modèles, & que ce seroit grande despenſe & frais pour les seigneurs qui desirent faire bastir, aumoins à aucuns. Ne vaudroit il pas mieux, ie vous prie, despendre cent escus, voire deux cens sil est expediét, que d'en mettre dix ou vingt mille à l'adventure, plus ou moins, ainsi que vous voudrez despendre, à fin de vous exempter de repentance, laquelle autrement vous accompagnera toute vostre vie. Quand voz modèles seront ainsi faités, il sera facile à tous bons esprits qui ont sain iugement, de cognoistre si vostre entreprinſe est raisonnable ou non, & si elle est telle que vous la desirez, & bien cōmode pour les choses necessaires à vostre bastiment, & si les ornements y seront bien decents & à propos. Certainement l'une des principales choses à quoy seruent les modèles, c'est qu'on cognoist par iceux si l'Architecte est capable & suffisant de conduire vne grande œuvre, car on verra par là sil entend bien son art. Vous cognoistrez aussi par iceux si la despenſe n'est point excessiue, & si elle surpasse ce que vous y voulez employer. D'auantage combien en vostre bastimēt y aura de portes, fenestres, croisées, cheminées, colonnes, chapiteaux, & autres. De sorte que vous sçaurez particulièrement la valeur d'une chacune chose, & colligerez facilement toute la despenſe que le bastiment pourra couſter. A laquelle sera facile adiouster ou diminuer, & cognoistre le nombre des toises de la maçonnerie, & quantité des pierres de taille qu'il y faudra employer, comme aussi du moillon & des ourages & ornements que vous y voudrez mettre, avec les

L'auteur respond aux objections de quelques vns sur la multiplicité des modèles.

Discours des prouſits qui reuiennēt des bōs modèles.

LIVRE I. DE L'ARCHITECTURE

grosseurs, largeurs, & hauteurs des murs. Vous y cognoistrez aussi les vaultes & planchers, le pris des fenestres & portes, avecques la valeur des cheminées. Bref vous entendrez toutes choses par vostre modelle, lesquelles vous ne sçauriez cognoistre par portraits & peintures. Premier donc que commencer l'œuvre vous considererez toutes ces choses, & n'y ferez aucunement trôpez, mais bien fort asseurez avecques vn grand contentement, proufit & honneur tout le temps de vostre vie, & encores apres vostre mort. Car de là on iugera la prudence, sagesse, & bon ordre lequel vous aurez tenu & gardé en toutes voz entreprinſes: tellement que l'honneur en redondera tant à vous que à l'Architecte, duquel se sentiront aussi les vostres, avecques ioye, plaisir & contentement de voir tant belles maisons basties & faictes par le moyen d'un prudent & sage seigneur, bien aduisé & bien conseillé, & aussi par vn tresexpert & fort ingenieux Architecte. Car à dire la verité, en cela reluit la sagesse du seigneur, & industrie de l'Architecte, avecques vne marque de la suffisance de l'un & de l'autre, voire pour conduire vne meilleuré & beaucoup plus grande entreprinſe. Je veux encores dire d'auantage, qu'un bon Architecte desirant représenter au naturel vn bastiment, ne doit iamais faire, comme nous auons dict, vn modelle fardé, ou, si voulez, enrichy de peinture, ou doré d'or moulu, ou illustré de couleurs, ainſi que font ordinairement ceux qui veulent tromper les hommes. Car leurs œuvres ne sont en apres semblables à leurs modelles, lesquels ils fardent ainſi pour l'auarice, & pour deceuoir les hommes, avecques vn cueur si malicieux, que tousiours ils taschèt d'attirer les yeux des regardans, à fin de detourner leurs iugemens de la vraye cōsideration de toute l'œuvre, & de ses parties & mesures. Je suis dōcques d'auis avec d'autres Architectes, qu'on doit proposer les modelles simplement vnis, & plustost imparfaictz que polis & mignons, pourueu que leurs proportions & mesures y soient bien obseruées. Car il suffit qu'on y puisse cognoistre le bon esprit & entendement de l'Architecte, & que ses inuentions y soient plus louables que la mignardise, & aussi à fin qu'ils soient du tout differents à ceux des peintres: desquelz ne vous aydez iamais en cest affaire. J'ay beaucoup conduit de grands edifices & petis en mon temps, & de diuerses sortes, voire autāt ou plus qu'homme que ie cognoisse, comme aussi plusieurs forterefſes de guerre, quoy faisant i'ay veritablement apperceu, que par tout il n'y a chose tant necessaire que vn bon modelle: & ne se trouuera hōme sçauant qui puisse conduire vne grande œuvre sans iceluy, sinon qu'à la fin de la-

*Le seigneur
avecques l'ar-
chitecte et la
posterité se re-
sentir de l'hon-
neur prouenant
d'un bastiment
bien fait.*

*Quels doiuent
estre les mo-
delles qu'on
propose & fa-
brique.*

dicte œuvre, ou la poursuivant il se vueille repentir de plusieurs choses, ou bien s'aduiser qu'il eust mieux fait, sil eust premièrement considéré son œuvre par vn bon modèle. Car il n'y a si gentil esprit qui ne soit bien empesché quand il fault accommoder les faces des maisons avecques les colonnes, pilliers & autres ornements qui se doiuent approprier aux salles, chambres, & autres parties du dedans des logis, principalemēt quand on a quelque vieil bastiment en subiection, lequel il fault faire seruir, ainsi que nous auons dict, & accommoder avecques vn neuf. Quelquefois vous trouuerez vn seigneur qui voudra qu'on bastisse à sa fantaisie, & lors pour accommoder toutes les mesures qui sont requises & luy donner contentement, parauenture il conuiendra approprier le vieux bastiment à celui qu'il veult faire de neuf, qui n'est vn petit labeur, ains vn tresgrand rompement de teste, car il y fault veiller & songer beaucoup de fois, & faire plusieurs esquisses, pour apres dresser ce qui est tresrequis par le modèle qu'il fault voir. Parquoy ie dy qu'il sy trouue beaucoup plus de labeur que pour autre œuvre qu'on sçache commencer de neuf.

*Les seigneurs
quelquefois
vouloir qu'on
bastisse à leur
fantaisie.*

Pour cognoistre combien pourra couster l'edifice que vous voudrez faire bastir : & ce par le moyen d'un modèle qui en sera legitimement fait. CHAPITRE XII.



Pres qu'on aura considéré les choses cy dessus proposées par les modèles bien faits, il fault cōsequemment voir si on aura aisément toutes les matieres necessaires pour l'edifice qu'on voudra faire. Car il me semble qu'il ne seroit sagement fait, ny bien aduisé, de se vouloir ayder de ce qui est difficile à recouurer, & peult trop couster. Parquoy il fault que l'Architecte s'ayde non seulement de la nature du lieu, mais encores de ce qui sy peult trouuer. Et outre ce, qu'il cherche les inuentions de bien & sobrement appliquer les matieres & à propos, ainsi qu'on les peult recouurer. Cela bien veu & preueu, il sera facile de mesurer vne toise de chacune chose, comme aussi la grosseur des murs, & cognoistre combien il y entrera de pierre de taille, de moillō, de chaux, brique, & autres matieres avec la façon. En apres il faudra regarder la totalitē des toises qui serōt en l'œuvre : mais d'une chacune chose à part, comme de la maçonnerie & du moillon à part, de la pierre de taille & brique aussi à part, & ainsi des autres. Ayant sçeu leurs valeurs particulierement, il les faudra adioster ensemble, qui sera chose facile,

*Enseignement
fort digne de
noter pour pre-
voir les besoi-
gnes deuant
que bastir.*

LIVRE I. DE L'ARCHITECTVRE

*Pour auoir cognoissance cō-
bien doit cou-
ster vn basti-
ment.*

principalement quand le modelle est bien faict par mesure. Puis
suiuant la toise accoustumée, vous cognoistrez incōtinent com-
bien le tout doit couster, non seulemēt en maçonnerie, mais en-
cores en ornemēts, lesquels vous desirez auoir. Cela faict, si vous
ne voulez tant despendre, vous diminuerez de l'œuvre, ou bien
vous y adiousterez, si vous plaist d'auantage despendre. Si vous
y procédez en ceste sorte, vous ne ferez rien à l'auenture, & vous
fera grand contentement de voir la fin de voz entreprinſes pre-
mier qu'elles soient commençées, qui sera acte d'un homme tref-
sage & prudent, qui doit tousiours preuoir & precogiter ce qu'il
veult faire deuant que commencer. Il reste à mōstrer comme
vous deuez faire les preparatifs des matieres, & en quel temps &
saison il les fault choisir pour en faire bōne prouision, auant que
de commencer l'œuvre quelle qu'elle soit.

*Qu'il conuient faire bonnes prouisions de toutes sortes de matie-
res necessaires, premier que de commencer à bastir, à fin
que l'edifice se paracheue sans discontinuation.*

C H A P I T R E XIII.



L'n'y a celuy qui ne soit aduertý qu'on ne peult
bien faire vn bastiment, soit grand ou petit (si ce
n'estoit vne loge de berger, ou semblable) sans
pierre de taille, moillon propre à maçonner les
murs, & pierres pour faire la chaux, de laquelle
il fault auoir tresbonne quātité pour faire gran-
de masse & assemblée de mortier, avecques bō & suffisant sable.
Fault aussi auoir quantité de bois pour la charpenterie & menui-
serie. Quand on veult faire quelques ouurages delicats, comme
cabinets, estudes, bibliotheques, & autres, on faict commune-
ment prouision de bois sec & assaisonné, & quelquefois coloré,
principalement si on veult faire marquerterie, cōme de bois iau-
ne, & bois de deluge, qui est chesne aiant demouré longues an-
nées dedans l'eauë, & deuenu noir, comme l'Ebene, lequel aussi
y est tresbon, ainsi que le Bresil, & autres sortes de bois qui se-
roient longues à reciter, qui les vouldroit denōbrer toutes par le
menu. Il fault aussi penser de bonne heure aux ferrures, serrures,
vitres, ardoises, tuilles, plomberies, terres propres à faire la bric-
que, & le carreau de terrē cuitte & plombée qui vouldra, pour
les poisses & incrustations avecques peintures par dessus, & ge-
neralement se fournir de toutes choses requises pour la perfectiō
d'vn beau & trefexcellent bastiment. Mais pour bien dresser ce
mesnage,

*Bois propre
pour les ouura-
ges delicats.*

mesnage, & amasser tout ce qui y est neccessaire, il n'en fault donner aucune peine au seigneur, car c'est vn si grand soing que malaisément le pourroit il faire, ne moins y donner ordre, sinon de cōmander en aucune chose: cōme pour auoir cōmodité des bois qui seront en ses forests, & des pierres lesquelles on pourra tirer de ses carrieres à moins de dōmage de terres labourables qu'il sera possible. Il pourra aussi faire cōposer & cuire la chaux, la brique, & autres choses, ausquelles coustumierement les dames qui sont bonnes mesnageres donnaēt bon ordre, tant pour employer leurs cheuaux, que faire manger les foin & auōines qu'ils ont trop. Mais pour ceux & celles qui n'y voudront prendre peine, il fault que l'Architecte sçache choisir toutes sortes d'ouuriers qui y seront propres. Et si par fortune le seigneur en a aucuns qui l'ayent accoustumē de seruir, il ne les fault changer si est possible, mais bien monstrier & donner entēdre à vn chacun par estat ce qu'il doit faire, quelles matieres il doit traicter, & en quel tēps il les fault choisir, soit pour tirer pierres, couper bois, ou faire autres choses, ainsi que nous le monstrerons cy apres, dieu aydāt.

*Le mesnage
des prouisions
pour le basti-
ment n'appar-
tenir au sei-
gneur.*

*Le seigneur
ne deuoir chā-
ger ses ouuri-
ers accoustu-
mez.*

En quel temps il fault faire prouision de pierres, & les tirer des carrieres, semblablement comme il les fault choisir & mettre en œuvre: & aussi pour cognoistre leur bonté. CHAPITRE XIII.

Toutes sortes de pierres, soient pour la taille ou pour la maçonnerie, se doiuent tirer en tēps d'esté, principalement celles qui sont subiettes à la gelée, lesquelles il fault retirer des carrieres incontinent, & les exposer au Soleil, à fin que la chaleur attire toute leur superflue humidité glutineuse. Estans ainsi bien seiches, & ayant enduré les chaleurs du Soleil, les pluyes, & vents, malaisé sera qu'elles se puissent geler l'hyuer ensuyuāt, ou autres, si ce n'estoit quelque nature de pierre spongieuse, qui ne vault rien qu'à receuoir toutes sortes de pluyes, vapeurs ou humiditez, & sabreuuer si fort d'eauē, qu'elle est tousiours à recommencer de se seicher. Telles pierres sont de tresmauuaise nature, & ne s'en fault ayder, principalement pour la taille. Il y en a de tant diuerses sortes qu'il faudroit faire vn grand discours pour les expliquer. Les vnes se mettent promptement en œuvre ainsi qu'elles viennent de la carriere, les autres n'y veulent estre mises d'une année apres qu'elles sont tirées, & signammēt que l'hyuer ne soit passé. Il y en a d'autres que cōbien

*Les pierres
spongieuses
estre mauua-
ises pour la tail-
le & basti-
ments.*

LIVRE I. DE L'ARCHITECTVRE

qu'elles soient tirées à propos, ce neantmoins elles ne peuuent endurer la pesanteur de l'œuvre, ny moins les ligatures avecques le fardeau : principalement si vous les mettez en œuvre ainsi qu'elles sortent des carrieres. Je vous reciterois bien au long ce que j'en ay cogneu par experience, n'estoit que vous en trouueriez beaucoup plus en Plin, & en noz auteurs d'Architecture qui en parlent assez au long, toutesfois ie ne lairray d'en dire quelque chose, comme il viendra à propos. Il suffit que l'Architecte donne vn moien aux maistres maçons pour les faire tirer de telle longueur & largeur, qu'elles puissent faire grandes liaisons & propres à l'œuvre qu'on veut faire, & qu'elles se trouuent tousiours sur leur liêt, ainsi que nature les a fait croistre. Quant à la bonté ou malice, il n'y a celuy des ouuriers qui n'en puisse iuger, & sçauoir comme il sen fault ayder, par la longue experience qu'il en a eu, & voiant tous les iours comme elles se maintiennent en œuvre. Fault seulement prédre garde qu'en tirant les pierres des carrieres, les carriers en ostent tout le bousin qui ne vault rien, mesmemét de celles qu'on veut tailler. Il y a en ce pais de France vne façon de terre, ou liêt de pierre, que nature a voulu conuertir en pierre parfaicte, mais elle n'est encores assez cuitte, ny dure, comme il fault. Il se trouue semblablement du bousin qui se delicte (ainsi que parlent les ouuriers) sur le liêt & couche des pierres, entre les bancs & assiettes des fillieres des carrieres, lequel les carriers qui veulent tromper, laissent avecques la pierre, à fin qu'ils y trouuent plus grande quantité de pieds, pour en receuoir plus d'argent. Telle matiere de bousin ne vault riē, car elle est tendre & molle comme craye, & se destrempe & dissoult quand elle demeure en l'eau, & est humectée. Vray est qu'ayant esté long temps dedans le ventre de la terre ausdictes carrieres, elle deuient dure, & se conuertit en nature de pierre, cōme trespas bien le cognoissent par experience ceux qui frequentent les carrieres. Le bousin à dire verité sert autant mis en œuvre avecques la bonne pierre, comme fait l'aubour trouué en vn bon bois, & mis aussi en œuvre avec ledit bois: car non seulement il le mange & consume en poudre, mais aussi il gaste ce qui est bon en luy. Ainsi fait ledit bousin, car non seulemāt il gaste les bonnes maçonneries, ains bien souuent est cause de leur ruine, ainsi qu'il se voit iournellement quand il est appliqué en œuvre, tant par la malice des maçons que par le facile moien qu'ils ont d'incontinent tailler telles pierres bousinieres, & sans grande despense & peine, pour estre fort tendres, & aussi qu'ils ont auantage pour la maçonnerie qui sen haulse plustost, & sy trouue plus de toises.

Quelles pierres on doit choisir pour faire bon bastiment.

Que c'est que bousin, & cōme les carriers en abusent & trompent.

Belle conseruence du bousin des pierres à l'aubour du bois.

Mais tel boufin se mange & consume avecques le téps, delaisfant en son lieu vne grande ouuerture, qui faict prendre coup & fendre les murailles, dont il aduient grand dommage & difformité aux logis. Et cōbien qu'il semble que ce soit petite chose, si est-ce qu'elle est de tresgrande importance & consideration, qui est la cause que i'en ay bien voulu dōner icy aduertissemēt, à fin qu'on se garde d'y estre trompe. Les marbres & toutes pierres de semblable nature, c'est adire tresdures, ne sont point subiettes à recevoir tels boufins. Je n'aurois iamais faict si ie voulois descrire bien au long la nature, difference & qualité des pierres: entre lesquelles sen trouuent d'humides, seiches, spongieuses, cauerneuses, frangibles, ou fragiles, aigres, qui seclattent, qui se delictent, qui sont pleines, pesantes, legeres, trouēes, molles, ou dures: d'autres de la nature du feu (pourautant qu'elles le ieētent quand on les taille) d'autres qui sont propres pour porter fardeau en tous sens, voire sans se delictē, & pour seruir en tous costez de parements & de liēts: d'autres qui ne veulent estre mises en œuvre que sur leur liē, ainsi que nature les a faictes, & non autrement: d'autres encores qui portent lustre & poliment comme marbre, & d'autres qui representent minieres d'or, d'argent, de cuyure & couleurs fort admirables, lesquelles nature a informē en elles. Veritablement qui se voudroit amuser à descrire toutes les susdictes sortes de pierres, il n'entreprendroit vn petit labeur. Les Architectes & maistres maçons peuuent auoir au païs ou ils habitent certaine experience & cognoissance de toutes pierres qui y sont, pour les auoir mises en œuvre: mais il ne fault omettre que si les vnes sont bonnes en vn païs pour y estre posées en œuvre d'une sorte, elles seront tout autrement en vn autre. Les vnes veulent estre mises en œuvre avec moien mortier, les autres avec moins ou plus. Aucunes sont gastées par le vent marin qui les mange, ou par la lumiere de la Lune: les autres sy fortifient, tout au contraire: aucunes resistent contre le feu, d'autres y bruslent, & y sont calcinées ainsi que la chaux à la fournaise. De ce propos ie ne veux parler d'auantage, craignant d'outrepasser les limites de ma deliberation & entreprinse. Quant aux pierres de moillō pour cōstruire murailles, ou faire fondemēts & maçōnerie hors terre, on les prend voluntiers au dessus des carrieres, qui sont descouuertes premier que trouuer la pierre à faire taille. Car plus on va fouillant ou creusant au bas desdictes carrieres, on les trouue meilleures: de sorte que le meilleur moillon est celuy qui est le plus dur, plus pesant, plus aspre, & se recōtre le plus plat, & de hauteur raisonnable: celuy qui est vn peu lōg, est plus propre

Marbres & pierres dures n'estre subiettes à boufins.

Nature admirable des pierres sous diuerses couleurs et qualitez.

Pour cognoistre et sçauoir choisir le bon et loyal moillon.

LIVRE I. DE L'ARCHITECTVRE

pour faire les liaisons des murailles. Les pierres de vraye roche sont bônes à faire maçonneries, & mesmes les plattes, mais nô les cailloux (principalement à vne muraille qui est hors de terre) fils ne sont troüez & comme spongieux, pourautant qu'ils ne peuvent promptement receuoir & garder la graisse & substance de la chaux, ainsi qu'on l'apperçoit lors que la muraille est seiche. Mais aux fôdemêts ou en grâde espaisseur de muraille, lesdits cailloux sont fort propres & bôs, pour les raisons que vous pourrez ouïr lors que nous parlerôs de la façon d'emplir les fondemens.

Des pierres de marbre qui se trouuent en France fort bonnes, sans en faire venir des païs estranges.

CHAPITRE XV.



N escriuât des pierres propres pour bastir & maçonner, ie me suis aduîsé de la grande curiosité de plusieurs de nostre païs de Frâce, lesquels i'ay veu depuis quelque temps desirer auoir des marbres, & ne les trouuer bons, fils ne venoiêt d'Italie, où de quelque païs estrange, ou pour le moins des monts Pyrenées: & non pour autre respect, que pour le plaisir d'en orner leurs chambres & autres lieux. Ie ne me puis contenter d'un plaisir accompagné de desplaisir. Diâtes moy, ie vous prie, quel plaisir trouuerez vous de coucher & habiter entre pierres fort froides, iacoit qu'elles soient bié madrées & diaprées de diuerses couleurs, sans auoir esgard à la santé, & au païs, ou nous sommes, tant suiet à longues froidures, humiditez & morfondures, voire en esté le plus souuent? Que diriez vous que ceux qui en ont faict faire bonne prouision, n'ont iamais sceu sen ayder ne les faire mettre en œuure? Peult estre aussi qu'ils n'ont eu le moien & tēps conforme à la volonté de les pouuoir employer pour l'enrichissement de leurs belles maisons. Ie trouuerois fort louable & salubre à ceux qui sont dignes de telles parades, fils faisoient seulement faire de marbre quelques incrustations, comme pour cheminées & autres lieux semblables, principalement pour les logis d'esté qui doiuent estre frais, & pour ceste cause situez contre vents froids, ainsi que nous l'auons escrit cy deuant. Semblablement pour cryptoportiques, lesquels on doit tenir les plus frais que faire se peut pour les habitations d'esté, qui se font coustumierement vers les parties de Septétrion, comme vous l'auiez ouy quand nous parlions des vents. Les incrustatiōs & ornemêts de marbre, au dedans des logis, comme aux salles, chambres,

Nul contentement estre en un plaisir accompagné de desplaisir.

En quelles parties des logis sont propres les marbres.

& lieux ou lon couche, sont plus propres en Espagne, Italie & pais chauds, qu'en ce pais de France & lieux Septentrionaux. Et iacoit que nous tirions vers les parties Occidentales, si est-ce que pour le voisinage du Septétrion nous sommes suiects à grandes froidures, qui nous durent quelquefois, ie ne diray quatre & cinq mois, ains apres l'hyuer, bien souuent, tout le printemps & bonne partie de l'esté: ainsi que nous le voyons ceste presente année 1565, & l'auions veu en plusieurs autres precedentes, signément en l'année 1555. qui fut toute entieremēt froide & pluuiieuse, laquelle chose causa que les vins y furent si verds, qu'on n'en pouoit boire, & furēt pource appelez Ginguetz, dōt le nom dure encores. Il sera dōcques tresbon & fort vtile, de regarder en ce pais à quelle habitation on appliquera les marbres: lesquels il ne fault d'icy en auant chercher ou enuoyer querir hors du Royaume, veu qu'il s'en trouue en diuers lieux de France, & mesmes à Angiers, aux terres & vignes de nostre abbaye de saint Serge, qui sont fort beaux, & en telle quantité qu'elle pourroit satisfaire aux bastiments d'un Paris. Lesdicts marbres sont autant bons qu'il est possible, & prennent aussi beau lustre & poliment que tout autre marbre estranger. Mais quoy? les singularitez de son propre pais & royaume sont tousiours moins prisees, principalement en France, que celles des estrangers. Je croy certainement qu'il ne se trouuera royaume ne pais, quel qui soit, mieux meublē & garny de diuersité de pierres pour bastiments, que cestuy cy. De sorte que nature y a si bien pourueu qu'il me semble qu'on ne scauroit trouuer nation qui ait plus beau moien de bastir que les François. Mais la pluspart d'eux ont telle coustume, qu'ils ne trouuent rien bon (ainsi que nous auōs dit) sil ne viēt d'estrange pais, & couste bien cher. Voila le naturel du François, qui en pareil cas prise beaucoup plus les artisans & artifices des natiōs estranges, que ceux de sa patrie, iacoit qu'ils soient tresingenieux & excellents. C'est la mobilité de l'esprit mercurial des François, mais non de tous, car il y en a grand nombre de sages & tresprudents qui scauent fort bien regarder le proufit du Royaume, y faisant laisser l'argent qui se transporterait aux estrangers, à fin de le faire gagner à ceux du pais, & sayder de tout ce qu'on y trouue, sans aller chercher dehors autres singularitez que celles que nous auons en grand nombre, & scauons (graces à Dieu) bien orner & disposer. Je ne veux pas dire qu'il ne soit permis aux Roys, Princes, & grands Seigneurs, d'auoir ce qu'ils desirent pour decorer leurs chasteaux & Palais: car à eux il appartient, & non à ie ne sçay quelles personnes, qui sont si desbordées &

*Les froidures
estre de longue
durée en ce
pays Septen-
trional de Frā
ce.*

*Nulle nation
auoir plus
beau moien de
bastir, que la
François.*

*L'esprit de
plusieurs Fran-
çois mercuria-
liser en incon-
stance & mo-
bilité.*

LIVRE I. DE L'ARCHITECTVRE

*De plusieurs
qui follement
veulent con-
trefaire les
Rois en ba-
stissant.*

si mal aduifées, que incontinent qu'ils ont apperceu quelque chose singuliere en la maison du Roy, comme quelque beau iardin, quelque belle cheminée, ou autres façons, ils veulent incontinent le représenter en leurs logis, & contrefaire le Roy: voire beaucoup plus entreprendre que leurs qualitez & facultez ne portent, sans se sçauoir aucunement mesurer, ny moins considerer le cours du temps avecques la fin de leur entreprinse. Par ce moyen telles personnes bien souuēt se ruinent, & laissent leur posterité en grand danger: pour autant qu'il aduient le plus souuent que les grands seigneurs aiant veu leurs belles maisons & beaux chasteaux, les appetent & desirent. Dictes moy, ie vous prie, ne fesi il pas veu plusieurs fois, que les braues maisons & beaux chasteaux ont esté cause de rechercher la vie de plusieurs & de faire faire leurs proces? Sans en escrire dauantage ie repren mon propos, & dy qu'on trouuera en Frâce toutes sortes de marbres, de pierres, & matieres pour y faire les plus beaux bastimēts & plus excellents qu'on pourroit penser. On y trouuera aussi artisans pour les conduire & personnes admirables pour les bien deuiser & inuenter, sans aller aux nations estrangeres pour en chercher d'autres. Ie crains d'auoir icy trop extrauagné en delaisfant nostre propos des prouisions & matieres qui sont necessaires deuant que commencer à bastir, qui est cause que i'en repren le chemin.

*De la chaux & pierres propres pour la faire, & de quels sables
& eaus il fault user pour preparer les mortiers, avecques
la difference & nature desdicts sables.*

CHAPITRE. XVI.

*De quelles
pierres est fai-
cte la bonne
chaux: & cō-
me se doit co-
gnoistre la
meilleure.*



Vant à la pierre qu'il fault auoir pour faire la chaux, ie dy que la meilleure est la plus dure, car la chaux sen trouue plus grasse & glutineuse. Cel le qui est faicte de marbre, ou de pierre de semblable nature, est merueilleusement bonne. De sorte que l'employant toute chaude, comme sortant du four, avecques cailloux & gros sable de riuiera qui porte autres petis cailloux, elle se conglutine merueilleusement bien avecques le temps & de telle façon, que le tout ensemble est ainsi qu'une roche & masse d'une piece: comme vous l'entendrez par le chapitre suiuant. Ce temps pēdant ie vous aduertiray que la meilleure chaux se cognoist, pour estre la plus pesante, & quād on la frappe, elle sonne comme vn pot de terre bien cūicte. On la

cognoist aussi estre bonne, si estât mouillée, sa vapeur & fumée espesse, monte incontinent & soudainement contremont: d'auantage, si elle se lie au rabot duquel on la broye. J'ay aussi de long temps ouy dire, & me semble estre veritable, que la chaux d'un lieu se comporte beaucoup mieux pour estre employée en maçonnerie avec les pierres de sa mesme patrie & carriere, qu'autrement: c'est à dire, du mesme lieu duquel a esté tirée la pierre de la chaux. Parquoy il sera beaucoup meilleur à ceux qui feront bastir, de faire la chaux, s'ils ont la commodité, de mesme pierre qu'ils voudrôt maçonner, plustost que la faire venir d'autre lieu & país. Quant au sable duquel il fault aussi faire bõne prouision, soit pour garder la chaux, ou la mixtionner pour en faire mortier, ie ne vous en feray icy long discours, veu que noz auteurs d'Architecture en ont si bien traicté & si au long descrit, que ce ne seroit qu'une redicte. Bien vous veux ie aduertir que les sables sont de diuerses natures, sçauoir est masles & femelles, & aussi de diuerses bõtez: de sorte que les vns sont plus de proufir & se liēt mieux avec la chaux, que les autres. Aucuns sont si gras & si bõs, qu'il en fault cinq parties pour vne de chaux, voire sept. I'en ay veu d'autres qui n'en peuuent porter deux ou trois parties, & d'autres qui sont si mauuais, qu'il y fault autant de chaux que de sable. Outre ce il conuiēt cognoistre que aucuns sables sont tresbons & propres pour les murailles hors de terre, les autres pour les fondemens, autres pour faire les enduits, & autres pour faire le cymēt, ou pour s'en seruir comme de vray cymēt, ainsi que pourcelane, qui est vn sable noir, duquel on vse à Rome, & a la nature d'un vray cymēt. Voyez sur ce propos Plīne, parlant de la diuersité des terres & du sable de Putzoli, & de plusieurs autres sortes de terres qui s'endurcissent comme pierre. Le meilleur sable en ce país de France, & beaucoup d'autres lieux, c'est le terrain: non qu'il soit proprement terre, mais pour autant qu'il se prend au milieu d'un champ dedans les terres: parquoy il est beaucoup meilleur que celui des riuieres, & fait bruiēt quād on le manie, ayant de gros grains par dedans, comme petis cailloux, qui est cause qu'il fait vn fort bõ mortier. Il en y a qui porte de la terre avecques soy, duquel il ne fault vser. Mais il ne conuient icy omettre que les sables sont de diuerses couleurs, de sorte que les vns sont blancs, les autres iaunes, les autres rouges, & les autres noirs. Vous cognoistrez leur bõté quand ils sont mouillezz, car ils ne tachent ou souillent vn drap, comme fait la fange, & si ne rendent point les mains sales, ainsi que font les mauuais sables en les maniant. Voyez sur ce propos Vitruue qui en escrit

Chose fort digne de noter.

Prouision de sables necessaire pour la conservation & garde de la chaux et mortiers.

Beau discours sur la diuersité des sables.

De diuerses couleurs de sable & de leur bonté.

LIVRE I. DE L'ARCHITECTVRE

bien au long, sans en chercher ailleurs. Quant aux eauës qui font le troisieme element de la cõposition du mortier (car il y a feu à la chaux, terre au sable, eauë pour leur agglutination, & en la fumée forme d'air nubileux, qui respondent aux quatre elements du monde) ie dis que l'eauë de mer ne vault du tout rien à faire mortier, car elle ne le desseiche aucunemēt estant en œuure, ains le laisse tousiours humide, & empesche qu'il ne sagglutine, ou lie avecques les pierres. Les eauës pareillement des palus & maraiz n'y sont bonnes pour leur grosseur & immundicité, mais celles des riuieres, puits & fontaines, y sont fort bonnes & propres: ainsi que nous pourrons monstrier ailleurs.

*Maniere de bien destremper la chaux, tant pour durer long
temps en œuure, que pour estre longuement & seurement
gardée, & de l'usage d'icelle pour les peintres.*

C H A P I T R E X V I I.



Ourautant qu'en faisant prouision (ainsi que nous auons dict) de toutes matieres, i'ay veu plusieurs personnes qui ne scauoient garder leur chaux, & y estoient si fort empeschez, que quand il la failloit mettre en œuure, elle auoit quasi perdu sa force, pour auoir esté mal destrépée & faite autrement qu'il ne failloit: pour ce est il que ie vous veux bien aduertir icy comme vous la deuez garder, avecques la diuersité d'en vser, veu que les vns s'en aydent d'une sorte, & les autres d'une autre. Laquelle chose ne prouient d'ailleurs que de la nature de la chaux, laquelle aucuns destrempent ainsi comme elle vient du four, avecques de l'eauë, sans y mettre sable, & en font une grosse masse, mais s'ils n'entendent le moien, ils se mettent en danger de la brusler ou noyer, pour y mettre trop d'eauë ou trop peu, car cela diminue beaucoup de sa force. Estât destrempée ils l'accumulent & ramassent en un monceau, puis quand ils en ont affaire pour mettre en œuure, ils la destrépent & rebroyent avecques du sable, lequel ils y meslent à leur fantasie. Les autres, ainsi que la chaux vient du four, tout aussi tost ils la destrempent avecques un peu de sable & d'eauë, & en font une masse pour garder, puis quand ils la veulent mettre en œuure, ils y meslent du sable d'auantage, & le rebroyent bien fort. Ceste façon est meilleure que la premiere, mais celle que ie vous veux icy descrire sera encore trouuée beaucoup meilleure, pour autant que la chaux y peult long temps bien garder sa force & graisse: de sorte qu'un

*Diuers moies
de garder la
chaux.*

*Façon seconde
meilleure que
la premiere.*

pied de muraille estant maçonné de ceste chaux, vaudra mieux
 que trois des autres, & si la pouuez garder longuement sans qu'elle
 se gaste, ou perde sa force. La façon est telle: Ainsi qu'on appor-
 tela chaux du four, vous l'assembleriez en vne grande place bien
 droicte, & la mettez d'une mesme hauteur, comme de deux ou
 trois pieds, en telle logueur & largeur que vous voudrez. Apres
 cela vous la couvrirez de bon sable terrain, ou de riuier, environ
 vn pied ou deux de hauteur, ou si vous voulez egalemēt par tout.
 Cela fait vous iecterez de l'eau par dessus en assez grande quan-
 tité, & telle que le sable en soit si fort mouillé & abreuvé que la
 chaux se puisse fuser par dessous, sans se brusler aucunement. Si
 vous voyez qu'il y a quelque lieu le sable se fende & face voye pour
 la fumée qui en sort, recouurez le incontinēt, à fin que la vapeur
 & fumée n'en sorte. Estant ainsi le sable bien mouillé & destrem-
 pé, toutes les pierres de la chaux se conuertiront en vne masse
 de graisse, laquelle quand vous entamerez pour faire mortier
 au bout de deux ans, trois, ou dix, il semblera que ce soit comme
 fromage de cresse, & en fera la matiere si grasse & glutineuse,
 qu'on n'en pourra quasi tirer le rabot duquel on destrépe le mor-
 tier, & mangera grande quantité de sable, & fera si bon mortier,
 qu'il s'agglutinera avecques les pierres tout ainsi cōme si c'estoit
 vn vray & bon cymēt. Mais sur tout il fault bien prendre garde
 qu'en mouillant le sable, la chaux soit par tout bien couverte du-
 dit sable, & qu'elle ne prenne l'air, comme j'ay dict, pour autant
 que la chaleur & fumée de la chaux fait ouurer & separer le sa-
 ble, qui pourroit estre cause de son euaporation & esuement:
 par ainsi il fault prendre garde à la bien couvrir tousiours. Telle
 nature de chaux ainsi temperée & gardée, est encores merueil-
 leusement bonne, pour faire quelques ouurages d'incrusta-
 tions, comme aussi pour enduire les murs à faire estuf, & pour
 seruir aux peintres qui besongnent à fiez contre les murs, quand
 ils veulent faire quelques histoires & ouurages, ou ils appliquēt
 leurs couleurs sur le mortier, comme sur cymēt. Estant ainsi de-
 strempée de longue main ladicte chaux, elle ne fait rompre l'en-
 duit, ou mourir les couleurs, comme font les autres mortiers. Il
 s'est trouué quelquefois qu'à faute d'auoir ainsi destrépe la chaux
 quand le peintre pensoit auoir fait quelque belle œuvre de son
 estat de peintute, au bout de quelque temps apres, ses couleurs se
 mourroient & perissoient. Car la force & vehemence de la chaux
 les mangeoit & les faisoit changer autrement qu'elles n'estoient
 quand elles furent mises en œuvre, ou bien faisoit fendre tout
 l'enduit & peinture, de sorte que quelquefois aucunes pieces en

*Beaux ensei-
gnemens; &
dignes de no-
ter, pour la fa-
çon & conser-
vation de la
chaux.*

*La chaux ne
devoir prendre
air, ne seua-
pover.*

*La cause de
l'endomma-
gement de
beaucoup de
peintures,*

LIVRE I. DE L'ARCHITECTURE

tomboient, ou bien sy leuoient comme petites ampoules : qui estoit dommage & perte pour le seigneur qui faisoit faire l'œuvre, & grand deshonneur au peintre.

*Des prouisions de bois, tant pour la charpenterie que menuiserie,
& des terres pour la brique, carreaux, tuilles, & autres,
semblablement des ferrures, clefs & serrures.*

CHAPITRE. XVIII.



Ouchant les bois pour la charpenterie & menuiserie, desquels il fault faire bone prouisiō, & les couper & debiter quatre & cinq ans, ou plus, deuant que de les mettre en œuvre (principalement pour sen seruir à la menuiserie, à fin qu'ils soient en leur bonté & bien secs, & qu'ils ne se puissent retirer) ie vous renuoiray à ce que nous en auons escrit & enseigné, au premier & second chapitres du liure que nous auons fait imprimer nagueres, de la nouuelle Inuention pour bien bastir & à peris frais, (lequel pour la cōtinuation du present œuvre vous trouuerez sur la fin) pareillement à plusieurs auteurs qui en ont traité, ainsi que i'ay allegué cy deuant, & specifié plus à plein en nostredit liure. Quant à la nature de la bonne terre à faire la brique, carreau, tuille, & autres choses, comme aussi au temps propre pour tirer ladicte terre, & la mettre en œuvre, ie ne vous en feray plus long discours, pour autant que plusieurs en ont escrit, & aussi qu'en ce chapitre, mon principal but est de seulement mōstrer les matieres desquelles on a affaire pour cōmēcer, conduire, & paracheuer les bastiments qu'on aura entrepris. Et pour autant que plusieurs des susdictes choses & matieres se trouuent toutes formées & prestes, comme la brique, le carreau, la tuille, poisses, vases, & autres, pource est il que ie ne me trauail leray d'en faire plus long recit. Mais biē i'aduertiray le diligent Architecte de donner son aduis au ferrurier, & luy faire entendre les façons comme il doit faire les ferrures & serrures, tant des portes que des fenestres, & autres choses qui y seront necessaires, avecques les differences des vnes aux autres, comme sont serrures à demy tour, & à tour & demy, des passe par tout sous vne clef pour fermer toutes serrures & les ouurir ainsi qu'on veult, qui est vne chose propre pour le seigneur de la maison, à fin d'aller par tout, & fermer ou il luy plaira. Aussi il fault que le ferrurier sçache combien il luy fault de fiches, de couplets, & de targettes, & que l'Architecte face son calcul & cōpte si dextremēt,

*Pourquoy
l'auteur n'ef-
cric bien au
lōg des terres.*

*Des clefs ap-
pellées passe
par tout, et de
leur utilité.*

qu'il puisse faire entendre le tout audit ferrurier, & principalement au seigneur, auquel il dira le nombre des portes, fenestres, & serrures qu'il fault pour tout l'edifice, avecques la valeur: & ainsi le ferrurier se tiendra prest de toutes choses qui seront necessaires de son estat. Semblablement le menuysier fera de son costé diligence à faire toutes les portes, fenestres, & lambris, tant des planchers que des cabinets, voire iusques aux meubles, fil plaist au seigneur, à fin que tout soit prest si tost que les maçonneries seront acheuées.

Du vitrier, plombier, couvreur, & autres artisans necessaires pour fournir les matieres de leur estat, pour l'accomplissement du logis. CHAPITRE XIX.



L fault que l'Architecte face encores ce seruice au seigneur, de faire vn deuïs pour toutes les vitres qui seront necessaires en tout le bastiment, soit de voirre blanc, ou voirre peinct, ou en faço d'email, comme sont les vitres que i'ay fait faire au chasteau d'Annet, qui ont esté des premieres veuës en France pour email blanc. Aussi il donnera les deuïses & histoires pour y mettre, mais telles qu'il plaira au seigneur. D'auantage il donnera la faço & la grosseur du plomb lié, avecques tant de verges de fer & barres qui y pourrôt entrer, selon la grandeur des fenestres. Il fault bien specifier toutes ces choses, à fin que le seigneur ne soit trompé par les artisans & ouuriers. Et encores y mettre la quantité des pieds, pour mieux cognoistre le pris & valeur de toute l'œuure, à fin qu'en faisant prouïson de relz ouurages lon n'auance trop d'argent ausdicts artisans & ouuriers, & sen ensuiue ce que plusieurs fois i'ay veu aduenir, c'est que la plus part d'eux sont beaucoup plus attétifs à prendre grad argent, qu'à bien faire, & tenir parole de ce qu'ils promettent. Il conuiendra aussi faire prouïson d'ardoise & plomberie, en monstrant la nature, forme, qualité, & quantité tant de ladicte ardoise que du plomb, avecques leurs grosseurs, logueurs, & largeurs. Il fault de tout faire bon deuïs, & specifier ce qui est necessaire pour le proufit & vtilité du seigneur. L'architecte ayant donné ainsi tel ordre & telle preuoyance, fil fest bien aduisé de toutes choses, son bastiment ne demourera en arriere d'aucun cas, & se fera tout d'une venue sans discontinuation, qui sera vn grandiffime bien & grand contentement au seigneur de voir parfaire son œuure tout d'une venue, & avecques bonne diligence: nō point

Les vitres du chasteau d'Annet premieres en France pour email blanc.

L'architecte ne deuoir trop precipiter ne retarder son œuvre.

que ie vueille qu'il y procede trop hastiuement, n'aussi tardiue-
ment, ains plustost avecques vne meure diligence, à fin que tou-
tes choses se conduisent comme elles doiuent. Sur toutes autres
matieres il fault auoir en ses prouisions grande quantité de pier-
res & de bois pour en choisir & mettre en œuvre, ainsi que les
lieux le requierēt: car souuentefois faute d'auoir vne longueur
& largeur telle qu'elle seroit necessaire, les ouuriers font seruir
ce qu'ils ont. Laquelle chose les fait souuent retarder, non sans
grad dommage pour l'œuvre, & plus pour le seigneur qui la fait
faire. Apres toutes ces choses on dōne ordre aux peintures & or-
nements à la volonté du seigneur. Voila ce que ie voulois escri-
re pour l'ordre, façon & moien de recouurer & tenir prest ce qui
est necessaire, pour construire & edifier tels bastiments que vous
desirerez faire. A laquelle chose toutes personnes bien aduisees
& sages doiuent pēser deuant que cōmencer leurs bastimēts, à fin
qu'il n'y suruienne interruption & discontinuation à faulte d'a-
uoir les matieres bien choisies & toutes prestes. Reste de passer
plus outre & commencer de mettre la main à l'œuvre, c'est de
monstrer comme il conuient faire les fondemens, & creuser
les terres pour cognoistre si elles sont bonnes pour fonder, ainsi
que vous le verrez cy apres, moiēnāt la grace de nostre Seigneur,
laquelle nous a conduict iusques icy.

*Preparation
de matiere,
pour le liure
ensuyuant.*

L E



LE DEUVXIEME LIVRE

DE L'ARCHITECTVRE DE PHILI-

BERT DE L'ORME LYONNOIS, CON-

seiller, Aulmosnier ordinaire du Roy,

Abbé de saint Eloy lez Noyon, &

saint Serge lez Angiers, &

na guerres d'Iury.

PROLOGVE EN FORME

D'ADVERTISSEMENT.



AR le discours du precedent liuré, nous auons suffisamment aduertý l'Architecte & le Seigneur, ou autre qui veult faire bastir (comme les deux chefs principaux de la conduicte & entreprise) quel est leur office & deuoir, quelles cōsiderations, preuoyances, sçauoir & suffisance sont necessaires, tant à l'vn qu'à l'autre, & finalement quelles sortes de matieres doiuent estre pre-

Sommaire et recapitulation des principaux traités du liure precedent.

parées deuant que mettre la main à l'œuure, & dōner fondemet au logis qu'on pretend edifier. Reste en ce second liure tourner nostre plume & propos vers les troisiemes personnes, sans lesquelles vn edifice ou bastiment ne petult estre parfait. Ce sont les maistres maçons, tailleurs de pierres, & ouuriers (sur lesquels l'Architecte tousiours domine) qui aussi ne doiuent estre frustrez icy de nostre labeur & instructiō, telle qu'il a pleu à Dieu la nous impertir & donner. Ils seront doncques aduertis en ce liure, de quelz instruments & moiens ils se doiuent principalement ayder pour les mesures, tant des orthographies que scenographies, c'est à dire tant des plans que des montées & fassades des bastiments, à fin de proprement cognoistre quelles seront les œuures, premier que d'y proceder par aucuns desseings ou modelles. Ils seront d'auantage enseignez comme il fault fonder, dresser & planter toutes sortes de bastiments, soit chasteaux, palais, temples, maisons Royales, bourgeoisies, rustiques ou autres: le

L'argument et sommaire de ce present liure.

LIVRE II. DE L'ARCHITECTURE

*L'architecte
et maistre ma-
çon deuoient en-
tendre l'Arith-
metique &
Geometrie en
toutes leurs
parties.*

tout prenant les principes & commencements de petites reigles & preceptes d'Arithmetique & Geometrie, ainsi qu'on le pourra colliger par le discours du present liure & autres qui l'enfui-
uront. Mais deuant qu'entrer plus auant en propos, ie desire que l'Architecte & maistre maçon entende aucunement la pratique de Geometrie & Arithmetique, autrement il ne se pourra ayder des traicts & figures que nous deliberôs luy proposer, ny moins d'autres choses necessaires & requises pour le vray vsage & pratique d'Architecture. Il ne pourra aussi trouuer les dimensions & denombrements de ce qui luy est necessaire, sans l'ayde desdictes disciplines. Mais ie voudrois que non seulement il sceût les quatre parties vulgaires d'Arithmetique, qui sont adiuster, soustraire, multiplier, & diuiser, ains aussi la reigle de proportion, autrement dicté la reigle de trois, ou bien, la reigle dorée, pour les grandes commoditez qu'elle apporte: d'auantage ie voudrois aussi que nostre Architecte fust prompt à entendre les nombres rourps, appelez des Mathematiciens fractions, avecques les racines cubes & quarrées, à fin d'accômoder le tout aux proportiôs & dimensions, desquelles l'ayde necessairement l'Architecture. Pour ceste cause ie prie tresaffectueusement ceux qui n'auront estudié aux susdictes disciplines, y vouloir employer quelque temps, à fin de droitement, & tant que faire se pourra, parfaitement pouuoir exercer ladicte Architecture. N'estoit qu'aujourd'huy plusieurs entienent escholes, & font profession de les enseigner, ie mettrois peine d'en escrire plus au long, & m'arresterois à beaucoup de demonstrations lesquelles ie passeray legerement pour les susdictes causes. Ioinct aussi que nous auons plusieurs liures, non seulement Latins, mais aussi François, Italiens, & en toutes autres langues, qui en traitent doctement & familièrement. Parquoy ie n'en feray icy plus long discours, à fin de continuer nostre entreprise & methode. Nous disons donc que les Architectes & maistres maçons ne sçauoient bien commencer vn œuure, soit pour faire vn plan ainsi qu'ils le desirent, ou pour faire modelles, ou pour comméçer à traſſer & marquer les fondements, que premier ils ne tirent sur vne ligne droite, vne autre perpendiculaire, ou traict d'equierre (comme l'appellent les ouuriers) soit simplement, ou dedans la circonference d'un cercle. Ils y peuuent semblablement proceder par deux lignes paralleles, pourueu que tousiours au bout d'icelles, ou bien au milieu, on en tire vne perpendiculaire. On peut aussi tirer la ligne perpendiculaire sur le bout de la ligne droite, comme quelquefois il vient à propos, quand on veult traſſer les fondements

Du traict d'equierre, ainsi que les ouuriers le nomment.

d'un bastiment, ainsi que vous en verrez cy apres la façon. Toutefois la tirer sur le milieu de la ligne (pourueu que vous n'ayez empeschement de pierres ou de montaignes en la trassant sur terre) c'est le plus aisé, & le plus facile en toutes choses que vous aurez à faire: non seulement pour planter edifices, mais encores pour faire toutes sortes de figures, soient protraicts ou desseings, pour les traicts Geometriques, & ornements d'Architecture, pour la perspective, musique theorique, instruments d'art militaire, engins ou autres choses, ausquelles il fault tousiours commencer par vne ligne perpendiculairement tirée sur vne droicte: laquelle represente & figure vn caractere de croix, qui est si admirable, que ie ne puis passer outre sans escrire ce que i'en ay appris de Marfile Ficin, & autres excellents philosophes: qui disent que la figure de deux lignes droictes qui sentrecouppent par le milieu à angles droicts, & representent le caractere de la croix, a tant esté honorée & estimée des anciens (voire long temps au parauant l'aduenement de Iesus Christ) que les Egyptiens, cōme chose tressainte, tressacrée & miraculeuse, l'auoient engrauee sur la poitrine de l'idole Serapis: laquelle ils adoroient pour leur dieu. Il se trouue d'auantage que les Arabes tressçauants en la cognoissance d'astrologie & toute philosophie, faisoient plus de cas de ce signe de la croix que de tous autres: & l'auoient en si grand'estime & reuerence, qu'ils luy attribuoient plus de force, vertu & heur qu'à toutes autres figures & caracteres, voire iusques à le tenir avecques tressçad hōneur & saincteté en leurs maisons & lieux sacrez. Mais laissons à part l'honneur & reuerence que nous deuons tous auoir en general à ceste croix, pour la satisfactiō qui a esté faite pour nous en icelle, par la mort de Iesus Christ nostre seul iustificateur, & la prenons & considerons comme vne des premieres & parfaites figures de Geometrie. Nous la trouuons en egales longueurs & angles bien droicts, ainsi que Dieu auteur de toutes choses l'a faite & ordonnée premierement en creant le ciel & la terre, & la mettant au milieu de la circonference de ses œuures. Car apres auoir créé de sa seule parole toute la machine de l'vniuers sous vne forme ronde & spherique, il diuisa la circonference d'icelle en quatre parties egales moienant deux lignes droictes qui sentrecouppent au centre & milieu, ou, si vous voulez, au point de la diuisiō, qui est la terre. Lesdictes parties sont figurées par vne croix, & diuisent tout l'vniuers par leurs extremités en quatre parties, appellées Orient, Occident, Midy, & Septentrion, ainsi que vous le pouuez voir par la prochaine figure. Quand les estoilles sont venues aux ex-

Du caractere & figure de la croix.

Les Arabes auoir porté grand hōneur & reuerence au signe et figure de la croix.

La figure de la croix auoir esté imitée des la creation du monde.

LIVRE II. DE L'ARCHITECTVRE


Les extremitez & angles de la croix du monde estre de grande efficacité.
 tremitez de la figure ainsi croisée, ou, si vous voulez, de la croix du mode, par le mouuement vniuersel du ciel, elles ont trop plus grande force & vertu qu'ailleurs, comme nous le voyons iournellement aduenir: de sorte que si se trouue vne Eclipsé de Soleil ou de Lune, ou bien quelque grande conionction des planetes, qui nous promettent fertilité, guerre, mortalité, cherté de viures, ou bien changement de monarchie ou religion, comme nous la voions à present, si telles constellations se trouuent aux extremitez du signe de la croix, ou, si vous voulez, aux angles du ciel & monde (ainsi appelez d'aucuns) elles ont effect merueilleux & incroyable: voire beaucoup plus que si elles se faisoient ou rencontroient aux lieux moitiés & qui sont entre lesdicts angles. Autant en peult on dire des estoilles fixes, quand elles se trouuent iustement leuer, coucher, ou tenir le milieu du ciel avecques les deux luminaires ou planettes, au téps des susdictes Eclipses & conionctions. Qui n'est autre chose qu'estre droitement sur le point d'Orient, Occident, Midy & Septentrion, ou bien en la premiere, septiesme, dixiesme, ou quatriesme maison du ciel, ainsi que parlent les Mathematiciens. Lesquelles quatre maisons ne sont autre chose que les extremitez de ladicte croix, ou des deux lignes qui sentrecroisent, ainsi que nous auons dict. Vous voiez doncques & cognoissez par ce petit discours quelles sont les antiquitez, excellences, dignitez, & prerogatiues de la figure & caractère de la croix, qui est autant & plus admirable, que autre figure quelle qu'elle soit, veu les merueilleux secrets qui l'accompagnent, & ont esté fort bien preueuz & cogneuz des Egyptiens, ainsi que scauét les doctes. Parquoy il n'est de merueilles si lesdicts Egyptiens colloquoient ledit caractère de la croix au lieu le plus eminent & singulier de tout le corps de leur dieu Serapis, qui est la poitrine: au milieu de laquelle reside le cuer, source & fontaine de la vie. Parauenture pour figurer que la vie & le salut deuoit aduenir aux homes par la mort d'un seul mediateur Iesus Christ, qui seroit attaché au bois portât figure de croix, qui est la premiere que Dieu son pere a figuré au monde. Mais nous laisserôs tels propos aux Theologiens, & reprendrôs noz lignes & traicts de Geometrie, en tant que l'Architecte sen peult ayder. Le discours precedent se cognoistra par les figures qui ensuiuent.

Beau discours Astrologique sur les quatre angles de la croix du monde.

Belle philosophie, ou plus tost theologie.

Comme on peut traſſer les fondements d'un baſtiment, par le moien d'un perpendicule au bout d'une ligne droite.

CHAPITRE I.



E croy qu'il n'y a homme ſe meſlât de cōduire baſtimēts, qui n'entēde bien, qu'il fault equarrer la terre & place ou il veult faire les fondemēts de ſon œuvre, ſil n'eſt de lourd eſprit & beſongne à l'aduēture, comme vn ignorant & gros animal, ainſi que i'en ay cogneu quelques vns. Si pour ce fait on ſe veult ayder d'un equarre, biē ſouuēt il ſy trouue ſi petites brāches & bras, que ſi l'œuvre eſt grande ladiſte equarre donne peu de iugement : & auſſi que le plus ſouuent les equarres ne ſont bons. Et ſil ſen trouue de grāds qui ne valent riē, plus grāde erreur ils ſont faire. Pour dōcques euitier tels inconueniēts ie mōſtreray cy apres la faſon cōme il les fault eſprouuer, & ſen ſçauoir ayder prōptement,

*Qu'on ne ſe
doit trop fier à
un equarré.*

combien qu'ils ne valuſſent rien du tout. Ainſi il vous ſera facile de equarrer tresbiē voſtre place, comme vous cognoiſtrez cy apres. Toutesfois ie veux premierement monſtrer vne autre faſon de traſſer les fondements par le moien d'un perpendicule dreſſé ſur le bout d'une ligne droite, ainſi que i'ay parlé cy deſſus. Qui eſt choſe tresneceſſaire d'entēdre, principalemēt quand on veult commencer d'un coſté le baſtiment, & qu'on n'a le loiſir, ny le temps à propos de mettre à niueau toute la place ou il conuient baſtir, pour le grand nombre des matieres qui ſont ſur les lieux, & peuuent donner empelchemēt. Pour doncques employer le temps, & eſpargner l'argent, il fault commencer par vn

f iij

LIVRE II. DE L'ARCHITECTVRE


bout avecques bonne diligence & aduifement. Car le commencement est de si grâde importâce, que si les premiers fondeméts ne sont bien droicts, & à l'equarré, le reste de l'edifice ne sera iamais sans auoir quelque deformité, ou dans la court, ou dans le corps du logis, & telle faulte en amenera plusieurs autres. Il est vray que tous n'ont pas le iugement de le bien cognoistre. Si est ce qu'entre plusieurs il me souuient d'en auoir veu quelques vns estre de si bon iugement, que si tost qu'ils entroiét en vn lieu acompagné de telle erreur & faulte, fust-ce dedans vn iardin, maison, ou ailleurs, soudainement il la remarquoient, & notoient la deformité tât petite qu'elle fust, sen trouuans offensez à la veüe, & disant la faulte incontinent, tant ils estoient de bon esprit. Pour doncques bien equarrer vn fondement, vous prendrez vne ligne ou cordelle qui soit faicte d'escorce d'arbre, comme de til (pour autant que la ligne de chanure ne retient sa mesure quand elle est mouillée) & la ferez de telle longueur que vous voudrez, lors qu'on ne peult auoir vn si grand compas qu'il seroit de besoing. Au lieu de ladiète ligne on pourroit vsfer de longues reigles & estroictes en forme de compas, le tout selon la commodité du lieu ou vous serez. Soit en vne sorte, ou en l'autre, vous prendrez ladiète ligne ou reigles de trois, quatre ou six toises (la plus longue a le plus de iugemét) & en vserez ainsi que si c'estoit vn compas, aiant vne broche ou pointe à chacun bout. Comme quoy? prenez le cas qu'on aye doné la ligne marquée I H, & l'une des broches ou poinctes du compas soit au poinct de I, l'autre marquera le poinct de H, & doit tourner la ligne ou reigle iusques à tant que vous faissiez la ligne K. Puis vous remettrez la pointe sur H, & faictes vne autre petite ligne au lieu marqué L. Les lignes de K L, sont entrecouppées au lieu & poinct marqué B, auquel vous mettez la pointe du compas, & en tirez vne autre petite ligne sans ouurir ne fermer ledit cōpas, comme celle qui est au lieu marqué M. Cela faict vous prenez la reigle, & la mettez à l'un des bouts au poinct de H, & l'autre au poinct de B, & la vous tirez vne ligne si longue, qu'elle entrecoupe la ligne M. de rechef vous tirez vne autre ligne dudit poinct de M, iusques au poinct de I, comme vous la voiez marquée N, & ainsi se trouuera faict vn angle droit, sur le bout d'une ligne comme de I H, & celle de I M, qui sont iustement le trait d'equarre, ou la perpendiculaire. Cela faict vous pourrez equarrer toute la place, comme vous voiez par la ligne parallele N O, & H P. apres quoy vous ferez tous voz fondements ainsi qu'en aurez affaire, leur donnant espesleurs & largeurs comme vous voudrez qu'ils

*La deformité
d'un edifice
dependre bien
souuent des
fondemens.*

*La maniere
de equarrer
vn fondemēt.*

*Conclusion de
l'inuention du
trait d'equar-
re ou perpen-
diculaire.*


soient. Vous pouvez iuger de tout par la presente figure, & non seulement par ceste façon, mais encores par la ligne perpendiculaire au droit de P, ainsi que vous le voyez dans ce quarré parfait.



Je vous veux encores mieux donner à entendre le precedent. Prenez le cas que vous aiez tiré la ligne R Q, & sur icelle fait vn triangle equilateral, c'est à dire aussi grád d'un costé que d'autre, comme vous voyez R S T, du poinct ou est T, vous tirez encores vne ligne courbe marquée Z, sans remuer ne serfer le compas: & fault que la distance de S T, soit semblable à celle de T Z. Cela fait vous traitez vne ligne droite du poinct de S à T, iusques à ce qu'elle entrecoupe la ligne Z, & de ce lieu, comme vous voyez au poinct marqué X, vous tirez vne autre ligne iusques au poinct de R: qui fera iustement la perpendiculaire sur la ligne R Q, ainsi que vous le pouvez iuger par la figure ensuiuante.

Autre maniere pour iustement tracer la ligne perpendiculaire au trait d'equarre.

Vous y pouvez proceder en autre sorte . Prenez trois lignes desquelles l'une soit diuisee en trois , l'autre en quatre , & la troisieme en cinq parties toutes egales , & d'une mesme proportion . Soit par exemple A B, la premiere ligne diuisee en cinq parties egales , la seconde C D, diuisee en quatre , & la troisieme E F, diuisee en trois . Si vous mettez la ligne diuisee en quatre , pour cel le sur laquelle vous voulez tirer vostre perpendiculaire , comme vous voiez I G , puis vous prenez celle qui est diuisee en trois , & la dressez avecques le cōpas sur la precedete , ainsi que du point I H, & de celle qui est proportionnee de cinq parties , vous faictes la trāsuer sale cōme de G H, ou les deux lignes de cinq & de trois s'assemblent , ainsi que vous le voiez au point de H, si vous tirez vne ligne tant longue que vous voudrez , de I H, cela vous fera iustemēt le trait d'equarre , ou la ligne perpendiculaire sur la ligne G I, suiuant laquelle vous tirerez les lignes paralleles pour rendre les fondemens de vostre edifice tous quarrez . La figure ensuiuant vous fera cognoistre & entendre nostre dire .




L'invention de faire l'equarre par le moien d'un triangle est venue de Pythagoras, ainsi qu'il se voit au neuvieme liure de Vitruue, chapitre 11. Et ne sert tel triangle & proportiōs de lignes seulement pour faire ledict equarre, mais aussi pour plusieurs autres choses, & autres figures & instruments de Geometrie necessaires & requis pour ayder à construire bastiments, & mesurer, ie ne diray les superficies, mais encores toutes hauteurs & largeurs, comme ie le monstrey quand il viendra à propos. Vous pouvez voir ladicte figure en Vitruue, laquelle i'ay mise cy dessous, semblable & de mesme proportions: comme si c'estoient trois lignes, l'une aiant longueur de cinq piedz, l'autre de quatre, & la troisieme de trois, lesquelles estants assemblées par leurs extremités font l'angle droit & traict d'equarre, comme vous le voyez cy apres. Si vous multipliez separément & par soy vne chacune de ces lignes ou parties egales, vous trouuerez que leurs deux superficies moindres, *verbi gratia*, DF, ne contiendront nō plus que la grande superficie de E. comme quoy? multipliez la superficie de D, qui est de trois piedz de large, par soy mesme, en disant trois fois trois, vous trouuerez neuf piedz: & l'autre de F, qui est de quatre piedz de largeur, multipliez aussi par soy mesme, en disant quatre fois quatre, vous aurez seize piedz. Puis la grande superficie quarrée qui est dessous, large de cinq piedz & marquée E, sera pareillement multipliée par soy mesme, en disant cinq fois

Invention de
l'equarre, par
le moien d'un
triangle, estre
due à Pytha
goras.

Belle demon
stratiō de l'e
quarre trian
gulaire & de
ses parties.

LIVRE II. DE L'ARCHITECTVRE

cinq, font vingt cinq pieds. Qui est tout ce que contiennent les
 deux superficies de D & F, conioinctes, sçauoir est neuf & seize,
 qui rendent pareillement vingt cinq piedz, ou telle autre mesu-
 re que vous voudrez. Ainsi que le pouuez cognoistre par la figu-
 re cy deffoubs descripte.






Ar les façons precedentes il fault esprouuer vne grande equierre de bois propre à equarrir & marquer les fondemêrs, à fin que vous cognoissiez si elle est iuste, & si elle ne sest point iectée hors de son angle droit. Aussi par les mesmes lignes & proportions deuât proposées vous le cognoistrez fort bien. Comme si vne des branches de l'equierre, laquelle vous voiez cy apres marquée A B, est diuisée en cinq parties egales (ainsi qu'elles y sont marquées) & d'icelles vous en prenez trois, lesquelles vous mesurez par l'ayde de vostre compas, & transférerez depuis A, iusques à C, puis vous prenez la longueur de toutes les cinq parties avec ledit compas, & du poinct ou bout de la quatriesme diuision au lieu marqué D, vous transférerez ladicte lōgueur vers la marque de C, si l'equierre est bonne & loyalle, la fin tombera iustement au poinct de C : mais si la poincte du compas mōte plus hault que ledit C, l'equierre est fermée & ne fait angle droit, ains tend à le faire acut. Semblablement si la poincte du compas demeurē ferme & fixe au poinct de D, & l'autre poincte qui est mobile descēd plus bas que le poinct de C, c'est signe que l'equierre est ouuerte & tēd à faire l'angle obtus, & ne vault rien. Quand cela aduiēt, & vous n'avez loisir d'amēder vostre dicte equierre, vsez de la façon & proportiō precedente sur l'extremité de la branche de l'equierre marquée E F, & tirez la ligne qui est diuisée en trois, sur ladicte branche au lieu que voiez marqué F, & conduisez vostre ligne apres celle la, & les proportions qui vous sont monstrees, vous ne faudrez de tirer le trait d'equierre & perpēdicule, duquel vous pourrez ayder à equarrir vostre place, aussi bien que si l'equierre estoit bōne: voire quand ne seroient que deux aix, qui ne fussent ny dressez ny taillez. Car vous vous en pourrez ayder par ce moien, autant bien que d'une equierre faicte à propos. La figure ensuiuant expliquera le discours du chapitre.

*Beau discours
sur la démon-
stration de
l'examen &
iustificatiō
d'une equier-
re.*


*Traict d'e-
quierre et per-
pēdicule pour
equarrir vne
place.*

LIVRE II. DE L'ARCHITECTVRE



A ce propos Platon trouua vne inuention pour mesurer vne piece de terre, qui est quasi vne mesme façon, & mesme figure que celle de Pythagoras, côme vous le pourrez voir au premier chapitre du neuuiesme liure de Vitruue, ou il figure vne plate forme toute quarrée, & tire deux lignes diagonales par le milieu qui font deux superficies, dont chacune est la moitié du quarré: qui donne à entendre que c'est la moitié du superficie quarré correspondant


respondant au premier que vous auez fait cy dessus. Et pouruen que vous faciez l'angle droit iustement par le milieu (comme il se voit en la figure cy apres au lieu marqué A) sur la largeur de la ligne C D, il contiendra en son quarré autant que font les deux quarez E F, ainsi qu'il a esté dict en l'autre figure cy deuant. Par exemple, posez le cas que vne chacune superficie du quarré de E F cy apres figuré, contienne dix pieds en chacune face, multipliât ce nombre de dix par soy mesme, en disant dix fois dix, il rēdra cent : par ainsi les deux superficies E F, contiendront deux cents pieds, qui est autant, & nō plus, que le grād superficie quarré G contient luy seul, sçauoir est deux cents pieds.



LIVRE II. DE L'ARCHITECTVRE

Si est-ce que pour le mesurer avecques le cõmpas, il ne se peult faire si iustement, qu'il ne sen faille quelque peu, combien que la pointe dudit cõpas soit fort subtile, car elle en emporte tousiours quelque quantité, qui est cause que le rapport ne se peult trouuer iustement. Cõme vous le pouuez voir par vne autre diuision que i'ay faicte à la figure suiuate, ou la largeur & superfice de A D, & de A C, sont de sept parties egales, lesquelles si vous multipliez par elles mesmes, en disant sept fois sept, sont 49. pour vne superficie, & pour les deux ensemble, sçauoir E F, 98. Cela fait vous reuenez à la grãde superficie de dessous, diuisee par sa largeur en dix parties egales & semblables à celles de A D, & de A C, lesquelles si vous multipliez quarrémēt, c'est à dire par elles mesmes, en disant dix fois dix, vous aurez cēt, qui est peu plus que ne cõtienēt les deux superficies de E F, qui rēdoient ensemblément 98, il sen faudroit dõcques deux parties, ou biē deux pieds (vn sur chacune) qu'elles ne contiennēt autāt que le grãd quarrē, ou superficie.

Demonstration fort singuliere de ce que dessus.



Autant en aduient il quād on proportionne & mesure le diametre d'un cercle avecques sa circōference & rotundire, laquelle communement contient trois fois ledit diametre, & presque vne septiesme partie d'iceluy. Comme si le diametre est de sept pieds, la circonferēce en aura vingt & deux, non du tout, toutes fois plus que vingt & vn. ce qu'on ne peult bien iustement trouuer par le compas. Voila la difference qui est entre la mesure du compas & des nombres quant aux longueurs, iacoit que les largeurs soient de mesme quantirē. Quoy que ce soit, si vous faictes que l'angle droit iustement tombe sur le milieu, ou aux costez du grand quarrē, tousiours les deux petis quarrēz qui en viendront ne seront ne plus ne moins grands ensemblēment, que la grande quadrature de dessus: cōme vous le pourrez cognoistre en prenant plaisir & loisir de mesurer avecques le compas la figure que nous venons d'expliquer presentement: comme aussi toutes autres ou se trouuent triangles equilateraux. I'ay voulu faire ce petit discours pour dōner à entēdre aux ouuriers qu'ils doiuent estre diligens à bien diuiser & iustement compartir leurs œuures par le compas, tant pour trouuer les proportions & mesures qu'il fault donner aux pierres lesquelles ils doiuent tailler, que pour les rempans & desgauchissements qu'il conuient faire. Il ne se fault amuser tousiours au traict, mais bien donner la certaine mesure qui se trouuera, en leuant les panneaux ou moules apres lesquels se trassent & moulent les pierres. Lesquelles iacoit qu'apres la taille on ne trouue telles qu'il semble qu'elles doiuent estre, si est-ce qu'estants mises en œuure, elles se trouuent tresiustes & bien à propos. Ainsi qu'il aduient souuent quand lon met à execution quelque traict de Geometrie, comme en quelque voute repāte, & autres en facon de trompe, & en tous traicts desquels il conuient vser avecques vne fort grande dextoritē de sçauoir bien manier le compas. Car tant iustemēt ne sçauroit faire l'ouurier lesdicts traicts, ne si bien trasser ses pierres, qu'il n'y ait tousiours quelque chose à dire aux commissures, qui se trouuent en vn lieu plus larges qu'en l'autre. Ce qui peult bien aduenir aussi quelque fois, quand les tailleurs ne taillent bien iustement leurs pierres. Deuant que me departir du present discours & propos, ie reciteray la question que ie fis quelque iour à vn maistre Escriuain tresdocte en l'Arithmetique. Ie luy demādois qu'il me donnast la racine quarrēe de deux cents, c'est à dire vn nombre lequel estant multipliē par soy mesme, me feist deux cētis iustement. Et à fin de le faire mieux entēdre à ceux qui n'ont ap prins l'Arithmetique, ils seront aduertis, que racine quarrēe est

De la proportion du diametre d'un cercle à sa circonferēce.

Raison des discours precedens de l'auteur.

Question proposée par l'auteur, à vn certain escriuain & Arithmeticien.

LIVRE II. DE L'ARCHITECTVRE

vn nombre, lequel se multipliât par soy mesme rend vn nombre entier. Comme quoy? si vous multipliez six par six, vous aurez trente six, desquels la racine quarrée est six. Ainsi la racine quarrée de quarante neuf sont sept, la racine de soixâte quatre, huit: la racine de octante vn, neuf: & la racine de cent, dix: car, comme ie vous ay dict, le nombre qui se multiplie par soy mesme est la racine de celuy qui en est produit. Or ie vous demande à ceste heure, puis que vous entendez que c'est que racine, donnez moy vn nombre qui se multiplie par soy mesme & face iustement deux cents, & non plus ny moins. Aucuns penseroient, puis que dix est la racine de cent, il fault que vingt le soit de deux cents, qui est faulx, car vingt fois vingt font quatre cents: quinze fois quinze n'y feroient encores propres, car ils rendent deux cents vingt-cinq. Qui diroit quatorze fois quatorze seroit trop peu, pour autant qu'ils ne font que cent nonante six. discourez par autres nombres tant que voudrez, vous n'y sçauriez venir, & ne se peult trouuer telle racine autrement que par la figure de Pythagoras ou de Platon, telle que vous l'auiez veüe cy deuant marquée, estant de deux superficies quarrées desquelles chacune contient dix, & se multiplians par eux, rendent deux cents, comme vous le voiez aux deux superficies E F, qui ne contiennent non plus que le grâd superficie quarré de dessus, sçauoir est deux cets. Par ainsi il fault trouuer telle racine & quantité ou grandeur de superficie par le moien de ladicte figure, veu que vous n'y pouuez paruenir iustement par le calcul & racine d'Arithmetique, ny moins par la diuision avecques le compas, ainsi que tous bons & gentils esprits le pourront iuger par les susdictes figures.

*La racine
quarrée de
deux cents ne
se pouoit trou-
uer, que par la
figure de Py-
thagoras ou
Platon.*


*Comme deux lignes perpendiculaires estants tirées sur les bouts
d'une droicte au cotraire l'une de l'autre, & si vous vou-
lez, l'une dessus & l'autre dessous, monstrent à di-
uiser toute ligne de longueur en tant de parties
egales que vous voudrez, par nombres
impairs. CHAP. III.*



EUCLIDE, ainsi qu'escriit Charles de Bouelles, n'a fait, comme aussi tous les anciens Geometres, aucune mention du moien de pouoir diuiser vne ligne droicte en tât de parties egales qu'on voudra. Qui est chose fort necessaire pour promptement marquer le plan d'un edifice & faire les fondements par lignes, lesquelles il fault quelquefois diuiser pour

separer les murs & grosseurs desdicts fondemets. Qui est la cause que ie delibere icy en proposer la methode & demonstration, combien que soit petite chose, mais necessaire. Soit doncques la ligne assignee A B, laquelle ie veux diuiser en cinq parties egales, pour autant que toute diuision est plus difficile par nombre impair, que par celuy qui est pair: il est fort facile de la diuiser en deux, par deux cercles sentrecouppans sur elle, ainsi qu'il se fait en cherchant la ligne perpendiculaire: semblablement de la diuiser en quatre, en six, ou dix parties qui sont egales. Mais la diuiser en trois, en cinq, en sept, ou neuf, cela est plus long & facheux, que difficile à sen ayder sur vne grande place pour marquer les fondemets, come dit est. Je fais doncques sur les deux bouts d'icelle ligne, sçauoir est A B, deux angles droicts en contraire partie, l'un en hault C A B, l'autre en bas A B D, par les deux lignes A C, & B D, egales l'une à l'autre. Puis ie diuise chacune d'icelles en quatre parties egalement, & par chacune diuision ie produis quatre lignes diametrales & obliques, comme C F, G H, I K, L D. Je conclud que par lesdictes quatre lignes, celle de A B, sera diuisee egalement en cinq parties, comme il appert en la presente figure.

Façon de diuiser vne ligne droite en tant de parties egales qu'on voudra.



LIVRE II. DE L'ARCHITECTVRE

Plusieurs fa-
çons pour re-
duire les mesu-
res & figures
en autres.

Si vous voulez diuiser ladicte ligne en sept parties, il fault diuiser les deux perpendiculaires A C, B D, en six parties, & faire comme deuant: si vous desirez la diuiser en trois, il fault partir lesdictes deux perpendiculaires chacune en deux, & ainsi des autres. Il se trouue plusieurs autres façons pour ainsi diuiser les mesures, & aussi pour reduire les figures geometriques en autres: comme vn parallelogramme en vn quarré parfait, vn triangle equilateral, ou vn quadrangle longuet & lozange, ou ce que lon veult, en plusieurs autres belles figures, ainsi que vn chacun peut lire en diuers liures. Qui fait que delaisant tels propos, nous continuerons le cours de noz bastiments. Je mettray bien cy apres quelque figure necessaire pour niueler & cognoistre en cheminant, combien est hault ou bas le lieu ou vous serez, & voudrez edifier. Qui est le vray niueu, & se fait de la figure du triangle equilateral, lequel ie veux bien descrire, premier que de passer outre, pource que c'est vne chose, tresnecessaire, soit pour commencer à eriger vn edifice, & faire les fossez d'une maison ou chasteau, ou pour conduire fontaines ou riuieres, & amasser toutes les eaux d'un pais en vn seul lieu, ou bien les en oster.

Les commo-
ditez d'un
ray & bon
niueu.

*La forme d'un niueu, sur la figure d'un triangle equilateral,
& comme il sen fault ayder pour dresser les plans des edifi-
ces qu'on vouldra bastir, & cognoistre les pantes d'un
pais, ou amasser les eaux pour sen scauoir
ayder, ou garder qu'elles ne nuisent.*

CHAPITRE. IIII.

Description
d'un niueu,
sous la figure
d'un triangle,
et de quel bois
il doit estre.



Je suppose que vous aiez vn triangle equilateral, c'est à dire duquel les trois costez ou angles soiēt iustement d'une mesme longueur, comme celuy que ie figure cy apres marqué A B C: & qu'il soit de bois assemblé, cōme lon fait vne grāde equierre, & du plus leger que faire se pourra, car il en fera meilleur & beaucoup plus aisé. Il fault que les branches D E, ne soient point plus larges que de trois poulces, & d'espeſſeur vn poulce: les trauerſes & assemblages F G (qui sont mis pour tenir le triangle en raison) de mesme largeur, ſcauoir est, de trois poulces, & d'un poulce d'espeſſeur. Si vous pouuez faire le tout de moindre grosseur, pour estre plus leger & pus facile à cōduire, sera le meilleur, comme i'ay dict cy dessus, le tout selon la nature du bois que vous aurez à propos. Par dessus les trauerſes F G, vous mettez quatre petites tablettes, ſcauoir est, deux sur vne chacu-

ne, cōme vous le voiez aux lieux marquez HI, & KL. lesdictes tablettes seront trouées & percées (ainſi qu'il ſy voit marqué) pour y mettre de petites cheuilles qui ſeruiront à tenir le nombre des meſures, à fin de cognoiſtre les hauteurs, ainſi que vous cheminerez avec ledit niueau. De forte que vous pourrez iuſtement tenir les meſures ſans rien eſcrire. Et par ainſi ne vous faudra encre ne papier, iuſques à ce que vous ayez tout niuelé. Encores qu'ad vous auriez à cheminer trente voire cinquante lieuës, ou il fault que vous alliez quelque fois en mōtant, autrefois en deſcendant, vous retiendrez fort bien par ledit niueau, tant ce que vous aurez monté, que deſcendu. Par deſſous le triangle vous ferez vne barre qui ſera demy-ronde, & non pas droiſte, comme celle qui eſt tirée & vient du poinſt A, ainſi que ſi vous vouliez faire vne circonſerence, en laquelle ſe trouue comme vne ſeptieme ou ſixieme partie de tout le cercle entier. Il faudra diuiſer la largeur de ladiſte barre, en trois ou quatre ſeparatiōs par lignes, à fin d'y marquer les poulces, demis poulces, & quarts de poulces, & en vn autre endroit les pieds, cōme deux, trois, quatre, cinq pieds: car l'inſtrument ne peult monter ne ſe leuer, que iuſques au ſixieme pied, comme vous le cognoiſtrez mieux en pratiqūat l'uſage, & le pouuez auſſi voir à la brāche de deſſous, marquée M. ladiſte barre my-rōde ſera de meſme largeur (qui voudra) & eſpeſſeur, que ſont les branches DE, & ſera le tout aſſemblé avecques tenons & mortaiſes. Mais il ne fault oublier de mettre vne autre barre par le milieu tombant perpendiculairement ſur la ligne de la baſſe BC, comme vous la voiez au lieu marqué N. Quoy faiſant, toute la forme du triangle & niueau ſera ſi bien aſſemblée, qu'elle ne ſe pourra ouurir, ne fermer, ne deſgaucher, autrement vous ne pourrez auoir ledit niueau bien juſte. Le tout ſe peult voir par l'inſtrumēt que trouuerez apres le chapitre ſuiuant. Reſte monſtrer comme il fault marquer la barre qui eſt my-ronde, au droit de M, & comme il ſe fault ayder dudit inſtrument pour niueler toutes choſes.

*Continuation
de la deſcri-
ption des par-
ties du ſuſdit
niueau.*

L'vſage & pratique dudit niueau triangulaire, avec l'explication de ſes parties. CHAPITRE V.



Vous mettrez voſtre triāgle ſur vn lieu biē droiſt & à niueau, comme eſt la ligne BC, lequel aura vn plombet pēdu au bout d'une petite cordelette, ou fiſcelle, attachée au poinſt de A, qui ſe trouue droite & iuſte ſur la ligne du milieu, ainſi que vous le voiez au lieu de P. Cela mōſtre que la baſ-

LIVRE II. DE L'ARCHITECTVRE

se B C, est bien à niveau. Apres ce vous tirerez iustement vne ligne perpendiculaire sur vn bout du triangle, ou vous mettrez vne reigle si vous voulez, ou bien la colloquerez contre vne muraille bien droicte & à plomb, comme vous voiez la ligne representée par O B, ou vous marquerez les hauteurs par poulces & pieds, cōme aussi à la barre circulaire marquée M, ainsi que vous voiez que i'ay fait. Quand vous voudrez pratiquer & auoir l'usage du present niveau, vous leuerez la poincte dudit niveau marquée Q, contre ladicte ligne O B, & l'autre poincte demourera tousiours sur la ligne qui est à niveau au lieu B C. Et quand ladicte poincte de Q, sera de la hauteur d'un poulce, de deux, de trois, de quatre, de cinq, ou d'un pied & demy, de deux pieds, ou si vous voulez de toute la hauteur, iusques à ce que la barre de A E C, soit à plōb ou perpendiculaire, vous marquerez tous ces nombres entre les lignes sur la barre signée M, au droict ou se trouuera iustement le fillet du plombet, & separerez les marques du poulce, de demy poulce, quart, tiers de poulce, & en telle diminution que voudrez. Chacunes choses seront marquées à part en leurs intervalles de lignes, qui seront tirées en ladicte barre circulaire marquée M, comme i'ay dit. Et quād le plombet se trouuera au droit d'un des costez du triangle bien à plomb, ou si voulez à perpendicule de la ligne A C, vous trouuerez que l'autre poincte Q, sera plus haulte de six pieds que celle de C, faisant vn triangle equilateral contre la ligne B O. Apres que vous aurez marqué ainsi vne moitié de la barre M, vous marquerez l'autre costé avecques le compas, en prenant les separations aux lieux ou vous auez repéré l'endroit ou se trouuoit la ligne du plombet, & y mettrez autant de pieds, demis pieds, poulces, & autres: ou bien vous tournerez le niveau de telle sorte que la poincte C, se puisse leuer contre la ligne perpendiculaire B O, ainsi que vous auez fait de l'autre costé, & marquerez ceste autre moitié comme vous auez fait par cy deuant. Vous cognoistrez plus facilement le tout en le pratiquant, parquoy ie n'en feray icy plus grande demonstration. En retenant comblé de fois vous tournerez vostre niveau en nivelant, vous sçaurez par mesme moien combien vous aurez fait de chemin: car autant de fois que vous l'aurez tourné, seront autant de toises. Quant à la cognoissance de la hauteur d'un lieu, ou pour conduire riuieres & fontaines, ou pour amasser plusieurs eaux ensemble, ou bien pour les vuyder, & aussi pour sçauoir la hauteur de l'aire ou vous voulez edifier, à fin de faire le bastimēt plus hault, pour le rendre sain & salubre, si vous en voulez auoir la pratique, vous prendrez vostre niveau à la main, & le tourne-

*Declaration
de l'usage du
niveau trian-
gulaire.*

*Des nombres
en intervalles
du triangle.*

*L'usage du
niveau trian-
gulaire estre
fort grand &
seconde.*


rez en cheminant, ainſi comme l'on manie vn compas, & aurez vn nôbre de petites cheuilles avecques vous. Si vous voiez que à chacune fois que vous le tournez, il ſoit plus hault, ou plus bas d'un poulce, ou de deux, pour tant qu'il ſen trouuera, vous mettrez autant de cheuilles aux petis pertuis de la tablette marquée H. Et quand le nôbre de douze (qui feront poulces ſi vous voulez) y fera complet, vous les oſterez toutes, pour autant que les douze poulces font vn pied: parquoy vous mettrez vne cheuille à l'autre tablette marquée I, ou il n'y a que ſix trous. Et quand ils ſeront pleins tous ſix, ils feront vne toiſe qui vault ſix pieds: parquoy vous en oſterez toutes les cheuilles, comme vous auez fait à l'autre, & au lieu d'icelles vous en mettrez vne à la tablette k, ou il y a dix pertuis, deſquelz vn chacun repreſente vne toiſe, & continuent iuſques à dix qui eſt la derniere toiſe: à laquelle quand vous ſerez paruenus vous leuerez toutes les dix cheuilles, & en mettrez vne à la tablette marquée L, de laquelle vn chacun trou vault dix toiſes. Voila pour cognoiſtre combié vous aurez monté. Si vous voulez maintenant ſçauoir combié vous ſerez deſcendus, eſtants en vn lieu auquel ſe trouuent des collines & vallées, vous vſerez de ſemblable façon, & vous ayderez des meſures, marquées à l'autre coſté de voſtre instrument, pour retirer à part ce que vous aurez deſcendu, au regard du lieu ou vous eſtiez. Quand vous aurez en cheminât niuelé toute la longueur du païs ou lieu que vous cherchez, vous mettrez à part ce que vous aurez trouué qu'il môte & excède, ou bien qu'il abaïſſe & deſcend. Car vous cognoiſtrez par là, combien vous eſtes plus hault ou plus bas, que n'eſt le lieu dont vous eſtes party, & quelles tranchées & profondeurs il fault faire aux montaignes & collines que vous pourrez auoir trouué, pour en faire vuyder les eauës, ou bié y conduire fontaines. Par ainſi vous voiez les comodités du triangle equilateral, & comme il vous peult ayder à faire vn niueau de telle vtilité & proufit que vous pouuez bien iuger, ſoit pour amaffer les eauës d'un païs en vn lieu, pour ſeruir en vn camp, pour couper & oſter les riuieres autour d'une ville, & les conduire ailleurs, & pour aſſés d'autres commodités, leſquelles ie laiſſe à penſer aux ingenieux & ſubtils. Mô principal ſcope a eſté de le deſcrire, pour autât qu'il eſt neceſſaire quâd il fault planter vn edifice. Ie pourrois icy monſtrer pluſieurs autres ſortes de niueau, mais pour autant que les ouuriers en ont l'vſage, ſoit avecques eauë, ou autrement, pource eſt il que ie me deporteray de plus en eſcrire. Mais ie vous veux bien encores propoſer vn autre triangle equilateral, lequel i'ay inuenté il y a plus de trente

*Des cheuilles
& petis pertuis de la tablette, et pour cognoiſtre combien on aura monté.*

Pour cognoiſtre combien on aura deſcendu.

Vne autre façon de triangle.

ans, & m'en suis aydé en tous temps, pour prendre toutes sortes de destours, soit de villes, chasteaux, maisons, ou ce que vouldrez, comme vous verrez par le chapitre suivant.



*La composition & usage d'un triangle equilateral, duquel on se
peult ayder pour prendre tous destours, & toutes sortes d'angles,
soient droicts, poinctus, obtus, ou de quelque façon que ce soit: cō-
me aussi pour mesurer iustement une ville, chasteau, ou autre
place avec sēs destours, à fin d'en pouvoir représenter sur papier ou
parchemin la vraye forme & figure, avec sēs mesures.*

CHAPITRE VI.

Soit donné vn triagle equilateral de telle largeur que vous voudrez, cōme A B C : plus il sera grād, plus il aura d'assurance & bonté. Si est ce que ie ne me suis point voulu ayder d'un plus grād que celuy lequel vous voiez cy apres figuré: par autant que ie le faisois porter plus aysement en mes coffres, & n'allois point ordinairement sans iceluy, vn Astrola-

bc, & Ephemerides, avecques quelques autres liures, & estuis garnis de compas, & ce qu'il fault pour protraire. Dedans ce triangle figurez vne circonference, telle que vous la pouuez voir marquée EFGH (quasi ainsi que si c'estoit vn quadrans à monstres les heures) & la diuisez en tant de parties que voudrez, comme vingtquatre, trente deux, quarante huit: le plus qu'il y en a, c'est le meilleur. J'ay diuisé ceste cy en trente deux, & faict mettre au milieu vne esguille aymantée, ainsi que celle des quadrans marins & buxoles, ou bien des petis dôt on s'ayde pour trouuer les heures au Soleil: mais notez que ladicte esguille doit estre fort bonne & bien mouuante. Quand vous voudrez ayder du triangle, vous regarderez par vn des costez tel qu'il vous plaira, comme par celuy qui est la figure marqué D. Cela faict vous iecterez vostre veüe sur la ville, chasteau ou place, de laquelle vous voulez prendre la forme & figure, & en ferez premierement vn esquisse marqué sur du papier grossement, ainsi que vostre iugement le peult comprendre. Puis vous ferez le destour du tour. Si vous voulez il ne fault que tenir en memoire ou par escrit vne chacune face & destour des murailles pour la mesure des longueurs cōme vous verrez cy apres. Ayāt faict cela, vous pouuez commencer par vn bout du chasteau, ville, ou place, mettant vostre triangle contre le premier pan de mur, avecques vne reigle pour auoir plus grand iugement, contre laquelle doit estre vostre triangle, ainsi que vous le voiez marqué K. Cela faict vous regarderez ou sarreste l'esguille, & sur quel nōbre: si c'est sur dix ou sur quelque autre nombre, quel qu'il soit, vous le marquerez à l'esquisse de vostre papier, au droit du lieu contre lequel vous auez presenté vostre triangle. En apres vous irez à vn autre destour de pan de mur, & ferez comme vous auez faict, presentant la reigle & vostre dict triangle contre ledit pan de mur, & regardant le nombre sur lequel sarreste la poincte de l'esguille: lequel vous mettrez aussi sur l'esquisse qu'auez faict pour la place tout ainsi qu'au parauant, & continuerez en ceste façon toute l'enceinture & tour de la ville, ou d'autre lieu, mais marquant tousiours à chacun pan de mur & destour les nombres sur lesquels sarrestera l'esguille de vostre triangle, comme j'ay dict: semblablement la longueur que contiendra vn chacun pan de mur. Tout cela bien ordonné, quand vous voudrez mettre au net le plan de vostre ville ou chasteau, vous estendrez sur vne table le papier ou parchemin sur lequel vous voulez protraire, estant bien collé & attaché par les bords tout autour. Mais vous ferez que la table soit ferme, & ne puisse tourner ça ne là, pour le moins iuf-

De quelz instrumens l'auteur estoit accompagné allant par país.

Vsage du triangle de l'inuentio de l'auteur.

Continuation de l'usage du triangle de l'auteur.

La façon de mettre au net le plan du lieu pretendu.

LIVRE II. DE L'ARCHITECTVRE

ques à ce, que toutes les lignes du tour soient tirées. Puis vous regarderez combien de toises a vostre ville en l'ogueur & largeur: si y en a cent, ou deux cents, vous diuisez en tant de parties & nombres toute la longueur de vostre papier, les reduisant en petites toises, par lesquelles vous donnerez toutes mesures à vostre dessein qui commence par vn bout, sur lequel fault mettre le triangle duquel vous estes aydez, & le tourner tant que l'esguille se trouue iustement sur le nombre qu'elle estoit quand vous l'avez présentée contre le mur de la ville. Mais il ne fault oublier de mettre les l'ogeurs que vous aurez trouués à vn chacun pan de mur sur leur propre endroit. Cela fait vous tirerez la ligne tout au long de vostre triangle du costé de D, par lequel ledit trian-

*De quelle ma-
tiere doit estre
fait le trian-
gle.*


gle a tousiours esté présenté. Pour le mieux il fault que tel triangle soit fait de quelque matiere qui ne soit gueres espesse, comme de cuyure, de laiton, d'argent, ou de bois bié delié, à fin qu'on y puisse tirer aisément la susdicte ligne, ainsi que lon a accoustumé de faire avec vne reigle. Vous presenterez ledit triangle ainsi que deuant pour parfaire tous les autres pans de murs, & le tournerez iusques à ce que l'esguille se trouue iustement sur le nombre auquel elle estoit quand il a esté présenté cōtre le mesme endroit de la ville. Et ainsi continuant par tout, vous representerez iustement la forme de tous les angles & destours de la ville. Par mesme moien vous pourrez dresser les rues, & les quarefours qui sont dedans ladicte ville, avecques les bastimēts. Quand vous aurez fait cela tout autour de vostre dessein, il n'y a plus de danger de remuer vostre papier ou parchemin, soit pour enrichir le protrait, ou pour faire plus à vostre aise. L'ay vſé autrefois de sauterelles & bueaux qui sont en façon d'equierre, & souurent & ferment comme lon veult, pour prendre les destours des places, en faisant les angles qui se trouuent droicts, ou autrement ainsi qu'on sen veult ayder. Je sçay plusieurs autres instrumēts de bonne façon, & qui sont fort aisez pour prendre lesdits destours & formes des places, mais ie ne trouue chose plus prompte que nostre triangle equilateral, ne instrumēt aucun avec lequel on puisse besongner plus diligemment ne mieux à propos. Il peult estre que aucuns ne l'entendront si bien, ne si facilement cōme s'ils l'auoient veu pratiquer, mais la plus part des ouuriers en sçauront bien iuger, & sen ayder, ainsi que ie l'ay descrit facilement, & expliqué (comme il me semble) tresfamilièrement. Je pourrois bien aussi donner & enseigner quelques instruments sous figures octogones & quadrâgulaires, mais ie ne les trouue si à propos, sinon pour les arpenteurs qui veulēt mesurer quelque grande quanti-

*Quels instru-
mēts sont sau-
revelles et bu-
eaux.*

de quantité de terre ou bois, ou bien dresser quelques chemins & allées, ou equarrir vn lieu, & faire toutes sortes d'âgles qu'on veult. Tels instrumens avecques le quarré Geometrique sont aptes & propres pour mesurer toutes lōgueurs, largeurs, hauteurs ou profonditez, comme aussi les equarrir, & en faire telle forme & figure qu'on voudra. Je me mettrois volontiers à en descrire la fabrique avecques la pratique, mais ie me detournerois de ma principale entreprinse qui est de parler des bastiments, & des traicts de Geometrie, desquels la cognoissance est plus que neceffaire à vn Architecte. Qui fait que cy apres i'en escriray diligement ainsi qu'il viédra à propos & sera requis pour le subiect des œuures. Icy i'ay seulement voulu parler de quelques instrumens & figures Geometriques propres & necessaires pour biē plâter, fonder & dresser les edifices: cōme aussi pour accommoder les vieux bastiments avecques les neufs. Par ainsi i'ay biē voulu parler clairement & facilement de ces petites façons de lignes & triangles, pour mieux les faire entendre à ceux qui auront charge de conduire bastiments. Car à dire verité combien que telles choses semblent estre petites & vulgaires, si est-ce que peu de gens qui font profession de bastir ne les sçauent, ou s'ils les sçauēt, ils n'en vsent point, comme il se cognoist aux grandes fautes qu'ils font iournellement en leurs œuures. Mais de ce propos sera assez, auquel nous mettrōs fin apres auoir exhibé la figure du triangle d'escrit en ce present chapitre, telle que vous la voiez en la page suiuite.

La cognoissance des traicts geometriques est plus que neceffaire à vn Architecte.

LIVRE II. DE L'ARCHITECTURE



Tous ces discours Geometriques omis, ie reprendray la fin du liure precedent, en laquelle i'ay laissé le seigneur qui doit faire bastir, comme aiant fait provision de toutes matieres necessaires pour cōmençer, continuer, & paracheuer son logis: & l'Architecte accōpagné de ses ouuriers prest de mettre la main à l'œuure, c'est à dire de faire ouurir la terre pour donner fondements à son edifice. Reste dōcques cy apres parler cōme il fault proceder ausdits fondements, veu que c'est le cōmencemēt de tout l'œuure, auquel gist vn grandissime soing, & industrie, de la part de l'Architecte, & dommage non pareil de la part du seigneur, si ledict fondement n'est fait ainsi qu'il appartient.

Reprise & continuation du discours suivant la fin du premier liure.

Quelles largeurs & espesseurs sont requises aux fondements selon les grosseurs & hauteurs des murs qu'on aura à faire avecques l'ordre & façon qu'on y doit garder pour l'assurance du logis & des habitants.

CHAPITRE. VII.



Pres auoir monsté la façon de bié trasser les fondements, & les sçauoir reduire à l'equerre par le moien d'instruments idoinés, icy conséquemment ie delibere móstrer comme il fault fonder, ou, si vous voulez, comme il fault dōner cōmencement à vn edifice, quelle largeur doiuet auoir les fondeméts, & comme on pourra cognoistre la nature des terres, quand elles sont bonnes & fermes pour y asseoir la premiere pierre fondamentale. Les largeurs & espesseurs des murs qu'on fait dans terre se doiuent considerer selon la profondeur qui sera aux fondements. Si c'est vn bastiment commun, ainsi que sont ceux des villes, & qu'il ait deux pieds d'espeueur au dessus des terres, ou dixhuiet ou vingt poulces, vous ne sçauriez luy donner moins (pour le bien faire) que vne moitié de largeur d'auantage: cōme à celuy qui a deux pieds d'espeueur hors de terre, trois dedans terre. Celuy qui a vingt poulces d'espeueur & trēte dedans les fondements, il ne peult estre de moins que d'une quarte partie de retraicte, tant dedans que dehors. Je voudrois que selon la profondeur du fondement le maistre maçon eust cē iugement de faire le mur plus large par le bas que par le hault, en le cōduisant tousiours avecques vne petite retraicte, principalement par le dehors de l'edifice. Et si c'est vn mur qui ait quatre pieds d'espeueur par sus terre, ie voudrois qu'il en eust six dedans. Si vous voulez planter vn grād edifice qui deust auoir aux fassades de la maison des xylobastes, ou piedestats (ainsi que le vulgaire les appelle) ou quelque parastate, pilastre ou empatemēt, pour faire vn talu, il fault que le sage Architecte cōsidere & monstre au maistre maçon de luy donner tousiours vn fondement de telle façon, que l'œuure qu'il y erige par dessus terre, ait son fondement plus large que l'œuure qui doit estre plantée par dessus. Et quelquefois si le mur a quatre pieds de large, & la saillie des piedestats deux, il fault que le fondement d'ouuerture soit de 8 ou 10 pieds dedans les terres. Ce qu'on cognoist par vn bon iugement accompagné d'experiance, & qui sçache bien considerer les fardeaux & pesanteurs que lon veult mettre dessus ledit fondement, selon qu'il le fault esleuer avecques bonne prouision de tout ce qui y

*Des largeurs
& espesseurs
des murs qu'on
fait dās terre.*

*Fort bon conseil
& enseignement
proposé par l'auteur.*

LIVRE II. DE L'ARCHITECTVRE

est requis: & si est neccessaire, y faire d'aussi grands talus comme aux forteresses, ou à soustenir les terres qui poulsent fort, mesme quand elles sont subiectes à estre humides ou mouuâtes, ou bien à receuoir les eauës & pluyes, ou autrement, ainsi qu'on peut entreprendre les edifices. A ceux qui sont rôds, ou qui ont de grâds portiques ou se fondent plusieurs colonnes, il faudroit faire les fondements tous massifs, & aussi larges ou plus, que toute l'œuure: ie dy fonder la largeur & longueur de toute l'œuure autant que contiët le plan de tout l'edifice qu'on veult faire. En aucuns edifices, il ne faudroit faire que des trauerfes pour tenir en ordre & liaison les fondements. Icy ie vous veux bië aduertir que vous ne deuez iamais endurer, si vous voulez que vostre œuure soit bië faicte & asseurée, que les maçons fassent les fondements par espaulletes, c'est à dire qu'ils ne paracheuent point vn fondement à vn bout de la hauteur qu'il doit estre, & que la reste demeure plus bas, en faisant ledit fondemēt par lopins & pieces. Il le fault doncques tellement faire, que lon meine les assiettes des pierres de maçonnerie toutes à niueau, si faire se peut que n'ayez aucun empeschement, soient de moilon, ou autres. N'endurez iamais que vn bout se haulse plus que l'autre, & par ainsi vous ferez que voz fondements seront comme fils estoient tous d'une piece. Il est malaisé qu'une maçonnerie se puisse bien lier l'une avecques l'autre, si elle n'est faicte toute ensēblement. Asseurez vous que estant toute comme d'une masse, & de mesme hauteur, elle s'entretiendra si bien qu'il n'en auendra point de faulte, & ne pourra prendre coup ny se corrompre, ainsi qu'elle peut faire estant conduicte par loppins. Vous n'ignorez que la maçonnerie faicte dans terre ou dehors en quelque nombre de iours se deseiche, & deseichant se r'abaisse, cōme font toutes choses humides lesquelles on voit se referrer & retirer en deseichant. Doncques si vous faictes vn autre mur contre celuy qui est ia faict, quelque liaison que vous y sçachez donner, ainsi qu'il deuendra sec il se retirera en soy, comme aura faict l'autre, & se abaissera. Et l'autre partie qui est seiche ou n'a tant d'humidité, tiendra coup & demourera comme elle est pour estre deseichée & retirée de long temps & longue main. Par ainsi l'assemblage & liaison se deffera, ou pour le moins les commissures ou ioincts du mortier se rompront. Et iagoit que quelquefois cela ne se monstre gueres, si est-ce qu'il n'est bon de faire ainsi maçonnerie par pieces & espaulletes. Cela se cognoist fort bien aux forteresses, car quand le canon a donné contre vn pan de mur ainsi faict, vous verrez fendre & separer les vieux murs des nouueaux, si l'y en a. Quand il est force de faire les

Les fondements deuez varier selon les logis qu'on pretend construire.

Aduertissement sur les fondements faicts par espaullette

Choses fortes dignes de noter, & bien pratiquer.

fondemens en telle façon, il les fault maçonner autrement que
aucuns maçons n'ont accoustumé de faire, c'est avec grande re-
traicte, comme qui voudroit faire des degrez ou marches sur l'es-
passeur des murs, avecques aucunes lógues pierres des plus gran-
des que lon peut recouurer. Mais pour reuenir à mon dire, cou-
stumieremét on voit que les maçons font ainsi par pieces les ma-
çonneries, ce que i'ay bien voulu aduertir, à fin d'y prédre garde,
& cognoistre la fermeté d'un fondement de laquelle il nous con-
uient escrire.

*Contre la mau-
uaise et vici-
perie d'aucuns
maçons &
ouuriers.*

*Pour cognoistre la fermeté d'un fondement, & des terres qui
sont bonnes à fonder. CHAP. VIII.*

LA fermeté d'un lieu pour faire fondement se peult
voir & cognoistre en diuerfes sortes, & signammét
par la nature des terres. Car si c'est vne terre qui n'a
point esté remuée, quád vous la frappez du pied ou
de quelque instrument, ou d'une piece de bois de
bout, elle faiçt vn son sourd, & sans aucune resonance. D'auanta-
ge la terre sy esleue par petites pieces massiues, comme si c'estoit
sur vne carriere, ou ló tire la pierre: & si vous mouillez lesdictes
pieces, elles ne se destrempent facilement: telle terre doncques
est bonne pour fonder. D'ailleurs vous cognoissez les terres pro-
pres pour bon fondement, quand elles sont trop plus pesantes
que deux ou trois fois autát d'autres, pour estre reserrées & mas-
siues. Il y a diuersité de bônes terres sous diuerfes couleurs, selon
les lieux & païs ou lon est. Voluntiers la bône terre pour fonder
est solide & noire: en aucús lieux elle est comme argille plóbeu-
se, parquoy aussi est tresbonne. Il s'en trouue de blanche (qui est la
pire) estant cômunemét moite ou humide & sallissant les mains
quand on la manie, côme si c'estoit fange ou boüe, ce que ne font
les autres bonnes terres: parquoy il ne se fault asseurer ne fier à
semblable. On trouue des terres aux fondemens, qui sont côme
petis cailloux & gros grauiers de riuieres cōglutinez ensemble,
& tenants quasi côme si c'estoit quelque façon de cymet: telles
terres sont tresbonnes pour fonder. On trouue aussi de bons fon-
demets sur vne veine & nature de terre qui n'est gueres espesse,
& represente du gros sable blác ou rouge fort amassé ensemble,
& bien meslé de petis cailloux. I'ay veu quelques vns qui pour
vouloir trouuer meilleur fondemét que sur ledit sable, ouuroiét
la terre de plus en plus, à fin de r'encontrer mieux, de sorte qu'ils
fouilloient encores trois ou quatre pieds plus profond, mais ils

*La nature des
terres mon-
strent la ferme-
té d'un fonde-
ment.*

*Beau discours
sur la cognois-
sance des bon-
nes terres pour
bien fonder ba-
simens.*

LIVRE II. DE L'ARCHITECTURE

ne rencontroient terre qui valust pour fonder, voire vingt cinq ou trête pieds plus bas, où moins, parquoy ils se trouuoient trôpez, pour ne festre arrestez ou il falloit, & quelque fois estoient contraincts d'y mettre des pieux, & piloter pour les fondemêts, qui n'estoient si bons que ceux lesquelz ils auoient laissez. Pour conclusion, il se fault arrester quand on trouue telle sorte de gros sablon rouge, autrement les maçons feroient grands despens, & dômage au seigneur sans aucune necessité, ainsi que i'ay veu aduenir plusieurs fois. Pource est il que ie cõeille à ceux qui se voudront ayder de nostre aduis, d'y prendre garde. Encores se peuuent cognoistre les terres des bons fondements quand vous les prenez & maniez, soient qu'elles se trouuent seiches, ou moittës & humides: car quand vous les mettez sur vn linge blâc, ou drap de laine, ou de soye, & apres vous le secoüez, sil ne sy faict aucune tache, ou que le drap n'en soit rendu sâlle, telle nature de terre est bonne pour fonder: mais si elle tache le drap ou linge d'aucune fange, ne vous y fiez, car le fondement n'en vaudra rien.

Autre maniere de cognoistre les terres pour bons fondements.

La façon d'amender vn fondement, quand on ne trouue terre ferme pour le bien assseurer. CHAPITRE IX.



Maniere d'asseurer & accommoder vn fondement qui n'est en terre ferme.

VAND vous ne pouuez trouuer terres fermes pour assseurer vn bon fondement, elles se peuuent améder en diuerfes sortes: cõe par pilotis, plattes formes, & autres manieres, selon la commodité & nature du pais ou lon est. Si vous en doutez, vous y pourrez mettre aucuns pieux par dessus peuplez de grandes pieces de bois, sciez de l'espeueur de cinq & six poulces, rât lógues & larges que permettra l'arbre ou poutre desquelz vous les scierez: mais vous les mettrez si egalelement, qu'il n'y en aye plus en vn endroit qu'en l'autre, principalement si l'œuure se faict sur vn lieu palustre ou marefcageux: à fin que sil fault que la pesanteur & charge de l'edifice sabaisse (comme il peult aduenir) que ce soit egalelement par tout. Car si vn endroit tenoit coup, & l'autre non, l'edifice qui seroit dessus se fendroit & ouuriroit en diuers lieux, & peult estre pancheroit ou tomberoit. Par dessus telles plattes formes, les maçons pourrôt faire leurs maçonneries de grandes libes de pierre de taille, bien liées les vnes avecques les autres. Ce que i'en dy est pource que les anciens ont autant ou plus aymé edifier en lieux palustres & marefcageux, que sur terre ferme, pœur les subiections des trêblements de terre, qui sengendrent des exhalatiôs, & vents se mouuants &

Raison pourquoy les anciens edifioient en lieux palustres et marefcageux.

agitants dedás les entrailles & conduicts de ladicte terre, à fin de trouuer issue. Qui sont si grands quelquefois, que non seulement ils font fendre l'edifice, mais aussi le réuersent & precipitent. Ce que ne peult aduenir en vn lieu palustre & marescageux pour les exhalations & vêts qui ne sy engendrēt & n'y peuuēt demourer facilement. Qui seroit contrainct de bastir en tels lieux de palus, il faudroit que l'Architecte monstrest par son bon esprit les moies & inuentions de vuyder les eauës desdicts palus, & rendre le lieu sec, à fin que les bestes venimeuses n'y puissent habiter. Ce qui est facile à faire, & en diuerses sortes, signâment par petis canaux, esquelz samassent les eauës pour les conduire ou lon veult, & y faisant telles figures & formes qu'on desire pour donner plaisir, & encores pour en tirer proufit par la nourriture des poissôs, ou autrement. Ainsi que i'ay faict faire par necessité au parc du chasteau d'Annet, auquel le lieu estoit si aquatique, qu'o n'y pouuoit aller: ce neâtmoins ie l'ay rédu autât delectable & plaisant que parc ou iardin qu'on puisse voir, pourueu qu'il soit bien entretenu. Mais pour reprendre le propos des terres pour faire fondemens, il sen trouue quelquefois qui sont si mouuâtes, que qui voudroit y chercher solidité, le fondemēt cousteroit plus que l'edifice. Ainsi que i'ay trouué & experimēté long tēps y a au bastiment & chasteau de S. Maur des fosses, duquel i'ay cy deuant parlé. Ledit chasteau a esté basti sur vne colline ou petite môtaigne qui estoit faicte de la terre qu'on auoit autrefois ostée des fosses qui sont autour de l'abbaye qui depuis a esté redigée en eglise collegiale de chanoines. En faisant faire les fondemens, ie trouuois toute la masse mouuante, pour les pierres qu'on auoit tiré autrefois des quarrieres. Et pour paruenir iusques au ferme, il me falloit aller plus de quarante pieds plus bas, qui estoit vne despenſe excessiue, & qui ne fust venuë gueres à propos pour le seigneur Cardinal, qui n'auoit pour lors beaucoup d'escus de reste. Pour doncques euitier vne si grande despenſe, ie feis faire plusieurs trous ou pertuis, cōme si i'eusse voulu faire des puis de quatre ou cinq pieds de large, autant que portoit le fondemēt, & estoient quarrez: i'en faisois autant de douze pieds en douze pieds de la mesme largeur du fondement, & tant profonds que i'y trouuois lieu solide: & ou ie ne le trouuois assez ferme comme ie le demandois, i'y faisois mettre des pieux de la largeur dudit fondement, & faisois remplir lesdicts trous ou puis de bonne maçonnerie: en après d'un trou à autre ie faisois faire des voules par dessus dans les terres, qui ne se voyoient aucunement: & sur icelles se continuoit la maçonnerie. Quoy faisant il sy trouuoit vne grāde espargne, tant


*Conseil quand
on est cōrainct
de bastir en
lieu maresca-
geux.*

*Le chasteau
& bastiment
de S. Maur
des fosses pres
Paris.*

*Cecy doiuent
cognoistre les
maistres Ma-
çons, & le bien
pratiquer.*

LIVRE II. DE L'ARCHITECTVRE

des matieres, que d'autres despenſes, ſoit pour oſter les terres, ou pour les façons, qui euſſent couſté quaſi la moitié d'auantage qu'il n'a faiſt, ſil y euſt fallu proceder autrement. Vous pouuez iuger facilement du tout par la figure que i'en ay faiſte cy deſſous.



Belle inuention pour cognoiſtre ſi vn fondement ſera meilleur eſtant creuſé & fouillé d'auantage. CHAP. X.

Quand lon eſt contrainct de beaucoup creuſer & fouiller les fondements, pour autant qu'on doute qu'ils ne ſoient aſſez bons, & qu'on eſpere de les trouuer meilleurs, ou biẽ que lon eſt cõtraint d'aller plus bas qu'on ne voudroit, pour les caues & offices qu'on veult faire quelquefois dedans terre, on cognoiſtra ſi le fondement ſera meilleur pour eſtre creuſé d'auantage en ceſte ſorte. Il fault faire vn trou ainſi qu'un puis, & non pas de grande profondeur: de quatre ou ſix pieds il ſuffira: en apres proceder comme quand on veult experimenter ſil y a ſources d'eauës en quelques lieux & païs, qui ſe pratique en ceſte ſorte. Prenez deux cruches de terre cuitte, ou deux pots de quelque forme & capacité que vous voudrez (il ſeroit bon toutefois qu'ils tiennent enuiron vn ſeau d'eauë) & les emplifiez de laine, bourre, ou cotton, puis les couurez d'une tuille ou aix, & regardez quelle eſt la peſanteur & pois de tout enſemblément, lequel gardez à part. Cela faiſt mettez l'un deſdicts pots au plus bas du fondement & à vn coing, eſtant bien couuert de quelque

*Maniere de
cognoiſtre ſi
vn fondemẽt
ſera meilleur
pour eſtre creu
ſé d'auantage.*

autre chose, cōme qui voudroit garder que les vapeurs & exhalations n'en puissent sortir. L'autre pot sera mis dedans la fosse faite en façon de puis (qui est le plus profond du fondemēt) estant couuert d'aix, & de terre par dessus, ainsi que vous pouuez auoir fait de l'autre. Cela estant ainsi accompli, vous les y laissez vn iour ou deux, ou plus, & en apres les ostez, & regardez lequel est plus pesant des deux. Si celuy qui a esté mis dedas la fosse du puis poise d'auantage, que celuy qui est à la trāche ou coing du fondemēt, il monstre que si vous creusez plus bas ledit fondemēt, il sera pire, pour y auoir plus d'humidité & de terre boieuse. Mais si vous voyez qu'il ne poise gueres d'auantage, & que seulement sur la ligne y ait comme de petites gouttes d'eau, ou de rosée, c'est signe qu'il y a quelque petit ruisseau passant, & coulant par dessous, ou que les terres sont fort humides & abreuuées d'eau, laquelle est encores assez profonde. Mais si vous trouuez toutes les cruches & vases d'un mesme pois, ou biē que le pot qui estoit dans le puis soit plus leger, que l'autre estant mis à la tranche du fondemēt, c'est signe que tant plus vous creuserez la terre & irez plus bas, tant plus vous trouuerez meilleur fondemēt. Si les deux pots sont iustement, ou enuiron, de mesme pois, c'est à dire, s'ils ne poissent non plus qu'ils faisoient quand on les y a mis, il se fault arrester là, car vous ne trouuerez meilleur fondement, la terre y estant par tout solide, bien ferme, & bien conglutinée, avec competente humidité. Les vrais fondements & plus assurez sont sur la roche, comme chaēc sçait, ou sur le tuf, ou sur vne carriere. Cela donne grand plaisir au conducteur quand il trouue telle assurance de son œuvre. Je ne voudrois icy oublier à dire que les fondements se doiuent accommoder à la nature des lieux & païs ou lon est. Car, comme i ay dict, aux lieux qui sont subiects à tremblements, les terres solides & lieux les plus fermes n'y sont pas les meilleurs. Qui peult estre cause, ainsi que nous auons dict, que les anciens cerchoient les paluds & marests pour bien fonder, par autant que les vapeurs & vents soubterrains facilement sy escoulent & euaporent sans pouuoir aucunemēt esbranler les edifices. Mais, comme nous disions naguieres, il fault aussi rendre le lieu ferme & solide par pieux, plattes formes, charbons, & laine qu'on met par dessus, pour garder que le bois ne s'eschauffe ou pourrisse. Par mesme cause on a accoustumé de bruler le bout des pilotis pour les rendre quasi comme charbon, à fin de les consumer longuement dans l'humidité de la terre. Je croy que cecy suffira pour cognoistre la nature de la bonne terre pour y assoir & poser fondemēts. Qui desirera en voir d'auantage, il luy est libre

*Beau discours
pour l'inven-
tio des canis.*

*Subtils moies
pour cognoi-
tre si on doit
creuser et pro-
fonder d'avan-
tage vn fon-
dement.*

*Des paluds et
lieux marefca-
geux, esquels
il fault quel-
que fois faire
fondements.*

LIVRE II. DE L'ARCHITECTVRE

de lire Vitruue, avecques plusieurs autres qui en escriuent, & aussi entendre l'aduis de ceux qui en ont bonne experience. Le vous aduise que tout ce que ie vous en propose & escriis, a esté expérimenté en diuers lieux par mon ordonnance, aduis & commandement. Le desirerois tout d'une venue monstrer icy les engins necessaires à tirer les eauës d'un fondemër (puis que le propos & occasion sy presente) soit par pompe, roüe, ou autre sorte d'instrument, comme aussi enseigner diuers organes & instruments, tant pour plâter pieux, aux fondemëts, que pour côduire toutes sortes de pierres, bois, & autres matieres: semblablement pour edifier dans l'eauë, soit en mer, riuieres, ou paluds: mais ie remettray le tout à nostre liure des Engins & varieté d'instrumëts desquels se peult ayder l'Architecte: lequel nous mettrons en lumiere quelque iour, sil plaist à Dieu le permettre: icy seulement ie m'efforceray de rendre les edifices parfaicts en toutes leurs façons & matieres, n'y omettant les symmetries, mesures, & proportions qu'il y pourroit falloir, selon mon aduis. Ayant doncques par ordre & methode iusques icy conduit le seigneur qui veut bastir, & l'Architecte qui le veut seruir, il me semble que toutes matieres estans preparées, ainsi que nous auons enseigné, il ne reste sinon mettre la main à l'œuure. C'est de poser opportunément & en temps idoine la premiere pierre fondamentale de tout l'edifice, puis continuer la structure par dessus, ainsi que nous dirons.

*Les anciens
auoir eu grand
respect à l'as-
sierte de la pre-
miere pierre
fundamentale
d'un bastimēt*

Et pour autant que les anciens ont eu grand respect à la position & assiette de ladicte pierre, icy volontiers i'en ferois vn fort beau discours & escrirois ce que i'en ay leu aux liures des anciens, & entendu des gens doctes tant en Architecture que Astrologie, & aussi ce que i'en ay peu colliger des obseruations de plusieurs, cōformes aux traditions des anciens, pour satisfaire à plusieurs qui se delectent en la cognoissance des secrets de nature & faiçts de Dieu plus que admirables: mais pour autant que c'est vne nouuel le façon (quant à nostre temps & nouueaux Architectes) pour ce est il que ie remettray le tout à nostre nouueau liure des Diuines proportions, si l'occasion sy presente, ou bien à quelque autre opusculé venant à propos. Auquel, Dieu aydant, nous monstrerons bien au long le grand danger ou se mettent & precipitent ceux qui commencent leurs bastimëts, sans auoir preueu & premarqué l'occasion & temps idoine pour ce faire: semblablement les disgraces & infortunes ausquelles ont esté suiectz plusieurs lo-
*gis pour telle negligence, ainsi que nous le confirmerons par rai-
sons, auctoritez, & exemples tant antiques que modernes: & n'y
omettrons, moiennant la grace de Dieu, certains preceptes & en-*

*Les elections
negligées en
l'Architectu-
re, causer
grands dom-
mages.*

seignements qui conduiront les Architectes & autres à choisir & eslire temps propre pour heureusement commencer & fonder toutes sortes de bastiments. Remettant d'ocques le tout à nostre-dict liure Des diuines proportions, ou autre, ie poursuiuray le propos delaisé, qui estoit de bien commencer la maçonnerie des fondemens, pour cōtinuer sur iceux le corps de tout le bastimēt.

Comme c'est qu'à faulte de grandes pierres on doit remplir les fondemens pour edifices, pour ponts sur riuieres, pour ports de mer, pour construire sur paluds & autres lieux aquatiques. CHAPITRE XI.



Doncques le fondement estant prest à maçonner, si est grand & large, & que vous ne puissiez trouuer de grandes pierres pour mettre au fond, soit pour edifices, ou pour fonder vn port de mer, ou faire ponts sur vne riuiere, ou bastir dans vn palus, ou encores dans la terre, la meilleure chose & plus prōpte sera de preparer le mortier ainsi que la chaux viēt du four (comme nous l'auons declaré au premier liure) avecques du sable qui soit de riuiere, & porte plusieurs sortes de cailloux de telle grosseur qu'ils se trouueront, pourueu qu'ils n'excedent la grosseur du poing pour le plus, ou la grosseur d'un œuf, & soiēt accompagnez de plusieurs autres petits cailloux & grauois, comme on les trouue dedans les riuieres. Telle matiere destrempée & meslée avecques la chaux sert de pierre & de mortier: pour autant que tel grauois porte du sable quant & foy, & se iecte tout à vne fois dedans les fondemens, sans que les maçons ayent peine d'y besongner avecques leur truelle, car il suffit le dresser vniement avecques la paele. L'ayant ainsi respādu iusques à vn demy pied d'espeisseur, vous y pouuez iecter & entremesler parcy, parla, plusieurs grosses pierres seules, ainsi qu'on les peult trouuer à propos, sans toutesfois qu'elles se touchēt: les plus dures y seront les meilleures, comme sont roches ou cailloux. Apres cela vous reiectez encores par dessus dudit mortier fait de cailloux & grauois, comme vous auiez fait au parauant. Il fault ainsi continuer iusques à ce que le fondement soit plein, iectant le tout d'enhaul avecques toutes sortes de petits cailloux. Telle matiere ainsi disposée s'endurcit & reserre si fort dedans les fondemens, que estat accumulée & liée ensemblément, deuient cōme vne seule masse & roche, laquelle nature auroit faite toute d'une piece, estant si forte & massiue, quand elle est seiche, qu'on ne la peult rompre

En necessite de grandes pierres, comme on se doit gouuerner pour remplir les fondemens.

Belle composition d'un mortier/seruiz de pierre.

Merveilleuse matiere de mortier, s'endurcissant en pierre ou roche.

LIVRE II. DE L'ARCHITECTVRE

avecques le pieu, ou autre instrumēt, n'aussi arracher les cailloux du fondement, qu'ils ne se mettent en pieces. La raison est pour autant que telle matiere ainsi iectée dedans les fondements larges, & participants de quelque humidité d'eauë & moiteur, detrempe le mortier, qui demeure ainsi fort long temps à se desseicher: de sorte que le gros grauois & cailloux durant ce temps sabreuuet & attirent la graisse & force de la chaux, voire iusques au centre & milieu d'eux, comme ie l'ay veu par experience: Car les cailloux qui estoient mis ainsi en œuure estās rompus, se trouuoient par le dedans iusques au milieu tous blancs, & de mesme couleur que ladicte chaux: ce qu'o ne voit à ceux qui ne sont ainsi mis en œuure. Autant en font les pierres de roches, car elles attirent aussi la graisse & puissance de la chaux. Qui ne se feroit à vn fondement ayant peu de largeur, pour autant qu'il desseicheroit trop tost la pierre dure ou les cailloux, qui pour ceste cause n'auroient le tēps de tirer la force de la chaux. Laquelle est beaucoup plus penetratiue & propre à tel affaire, quād elle est faicte de pierre fort dure, comme des premiers liēts de couuerture des carrieres, ou d'autre sorte de pierre dure, telle que pourroit estre le marbre duquel on tire la meilleure chaux qui soit pour faire bō mortier, ainsi que i'ay dit cy deuāt. Et notez sil vous plaist, que la pierre molle ny vault riē, ou bien peu. Reprenāt nostre premier propos qui estoit de remplir les fondements en la façon que nous auons mōstré, ie dy d'auantage qu'il est aussi fort propre pour fonder dans la mer, ou dedans vne riuiera, comme aussi pour y faire ponts, ou en autre lieu qu'on voudra: pour autant qu'en faisant ce qui est necessaire aux lieux desquels on ne peult oster toute l'eauë, en iectant le mortier, ainsi faict que dessus, dedans la casse ou forme du fondement, tout s'accomode si bien, & s'agence au fond si propremēt, qu'il n'y demeure rien qui apparoiſſe vuyde. Et comme il semblast, il chasse toute l'eauë qui est dedans la casse, faisant la forme de la maçonnerie pour ledit fondement. Aucuns pourroient penser que cela ne sçauroit estre bon, pour autant qu'estant toujours mouillé, iamaïs ne pourroit seicher ne deuenir dur. Qui est chose tresmal entendue, car pour estre entretenu moitte, il seiche de longue main, & plus il demeure à seicher, plus il deuiet dur. Il est bien vray qu'il sera fort bon de remplir ledit fondement le plus diligēment que faire se pourra, & principalemēt quād c'est pour faire vn port de mer ou autre structure, voire quand ce seroit dans vne riuiera d'eauë douce. Il y a seulement vne chose que l'Architecte doit mōstrer, c'est la quantité de la chaux qu'il fault mettre d'auātage avecques le sable. Ce qu'on

De quelle matiere se faict la bōne chaux & penetratiue.

Pour fonder en mer ou dedans vne riuiera pour y faire ponts.

Instructiō & enseignement pour fonder dedans l'eauë.

qu'on doit confiderer selon les riuieres ou ports de mer ou lon veult besongner. Il fault aussi prendre garde, que la mer ou riuie-
re n'emmeine ou face remuer du commencement les casses hors
de leurs places, qui sont faictes pour tenir la matiere qui sert pour
la forme du fondement. Laquelle doit estre plus large de quel-
que quantité, que l'œuvre qui sera fondé par dessus: & les casses
de telle sorte dresées, que tousiours elles ayent bon talu tout au-
tour avecques vne retraicte, ainsi que la masse le requiert. Cela se
fera selon le iugement de l'Architecte & de l'œuvre qu'il a à fai-
re. En escriuant des ports de mer, sil plaist à Dieu m'en donner
quelque iour la grace, ie monstrey la façon & assemblage pour
proceder en tel cas, & mettre dans la mer ou riuieere engins pro-
pres pour en oster les terres, & trouuer le ferme & lieu solide, &
aussi pour y planter des pieux, si le lieu n'est bien ferme. Mais de-
laissant tels propos, nous continuerons celuy qui est de remplir
les fondements en autre sorte, signamment pour les bastiments
ausquels on n'a commodité de trouuer grauois & cailloux de ri-
uiere, pour mettre avecques la chaux, ainsi que nous auons dit.

*L'auteur pro-
met escrire
des ports de
mer quelque
iour.*

*Maniere de remplir les fondements d'un edifice, ne se presen-
tant commodité de trouuer cailloux ou grauois de riuieere
pour y proceder comme dessus: & des incommo-
ditez qui suruiennent pour n'y auoir assis les
pierres proprement, & ainsi qu'il
appartient. CHAP. XII.*



Sur le fondement sur lequel vous voulez edifier est
arresté sur terre solide, ou sur plattes formes, ou
pilotis, il y fault faire la maçonnerie de libes de
pierres, les plus grandes que faire se peult, ainsi
qu'on en aura la commodité. Quant à la premie-
re assiette, ie serois bien content qu'elle fust de
pierre seiche sans mortier, principalement ou il y aura vne plat-
te forme de charpenterie. Mais entre la pierre & la platte forme
de bois ie ne voudrois mettre que la figure pressée & serrée le
plus que faire se peult, à fin que l'humidité & graisse du mortier
descendant au fond ne pourrisse & eschauffe le bois, ainsi que la
chaux faict naturellement quād le mortier touche le bois. Apres
la premiere assiette, on peult maçonner de pierre & de mortier
comme lon a accoustumé. Mais sur tout il fault prendre garde à
vne chose, de laquelle i'ay escrit en nostre liure des Inuentions
nouuelles pour bien bastir, & icy deuant: c'est que les maçons ne

*Maçonnerie
des fondemens
sur pilotis ou
plattes formes.*

*Les pierres en
maçonnerie
deuoir rous-
sours estre mi-
ses sur leurs
liets, ainsi
que nature les
a créées.*

*Chasteau de
la Muette de
S. Germain
en Laye.*

*Belle confère-
ce du bois mal
assis avec les
pierres.*

doiuēt iamais maçonner, ne mettre en œuvre, en quelque lieu que ce soit, aucunes pierres, soient de taille ou de moilon, sinon ainsi que nature les a faictes & créées, qui n'est autre chose que les mettre tousiours sur leurs liets, car en ceste sorte elles sont merueilleusement fortes. Si on les met debout, ou sur le costé, comme sur la face du parement de la pierre, & que vous en faciez leur liêt & assiette, quand elles sentiront grande pesanteur, elles seront en danger de se fendre ou esclatter par le milieu. Il n'en faudroit que vne à qui telle fracture aduint de la largeur d'un doz de cousteau pour fendre vn edifice au plus haut, d'un demy pied, ou plus. Souuentefois i'ay veu auenir telles fautes, & sembloit aux ouuriers que cela viñst des fondemens, qui estoit tout le contraire, car il procedoit d'auoir mal mis lesdictes pierres en œuvre, cōme il se voit aux maçonneries du chasteau de la Muette de saint Germain en Laye (lequel le feu Roy François premier fit edifier) & en plusieurs autres lieux. Et par ainsi la faulte, par laquelle les logis se fendent & fondent en plusieurs lieux, le plus souuent ne vient point du fondemēt, mais de mal mettre lesdictes pierres en œuvre, & hors de leur liêt. C'est tout ainsi comme du bois, car si vous mettez l'arbre de son long & debout pour porter ou soustenir vne pesanteur, il n'y a rien si fort, & ne se peult rompre facilement: mais si vous le mettez de plat ou trauers, & le chargez, il pliera ou se rompra. Ainsi est il des pierres, car si vous les mettez en œuvre comme nature les a faictes, il n'en viendra iamais faulte. Il est aussi necessaire que les maçons garnissent bien leur mur, & qu'ils n'y fassent point de trous à rats, ainsi qu'ils les appellent, ou bien qu'ils n'y mettent des pierres seiches, ou trop de mortier sans estre bien garny de menues pierres.



LE TROISIEME LIVRE

DE L'ARCHITECTVRE DE PHILI-

BERT DE L'ORME LYONNOIS, CONSEIL-

ler & Aulmosnier ordinaire du Roy, Abbé de

sainct Eloy lez Noyon, & sainct Serge lez

Angiers, & n'a gueres d'Iury.

Prologue en forme d'aduertissement.



DO V R autant que ce Troisième liure est presque tout employé à la declaration & descriptiō de certains traicts & lignes que nous appellons Geometriques, fort necessaires aux Architectes, maistres maçons, appareilleurs de pierres, tailleurs & autres, pour sen sçauoir & pouuoir ayder aux lieux que nous proposerons, & selon les façons que nous en donnerons & se cognoi-

tront par le discours & lecture desdicts traicts, qui ne peuuent estre proprement trouuez ny asseurément pratiquez, sinon par l'ayde & maniment du compas, ie me suis pour ceste cause aduisé de excogiter & familièrement descrire la figure & image que vous auez cy apres. Laquelle ne vous mettra seulement deuant les yeux l'excellence dudit compas, mais aussi plusieurs belles choses qui seruiron d'exemple, instruction & cōseil à tous ceux qui font, ou veulent faire profession d'Architecture, & à autres aussi avecques vn singulier plaisir & prouffit. En premier lieu dōcques ie figure vn Architecte habillé ainsi qu'un homme docte & sage (tel qu'il doit estre) & comme sortant d'une cauerne ou lieu obscur, c'est à dire de contemplation, solitude, & lieu d'estude, à fin de pouuoir paruenir à la vraye cognoissance & perfection de son art. Il trouffe sa robbe d'une main, voulant monstrier que l'Architecte doit estre diligent en tous ses affaires, & de l'autre main il manie & conduit vn compas entortillé d'un serpent, pour signifier qu'il doit mesurer & compasser tous ses affaires & toutes ses œuures & ouurages, avecques vne prudence & meure delibera-

*Les traicts
Geometri-
ques auoir be-
soin du com-
pas.*

*Exposition de
la figure &
image qui est
à la fin du pro-
sent prologue.*

LIVRE III. DE L'ARCHITECTVRE

Grandissime
prudence estre
requisse aux ar-
chitectes.

Les louanges
& beaux ef-
fects de pru-
dence repre-
sentée par le
serpent.

Nature de la
Palme fort di-
gne de noter.

tion, à fin de se pouuoir asseurer du chemin qu'il doit tenir entre les hommes, semé par cy, par là, de chauffertrappes & espines, c'est à dire de picques, enuies, haines, deceptions, iniures, trauerses & empeschemens, qui nuisent à tous bons esprits, & signamment à ceux qui veulent bien exercer l'Architecture, comme ie l'ay asseze declairé ailleurs. Parquoy vne grandissime prudence bien reiglée & mesurée leur est requise & necessaire: Prudence, dy-ie, telle que le serpent la figure, & est commandée & recommandée par Iesus Christ en son Euangile disant, *Estote prudentes sicut serpentes, & simplices sicut columbae*. c'est à dire, Soyez prudens ainsi que les serpens, & simples comme les colombes. Voulant monstrier que prudence conioincte avecques simplicité & modestie conduit l'homme à toutes bonnes & louables entreprinſes. Car ainsi que Gauarre escrit en son liure des mots dorez: Si treshault est le don de prudence, que par son moien on amende le passé, on donne ordre au present, & pouruoit on au futur & à venir. De cela on peult inferer, que celuy qui n'est fourny de ceste tant belle vertu de prudence, ne sçaura recquerir sa perte, n entretenir ce qu'il possède, ne chercher ce qu'il espere. Pour ceest il que ie figure ledit Architecte tenant tousiours le compas en sa main, à fin de l'enseigner qu'il doit conduire toutes ses œuures (comme nous auons dict) par mesure: & ay aussi accompagné ledit compas d'un serpent, à fin qu'il se souuienne d'estre bien aduise, prudent & caut, à l'exemple dudit serpent: car, ainsi qu'escrit saint Ambroise, sentât approcher de soy l'enchâteur, il met vne de ses oreilles contre terre, & estoupe l'autre de sa queue. Ainsi faisant l'Architecte paruiendra à la Palme, laquelle ie luy propose & mets deuant les yeux, comme le but auquel il doit viser, & le chemin auquel il doit tendre. Luy voulant représenter par ladicte Palme vne constance & ferme propos de soustenir peine & trauail en toutes ses charges & affaires, à fin de paruenir à gloire, honneur, & victoire, signifiez par ladicte Palme. Qui est de telle nature, que quelque charge & recharge que vous luy donniez, iamais elle ne flechit ou se plie, ains s'esleue, resiste, & fortifie de plus en plus contre le fais & charge qu'on luy donne, plustost rompant que pliant ou flechissant. Mais voirement deuant que paruenir à ladicte palme, ou si vous voulez, à gloire & honneur, plusieurs empeschemens se presentent à luy, ainsi que vous le pouuez voir par la figure, & est fort bien expliqué par l'escriture qui la borde, sous tels mots Latins,

Artificem doctum discrimina mille morantur,

Dum celer ad palmam querit ab arte viam. c'est à dire,

*De mille peines & mille empeschements
Est retardé l'artisan docte & sage,
Quand par son art, sçavoir, & instruments
Promptement quiert vers la Palme passage.*

Pour doncques seuremēt paruenir à ceste Palme, il fault estre en tout & par tout accompagné de prudence portiere, & (comme escrit sainct Bernard) voicturiere de toutes les autres vertus, estant si sublime & heroïque, qu'elle ne peult faire seiour avecques vn personnage depraué & mauuais. Pour ce est il, que ie desire que nostre Architecte soit de bonne ame, non trompeur, abuseur, ou malicieux. Il ne sera toutefois vituperé d'imiter le serpent, c'est à dire, estre cault & bien aduisé, à fin de se garder du charme, malice, & tromperie des mauuais hommes. Ce qu'il acquerira par le moien de prudence non humaine & vulgaire, qui plustost se doit appeller astuce & ruze qu'autrement: (ainsi que le commun attribue le nom de vice à vertu) mais bien par celle qui tient le principal lieu entre les quatre vertus appellées des philosophes cardinales, & n'est autre chose, que vne precogitation, discretion & preuoyance de ce qu'on a affaire, à fin d'y bien proceder, & en auoir bonne issue. C'est la prudence que ie desire à nostre Architecte. Laquelle si par la grace de Dieu il peult vne fois acquerir, elle ne le fera pas moins sage, que bien aduisé de ce qu'il doit faire, de ce qu'il doit dire, de se sçauoir taire quand il en est temps, & sçauoir expliquer ce qu'il veult, avecques bonne grace, & faire bien entendre aux Roys, Princes, grands seigneurs & tous autres, ses entreprinſes & conceptions, sçauoir discourir sur les œuures qu'ils veulent faire, & en parler fort bien à propos en temps & lieu. Car il pourroit aduenir que pour se taire il seroit noté d'ignorance & simplicité: comme par trop parler, de folie & temerité. *Omnia tempus habent* (dict le Sage) *tempus tacendi, & tempus loquendi.* Nous donnant par ceste sentence liberté de parler en vn temps, & de nous taire en l'autre. Car tousiours se vouloir taire c'est simplicité grande, & vouloir trop parler, folie plus grande. En quoy il fault garder les circonstances des lieux, des propos, du temps & des personnes. Il ne fault passer oultre sans vous aduertir, que i'ay mis au plus hault de nostre figure, l'image de Mercure auteur d'eloquence, pour monstrer que l'Architecte non seulement doit sçauoir bien parler & discourir sur ses œuures, mais aussi doit estre prompt & diligent à cognoistre & entendre les bonnes sciences & disciplines, sur lesquelles preside ledit Mercure. Toutesfois ie ne veux qu'il soit trop Mercurial, c'est à dire muable & babillard, se ioi-

*Les qualitez
requises à vn
bon Archite-
cte.*

*Quels biens
peuent adue-
nir à l'archi-
ecte estant
muny de pru-
dence.*

*Mercury au-
teur d'eloque-
ce & des di-
sciplines.*

LIVRE III. DE L'ARCHITECTVRE

gnant tantost à l'un, tantost à l'autre par vne ie ne sçay quelle inconstance & legereté, ains plustost qu'il suyue & imite les bons, à fin d'estre bon, & les sçauants & sages pour receuoir d'eux doctrine accompagnée d'honneur & bonne renommée. Ce faisant il acquerra bruit avecques louange immortelle. Nous auons accompagné ledict Mercure de ses trophées, qui sont caducées & cors, ne voulans signifier autre chose, sinon que l'Architecte acquerra bruit & renommée en tout & par tout s'il obserue ce que dessus. Voila ce que ie proposois vous dire sur l'interpretation de la figure suyuant. Reste enfler, comme lon dit, nostre esguille pour bien coudre & assembler le corps & matiere de ce Troisieme liure, avecques l'ayde du compas & reigle. Ce que nous mettrons peine de faire & parfaire, moiennant la grace de Dieu, lequel de tresbon cueur ie supplie nous y vouloir conduire & diriger.

*Approches et
preparatifs
pour entrer
dans le troi-
sieme liure.*



Des parties & membres des logis qui se doivent faire dedans les terres, entre les fondements, comme sont caues, celiers & autres: ensemble quelles ouuertures & venüs on leur doit donner. CHAP. I.



NOUS auons monsté au liure precedent, comme il fault trasser & equarrir les lieux & places ou lon veult bastir: semblablement cōme il fault marquer les fondements selon l'œuure qu'on veult eriger, cognoistre la nature des terres qui sont bonnes & solides pour porter les maçonneries: le choïs des pierres propres à faire lesdicts fondements: comme il les fault remplir, & de quelles matieres il sy fault ayder. Reste maintenant à parler de ce qu'il conuient faire sur lesdicts fondements aux estages qui se peuuent trouuer & practiquer dans les terres entre les fondements. Qui n'est chose de petite industrie, ains beaucoup plus grande qu'il ne semble, pour sçauoir disposer vne chacune chose en son endroit. Comme sont les caues à mettre le vin (qui doiuent auoir leurs clartez & lumieres par fenestres & soupiraux du costé de Septentrion, & la porte aussi, sil est possible) les lieux pour mettre les huilles, saloirs, fromages, & semblables prouisions, qui doiuent estre du costé regardant la partie de l'Orient estiuial, ou equinoctial. Au mesme estage du costé de Midy, se bastissent cuisines, buchers & buanderies. S'il fault plus d'une cuisine ou de deux, comme aux maisons des grands, on les peult eriger vers les parties occidentales, qui sont aussi fort propres pour y faire la boulengerie, les baigneries, estuues, poisles, & autres choses de mesmes. Les gardemangers pour cōseruer la viande doiuent aussi estre audit premier estage dans terre: toutefois pour estre bien, fault qu'ils regardét le Septentrion, & qu'ils n'ayent autre ouuerture que de ce coste là. Mais pour autant que de toutes ces parties icy, j'ay ce me semble suffisamment parlé au premier liure, & en pourray encores parler comme il viendra à propos, à ceste cause ie n'en feray plus long discours, à fin que ie continue & suyue le fil de nostre entreprinse: qui est de môstrer comme lon doit faire & dresser les bastiments, & conduire par bon ordre vne chacune chose appartenant à iceux. Apres doncques auoir enseigné comme il fault remplir les fondements, à ceste heure ie veux monstrier comme il fault faire les voutes des caues, celiers, cuisines & autres lieux qu'on voudroit bastir au premier estage dans les terres, sans y omettre leurs entrées & issues, portes & descentes, avecques la maniere de coupper & tailler les

Briue recapitulation de ce qu'a esté dit au liure precedent.

Quel lieu & assiette doiuent auoir les caues.

Cuisines, buchers, buanderies & autres lieux.

LIVRE III. DE L'ARCHITECTVRE

*Qu'il est neces-
saire de donner
lieu aux vuy-
dages des cui-
sines cloaques
prieux et au-
tres lieux im-
mundes.* pierres pour ce fait. Mais voirement il me semble qu'il sera bon de faire vn chapitre ce pendant que nous ne sommes encores loing des fondements, pour monstrier comme l'on doit donner lieu aux vuydanges des cuisines, cloaques, prieux, & autres lieux immundes, pour la santé & conseruation des habitans du logis.

*Qu'il faut pour la conseruation & santé des habitans, pen-
dant qu'on est encores bien pres des fondements, preparer
lieux pour faire escouler la vuydange des cuisines,
prieux, cloaques, baigneries, & autres lieux
immundes, à fin que les excréments
ne demeurent & croupissent aux
maisons. CHAP. II.*

*Bon enseigne-
ment & con-
seil pour ren-
dre & entre-
tenir vne mai-
son saine.*



*Choses fort di-
gnes de noter.*

*En quels
lieux se doi-
uent conduire
les vuydages.*

L fault tousiours pour rendre sains & agreables les lieux d'une grande maison, en laquelle y a grand nombre de peuple, que les immunditez & vuydanges des cuisines s'escoulent aisément: Autrement en peu de iours l'eauë en laquelle on laue les poissons, chairs, tripailleries, vaiscelles & pots, y engendrera si grande putrefaction & puanteur, qu'il sera malaisé de demourer gueres de iours en tel lieu sans y receuoir quelque incommodité par maladie, causée de puanteurs & infections qui corrompent l'air & alterent les humeurs des corps, avecques l'esprit. Il faudra aussi par vn mesme moien donner ordre que les retraicts, baigneries & toutes sortes d'eauës croupies se puissent escouler & euacuer par lieux propres, sans apporter domnage aux habitans, & principalement les vrines & pis-fats qui se doiuent escouler & vuyder bien loing & en quelque riuere, si faire se peult, ou bien dedans les fossez, si l'eauë y court ordinairement, ou dedans les terres qui de leur nature sont telles, que si tost qu'elles reçoient quelque eauë, elle est incontinent engloutie, beuë, & perdue. Il y a des lieux qui sont fort propres à cela, de sorte qu'il n'y entre aucune humidité qui ne soit tout incontinent rauie & à vn instant distribuée parmy les entrailles de la terre. Mais sur tout il ne fault conduire lesdictes eauës dans les fossez, ausquels elles peuuent demourer croupies, principalement s'ils sont pres des habitations, car cela causeroit vn fort mauuais air avec le temps, qui endommageroit la santé des habitans. Je ne les voudrois aussi conduire en vne fosse qui fust entre le Soleil couchant, ou l'occident, & la maison:

pourautant que cela apporte aussi vne grande infection au logis, quand le vent occidental souffle, qui est le pire de tous, mesmes en France. Je fais ce discours, à fin qu'en faisant les premiers estages dans les terres & fondements, on prenne garde à bien conduire les susdictes vuydanges au loing, & qu'elles ne demeurent enfermées entre les fondements du logis. Icy ie ne parleray des tuyaux & conduicts de maçonnerie necessaires pour tel affaire, car il n'y a bon maistre maçon qui ne les entende fort bien. Et iagoit que ce propos soit chose sale & vilaine, voire à y penser seulement, si est-ce que ladicte chose est plus-que necessaire, & merite tresbien qu'on en soit soigneux & curieux, pour la conseruation des habitants. Parquoy il fault que le maistre maçon y donne bon ordre en temps & heure, & qu'il face que les pauez y soient de bonne pierre dure, bien maçonnez & bien assemblez avecques vne grande pente, & ioincts couuers de tres-forte maçonnerie & bonne matiere, comme aussi les voultres des cloaques, qui doiuent pareillement estre bien faictes & composées. Voila que i'ay voulu escrire pour la santé & vtilité des habitants & domestiques des logis, à fin qu'on y prenne garde, & sen ayde qui voudra.

Aduertissement pour les maistres maçons, & seigneurs qui font bastir.

De la façon, disposition, & situation des caues, & comme il fault faire leurs voultres, pour y garder les vins seurement & sainemēt, semblablement les huiles, saloirs, fromages, & toutes autres prouisions de maison. CHAPITRE. III.




Vant aux caues pour garder les vins, on a tousiours coustume de les construire dedās terre, incontinent apres que les fondements des logis sont erigez. Il les fault faire estroictes & longues, & non point larges & haultes, avecques peu d'air & clarté, tant par toutes leurs fenestres que portes & ouuertures. Lesquelles doiuent tousiours regarder les parties Septentrionales, & estre faictes selon l'asiette du logis, & la largeur qui se trouue entre les gros murs du corps d'hôtel, suyuant sa longueur, ou de trauers par la largeur: & que la voulte ne soit point plus haulte depuis l'aire des terres iusques au sommet, que de sept pieds pour le moins, & neuf pour le plus aux grandes caues, & dix ou douze pieds de large à chacun caueau, & quinze ou seize pour le plus aux grandes caues qu'on voudra faire par le trauers du logis. Ce qu'on doit practiquer &

Les caues deuoir estre estroictes & longues, avec peu de clarté.

LIVRE III. DE L'ARCHITECTVRE

cognoistre de la longueur & largeur du corps d'hostel auquel on les veult construire, & aussi selon ce qu'on sera contrainct de les tourner pour leur faire recevoir la lumiere septentrionale, si est possible. On faict communement la voulte des caues & caueaux en hemicycle, & outre la muraille qu'on y met pour faire les separations, on faict aussi des contremurs contre les grosses murailles, qui seruent & aydent à porter tout le fais des edifices par leurs extremittez. Il fault aussi faire massives nō seulement les murailles & pilliers qu'on y voudroit dresser, mais encore les voultres, à fin que si on se vouloit servir du dessus pour celier, qu'elles se trouuent fortes pour porter grande quantité de vins, ou bien de bois, si on sen veult servir pour bucher. Brief il fault que tout soit faict de telle sorte, qu'il fortifie & assure entierement le logis, comme aussi les fondemens qui doivent estre forts, & vn peu malsifs, ou, si vous voulez, plustost lourds que delicats, pour le proufit & soulagement de tout le logis, ainsi que vous le pouvez voir par la presente figure.

*Les voultres
des caues de-
uoirestre mas-
sives, à fin de
pouuoir edifi-
er des celiers
par dessus.*



Pour auoir plus facile aisance à mettre grande quantité de vins dans les caues, ie voudrois qu'au lieu qu'on faict les voultres rondes en hemicycle, qu'elles fussent en anse de panier: car il seroit ainsi fort aisé d'y renger les vins, & gerber les muids & tonneaux (comme parlent les tonneliers) les mettant l'vn sur l'autre, ou bien aller par derriere iceux, à fin que le sommelier prenne garde que les vins ne se perdent. J'ay doncques mis pour cest effect la deuxieme figure, ainsi que vous la pouvez voir cy apres, à fin que des deux vous choisissiez celle que vous voudrez. Et cō-

*Moiē de mes-
tre grande
quantité de
vin aux ca-
ues.*


bien que icy ne soit fort à propos de monstrier la maniere de bien garder les vins, lards, huiles, fromages, & autres prouisions de maison, si est ce que de peur de l'oublier ie vous en veux bien aduertir. C'est, qu'il fault faire le plus loing que vous pourrez de voz caues, les voutes & conduicts des cloaques & priuez. Pour autant que leur puanteur corrompt & gaste le bon vin. Ce qu'aussi aduient quand les caues sont trop pres de la hauteur des riuieres, c'est à dire quand les eauës des riuieres sont pres du fond des caues, car les vapeurs qui sortent desdictes eauës, & transpirent par les veines, soupiraux & conduicts de la terre, iusques ausdictes caues, les eschauffent, & par consequent le vin, qui en est gasté & deterioré: comme aussi les lards, huiles, fromages & autres choses qu'on y pourroit loger. Il y a vne autre incommodité aux caues, des grands seigneurs à laquelle on ne pense point, c'est que pour tirer tous les iours & souuentefois grande quantité de vin, les sommeliers en laissent communement beaucoup tomber & resandre, qui se croupist & corrompt de telle sorte, qu'il engendre vne grande putrefaction, laquelle gaste le vin, ou le fait malade, comme il est quelquefois, ou bien le rend de mauuais goust. Mais il samende & guarist quand il est remué du vaisseau, ou bien transporté incontinent en lieu qui soit exempt de toute puanteur, laquelle luy est fort contraire, ou bien qu'il soit logé en caue n'ayant ouuerture ne clarté que du costé de Septentrion. Pource ie ferois d'auis qu'aux caues & lieux ou il fault mettre grande quantité de vin, y eust vne pente par l'emilieu faicte de paue de pierre de taille, ou de grez, ou bien de ce qu'on peult auoir le plus à propos, à fin que les vuydanges des tonneaux se puissent escouler hors des caues, & qu'il soit facile de iecter de l'eauë claire souuent par dessus, tenant tousiours par ce moien la caue bien nette & propre. Si vous obseruez cela, & donnez à voz caues les largeurs & hauteurs qui ont esté monstrées cy deuant avecques l'ouuerture du costé de Septentrion, indubitablement vostre vin non seulement sy gardera bien, mais encores samendera, & si les tonnerres qui viennent le plus souuent des parties occidentales & meridionales ne l'offenseront point, comme ils feroient autrement. Reste à parler des descentes des caues & des fenestres & soupiraux pour y donner clarté, qui est le commencement pour monstrier la pratique des traicts de Geometrie, qui doiuent estre cogneus des Architectes & maistres maçons, pour faire coupper les pierres à tous propos cōme ils en aurōt affaire. Toutesfois deuant qu'en escrire nous parlerōs sommairement des principaux instrumēt desquels s'aydēt cōmunemēt les ouuriers.

*Cause d'un
vin eschauffé
& corrompu,
comme aussi
d'autres choses
qu'on loge
aux caues.*

*Bon conseil de
l'auteur & de
celuy de noter
aux vmoiers,
tanemiers &
cabaretiers.*

*La pratique
des traicts
estre fort ne-
cessaire aux
Architectes.*

LIVRE III. DE L'ARCHITECTURE



*Declaration d'aucuns instruments, desquels les ouuriers
s'aydent, à fin qu'en lisant les chapitres & discours
des traictés, on les puisse mieux entendre.*

CHAPITRE IIII.

*Par faulte
d'entendre, bien
souvent on de-
meure tout
coûrt.*



*Difference
du Buveau à
l'Equerre.*

E me suis aduisé d'expliquer, comme en passant, certains instruments qui sont de l'art, & desquels nous ferons mention cy apres, à fin qu'en les nommant le Lecteur ne demeure tout court par faulte de les cognoistre. Je laisseray les vulgaires, pource qu'un chacun les cognoist, comme la Reigle, l'Equerre, & autres qui sont trop intelligibles, à fin de parler seulement de ceux qui sont les plus necessaires, & moins cogneus à ceux qui ne sont de l'art: comme seroit le Buveau (ainsi que l'appellent les ouuriers) qui n'est autre chose qu'un instrument semblable à l'equerre, mais au lieu que l'equerre se tient fixe, & a ses branches immobiles, le Buveau les a mobiles: de sorte qu'elles se ferment & ouurent comme lon veut pour faire toutes sortes d'angles, ainsi qu'on en peult auoir affaire, soient droicts, obtus, poinctus, & en tel nombre que vous les voudrez. D'auantage les branches du Buveau sont differentes de celles de l'equerre, qui a ses branches à droicte ligne, mais celles du Buveau representent vne forme de rotondité faicte apres la circonference de l'œuvre laquelle vous auez à faire. Quelquefois toutes ses deux branches sont rondes, quelquefois courbes au dedans, quelquefois l'une d'icelles est ronde & l'autre droicte, quel-
quefois

quefois toutes deux creuses, & la moitié d'une droicte, ainsi que lon en peult auoir affaire. Le tout vous est facile de cognoistre par les figures signées A.

La Sauterelle est quasi semblable au Buveau, fors qu'elle est toute droicte, & souure & ferme comme lon veult, pour prendre vne mesure sur le traitt, ou sur l'œuure, à faire couper vne pierre par le bout, ou autrement, estant sur le chantier, premier que de la mettre en œuure. On sen ayde en vn lieu de necessité & contraincte. La figure de ladicte Sauterelle est marquée cy apres par B.

La cherche r'alongée (de laquelle nous parlerons souuent & en aurons fort affaire, non seulement pour les traitts, mais encores pour arrondir les colonnes, & les faire de differentes sortes, ainsi que Dieu aydant nous escrirons au cinquieme liure) se fait en diuerses manieres. Quelquefois par plusieurs rapports de poincts iustement marquez: autresfois avec plusieurs lignes paralleles & rapports de largeurs & longueurs, lesquels on marque aux extremités par plusieurs petits poincts trouuez avec le compas, à diuerses fois, trois poincts à la fois. Lesdictes cherches r'alongées se peuuent aussi trouuer & prédre promptement par la voye & façon qu'on trouue les trois poincts perdus. Laquelle iaçoit qu'on estime bien peu de chose, i'entend n'estre difficile, si est-ce que ie l'ay fort bien expliquée en nostre liure De la nouuelle inuention pour bien bastir & à petits frais: & la veux encores icy monstrez, quasi d'une autre sorte, pour soulager ceux qui ne l'entendent. Pour trouuer doncques promptement la cherche r'alongée d'une circonference, & la donner bien à entendre, elle ne se peult trouuer ou prendre tout d'un coup avec le compas, ny d'un seul centre, mais bien avec plusieurs centres & plusieurs lignes, courbes ou rondes, & faictes avec ledit compas, ainsi que vous le pouuez voir par exemple en la figure cy apres descrite. Et pour plus facilement nous expliquer, ie suppose que vous ayez à faire plusieurs panneaux pour paracheuer quelque œuure diligemment, lesquels il fault trafter promptement, à fin de donner besongne à plusieurs tailleurs de pierres, sçauoir est à chacun vne piece pour parfaire l'œuure aussi tost que vous la desirez. Or est il qu'il ne fault songer à leuer les moules & panneaux apres que les largeurs & longueurs desdicts panneaux sont tirées, & les poincts marquez ou vous voulez faire la cherche r'alongée, ainsi qu'ils sont aux lieux signez D, en la figure cy apres descrite. La demonstration & exemple se voit en ladicte figure au lieu marqué C, & se pratique tout ainsi qu'on trouue les trois poincts

*Que c'est que
Sauterelle, a-
uecques son
usage.*

*Que c'est que
cherche r'alongée.*

*La voye &
façon de trou-
uer les trois
poincts per-
dus, & estro de
petite conse-
quence.*

*Familiere ex-
plication de
l'auteur sur la
cherche r'alongée.*

LIVRE III. DE L'ARCHITECTURE

*Claire démon-
stration de la
figure ensui-
uante.*

*Le grand vñ-
ge & nécessi-
té des trois
pointz per-
dus.*

*La cognoi-
sance des trois
pointz perdus
estre nécessai-
re à l'Archite-
cte.*

perdus. Comme quoy? ie propose que vous mettiez trois poinçts à vostre volonté, & que d'un poinçt à autre vous tiriez des lignes, lesquelles vous diuisez par le milieu, & puis en faictes vne perpendiculaire sur icelles, ainsi que vous voyez les deux lignes A & B, & ou elles se rencontrent & entrecouppét, c'est le centre, ainsi que vous le voyez au lieu ou est C, sur lequel vous deuez mettre vne des poinçtes du compas, & l'autre marquera vne ligne iustement, qui passera sur les trois poinçts, comme vous le voyez par la figure marquée C au centre. Vous pouuez aussi proceder en cest affaire avec le compas par la façon que vous voyez gardée en la figure cy apres proposée, qui est le moien plus asseuré. De sorte qu'à ceux qui sont prompts à manier ledit compas, il ne fault aucune equierre, car aussi bien si elle n'est iuste & bonne, le traict ne se peult faire iustement. Telle façon de trouuer les cherches r'alongées avec les trois poinçts, est tres vtile & nécessaire, car vous ne sçauriez ne faire, ne leuer vn panneau pour vn edifice sur vne forme ronde, qu'il ne vous faille tousiours trouuer les cherches r'alongées, qui ne se peuuent promptement faire sinon par lesdicts trois poinçts perdus: elles se trouuent au panneau comme celles qui sont marquées D, ainsi que i'ay dict, & sont plusieurs cherches & differentes. Semblablement quand vous voudrez trouuer la circonference d'un rond, ou bastir & paracheuer vn edifice qui est imparfait ou ruiné (lequel toutefois on voudroit r'edifier) ou bien trouuer vn traict qui seroit perdu & effacé, pourueu qu'il y ait vn peu de la circonference d'une cherche r'alongée, & le centre dont elle aura esté tirée, sera facile de trouuer le tout par le moyen de ceste petite ayde des trois poinçts perdus, desquels la cognoissance, ainsi que vous voyez, est tresnécessaire & vtile à ceux qui se veulent mesler d'architecture. Pour reuenir à noz instruments & termes de l'art, les ouuriers en ont encores quelques vns qu'ils appellent panneaux, & se font de differentes sortes pour seruir en diuers lieux & sous diuerses façons: tellement qu'ils sont appelez quelque fois panneaux de doile par le dessus, côme celuy de E: autrefois panneaux de teste, ainsi que celuy qui est marqué F, & quelquefois panneaux de ioinçt, comme celuy de G, qui se font suiuant les traictz apres lesquels il fault marquer & traïser les pierres tout autour. Voila que c'est qu'on appelle panneaux, desquels vous aurez plus ample & facile cognoissance par le discours des traictz Geometriques, ainsi que nous en eserirons cy apres.

Les ouuriers vsent aussi d'un niueau pour iustifier & niueler les pierres lesquelles ils mettent en œuvre. Et se fait ledit niueau


d'un plomb reiglé, & aussi d'un plomb avec vne ligne ou filet bien delié, lequel on pend tant bas que lon veult, comme de toute la hauteur de l'œuvre fil est de besoing, pour cognoistre si la besongne est faicte perpédiculairement, c'est à dire droitement & à plomb, ou bien si elle se renuerse & iecte au dedans ou dehors. Vous pourrez cognoistre ledit niueau, la reigle plombée, & le plôbet en la figure cy apres descrite, aux lieux marquez H.

Lesdicts ouuriers vsent aussi de moules, suiuant lesquels ils trassent le pourfil d'une corniche, d'un architraue, d'une basse, ou autre sorte de moulures. Et se font lesdicts moules de cuiure, de bois, de fer blanc, ou papier de charte, & seruent à mouler & marquer les pierres pour les tailler. Voila ce qu'ils appellent moules. Vous pourrez voir cy apres le moule d'une basse de colonne Corinthienne.

Que c'est que niueau & de sa composition et usage.

Que c'est qu'on appelle moules.


LIVRE III. DE L'ARCHITECTVRE



*Quelles choses
sont syneres
et à quoy ils
seru-nt.*

Les ouuriers vsent encores de syntres à porter les pierres & voutes ; iusques à ce qu'elles soient fermées & maçonnées. Il sen faict de plusieurs sortes, entre lesquelles y en a de difficiles, mesmes quand on les veult faire selon le traiçt de l'œuure qui se trouue biaise & estrange à voir, comme sont les trompes & portes qui sont biaises sur vne tour ronde & en talus, ainsi que vous le cognoistrez mieux par le discours & descriptions des traiçts lesquels vous verrez l'un apres l'autre en temps & lieu, avec contentement & familiere cognoissance de tout, Dieu aydant.

Lesdicts ouuriers vsent aussi de moules pour trasser les pierres, qui sont certains pourfiles de corniches, d'architraues, & d'autre sorte de moulures, comme aussi des basses, ainsi que vous voiez en la figure suiuiante, qui est le moule d'une basse de colonne Corinthienne. Quand les pierres sont equarries & iaugées, on les moule & trasse avec vne petite broche d'acier sur les moulures des œuures qu'on veult tailler à la pierre.



LIVRE III. DE L'ARCHITECTVRE

*Denombre-
mēt de ce que
l'auteur propo-
se escrire cy-
apres.*

Aucuns instruments & termes de l'art estants ainsi expliquez, avecques les autres choses precedentes, il me semble maintenant estre fort conuenable d'enseigner comme il fault tailler & mettre en œuvre toutes sortes de pierres taillables, mesmes celles qui sont les plus difficiles. Pareillement comme il fault accommoder les vieux logis avec les neufs, & oster les contrainctes & subiections esquelles on seroit, sans l'ayde des traicts Geometriques. Qui ne dōnent seulement le moien & cognoissance de rendre l'edifice libre & bien aysé, mais encores pour remedier à ce qui semble souuent impossible, & neantmoins est tres facile à ceux qui l'entendent: soit pour faire plusieurs sortes de voutes, pour toutes sortes de portes, biaises, droictes, rondes, ou en talus, & ainsi qu'on voudra: cōme aussi pour descentes de caues, soient sur angles, ou en quelque forme ronde ou quarrée: pour toutes sortes de trompes, droictes par le deuant, rondes, creuses, biaises, & de toutes autres formes qu'on pourroit penser. Brief par le moien desdicts traicts on peult tout faire, & se peult rendre capable le maistre maçon de cōduire toutes sortes d'œuvres: pourueu qu'il sçache bien entendre les mesures, & proportions, avec la pratique d'icelles. Mais iustement icy ie me puis plaindre qu'aujourd'huy ie ne voy beaucoup d'ouuriers prendre peine à estudier & cognoistre ce qui concerne leur estat, ains plustost s'amuser à vn tas de choses mōdaines & friuoles qui ne sont de leur vocation. De sorte que s'ils y continuent, il sera malaisé que les Roys, Princes, grands seigneurs, & autres qui feront bastir, soient bien seruis desdicts ouuriers (ie dy de plusieurs) lesquels ie veux fraternellement aduertir, admonnester & prier de se vouloir recognoistre, & vouloir estudier & apprendre ce qui est requis & nécessaire à leur art & estat. Pour la cognoissance duquel ie leur ay escrit de bon cueur, mais avecques vn grandissime labeur, le present œuvre d'Architecture, à fin qu'ils s'en puissent ayder, & en retirer quelque proufit. Je ne veux m'arrester d'auantage sur ce propos, à fin de reprendre noz traicts, qui ne sont traicts d'arbaleste pour offenser, mais bien traicts & pratiques de Geometrie pour enseigner, & secrets d'Architecture dignes d'estre cogneus, & executez. Nous reprendrons doncques les caues cy dessus delaissees, & leur accommoderons lesdicts traicts.

*Par le moien
des traicts
Geometri-
ques se pou-
voir tout faire.*

*Fraternelle
admonitio de
l'auteur aux
ouuriers.*

Des

Des traicts Geometriques qui monstrent comme il fault tailler & couper les pierres pour faire les portes & descentes des caues & estages qui sont dedans les terres, comme cuisines, estunes, baigneries, & semblables ou lon ne peut aller à nineau, & y fault descendre.

CHAPITRE V.



DOVR entrer au discours & doctrine des traicts Geometriques, nous commencerons par les caues. Soit donc donnée vne ligne droicte, ainsi que A B, tant longue que vous voudrez, laquelle representera l'aire du berceau, ou voute de la caue, marquée P, en la figure ensuiuant. Sur ladicte ligne A B, tirez-en vne autre perpendiculaire, ou vn traict d'equerre à vostre plaisir, comme est la ligne C D, puis faiçtes vne autre ligne parallele apres celle la, tombant perpendiculairement sur le bout de ladicte ligne A B, ainsi que vous voiez A E, laquelle ligne aura tant de hauteur que vous en voudrez pour monstrier la descente en la caue, comme vous le voiez au lieu E B. du bout de la descente vous tirerez vne ligne circulaire telle que B Q, qui representera la voute de ladicte caue. Cela faiçt vous tirerez deux hemicycles du centre R, qui seront de la largeur de E S & T V, lesquels vous diuiserez en sept parties ou pieces egales, par lignes qui prouiendront du centre R, comme vous les voiez representées par F G H I K L M, qui monstre comme doit estre le deuant de la porte pour descendre à la caue. Toutes les lignes qui font les separations desdictes sept pieces, monstrent les commissures de ladicte voute & porte, desquelles commissures il fault tirer d'autres lignes perpendiculairement sur la ligne E B, comme vous en voiez vne signée X Z. Il fault tirer pareillement les autres lignes qui vont obliquement & sont paralleles à celles de E B, comme il est practiqué en vne marquée, & z, 15, & ainsi des autres qui touchent au berceau de la caue, & à la ligne C D, qui monstre le plomb & perpendicule du deuant de la voute de la porte ou descente de la caue. Apres laquelle sont tirez les panneaux pour traïsser les pierres pour les doiles & ioinçts d'icelles, ou des commissures, à fin de conduire & faire la pente de la voute & descente de la caue: qui se faiçt en la sorte que nous proposerons. Et pour mieux la comprendre nous commencerons aux panneaux des doiles qui sont tous d'une mesme largeur: ainsi qu'il se voit de T à 9, & de 9 à 10, ou de V à 18, ou de 18 à Z, & ainsi des autres, comme vous auez veu la voute auoir esté diuisée en sept parties egales. Vous prendrez doncques vne de ces

Belle description & demonstration pour la voute & descente d'une caue.

Continuation de ce que dessus.

Des panneaux des doiles.

LIVRE III. DE L'ARCHITECTVRE

largeurs telles que vous la voudrez, comme celle de 9 à 10, & la mettez en mesme distance que vous voyez les deux lignes paralleles NO, DR, qui tombent perpendiculairement sur la ligne AB. Le premier panneau de la doile qui servira au lieu marqué I, se trouue fait de quatre lignes qui le ferment, sçavoir est ND, DR, RO, ON. cedit panneau servira pour passer les deux premieres pieces par leurs doiles FM. Le panneau de la clef au lieu marqué 4, se trouue tout quarré pour estre au milieu de la vouste de la porte, & non point de biais pour la pente, mais les autres pieces marquées 2 & 3 sont de biais, & se prennent apres la ligne RC, qui est perpendiculaire, sur celle de AB, laquelle ainsi que vous voyez sert de ligne de pente, apres celle de la vouste & descente de la caue, comme il a esté monstré. Vous pouvez prendre en ceste sorte les panneaux avec le compas. La largeur & distance du point de 11, à celuy de 13, se transporte du point de 14, au point de 12. Apres vous prenez à part la distance de la largeur du point de 12 à celuy de 15 iustement, contre la ligne de pente CD, laquelle largeur vous transportez sur la largeur des panneaux de doile, & la mettez du point de 4 au point de 2, & de là vous tirez vne ligne du point de 2, au point de R, qui sera le panneau pour servir à passer les pierres pour la doile, au lieu marqué, 2 & 16. Vous trouverez de mesme sorte l'autre piece marquée HK, au droict de la doile marquée 3 apres la ligne de pente, ainsi que vous avez fait celle de 2, & la pouvez cognoistre au lieu marqué 3, tant sur la doile, que sur le panneau qui est fait entre les deux lignes ON, & RD. Je crains merueilleusement que cecy ne soit trouué fascheux, & malaisé d'entendre à ceux qui ne sont point de l'art: en quoy ils me supporteront, s'il leur plaist, car nous l'escriuons principalement pour les Tailleurs de pierres & maistres Maçons, entre lesquels se trouueront quelques vns qui comprendront incontinent l'artifice, voire sans aucune demonstration, en leur presentant seulement la figure sans aucune escriture, & signamment ceux qui auront quelque dexterité d'esprit: de sorte que prenant le compas à la main, ils le dresseront incontinent sur les lignes propres & conuenables. Quand aux panneaux des ioincts & commissures, comme est celuy de la marque 5, ils se practiquent en ceste sorte: Vous prendrez la largeur de quelle commissure, comme de 17 & 18, & en tirerez la largeur par vne ligne parallele apres celle de 11 & 18, qui est au lieu marqué 19 & 30. Apres vous regarderez la ligne qui procede de l'extremité de la commissure au point de 17, iusques contre la ligne de pente marquée 20, lequel point de 20 vous porterez perpen-

Le panneau de la clef.


Excuse de l'Auteur envers ceux qui ne sont de l'Art.

diculairement sur la ligne 19, au point de 21, & de ce point là de 21, vous tirerez vne ligne iusques au point de 11, qui monstre iustement comme doit estre le panneau de ioinct pour traſſer au droit de la commissure, 5. Apres quoy il fault traſſer les deux pieces ou pierres L M, au droit de leurs commissures, 5. Vous ferez de mesme sorte les autres panneaux des ioincts marquez 6 & 7, ainsi que vous les voiez sur le trait reperié & marqué 6 & 7, pres la ligne de pente. Ayant couppé & equarri en ceste façon vostre voute de porte, suyuant les panneaux de teste F G H I K L M, vous les traſſerez par le deſſous des panneaux de doile qui ont esté monſtrez 1, 2, 3, 4, & sont entre les deux lignes paralleles O N R D, cōme i'ay dict plusieurs fois & le veux encores repeter pour plus facile intelligence. Vous cognoistrez les panneaux des ioincts entre les lignes paralleles comme celle de 11 à 19, qui sert à la commissure marquée, 5. Celle du point de 15, au point de 50. celle pour la commissure qui sera au panneau de ioinct marquée 6, & celle de 51 & 52, c'est pour le panneau de ioinct marqué 7. & tous les autres ioincts ou commissures semblables de l'autre costé se traſſeront de mesme sorte. Si vous voulez prendre la peine de les examiner avecques le compas vous les trouuerez ainsi que ie vous les ay descrit. Toutesfois pour mieux faire cognoistre le tout, & ne faire confusion de lignes vnes sur autres (comme il faudroit qui vouldroit tout mettre) de peur de troubler les lecteurs, ie delibere cy apres monſtrer en autre sorte le trait de la descente de caue biaise par le deuant, & cōme il fault leuer les panneaux pour faire la voute tant de la descente, que de la caue. Ce que ie fais à fin qu'on entende plus facilement, ie ne diray les descentes droictes & biaises, mais aussi qu'on trouue par mesme methode comme il les fault faire rôdes par le deuant ou biaises, si le lieu le requeroit, ou en talus, ou sur le coing. Bref de toutes sortes qu'on les voudra, pourueu qu'on entēde la pratique de Geometrie, car lors sans nul doute, il ne se presentera chose qu'on ne puisse galamment faire. Il ne se fault estonner si du premier coup, vous n'entendez ces traits & la pratique d'iceux: car il les fault tous voir & lire l'un apres l'autre. Ce faisant vous verrez que tous ensemble vous conduiront à leur vraye cognoissance & intelligence: pour autant que ce que l'un ne monstre, l'autre l'enseigne. Le precedent discours se cognoistra par la figure ensuiuant.

*Beau discours
mais fort laborieux.*

Les demonstrations & descriptions precedentes respondre au compas.

LIVRE III. DE L'ARCHITECTVRE



Des traicts pour la descente biaise, & droicte par le deuant des caues: ou lon voit comme il fault leuer les panneaux, tant pour traſſer les doiles, ioincts & commissures, que pour ceux de la voute de toute la caue, avecques les doiles & voutes de la descente.

CHAPITRE VI.



E suppose que vous aiez tiré la ligne perpendiculaire CD, sur la ligne droicte AB (comme il fault tousiours faire pour commencer quelque œuvre que ce soit) & que sur icelle vous aiez aussi erigé trois hemicycles venants du centre E, & de telles largeurs que vous voudrez, comme vous voiez les trois hemicycles, ou lignes hemicirculaires HIK, GLM, FNO. Lesdicts hemicycles (qui representeront le deuant de la voute de la porte & descente de la caue) seront diuisez en tant de parties que vous voudrez. Quant à ceux icy, ie les ay diuise en cinq parties egales, ainsi que vous les voiez separez par les lignes des commissures qui procedent du centre E, & sont marquées 6, 7, 8, 9: qui montrent la voute plâtée sur la ligne AB. Cela fait vous tirerez des lignes perpendiculaires qui procederont desdictes commissures & de leurs extremittez, tant par la doile de dessous que celle de dessus, & du milieu, comme vous voiez en la commissure 8, de laquelle sont tirées trois lignes perpendiculaires tant longues qu'on veult, signées 10, 11, 12, & marquées aussi en leurs extremittez de mesmes nombres qu'en la commissure 8. & ainsi fault faire des autres. Apres ce vous tirerez deux lignes qui seront autant obliques ou biaises que vous voudrez faire vostre descente de caue, & autant distâtes l'une de l'autre que sera la logueur de la descète, ainsi que vous les pouuez remarquer & cognoistre par les deux lignes obliques RS, TV. Puis vous tirerez vne autre ligne du cêtre de E à P, qui sera equidistante à la ligne oblique RS, sur laquelle vous tirerez vne perpendiculaire qui sera du point de P, & passera par le point de O, tirant au point de Q. telles lignes montrent la pente de la descente de la caue. Cela expedie il vous conuient faire plusieurs lignes paralleles apres la ligne AB, qui prouiendront des commissures 6 & 7, ainsi que vous voiez les lignes marquées 13, 14, 15, 16, NQ. Puis vous tirerez celles du milieu des commissures, & aussi celles des doiles qui seruent à faire les panneaux pour ladicte voute de la caue, comme celle de 17 & de 18. Il faudra aussi tirer celles des doiles ainsi que vous en voiez vne en la ligne 19. Conclusion, il les fault faire toutes paralleles, c'est à dire equidistan-

*Pour comen-
ger quelque
œuvre que ce
soit il fault ti-
rer vne ligne
perpendiculai-
re sur vne droi-
te.*

*Bel artifice
pour les mai-
stres maçons
& ouvriers.*

*Continuation
du susdit arti-
fice.*

LIVRE III. DE L'ARCHITECTURE

*Pour trouver
les panneaux
des commissu-
res.*

tes, & les tirer perpendiculairement sur la ligne AB, comme nous auons dict. Pour trouuer les panneaux des commissures nous commencerons à celuy de 6, & regarderons sur les lignes obliques, comme sur celle de RS, au droict où descendent lesdictes lignes perpendiculaires qui prouiennent de la commissure 6, ou nous mettrons vne autre ligne pour faire l'espeſſeur de la voute, cōme de 20 à 21, que vous r'apporterez sur les lignes perpendiculaires de 20 à 23. Puis vous prenez la largeur sur la ligne de pente PQ, aux deux poinçts marquez 13, laquelle vous rapportez sur la ligne oblique RS, au lieu de 13, & la marquez quarrément apres la ligne oblique RS, sur la perpendiculaire qui vient de ladiçte commissure de 20, marquée aussi 13, cela fait vous prenez la distance sur la ligne de pente PQ, apres la perpendicule OX, aux deux poinçts 14, laquelle vous mettez sur la ligne perpendiculaire qui procede de la commissure 6, comme vous voiez au droict de la ligne 21 & 24, en son extremité, puis vous la collez quarrément sur la ligne oblique RS, & marquez au poinçt 14, lequel poinçt de 14, vous rapportez aussi sur la ligne 23, qui represente la largeur de la cōmissure, comme si vous vouliez faire vne ligne parallele, apres celle de AB, & la marquez encores 14. Sur ladiçte ligne 23, de ce lieu de 14, vous tirerez vne ligne iusques au poinçt de 13, qui monstrera comme doit estre iustement le panneau de ioinct, ou de la commissure marquée 6, apres quoy il fault traſſer les deux pierres 4 & 5 à ladiçte commissure de 6.

*L'auteur e-
studier à estre
intelligible et
facile.*

Pour plus grande intelligence nous expedierons encores vn panneau de ioinct, comme celuy de la commissure de 7, ou vous prenez les largeurs, apres la ligne de pente PQ, comme vous auez fait ci-deuant, & apres la perpendicule X & O, prenant la largeur des deux poinçts 15, & les remettant sur la ligne oblique quarrément, comme vous le voiez aussi aux deux poinçts 15, sur la ligne 25. Puis vous prenez encores sur la ligne de pente PQ, les largeurs des deux poinçts 16, & les mettez apres la ligne oblique RS, sur la perpendicule 26, marquée au poinçt 16, laquelle vous rapportez parallelement sur l'autre ligne perpendiculaire marquée 27, ou vous mettez le poinçt de 16 : & de ce poinçt de 16, vous tirez au poinçt de 15 vne ligne qui vous montre iustement comme doit estre le panneau de ioinct & commissure au lieu marqué 7. Je fais ainsi de mesmes marques au rapport du compas sur les panneaux de ioinct. Les panneaux de doile de la voute & descende de caue se prennent en mesme sorte sur le traitç que vous voiez cy apres. Et à fin de bien entendre tout, ie monstreray encores separément, cōme lon doit faire les panneaux de la voute & berceau

*Panneaux de
la voute, &
berceau de la
caue.*

te & berceau de la caue, qui s'accordent avecques la descente, ainsi que vous le cognoistrez mieux cy apres. Vous noterez que tout ainsi que vous auez fait la ligne de pête P Q, & apres icelle prins les rapports du compas pour faire les panneaux, il fault aussi faire la circonference de la voute de la caue, qui sera en hemicycle ou surbaissée en anse de panier, ou autrement, comme vous voudrez. Apres quoy aussi vous ferez les panneaux de la voute de la caue, pour coupper les pierres pour les ioincts & pour les doiles. Laquelle voute ie figure, par exemple, sur la ligne A B, d'une moitié d'icelle voute, en la quarte partie d'une circonference, comme vous le voiez au costé de la voute de la porte marquée A F Y, ou il y a des lignes paralleles, qui prouiennent des commissures, comme celle de 10 & 30, celle de 11 & 32, celle de 12 & 0, & ainsi des autres, lesquelles il fault tirer toutes perpendiculairement ainsi que vous voiez la commissure 8, marquée par les deux bouts 10, 11, 12. Il fault ainsi faire des autres, & non seulement de celles des commissures, mais aussi de celles des doiles, comme vous le pourrez mieux cognoistre par ladicte figure. Quant aux panneaux ils se font en ceste sorte: Prenez la distance avecques le compas d'entre les deux poincts des deux 0, & la rapportez sur la ligne oblique T V quarrément, au droict de la ligne perpendiculaire 12, puis les marquez & reperez aux mesmes lieux signez 0. En apres vous prendrez la distance des deux poincts 32, à la parallele qui entrecoupe la ligne de la voute de la caue Y F, laquelle vous rapporterez sur la ligne de 11, tousiours apres la ligne oblique T V, lequel poinct de 32 vous marquerez quarrément sur la ligne 50, qui est la moitié de la largeur de la commissure de la voute de la porte & descente, comme vous voiez de 11 & 12, & sur telle ligne de 50 vous repererez le poinct de 32, comme si vous vouliez faire vne parallele apres la ligne A B. Cela fait vous prendrez la distance des deux poincts 30, & la rapporterez apres la ligne oblique T V, sur la ligne 10, faisant tousiours le rapport du compas quarrément, comme vous voiez marqué 30, lequel poinct de 30 vous remettrez equidistammét, ou par ligne parallele faite apres celle de A B, sur la ligne 51, ou vous remarquerez encores 30. Lequel nombre ie mets ainsi de mesmes, à fin de cognoistre ce que rapporte l'un à l'autre. Par ainsi vous aurez trouué trois poincts, l'un au lieu de 30, l'autre 32, & le troisieme marqué 0. De ces trois poincts la, il fault trouuer vne ligne circulaire avecques le compas, qui vous monstre comme doit estre le panneau de ioinct, ou commissure, pour coupper la pierre de la voute de la descente de la caue, portant la forme de la rotondité

*Pour faire les
panneaux de la
voute.*

*Continuation
de ce que des-
sus.*

*Pierres pour
la voute de la
descente.*

LIVRE III. DE L'ARCHITECTVRE

de ladicte caue, qui sert pour la commissure marquée 8. Il fault ainsi faire tous les autres panneaux des ioincts & doiles, soit pour les commissures des pierres, ou pour lesdicts panneaux des doiles dessous & dessus, en obseruant par tout les largeurs: & ou il y a de la circonference, il fault tousiours mettre trois lignes qui soient perpendiculaires & paralleles, suiuant la ligne de pente pour la descente, comme celle de P Q, ou contre la circonference de la voute, comme V F, à fin que par trois poincts on puisse faire les circonférences avec le compas de la cherche r'alongée, qui se trouue au bout des panneaux, ainsi que celle de o, 32, 30. Ou c'est que la voute est droicte par le deuât, on ne fait point le r'apport avec le compas, qu'aux deux extremitéz: pour autât qu'ayant trouué les deux poincts, on trouue vne ligne droicte d'un poinct à autre. Je sçay veritablement que plusieurs gentils ouuriers entendront incontinent ces traicts ayant iecté la veüe dessus, & tenant le compas à la main trouueront facilement les r'apports, qui est la cause que ie n'en feray plus long discours. Encores ceux qui ne sont de l'estat & voudront prendre la peine de lire ce que i'en escriis, & voir les figures des traicts, en pourront apprendre &

*L'artifice des
traicts Geo-
metriques ne
s'acquiert le-
gerement.*

comprendre quelque chose. Je diray librement que ceste discipline, cognoissance & artifice des traicts, ne s'acquiert legerement ny du premier coup, ains avec grand labeur, travail d'esprit, experience & industrie de bien sçauoir excogiter ce que l'art peut faire, & nature y peult ayder. Ceux qui tiendront la Geometrie en main, y auront beaucoup d'auantage, pourueu qu'ils soient vn peu instruits & acheminez en la pratique. Je ne parleray pour ceste heure d'autres sortes de descentes de caues, comme biaises & rondes par le deuant, & portans forme de voute par le dedans. Il s'en peult faire d'autres sortes qui sont tresdifficiles à conduire, comme celles qui sont en partie sur les angles, en partie sur vne tour ronde qui est en talus biaise, & tortue, & par le dedans de la caue vne voute de four surbaissée, biaise, rampante, & assez d'autres sortes estranges qui se peuuent faire, & les fault entendre à fin d'accommoder les bastiments d'un chacun, ainsi qu'il viendra à propos. l'en descrirois volontiers icy quel-

*Excuse de
l'auteur, sil
ne descript au-
tres sortes de
voutes et des-
cèdes de caue.*

que quantité, mais outre le grand rompement de teste qui est à les excogiter & monstrer, ie craindrois aussi que peu de gents y sceussent mordre sous la nue & simple demonstration que i'en pourrois faire. Ioinct aussi que pour ce fait il conuiendroit monstrer à trasser & assembler les pierres, ou bien le tout contrefaire en bois, ou quelque pierre tédre, ou en autre matiere, pour le rendre visible, facile, & intelligible à tous. Mais pour autant que ie


sius pour le present occupé en grandes charges & affaires, & si-
gnamment pour le Palais de la maïesté de la Royne mere, ie ne
puis vacquer à ce que bien ie desirerois pour la perfection de ce-
ste matiere: aussi que ie ne puis plus prendre tant de peine que ie
desirerois bien, à cause de la debilitation de ma veuë, qui fait que
ie remettray le reste à quelque autre téps qui me sera plus à pro-
pos. Lequel, avec l'ayde de Dieu, j'emploiray aussi à reuoir Eucli-
de & accommoder sa theorique avec la pratique de nostre Ar-
chitecture luy accompagnant Vitruue, & le reduisant à vne cer-
taine methode, laquelle i'apercois en ses liures estre fort indige-
ste & confuse. Le tout se fera selon le moien qu'il plaira à Dieu
m'en donner, & le temps & loisir que ie pourray impetrer des
grands seigneurs. Quelques vns pourront dire que sans cause &
pour neant ie m'emploiray à reuoir Euclide pour accommoder plu-
sieurs propositions & demonstrations de sa theorique avecques
l'vsage & pratique de nostre Architecture, veu qu'il y a tant d'hô-
mes doctes qui font profession de lire & interpreter diuinement
bien ledit Euclide. Je ne fczay autre responce, sinon que ie reuere
& honore tous les professeurs & interpretes d'Euclide, soient de
nostre temps ou du passé, & les prie de vouloir perseuerer à l'illu-
stration d'iceluy: & d'abondant me vouloir couper l'herbe sous
le pied, ainsi qu'on dict communement, c'est à dire, vouloir anti-
ciper sur ce que ie pretend, qui est de conioindre la pratique d'ar-
chitecture, avec la theorique dudit Euclide. Ce faisant ils me re-
leueront d'une grandissime peine, & m'obligeront, comme auf-
si toute la posterité, à leur porter honneur, & rendre telles graces
qu'ils meriteront. Mais si à leur refus ie l'entreprend, aussi ie les
supplie, comme le moindre de leurs disciples, en ce me vouloir
supporter & ayder. Quant à la reueuë de Vitruue, ie laisse à pen-
ser à ceux qui doctement & diligemment l'ont fucilleté & dis-
coursu, combien elle est necessaire pour le reduire à vne facile, en-
tiere & certaine methode: qui est si confuse & indigeste aux li-
ures que nous en auons, comme aussi aux figures & demonstra-
tions, que ie laisse à tous gentils esprits accompagnez de bon iu-
gement à en dire leurs aduis: les priant affectionnement de vou-
loir employer & donner quelque temps pour assembler & pro-
prement recoudre les pieces de la robbe de ce grad & incompa-
rable auteur, par-cy, par-la, semées & respandues, sous euident
desordre: qui sera facile à estre reduict en bon ordre, moiennant
l'ayde & le labour des doctes. Au refus desquels (ainsi que i'ay
dit d'Euclide) ie me parforceray d'y trauailler & employer quel-
que temps, ainsi qu'il plaira à Dieu m'en faire la grace.

*L'auteur pro-
met reuoir
Euclide &
Vitruue.*

*L'auteur re-
spond à quel-
que objection
& parle ho-
norablement
des profes-
seurs d'Eucli-
de.*

*L'auteur prie
& inuite les
doctes de vou-
loir reduire
Vitruue en bon
ordre & me-
thode.*

LIVRE III. DE L'ARCHITECTURE



*Des foupiraux & fenestres des caues, celiers, priuez, cuisines,
gardemanger, estunes, & baigneries.*

CHAPITRE VII.

Les fenestres qu'on doit faire pour donner clairté aux caues doiuent estre plus longues que larges, comme ayant pour leur pied droit huit poudes seulement, & deux poudes de longueur. Elles se doiuent ouurir dedas la caue, de telle sorte qu'au lieu de huit poudes de hauteur qu'elles ont par le deuant ou dehors, elles ayent trois poudes: & au lieu qu'elles ont deux poudes de large par le dehors, elles en ayent trois par le dedans de la caue. Pour telles fenestres sont encores requis quelques traiçts de Geometrie, pour raison de la descente de la lumiere, & aussi pour la voute. Lesquelles choses peuuent estre difficiles en aucuns lieux à cause des pierres, lesquelles en taillant pour ce faict se trouueront desgauchées, pour aller trouuer le berceau de la voute: mais pour estre petites & de peu d'estendue cela se peut faire quelquefois d'une piece, ou de trois, ou de cinq. Qui aura bien retenu les traiçts de la descente de la caue biaise au chapitre precedent, il luy sera facile non seulement de faire ceux cy, mais aussi tous autres. Quant aux fenestres pour les celiers, elles veulent estre plus hautes, quasi cōme quarrées, & non point de pente en descendant, ainsi que celles des caues: si ce n'est par le dessous, ou il fault qu'elles soient en pente, & leur couuerture quasi toute droite, pour raison des planchers, ou rondes surbaissées, si lesdicts celiers sont voutez. Les fenestres & lumieres que on doit donner aux gardemanger, & lieux deputez pour retirer & conseruer les viandes, doiuent estre estroictes de cinq ou six poudes de large, & nō plus, embrazées par le dedans & par le dehors, & beaucoup plus par dedans. Il fault qu'elles soient hautes ainsi que les canonnieres du temps passé, & fault donner à celles qui auront demy pied de largeur, trois poudes de hauteur, en les tenant le plus pres des planchers que faire se pourra, à fin que la lumiere & le iour viennent d'enhault. Mais sur tout il est bō qu'elles regardēt les parties de Septentrion, lesquelles sans nul doute sont fort propres à tels lieux, pour y conseruer les viandes. Les fenestres qu'on faict du costé de Midy & d'Occident au premier estage dedans les terres, doiuent estre appropriées selon l'assiette de la cheminée des cuisines, ou selon les baings, estunes, & poilles qu'on y voudra faire en accommodant le tout avecques les voutes. Car le lieu de la cuisine doit estre hault esleué & ample de lar

*Quelles doi-
uent estre les
fenestres des
caues.*

*Des fenestres
pour les celiers*

*Fenestres du
costé de Midy
& d'Occident.*


LIVRE III. DE L'ARCHITECTVRE

*Fenestres des
estuues.*

*Fenestres des
baigneries.*

*La pratique
et industrie
du compas ser-
uir beaucoup
aux traicts.*

geur, avecques fenestres bastardes, pour y mettre plus de clairté que vous pourrez. Parquoy elles pourront auoir trois pieds de largeur & quatre de hauteur, ainsi que vous aurez le lieu à propos. Les fenestres des estuues veulent estre tout au contraire, car on y fait les voutes basses, & y donne lon vn peu de clairté qui vient quarrément, à fin d'y mieux conseruer la chaleur. Quand telles fenestres ont vn pied & demy de hauteur, sur vn pied de largeur, c'est beaucoup & pour le plus. Celles qui sont pour les lieux secrets, ou priués des estuues, doiuent estre encores plus estroictes, comme de demy pied de large sur vn pied de hault, & sera bien assez. Les fenestres des baigneries veulent estre plus amples, & le lieu beaucoup plus clair, à fin qu'on puisse prendre quelque plaisir en se baignant. Mais en toutes lumieres de fenestres il fault que l'Architecte cognoisse le lieu qu'elles regardent pour sçauoir donner leur largeur & hauteur: car soit qu'il aduient que ce qui seroit propre pour vn lieu, ne le seroit pour l'autre. Cy apres parlant des estuues & baigneries, ie traiteray plus au long de ceste matiere, sans y oublier les mesures & façons des fourneaux pour donner chaleur, & les parties qui y sont requises. Auquel lieu nous ne omettrons semblablement les poilles, ainsi que les choses se presenteront & viendront à propos. L'ay seulement icy voulu parler des fenestres, pour autant qu'on trouuera leurs ouuertures difficiles (ainsi qu'on a accoustumé de vouter les premiers estages dans terre) à cause qu'elles requierent la cognoissance & vsage des traicts, ainsi que nous auons dict, pour sçauoir coupper leurs pierres. Parquoy les ouuriers seront aduertis, que les mesmes traicts des descentes des caues y pourront seruir & ayder. Quand les murailles seroient fort grosses, & on voudroit faire les riere-voultures quarrées, ou rondes par le deuant, ou par derriere, & surbaisées, i'en môstreray cy apres la façon, & figure du traict pour y proceder, sans autrement la descrire: car elle sera facile de cognoistre à ceux qui ont commencement de la pratique, & industrie du compas, par le moyen des traicts que vous auez veu cy deuant, & verrez encores cy apres. Qui fait que ie ne vous en feray plus long discours: aussi qu'il est facile de pouuoir leuer les panneaux, & faire coupper les pierres pour mettre l'arriere-voulture en œuvre, ainsi que vous le pourrez cognoistre par la figure ensuiuant, sans en faire autre demonstration.




Estant sur le propos des arriere-voulfures des fenestres, ie m'a-
 uise que encorès on s'en peult ayder aux grandes portes, & prin-
 cipalement à celles qui sont erigées aux murs de grandes espes-
 seurs. Et pour leurs grandes ouuertures & largeurs de portes, &
 grande pesanteur qu'elles soustiennent par le dessus (qui est vne
 grosse masse de maçonnerie) on ne peult faire les arriere-voulfu-
 res desdictes portes droictes & quarrées, sans danger d'estre of-
 fensées, pour la grande charge qu'il fault qu'elles portent: de for-
 te que les mortiers des commissures en sont rompus, & quelque-
 fois les pierres en danger de tomber. Parquoy il est de besoing
 combien que le deuant de la porte soit quarré & droict, que les
 arriere-voulfures d'icelle, soient d'un arc surbaissé, ainsi que vous
 le pouuez iuger par le traict qui vous en est cy apres proposé. Tel-
 le façon non seulement est bonne, & propre pour les portes &
 grandes fenestres qui sont au premier estage dedans terre & ser-
 uent pour les cuisines & autres lieux, mais aussi elle viendra fort
 à propos pour les arriere-voulfures des croisées: lesquelles on
 peult faire par derriere avecques vn arc surbaissé, ainsi que vous

*Qu'on se peult
 ayder des ar-
 riere-voulfu-
 res aux grans
 des portes.*

LIVRE III. DE L'ARCHITECTVRE

le voiez cy dessous. Seruira aussi telle façon pour vn anse de panier (ainsi que les ouuriers l'appellent) qui est chose fort aisée pour donner plus de clarté au plancher. Et pour autant que vous le pouuez mieux cognoistre par la figure suiuiante, qu'avec grâd langage, ie ne vous en feray plus long discours, à fin de pouuoir parler des portes biaises, tant pour sen seruir aux entrées des logis qui sont dans terre, que aussi à celles du premier, & second estage par dessus le rez de chaussée des terres. Mais deuant qu'entrer à ce discours, ie desirerois premierement monstrier par exemple, comme d'un edifice imparfait, ou mal commençé, on en peut faire vn tresbeau Palais ou grand logis.

*Des portes
biaises pour
les entrées des
logis, tant dās
terre, qu'ail-
leurs.*



L'artifice des traic̃ts Geometriques seruir quand on veult faire d'une maison, ou de deux mal commençees, ou imparfaites, (soit vieil logis, ou autrement) vne belle & parfaite maison, y accommodant tous les membres, & parties du vieil edifice, avec le neuf.

CHAPITRE. VIII.



En lieu me semble estre fort à propos pour mieux donner l'usage des traic̃ts Geometriques, & monstrer la commodité qui les accompagne, pour euitier les empeschemens ausquels on peult tober quelquefois: & aussi pour accommoder les vieils logis avec les neufs, ainsi que lon en pourra auoir affaire, & que l'œuure le requerra pour sa perfection, beauté & decoration. Car par le moien desdicts traic̃ts on n'oste pas seulement les fautes qui sont faictes, ny les cōtrainctes & suectiōs des pieces, mais encores on rend les logis plus admirables, forts, & plaisants à voir: avec grāde espargne pour faire seruir les vieilles matieres, desquelles on se veult ayder, avecques les neufues, comme vous le cognoistrez par l'exemple que ie vous figure en ceste sorte. Posez donques le cas, qu'il soit venu à quelque grād seigneur ou autre, par succession hereditaire, ou par autre moien, vn chasteau ou maison bastie par son grand pere, ou bisayeul, ou bien autre, comme pourroit estre celle qui est cy apres marquée A, & que l'heritier, ainsi que souuent il aduient, ne trouue bon ce qui est faict, quelquefois avec iuste cause & raison, quelquefois sans aucune, ou bien qu'il ne se contente de si peu de logis pour sa famille: parquoy il en veult refaire vn autre tout aupres du susdit, & le tourner d'une autre sorte, ainsi qu'il luy plaist, & semble mieux estre à sa volunté: quelque fois pirement, cōme plusieurs ont faict. Soit donques le logis antique au lieu marqué B, lequel ainsi que nous auons dict, l'heritier, ou autre qui l'auroit achepté ne trouue commode, pour autant qu'il est deuenu (peult estre) plus grand seigneur, & ayant plus de moiens, il desire aussi auoir plus de suite, & plus ample bastiment pour loger les grands, ou bien ses amis. Souhaittant donques de faire vn fort beau logis, il ne veult abbatre pour cela l'antique edifice de ses maieurs & predecesseurs, ains s'en voudroit bien seruir pour l'espargne, comme bien qu'il soit different à celui qu'il veult faire, & ne se rencontre à propos, pour ne se pouuoir equarrir par le dehors, à raison de quelques riuieres ou ruisseaux qui parauature passent aupres, & empeschent que le lieu ne se peult faire comme il desireroit, sçauoir est avecques quatre corps d'hostel pour fermer vne cour,

*Commodité
des traic̃ts
Geometriques.*

*Cas figuré &
supposé par
l'auteur.*

*Cas aduenant
bien souuent*

LIVRE III. DE L'ARCHITECTVRE

ainsi que plusieurs demandent. En telle contrariété, subiection & contraincte, il fault que l'Architecte ait bon entendement, & qu'il ne parle comme font les ignorants, qui conseillent de tout abattre incontinent, sans vouloir rien faire seruir, à fin de commencer & continuer toutes choses de neuf, ainsi que i'ay veu aduenir beaucoup de fois, & de telle sorte, que le plus souuent ce qui estoit refaict de neuf, estoit beaucoup plus mal fait, & plus mal à propos, & de plus mauuaise matiere & grace, que l'antique lieu. Mais il fault que ledit Architecte soit diligent à cognoistre l'assiette du lieu, & sçauoir ou doit estre posée vne chacune chose, selon qu'elle le requiert. Pareillemēt entēdre quel regard doivent auoir les chambres & autres lieux, le tout auecques bonnes inuentions & dispositions, apres auoir entendu le plaisir & la volūté du seigneur, pour mieux tout accommoder. Mais s'il n'estoit capable de sçauoir discerner ce qui luy sera bon, il fault que l'Architecte le conseille & le serue fidelement selon son estat & qualité, ainsi que nous auons dict au premier liure: & qu'il regarde diligemment sur tout de ne faire pour vn petit seigneur ce qu'il faudroit faire pour vn Prince, ne pour vn marchand ce qu'il faudroit faire pour vn President: car oultre ce qu'on luy feroit beaucoup despendre, cela luy seruiroit de mocquerie: ioinct aussi que ce seroit vne grande indiscretion à l'Architecte & reputation d'estre ignorant, ou de mauuaise volūté. Il trouuera doncques comme vn homme de bien & sçauant telle inuention qu'elle y sera requise, & la sçaura bien excogiter, à fin de faire le tour selon ce qu'on y vouldra despendre, comme pourroit estre vne cour octogōne, c'est à dire de huit angles & faces, ou hexagone de six, en hemicycle, ou autres belles façons qui seront propres pour faire seruir & accommoder les vieux logis auecques les neufs: ce qu'on pourra faire commodément apres auoir dressé vn desseing de toute la place, & des bastiments qu'on trouuera faicts. Ainsi que ie suppose estre ceux que i'ay cy apres figurez: ausquels vous voiez deux corps d'hostel signez A B, lesquels i'ay descris ainsi comme il est venu à propos, seulement par maniere d'exēple & demonstration. Je ne veux oublier que ceux qui voudront faire quelque petite maisonnette, se pourront bien seruir de telles inuentions: mais il faudra mettre les cheminées & fenestres selon le lieu ou lon sera, & approprier les entrées & petits pauillons sur les coings, à la volūté du maistre qui fera bastir, soit pour faire le lieu fort, ou pour y accommoder garderobes & cabinets, ainsi que lon en peult auoir affaire. Pour reuenir aux logis cy dessous figurez & marquez A B, comme nous auons

*Ou il y a sub-
iectiō du lieu
là se monstrent
l'industrie de
l'Architecte.*


*L'architecte
devoir conseil
ler fidelement
aux seigneurs*

*Disposition
d'une petite
maisonnette.*

dit, vous voiez qu'ils ne se peuuent accommoder pour y faire la cour quarrée, pour raison de la riuiere qui est autour, ainsi que la figure le monstre à l'endroit signé C. D'auantage vous voiez cōme les deux corps d'hostel sont loing l'un de l'autre, & de diffé-

*Continuation
de ce que des-
sus.*

rents aspects, car l'un regardel'Orient, & l'autre le Midy. Vous y voiez aussi deux ponts, l'un qui sert pour la principale entrée, signé D, & l'autre marqué E, comme pour seruir à aller en quel- que prairie ou iardin, ainsi que vous le pouuez voir par la figure prochaine.



LIVRE III. DE L'ARCHITECTVRE


*Explication
de la figure
ensuiuant &
de ses parties.*

*Le fruit, &
sage & trou-
sif des traits
Geometri-
ques.*

*L'artifice
des traits ap-
pliquez à la
figure ensui-
uante.*

Pour fermer & assembler les deux susdicts logis A B, vous fe-
rez vn corps d'hostel d'un logis à autre, comme vous le verrez cy
apres en la figure ensuiuant. Ledit corps d'hostel & additions
que vous faictes, ainsi qu'au lieu de F, pourront seruir pour faire
des galeries, ou grandes salles, ou encores d'autres logis. Et pour
oster la difformité qui se voit par les deux bouts au lieu de K L,
qui se trouuent triangulaires, en mettât à l'equerre les logis que
vous faictes de neuf, ces triangles seront propres pour faire mon-
tées en forme d'eschaliér, ou vis, ou bien quelque cabinet ou gar-
derobbe à vn des costez. Vous en pourrez faire autant de l'autre
partie au lieu marqué I, laquelle vous approprierez en tel logis
que vous voudrez, & ainsi que vous en aurez affaire. Cela estant
faict, vous viendrez à regarder si vostre cour qui se trouue en for-
me d'octogone, aumoins vne partie & plus de la moitié, sera assez
large & conuenable à la profondeur. Et ou vous la voudriez faire
plus profonde, & l'alonger d'auantage du costé de l'entrée, &
vous ne le pouuez pour quelque empeschement de riuiere, ou
autrement, vous chercherez le moien de la mettre en forme d'un
hemicycle, ou façon quarrée, pour en faire portiques, loges, ou
galeries: ou bien vne façon de quadrature comme le plan qui est
cy apres, lequel vous pourrez approprier en logis, & tiendrez vo-
stre cour de telle profondeur que vous verrez estre bon. Apres
auoir ainsi choisy & ordonné ce que vous cognoistrez estre pour
le mieux & plus aisé, vous regarderez d'accómoder le tout pour
le mettre en œuure. Ce que vous ne pourrez faire sans plusieurs
sortes de traits geometriques pour les portes biaises & fenestres:
pour d'autres qui seront sur le coing, d'autres pour les entrées sur
vn angle obtus, & d'autres pour les ouuertures sur la tour ronde,
d'autres pour les montées, & eschaliers, d'autres aussi pour faire
les trompes, & gagner quelque souspente en l'air: soit pour faire
cabinets, ou bien passages, les vns quarez, les autres ronds, ainsi
que vous les pouuez voir marquez au lieu de M & N, pour y fai-
re les trompes sur le coing: & au lieu de D, soit à la premiere en-
trée, ou à la tournelle ronde, pour faire portes & arcs sur la tour
ronde, si vous y faifiez l'entrée hemicirculaire, au lieu que ie l'ay
faict quarrée au lieu de Q, pour y faire vne porte ou fenestre, la
moitié ronde, & l'autre moitié droite: & ainsi des autres traits
que l'on y peult approprier, comme vous le pouuez voir claire-
ment par la figure ensuiuant. Et pour autant que nous sommes
tombez sur le propos des portes, & que la methode de poursui-
ure nostre bastiment nous y a conduit, nous commencerons à
en monstrier & descrire des plus faciles, pour tousiours conti-
nuer,

nuer, & suiure le fil de nostre discours d'Architectüre. Nous prendrons doncques en premier lieu, la porte biaise, appelée des ouuriers le biais passé, apres vous auoir proposé la figure ensuiuant.



LIVRE III. DE L'ARCHITECTVRE

L'artifice des traicts Geometriques, servir pour faire vne porte, laquelle sera biaisee par moitié, ou du tout qui voudra. Pareillement pour faire vne voute qui s'accommodera à vn grand passage d'un logis, ou à quelque pont. CHAP. IX.

Autre Usage des traicts Geometriques.



*Plusieurs fa-
buser en leur
rapport, par
faute d'enten-
dre.*

*Portes droi-
tes ayant les
pieds droictz
biaisez.*

Our monstrer d'abondant à quoy seruent à l'Ar-
chitecte les traicts Geometriques, suiuant la for-
me du logis figuré parci-deuant, & approprié
ainsi qu'il a esté dit, ils seront tresnecessaires pour
y faire les portes qui se trouueront biaises, com-
me qui voudroit entrer du logis de A, au lieu de
K, en la figure precedente, auquel lieu de K, ie forme vn esca-
lier. Mais pour gaignier le pallier ou double marche, qui est le
commencement pour y monter, il fault necessairement rendre
la porte biaise. Semblablement au lieu de L, faudra faire la porte
pour entrer en vne salle marquée F, laquelle porte sera de mes-
me façon, c'est à dire biaise, comme vous le pourrez voir au lieu
de T. icy ie vous aduertiray que plusieurs se trompét, & mesmes
ceux qui veulent faire profession des deuis & bastiments, quand
ils disent par le rapport qu'ils font des logis, tels que peult estre
celuy que nous auons en main, que le tout ne vaudra rien, par
faute de n'y pouoir faire les portes & entrées aisées, ou n'y pou-
oir donner clairté, pour-autant que la porte regarde sur la che-
minée, ou sur vn liét, ou par quelque autre raison. Mais en cela ils
fabusent, car il n'ya rien qui ne se puisse faire, & approprier fort
bien par ceux qui l'entendent, & sont experimentez en l'art.
On pourra bien faire que les portes seront toutes droictes (ie dy
la couuerture & arriere-voulture d'icelles, qui seront toutes pla-
tes, & d'une piece, ou de plusieurs, qui ne sera chose difficile) &
les pieds droictz d'icelles ne laisseront d'estre biaiz, sans falloir
vser de traicts. Mais ie veux bien aduertir que les choses qui sont
biaises, & leur couuerture quarrément droicte, sans estre vou-
tée, sont plus subiectes à se rompre, & faire prendre coup aux ba-
stiments, que les portes & fenestres qui sont voutées en forme
ronde. Pource est il necessaire de les faire toutes en voute, mes-
mes celles qui sont dedans les terres, & au premier estage. Il ne
fault oublier, que l'artifice & façon des traicts Geometriques
n'est seulement propre pour les portes, mais aussi quand lon est
contrainct de faire vne voute pour l'accommoder à vn grand pas-
sage, voire de la largeur d'une gallerie, ou dans toute la largeur
d'un corps d'hostel. Si c'est pour faire voutes de ponts, ou autres

semblables, cela sera plus que bon. Mais notez, ie vous prie, que faisant en ceste sorte voz voutes, elles sont difficiles à conduire, *L'usage des traicts estre necessaire, pour bien conduire voutes.* mesmes à ceux qui ne sçauent l'usage des traicts : sinon qu'ils les voulussent faire toutes de brique, ou la maçonnerie de moilon, comme i'ay veu que lon faiçt en aucuns lieux d'Italie & autres. Quand il y a quelque difformité, cōmunement les maçons pour n'entendre l'artifice desdicts traicts font les voutes de brique, ou moilon, & de pierres menues, plustost que de pierre de taille, pour n'auoir l'industrie de les y accommoder, & sans y espargner le plus souuent, de grandes barres de fer, pour soustenir leurs maçonneries de peur qu'elles ne tombent : qui est vne tresmauuaise coustume & façon, pour les raisons que nous auons dict ailleurs. Vous entendrez maintenant par le traict de la porte biaise tout ce que vous sçauriez desirer faire, de quelque largeur que ce soit. Doncques vous ferez premierement vne ligne droicte, comme celle qui est marquée I M, en la figure suiuiante, & encores deux autres paralleles, ainsi que G E, & B D, qui ferment & representent la grosseur du plan de la muraille signée A, sur laquelle vous entēdez faire la porte biaise, ou biais palsé (ainsi que les ouuiers l'appellent) lequel biais se cognoist aux deux lignes B G, & D F, qui monstrent l'espeſſeur de la muraille, & le biais de ladicte porte: ce qu'elles ne feroient si ladicte porte estoit droicte, comme la ligne B C, car elle seroit quarrée & non point biaise. Cela faiçt vous tirerez vne ligne perpendiculaire, ainsi que R H, sur lesdictes lignes qui sont paralleles, cōme il fault tousiours faire à tous traicts ou il conuient commencer par lignes perpendiculaires sur vne droicte, ou traict d'equierre, ainsi qu'il a esté dict au prologue du second liure, quand nous parlions du caractere de la croix. Apres vous marquerez deux centres au costé de la susdicte ligne perpendiculaire, sur la ligne I M, au lieu de S T, qui seront distans l'vn de l'autre, autant que sera le biais de la porte, comme de E F, ou de G C. desdicts cētres S T, vous tirerez deux hemicycles, comme ils se voient par I H L, & K H M, puis vous en ferez deux autres pour trouuer l'espeſſeur de la voute, de telle largeur & distance que vous voudrez, pour seruir a faire les paneaux de teste qui sont propres pour bien couper & equarrir les pierres de la voute. Ce qu'il fault taire premierement, si vous ne les vouliez couper aueques vn buveau : car elles se trouuent ainsi fort bien. Vous diuiserez lesdicts hemicycles en tant de parties qu'il vous plaira, pouruen que ce soit nombre impair, pour autant que c'est le meilleur, à fin que la clef de la voute (qui est la plus haute pierre qui ferme le tout) soit d'une piece & que

Description de la porte biaise.

Belle description en bien deduite.

LIVRE III. DE L'ARCHITECTVRE


les ioincts & commissures ne se trouuent par le milieu de ladicte voute. Par ainsi la diuision des hemicycles se fera en cinq parties, ou sept, ou neuf, ou vnze, & plus si vous voulez, selon la largeur de la voute, ou porte que vous aurez affaire. Quant à ceste cy, ie l'ay diuisée en cinq parties egales, pour auoir plustost faict, cōme vous les voiez marquées à la figure cy deslous descrite. En apres vous tirez les commissures & ioincts qui font les separations qui prouiennent du centre, dont les hemicycles en sont tirez S T, comme il fault faire à toutes sortes de voutes, & le pouuez cognoistre par ladicte figure, qui monstre encores comme sera le biais de la porte. Pour tailler lesdites voutes on leue vn panneau de teste, qui est d'une cinquieme partie de la voute, cōme celuy qui par les extremittez, ou par les quatre angles est marqué 8, 9, 10, 11. Apres quoy on taille toutes les cinq pierres ou pieces pour estre toutes semblables, en obseruāt l'espeisseur du mur sur lequel doit estre erigée ladicte voute, qui sera plantée sur les pieds droicts de la porte qui autont la hauteur qu'on leur voudra donner. Ainsi que par exēple il se peult voir à part en la figure, par vne des pieces marquée V, qui se monstre comme si elle estoit taillée, & faicte apres le panneau marqué V, & en ses quatre angles 8, 9, 10, 11: de sorte que cinq semblables pieces contiennent toute la voute de la porte, qui seroit quarrée par ses pieds droicts, & voutée en hemicycle, si on la laissoit ainsi: mais pour la rendre biaise, lon coupe des pierres, comme vous les pouuez voir au lieu signé V, qui seruent pour les premieres assiettes de la voute, auquel lieu lon oste ce que vous voiez enfermē des nombres 10, 12, 11, 13, en reuenant à la poincte au lieu marqué 14, taillé à la reigle & ligne droite, & par le deuant avecques la cherche & circonference faicte apres les hemicycles I H L, ainsi que vous le voiez par les lignes avecques ce qu'il fault oster de ladicte pierre V, laquelle est propre pour mettre au costé du lieu marqué 15. De l'autre partie, la premiere piece qu'il faudroit mettre au lieu de 16, doit estre trāsée au contraire, toutesfois de mesme sorte que celle qui est marquée V. Il fault ainsi trāsfer les autres pieces iusques à la clef de la voute X, qui se trouuera estre degauchée des deux costez, qui ne voudroit faire la voute biaise que d'un costé, & de l'autre costé quarrée, comme il se peult faire, & est quelque fois necessaire, soit pour passage, ou pour vne grande fenestre, ou vne grande vitre d'eglise, à fin d'y gagner clairté. Cōbien que ce present traitt icy pourroit estre descrit plus au long, si est ce que ie m'en deporteray, pour autāt qu'il est si facile & aisé à faire qu'il me desplaist quasi d'en parler. Mais ce qui m'a faict prendre la peine de l'expli-

Commissures et ioincts des separations qui prouiennent du centre.

Continuation de la taille des pierres pour la voute.


Explication & deduction tres facile.

quer, font quelques gentils esprits qui le desiroient cognoistre, l'auteur desirant complaire à tous gentils esprits. iagoit qu'ils ne soient de l'art, toutefois fort curieux de l'entendre, à fin de sçauoir si les ouuriers font bien. Ainsi vous entendez le premier traict de la porte biaise pour vous en pouuoir aider en lieu de contraincte. Je descriray encores au chapitre suyuant vne autre sorte de voute pour seruir à vne porte, que les ouuriers appellent biaise & quarrée par les deux costez.



D'une porte biaise, & quarrée par les deux costez.

С Н А Р И Т Р Е. X.




Grande facilité de l'auteur en ses démonstrations.

O N peult faire vne porte & voute de quelque edifice qu'on voudra, de laquelle la moitié d'un chascun costé sera biaise, & l'autre moitié toute quarrée, pour seruir en diuerses sortes, soit pour passage, ou pour rendre aisez les lieux contraincts, ou bien pour receuoir les clairtez & lumieres, lesquelles il fault quelque fois prendre obliquement. Qui faict que lon est contrainct de degaucher les pieds droicts & voutes des portes & fenestres d'eglise, ou autres, pour les rendre biaises & obliques sur vne muraille qui est droicte, ainsi que vous le pourrez voir atraité icy apres, ou ie figure tout le mur, & propose de faire la porte & voute suiuant les deux lignes A B, & C D, qui sont deux lignes paralleles, monstrant l'espesseur & grosseur dudit mur. Je fais encores vne autre ligne parallele, entre les susdictes, marquée G H, qui diuise toute l'espesseur de la muraille en deux parties egales, come vous le pouuez cognoistre sur le traitté. Cela faict ie tire vne ligne perpendiculaire par le milieu L M, ou se trouuent deux centres N O, pour faire les deux hemicycles, comme vous voiez A M B, & C L D, qui monstrent comme la voute de la porte seroit si elle estoit toute droicte, j'entend ronde & quarrée par ses pieds droicts, & non point biaise: & pour la rendre biaise, & hors de sa quadrature, on marque sur le plan & espesceur de la muraille autant qu'on la veult biaiser ou embraser d'un chacun costé. Ainsi qu'il se voit par les lignes au plan des deux costez de la porte, au contraire l'une de l'autre: car l'une est d'un costé, & l'autre de l'autre, comme il se cognoist d'un costé par les lignes P Q, & de l'autre par R S. Puis apres vous tirez encores deux autres hemicycles, l'un du centre T, comme Q X D, & l'autre du centre V, ainsi que A Y S. Puis vous diuisez les hemicycles de la voute C L D, & A M B, en tant de parties que vous voulez, iacoit que celles icy soient seulement diuisées en cinq parties egales, marquées par lignes qui prouiennent des centres N O, qui monstrent & rapportent sur le plan ce qu'il fault ostter iustement d'une chacune pierre de la voute apres quelles sont equarries, suiuant ladicte voute & traitté de porte, pour rendre la voute de la porte biaise. Par ainsi on prend la largeur du point de 6 à celuy de 7, & se met sur le plan du point de C à 14, & se tire vne ligne dudit 14, à P, apres quoy sont traissées les premieres pierres au droit des commissures 6, 7. L'autre commissure

8,9 se fait de mesme sorte, car elle sera portée du poinct de C à 15, & celle de 10 & 11, à C & 16 : celle de 12 & 13 se rapporte de C à 17, & de tels poincts 15, 16, 17, lon tire des lignes iusques au poinct de P, qui enseignét ce qu'il fault oster à vne chacune pierre pour parfaire la voute biaise. Autant en fault il faire de l'autre costé du mur à l'extremité marquée B R S. Ce qui est facile de cognoistre par le trait & les lignes qui y sont, sans en faire plus long discours. Voila ce que ie voulois escrire du trait de la voute & porte biaise, qui n'est point tant difficile que necessaire: comme tref bien le peuuent cognoistre ceux qui ont charge des bastiments, auxquels (ainsi que nous auôs dict) se trouuent quelquefois lieux de contraincte: parquoy il est necessairè d'y proceder par ceste voye & methode, ainsi que vous l'avez peu cognoistre par le chapitre qui monstroït de faire vne belle maison d'une ou de deux difformes & mal commencées, ou bien pour accommoder autres lieux semblables.

*Conclusion
du present dis-
cours en cha-
pitre.*

LIVRE III. DE L'ARCHITECTVRE



*Pour faire vne porte biaise par teste, ou quelque voute qu'on
auroit à faire droicte sur le deuant, & erigée sur vne
muraille qui va obliquement. CHAP. XI.*



Vand il se trouue vne muraille qui va oblique-
ment ou de trauers, quasi comme la diagonale
d'un quarré (ainsi qu'au bastiment lequel nous
auons figuré ci-deuât) on y pourroit faire vne in-
finité d'autres traicts, ie ne diray de la sorte du bi-
ais par teste; mais encores de plus ingenieux, &
beaucoup plus difficiles: comme ceux qui sont biaï-
sés par les doies, & par les ioincts, & d'autres sortes, les-
quelles ie descrirois volontiers n'estoit que la ma-
tiere seroit trop longue, & le discours
fort ennuyeux qui les voudroit toutes proposer &
expliquer, pour l'infinie diuersité d'inuentions que
i'en pourrois donner. Il suffist, à ce qu'il me
semble, d'en monstrier seulement les principes
& methode: pour autant que ceux qui en apres
voudront prendre peine, en trouueront à tous
propos, selon les œuures qu'ils auront à faire.
De sorte qu'il ne se presentera chose tant es-
trange, ne tant difficile, qu'ils ne trouuent in-
continent le moien d'en venir à bout par l'ay-
de de ces traicts estants accompagnez de Geo-
metrie, qui est si riche que celuy qui la cognoist
peult faire choses admirables. Qui fait que ie
m'esmerueille grandement, & suis fort des-
plaisant que nous ne trouuons quelques liures
qui accommodent la theorique de ladicte Geo-
metrie à la pratique & vsage, tant de nostre
Architecture que des autres arts. La fa-
çon des traicts que cy apres ie veux descrire
pour le mesme fait que dessus, ne se trou-
uera fort difficile, ainsi que vous le pourrez
iuger. Pour doncques enseigner ce que porte
le tiltre du present chapitre, ie presuppse que
vous tiriez la ligne droicte A B, & que sur
icelle vous erigiez la perpendiculaire C D, puis
vous faisiez vn hemicycle de la largeur de
vostre porte, comme se voit H I K L M N: puis
vn autre pour faire l'espeueur de voz pier-
res, comme est celuy de B R Q P O A. Apres
vous diuiserez tel hemicycle en tant de parties
que vous voudrez, iacoit que cestuy ne le
soit qu'en cinq. Cela fait vous tirerez les
ioincts du point du centre marqué 30, comme
vous les voyez de I à R, de K à Q, de L à P:
& de M à O. En apres vous prédrez l'espeueur
de la muraille biaise, sur laquelle vous voulez
faire la porte: & tant plus elle ira oblique-
ment, plus se trouuera ladicte porte biaise,
ainsi que vous le voyez aux lieux ou le deuant
de la muraille se fait de A, iusques à E, & de
G à F, qui monstre la grosseur du mur. Si la

*L'artifice des
traicts estre
infiny.*

*La Geome-
trie theorique
n'estre encore
accommodée
à la pratique.*

*Autre inuen-
tion & de-
monstration
pour le mes-
me fait que
dessus.*

LIVRE III. DE L'ARCHITECTVRE


ligne qui va de A, iusques à E, alloit de A, iusques à F, elle seroit beaucoup plus biaise. Pareillement si la ligne de E, s'approchoit de la ligne de B, elle n'en seroit pas tant biaise: vous y procederez selon que vous en aurez affaire. Ayant tiré la grosseur de vostre muraille, comme de A G, & de E F, vous tirerez toutes les perpendiculaires des ioincts & commissures de l'arceau de la porte, ainsi que de R à 19, de I à 20, de Q à 22, de K à 23, de L à 24, de P à 25, de M à 27, & de O à 28. Cela ainsi expédié vous prendrez la largeur des ioincts, comme de I à R, & la transporterez de 11, iusques à 13, faisant deux lignes perpendiculairement sur celle de A B. Vous ferez ainsi aux autres ioincts, comme de la largeur de K à Q, laquelle vous transporterez & mettrez de 9 à 12, comme vous voiez la ligne de 12 à 21, laquelle est parallele à celle de 9 & 23, & ainsi des autres. Pour acheuer le panneau de la commissure I R, vous mettez vostre compas sur la ligne R (qui est le dernier du ioinct) de I iusques au point de 15, sur la ligne A E, & le portez quarrément au point de 13. Puis vous tirez vne ligne droite du point 13 à celui de 11, & trouuez ainsi le deuant du panneau de ioinct I R. Pour l'autre costé vous prenez depuis le point I, à celui de 19, & le portez au point de 16, puis vous tirez vne ligne droite du point de 16, à celui de 20, qui est la perpendiculaire du deuant du ioinct I R. Et par ainsi tout ce qui est enfermé entre 11, 13, 16, & 20, est le panneau apres quoy il fault trasser la pierre pour la couper au ioinct I R. Je presuppõe que vous auez desia equarri les pieces & doiles de vostre arceau, suyuant le panneau qu'il fault leuer I R, H B, le tout selon l'espeſſeur de vostre muraille, compris son auancement. Ce panneau seruira pour toutes les cinq pieces de vouſſure. Et pour l'autre ioinct de K Q, apres en auoir tiré sa largeur, comme il a esté dit, & se voit 9 & 12 tombant perpendiculairement sur le point 21, vous prendrez depuis Y, iusques au point de 10, & le transporterez du point de 10 à celui de 12, & du point de 12 à 9, & en tirerez vne ligne droite, ainsi que vous voiez en la figure. Pour l'autre costé vous prédrez de Y, iusques à 22, sur la ligne G F, & le porterez du point de 22, à celui de 21, tousiours quarrément, ou bien equidistamment de la ligne A B, tirant vne ligne droite dudit 21, iusques à 23. Et par ainsi vous aurez le panneau tout fait pour seruir au ioinct K Q, qui est fermé entre les lignes 9, 12, 21, 23. Vous pourrez ainsi proceder aux autres: comme T & 7 se rapporte equidistamment au point de 6, & dudit 6, sera tirée vne ligne iusques au point de 8. puis vous prédrez de T à 25, & le mettrez de S au point de 26, duquel vous tirerez aussi vne ligne iusques au point de 24. Par-

*Continuation
de ce que des-
sus.*

*Procédure &
examen par
le compas.*

*Discours plus
long & en-
nuieux que
difficile.*

ainfi 6, 8, 24, & 26, fera le panneau de ioinct pour LP. Celuy de M O, est semblable à celuy que vous voiez marqué 17, 29, 27. Et quât au ioinct du fondement de la voute, comme est AN, & HB, il se prend sur le plan de la muraille, comme doiuent faire tous les autres que vous auez veu cy deuant, & verrez cy apres. Mais pour couper le deuant des pierres pour le faire biais, il se prédrâ apres la ligne AB, & celle de AE, comme i'ay dict, & le pouuez veoir par la figure presente.



LIVRE III. DE L'ARCHITECTVRE

De la porte & voute sur le coing qui se peut faire sur un angle de bastiment, soit droit ou obtus, comme il vient à propos. CHAPITRE XII.

Ceux qui bastissent estrent bien souvent contraincts et empeschez,



Toutes belles inventions estrent subiettes à calomnies.

Ouvertures de portes ou fenestres, ne doivent estre sur les encoignures des bastiments.

Voiant la necessité à laquelle sont bien souvent redigez ceux qui bastissent, ou veulent faire bastir, telle, dis-ie, qu'ils sont contraincts quelquefois de rompre les desseings & entreprinſes de ce qu'ils vouloient faire, pour n'y ſçauoir remedier, ou bien pour y auoir commis de treslourdes fautes, (ainſi qu'il peut aduenir, & l'ay veu souvent faire) ou par crainte qu'ils auoient de gaster quelque membre de ſalles, chambres, ou autres parties du logis, qui parauenture estoit cauſe qu'on perſoit les murs pour y faire les portes ou fenestres, ſi mal à propos qu'elles rendoient vne grande difformité à tout le logis, laquelle prouenoit pour n'auoir eu l'industrie, ou bien n'auoir oſé entreprendre de faire leſdictes portes ou fenestres dans les angles, ou en partie d'iceux (pour-autant que c'eſt le lieu qui doit estre le plus fort & mieux lié de toute la maiſon, pour porter le plus de charge, & tenir en raiſon toute la maſſe de l'edifice) pource est il que voulant remedier à telles contrainctes, neceſſitez & fautes, ie me ſuis aduiſé en ce lieu d'eſcrire ce qu'il m'en ſemble, eſtant aſſez aduertie que de prime face, pluſieurs le trouueront eſtrange & ne ſen pourront contenter, pour la grande erreur & danger qui leur ſemblera estre de perſer les baſtimens ſur les angles. Ce que i'accorde fort bien, & conſeille de n'y mettre la main ſi la neceſſité de l'œuure ne le contrainct grandement: & que ce ſoit par vn bon maistre qui entende bien l'art de maçonnerie: car il y beſongnera aſſeurement ſous le conſeil & ordonnance d'vn docte Architecte qui luy monſtrera comme il y fault proceder, commençant l'œuure de neuf, ou bien appropriât vn vieil logis avecques vn neuf, pour rédre commodés les parties & membres qui ſont dedans. Quelquefois on eſt cōtrainct de faire les choſes contre raiſon, pour ſeruir à la volonté du ſeigneur qui faiet conſtruire le baſtiment, ou pour la grande neceſſité & contraincte du lieu, pour-autant que les coings & angles, ſont les lieux des baſtimens, comme i'ay dict, qui doiuent estre les plus forts: ainſi que vous le pouuez auoir veu ci-deuant au plan de la maiſon partie octogone, (ou nous accommodions le vieil logis avec le neuf) à la ſalle eſtant au lieu marqué F, au droit de E: ou ſe voit vne porte ſur le coing, pour ſeruir à paſſer du logis par deſſus le pont pour aller au iardin, ou lieux ſemblables. Quand on eſt contrainct de

de faire en tels lieux les ouuertures des portes ou fenestres, il fault qu'elles ne soient quarrées, & encores moins plattes, quelques grandes pierres & grosses que vous puissiez auoir pour les faire, car cela ne vaudroit rien. Je veux toutesfois monstrier comme on y poutra seurement & sans aucun danger proceder, (soit pour vn neuf ou vieil logis le quel on desire reparer ou edifier) si on fait vne voute par dessus les pieds droicts de la porte. Car combien que la forme du lieu soit quarrée & poinctue par le deuant, pourueu qu'elle n'excede point l'angle droit, & qu'il ne soit trop poinctu, mais bien tant obtus que lon voudra, & la muraille d'assez bonne largeur, vous y pourrez faire vne porte, ie ne diray de trois pieds de large seulement; ains de dix douze, & tant que vous en auez affaire. La voute sera autant forte qu'il est possible de penser, pour porter par le dessus telle pesanteur & masse de maçonnerie qu'on verra estre necessaire, & n'y faudra rien craindre, non plus que si ladicte porte estoit faite à vn pan de mur tout droit. On procedera de mesme sorte & mesme façon à leuer les panneaux, comme vous auez veu au precedent chapitre, à la porte biaise par teste, ainsi que les ouuriers l'appellent. Comme quoy? Le presuppõe vne perpendicule A C, tombât sur la ligne M D L, & à la marque de D, l'angle ou le coing du lieu ou vous voulez faire la voute pour la porte, ainsi que vous voiez le plan du mur fait des quatre lignes D G, C H, D E, C F, qui fait cognoistre le plan du mur, & de la porte sur le coing. Au milieu vous dresserez la voute pour ladicte porte, comme vous la pouuez voir par les deux hemicycles qui sont tirez du centre D, l'vn I B K; l'autre M A L, qui monstre l'espeffeur du deuant de la voute de ladicte porte, laquelle vous diuiserez en tant de parties que vous voudrez, ainsi que vous auez fait des autres voutes par ci-deuant, & le pouuez encores voir icy aux parties separées par les lignes qui prouiennent du centre D, comme à celle qui est marquée O P, & ainsi des autres. Cela fait vous tirerez les lignes des ioincts & commissures perpendiculairement, sur la ligne M E, & tant longues qu'elles trauersent le plan & espeffeur de toute la muraille, comme vous voiez celle de P S, & aussi de O T, & ainsi consequemment des autres qui vous sont proposées par la figure ensuiuant. Apres vous prenez la largeur des commissures, comme de O P, & la transportez sur le plan du mur au droit de la ligne O T, & mettez le poinct de 2, à la ligne marquée 3, cela vous monstre la largeur du panneau de ioinct. En apres vous prenez la hauteur depuis la ligne L M, au droit de celle de P S, du poinct de 6, au poinct de 4, & la rapportez sur la ligne 3 au poinct de 7, duquel

*Grande force
de voute.*

*Conduicte
pour leuer les
panneaux avec
leur demon-
stration.*

*Pour les li-
gnes des
ioincts & co-
missures.*


LIVRE III. DE L'ARCHITECTVRE

*Voutes de por-
tes faictes par
equarrissement*

*Porte et Vou-
te biaise sur le
coing.*

*Vne chose
bien souuent
estre expli-
quée par l'au-
tre.*

vous tirez vne ligne du poinct de 2, au poinct de 7, qui monstre le panneau de deuant pour le ioinct & commissure marquez O P. Et par le dedans vous prenez aussi la distance du poinct de 6, au poinct de 8, & la transportez quarrément au poinct de 9, sur la ligne 3, de laquelle vous tirez vn autre poinct de 10, au poinct de 9, qui vous monstre aussi iustement comme doit estre le panneau de ioinct de O P, par dedans œuure, ainsi que vous le voiez. Et par tel moien se font & prennent tous les autres, soient panneaux de ioinct, ou panneaux de doiles. Si vous voulez, vous pouuez faire telles voutes de portes par equarrissement, en obseruant les ion- gueurs que vous devez trouuer sur le plan, & prenant les auance- ments d'une chacune piece, sans vous ayder des panneaux, autre- ment il faudroit tailler seulement les doiles & pieces semblables à celles que vous voiez marquées B, qui sont taillées suyuant les panneaux de teste, qui sont prins apres le deuant de l'arc. Mais en cela il y a grande perte de pierres, qui faict que les bons maistres se seruent du panneau, lequel ils mettent tout autour des pierres pour les trafter quand ils veulent bien faire selon le traict & œu- ure qu'ils ont à suiure: & font equarrir leurs pierres avecques le buveau, qui est faict apres la voute & les lignes qui monstrent les cōmissures. Vous pouuez par mesme façon de traict faire biaise la porte & voute sur le coing: i'entēd que le coing ne soit au milieu, cōme il est au lieu de D, par le deuant, & de C, par le dedans, mais biē plus à costé. Et encores qui voudra, la moitié de ce coing sera creux, ou rond, & les autres parties droictes ou tortues, ainsi qu'il plaira, voire en talus. Je ne me puis cōtenir de dire & repeter sou- uent que celuy qui a la cognoissance & pratique des traiçts, estāt mediocrement instruiçt à la theorique de Geometrie, indubita- blement il trouuera toutes choses à propos, comme il en aura af- faire. Je descrirois icy plusieurs lignes qui sont necessaires pour leuer les autres panneaux, & encores pour monstrier les cyntres, mais ie crain d'estre trop long, & trop trauailler l'esprit des le- ctēurs. Toutefois ce qui ne sera intelligible par vn traict & vne fi- gure ou demonstration, le pourra estre par l'autre: signamment à ceux qui prendront peine de tout voir & le cōferer ensemblē- ment ainsi que plusieurs fois nous l'auons dict.



LIVRE III. DE L'ARCHITECTVRE

*Pour faire le traict d'une porte qui sera ronde par le deuant, cren
se par le dedans, & ronde par le dessous, pour l'ouuerture
d'une maison, ou d'une voute faicte sur la mu-
raille d'une tour ronde. CHAP. XIII.*



*La tour ron-
de facheuse et
difficile à con-
duire.*

*Description
de la figure
ensuiuant le
present chapi-
tre.*

*Multitude de
traicts confus-
quer l'un l'au-
tre.*

Yant escript ci-deuant plusieurs sortes de portes, ou, si vous vöulez, de couuertures & voutes d'icelles, & signammét des biaises (ou ie n'ay monstté qu'à leuer les panneaux de ioinct qui seruent à traier les pierres au droict des commissures, pour autät que ceux de doile se leuent de mesme forte) ie delibere en ce lieu monstter cé qu'on peult faire en semblables choses sur la tour ronde, pour autant qu'elle est plus facheuse & difficile à conduire. Doncques en premier lieu ie vous monstteray à leuer tous les panneaux, puis ie parleray entieremét de toute la façon du traict, lequel ie descriray le plus particulièrement & simplement que ie me pourray aduiser, & non point auecques vñe methode, & si exquise curiosité de demonstratiöns, qu'est celle des doctes professeurs de Geometrie, & des autres parties des Mathematiques. Quoy faisant nous vsérons, au plus pres que faire se pourra, des termes, langage & façons, que les ouuriers, à fin que plus facilement ils puissent conceuoir & entendre ce que nous voudrons dire. Pour dörques venir au poinct vous tirerez vñe ligne droicte, comme est celle de EF, sur laquelle vous ferez le traict d'equierre, ainsi qu'ils disent, ou la perpendicule DC. Cela faict vous ferez la voute & aire de vostre porte sur la ligne EF, qui se conduira par trois hemicycles prouenants du centre X, & de la largeur que vous voiez les lettres GH, à la figure prochainement ensuiuant. Apres auoir tiré l'espeisseur de la voute FDE, & son hemicycle du milieu, vous diuisez ladicte voute en tant de parties que vous vöulez (ainsi qu'il a esté dit par ci-deuant des autres pour faire les panneaux de teste) iäoit que ceste cy soit diuisée seulement en cinq parties egalles, pour autant que ie fais tousiours le moins de pieces que ie puis, pour monstter plus promptement ce que ie veux dire ou faire, & aussi à fin qu'il n'y ait confusion de traicts, qui se peuuent öffusquer l'un l'autre. Cela faict vous tirez les poincts ou commissures du centre X, comme de LO, de MN, & ainsi des autres, qui font les separations des cinq pieces pour faire la voute. Puis vous tirez toutes les lignes des ioincts & commissures perpendiculairémét & à plomb sur la ligne EF, qui seront tant longues qu'elles puissent traueiser l'espeisseur du plan de la muraille de la tour ronde,

sur laquelle vous voulez faire la porte, comme la ligne A, qui représente le dehors de ladicte tour, & la ligne B, qui est le costé du dedans de l'edifice, montrants ainsi ces deux lignes l'espeſſeur de ladicte muraille, entre les deux lignes A & B. Apres auoir tiré à plomb toutes les lignes perpendiculaires, iusques au dedans de la tour à la ligne B, comme vous voiez celle du poinct L, iusques au nombre de 2, de P, iusques au nombre de 3, du poinct de O à 4, de M à 6, de Q à 10, de N à 11, de F à 14, & de G à 9, elles vous serviront à trouuer les panneaux des ioinct. Pour faire ceux de doile tant deſſous que deſſus, vous tirerez les autres lignes perpendiculaires semblables aux précédentes, comme celle du poinct de R, iusques au nombre de 5, de S, iusques à 7, de T, iusques à 8, & de V, à 13. Ayant fait cela, vous trouuerez lors vos panneaux de ioinct, & prendrez la largeur d'iceux: ainsi que du poinct de L, à celui de O, lequel vous mettrez en vn lieu à part, comme vous le voiez aux deux lignes paralleles de mesme marque L, O, au bas de la figure. Mais il fault qu'elles soient bien perpendiculaires sur vne petite ligne qui est au deſſus d'elles, signée A B. Je mets ainsi les panneaux à part, à fin qu'ils n'offusquent trop le trait. Puis vous prendrez la distance de la ligne horizontale E F, tirant iusques à la circonférence de la tour, ainsi que vous le voiez du poinct de 27, à celui de 15, laquelle vous porterez sur lesdictes lignes paralleles L O, ou se fait le panneau de ioinct, & le marquerez comme vous voiez A & C. Puis vous prendrez autre distance ou largeur tousiours sur le trait depuis le poinct 29, iusques à 17, & la mettrez sur le panneau, du lieu de B, iusques à D, qui montre la largeur du ioinct. Mais il fault que tel panneau de ioinct trouue du rond par le deuant, & non point en ligne droicte: toutesfois cestuy cy est si petit qu'il n'y a pas grand iugement. Quoy que ce soit, le mettant en oeuvre il le fault faire necessairement avec vn autre rapport de ligne par le milieu du ioinct. Comme quoy? vous prendrez la moitié de sa largeur, telle que vous la voiez en la voute au droict du mesme ioinct L P, & la marquerez sur le panneau de C H, & E G, puis vous tirerez vne ligne qui sera le milieu de G H, & cela fait vous prendrez la distance sur le trait apres le poinct de 28 à celui de 16, & la rapporterez sur le panneau au lieu de I H, & ayant marqué les trois poincts C H D, vous les tirerez avec le cōpas, & y trouuerez quelque peu de ligne ronde, & non droicte. Apres vous acheuerez vostre dict panneau de ioinct par le dedans de la tour, & le prédrez tousiours ainsi sur le trait, cōme depuis le poinct de 27, iusques au poinct de 2, rapportant le tout sur le panneau de ioinct, comme il a esté fait des autres, ſçauoir est

*Description
des lignes
pour trouuer
les panneaux*

*Continuation
et poursuite
de ce que des-
sus.*

*Les panneaux
de ioinct par
le dedans de
la tour.*

LIVRE III. DE L'ARCHITECTVRE

depuis le poinct de A, iusques à celuy de E, & du poinct de 28, iusques à celuy de 3, lequel vous mettez de I à celuy de G. puis de 29, iusques à celuy de 4, & le rapportez de B à F. Ainsi vous auez les trois poincts E G F, lesquels vous trouuez avec le compas comme vous auez fait les autres qui se trouuent creux, & non point en ligne droicte. Par telle maniere vous auez fait entierement le panneau de ioinct marqué C D E F, qui seruira pour mouler & trafriser le ioinct de la pierre de la clef & autres qui la touchent au lieu de L P O. Vous en ferez autant aux ioincts & commissures K, pour l'autre costé. Et à fin que vous l'entendiez plus facilement, nous tirerons encores le panneau de ioinct pour seruir aux lieux marquez M Q N. qui monstrent aussi la largeur que doit auoir ledit ioinct & perpendiculaire sur la petite ligne E F, par laquelle vous ferez le rapport des lignes, ne plus ne moins que vous auez fait ci-deuant, comme du poinct de 31, iusques au poinct de 19, lequel vous mettrez sur le deuxieme panneau, depuis E, iusques à 19. Apres vous prendrez le traict du poinct de 34, iusques à 23, & le mettrez au lieu du mesme nombre, sur le deuxieme panneau, sçauoir est 23 & 34, puis de celuy de 35 à 24, lequel vous rapporterez de F à P. Et par ainsi de ces trois poincts 19, 23, & P, vous trouuez le panneau que vous cherchez par le deuant. Et ferez de mesme pour paracheuer le panneau du costé de dedans: pour lequel vous rapporterez le traict du poinct de 31 à celuy de 6, sur le panneau de ioinct, du lieu de E au poinct de Q, & celuy de 34 iusques à 10, sera transporté dudit 34, au poinct de R, & celuy de 35, à 11, depuis F, iusques à S, & par ainsi les trois poincts que vous auez trouuez, sçauoir est Q R S, seront recherchez avec le compas. Par ce moien vous aurez paracheué de faire le deuxieme panneau de ioinct, comme vous le voyez marqué par les quatre angles 19, P S Q. La petite ligne qui est dessus E F, ne seruira plus de rien, car elle y estoit seulement pour ayder à faire ledit panneau seruant pour mouler les ioincts, ainsi que vous le voyez aux lieux sur le traict de la voute marquez M Q N. Elle seruira aussi pour l'autre costé au ioinct marqué I. Reste maintenant d'entendre comme il fault faire les autres panneaux de doile: pour la pratique desquels nous commencerons à celuy de dessus. Vous prendrez doncques la largeur des trois poincts O S N, & en tirerez à part trois lignes de mesme largeur, qui seront paralleles, comme vous les voyez marquées D E F, & perpendiculaires, ainsi qu'il se voit au lieu escrit, panneaux de doile par le dessus. De la vous venez sur le traict au droit de la ligne perpendiculaire marquée O, & ce que vous trouuez du poinct de 29 à celuy de 17, vous le transpor

Poursuyte de la demonstration de ce que dessus.

Aduertissement qui n'est à negliger.

tez sur le panneau du point de D, à celui de I: puis ce que vous trouuez du point de 32 à celui de 20, vous le mettez sur le panneau au lieu de E, & H: de rechef ce qui est de 35, à 24, vous le portez de F à G, & en faictes vne ligne avec le compas, qui touche les trois points G, H, I. Vous ferez semblable chose pour tous les autres panneaux, & les prendrez tousiours apres la ligne du trait qui est horizontale, comme de E X F. iusques à l'extremité de la circonference & ligne marquée A, qui montre la tour ronde, comme ie vous ay dict, & le repete encores vne fois, à fin que vous ne l'oubliez. Pour acheuer le panneau qui doit seruir au dedans de la tour, il fault prendre l'autre extremité de la ligne circulaire B, comme du point de 29 à celui de 4, & ce qu'on trouuera, le mettre de D à M, sur ledict panneau de doile par dessus: & en faire autant du point de 32, à celui de 7, & le mettre de E à L. De rechef de 35, à 11, & le rapporter de F à K. Par ainsi de ces trois points K L M, vous tirerez vne autre ligne avec le compas, & sera parfait le panneau de doile de dessus, lequel vous voiez à la figure enfermée entre les lignes M I H G K L, qui vous seruira à mouler & trasser la pierre par la doile de dessus au lieu de O S N. Pour faire l'autre panneau N V F, ie ne l'ay marqué, par ce qu'il se fait tout de mesme sorte comme celui cy dessus décrit. I'ay aussi mis encores à part vn panneau de doile pour seruir à trasser les pierres par le dessous de la voute, lequel vous pouuez voir au bas de la figure, entre le deuxieme & troisieme panneaux de ioinct, estant designé par quatre lignes enfermées de Q P R S. Bref, tous se font de mesme façon que vous auez veu cy deuant, & par mesme rapport de lignes, ainsi que vous le pouuez cognoistre en les cherchant & cōferant avec le cōpas: car ie m'asseure que vous les trouuerez de mesmes rapports que ie vous ay monstré. Par ainsi vous auez l'intelligēce des panneaux des ioinct, & des doiles tant dessus que dessous. Quant à la clef du milieu de la voute il n'y fault point de panneaux de doile, sinō le plan du milieu de la voute, qui se fait avecques les cherches & buieaux, apres qu'on a equarri la pierre, suiuant le panneau de teste de la clef, qui sert aussi pour equarrir les autres pieces qu'il fault faire pour toute la voute. Semblablement le panneau du premier ioinct sur le fondement de la voute de la porte, se prend sur le plan de la tour aux lieux que vous voiez hachez par petites lignes. Mais il fault sur tout bien obseruer les longueurs & espesleurs de la muraille de la tour ronde, comme aussi les longueurs des pieces apres le plan de ladiete tour. Presentemēt ie ne sçache autre chose à vous proposer, sinon qu'il faudra que ceux qui voudront entendre ceste

Demonstration & explication de ce que dessus.

Pour le panneau qui sert au dedans de la tour.


Panneaux sous d'une facon, & mesme rapport de lignes.

Choses fort necessaires d'observer.

LIVRE III. DE L'ARCHITECTVRE

pratique des traiçts, ayent la dexterité de ſçauoir traſſer les pierres apres les panneaux, qui me ſemble eſtre choſe facile à comprendre. Je n'oubliray de vous aduertir que ceſte façon de traiçts de porte ſur la tour ronde vous donne d'abondant vne fort grande intelligence des autres traiçts que vous auez veus par ci-deuant, & vous donnera auſſi cognoiſſance de ceux qui vous ſeront cy apres propoſez. Car ie delibere de vous donner encores par ordre, le traiçt de la porte ſur la tour ronde biaïſe, & ſur la tour ronde en talus, & vn autre traiçt de porte qui ſera moitié ronde & moitié quarrée dedans & dehors, là ou ſeront marquez tous les panneaux tant des ioinçts que des doiles, enſemble de ceux qui ſont en talus, & ſont traiçts plus difficiles à conduire que tous ceux qui ont eſté deſcrits. Si eſt ce que par les demonſtrations que i'en ay faiçtes & feray cy apres, ie m'aſſeure que ceux qui voudront prendre la peine de les chercher avec le compas, les trouueront & entendront facilement, meſmes les ouuriers & autres qui ſont profeſſion de l'art, comme i'ay pluſieurs fois dit pour mieux en aſſeurer le lecteur. De ſorte qu'ils les pourront contrefaire par modelles faiçts de pieces, tout ainſi qu'il les fault appliquer en œuure. Qui a eſté cauſe que i'ay faiçt les traiçts & lignes vn peu grandes, à fin qu'vn chacun puiſſe mieux cognoiſtre le rapport d'icelles, & les prendre avec le compas, pour les mieux conceuoir & entendre.

*Diuersité de
portes ſur di-
uerſité de
cours.*



LIVRE III. DE L'ARCHITECTURE


Pour faire porte ou voute sur une tour ronde biaise.

CHAPITRE. XIII.

*Porte biaise
sur la tour
ronde.*



Ar le mesme artifice des traiçts Geometriques, vous pouuez cognoistre comme on peult faire vne porte ou voute sur le mur d'une tour ronde, qui est oblique, ainsi qu'il se voit cy apres, par les deux lignes A B, & C D. les ouuriers l'appellent porte biaise sur la tour ronde. Telle façon se trouue fort necessaire quand on veult percer vne tour, soit pour y faire vne porte ou fenestre, à fin d'en receuoir le iour obliquement, ainsi qu'il se cognoist par les deux dictes lignes circulaires qui representent la rotondité de la tour & grosseur du mur. Et pour autant que ie vous ay monsté parci-deuant la façon de leuer les panneaux sur les formes rondes, ie ne vous en feray plus long discours, car ceux icy se leuent de mesme sorte, ainsi que vous le pouuez cognoistre par les trois panneaux que i'ay marquez, & tirez 1, 2, 3, & sont faciles à mettre en œuvre, si vous entendez bien le traiçt de la porte sur la tour rōde cy deuant proposé. Je neveux oublier de vous aduertir que cecy ne vous seruira seulemēt pour portes, mais aussi pour faire voutes de ponts, soient sur riuieres ou autrement. Et iagoit qu'on les face cōmunement tous droiçts, si est ce qu'ils seroient beaucoup plus forts & de plus longue durée, s'ils estoient tous ronds, & encores plus qu'en hemicycle. Car quelque grande & impetueuse riuiere qui se puisse presenter ne pourroit offenser les maçonneries estants ainsi disposées comme ie les entēd. Je n'oubliray, Dieu aydāt, d'en dire & escrire l'artifice, lors que l'occasion sy presentera. Ce temps pēdant nous poursuurons noz portes.



LIVRE III. DE L'ARCHITECTURE

De la porte sur la tour ronde & voute qui se peut faire en talus & en diuerses autres sortes. CHAP. XV.



Que c'est que les ouuriers appellent talus.

Porte ou fenestre de grand artifice.

La façon des traictés se pouoir mieux pratiquer que enseigner par escript.


N peult aussi faire des portés non seulement biaises sur la tour ronde, mais encores en talus, qui est chose vn peu plus difficile. Celles qui sont droictes & biaises se peuuent mettre sur vne muraille en talus & pente. Les ouuriers appellent talus quád la muraille appetisse de sa grosseur comme elle monte, ainsi que pourroit estre la grosseur de la muraille d'une tour ayant deux toises d'espeſſeur sur le fondement, & quatre ou cinq de hauteur: ladicte muraille ne se trouue espeſſe que d'une toise, & toutesfois le mur du costé de dedans sera tousiours à plomb perpendiculairement, & celuy de dehors s'estant retiré sur les quatre ou cinq toises de hauteur, sera d'une toise de retraicte, de sorte qu'au lieu de deux toises d'espeſſeur qu'il auoit par le bas, il n'en a qu'une par le hault: qui fait que cela monstre vne pente tout autour de la tour & retraicte de la maçonnerie que les ouuriers appellent talus. Qui feroit vne porte ou fenestre en ces endroicts portant vne voute, elle seroit ronde par le dessous, ronde par le deuant & biaise si vous voulez, creuſe par le dedans, & en talus par le deuant. Et pour autant que vous pouuez apprendre le traict de telle porte sur la tour ronde en talus, par le moien des autres que ie vous ay escrit ci-deuant & que vous verrez cy apres, ie ne vous en feray si long discours, comme il seroit besoing de faire pour bien specifier & escrire ce qui seroit necessaire pour la cognoissance de toutes les parties. Et pour autant que la chose est difficile de soy mesme, il est aussi malaisé qu'elle se puisse entendre, sinon par ceux qui ont la Geometrie en main, & intelligence des traictés avecques la peine qu'ils prendront de les contrefaire, couppant de petites pieces de boys ou de pierre tout ainsi comme si les vouloient mettre en oeuvre & appliquer en quelque grand bastiment. Car combien que lon ayt le moien de leuer tous les paneaux, si y a il vne autre intelligence pour les scauoir appliquer, & en traſſer les pierres pour les tailler. Les façons ne se peuuent bien monſtrer, n'y estre bien entendues par escripture, si on ne les voit par effect & pratique. Toutesfois il n'y a rien impossible à tout gentil & laborieux esprit. Ceux qui craindront y perdre trop de temps, & seront curieux de tout mieux entendre, ils en demanderont conseil & aduis à ceux qu'ils cognoistront estre bons maistres. Doncques il suffira que ie vous propose pource que dessus, la figure subſequent, en laquelle vous

vous voyez le traict d'une porte sur vne tour roade biaise, & en talus, comme vous representent les deux lignes marquées D E, & va obliquement, qui fait le biais. Vous cognoistrez le talus & pend de la tour, par la ligne H I, qui finit sur la perpendiculaire I K. Vous voyez aussi la circonference & vouë de la porte, avec les lignes tant des commissures que des perpendiculaires qui tombent sur l'espeffeur du mur, & seruent pour ayder à leuer les panneaux, avec les autres qui procedent des commissures sur la ligne de pente H I. Aussi vous pouuez cognoistre par ladicte figure, aux lignes F G, comme elle se trouue à la retraicte d'une chacune pierre de la vouë faisant le talus, & qu'au lieu que la muraille est large par le commencement de l'arc, autant que vous voyez les deux lignes D E, au dessoubz de la clef elle n'est point plus large que les deux lignes que vous voyez E F, par le milieu. Vous pouuez voir aussi en la presente figure les panneaux de doile par le dessoubz, qui sont leuez aux lieux marquez A. Et notez qu'il n'ya icy autre difference à leuer lesdicts panneaux, qu'à ceux de la porte rende descrits cy-deuant, sinon qu'au droit des lignes paralleles qui donnent à trauers de celles qui monstrent le talus signé I H, il fault prendre la largeur & distance de la retraicte au droit d'une chacune ligne qui prouient des commissures, ou des lignes qui sont par le milieu des doiles, & rapporter telle distance sur le plan de la tour par mesme methode & façon comme vous auez veu leuer les panneaux de la tour ronde cy-deuant. Je ne vous en escriray d'auantage, à fin de uiter prolixité accompagnée le plus souuent d'ennuy. Si quelques vns desirent en cognoistre d'auantage, sil leur plaist se retirer par deuers moy, ie leur feray part de mon petit sçauoir & industrie, d'autant bon cueur qu'il me sera possible.

*Explication
des parties de
la figure cy
apres propo-
sée.*

*Prolixité
estre le plus
souuent accom-
pagnée d'ennuy.*


LIVRE III. DE L'ARCHITECTVRE



Afin que vous ayez encores plus de passetemps, & d'occupation, si vous la voulez prendre, j'ay tiré d'abondât en vne autre figure cy apres la façon comme lon trouue le cyntre de la susdicte porte en talus biaile : ainsi que vous le voiez à la marque L, avec la circonference ralongée, en la ligne M O. Ensemble les panneaux de teste par le dessus, au lieu signé C. Et ceux des commiffures ou des ioincts marquez B. Qui aura le loisir de sy occuper

& amuser longuement, il trouuera matiere pour remuer le compas, à fin de trouuer les choses cy dessus proposées. Mais ie prieray les beneuoles lecteurs de ne trop sarrester & amuser quand ils rencôtreron quelque chose difficile, ains premierement bien apprendre les traicts qui sont faciles, & lire & relire tous les chapitres. Aussi pour abbreger téps, & ne le point perdre, vouloir demander l'aduis & intelligence de ce qu'ils ne pourront comprendre, à ceux qui font profession des traicts Geometriques, & sont sçauants en la pratique & theorique d'Architecteure. Car avecques peu de parolles ils leur feront entédre, & promptement, ce qu'ils pourroiet cercher avecques long labeur & fatigue d'esprit.

*Bon conseil, et
aduertissement
louable.*



LIVRE III. DE L'ARCHITECTVRE

Le traict d'une porte sur un angle obtus, ronde d'un costé, & creuse en dedans, l'autre moitié droite sur la ligne oblique, & biaise des deux costez. CHAP. XVI.



*Autre façon
de porte fort
estrange.*

*L'auteur se-
tudier à ren-
dre faciles ses
escriptions &
demonstra-
tions.*

*Familier &
brefue decla-
ration de la fi-
gure ensuiuant.*

Ousayant monstre iusques icy la façon des portes biaises en plusieurs sortes, comme aussi des droictes par le deuant, & d'autres rondes & biaises, autres rondes & en talus, ie desire encores vous en monstre icy la figure du traict seulement, avec tous les panneaux qui sont leuez, tant des ioincts que des doiles, pour en couper les pierres, & en faire vne porte ou voute de telle longueur que vous en aurez à faire, & d'une façon fort estrange: voire quand seroit sur vn angle obtus, la moitié sur vne forme ou tour ronde, l'autre sur vne muraille droite & oblique, ladicte porte ou voute se trouueroit biaise tant sur ladicte muraille droite, que sur la tour ronde, comme vous le pouuez iuger par la figure du plan & traict que i'ay mis cy apres. Et l'ay faict vn peu grand expressement, pour y mieux marquer les panneaux, & en plus grand volume, à fin qu'il soit plus aisé de les cognoistre & chercher avec le compas. Vous pouuez voir le plan de ladicte porte & forme des murs sur lesquels elle est erigée, en dressant vostre veuë du point de F à celui de A, qui est vne ligne droite & oblique (denotant ledit A le milieu de la porte) & de A à H, qui montre la forme ronde de la tour, & aussi oblique. Au dedans se voit la ligne DB, qui est concaue, ou, si voulez, creuse, & celle de BC, droite, qui montrent ces quatre lignes avec leurs lettres F A H, & C B D, le plan & espaisseur des murs ou formes sur lesquels vous erigez la porte, ou bien vne grande arche, comme vous voiez sur la ligne 1 & 8 les hemicycles & voutes de ladicte porte tirez, avec les lignes qui montrent les commissures: estant le tout marqué par lettres de chiffre, à fin de montrer par iceux mesmes chiffres les panneaux qui seruent pour couper les pierres aux mesmes lieux marquez: comme vous voiez celui de 2 à la premiere commissure des hemicycles sous mesme marque de 2, & au plan de la muraille droite le panneau de ioinct: autant en direz vous du nombre 3, car l'endroit ou il est renuoyé, c'est le mesme panneau de la commissure 3. De l'autre costé au droit de la tour rōde vous voiez à la voute marqué 5, & la mesme marque de 5 sur le plan de la tour vous montre son panneau de ioinct: semblablement celui de 6 & de 7, qui se rapportent l'un à l'autre, & ainsi du reste. Vous voiez cas semblable pour les panneaux de doile au dessous de la li-

gne E & B, estants marquez par mesmes nombres, comme ils sont dans l'hemicycle. Tous lesdicts panneaux de doile, tant ceux qu'il fault faire du costé sur la tour ronde, que ceux qu'il fault aussi faire sur le mur qui est droict & oblique, seront trouuez entre la ligne E B & celle de P, en la petite figure marquée X. ainsi que vous le cognoistrez en presentant & accommodant le compas aux figures qui suiuent cy apres. Telles voutes & portes se pourroient aussi faire (qui voudroit) en talus, tant sur la forme de la tour ronde, que sur le pan de mur droict & oblique. Je descrirois volontiers ce traict beaucoup plus au long que ie ne fais, pour monstrier vn œuure qui se pourroit faire fort estrange: & non point tant pour vouloir accommoder les vieux logis que i'ay descrits cy-deuât (au chapitre huitieme, ou nous enseignons comme de deux maisons mal cōmençées & imparfaites lon en peult faire vne belle & parfaite, ainsi qu'il se voit sur le plan de la figure au lieu marqué Q) que pour la subiection qu'il y auroit de faire vne fenestre ou vne grāde porte, pour laquelle lon seroit cōtrainct de prédre vne partie de la tour, & vne autre partie de la muraille droite. Qui est la cause que i'ay voulu mōstrer ce traict, qui ne seruira seulemēt pour ce qui est dit, & choses semblables, mais pour plusieurs autres, & signammēt pour oster la subiection & imperfection d'une maison: ainsi que ie le desirerois & voudrois faire pratiquer, si ie rencontrois vn lieu auquel ie fusse cōtrainct de ce faire: i'espere qu'on verroit vne telle façon d'œuure & structure, qu'elle seroit prisee & estimée de tout hōme de bon entendement: voire de certains Architectes & maistres, qui par faute de n'entēdre la pratique des traicts, & la Geometrie, disent quand ainsi ils rencontrent aucuns lieux de cōtraincte, & voient quelque estrāge structure y estre accommodée, qu'il n'estoit besoing de s'y amuser, & que c'est ouurage de maçon. Il fault donc dire par leur confession, que les maçons sçauent plus que tels Architectes, qui est contre raison: car l'Architecte doit estre docte pour bien commander & ordonner toutes œuures aux maistres maçons: mais aujourd'huy en plusieurs pais, la charrette (comme lon dit) conduict les bœufs: c'est à dire, les maçons en plusieurs lieux gouuernent & enseignent les maistres: qui sera dit sans offenser les doctes, lesquels ie loue & honore, & non ceux qui abusent les seigneurs pour se vouloir mesler d'un estat qu'ils n'entendent, & n'en sçauent autre chose, sinon ce qu'ils en ont ouy & appris des maistres maçons. Mais de ce propos sera assez, à fin de reuenir à celuy que nous auons delaisé, & aussi pour monstrier que Dieu nous a fait la grace de vouloir tousiours plus tost en-


*Continuation
de ce que des-
sus.*


*Le prouffit et
utilité qu'ap-
portent les
traicts Geo-
metriques.*

*Plusieurs Ar-
chitectes ne
parlent que par
la bouche des
organes des
maistres ma-
çons.*

LIVRE III. DE L'ARCHITECTURE
 feigner les ignorants, & les apprendre, que les blâmer & re-
 prendre, à son exemple & imitation.

feigner les ignorants, & les apprendre, que les blâmer & reprendre, à son exemple & imitation.





Comme lon peut faire deux portes, ou deux passages & entrées en vne seule, dans vne forme ronde par le dedans, & quarrée par le deuant, pour oster les subiections & imperfections d'un logis.

CHAPITRE. XVII.



Vtres sortes de portes, passages, & voutes se peuvent faire en lieux difficiles, & qu'on estime impossibles, pourueu que l'Architecte ayt le sçauoir, cognoissance, & indultrie de le pouuoir bien commander & monstrier aux maistres maçons, ne trouuant rien impossible ou difficile, à fin

Rien n'estre impossible à vn doctre & expert Architecte.

d'accommoder toutes choses comme il appartient, & que rien ne demeure imparfait ny moins à reprendre. Voire quand il seroit en vn lieu de telle contrainte qu'il trouuast vne grande & grosse muraille, comme on la voit quelquefois aux vestiges des grands edifices antiques. Soit par forme d'exemple l'edifice que vous voyez cydessous figuré, ou ie propose ses murailles rondes & concaues par le dedans, comme vous les verrez en la ligne A B, qui est circulaire, & par le dehors de la tour se trouue quarrée, ainsi que vous le cognoistrez par les lignes C D E F. Le lieu auquel ie veux faire vn passage sur deux entrées ou deux portes, se trouue tout au droit de l'angle, ainsi que vous le voyez au lieu marqué G. Si vous voulez vous pourrez faire encores les deux dites portes sur la ligne droite H I, mais en quelque sorte que ce soit il les fault trouuer. Vous pourrez beaucoup mieux cognoistre cecy par le traict qu'ie vous ay mis en la fin de ce troisieme

Declaration de la figure ensuiuant.

LIVRE III. DE L'ARCHITECTVRE

*Longue escri-
ture & de-
monstration
n'estre neces-
saire à bons
& subtils ef-
priis.*

*Pourquoy
c'est que l'au-
teur a fait la
figure ensui-
uant vn peu
grandette.*

*Les commo-
ditez du trait
des trois en-
trées en vne
seule.*


liure, auquel i'ay leué les panneaux qui y sont marquez par nom-
bres, tant par le deuant que par le dehors, ou vous voyez comme
ils portent la rotondité de dedans. Je ferois volontiers plus long
discours de cecy, & leuerois les panneaux du costé marqué K, avec
vne autre façon de faire; mais pour-autant que vous les enten-
drez cy apres, & aussi que les bons esprits les trouueront facile-
ment d'eux mesmes, ie ne vous en tiendray plus long propos: si-
non que ie vous aduertiray que vous pouuez considerer par ce
dict trait quelle seroit & comme se porteroit vne voute sur ces
trois passages & deux entrées, qui se trouueroient moult estran-
ges & fort belles à voir pourueu que le tout fust bien conduict.
Vous aduisant qu'il seroit encores plus bigearre & malaisé à faire
qui le voudroit conduire suyuant la droicte ligne HI, ou bien
les deux autres circonferences au contraire de celles de A B, qui
sont du costé de dedans. Et pour-autant que vous le pourrez fort
bien cognoistre & iuger par la figure & trait de cy dessous, ie ne
vous en feray plus long discours: sinon que vous serez aduertis
que i'ay fait la figure en assez grand volume, pour mieux com-
prendre les panneaux qui y sont marquez, vn peu grandelets, à fin
que quand vous voudrez prédre le compas, & le presenter dessus
le trait, il vous soit facile de cognoistre iustement comment ils
sont faits. C'est doncques vne voute sur trois entrées ou passa-
ges, ainsi que vous voyez de A à B, de R à S, & de T à V. Ce qui
les separe, c'est le pilier que vous voyez par le milieu marqué X.
Vous pouuez cognoistre par cecy comme telle façon de trait
est propre pour se pouuoir seruir d'une grande tour, & accommo-
der quelque grand bastiment quarré à vn passage, seruant pour
entier en vne cour ronde si vous voulez, ou quarrée, & de l'autre
costé pour entrer en vn corps d'hostel. Vous cognoistrez par ce
peu de discours, que si les choses proposées sont bien entendues,
lon ne donnera iamais conseil d'abattre les grands & vieux cha-
steaux, quelques difformes qu'ils soient, pour autant qu'on les
pourra fort bien accommoder & faire seruir. Lon se peult en-
cores seruir en diuerses sortes de telles façons des trois entrées
en vne seule, non seulement pour portes, mais aussi pour ponts,
ausquels il fault faire de grandes arches par le dessous: pareille-
ment par dessus au second estage des maisons pour oster la subie-
ction de quelque corps d'hostel: comme si y en auoit vn qui fust
planté suyuant la ligne EF, & de l'autre costé y eust vn corps
d'hostel qui fust tourné comme vous monstre la ligne CD. Ces
deux corps d'hostel s'assemblent & touchent par l'angle de G. Du
costé de la ligne circulaire & concaue marquée A B, ie suppose
que


que ce soit vne cour toute ronde, ou ouale, & en ce qui demeure entre les deux corps d'hostel & la cour (qui est quasi en forme de triangle ayant vn angle droit au lieu marqué G) vous puissiez eriger par le dessus vne vis ou escalier pour seruir à monter au troisieme estage, ou bien pour faire vn passage pour aller d vn corps d'hostel à l'autre, ou y dresser vn cabinet, ou garde-robe pour accommoder lesdicts corps d'hostel: ou bien, qui vou droit pour augméter & croistre la place par dessus lesdictes trois entrées d'une toise, de deux, de trois ou plus qu'elle n'est surpendue en l'air du costé de ladicte cour qui est ronde, & non seulement au droit desdictes trois entrées, mais encores tout autour de la cour, suyuant sa forme circulaire, A B, comme nous auons dict, toute ronde ou ouale, & d'aussi grande saillie & surpente en l'air que lon pourra eriger par le dessus vne gallerie de la largeur de deux ou trois toises & plus, si vous voulez, qui continuera tout autour de la cour, tout ainsi comme vn peristyle, le tout selon le lieu & capacité que pourroit auoir ladicte cour ronde & circulaire, sous quelque forme que vous desirerez, ou que vous aurez affaire, & sans y mettre piliers ne colonnes pour le soustement du deuant, portant telles voutes de surpente & gallerie, qui ne se soustiendra que sur les murailles des corps d'hostels qui feront à l'entour, iacoit qu'elles soient plantées en telle difformité qu'on les y pourroit trouuer. La chose est facile à ceux qui entendront les traicts. Telle façon de faire gallerie surpendue autour d'une cour, est propre pour moins occuper ladicte cour, & aussi pour donner plus de clarté au premier estage, & pour accommoder quelque vieil chasteau qui est difforme, ainsi qu'il sen voit plusieurs qui sont si mal façonnez que lon ne scauroit quasi dire de quelle forme ou figure ils sont. Mais de ce propos sera assez.

*Application
du traitt pre-
cedent à di-
uers ouurages
& diuerses
choses.*

*Commodité
en l'usage de
la gallerie sur-
pendue, au-
tour d'une
cour.*

LIVRE III. DE L'ARCHITECTURE





P. ij

LIVRE III. DE L'ARCHITECTVRE

*Comme on peut faire en autre sorte sur la forme d'un triangle
equilateral trois entrées ou trois portes, estans les
voutes reduictes en vne seule porte.*

CHAPITRE XVIII.



*Figure de
trois portes
fort estranges
et bigearres.*

*L'industrie,
esprit & ar-
tifice de l'Ar-
chitecte se mō-
stre en choses
difficiles.*

*Plusieurs en-
trées se pou-
voir faire en
vne seule, sur
quelques figu-
res qu'on vou-
dra.*

ESTANT sur le propos des trois entrées, ie vous en ay bien voulu monstrier icy encores vne autre de laquelle vous pouuez ayder se presentant le lieu & necessité. Si doncques la cōtraincte estoit telle qu'il vous fallust faire trois portes, l'une pour sortir dehors, comme est celle du costé de A, en la prochaine figure ensuiuant: l'autre pour entrer en vne cour, comme du costé de B, & la troisieme pour entrer en vn logis ou cour d'office, ainsi que du costé de C, ou bien qu'on trouuast trois corps d'hostel, desquels l'angle d'un chacun vint à toucher l'endroit des lieux D E F, & que par necessité vous n'eussiez autre moien pour y entrer que par ces trois lieux A B C, tāt pour rendre commodés les logis qui sy pourroient trouuer, que pour aller aisément de l'un à l'autre, par dessus lesdictes trois entrées, que fera lors l'Architecte? Il fault qu'il y monstre son industrie & employe son bon esprit, non seulement pour sçauoir bien accommoder ces trois logis, mais aussi pour monstrier à faire les voutes de ces trois portes qui se reduisent à vne, en voute de four, si vous voulez, & plaine montée ou surbaissée. La chose fera tresfacile à ceux qui auront le moien de se pouuoir ayder des traictés, ainsi que vous le voiez par le commencement de la figure & trait que ie vous en propose cy dessous, sans y auoir leuē aucunement les panneaux, pour autant que le deuant est cōme vne porte quarree, sur vne ligne droicte, toutesfois ronde par le dessous: & le dedans, comme vne voute de four sur la forme du triangle equilateral, s'accommodant avec les arriere-vousures des portes. On peut faire par ce moien & artifice non seulement trois entrées en vne seule, mais encores cinq, six, ou sept, & tant que vous voudrez, soit sur quelques formes & figures qu'on puisse penser, rondes, ouales, octogones, ou autres. S'il vient à propos ie mōstreray les plans & traictés des voutes sur la forme du triagle equilateral, & d'autres sortes: n'y oubliant plusieurs façons de voutes, quarrées, oblongues & spheriques, n'aussi les hexagones, biaises, rampantes, & de toutes autres formes qui se peuēt presenter, & desquelles on a quelque fois grand affaire. Mais craignant d'estre trop prolix en ce discours, ie luy donneray fin, apres vous auoir presenté la figure mentionnée & descrite au present chapitre.


Pour


Pour mettre fin au present traicté des voutes pour les portes, & arches des ponts, desquelles ie pourrois encores proposer vne infinité de chapitres, ie ne diray pour faire triple porte, mais aussi quadruple, & en tel nombre que lon en auroit affaire, & toutes ensemble voutées, soit par voutes d'arestes, ou voutes de four, ou surbaissées, & encores par voutes reiglées, & quasi droictes, comme sont celles que i'ay faict faire à Fontainebleau au premier estage du pavillon sur l'estang, auquel lieu on deliberoit mettre par le dessus, le cabinet de la maiesté du feu Roy Henry. On peult aussi faire telles voutes de portes pour seruir à faire arches de ponts en forme de S, ou autres figures rondes & creuses par le deuant, & autant de l'autre costé. Et encores les faire rempantes comme qui voudroit monter par dessus vne riuiera, & de là au dessus d'une montaigne pour y cōduire des eauës, ou y faire chemins. Bref qui entend telle façon de traicts Geometriques il ne demourera iamais en arriere, & ne luy sera proposé chose quelle qu'elle soit qu'il ne trouue l'inuention de la faire, ie dy de façon si estrange, que ceux qui ne l'entendent diront tousiours que c'est chose impossible. Mais de ces matieres icy ie ne tiendray plus long propos, à fin de passer au liure suyuant, auquel nous parlerons d'autres sortes de traicts & voutes qui seruent pour l'inuention, structure & conduicte des trompes de diuerses façons & surpendues en l'air, à fin de m'acquitter de la promesse que i'en ay faicte, & desirer accomplir, moyennant la grace de Dieu.

*Multipli-
ré & varié
de portes &
arches pour
ponts.*

*Preparatifs
& approches
pour le qua-
trieme liure
suyuant.*

LIVRE III. DE L'ARCHITECTVRE





LE QUATRIEME LIVRE

DE L'ARCHITECTVRE DE PHILIBERT

DE L'ORME, LYONNOIS, CONSEILLER ET

Aulmosnier ordinaire du Roy, Abbe de

sainct Eloy lez Noyon, & de

S. Serge lez Angers.

Prologue accompagné de plusieurs bons aduertissements.



V liure precedent i'ay monstré comme lon doit faire les bonnes caues, avecques leurs voutes & descentes, pour y pouuoir aller commodément: le tout estant accompagné d'une certaine doctrine & pratique des traicts Geometriques necessaires pour tel affaire, cōme aussi pour la structure & façon des portes voutées tant biaises que droictes, sans y auoir omis les ouuertures & soupiraux desdictes caues pour leur dōner tel air & clairté qu'il conuient. En apres i'ay monstré le moien de se pouuoir ayder des maisons incōmodes, vieilles & mal-faictes, pour les approprier & accommoder avec les bastiments neufs, & rendre cōmode, salubre & habitable, ce qui estoit incommode, insalubre & inhabitable: sans toutefois abatre, ruiner ou demolir les vieux bastiments, comme trop legerement & inconsiderément font faire ceux qui n'entendent l'artifice des traicts Geometriques, & par leur ignorance ordonnent inconuenient faire tout de neuf. Pour doncques pouuoir cy apres remedier à telles erreurs & indiscretions, ie vous ay monstré plusieurs sortes de traicts Geometriques, pour diuerses portes & voutes partie biaises, partie droictes, & pour d'autres faictes en biais passe, comme l'appellent les ouuriers, d'autres en biais par doiles, & autres en biais par teste. Ce que aussi vous pouuez encores faire

Discours & recapitulatiō des principaux points du liure precedent.

L'ignorance des traicts geometriques estre cause de n'accōmoder les vieux logis avec les neufs.

LIVRE IIII. DE L'ARCHITECTVRE

en talus, fil est de befoing. l'ay d'auantage monstré la façon des voutes & portes quand on seroit contrainct de les faire sur les coings & angles des maisons, (ou bien sur vne tour ronde) estant rondes par le deuât, creuses par le dedás & voutées par le deffous, d'autres sur la forme ronde, qui se trouuent biaises par lignes circulaires & obliques: & encores d'autres qu'on peut faire moitié droictes & moitié rondes par le deuant sur vn angle obtus: & deux ou trois entrées & portes en vne seule. Le tout se conduisant par le moien des traicts Geometriques qui ne seruent seulement pour faire lesdictes portes & voutes, mais aussi pour construire grandes arches & voutes pour ponts & passages, & autres œuures que vous pourrez auoir à faire. Bref, ie vous ay decouuert & monstré sous l'artifice desdicts traicts plusieurs beaux secrets en l'Architecture, ainsi que vous le pourrez de mieux en mieux cognoistre tant par le discours du present œuvre que par l'experience que vous en ferez, qui est maistresse trescertaine des choses incroyables & incertaines. Qui me fait bien auer dire que l'Architecte qui aura cognoissance desdicts traicts, ne scauroit prendre excuse qu'il ne puisse trouuer vne infinité de belles inuentions, & faire choses qui surpasseront l'opinion, engin & scauoir de plusieurs qui attribuent le nom & tiltre d'Architecte, n'y omettât suffisantes raisons accompagnées de propres demonstrations, pourueu qu'on les vueille entendre & recevoir en paiement. Et seront lesdictes demonstrations extraites de Geometrie, la plus subtile, plus ingenieuse & plus inuentiue de toutes les disciplines, & quatre sœurs Mathematiques, ainsi que Casiodore les appelle: car elle prend son commencement de choses manifestes, & signamment d'Arithmetique, qui est tant necessaire pour tous estats, qu'avec grande raison les hommes bien aduisez la font apprendre à la ieunesse. Ce que ie loue grandement, & serois bien d'aduis qu'on fust encores plus soigneux de faire apprendre avec la theorique & pratique de ladicte Arithmetique, les principes de Geometrie, & que toutes sortes d'estats des le plus grand iusques aux plus petit entendissent bien les deux susdictes disciplines. Car il n'y a science, ny art mechanique, ou mestier quel que vous le sçachiez donner, qui ne sayde & tire quelque prouffit & vsage d'Arithmetique & Geometrie: qui sont si excellentes entre toutes les autres disciplines, qu'elles rendent les hommes subtils & ingenieux à inuenter plusieurs choses singulieres & prouffitables pour le bien public. l'auois grand desir au commencement du deuxieme liure precedent (auquel i'ay monstré plusieurs petites reigles propres pour traïsser les fon-

*La pratique
des traicts
estre grande
& contenir
plusieurs se-
crets.*

*Les quatre
parties des
Mathemati-
ques estre ap-
pellées sœurs
par Casiodo-
re.*

*Arithmeti-
que & Geo-
metrie estre
necessaires à
tous estats.*

dements sur la terre) de pouuoir escrire quelque chose des proportions & façons de mesurer toutes superficies & corps spheriques, par le moien de ladicte Arithmetique & Geometrie: ou i'eusse prins plaisir de monstrier pour le moins leurs principes, mais considerant que telle matiere est vn peu longue, & que la traictant ie ne suyurois le droict fil de nostre entreprinse d'Architecture, & aussi que plusieurs font profession d'enseigner fort doctement telles sciences, pource est-il que ie m'en suis bien voulu deporter. Certainement l'Arithmetique est tant excellente & vtile, que ie ne la vous scaurois assez louer: comme aussi la Geometrie, qui donne mille subtiles inuentions à ceux qui l'entendent, & la scauent bien pratiquer & accommoder avecques ladicte Arithmetique. Lesquelles deux bien conioinctes & accouplées, esucillent les esprits, & donnent moien de trouuer les secrets de beaucoup de choses incogneuës, soit par nombres, lignes, ou autrement, suyuant les preceptes & traditions de l'une & l'autre discipline. En quoy ie n'omettray les figures superficielles, pleines, & corps solides, n'aussi les cubes composez de quatre faces, ou superficies quarrées, comme i'ay dit au commencement du deuxieme liure en parlant des racines quarrées & cubiques, ainsi que pourroit estre le nombre de 729, qui prouient de 9, lequel estant multiplié par soy, fait 81 en sa plaine, & 81 multipliez par 9, font le cube de 729. Mais pour autant que i'ay quelque peu parlé de cecy, audit liure, i'en laisseray le propos, à fin de pouuoir continuer la description, doctrine, demonstrations, & pratique de nostre Geometrie des traicts. Vous auisant que ceux qui voudront bien considerer ce que i'en ay escrit & escriray cy apres, pourront aussi aisément accommoder l'usage desdicts traicts aux corps pyramidaux & spheriques, qu'aux trompes, & toutes sortes de faillies qui sont surpendues en l'air, soit pour porter cabinets, pour montées, chambres ou autres choses, ainsi que i'ay dict ailleurs. Ce qu'on pourra aussi pratiquer sur vne forme ronde, comme sur vne colomne, ou sur vn obelisque tout quarré, ou bien sur vne pyramide. De sorte que quand vous les voudrez couper, vous le pourrez faire suyuant les lignes obliques & circulaires, ou telles que vous les voudrez imaginer dans lesdictes pyramides, pilliers quarrez, & colomnes, tout ainsi comme si vous les desiriez faire de plusieurs pieces. Telle chose est propre pour eriger les surpendues que nous appellons trompes, & aussi pour toutes sortes de voutes qui se peuuent trouuer apres les figures spheriques, comme celles qui sont toutes rondes surbaissées, ou vn peu plus poinctues que leur rotondité. Par la mesme doctri-

*Digestion
sur les louen-
ges & excel-
lences d'Arith-
metique &
Geometrie.*

*Demonstra-
tion du cube
& racine cu-
bique.*

*L'usage de
la Geometrie
des traicts
estre incom-
prehensible.*

LIVRE IIII. DE L'ARCHITECTVRE

ne vous pouuez mettre vne boulle en plusieurs pieces, & y trouuer vn quarré ou cube, ou vn triangle, & autres formes ou les angles touchent l'extremité de la circonference. Vous rendrez aussi les cubes concaues & creuz pour leur faire porter telles sortes de voute que vous voudrez, mettant en apres tout cela en plusieurs & diuerfes façons de pieces: & pourueu que les commissures prouiennent du centre, c'est à dire qu'elles soient couppées suyuant la ligné qui vient du centre dont est tirée la circonference de la forme spherique, vous ferez vn œuure qui se soustiendra & portera en l'air sans aucun dâger de tomber. Les raisons de cecy seroient autant longues & difficiles à demonstrier, que reduire

La quadrature du cercle auoir tourmenté de grans esprits, pour sa difficulté.

le quarré en forme ronde, ou bien quarrer le rond, laquelle chose a trauaillé plusieurs excelléts esprits. Quoy que soit, la pratique de ce traict vous sera monstrée cy apres, le mieux qu'il me sera possible de faire, mais non si familièrement que ie voudrois, pour-autant que l'inuention en est fort subtile, & que plusieurs traicts de Geometrie y sont requis, desquels il seroit plus facile monstrier la pratique, que de les enseigner, voire de pouuoir excogiter & penser d'ou en procedent les raisons. Je adiouteray que les choses escrites ne donnent tant de delectation, plaisir & instruction, pour en retirer quelque fruiet & prouffit, que celles qui sont pratiquées & monstrées au doigt, ainsi qu'il se cognoist aux traicts de Geometrie, lesquels ie vous propose, sans iamais auoir entendu qu'il en ait esté escrit aucune chose, soit par les Archi-

Les traicts de Geometrie n'auoir esté accommodés à l'Architecture par aucun des anciens ou modernes iusques au temps de l'auteur.

tectes anciens ou modernes. Qui me faict croire que lesdicts traicts n'ont esté encores gueres cogneus, & que la matiere est fort difficile à pratiquer & mettre en œuvre. Qui est cause que mal-aisément on les peult enseigner par liure & escriture. Laquelle chose me pourra excuser, si en tout ce discours ie ne les puis si bien expliquer & faire entendre, comme ie voudrois & desirerois: iâçoit que ie m'y employe de tout mon pouuoir & petite capacité d'esprit. Mais vous sçauiez que toutes nouuelles escritures & inuentions ne sont iamais sans grande difficulté & labeur. Cecy proposé nous ferôs fin au present prologue, à fin d'entamer ce quatriesme liure: auquel, Dieu aydant, nous enseignerons la pratique tant des trompes (ainsi que les ouuriers les nomment) que des voutes modernes & autres, comme aussi des montées, des vis, des escaliers, & plusieurs autres choses accompagnées d'un grandissime plaisir & prouffit: ainsi que vous le cognoistrez apres auoir diligemmēt leu & releu le present œuvre.

*De la voute & trompe que i'ay ordonné & faict faire au
chasteau d'Annet pour porter vn cabinet à fin de l'ac-
commoder à la chambre ou logeoit ordinaire-
ment la maiesté du feu Roy Henry.*

CHAPITRE I.



Oicy le lieu fort commode pour me descharger de la promesse que i'ay faicte en noz liures, De la nouvelle inuention pour bien bastir & à petits frais, c'est de descire & monstrier le traict de la trompe qui est à Annet au chasteau de feu madame la Duchesse de Valentinois. Laquelle trôpe fut faicte par vne contraincte, à fin de pouuoir accommoder vn cabinet à la chambre où le feu Roy Henry logeoit estant audit chasteau. La contraincte y estoit pour n'auoir espace ou lieu pour le faire au corps d'hostel qui ia estoit commence, ne aussi au vieil logis qui estoit faict: de sorte qu'on ne trouuoit rien à propos en ce lieu pour faire ledict cabinet. Car apres la salle estoit l'antichambre, puis la chambre du Roy, & aupres d'elle, en retournant à costé, estoit en potence la garderobbe. Voyant doncques telle contraincte & angustie du lieu, & outre ce cognoissant qu'il est necessaire & plus que raisonnable d'accompagner les chambres des Roys & grands Princes & seigneurs d'un cabinet, (à fin qu'ils se puissent retirer en leur priué & particulier, soit pour escrire ou traicter des affaires en secret; ou autrement) ie fus redigé en grande perplexité, car ie ne pouuois trouuer ledit cabinet sans gaster le logis & les chambres, qui estoient faictes suyuant les vieux fondemens & autres murs que lon auoit commencez premier que ie y fusse. Or qu'aduint il: ie dressay ma veuë sur vn angle qui estoit pres la chambre du Roy par le dehors, du costé du iardin, & me sembla estre fort bon d'y faire vne voute suspendue en l'air, à fin de plus commodément trouuer place à faire ledit cabinet. Ce qui fut faict; estant la voute en forme de trompe, à fin de la rédre plus forte pour porter les maçonneries & charges qu'il falloit mettre par le dessus, pour fermer de pierre de taille ledit cabinet, & le couurir encores d'une voute de four, estant aussi toute de pierre de taille, sans y mettre aucun boys. Le tout se trouua de telle grace & façon que vous le pouuez iuger par la figure qui en est cy apres representée. En laquelle vous voyez que la voute de la trôpe, n'est point seulement ronde par le deuant, mais porte encores des saillies en façon de niche, ainsi qu'il se voit par le deuant, au lieu où sont erigées les

*Liure de l'au-
teur imprimé
parcy deuant.*

*Les chabres
des Roys de-
uoient estre ac-
compagnées
d'un cabinet.*

*Inuention de
l'auteur en
chose fort com-
traincte.*

*Declaration
de la figure
ensuyuant.*

LIVRE IIII. DE L'ARCHITECTVRE


trois fenestres dudit cabinet. D'avantage par dessous ledit cabinet on voit comme la moitié de la voute est rempante, à fin de gaigner vne veuë en forme ouale pour donner clairté à vne vis qui est de l'autre costé, au lieu marqué P, qui rend la trôpe beaucoup plus difficile. Et pour la forme estrange qu'a ceste voute de trompe, on voit la moulure, qui est autour par le deuant de ladi-

*Explication
des singulari-
tez de la trô-
pe.*

cte trompe racourcie, ralongée & rempant, autour d'icelle voute, qui est vne chose admirable à voir, & digne d'y cōsiderer comme la nature du trait conduit ce degauchissement si estrange. Ce que ie laisse à penser & voir à tous de bon esprit & sain entendement, car ils pourront facilement iuger, tant de la matiere, que de la forme de tout le cabinet, comme aussi des fenestre., & de la voute à four qui est par dessus, avec les corniches, & autres ornemets, quel est l'œuvre & ouvrage. Lequel ie descrirois plus au long, n'estoit que ie crain qu'aucuns pourroient penser & dire que ie le fais plus par iactance, qu'autrement: à fin d'en prendre gloire, laquelle ie remets & rend à celuy à qui elle appartient, & d'ou procedent toutes choses bien faictes, plus tost que par le moien des hommes. Doncques ie vous veux bien protester que

*L'auteur n'es-
crive pour gloi-
re, mais bien
pour enseigner
les ignorants.*

ce que i'en escriis ne tend à autre fin qu'à iustruire & apprédre les hommes de bonne volonté, & signamment les ignorants, auxquels ie desire de bon cueur communiquer le talent lequel Dieu m'a liberalement donné en ce peu de cognoissance que i'ay de l'art d'Architecture. Mais pour reprendre le propos delaisé, vous ferez aduertis que ie vous ay seulement mis en ce lieu la montée & forme dudit cabinet du Roy, ainsi qu'il se voit par le dehors, Cy apres vous verrez le plan de la trôpe & faillie dudit cabinet.



LIVRE IIII. DE L'ARCHITECTVRE

*Le plan de la trompe & saillie du susdict cabinet du Roy
estant suspendu en l'air, & comme il fault faire voutes
& trompes semblables. CHAP. II.*

*La voute
de la trompe
d'Annet est
sur vn angle
droict.*



*Ce mot de trompe
n'estre en-
tendu de sous.*

*Trompes se
pouuoit faire
de quelque for-
me qu'on s'au-
roit penser.*

La voute de la trompe, sur laquelle est erigé le sus-
dit cabinet du Roy à Annet, est sur vn angle
droict, ainsi que vous le voiez en la figure suiuant
aux deux murailles marquées GH, estant le tout
suspendu en l'air, comme vous le pouuez iuger
du plan designé par les marques ABIDFC,
sous vne forme ronde par le deuant, sinon qu'au milieu & par les
costez aux lieux marquez IDF, se trouuēt trois fenestres en fail-
lie outre la forme ronde & en façon de niche, toutesfois portant
par le dessous la forme de la voute de la trompe, comme vous l'a-
uez cogneu par la montée cy-deuant proposée, & le pouuez aus-
si iuger par son plan ensuiuant, lequel i'ay voulu faire de forme
estrange pour rendre la trompe de la voute plus difficile, & belle
à voir. Mais voirement plusieurs pourrōt demander que ie veux
dire & entendre par ce mot de trompe, pour autant qu'il n'est
vsité sinon qu'entre les ouuriers, & par consequent cogneu de
peu de personnes, & mesmes d'aucuns nouueaux ouuriers. Qui
est cause que ie le veux bien declairer, & aduertir le lecteur qu'il
me semble que le nom de trompe, duquel nous vsōs icy, est ve-
nu, ou bien a esté prins & vsurpé de la similitude que sa structure
a avecques la trompette, appelée en beaucoup de païs trompe.
Car l'une & l'autre estant large par le deuant, va en estroississant
par le dedans en forme d'une voute. Mais de ce propos sera assez,
à fin de faire approches à la description & cōstruction de la trom-
pe dont il est icy question pour les bastiments. Vous serez donc
aduertis qu'elle se peult eriger sur vn angle droict, obtus, ou poin-
tu, & de quelque forme que vous voudrez par le deuant, soit
droicte, quarrée à pend, cōme la moitié d'un hexagone ou octo-
gone, ou bien toute ronde. Et par ainsi vous pouuez faire trom-
pes droictes, creuses, rampātes, ou de quelque façon qu'on pour-
ra penser, selon la necessité & contraincte du lieu auquel on les
veult accommoder. Toutes sortes de voutes se peuuent faire en
forme de trompe, & toutes suspendues en l'air, sans auoir fonde-
ment par le dessous, sinon aux deux costez qui font l'angle, le
tout par vne mesme methode de trait, ainsi que vous le verrez cy
apres, & sous telle sorte qu'il vous plaira avec vn grand abrega-
ment & grand auantage de temps, estude & labour pour ceux
qui en voudront sçauoir la pratique, au regard de moy mesmes

qui l'ay appris & cogneu avec vn grandissime trauail en ma ieunesse. De sorte qu'il me cōuenoit vser d'autant de sortes de traiçts comme il failloit faire de differētes œuures & trompes. En quoy les ouuriers cy apres ne se trouueront empeschez, car du seul traiçt que ie propose, ils pourront faire toutes sortes de trompes & de surpentes creuses par le dessous: i'entend toutes façons de voutes que vous voudrez penser pour estre surpendues en l'air. Car la force & pesanteur tōbe tousiours sur l'angle; & n'a garde de sencliner par le deuant pour vouloir tomber, quand encores le tout ne seroit bien conduict. Si est ce que telle chose ne se laisse pas traicter par maistres ignorants, car il fault qu'ils soient scauants en leur art, & ayent grande experience pour mettre telles choses en œuvre. Qui sont bien d'autre façon que les surpentes des cabinets, qu'on voit ordinairement se conduire & pratiquer tant à Paris qu'en autres diuers lieux: ou lon fait des faillies, qu'ils appellent cul de lāpe, pour porter lesdicts cabinets sur les coings & angles des maisons, à fin d'accommoder les logis, & leur donner beauté & aisance: mais telle façon n'a point d'art, & moins de scauoir, car ce n'est qu'ouurage de longues pierres qui auancent l'une sur l'autre, & sont ainsi disposées par les maistres maçons, qui se cōfient à la force desdictes pierres, & le plus souuēt aux grādes barres de fer & ferrures qu'ils y mettent, & ne seruēt que de charge & porter dōmage aux bastiments, pour-autant qu'ils ne durēt tant en leur entier, cōme ils feroient sans cela. Mais les trōpes desquelles nous parlons, sont façons de voutes qu'on peult faire de beaucoup plus grande faillie & surpendue en l'air, pour gagner place sur vne cour, ou sur vne riuere: faillie, dis-ie, telle qu'on en pourroit auoir affaire, principalemēt quand elle procede de l'angle, & serige sur iceluy. Car pournē que les murailles y soient bonnes, vous trouuerez à vn besoin sur la voute de trompe lieu pour y faire vne chambre ou quelque grād cabinet, ou bien pour y eriger vne viz ou escalier, voire vne gallerie au long du mur, ou pour y gagner quelque passage, estant le tout surpendu en l'air, & ne portant qu'en l'angle & sur les costez, comme i'ay dit. Vous pouuez voir vne telle façon de petite trompe, laquelle i'ay faict faire autrefois en ceste ville de Paris en la rue de la Sauaterie, avec vn petit corps d'hostel qui est de telle grace & proportion, que ie vous en laisse à iūger pour le respect du petit lieu & peu de place qu'il contient. Le tout fut faict pour vn banquier nommé Patoillet, en faueur de quelque plaisir qu'il m'auoit faict de son estat & vacation. Qui fut cause que ie prins la peine de monstrier à ses ouuriers les traiçts; mesures, dessieing & artifice

*Grande force
des voutes et
trompes sur-
pendues en
l'air.*

*Des faillies
appelées cul
de lampe.*

*Trompes de
grande faillie
& surpendue
en l'air.*

*Façon de trō-
pe de l'inuen-
tion de l'au-
teur, en la rue
de la Sauate-
rie à Paris.*

LIVRE III. DE L'ARCHITECTURE

*Deux sortes
de trompes or-
données à Lyon
par l'auteur.*

*Voyage de
l'auteur en
Italie, & à
quelle fin en-
trepris.*

*Déclaration
de la trompe
du chasteau
d'Annet.*

qu'il falloit garder, pour ce fait. L'en ay aussi ordonné & conduit long temps y a deux autres à Lyon beaucoup plus difficiles, & d'assez grande saillie, veu le petit lieu ou elles sont, & aussi que l'une est biaise, rempante, soubaillée & ronde par le deuant: l'autre estant à l'angle opposite fut faite en sa pleine montée, ronde par le deuant & de grande saillie. Sur chacune desdictes trompes furent erigez des cabinets accompagnez de galeries d'une trompe à l'autre: le tout estant surpendu en l'air, à fin de seruir pour aller d'un corps d'hostel à l'autre, & accommoder les cabinets pour les chambres. Laquelle chose rend ces deux logis fort aisez & commodes, qui estoient autrement tresmal à propos & fort incommodes, pour n'y pouuoir rien construire, à cause de la cour qui estoit fort estroicte & longue: comme aussi le logis de grande hauteur, qui me fit trouuer telle inuention. Vous verrez sur ladicte trompe vn ordre Dorique & Ionique, desquels ie laisse le iugement à ceux qui les contempleront & qui sy entendront. Je fis faire tel œuure l'an 1536, à mon retour de Rome & voyage d'Italie, lequel i'auois entrepris pour la poursuite de mes études & inuentions pour l'Architecture. Les deux susdictes trompes furent faites pour le general de Bretagne monsieur Billau en la rue de la Iuifrie à Lyon. L'en ay depuis assez commandé & ordonné faire en autres sortes, & sous tel nombre que ie serois bien long de les reciter. Pour conclusion i'ay voulu seulement nommer entre plusieurs ces deux ou trois trompes, pour autant qu'elles me semblent estre de bonne grace & tresdifficiles à conduire. Mais pour faire mieux entendre la structure desdictes trompes, & comme elles se conduisent par certaines lignes & traicts que i'appelle Geometriques, (qui se monstrent avec le rapport du cōpas, à fin de trouuer la façon de les faire avec les moules & panneaux pour couper & assembler toutes sortes de pierres ou de boys, ainsi qu'on en pourroit auoir affaire à la cōstruction des bastiments) il me semble que ie feray fort bien à ceste heure, de commencer à monstrier celles que i'ay fait faire au susdit chasteau d'Annet. Doncques les murailles marquées, G H, ainsi que nous auons dict) seruent pour le corps d'hostel, & font vn angle presque droit, au lieu de A. Desquelles si ie me fusse bien asseuré, & que ie les eusse fait faire, au lieu que la voute de la trompe a de saillie par le milieu de A à D, dix ou douze pieds, ie luy en eusse baillé vingt ou vingt & quatre, & par le deuant ie l'eusse faite en forme ouale, & d'une façon la plus estrange & la plus difficile que i'eusse peu penser: ou bien ie y eusse erigé vn cabinet dont on se fust beaucoup plus esbahy. que lon ne fait encores,


de voir

de voir si grande faillie. Mais craignant les vieilles murailles que ie trouuois faictes, & ne sçachant comme elles estoient fondées, ie me contentay de faire telles trompes & faillies de voutes avec vne mediocrité, de peur de honte & dommage. Toutesfois en faisant faire vn cryptoportique par le dessous, ie remediay non seulement à cela, mais aussi à tout le vieil corps d'hostel qui estoit tresmal fondé. Je suis bien asseuré que tous les ouuriers de ce royaume n'auoient iamais ouy parler de semblable trompe à celle que ie fis faire à Lyon, estant (ainsi que nous auons dict) soubaisfée, biaise & rempante, & quasi les trois parts de sa rondeur en faillie: ne aussi à celle que i'ay fait faire audit Annet, qui est grandement prisée par ceux qui sont de l'art: combien que fils vouloient prendre peine d'estudier, & entendre la methode que i'en escris, ie m'assure qu'ils en pourroient faire & excogiter de plus estranges. Si ie rencontre les hommes à propos, i'en feray faire d'une autre sorte, laquelle on admirera d'auantage. I'en trouuay le traict & inuentay l'artifice en ladicte année mil cinq cés trentesix, par le moyen & ayde de Geometrie, & grand traual d'esprit: lequel ie n'ay plainct depuis, ains plustost louë Dieu grandement, de ce que d'un seul traict, & seule façon de trompe, on les peult faire toutes. Le discours en seroit plus long si ie ne craignois qu'on pensast que mon dire procedast de gloire: laquelle ie ne me voudrois aucunement attribuer, mais bien la laisser à Dieu seul, auquel elle appartient, comme tout honneur & louange.

Empeschements & contrainte faire perdre la façon et inuention de beaux coup de belles choses.

L'auteur avecques grand labour et ayde de Geometrie auoir trouué l'inuention des traicts.

LIVRE III. DE L'ARCHITECTURE



La façon par laquelle on pourra entendre le traict de la Trompe du chasteau d'Annet, & leuer les panneaux pour couper les pierres applicables en œuvre quand il viendra à propos.

CHAP. III.



E vous ay dit par-cy deuant que la voute surpendue & Trôpe du chasteau d'Annet est sur vn angle droit fait de deux murailles comme vous le verrez marqué GH en la figure cy apres descrite, avec la forme de la circoferéce du deuât de ladicte trôpe, designée par les lettres CFDEB.

Il fault entendre que ladicte trompe est rempâte, c'est à dire plus haute d'un costé que de l'autre, comme la hauteur de CF, & la ligne BF, le vous demonstret: ioinct aussi que vous l'avez peu cognoistre par la figure de la montée cy-deuant proposée. Sur ladicte ligne BF, vous faites vn arc rempant comme vous le voiez figuré de sept pieces représentées par autant de nombres. Toutes-fois vous pouuez faire ledict arc d'autant de pieces que vous voudrez, car plus il y en aura, plus la voute de la trôpe sera forte, & beaucoup plus aysé à adoucir le traict. Tel arc rempant pourroit seruir si vous ne vouliez faire qu'une trompe qui fust rempante & droicte par deuant suyuant la ligne B C. Apres auoir tiré toutes les commissures dudit arc droit rempant, vous tirez les lignes perpendiculaires qui prouiennent des commissures & ioinct dudit arc rempant sur la ligne B C. comme elles y sont


*Description
& démonstra-
tion des traicts
& façon de
la voute &
trompe d'An-
net.*


marquées 8.9.10.11.12.13. & en ferez autant des autres qui prouiennent du milieu des doiles dudit arc rempant, comme de celles de 14 & 15, 16 & 17, & ainsi des autres. Cela fait vous mettez la règle sur l'angle au lieu marqué A, & de tous les nombres que ie vous ay nommez, qui sont sur la ligne B C, vous tirerez d'autres lignes, iusques à l'extremité de la trompe, comme vous voiez de 8 à 18, de 14 à F, de 9 à 19, de 16 à 20, & ainsi des autres. Apres ce il fault trouuer avec le compas la ligne droicte ralongée de tout le deuant de la trompe, par plusieurs petis rapports dudit compas. Ainsi que vous le voiez par exemple en la distance de C à 18, & de 18 à F, & de F à 0, & de 0 à 19, & de 19 à 20, & ainsi consequem-
*Poursuite &
continuation
de ce que des-
sus.*

ment iusques à ce que vous ayez trouué toute la circonference du deuant de ladicte trompe pour en faire vne ligne droicte: comme vous le voiez à la figure ensuiuant.

*Aide du com-
pas pour trou-
uer la ligne
droicte ralongée.*

LIVRE III. DE L'ARCHITECTURE





LIVRE III. DE L'ARCHITECTURE

Par mesme façon se pratiquera la figure venant apres ceste cy: qui est de la cerche ralongee & panneaux de teste par le deuant de la trompe. En laquelle vous voyez lesdicts panneaux de teste marquez *KLMNOPQR*, avec toutes leurs distances de largeur sur la ligne *CB*, marquées par mesmes nombres & lettres. Estans ainsi expediez les panneaux de teste, vous reprendrez la preceden te figure, & mettrez la poincte du compas sur le centre & angle qui est dessous *A*, & d'iceluy vous tirerez plusieurs circonferen ces par petites lignes feinctes (comme sont punctuations,) iuf ques sur la ligne *AB*, qui prouieront des nombres 8, 14, 9, 16, 10, & autres, ainsi que vous les voyez au traict. Puis sur icelle mes me ligne *AB*, vous ferez plusieurs perpendiculaires marquées aus si par semblables lignes feinctes, ou punctuations, (appelées li gnes de pente) ainsi que vous les pouuez voir en ladicte figure, & les fault trouuer en ceste sorte: Mettez vne poincte du compas au centre *A*, & tendez l'autre iusques à l'endroit de 9. & vous fe rez la circonference tumbant sur la ligne *AB*, laquelle vous mar quiez 22, sur ladicte ligne perpendiculaire *AB*. En apres vous pre nez la hauteur depuis 9, iusques à 21, au droit d'une des commif sures de l'arc droit rempant, & la portez du point de 22, à celuy de 23, aux lignes de pente: puis vous tirez vne ligne du point de 23, à celuy de 24, qui prouient du centre *A* (le tout estât tousiours marque avec petis poincts ou lignes droictes, si vous voulez, qui departent dudit centre *A*, comme i'ay dict) & de celuy de 23, iuf ques au point de 24, qui se rencontre apres la ligne parallele, qui est faicte de la distance & largeur que vous voyez sur le plan de 9, à 19, sur l'extremite de la trompe: de 24, à 25, est la hauteur que vous rapporterez à la figure des panneaux de teste au lieu marqué de mesmes nombres 23, & 24, comme il se peut voir. Nous pour fuiurons encores vn autre exemple, car de mōstrer tous rapports de compas seroit chose trop longue: & aussi qui en entendra vn, les entendra tous. Vous remettrez doncques vostre compas au point de *A*, & l'estendrez iusques au point de 10, faisant la cir conference comme vous auez faict avec petits poincts iusques sur la ligne *AB*. En apres du lieu marqué 20, vous faictes vne au tre ligne perpendiculaire, ainsi que vous la voyez de 20 au point de 27, qui est la hauteur de ce que vous aurez pris sur la ligne *BC*, iusques au dessous de l'arc droit rempāt, qui est depuis le point de 10, iusques au point de 25. Cela faict vous prenez la largeur depuis le point de 10, iusques à l'extremite de la trompe, au lieu marqué 28, & en faictes vne ligne parallele apres celle de 26, & 27, comme vous voyez 29, & 30, prouenant par vne autre ligne

Demonstra tion fort bien conduicte.

Poursuite de la fabrique de la voute & trompe susdi cte.


Discours de monstratif de ce que dessus.

du poinct de A, au poinct de 27, iusques à ce qu'elle entrecoipe la ligne de 29 & 30, ainsi que vous le cognoistrez audit lieu marqué 29. Puis apres vous prenez toute la hauteur sur ladicte ligne A B, au lieu signé 30 & 29, & l'apportez sur les cerches ralógées, & panneaux de teste aux lieux marquez 30 & 29. Il me semble que toutes les autres lignes & rapports du compas sont faits & marquez sur le traict si à propos, que quiconques sçaura bien trouuer vne hauteur des panneaux de teste (comme il a esté móstré ci-deuant) facilement il pourra trouuer tous les autres. Il se fault seulement souuenir qu'en mettant sur le traict & plan de la trompe precedente, la poincte du cõpas en l'angle au lieu marqué A, & l'estendant sur la ligne droicte C B, au droict de quelque hauteur que vous voudrez chercher, vous ne sçauriez faillir à la trouuer: comme quand vous mettez ledit compas du lieu de A, au poinct de 8, vous regarderez l'endroit ou tombe la ligne circulaire sur la ligne A B, comme il se voit au lieu marqué 38, duquel lieu vous tirez aussi vne perpendiculaire, ainsi que vous la voyez semblablement marquée 38, & trouuerez sa hauteur depuis le poinct de 8, iusques en la commissure de l'arc rempant, laquelle hauteur vous transportez sur lesdicts deux poincts de 38, & en tirez vne ligne, prouenant du centre A, ainsi que vous le voyez en 38 & 39. Puis vous prenez la distance du poinct de 8 à celuy de 18, sur l'extrémité de la trompe, & en faictes vne ligne parallele apres celle de 38, sur la ligne A B. Et la hauteur que vous trouuez depuis ladicte ligne A B, iusques au poinct de 39, vous la portez en la figure de la cerche ralongée, & panneaux de teste cy apres descrits, & la mettez du poinct de 18, au poinct de 39. Cela vous montre iustement la hauteur que doit auoir le panneau, & le deuant de la trompe, au lieu marqué 2. Il fault ainsi trouuer toutes les autres lignes que vous voyez designées en la figure ensuyuant, qui vous montre les hauteurs du dessous de la trompe par le deuant, suyuant lesquelles vous trouuez le pourfil de la voute de ladicte trompe. Et ainsi se trouuent tous les panneaux de teste marquez K L M N O P Q R, comme vous le pouuez cognoistre par la figure prochaine.

*Continuation
de la demon-
stration de la
figure prece-
dente & sub-
sequente.*

*Poursuite de
ce que dessus.*

LIVRE III. DE L'ARCHITECTURE




Après que vous aurez cogneu le plan de la trompe, & comme se font les lignes de pente pour trouuer les hauteurs d'une chacune chose, semblablement comme il fault faire les panneaux de teste: consecutiuelement vous pourrez voir en la figure ensuiuant (ou vous auez en escrit au milieu, Les panneaux de doile par le dessous de la trompe) comme se trouue le coussinet de ladicte trôpeau lieu marqué K, ou est escrit, Le coussinet de la trompe, & hauteur du rempant: qui est fermé entre les trois lignes A B, A C, & B C. Le premier panneau marqué L, est fermé de trois lignes, cômme vous voyez A C E, & se fait en ceste sorte: Vous retournez sur la figure du trait de la trompe, & mettez la pointe du compas depuis le point de A, iusques à celui de 18, & rapportez la distance en la figure precedente intitulée, La cherche ralongée & panneaux de teste & c. la colloquant sur la ligne C B, au point de 18, & tenant vn pied du compas ferme sur ladicte ligne, vous ouurez l'autre iusques à ce qu'il touche la commissure 2. au lieu de 39. Puis vous rapportez la distance dudit 18 à 2 sur la figure qui est cy dessous inscrite, Les panneaux de doile par le dessous de la trompe: & la mettez du point de A, iusques à celui de E. En apres vous retournez à la susdicte figure des panneaux de teste, & prenez la distance du point de D, iusques à 39, laquelle vous rap portez en la figure cy apres ensuiuant, & mettez depuis le point de C, à celui de E, qui vous monstre le premier. Le deuxieme panneau se cognoist en la lettre M, & ainsi des autres, comme vous les voyez tous ensemble en ladicte figure ensuyuant, sous vne estrange façon & marquez en teste par les lettres B C D E F G H I K L M N O P Q R: lesquelles toutes ensemblément monstrent les panneaux qu'il fault necessairement leuer, & auoir pour trafter les pierres des doiles du dessous de la trompe. Vous pouuez voir aussi au lieu marqué E G I L N P, les panneaux des ioints pour trafter les pierres au droit des commissures. Et se peult le tout bien voir aux lieux marquez 1, 2, 3, 4, 5, 6, en la figure suyuant ce petit discours.

*Continuation
de la demon-
stration de la
figure des pa-
neaux de doile
par dessous
la trompe.*

f

LIVRE III. DE L'ARCHITECTURE



Voila ce que ie deliberois vous escrire sur la demonstration & explication des trois figures precedentes. Lesquelles à fin que vous puissies mieux cognoistre & entendre ie vous en proposeray encores quatre pour le mesme fait, qui vous conduiront à plus facile intelligence & cognoissance de tout.

Autre figure & demonstration du plan & traict de la trompe du chasteau d'Annet: avec les lignes de pente, lignes ralongées & panneaux de doiles, ou vous auez la façon comme il fault faire & trouuer tous les panneaux de doile, de teste, & de ioincts: avec vn abregé bien intelligible pour coupper les pierres d'une trompe semblable à celle qui est audict chasteau d'Annet.


CHAPITRE IIII.



Vous voyez à la premiere figure subsequente le plan & traict de la trompe d'Annet semblable à celui que vous auez veu cy-deuant, fors que les lignes de pente sont en vne figure à part. Ce que i'ay voulu faire, à fin de plus familièrement enseigner le tout: craignant qu'il ne fust assez entendu par le precedent discours. Doncques nous reprédrons les lignes de pente pour faire les panneaux: & vous souuiédrez de ce que ie vous ay dit cy-deuant, c'est que sur la ligne B C, il fault tirer les lignes perpendiculaires qui prouiennent des ioincts & du milieu des doiles, autant le dessous que le dessus, comme vous le voyez pratiqué à la ligne du ioinct de 21 au poinct de 6, sur la ligne B C: semblablement de 20 au poinct de 4, de 19 au poinct de 3, de 18 au poinct de 2, & ainsi de toutes les autres lignes perpendiculaires sur la ligne C B, comme vous le voyez en la figure cy apres. Cela fait vous mettez la reigle sur le poinct de A, & en tirez des lignes iusques à l'extremité de la trompe, ainsi que de 2 à 12, de 3 à 13, & consequemment de toutes les lignes perpendiculaires, comme vous l'apperceuez en discourant & iettant vostre veüe sur la prochaine figure.

*L'auteur esli-
dier à s'expli-
quer familiè-
rement.*


LIVRE III. DE L'ARCHITECTVRE



2^e plan et traict de La
Trompe d'Annet

Après auoir faict ce que dessus, il est question de trouuer la ligne ralongée, qui est vne ligne droicte qui contient autant de longueur que toute la circonference du deuant de la trôpe, & se prent par petis rapports de compas, ou il fault marquer l'endroit du perpendicule des commissures & ioincts, ainsi que vous le pouuez cognoistre par la ligne ralongée en la figure ensuiuant: laquelle ie ne descris plus amplement pour autant que vous l'aurez assez entendue par le discours de celle que nous en auons fait cy-deuât en la figure de la cherche ralongée & panneaux de teste.

*Que c'est que
ligne ralongée,
& de son in-
nomination.*



LIVRE IIII. DE L'ARCHITECTVRE


Les lignes de pente se prennent en ceste sorte, pour trouuer les hauteurs du cyntre & panneaux de teste. Vous presentez le cōpas sur la figure du plan cy-deuant proposé, & ce que vous trouuez du poinct de A à celuy de 3, vous le portez sur la figure des lignes de pente cy après descrite, & le mettez aussi de A au poinct de 3, & à l'endroit vous tirez vne ligne perpendiculaire, sur celle de A B. Ce faict vous prenez la hauteur sur le plan de la figure precedente, du poinct de 3 à celuy de 19, laquelle vous marquez au lieu de D en ladicte figure des lignes de pente. Apres ce vous tirez vne ligne du poinct de A à celuy de D, tant lōgue que vous voulez, & retournez sur le plan precedent pour prédre la distance du poinct de 3 à celuy de 13, qui est sur l'extremité de la trompe, laquelle distance vous portez de rechef à la ligne de pente, comme vous le voyez de 3 à 5, & tirez vne perpendiculaire qui est parallele à celle de 3 & D, & là ou elle entrecoupe la ligne de pente au lieu de 13, vous prendrez ceste hauteur de 5 à 13, & la porterez sur la figure des lignes ralōgées, la mettant depuis le poinct de 13, iusques au poinct de D, qui vous montre la hauteur & l'endroit ou doit tomber perpendiculairement le second ioinct que vous voyez marqué 19 en la deuxieme figure du plan de la trompe, & se trouue sur le couffinet, comme vous auez entendu par les premieres figures cy-deuant. Et à fin que vous le puissiez bien retenir nous proposerons encores vn autre exemple. Remettez le compas sur le plan du poinct de A au poinct de 2 sur la ligne C B, & apportez telle distance en la figure des lignes de pente, la mettant sur la ligne de A au poinct de 2, & tirant vne perpendiculaire sur la ligne A B. Cela faict vous retournerez à la figure du plā, & prédrez la hauteur depuis le poinct de 2 iusques au poinct de 18, & la rapporterez sur les lignes de pente, puis la mettant du mesme nombre de 2 à 18, tirerez la ligne de pente du poinct de A audit 18, tant longue que vous voudrez. Apres vous tirerez vne autre ligne parallele, & de telle distance comme vous la voyez au plan, du poinct de 2 à celuy de 12, tousiours sur l'extremité de la trompe, & la rapporterez à ladicte ligne de pente, pour faire vne parallele à celle de 2 & 18, ainsi que vous voyez 12 & C. & ou c'est qu'elle entrecoupe la ligne de pente au lieu de C, vous prendrez la hauteur comme de C à 12, & la porterez en la figure des lignes ralongées, ainsi que vous le voyez marqué de 2 & C. Cela vous montre iustement la hauteur pour faire les cerches ralongées, & panneaux de teste. Ainsi se trouueront toutes les autres lignes, cōme vous voyez celle de Q & 6, & de S & 10. Mais notez que vous ne trouuerez seulement le dessous & pourfil de la trompe, ains

*Declaracion
En demon-
stration bien
ample de la
figure ensuy-
uante.*

*L'auteur ex-
demēt de s'irer
de se pouoir
faire bien en-
tendre.*

*Continuation
de la demon-
stration des
figures pour
la trompe de
Annct.*

aussi le dessus pour la largeur des panneaux de teste, & mesmes pour les panneaux des ioincts, comme plus amplement vous le cognoistrez cy apres, & l'avez aussi peu comprendre par cy-deuant.



Pour montrer cōme apres cecy vous trouuerez les panneaux des doiles, tant pour le deffoubs que pour le dessus, nous auons

LIVRE IIII. DE L'ARCHITECTVRE

*Pour trouver
les panneaux
de teste, tant
pour le des-
sous que des-
sus.*

adiousté la figure qui est cy apres intitulée au dedans, panneaux de doile. Mais il fault tousiours vous ayder de la figure du plan, & aussi de l'autre figure qui l'ensuit, avecques telle escriture, Panneaux de teste, ou bien, lignes ralongées. Tout premierement doncques, à fin de faire le coussinet, vous prenez sur le plan, ce qui est du poinct de A à C, & portez la distance en la figure des panneaux de doile cy apres descrite: laquelle distance vous mettez de A au poinct de E, & en tirez vne ligne: puis vous colloquez la mesme distance sur la ligne de CB, tenant vne poincte du compas au lieu de C, & l'autre demeurant ferme sur ladicte ligne, s'estendra iusques à ce qu'elle touche le poinct de F, à la ligne perpendiculaire CF, & la distance y estant prinse, sera portée aux panneaux de doile, & mise du poinct de A à celuy de F, duquel sera tirée vne autre ligne & prinse la hauteur du coussinet à ladicte figure du plan, comme de CF, laquelle sera aussi portée à la figure des panneaux de doile depuis E iusques à F, pour en tirer la troisieme ligne, qui monstre le panneau du coussinet de la trompe, c'est à dire la premiere assiette des pierres de la voute de la trompe qui est à pied droit, & monstre la hauteur de son rempant.

*L'auteur se
explique par
plusieurs for-
mes d'exemples
& démonstra-
tions.*

Nous ferons encores par forme d'exemple vne autre demonstration pour trouuer le panneau de la seconde assiette, & aussi pour voir comme on se peult ayder des panneaux de teste. Vous reuiendrez doncques au plan & remettrez vostre compas sur le centre A, l'estendant iusques au poinct de 13 iustement sur l'extremite de la trompe: cela fait vous apporterez la distance en la figure des lignes ralongées, tenant le compas par vne de ses branches sur le poinct de 13, & l'autre poinct bien fixe sur la ligne ralongée qui est A B. Puis vous ouurirez ledit compas iusques à ce que vous touchiez le poinct de D, & porterez la distance en la figure des panneaux de doile cy apres descrite, & la mettrez depuis le poinct de A iusques au poinct marqué G. Cela fait vous prendrez en la figure des panneaux de teste, la distance de D, iusques au poinct de E, & la porterez aux panneaux de doile depuis le poinct de F à celuy de G, qui monstre iustement la largeur du panneau de la seconde piece, comme vous le pouuez cognoistre par ladicte figure. Et par ainsi les trois lignes A G, G F, F A, figurent le panneau. Et pour autât que ledit panneau ne se trouue point droit par le deuant, à cause des rondeurs, il fault chercher vne autre ligne par le milieu, (comme vous la voiez marquée 2) qui se trouue par mesme moyen & façon que la dernière, & les trois poincts, comme vous voiez F O G, se trouuent avec le compas: ainsi vous faudra il trouuer ceux de G I H, & autres. Quant aux panneaux de

doile par le dessus, & panneaux de ioincts, comme ceux que vous voyez marquez 3, 5, & semblables, ils se trouuent par mesme façon & mesme methode. Qui est la cause que ie me deporteray d'en faire plus longue escripture: ioinct aussi que vne façon enseignee les autres. Si quelqu'un en doubte & desire d'en sçauoir d'auantage, fil luy plaist venir à moy, de bon cueur ie luy monstreray comme telles choses se doiuent entendre & mettre en œuvre. Mais ie veux biē aduertir le lecteur que les pierres de toutes sortes de trompes sont plus difficiles à tailler que de beaucoup d'autres sortes de traicts, pour autant qu'apres auoir fait vn parement à la pierre pour la doile de dessous, vous pouuez bien trasser son panneau iustement, mais pour les autres, comme pour les panneaux de ioincts, panneaux de teste, & aussi panneaux de doile par le dessus, gardez vous bien de les trasser pour couper la pierre du premier coup, car vous la gasteriez, & ne pourroit plus seruir. Il fault doncques oster vn peu d'vn des ioincts, & puis vn peu du costé de la teste, semblablement du costé de la doile de dessus, & ainsi consequemment vn petit de l'vn & petit de l'autre, & non point tout à vn coup, mais couppant si dextrement le tout que vous puissiez armer vostre pierre de panneaux tout autour qui se rapportent iustement & se touchent l'vn l'autre par toutes leurs extremités, tant par les ioincts que par les doiles & par le deuant, ou est le panneau de teste, car si vous n'y prenez garde, vostre pierre seroit incontinent gastée, & ne pourroit seruir. Voila ce que ie vous voulois proposer & expliquer pour les traicts de la trompe du chasteau d'Annet, à fin que vous en sçachiez ayder pour en faire de semblables. Vous pouuez estre asseurez, que si vous sçaez cognoistre ce traict icy, vous entendrez fort aisément toutes sortes de trompes. Toutesfois pour satisfaire à plusieurs gentils esprits qui appetent choses rares & ingenieuses, ie leur proposeray encores le traict de la trompe quarrée sur le coing, laquelle ie descriray familièrement pour donner intelligence de tout, ainsi qu'il viendra à propos.

*Vne façon de
traict ensei-
gner les au-
tres.*

*Instruction
pour les ou-
uriers & mai-
stres maçons.*

*L'auteur vou-
loit satisfaire
aux bons &
gentils esprits.*

Comme lon doit proceder à faire la trompe quarrée sur vn angle droit, poinctü, ou obtus, appelée des ouuriers, La trompe sur le coing,


CHAPITRE V.



Vand vous voudrez faire vne trôpe quarrée sur l'angle d'une muraille, comme vous la voyez figurée cy apres sur l'angle marqué A (qui est vn angle droit, & la faillie de la trompe toute quarrée, i'entend d'un quarré parfait estant aussi large d'un costé que d'autre, côme il se voit par les quatre angles droicts A D F E) pour y proceder vous tirerez en premier lieu vne ligne diametrale, ainsi que vous la voyez en C B, & sur icelle vous ferez la perpendiculaire A F, qui montre le milieu de la trompe. Apres cela vous tirerez vn hemicycle de la largeur du deuant de la trôpe, comme si vous la vouliez faire toute droicte suyuât la ligne C B, & procedera ledit hemicycle du centre O, ainsi que vous le voyez par D F E. Cela faict vous tirerez encores vn autre hemicycle, côme il se voit en B Y C, pour môstrer l'espeffeur de la voute, & la separation du nombre des pieces que vous y voudrez faire, qui sont icy sept seulement, ainsi que vous les voyez marquées par autant de nombres. En apres vous tirerez les commissures qui prouiennent du centre, & se peuuent voir par X Y, V Z, T &, et ainsi des autres. Consequemment vous tirerez les lignes perpendiculaires desdictes cômmissures sur la ligne C B, comme vous les voyez en X G, Y H, V I, Z K, & ferez ainsi des autres, côme aussi du milieu des doiles, tant par le dessus que par le dessous, ce que pourrez cognoistre au traiçt proposé cy apres. Ayant tiré toutes ces lignes perpédiculaires, vous mettrez la règle sur l'angle au poinct de A, & de G, desquels vous tirerez vne ligne droicte iusques à l'extremité de la trompe au lieu marqué S, & continuerez ainsi toutes les autres, iusques à l'extremité de ladicte trompe prenant tousiours, comme pour leur centre, l'angle marqué A, comme vous le voyez par A H R, A I Q, A K P, A L O, & A M, & aussi A B. Mais il ne fault tirer telles lignes que d'un costé. Vray est que si la trompe estoit plus longue d'un costé que d'autre, ou qu'elle fust biaise, ou rempante, il les conuiendroit faire de tous les deux costez, selon les perpendiculaires qui viendroient des commissures de l'arc, & ainsi que le plan de la trôpe se trouueroit, pour autant que les panneaux ne seroient tous féblables, & que ce qui est propre pour vn costé, ne le seroit pour l'autre. Tout estant ainsi bien cōduict, il fault tirer d'autres lignes à part, telles que vous les voyez en la prochaine figure.

Façon de la trompe quarrée sur l'angle d'une muraille.

Belle instruction pour la fabrique de la susdicte trompe.



Pour continuer l'instruction du fufdit traict, vous prendrez la largeur d'une des faces de la trompe cy-deuant propofée, comme de N à F, & y marquerez toutes les diftances & largeurs, ainfi que vous les voiez du poinct de N à celuy de D, & de D à M, & les pouuez remarquer cy apres en la figure qui eft pour faire les panneaux de teſte, au droit de la ligne marquée 9 & 17. Côme quoy? vous prendrez en la figure du traict cy-deuant propofée, ce qui eft du poinct de N, au poinct de D, & le porterez ſur ladicte figure des panneaux de teſte, le mettant du poinct de 9, à celuy de 10. Puis vous retournerez à ladicte figure du traict, & prendrez la diftance du poinct de D, au poinct de M, laquelle vous porterez à la figure ſuyuante & mettrez du poinct de 10, à celuy de 11, continuant d'ainſi prendre toutes les diftances ſur le traict & plan de la trompe, côme de M à O, de O à P, de P à Q, de Q à R, & de R à S, iufques à F, qui eft la poincte du deuant de la trompe. Cela faiet vous portez leſdictes diftances ſur la figure ſuyuante, & les mettez du poinct de 11 à 12, de 12 à 13, de 13 à 14, de 14 à 15, à 16, & 17. En apres vous tirez les lignes perpendiculaires ſur la ligne 9 & 17 aux endroiets que vous aurez marqué. Pour trouuer la hauteur d'une chacune ligne, & faire les panneaux de teſte pour la trôpe, vous retournez à mettre le compas ſur la figure du traict, & en icelle prenez la diftance du poinct de A, iufques à O, au droit du centre & milieu de la trompe, laquelle vous portez ſur la ligne A E, ainſi que le vous monſtrent les circonferences qui ſont faietes par petits poinets ſur le traict, puis ſur icelle ligne vous faietes vne perpendiculaire au lieu marqué 23, & y mettez la hauteur de voſtre hemicycle, comme elle ſe voit de O à F, la transportant du poinct de 23 à celuy de 38, & tirant vne ligne parallele de meſme largeur, comme vous la pouuez voir de 23 à 39, qui ſera tant longue que vous voudrez. Apres cela vous tirez vne autre ligne du poinct de A au poinct de 38, iufques à ce qu'elle entrecoupe la ligne qui prouient de 39, au lieu que vous voyez marqué 40, puis vous prenez la hauteur deſdicts 39, & 40, & la portez ſur la figure des panneaux de teſte cy apres deſcrite, la mettant du poinct de 17 à celuy de 25. Pour plus manifeſte declaratiô de tout, nous adiouterons ce qui ſenſuit. Mettez voſtre compas ſur le traict du poinct de A à celuy de I, en la figure precedente, & le marquez ſur la ligne A E au droit de 41, puis ſur icelle tirez vne perpendiculaire, comme vous auez fait cy-deuant, & prenez la hauteur du poinct de I, à celuy de V, laquelle mettez du poinct de 41, à 42. cela fait vous tirez vne autre ligne parallele à celle de la lar-

Demonſtration biẽ pour ſuiuie pour les traictẽs de la precedente trompe.

Inſtruction pour les panneaux de teſte.

L'auteur ſ'explique plus ſamilierement.

LIVRE IIII. DE L'ARCHITECTVRE


geur de I à Q, comme vous voyez que la circonference le vous monstre par les petits poinçts au lieu de 43, & la ferez si haulte qu'elle se puisse trouuer & rencontrer avec celle qui se tirera du poinçt de A à 42, se venant entrecoupper au poinçt de 44. En apres vous prendrez la hauteur du poinçt de 43 à celuy de 44, & la mettrez sur la prochaine figure des panneaux de teste, du poinçt de 14 à celuy de 21. Par mesme moyen vous pouuez trouuer toutes les hauteurs des autres parties, tant au droict des commissures que par le milieu des doiles dessus & dessous, & faire de petites circonférences, comme vous auez fait sur le traict de la trompe en la figure qui est cy-deuant, pour paracheuer les panneaux de teste, comme la circonference de O à 23, de I à 41, & celle que vous voyez marquée L: mais il fault qu'elles tombent toutes sur la ligne A E, ainsi que i'ay dit des autres circulaires cy-dessus. Sur telles lignes se doiuent tirer les perpendiculaires, ainsi que vous en voyez beaucoup de faictes en la figure du traict, au droict des lignes de pente, avec plusieurs paralleles & equidistances qui se prennent depuis la ligne C B, iusques à l'extremité de la trompe, au droit de la ligne D F, comme de L O, de K P, & ainsi des autres. Apres auoir fait telles paralleles sur les lignes de pente, vous prenez toutes les hauteurs des commissures, ou des doiles, comme de I & V, G & X, & ainsi des autres, lesquelles vous apportez depuis la ligne A E, & les marquez, ainsi que vous auez faict de 42 & 38. Et de telle marque au poinçt de A, vous en tirez vne autre aussi grande qu'elle entrecouppé la ligne parallele que vous aurez faicté: cela vous monstre depuis l'entrecouppé iusques à la ligne A E, la hauteur que vous aurez à faire pour la porter à la figure qui est cy apres des panneaux de teste. Et pource que cecy n'est quasi que vne redicte de ce que ie vous ay proposé par cy-deuant, & aussi qu'il vous sera facile de trouuer ainsi tout le reste des panneaux comme de 13 à 20, de 15 à 22, de 16 à 23, de 12 à 19, & de 11 à 18, & en tirer d'autres petites lignes, comme du poinçt de 18 à 19, de 20 à 21, & de 22 à 23. Par semblable façon vous trouuerez les autres lignes par le milieu des panneaux pour tirer les cherches ralongées pour les doiles, tant du dessus que dessous, comme vous le pouuez cognoistre par la figure des panneaux de teste cy apres descrite, en laquelle vous voyez lesdicts panneaux de teste ainsi marquez: le premier entre les quatre nombres 9, 10, 19 & 18: le second entre 18, 19, 21, & 20: le troisieme entre les quatre lignes 20, 21, 23 & 22: le quatrieme est fermé de quatre lignes 22, 23, 25 & 24, qui est la moitié desdicts panneaux de teste. Et com-

Belle & docte poursuite de la demonstration pour la figure suivant le present chapitre.

Facile inuention des lignes pour les panneaux.

bien qu'il en faille autant de l'autre costé, si est-ce que ie n'ay fait que ceux-la que vous voyez cy-dessous, pour autant qu'il suffit pour mouler & trafter toutes les pierres par leurs testes. Quant aux panneaux de doile & des ioincts, vous les verrez descrits cy apres, en la figure qui ensuyura la prochaine, en laquelle vous trouuerez escript, *Panneaux de doile*, qui sont tous marquez par lettres de chiffre, comme vous le verrez plus à plein specifié & descript cy apres.

Aduertissement de l'auteur digne de noter.




LIVRE III. DE L'ARCHITECTURE

Quant à l'inuention & fabrique des panneaux de doile par le
Panneaux de dessous d'une chacune pierre, comme pour la premiere, vous
doile par le retournerez sur le trait de la trompe proposé cy-deuant, & pren-
dessous. drez avec le compas la largeur depuis le poinct de A, iusques à
celuy de D, & la porterez sur la figure des panneaux de doile cy
apres descrite, en la mettant du poinct de 41 à celuy de 42. Puis
vous retournerez encores mettre vostredit compas sur ledit trait
de trompe, le transportant du poinct de A, à celuy de O, vers l'ex-
tremité de la trompe, & apporterez la largeur en la precedente
figure des panneaux de teste sur la ligne de 9 & 17, laquelle vous
marquerez tenant la poincte du compas au lieu de 12, sur la mes-
me ligne, & l'estendant iusques à ce qu'il touche le poinct de 19
au droict du ioinct: cela faict vous rapporterez telle longueur en
la figure ensuiuant, & intitulée Panneaux de doile, depuis le poinct
de 41, iusques à celuy de 43. En apres vous prendrez en la figure
cy dessus inscrite, Panneaux de teste, la distance qui est depuis le
poinct de 10, iusques à celuy de 19, & la porterez en la figure des
panneaux de doile, la mettant du poinct de 42, à celuy de 43. Et ou
se fera la rencontre de la ligne 41 & 43, illec iustement sera faict
le premier panneau, ainsi que vous le voiez aux lignes 41, 42, & 43.
Poursuite du Le deuxieme panneau & tous autres se leuent de mesme sorte:
moyen pour Comme quoy? retournez mettre vostre cōpas sur le trait à l'an-
leuer les pa- gle du poinct de A, au poinct de Q, & le rapportez en la figure
neaux. des panneaux de teste sur la ligne de 9 & 17, au droict du poinct de
14, & tenant le compas ferme sur ladicte ligne, estédez le iusques
au poinct de 21, & portez telle longueur ou distance sur la figure
des panneaux de doile, la mettant du poinct de 41 à celuy de 44, &
y faisant vne marque seulement. Puis prenez en la figure des pa-
neaux de teste la longueur depuis le poinct de 19, iusques à ce-
luy de 21, & la portez sur les panneaux de doile, du poinct de 43 à
celuy de 44, & ou se fera l'entrecoupeure sur la petite ligne ou
marque qui a esté faicte auparauant, de là vous tirerez vne ligne
cōme est celle de 44 à 41, & 44 à 43, & par ainsi vous aurez la figu-
re & façon du deuxieme panneau de doile par le dessous, & ainsi
des autres, lesquels vous cognoissez, & l'endroit ou ils doiuent
estre, par les chiffres, 1, 2, 3 & c: tāt aux panneaux de teste que de doile.
Les panneaux de ioinct se conduisent & trouuent par mesme
moyen: ainsi que vous les voyez marquez aux lieux de 43, 44, 45
& 46. Vous ayant ainsi monstté à tirer ce qui est necessaire tant
pour la figure du trait de la trompe, que pour celle des panneaux
de teste & panneaux de doile, il me semble que sera assez: car les
ouuriers, avec l'aide du compas, d'eux mesmes pourront facile-

Conclusion
estant accom-
pagnée d'un
beau aduer-
tissement.

104

104



iii

LIVRE III. DE L'ARCHITECTURE

*Description de la trompe qui aura vn angle obtus par le deuant
& sera la moitié ronde, & l'autre moitié droicte.*

CHAPITRE VI.

*Deliberation
de l'auteur sur
la description
de plusieurs
autres trompes.*




*L'auteur a
voir esté de-
tourné de sa
deliberation
par le conseil
des amys.*

*Declaration
des parties de
la figure pro-
posée cy des-
sous.*

Auois icy deliberé descrire bié au long plusieurs autres sortes de trompes, sous la mesme methode que j'ay pris pour celle du chasteau d'Annet, & signamment la trompe quarrée qui est cy deuant, à fin de monstrier plus particulièrement toutes ses parties, soit pour leuer les panneaux, ou pour autres choses qui y sont requises. Semblablement celle qui a vne moitié ronde par le deuant, & l'autre moitié droicte, avec d'autres qui sont creusées & concaues par le deuant, sans y omettre les doubles trompes estants l'une sur l'autre, c'est à dire telles qu'après que l'une est faicte lon en peult faire encores vne autre par dessus, à fin de gagner place pour cōstruire plus grandes chambres, voire iusques à y faire des sales qui voudroit, & sous telles formes qu'on pourroit penser, par le deuant rôdes, en talus, rempantes, biaises & autres, comme j'ay dict cy-deuant. Mais ayant esté conseillé par mes amys, qu'après auoir suffisammēt monstrier la methode, preceptes & figures de quelques vnes, ie me deuois deporter d'en vouloir descrire d'autres si copieusement, j'ay de bon cueur acquiescé à leur conseil. Parquoy ie prie les lecteurs se vouloir contenter cy apres des traicts que ie figureray pour autres trompes avec bien peu d'explication. Comme pour la subsequente (qui est pour seruir à vn angle ainsi que celuy marqué Z qui a vne moitié ronde par le deuant, cōme monstre la ligne circulaire marquée A, & l'autre droicte, sous la lettre de B. Si est ce que ie ne me puis garder pour la beauté de son traict, qui est difficile & quelque-fois fort necessaire, d'en dire quelque chose, à fin de conduire & acheminer les lecteurs à la familiere cognoissance d'iceluy. Doncques apres auoir figuré le plan de la trompe que vous voyez cy dessous, & auoir tiré vne ligne droicte par le deuant, ainsi que V O, & fait vn hemicycle par le dessus séparé & distingué en sept pieces, (comme vous les voyez par les commissures qui sont iusques au nombre de 6, marquées par lettres de chiffre, sans compter les premieres assiettes, ou, si voulez, le premier liēt des pierres) vous tirez les lignes perpendiculaires des ioincts & des doiles, sur ladicte ligne V O. Puis vous retournez tirer lesdictes lignes du poinct de Z, qui est l'angle de la trōpe iusques sur l'extremité du deuant aux deux lignes A B. Cela faict vous prenez les distances & lōgucurs desdictes lignes A B pour

faire la ligne ralongée, ainsi que vous l'avez appris aux autres trompes cy-deuant, & le pouuez cōsiderer par la presente figure.




Ayant ainsi fait vostre principal traict, il vous fault trouuer les lignes ralongées, & prendre toutes les distances tant sur cel-

LIVRE IIII. DE L'ARCHITECTVRE

le qui est droicte, que sur celle qui est circulaire, marquée A B en la figure cy-deuant, & les rapporter en la figure suyuant, sur la ligne marquée S T, ou sont erigées les lignes perpendiculaires pour trouuer les panneaux de teste, qui sont marquez iusques au nombre de 7, contre les caracteres de K, ainsi que vous le voyez aux deuxieme, quatrieme & septieme panneaux, trouuez apres les lignes de pente qui sont en la precedente figure, les vnes traissées du costé P V, les autres du costé O Q, & se font de mesme sorte, comme vous l'avez appris cy-deuant au traict de la trompe quarree & de celle d'Annet. Le tout est conduict de telle sorte, qu'il me semble que vous ne pourrez faillir de l'entendre, & trouuer lesdicts panneaux en présentant le compàs sur les figures, pourueu que vous souueniez des traicts que ie vous ay monstré ausdictes trompes d'Annet, & celle qui est quarree sur le coing, descrite cy deuant.

*Explication
de la prochain-
ne figure.*




Premier que de laisser ce discours ie veux bien vous aduertir, qu'en la figure cy apres descrite vous cognoissez les panneaux de doile pour tailler les pierres de la trompe, qui se trouuent droictes d'un costé par le deuant, aux lieux ou vous voyez marqué C, & cōtiennent depuis la ligne D, iusques à celle de E. & pour couper aussi les pierres, au droict ou se trouue la ligne circulaire vous voyez les panneaux du costé de R, qui se cognoissent par le deuant, depuis E iusques à F, & tous lesdicts panneaux sont separez par lignes qui prouiennent du centre signé H, comme vous les voyez marquez par le deuant depuis D iusques à F, continuant le nombre de sept panneaux. L'endroit ou vous voyez marqué E, mōstre cître le panneau de la clef de la trôpe qui faict l'angle obtus, ayant

*Explication
de la figure cy
apres proposée*

vne moitié droicte, & l'autre moitié faicte par lignes circulaires. Vous voyez aussi en ladicte figure, & en mesme lieu, les panneaux de ioinct pour couper les pierres au droit des cômmissures, estants tous marquez par la lettre I, & par lettres de chiffre, iusques au nombre de 6, & ayant de petites lignes entrecroisées, quasi en forme d'estoille pour monstrier le repere & marque qui se faict à fin de trouuer lesdicts panneaux des ioincts, ce qui est aisé à cōsiderer aux figures cy dessus escrites: comme aussi les panneaux de teste qui sont en la figure cy apres proposée tous reperez & marquez par mesmes nombres, pour monstrier ou chacun panneau se doit accommoder en trassant & couppant les pierres. le ne vous scaurois dire d'auantage sur ce propos, si ce n'estoit que ie voulusse parler des panneaux de doile lesquels il fault faire par le dessus, mais pour autant qu'ils se font tout ainsi que les panneaux de doile que vous auez veu par cideuant, ie ne vous en feray autre discours pour ceste heure.

*Continuation
de ce que des-
sus.*

*Excuse pro-
posée par l'au-
teur.*



LIVRE IIII. DE L'ARCHITECTVRE

Le traict de la trompe rempante, creuse & concaue par le deuant, estant plus haulte d'un costé que d'autre, & aussi surbaissée.

CHAPITRE VII.



*Declaration
de la figure
monstrant la
fabrique de la
trompe men-
tionnée au til-
tre du present
chapitre.*

*Demonstra-
tion cōtinuée
de la figure
ensuyuant.*


E delibere de vous monstrier icy vne autre sorte de traict pour faire vne trompe sur vn angle tel que vous le voyez marqué I, en la figure ensuyuant, & les costez semblables comme IF, & IL. Vous remarquez ladicte trompe estre concaue et creuse par le deuant, suyuant la ligne B A C, laquelle nous auons figuré en ceste sorte comme si vous estiez contraincts de la faire ainsi pour quelque vieille tour de maçonnerie que vous voulez faire seruir, ou bien pour suiure la forme d'une cour qui seroit ronde ou ouale, & seriez contraincts en faisant telle surpente de trompe, de la rendre concaue & creuse par le deuant, ou en quelque sorte que ce soit qu'en ayez affaire, & que encores il la faille conduire en rempant plus hault d'un costé que d'autre, & que la voute soit surbaissée, & non en sa plaine montée, pour seruir de montée en forme d'escalier par le dessus, ou autrement qu'en auriez affaire, ainsi que vous voyez la hauteur du rempant en la figure cy dessous proposée, depuis E iusques à F, & le rempant suyuant la ligne D E, sur laquelle vous faictes l'arc surbaissé, & non point en sa plaine montée, pour quelque contraincte que vous puissiez auoir: car il faut tenir la voute de la trompe basse, & non point haulte, ainsi que vous voyez la ligne circulaire L K E, apres laquelle vous en faictes encores vne autre semblablement circulaire pour trouuer l'espeueur de la voute. Et ce faict, vous tirez les commissures de l'arc surbaissé & en faictes des pieces iusques au nombre de 7, comme vous les voiez marquées par lettres de chiffre. Puis vous tirez desdictes commissures les lignes perpendiculaires sur la ligne D F. lesquelles vous conduisez aussi iusques à l'angle de la trompe au point de I, (ainsi que vous voyez qu'elles sont) & trouuez voz lignes de pente d'un costé sur la ligne IL, comme vous voyez que ie les ay tirées, tout de mesme sorte que vous auez appris par cydeuant.

LIVRE IIII. DE L'ARCHITECTVRE

trois poinçts & reperé du compas, fuyuant la cherche & rondeur dudit compas qui sy trouue. Vous voyez auffi en la meſme figure les panneaux des ioinçts, & les reperez de petites lignes entrecoupées quaſi en façon d'eſtoille, eſtant le tout marqué par meſmes nombres, comme vous auez veu aux panneaux de teſte en la figure precedente : & ſeruent pour monſtrer comme doiuent eſtre les panneaux de ioinçts des doiles par le deſſous, pour traſſer les pierres à faire la trompe rempante, ſurbaiſſée & creuſe par le deuant. Toutesſois ie veux bien aduertir les lecteurs que ie ne trouue mes figures ſi iuſtement taillées que ie les auois protraiçtes, pour autant que les tailleurs ont couſtume de mouiller, & quelqueſois faire vn peu bouillir le papier de la protraiçture, premier que de le coller ſur la planche, pour la conduite de leur taille. Et ſelon ce qu'ils tirent ledit papier, il ſeſtend d'vn coſté, & reſtroiſſiſt de l'autre. Qui eſt cauſe que ie ne trouue en beaucoup d'endroiçts mes figures ſi iuſtes que ie les auois deſcrites & proportionnées. Mais cela ne donnera empeschement ne retardement à ceux qui voudront prédre la peine de cognoiſtre la Geometrie des traiçts. Et encores que d'eux meſmes ils ne la ſceuffent entendre, ce ne leur ſera deſhonneur ne vitupere de ſe retirer vers ceux qui en ont le ſçauoir & cognoiſſance, à fin d'en eſtre inſtruiçts. Voila que ie vous voulois cōmuniquer pour l'inuention & cōſtruction de toutes ſortes de trompes. Reſte cy apres pour continuer la ſuite de noſtre Architecture, vous monſtrer à faire & conduire toutes façons de voutes, tant pour les Temples, chappelles & eglifes, que pour ſales, baſiliques, & autres grands lieux qu'on voudra vouter & faire de pierre de taille. Nous com mençerons doncques à eſcrire des voutes modernes pour ſeruir d'exemple à celles que cy apres ie vous propoſeray.

*L'auteur ſe
plainçt, que
ſes figures luy
ont eſté mal
taillées.*

*Preparation
pour le deſ-
cours des cha-
pires ſuiuās.*



Des voutes modernes, que les maistres maçons ont accoustumé de faire aux eglises, & logis des grands seigneurs.

CHAPITRE VIII.



Es maistres maçons de ce royaume, & aussi d'autres pays, ont accoustumé de faire les voutes des eglises esquelles y a grande espace (comme sont grandes sales) avec vne croisée qu'ils appellent croisée d'ogives. Aucuns y vsent de liernes, formerets & tiercerons, avec leurs doubleaux, & plusieurs autres sortes de branches, lesquelles ils mettent dans les voutes: les vnes en forme de soufflet, qui sont formes rondes, & rampent pour rencontrer les branches. Telles choses sont difficiles à conduire, principalemēt quand on y veult faire vn pendentif par dessus qui soit de pierre de taille, & saccommode iustement sur les branches ou arcs de pierre, qui sont tous d'une mesme grosseur, & correspondants aux moulures des croisées d'ogives, liernes, formerets, & autres. Ces façons de voutes ont esté trouuées fort belles, & sen voit de bien executées & mises en œuvre en diuers lieux de ce royaume, & signamment en ceste ville de Paris, comme aussi en plusieurs autres. Au iourd'huy ceux qui ont quelque cognoissance de la vraye Architecture, ne suiuent plus ceste façon de voute, appelée entre les ouuriers La mode Françoisē, laquelle veritablemēt ie ne veux despriser, ains pluſtoſt confesser qu'on y a fait & pratiqué de fort bons traictz & difficiles. Mais pour autant que telle façon requiert grāde bouterie, c'est à dire grande force pour seruir de pouſſer & faire les arcs boutans, à fin de tenir l'œuvre serrée, ainsi qu'on le voit aux grandes eglises, pource est il que sur la fin de ce present chapitre pour mieux faire entendre & cognoistre mon dire, ie descriray vne voute avec sa montée, telle que vous la pourrez voir sous la forme d'un quarré parfait, autant large d'un costé que d'autre, ou vous remarquerez la croisée d'ogives, ainsi appelée des maistres maçons, qui n'est autre chose que l'arc ou branche allant diametralement ou diagonalement (selon diuerses situations de la figure) d'un angle à l'autre, comme vous le voyez aux deux lignes marquées B, qui monstrent ladicte croisée d'ogives. Vous y aperceuez aussi vne autre croisée estant tout au contraire, car au lieu que celle d'ogives procede des angles, ceste cy regarde le milieu de la face du quarré parfait, ainsi qu'il se voit par les deux lignes marquées C, l'une estant au droict de D, & passant par le milieu du centre signé A, & l'autre faisant vne perpendiculaire sur

Façon de dresser & conduire les voutes du temps present.

L'auteur approuver la façon moderne des voutes, toutesfois ne s'en vouloir ayder.

Que c'est que croisée d'ogives.

LIVRE III. DE L'ARCHITECTVRE

Quelles choses sont liernes.

Quelle chose sont tiercerons ou tiercerets, comme aussi formerets.

Que c'est que le tas de charge en vne voute.

De la montée de la voute et de ses parties.

Bon aduertissement pour la façon du pendentif.


celle la, côme vous le voyez en la ligne A E. Toutesfois les branches marquées C, ne vont point iusques à l'extremité de la voute, ains demeurent au droit de la clef marquée H, & sont appelées Liernes par les maistres maçons & ouuriers. Vous voyez aussi d'autres branches qui procedent des quatre angles, comme celle de F H, & vne autre marquée T, & semblables qui vont rencontrer les liernes à la clef aux lieux marquez H. telles branches s'appellent tiercerons ou tiercerets par les susdicts maistres maçons & ouuriers. Il y a aussi d'autres branches qui ne sont que moitié de la grosseur de l'ogiue ou tierceron, appelées formerets, & se mettent à l'extremité de la voute au long des murailles marquées D. D'auantage il y a certains arcs appelez doubleaux, qui font les separations des voutes, & se mettent ainsi au lieu marqué E, mais ils sont de plus grande espesueur que les ogiues, tiercerons, ou autres, & enrichis de telles moulures que lon veut.

Il y a encores le tas de charge. Ce sont les premieres pierres que on voit sur les angles, & montrent le commencement & la naissance des branches, des ogiues, tiercerons, formerets, & arcs doubleaux, comme celui qui est au lieu de F. On peult aussi remarquer sur les branches au lieu signé I, les petits moules des ogiues ou se mettent tels ornements de moulures qu'on veut, suyuant lesquels on moule & taille les moulures qu'on veut faire aux croisées d'ogiues, liernes, tiercerons & formerets. Apres que vous estes ainsi aduertis des nos & parties de la voute laquelle ie vous propose cy apres, vous y recognoistrez consecutiuemēt la montée aux lignes circulaires descrites au dessus du plan de ladicte voute, comme aussi celle des ogiues marquée O, des tiercerons marquée T, des formerets & doubleaux signée E, & des liernes signée L, comme vous le pouuez remarquer & cognoistre avec le compas, en prenant tousiours la longueur des branches sur le plan & commençant aux angles, ainsi que de F à A, pour la moitié de la longueur de l'ogiue qui fait la diagonale, suyuant laquelle on fait la montée, & ainsi des autres parties, lesquelles il fault chercher par mesme façon. Car à vous dire la verité, ie n'en scaurois giteres enseigner d'auantage, si ie ne le vous monstrois par effect & pratique, qui me seroit pour le present impossible. Mais ie ne veux oublier de vous aduertir qu'il ya en ceste figure de voute quelque autre chose beaucoup plus difficile que le precedent, c'est la façon du pendentif de pierre de taille estant par dessus les ogiues, tiercerons, & liernes. Laquelle se cognoist au plan par les lignes paralleles entre D F, toutes rapportées à la montée sur la ligne marquée 1, 2, 3, iusques au nombre de 12, ainsi que vous les

y voyez tirées perpendiculairement & equidistamment, iusques à la hauteur des circonferences & montées des ogives, liernes & autres. Vous voyez d'avantage sur le plan quelques autres lignes paralleles qui vont quarrément, & le rapport qui sen fait à la figure estant aupres de la montée, ou elles sont toutes marquées par mesmes nombres, à fin que vous les puissiez mieux cognoistre au rapport du compas, & prendre les hauteurs pour les degauchissements d'une chacune piece, comme vous le pouvez remarquer au costé de ladicte figure, en plusieurs lignes paralleles & rempantes par le dessus, suyuant lesquelles on prend le desgauchissement pour tailler les pierres des pendentifs : estant le tout marqué par mesmes nombres de chiffre qui se rapportent vn chacun en son endroit, tant à la montée des branches d'ogives, & autres, que sur le plan. Il me semble que cecy deura suffire. Si quelques vns desirent d'en sçavoir d'avantage pour le pratiquer, fault qu'ils s'adressent aux Architectes ou maistres maçons qui l'entendent. Car il est malaisé de le pouvoir mieux expliquer, que par oeuvre & effect; c'est à dire en demonstrent au doigt & à l'œil comme les pierres se doivent trasser & assembler. Doncques vous contenterez, si vous plaist, de la presente figure accompagnée du precedent discours.

*Continuation
du discours
des parties de
la figure de
voute ensuy-
uant.*

*La pratique
des traicts
estre beau-
coup plus sen-
sible que la the-
orique.*



*D'une autre sorte de voute moderne pour une eglise: laquelle est
faicte au droit du grand autel, vulgairement appelée
crouppe, ou bien cœur de l'eglise. CHAP. IX.*




Vous auez doncques veu comme les ouuriers ont
coustume de vouter les eglises par diuerfes sor-
tes de branches, & diuerfes montées, tant à leurs
ogiues, que liernes, tiercerons, formerets, & au-
tres, ainsi qu'il se peut voir par la figure precedē-
te. Outre laquelle, i'ay aussi faict celle que vous
voyez cy deslous, pour monstrier comme on peut faire lesdi-
ctes voutes au droit du cœur, ou, si vous voulez, du grand autel,
sur la forme d'un demy octogone. Ladicte voute sera forte pour
les branches qui y sont entrelies, & s'entretiennent toutes en-
semble, cōme vous le voyez, & le pourront bien aisément iuger
ceux qui ont la pratique des traictz Geometriques. Je n'ay cy mis
que certaines lignes pour monstrier cōme doiuent aller les bran-
ches, & non point les espesseurs des ogiues, doubleaux, & autres,
pour autant que les ouuriers les sçauront bien faire. Par le dessus,
au lieu marqué A, vous voyez la montée tant des ogiues, que des
liernes & tiercerons, lesquels vous pouuez cognoistre & appren-
dre par le compas, à fin que ie ne vous en face long discours, qui
me semble n'y estre necessaire, comme aussi de vouloir parler du
pendentif que lon met par dessus les branches: ioinct que la plus
part des pendetifs de voutes d'eglises, ne se font de pierre de tail-
le, comme est celuy que i'ay monstrier cy-deuant: peut estre qu'il
n'est permis à tous de les faire tels, pour la difficulté qui s'y presen-
te. Et de la vient que souuēt on les faict de brique, ou de quelque
pierre tēdre de moilō. Pourueu que les couches des lits de la ma-
çonnerie soient tousiours faictes par lignes droictes, & qui pro-
uiennent du centre dont est tirée la montée, & que les branches
soient conduictes à droite ligne, & par le dessous avec leurs cyn-
tres, sans que leur circonference face aucun iaret, les ouuriers
ne sçauoient mal faire. Mais il ne fault oublier que le tout doit
estre conduict suyuant la circonference du compas, apres lequel
auront esté tirées les brāches des voutes, ainsi qu'il se voit au lieu
marqué A. Sur tout il fault vser des plus petites cōmissures qu'on
pourra, à fin qu'il n'y faille de grandes escailles, qui sont mor-
ceaux de bois qu'on met entre les ioinctz. Il ne fault aussi y em-
ployer grand mortier, ains seulement les abreuer de laitance,
qui est la graisse de la chaux, ressemblāt à du lait, dont elle prend
le nom. Telles voutes faictes ainsi, dureront long temps.

*Autre façon
de voute pour
les eglises.*

*Pourquoy
c'est que tous
pendetifs des
voutes d'egli-
se ne sont de
pierre de
taille.*

*Aduertisse-
ment fort di-
gne de noter.*



D'une voute à croisée d'ogives, ayant une clef suspendue.

CHAPITRE X.



Pour faire entendre & cognoistre plus facilement ce qu'on appelle branches des voutes, croisées d'ogives, formerets, & doubleaux, aussi pour montrer comme les pendétifs se mettent sur les branches, ie me suis aduisé de m'ayder d'une figure extraicte du liure de nostre nouvelle inuention de charpenterie, lequel ie fis imprimer l'an mil cinq cens soixante & vn, monstrant en iceluy, entre plusieurs autres choses, comme lon peult autant bien faire les branches d'ogives, de charpenterie ou menuyserie, comme de pierre de taille. Et outre ce, comme on y peult appliquer des clefs suspendues, c'est à dire des dernieres pierres qui fermeront les voutes, & seront si longues qu'on voudra, & plus basses que la voute de quatre ou six pieds & plus, (ainsi qu'il plaira à l'ouurier, & la commodité de la longueur des pierres qu'il aura le permettra) en accompagnant lesdictes clefs d'autres petites branches d'ogives, comme vous le verrez en la figure cy apres exhibée, laquelle ie vous propose, comme si la voute estoit erigée sur deux murailles par dessus les corniches. Laquelle voute montre ses doubleaux aux lieux marquez E, & les formerets estants au long des murs aux lieux signez F. La croisée d'ogives se voit par les deux brâches qui sentrecouppent & croissent au lieu de la clef, sous les marques A B, laquelle croisée, formerets & doubleaux ie figure comme si tout estoit en hemicycle: toutesfois quand on veut faire telles voutes, & y mettre des culs de lampe & clefs suspendues, comme vous en voyez vne en ceste cy marquée C, on fait, ou doit lon faire, lesdictes branches d'ogives plus hautes que l'hemicycle: & d'une circonference, que les ouuriers appellent à tiers poinct, & de hauteur plus ou moins, à la volonté de l'ouurier: elles se tirent de deux centres, au lieu que l'hemicycle ne se tire que d'un. Telles clefs suspendues sont à propos pour cela, par autant qu'il est bon que la voute soit chargée par le milieu, quand elle est ainsi faite à tiers poinct, ou plus hault que son hemicycle: car ainsi qu'on charge de maçonerie les reins de la voute, par dessus les stats de charge, ladicte voute souure par le milieu, comme voulant monter contremont: mais telle clef suspendue l'empeschera pour raison des branches qui s'assemblent à ladicte clef, aux lieux que vous voyez marquez D, cela charge & tient la voute en raison. Les ouuriers ne font pas seulement vne clef suspendue au droict de la croisée d'ogi-

*L'auteur
cherche sous
moyens pour
se faire bien
entendre.*


*Explication
de la figure
ensuyuant le
présent cha-
pitre.*

*Quand c'est
que les ou-
uriers font plu-
sieurs clefs sur-
pendues.*

LIVRE IIII. DE L'ARCHITECTVRE

ues, mais aussi plusieurs, quand ils veulent rédre plus riches leurs voutes, comme aux clefs ou s'assemblent les tiercerons & liernes & lieux où ils ont mis quelquefois des rempans, qui vont d'une branche à autre, & tombent sur les clefs surpendues, les vnes estants circulaires, les autres en façon de soufflet, avec des guymberges, mouchettes, claire-voix, fueillages, crestes de choux, & plusieurs bestions & animaux : qui estoient trouvez fort beaux du temps qu'on faisoit telles sortes de voutes, pour lors appellées des ourriers (ainsi que nous auons dict) voutes à la mode Françoisse. Et iacoit qu'aujourd'huy lon ne s'en ayde gueres, & qu'elles soient bien peu en v'sage, si est-ce qu'elles sont tres difficiles, signamment quand on les accompagne de pendentifs de pierre de taille. Qui ne sont autre chose, ainsi que nous disions cy-deuant, que la maçonnerie qu'on met par dessus les branches, comme vous le pouuez cognoistre & remarquer en la figure ensuyuant, au lieu de A B. Quand lesdicts pendentifs sont faicts de brique ou petites pierres de maçonnerie, ils ne sont tant difficiles : mais les faisant de pierre de taille qui touche iustement sur les branches, les pieces sy trouuent desgauchées, biaises, & d'estrange figure, selon l'œuvre qu'on fait, qui se monstre fort belle & tres difficile à conduire. Par ainsi la prochaine figure vous fait cognoistre comme sont les branches des voutes, & qu'elles se peuvent faire avec clef surpendue & pendentif par le dessous. Et iacoit que ladicte voute figurée, monstre auoir esté faicte à propos pour quelque charpenterie à cause des trous & mortaises qui y sont marquées pour appliquer chevilles & liernes, & aussi que la clef surpendue semble estre vne piece de bois quarré, si est-ce que par la mesme sorte vous pouuez faire voutes de pierre de taille, qui est chose beaucoup plus à propos que de les faire de bois. Ladicte figure ensuyuant vous mettra deuant les yeux le discours contenu au present chapitre & texte. Qui fera sans plus parler de telles voutes modernes, appellées, ainsi que nous auons dit, voutes de la mode & façon Françoisse.

*Conclusion de
ce present cha-
pitre & de sa
figure.*



LIVRE IIII. DE L'ARCHITECTVRE
*D'autres sortes de voutes pour appliquer aux Eglises, ou autres
 lieux qu'on voudra : & premierelement de celle qui est
 pratiquée & faicte sur la forme spherique.*
 CHAPITRE XI.



*Grande dif-
 ference entre
 les voutes que
 l'auteur pro-
 pose, & celles
 qu'on auoit ac-
 coustumé fai-
 re par cy deuant*

*Inuention fort
 ingenieuse,
 pour coupper
 vn globe quar-
 rément.*

Les voutes desquelles ie veux icy parler sont trop plus fortes & meilleures que celles qu'on auoit accoustumé de faire par cy-deuant, & de beaucoup plus grande industrie, & plus longue durée, (pourueu qu'on les sçache bien conduire & mettre en œuvre) comme aussi de beaucoup moindre despense, pour n'y appliquer des arcs-boutans. De sorte qu'en ces voutes on espargnera grands frais, pour estre de telle nature, qu'elles ne poulent tant les murailles par les costez, que les precedentes: ains se portent quasi d'elles mesmes sur icelles (moyennant qu'elles soient bonnes, & de grosseur suffisante, & bien faictes) sans y mettre aucuns arcs-boutans: ainsi que les gentils esprits, qui font profession de Geometrie, le pourront voir & iuger incontinent par le discours ensuyuant. Posez donc le cas qu'il soit donné vn corps spherique, comme pourroit estre vn globe, ou vne grosse boulle toute ronde par le dehors, & spheriquement creuse par le dedans, ainsi que vous le pouuez remarquer en la figure cy apres proposée, par la ligne circulaire A B C D, & aussi iuger l'espesseur dudit globe par la ligne D E F, ainsi qu'elle sy monstre par vn quartier seulement. Si vous coupez quadrément tout cedit globe, ou boulle, cōme vous le voyez par les lignes A B, B C, C D, & D A, ce qui demourera en ceste quadrature, sera vne voute toute quarrée & toute ronde par le dessous & dessus qui voudra. De sorte qu'en mettant la poincte du compas au centre H, & tournant l'autre poincte par toute la superficie quarrée, & au long des quatre lignes A B C D, elle touchera iustement sur toutes les extremitez de la voute, laquelle nous appellerons voute spherique. Mais il nous fault trouuer les pieces tant pour la faire quarrée (comme vous la verrez cy apres) que pour la rendre d'autre sorte, ainsi que nous le vous proposerons consecutiuent. Vous pouuez cognoistre cōme telle voute n'a point de poulée, ou bien peu, pour estre spherique, ou semicirculaire, ainsi que vous voyez qu'elle doit estre par les lignes du milieu B H D, car sa môtée, comme vous l'aperceuez, est l'hémisphere B A D, & ainsi de l'autre ligne par le milieu A H C, qui faict en sa montée A D C. Desia vous cognoissez que telles voutes ne sont semblables à celles que vous auez veuës par cy-de-

uant, (qui auoient les branches d'ogiues & autres, telles que i'ay dict) mais plustost faictes en pendentif, ou, si vous voulez, estre toutes vnies, & sans aucunes branches, & les assiettes de la voute estre suyuant les lignes paralleles, ainsi que vous le voyez au plan à commencer sur les angles, le tout estant marqué par lettres de chiffre, iusques au nombre de 9, en continuant iusques à la clef H, autant d'un costé que d'autre. Quand vous voudrez y mettre des compartiments & ornements de moulures, avec autres sortes d'ouurages, vous le pourrez faire beaucoup plus richement que aux voutes dont ie vous ay parlé cy-deuant. Vous pouuez encores faire par dessus le pendentif de mesmes sortes de branches, que lon a faict en la voute de la mode Françoisse, soit en façon d'ogiues, liernes, tiercerons, ou autres, voire avec des clefs surpendues, & de plus grande grace que lon n'a point encores veu. Ceux qui voudront prendre la peine, cognoistront ce que ie dy par la voute spherique laquelle i'ay faict faire en la chappelle du chasteau d'Annet, avecques plusieurs sortes de branches rempantes au contraire l'une de l'autre, & faisant par mesme moyen leurs compartiments qui sont à plomb & perpendicule dessus le plan & paué de ladicte chappelle, qui faict & monstre vne mesme façon & semblable à celle que ie propose par la figure subsequente. En laquelle vous cognoissez d'abondant les panneaux marquez 1, 2, 3, iusques au nombre de 9, pour trasser les pierres qui sont aux angles à l'arrachement de la voute, que lon appelle le tas de charge. Et ceux que vous voyez à costé marquez 10, 11, 12, sont pour seruir aux pierres qui comencēt à faire les quarrez parfaicts de ladicte voute, aux lieux marquez par mesmes nombres sur le plā. Tels panneaux se font apres les lignes de la circonference signée D A, qui se tirent d'une commissure à autre, comme de 14 à 13, ou de 13 à 12, & procedent iusques à ce qu'ils touchent la ligne du milieu qui va de C à F, continuant iusques au nombre de 9, ainsi que vous voyez les marques & rapports par mesmes lettres de chiffre, iusques au nombre de 9. De telles marques & lieux vous mettez la poincte du cōpas, sur la ligne du milieu, qui passe par le centre H, comme pourroit estre par exemple du point de 9, & l'estendez iusques contre la ligne circulaire A D, au droit de la commissure qui separe la piece 9 & 10, & en tirez vne ligne circulaire, qui vous monstre à faire les panneaux de doile, tels que vous les voyez faicts & marquez de mesmes nombres. Pour plus familier exemple & démonstration, si vous regardez au droit du tas de charge & racine de la voute qui prend son commencement à l'angle marqué A, vous voyez plusieurs lignes paralleles, ou biē

*Choses dignes
de noter pour
l'enrichisse-
ment des voutes.*

*Des panneaux
de la figure cy
apres proposés.*


LIVRE IIII. DE L'ARCHITECTVRE


*Doctrine
et instruction
pour trouuer
les panneaux.*

perpendiculaires passer sur la ligne AH, & donner iusques aux commissures & lignes circulaires, qui môstrent la voute de four pour le quartier signé AD. En apres vous voyez comme desdictes lignes perpendiculaires au droict des commissures, lon tire d'une commissure à autre, vne ligne qui continue iusques à ce qu'elle touche la ligne qui prouient du milieu de la voute marquée HA. de sorte que la plus petite au dessus de A, signée 1, monstre la longueur & distance pour trouuer le peu de circonference que doit auoir la premiere pierre du tas de charge, comme vous le voyez au premier panneau poinctu marqué 1. Pour faire l'autre circonférence pour le deuxieme panneau marqué 2, vous prenez la distance & longueur de la ligne de la deuxieme commissure, iusques sur la ligne HA, au lieu marqué 2, & la portez depuis la poincte du panneau du tas de charge pour en faire vne autre petite circonference au mesme endroit, marqué 2. Et de mesme sorte vous faictes tous les autres panneaux, & prenez leur largeur sur le plan de la voute, au mesme endroit ou les commissures & ioincts des pierres tombent perpendiculairement, & continuez ainsi faire iusques à ce que vous ayez fait les panneaux, lesquels vous voyez marquez iusques au nombre de 9, qui monstrent les quatre tas de charge de la voute, iusques à l'endroit du quarré parfait marqué 10, & lors il fault changer d'autre sorte de panneaux, ainsi que vous en voyez trois tirez & marquez 10, 11, 12. Il seroit beaucoup plus expédient de monstrier à l'œil la pratique de telles voutes pour les contrefaire manuellement, que vouloir entreprendre d'escire tout ce qui seroit neces faire pour faire entendre ladicte pratique. Car, à dire verité, qui voudroit par le menu expliquer le tout, il entreprendroit oeuvre de grand labeur & excessiue escriture. Et encores que i'eusse escrit tout ce que i'en pourrois penser, si est ce qu'il y a beaucoup de choses à la pratique des traicts que lon ne sçauoit faire entendre, sans monstrier au doigt comme elles se doiuent mettre en oeuvre, soit pour trasser les pierres, ou pour les appliquer en ladicte oeuvre. Pource est il que ie vous prie de vous vouloir contenter, de ce que ie vous en monstrey par figures & traicts. Qui est comme vn commencement de faire cognoistre le tout à ceux qui voudront y mettre peine. Dôcques la prochaine figure vous pourra proposer ce que ma plume en peu de paroles ne sçauoit expliquer.

*Excuse de
l'auteur pour
la briefue ex-
position de sa
figure.*

LIVRE III. DE L'ARCHITECTVRE






LIVRE IIII. DE L'ARCHITECTVRE
*De la voute de four quarrée, sous forme de pendentif, estant
d'autre sorte que la precedente. CHAP. XII.*

*Voute de four
en forme de
pendentif tou-
te vnice.*



*Quelle diffé-
rence est en-
tre les voutes
à four & à
casse de panier*

E vous propose encores cy apres vn autre traict pour la façon & forme de la voute quarrée, qui est faicte spheriquemēt, & appellée des ouuriers voute de four en forme de pendentif, estant toute vnice. De sorte qu'aux lieux ou par ci-deuant les pierres se trouuoient quarrées, en ceste cy elles se presentent en forme circulaire, comme vous les voyez par le plan, & aussi par les panneaux marquez A, estants tels que quiconques les sçaura trouuer, facilement il trouuera tout le reste, suyuant la ligne spherique de tout le globe, ainsi que vous en voyez vne partie par B C D E. Et pour autant que la description & demonstration de toute la voute seroit fort longue à traicter, & aussi que les traictz lesquels vous auez veu ci-deuant, & verrez cy apres, en donneront facile intelligence, & de toutes autres: pource est il que ie ne vous en diray autre chose, sinon que les voutes faictes en four selon le cercle parfaict, sont plus fortes que si vous les faisiez surbaissées, & à anse de panier, car lors elles sont plus foibles & demandent plus grosse muraille, & de plus grâde force pour soustenir les poulées qu'elles font. Et par ainsi il fault entendre que l'espeueur desdictes voutes doit estre la moitié de la grosseur du mur, sur lequel elles sont plantées, & qu'en montant elles doiuent diminuer de ladicte grosseur, de sorte qu'au droict de la clef elles ne seront si espesses de la quarte partie que par le bas. C'est tout ce que presentemēt ie vous escriray pour l'intelligence de la voute proposée: vray est que si le lieu vient à propos pour descrire quelque edifice, auquel il faille faire telle sorte de voute, ie ne feray aucune faulte d'en dire ce que ie pourray, & cognoistray y estre nécessaire.



LIVRE IIII. DE L'ARCHITECTVRE

Encores d'une sorte de voute spherique qui sera oblongue, & non point quarrée (comme celles de cy-deuant) c'est a dire plus longue que large, & toutefois faicte en pendentif. CHAPITRE XIII.



E vous ay monsté cy-deuant les traicts de deux sortes de voutes en pendentif, faictes sous la forme spherique & voute de four, ainsi que les ouuriers l'appellent: cy apres i'en figure encores d'autres vn peu plus grandes, à fin d'en donner meilleure intelligence: vous assurant que quiconques les entendra bien, il entendra aisément toutes les autres precedentes. Pour doncques pouuoir faire la subsequente voute, vous tirerez tout premierement vne circonference, comme si vous en vouliez faire vne toute ronde, tant en son plan qu'en sa montée & hemicycle, ainsi que vous voyez la circóferéce A B C D E F G H, & dedans telle circonference & rotondité vous trouerez la longueur & largeur de la voute que vous desirez faire, comme vous monstrent les quatre lignes qui touchent l'extrémité de ladicte circonference, B D F H. En apres vous tirerez vne ligne passant diametralement par le centre de ladicte circonference & milieu de la voute, comme vous le voyez en la ligne B F, laquelle on tire tant longue que faire se peut, ainsi qu'il se voit qu'elle passe le nombre de dix. Sur telle ligne diametrale la montée & voute sera par le milieu, suyuant la ligne B F, comme l'hemicycle B C D E F: lequel hemicycle vous diuisez en tât de parties egales que vous voulez faire d'assiettes, comme cestuy cy qui est diuisé en 13, pour la moitié, iusques au droit de la clef, qui fait la quatorzieme partie, ainsi que vous le cognoissez par les lignes perpendiculaires qui tumbent sur la ligne B F, comme vous les voyez marquées par lettres de chiffre: & suyuant icelles vous en tirez d'autres sur le plan de la voute en façon de lozâges, qui monstrent comme doit estre la forme du pendentif, ainsi qu'il est aisé à cognoistre par la figure qui vous en est cy apres proposée. Cela faict vous cherchez la montée sur la largeur & longueur de la voute, comme vous la voyez sur la ligne H F, ou vous faictes vne quarte partie de la circonference, qui vous monstre comme doit estre la montée de la voute sur la largeur par l'extrémité, au droit de ladicte ligne H F, sur laquelle vous tirez des lignes perpendiculaires qui prouiennent du pendentif que vous auez marqué au plan de la voute, & suyuant icelles vous tirez les commissures pour trouuer les panneaux de teste, comme vous les voyez marquez


L'auteur prendre peine à se rendre facile & intelligible.


Poursuite de l'explication & demonstration de la figure ensuiuant.


quez par mesmes lettres de chiffre, iusques au nombre de 9. Vous en faiçtes autant sur la longueur de la voute, ainsi qu'il se voit en la moitié de la montée de ladicte voute sur la ligne B H, monstrant la quarte partie du cercle, & comme doit estre ladicte voute par l'extremité, sur ladicte ligne B H, avec les commissures & lignes perpendiculaires, qui prouiennent du plan & assiette du pendentif. Cela estant ainsi faiçt, vous voyez les lignes qui viennent de la grande circonference sur la ligne diametrale B F, comme celle qui est depuis E iusques au nombre de dix, laquelle il fault sçauoir choisir au lieu d'ou elle procede sur le plan, ainsi que on le voit au mesme nombre de dix. Telle longueur de ligne est propre pour tirer la cherche ralongée à faire les panneaux de double marquez dix, lesquels vous pouuez recognoistre au lieu signé I, avec le mesme nombre de 10, 11, & 12. Ceux qui sont formez avec angles acuts, seruent aux pieces qui sont les plus pointues, comme est l'endroit de la ligne C K G, & ceux qui les ont obtus, sont propres aux pieces du pendentif, au droit de la ligne A E, & des mesmes nombres qu'ils sont marquez sur le plan, ils sont aussi marquez de semblables sur les panneaux. Ce peu de discours me semble estre assez pour vous donner à entendre le reste de la figure & voute proposée: parquoy ie ne vous en feray autre escription, vous asseurant que sil vous plaist prendre le compas en la main, & chercher sur le plan & la montée ce que ie vous ay proposé, vous le trouuerez ainsi que ie vous ay dict. Toutesfois ie veux bien encores vous aduertir qu'il ne fault prendre peine de faire le panneau pour la clef de la voute marquée 14 aupres de la lettre K, car il se peult tailler avec vn buveau, comme font assez d'autres pieces: & pour autant que la description des voutes toutes ensemble bailleront intelligéce l'une de l'autre, ainsi que i'ay dict des traicts, il suffira (ainsi qu'il me semble) quant à ceste cy, sans vous en faire autre discours.

*Continuation
de ce que des-
sus.*

*L'auteur ne
vouloit char-
ger les Le-
cteurs de pro-
lixes escriptu-
res & demō-
strations.*







*De la voute spherique & à four sous la forme d'un triangle
equilateral. CHAP. XIII.*



NE vous figureray d'abondant vne autre sorte de voute qui se prend sur la forme spherique, & s'appelle voute de four par les ouuriers, representat comme vn triangle equilateral. Ladicte voute seruira, si vous auiez vn lieu de cōtraincte auquel il en fallust faire vne qui ne fust pas seulement en triangle equilateral, mais qui eust vn angle droict, & deux pointus, ou bié obtus, ou, si vous voulez, deux costez egaux, & vn inegal, ou tous les trois inegaux, que les Geometriens appellent isoscele & scalene, ou bien qui fust de forme hexagoné ou octogone: bref de telle forme & figure que vous sçauriez imaginer, & seriez contrainct d'y faire vne voute en four, qui aura mesme montée & mesme circonference en foy, comme est l'hemicycle ou hemisphere. Pour conclusion, toutes sortes de voutes se peuvent faire, ainsi que nous auons dit, par le moyen des traictz Geometriques: la source & origine desquels est en Euclide, nagueres doctement interpreté, commenté, illustré & mis en lumiere par monsieur François de Candale, & publiquement lèu & exposé, par les professeurs du Roy, en ceste docte vniuersité de Paris, messieurs De la Ramée, Charpentier, & Forcadel, cōme aussi tous autres bons liures & auteurs qui traictent & enseignent les Mathematiques. De sorte que ceux qui desireront les sçauoir & entendre, signamment les Architectes, maistres maçons & ouuriers, n'auront aucune excuse, mesmes pour l'Arithmetique, Geometrie & autres disciplines, lesquelles familièrement lit en langage François, & doctement les interprete ledit seigneur Forcadel. Qui est la cause que ie prie ceux qui font ou veulent faire profession d'Architecture, & n'ont appris lesdictes Arithmetique & Geometrie, d'y vouloir employer quelques heures, à fin d'auoir facile entrée, ie ne diray en la pratique d'Architecture, mais aussi en sa theorique, & toutes ses inuentions & demonstrations. Ce faisant ils auront tres asseurée intelligēce de ce que nous leurs proposerons, mesmement de la pratique des traictz Geometriques pour sçauoir proprement couper les pierres & boys, selon les œuures qu'ils auront à faire: autremēt s'ils en sont ignorants, iamais ne pourront conduire vn edifice en toutes ses parties, qu'ils n'y fassent vne infinité de fautes, ainsi qu'ailleurs nous l'auons bien amplement deduit. Qui sera cause que ie n'en feray plus long discours, à fin de vous exhiber le plan & le traict,


Diverses formes & façons de voutes estre inuentees & conduictes par le moyen des traictz Geometriques.

Messieurs François de Candale, De la Ramée, Charpentier et Forcadel.


L'auteur prie et exhorte les amateurs d'architecture de vouloir apprendre l'Arithmetique & Geometrie.

LIVRE III. DE L'ARCHITECTVRE

auec quelques panneaux, de la voute & pendentif sur la forme du triagle equilateral, lequel vous pourrez cognoistre de vous mesmes par la methode des traiçts que ie vous ay proposé cy deuant. Ce temps pendant vous verrez en la figure ensuiuant, la clef de la voute qui est aupres de T, & lieu marqué 9, aussi le nombre de chiffres qui se rapportent aux panneaux de doile faicts & tirez des lignes qui viennent de la grande circonference & touchent aux extremitez de la voute triangulaire, iusques à la ligne du milieu qui prouient du centre 9, laquelle ligne on faict tant longue que lon en a affaire, iusques à ce que les lignes qui sont reperées 2, 3, 4, 5, la puissent toucher, ainsi que vous l'aurez entédu par la figure cy-deuant proposée, & le pourrez encores mienx cognoistre par celle qui ensuit les deux prochaines, qui ne doiuent faire ensemble qu'une figure entiere.



Le traiçt



*Le traict & figure d'une voute toute ronde, & surbaissée
en façon de four.*

CHAP. XV.

E vous escriray icy tant de sortes de traicts Geometri-
ques qu'ils suffiront pour en auoir quelque intelligen-
ce. La voute que ie vous figure cy apres est toute ron-
de, ainsi que vous le voyez en la moitié de sa circonfé-
rence, par la ligne circulaire A B C. Et i'açoit qu'elle soit toute


y

LIVRE III. DE L'ARCHITECTURE

Explication & démonstration de la voute ronde & surbaissée en façon de four. ronde, elle est aussi surbaissée en anse de panier, comme il se voit par la ligne HDG. Apres auoir tiré l'espeuteur de la voute, comme vous le voyez en la ligne AIC, vous tirez les commissures & ioincts des pierres, aux lieux marquez 0, 1, 2, 3, 4, puis desdictes commissures vous tirez des lignes perpédiculaires sur la ligne AFC, ainsi que vous le voyez en la commissure de 3 à K, de laquelle vous tirez vne circonference du centre F, comme elle se voit en KL, & ainsi se font toutes les autres, lesquelles vous voyez en la figure cy apres proposée, & monstrent le perpendicule des commissures avec le tour & façon des pierres. Les panneaux de teste de l'anse de panier, qui est faicte pour la voute, se voyét marquez au milieu par 1, 2, 3, 4, 5, 6. Pour plus facile intelligence, vous tirerez vne ligne par la doile du dessous de la voute, comme celle de la commissure 0, à celle qui est marquée 1, laquelle vous ferez tant longue qu'elle puisse toucher la ligne qui passe par le milieu de la voute, comme est celle que vous voyez désignée par B, F, I, & le lieu ou elle sentrecoupe iusques à la commissure 0, seruira pour trouuer les panneaux de doile representez en la seconde figure ensuiuant au lieu marqué 1, & M. Si vous le voulez encores mieux cognoistre, tirez vne autre ligne du dessous de la voute surbaissée, au droict de la doile marquée 3, depuis la commissure signée 1, iusques à celle qui est marquée 2, & la faictes tant longue qu'elle entrecoupe la ligne BFI, qui passe par le milieu de la voute aux lieux ou vous voyez marquez I. Telle longueur & distance de lignes depuis I, iusques à la cōmissure marquée 1, seruira pour trouuer les panneaux de doile, que vous voyez en la seconde figure cy apres, au lieu marqué 2 & N. Mais pour-autant que vous pouuez cognoistre le tout par la prochaine figure & celle qui l'ensuit, tant pour le plan de la voute, que pour la môtée qui est surbaissée, ie ne vous en tiendray plus long propos.

L'auteur explique sa figure plus familièrement & facilement.

Briefuete conioincte avec facilité estre familiere à l'auteur.




Je ne veux oublier de vous avertir, qu'en la figure precedente vous voyez à costé les panneaux qui sont tirez pour servir à transporter les pierres de la voute surbaissée, au droit des commissures, lesquelles sont toutes reperées & marquées par mesmes nombres, comme vous les voyez à la voute de four surbaissée 1, 2, &c. *Advertiss-
ment sur la
precedente fi-
gure.* du costé ou vous voyez marqué O. Les assiettes des pierres montrent comme elles tourneront tout autour de la voute, ainsi que vous les voyez marquées aux lignes circulaires en la figure cydeuant, entre les lettres F C B. Les lignes paralleles qui sont dessus la ligne F G, vous montrent vne chacune en son endroit, comme vous devez prendre les hauteurs des pierres desquelles vous aurez affaire. Comme pour celle qui vient de la commissure O, il faut prendre la hauteur depuis tel parallele, iusques au dessus de

y ij

LIVRE III. DE L'ARCHITECTVRE

la commissure marquée 1, & ainsi des autres. Telle façon est encores propre quand on veult faire la voute & tailler les pierres par equarrissement: mais il y a bien plus d'art & plus d'industrie de les couper toutes, & les trasser avec les panneaux. La figure que ie vous ay mis cy dessous vous monstre comme doiuent estre les panneaux de doile: le lieu marqué 6, monstre le centre & clef de la voute: & le cinquieme, quatrieme, troisieme, deuxieme, & premier, monstrent les panneaux des doiles, necessaires: la ligne que vous voyez tirée 6 & E, vous represente celle qui passe par le milieu de la voute. Il me semble que ce peu de discours pourra suffire pour l'intelligence de la voute de four surbaissée, que vous voyez en la figure cy deuant proposée, & les panneaux des doiles en la prochaine.

*Explication
de la figure
ensuiuant.*



La façon d'une voute pour couvrir une tour ronde, ou le dessus d'une vis, en forme d'une coquille de Limaçon. CHAPITRE XVI.



Pres auoir considéré les belles choses qui se peuvent faire par le moyen de la Geometrie accompagnée de ses traicts & lignes, ainsi que nous auons dict, ie me suis icy aduisé de vous monstrier encores la façon & methode de faire vne voute propre pour vouter vne grande tour ronde, ou l'accommoder dessus vne vis qu'on pourroit faire en forme de pyramide, voire pour monter iusques au plus hault lieu du centre signé A, en la figure cy apres descrite: ou bien pour couvrir la dicte tour & vis en forme d'une coquille de limaçon. Le traict est fort ingenieux & de gentil esprit, lequel vous pouuez aussi pratiquer sur vne forme spherique, ou boulle toute ronde, ou bien sur vn corps pyramidal, les couppant en tant de pieces que vous voudrez, & appliquant en œuvre sous telle forme que vous desirez: ainsi qu'il se peut voir & cognoistre par le plan de limaçon cy apres proposé, & par le traict des panneaux qui sont tirez pour coupper les pierres come vous les voyez marquez par nombres, & les pouuez prendre avec le compas. Il faut penser seulement à la figure que vous voulez, & sorte d'œuvre que vous desirez, car indubitablement vous en viendrez à bout avec l'intelligence de la Geometrie: laquelle ie voy estre en nostre Architecture d'autre sorte & d'autre pratique que celle qui est enseignée, & seulement sans aucun usage démontrée par les professeurs des Mathematiques. Vous pourrez aisément cognoistre la forme & façon de la voute mentionnée en ce chapitre, par la figure que nous en proposons cy dessous. Reste pour continuer nostre entreprise de donner quelques sortes de montées de quartiers de vis surpendues, d'escaliers & d'autres traicts à ce propos, fort necessaires d'estre bien entendus des ouuriers. Mais quand ie considère la longueur de leurs descriptions & démonstrations, & la confere avec ce peu de loisir que j'ay, veritablement ie crains de n'y pouuoir vacquer, car il y faudroit employer si grandes escritures que l'explication que j'en ferois, ne me seroit seulement laborieuse, mais aussi aux bons esprits fort ennuyeuse, qui facilement conçoient les descriptions & figures qu'on leur propose avec peu de paroles. Pource est il qu'il me semble qu'on se doit contenter de ce peu que j'en escriis & figure le mieux qu'il m'est possible, & comme il vient à propos.

Façon de vouter fort ingenieuse et subtile pour la forme de coquille d'un limaçon.

L'Architecte auoir grand besoin de la cognoissance de Geometrie,

Excuse de l'auteur fort modeste & favorable.

*Des montées de vis pour seruir aux estages des salles, chambres
& galetas des bastiments, & mesmes d'un quartier de
vis surpendu. CHAPITRE XVII.*



Yant escript par cy-deuant plusieurs façons de
voutes, tant pour les descêtes des caues, que pour *Recapitulatiō
des voutes,
portes et surpē
res, cy deuant
descrires.*
les portes, ensemble de diuerſes sortes de portes
& surpentes qui se font en l'air pour gagner place,
comme aussi plusieurs façons de voutes pour
les tēples, eglises, & lieux sacrez, voire pour ser-
uir aussi aux grandes salles & galleries des Palais & chasteaux:
reste maintenant pour la continuation & conduicte de noz ba-
stimens, escrire des montées des vis qu'on peult faire en diuerſes
sortes, ie ne diray en leurs marches toutes vnies, & le noyau tout
droict & perpendiculaire, mais aussi pour faire remper & tour-
ner ledit noyau, ainsi que les marches montent, & de telle esten-
due qu'on veult. De sorte que ceux qui seront au hault de la vis,
verront iusques à la première marche: les ouuriers l'appellent *Que c'est vn
à sour, & cō-
me elle se peut
faire double.*
vis à iour: laquelle se peult enrichir de moulures & corniches
qui portent les marches & rempans, & d'autres qui seruent de
tien mains. On les peult aussi faire doubles, c'est à dire à doubles
môtées pour seruir à deux corps d'hostel, tellement qu'on y pour-
ra monter des deux costez, sans que l'un des montans soit veu de
l'autre, & se puissent incommoder aucunement. Lesdictes vis se
peüuent aussi faire triples, ſçauoir est vne petite au droit des noy-
aux pour seruir à ceux qu'on voudra, & deux aux costez pour al-
ler à cheual, voire pour y mener vne charrette qui voudroit: & *Vn pour aller
à cheual & y
mener vne
charrette.*
qui ne pourroit trouuer les marches aussi lōgues qu'il y faudroit,
ladiete vis se peult faire de plusieurs pieces, ainsi que vous le ver-
rez au chapitre ensuiuant. Mais la montée que l'ouurier aura à fai-
re pour quelque logis que ce soit, ne doit estre conduicte à l'auan-
ture comme i'ay veu faire à plusieurs: de sorte que quand ils sont
au premier estage à l'endroit du pallier ou double marche, il fault
qu'ils descendent dans les chambres, ou qu'ils y montent par au-
tres petites marches, qui empeschent le pallier. Laquelle chose
vient mal à propos, & est fort incommode, & de mauuaise grace,
pour autāt que la dernière marche doit acheuer au droit du pal-
lier, & le pallier doit estre au nyueu des chambres ou des salles.
Il n'y a rien qui empesche que lon ne puisse aller à plein pied, si
ce n'est la hauteur des fueillures ou du fucil de la porte qui aura
deux ou trois poulces, ainsi qu'on le cognoistra estre plus à pro-
pos. Pour bien y proceder ie voudrois que l'ouurier fist sa mon- *Aduertisse-
ment pour les
maistres ma-
çons & ou-
riers.*

LIVRE IIII. DE L'ARCHITECTVRE

tée de vis premier que son logis, ou bien qu'elle se haulst ainsi que les maçonneries du logis se haulsent, sans y proceder comme plusieurs qui font le logis premieremēt que de toucher à la montée, & en apres ils plantent & font les vis à l'aucture, & quelquefois par contraincte, qui fait que les marches sont trop hautes, ou trop peu larges: dont aduient qu'elles sont de mauuaise grace & mal-aisées. Pource il fault que le maistre maçon préne de bonne heure la hauteur d'un chacun estage, & qu'il dresse le plan de sa vis & montée aussi grande qu'elle doit estre. Et aussi qu'il calcule combien il faudra de marches pour y monter, & y faire vn tour, ou tour & demy, ou deux, selon la hauteur qu'il aura à faire. Outre ce il regardera que les marches n'ayent que six poulces de hauteur pour le plus, & cinq pour le moins, & vn pied de large, ou quatorze poulces pour le plus. Aux moyens logis & aux grands telles mesures se mettent au long des murs qui portent les marches selon qu'il se trouue estre raisonnable. Et pour autant qu'il aduient souuent que lon est contrainct de faire les montées de vis aux angles des cours du logis, ou il ne se peut donner clarté que par l'endroit d'un quartier de la vis, ou de deux, pource est il que les ouuriers ont trouué l'inuention de ne se contenter seulement d'y faire vne fenestre, mais bien de mettre tout vn quartier de vis à iour, & en faire vn traict qu'ils appellent le quartier de vis surpendu. Lequel se faict en différentes sortes: car les vns le font par equarrissement, & les autres par panneaux. Quant à moy, ie ne voudrois sinō qu'un buveau ou sauterelle avec vne equierre: de sorte qu'apres auoir tiré la cherche ralongée, ie ferois le quartier de vis rempant en toutes sortes, & ne seroit pas iusques aux ioincts & commissures, qui n'y fussent desgauchées. Mais pour vous faire entendre que c'est d'un quartier de vis surpendu, ie le figure cy apres, & le quartier d'une circonference qui est tirée du centre A, representant le lieu ou doit estre le noyau des marches, qui auront de longueur, comme de A à B, ou de A à E: la grosseur des murs de la vis sera autant comme B C, & D E: le rempant & ce qui est surpendu sera autant comme les lignes circulaires D C, & E B. la hauteur du rempant se voit par les lignes E F G, & B H, qui sont perpendiculaires sur la ligne E B, & ledit rempant & moitié de quartier de vis, par la ligne H G. La hauteur dudit quartier de vis se cognoist par les hauteurs de vis au dessus I & K. Entre les deux lignes I & G, vous voyez les pieces & commissures, ou bien les ioincts ou pierres dont sont faicts les rampants avec les sommiers qui sont aux deux bouts, & ioincts d'engressements. Le tout est fort aisé à cognoistre par la figure, &

*Beaux et bñs
enseignemēts
pour les stru-
ctures de vis.*


*Conseil et ad-
uertissement
de l'auteur.*

*Explication
tres facile de
la figure en-
suivant & de
ses parties.*

signamment par les lignes courbes *IK*, qui sont les cherches rallongées du rempant. Au dessous pres des lettres *AS*, sont deux panneaux tirez, qui montrent par les lignes ponctuées ce qu'il fault oster des pierres qu'on doit tailler pour les faire remper. On voit aussi deux autres panneaux sur le plan du quartier de vis, avec les lignes perpendiculaires qui procedent des commissures, montrans facilement, tant par le traict du rempant, que par le plan du quartier de vis, comme le traict en est fait. On peult faire aussi des quartiers de vis surpendues, par autre sorte de traicts, comme il a esté dict, & seront encores plus forts que ceux cy, comme les arcs rempans, qui seront ronds par le dehors, creux par le dedans suiuant la cherche & rotondité de la vis, mais par le dessous, au lieu que ceux cy sont tous droicts, seroit vne voute rempante, pour laquelle ie ferois vne figure & description à part, n'estoit que telle façon se conduict ainsi que la porte sur la tour ronde, de laquelle vous pouuez voir le 13 chapitre du troisieme liure precedent: auquel vous trouuerez non seulement le traict de la dicte porte sur la tour ronde, mais aussi pour la rendre biaise, & encores vn autre traict pour la rendre en talus, avec les panneaux des doiles de ioincts, & autres. Et par cas semblable vous pouuez faire vn quartier de vis surpendu de la sorte des arcs rempans, suiuant le traict duquel auons parlé cy-dessus, tant surbaissé que vous voudrez, ou biẽ en talus, par le moien des traicts que ie vous ay allegué, & vous en pourrez seruir à faire le quartier de vis surpendu en l'air, autant grand comme est la ligne *CB* & *BE*, en la figure cy apres proposée. Qui est cause que ie cesseray pour ceste heure d'en plus escrire: à fin de parler d'une vis double, & faite de pieces.

Aduertissement digne de noter.

Approches pour le propos ensuiuant.





Vx lieux ou lon est contrainct de faire vne grande montée & large, ainsi qu'aux Palais, & logis des grands Seigneurs, ou il la conuient faire plus ample & spacieuse, soit pour y aller à cheual ou autrement, si par fortune on n'a point de pierres propres & longues pour faire les marches de ladite montée, il y fault proceder en ceste sorte. Je préd le cas que voz marches ayent six, sept, & huit pieds, plus ou moins, & les pierres que vous auez pour faire les marches de ladite montée, ne soient que de la logueur d'un pied, ou pied & demy, ou deux: ou bien soit qu'il aduienne, comme en beaucoup de pays, que vous ayez pierres assez longues, & tant que vous les desirez, mais de telle nature, que estants fragibles elles ne se peuuent maintenir en œuvre, sinon avec petites pieces: lors il fault trouuer le moyen & inuention de s'en ayder, & faire les marches aussi fortes & longues, comme si vous auiez telles pierres que vous les pourriez desirer. Le tout sera facile à cognoistre par la figure d'une vis laquelle icy ie descriis double, c'est à dire avec deux montées, l'une estant d'un costé, & l'autre de l'autre: commē qui la voudroit faire seruir pour deux corps d'hostel, ou bien à fin d'y auoir plus grāde espace & aisance pour la grāde multitude des hommes qui y monteront & descendront: comme il se voit aux maisons Royales, & maisons des Princes & palais des grands seigneurs. Les vns y pourront monter d'un costé, & les autres descendre de l'autre, ainsi que vous le voyez en la premiere marche du costé de A B, & en l'autre du costé de C D, ou ie figure les marches avec le noyau de cinq pieces, combien que vous les pourrez faire de tant que vous voudrez. Lesdictes pieces & marches seront faictes si à propos, qu'elles feront vne voute en hemicycle, & s'assembleront trois & quatre marches à la fois, comme il se cognoist par les lignes qui prouiennent des cōmissures des ioinctes de pierre à autre. La chose est fort aisée à cognoistre par la figure cy apres proposée: la façon de laquelle me semble estre de fort bonne grace. On en pourroit encores faire vne de telle sorte que les murs qui la ferment seroient tous surpendus en l'air, & porteroient de quartier en quartier, ou plus qui voudroit. Et encores en vn besoing, pourueu que la montée ne fust point trop grande ny trop haulte, ie la ferois surpendue en l'air tout autour, & ne porteroit que sur les huit premières marches, sur lesquelles se-

Que c'est qu'il fault faire ou ne se trouuent pierres assez longues pour vne montée fort ample.

Marche de montée de plusieurs pieces.

Description & explication de la figure ensuiuant.


Merveilleuses façons de vis de l'inuention de l'auteur.

LIVRE IIII. DE L'ARCHITECTVRE

roit fondée la maçonnerie du rempant, mais il faudroit vser d'une autre sorte de traict, car cestuy cy n'y seroit propre, ny asseuré pour telle façõ. Lon pourroit enrichir par le dessous les marches & voutes rempantes des compartiments, suyuant la hauteur & largeur des pieces des marches, qui seroit vne chose fort belle, pour le racourcissement qui sy monstreroit aupres du noyau, & representeroit quasi vne perspective avec tresbone grace, estant accompagnée d'une inuention fort belle & agreable à la veue: pourueu que le tout fust cõduit avec vne grãde dextérité. Pour autant que si lon n'y prenoit garde, & que le rempant du gros mur qui ferme la vis ne fust bien faict, & les liaisons bien assemblées, les ioincts & commissures des marches facilement fouuriroient. Ceux qui seront bons ouuriers y pouruoiront fort bien, & conduiront leurs œuures si dextrement qu'ils en auront honneur & contentement. Je n'oubliray à dire qu'on peult faire trois vis de mesme sorte, l'une qui sera au lieu du noyau, & les autres deux qui ramperont tout autour, ainsi que nous auons dit cy deuant. Bref il s'en peult faire en beaucoup de sortes, les vnes voutées par le dessous des marches, qui sont communement appelées des ouuriers, là vis saint Gilles, pour autant qu'au prieuré de saint Gilles en Languedoc y en a vne semblable, portant vne voute à hémicycle, répante par dessous les marches. On en peult aussi faire qui seroient non seulement toutes rondes, mais encores quarrées à pend en forme d'octogone, ou d'exagone, & de diuerles autres sortes. Vous me ferez ce bien & faueur de vous vouloir presentement contenter des traicts & lineaments que ie vous propose cy dessous pour la montée & vis faicte de pieces sans en faire plus long discours & escriture.

Aduertissement digne de noter.

Autre sorte



LIVRE IIII. DE L'ARCHITECTVRE

Autre sorte de vis & montée qui peut estre vouée entre le noyau & les murailles qui ferment la vis: & sera vne voute toute droite qui voudra, ainsi que lon fait la voute sur le noyau, au plus hault de la vis, ou bien rempante pour porter les marches, comme la vis saint Gilles. CHAPITRE XIX.



*Explication
& démonstra-
tion de la figu-
re ensuiuant
le présent cha-
pitre.*

*Aduertisse-
ment digne de
noter.*

*D'une vis
estant au pri-
eu de S. Gil-
les en Lan-
guedoc.*

Figure cy apres le plan pour construire vne vou-
te sur le noyau d'une vis, ou bien rempante pour
porter les marches & faire ladicte vis, ainsi que
vous voyez la circonference marquée en la figu-
re ensuiuant par A D C Q. L'espesseur & grosseur
de la muraille est faite à plaisir, comme vous le
voyez par la distance d'entre L & C. La moitié de la grosseur
du noyau de la vis est comme I & B. Entre le noyau, comme
depuis I iusques à L, est la largeur de la voute qui se voit, par
l'hemicycle I O L, sur lequel hemicycle, apres auoir prins l'es-
pesseur de la voute, vous tirez les commissures qui procé-
dent du centre dudit hemicycle, ainsi que vous l'avez veu en
beaucoup de lieux par cydeuant. Desdictes commissures vous tirez
les perpendicules sur la ligne B C. En apres vous mettez le
compas sur le centre B, & faites plusieurs circonférences, com-
me vous les voyez à la figure cy apres descripte, qui monstre l'or-
dre des assiettes & pierres pour faire la voute entre le noyau & la
muraille. Telle façon de traict, sans en faire lóg discours, monstre
à faire vne voute sur le noyau & muraille d'une vis, quand on la
veult faire à nyueu sans estre rempante. Mais quand on veult
qu'elle soit rempante pour seruir de montée, & y faire des mar-
ches par le dessus (comme vous le voyez aux lignes qui procedét
du centre B, en tirant contre le mur de la vis, ainsi que est la ligne
de B & o, monstrant le departement & largeur des marches) à
cela y a quelque affaire pour conduire dextrement la voute. Tel-
le voute ainsi rempante est appelée des ouuriers, la vis saint Gil-
les: pour autant qu'il y en a vne semblable au prieuré de saint
Gilles en Languedoc. I'ay veu en ma ieunesse que celuy qui sca-
uoit la façon du traict de ladicte vis saint Gilles, & l'entendoit
bien, il estoit fort estimé entre les ouuriers, & se disoit commu-
nement entre eux que celuy auoit grãde cōgnoissance des traicts
Geometriques, qui entendoit bien la vis saint Gilles. Et à dire la
verité en ce temps la les ouuriers traualloient fort à l'entendre
& principalemēt pour la faire par panneaux, ou il se trouue beau-
coup de sortes de cherches ralógées. On en rencōtroit quelques
vns qui la faisoient par equarrissement, mais en cela n'y a gueres

d'esprit ne d'industrie, & y fault perdre beaucoup de pierres. Au-
 iourd'huy i'en voy plusieurs qui entendent non seulement la fa-
 çon de ladicte vis saint Gilles, mais aussi plusieurs autres bons
 traicts. Si ie l'auois à cōduire ie ne me soucierois gueres de la faire
 par panneaux, ny moins par equarrissemēt, vous aduisant qu'il n'y
 a point tant de peine, ny tant de difficulté que les ouuriers le pen-
 soient pour lors, & que plusieurs encores le pensent, pour ne le
 sçauoir. Il est aussi fort aisé & facile de la faire avec des bueaux
 & sauterelles: car en ayant les cerches ralongées qu'il y fault, &
 leurs equierres, il est facile d'en trasser iustement toutes les pier-
 res. Qui vouldra voir chose semblable, se transporte au chasteau
 de Boulogne pres Paris, combien qu'il s'en trouue aussi en quel-
 ques autres lieux. Ceux qui sçauront bien entendre & conduire
 proprement l'endroit des doubles marches ou palliers, (ainsi que
 les ouuriers parlent) sans que l'œuvre face iarret, & que le tout
 aille d'une venue par vne ligne rempante & bien adoucie qui sui-
 ue la forme du traict, il entendra fort aisément les autres sortes
 de vis. Quant aux cerches ralongées, & difference des rempans
 d'une chacune piece, vous les trouuerez en la figure cy apres des-
 crite, au lieu marqué P, & par nombres des hauteurs des marches
 qui se rapportent l'une à l'autre. Vous voyez aussi aux lieux mar-
 qués R & Q, les cerches ralogées, suiuant lesquelles on peut pré-
 dre les répans pour coupper les pierres avec les bueaux & sau-
 terelles, ou bien en leur des panneaux. Qui voudroit mettre d'a-
 uantage de lignes qui y sont nécessaires, seroit chose trop lōgue.
 Il fault apprendre les traicts plus en les contrefaisant, imitant &
 representant, que par longues escritures & discours de parolles.
 Ceux qui n'auront esté nourris en l'art, & n'auront prins grande
 peine à l'estude des traicts, il est malaisé qu'ils puissent recevoir
 promptement l'intelligence de ce que ie propose en ces liures, ne
 moins faire & conduire œuvres, dont ils puissent recevoir grand
 honneur & louange des hommes doctes. I'ay bien cogneu quel-
 ques vns qui auoient fort bonne part de la pratique des traicts
 Geometriques, & en parloient comme fort bien entendus, mais
 en leurs œuvres ils estoient tres infelices, & ne faisoient rien di-
 gne d'admiration. Ce qui rend telle chose difficile, c'est l'artifice
 des pierres de taille qui se trouuent desgauchées, biaises & de di-
 uerses figures, & formes pour les faire venir à propos aux œu-
 res, ainsi qu'on les demande. I'ay veu vne vis quasi semblable à
 celle que nous descriuons, au lieu nommé Belleuedere pres le
 Palais du Pape à Rome, ou il va quelquefois pour se recreer, qui
 est vn lieu accompagné d'une infinité de beaux ourrages & sta-

*Divers moy-
 ens pour con-
 trefaire la vis
 de S. Gilles.*

*Explication
 de la figure
 ensuiuant.*

*Belleuedere
 palais du Pa-
 pe à Rome.*

LIVRE IIII. DE L'ARCHITECTVRE

tues de marbre, cōme aussi d'autres belles antiquitez, & signamment d'un Laocoon & d'un Apollo, qui sont tres admirables à voir pour estre diuinement bien faictes. Il y a aussi vn Hercules, vne Venus, & plusieurs autres statues antiques de marbre, colloquées dedās des nyches: le tout accompagné de belles fontaines, orangiers, citronniers, & infinies autres choses fort excellentes & de grandissime plaisir. Tout aupres y a quelque bastimēt ayant vne vis ronde assez grande, & à iour par le milieu, dont elle reçoit la clarté. Ladicte voute est portée sur des colonnes du costé du iour, & de l'autre costé sur des murailles, n'ayant point de marches, sinon la voute qui rempe tout autour desdictes colonnes: & monte fort doucement, estant paüée de brique, ainsi qu'on a accoustumé faire à Rome. Par le dessous y a vne voute de brique faicte en berceau qui rempe fort doucement, ainsi qu'à la montée Ladicte voute est portée par des corniches sur vne forme ronde de muraille, & au milieu sur des colonnes comme i'ay dict, & se montre l'œuvre fort belle & bien faicte. Mais si l'Architecte qui l'a conduite eust entendu les traicts de Geometrie, desquels ie parle, il eust faict tout réper, ie dy iusques aux basses & chapiteaux, qu'il a faict tous quarrez, comme s'il les eust voulu faire feruir à vn portique qui est droit & à nyueau: par le dessus des chapiteaux, & au dessous des basses du costé de la descente, il a mis des coings de pierres pour gagner la hauteur du rempant. Laquelle chose monstre que l'ouurier qui l'a faicte n'entendoit ce qu'il fault que l'Architecte entende. Car au lieu qu'il a faict la voute de brique, il l'eust faicte de pierre de taille, & d'une colonne à autre des arcs rempans. Et encores qu'il n'eust voulu faire le tout de pierre de taille, pour le moins il deuoit faire vn arc rempant à trauers la voute de douze pieds en douze pieds, & le reste de brique s'il eust voulu. Par là on eust cogneu qu'il eust bien entendu son art d'Architecture. Cela estoit vn fort beau subiect pour faire vne voute, non seulement semblable à celle de saint Gilles, mais encores plus admirable, estant accompagnée de compartiments & moulures toutes répantes, & eust esté chose nonpareille: lors on eust veu tourner & desgaucher l'œuvre, qui se fust monstre fort superbe & tres-difficile à conduire, ainsi que ie pense. Nous auons vne infinité de beaux traicts en France, desquels on ne tient aucun compte, pour ne les entendre; & que pis est, lon ne se soucie gueres de chercher l'excellence & beauté des œuvres. I'ay faict faire à Fontainebleau vn perron qui est en la basse court, ou vous voyez les voutes par dessous les marches qui rampent comme la vis saint Gilles, mais il est encores plus difficile,

*Discours sur
la voute &
vn du Palais
de Belle-Ver-
dere, à Rome.*


*L'auteur mon-
stre, les anciens
n'auoir cogneu
l'artifice des
traicts Geo-
metriques.*

*Perron estant
à Fontaine-
bleau, de l'im-
mersion de l'au-
teur.*

car il y a trois sortes de traiçts ensemble, le premier est comme la porte ou arc rempant sur la tour ronde, le second sont arcs rempans & creux par le deuant, qui vont d'un pilier à autre. Et ces deux traiçts icy qui sont à l'extremité de la montée saccommo- dent & assemblent avec la voute répante & estant faicte en ber- ceau (qui est pour le troisieme traiçt) tous encathenez & liez en- semble, non sans grád artifice & merueilleuse difficulté. J'ay fait faire semblablement au chasteau d'Annet, entre plusieurs autres belles œures, vn perron sous la forme d'un croissant, lequel se voit au iardin, deuant le cryptoportique, pour monter sur la terrasse, & dessus ledit cryptoportique, comme aussi pour aller du logis au iardin. Ceux qui voudront voir telles œures tant au susdict Fontainebleau, que à Annet, s'ils ont quelque scintille de bon ingemét, ils y pourront trouuer quelques bons traiçts. Je di- ray encores d'auantage sur ce propos pour aduertir les Archite- ctes & ceux qui sont profession de conduire bastiments, que ce n'est pas assez d'entendre bien tous les traiçts pour scauoir mon- strer & enseigner ce qu'il fault faire, mais bien plus tost de choi- sir & trouuer de bons maistres maçons qui le sçachent propre- ment executer & mettre en œuvre: comme estoient ceux que j'ay eu pour la cōduicte du perrō de Fontainebleau, d'Annet, & d'au- tres lieux: lesquels i'auois façonné petit à petit, & de lōgue main: ne leur celant iamais rien, & sur tout ce qui se presentoit les ad- uertissant & enseignant amiablement: ainsi que ie fais encores, & feray tout le temps de ma vie, comme il viendra à propos: de- sirant qu'ils entendent bien leur estat au proufit, vtilité & hon- neur du Royaume & bien publique. Car si vous auez à conduire vne grande œuvre, & que vous n'ayez de bons maistres maçons qui vous sçachent bien enuēdre, il sera mal-aisé que vous puissies faire quelque chose de bon: & signamment si l'Architecte n'a luy mēme traissé les pierres, iacoit que ce ne soit son estat, ny chose à propos, & à laquelle il sceust fournir, pour auoir le soing à tant d'autres choses auxquelles il luy fault pouruoir, pour donner les mesures & commander en temps & lieu aux ouuriers, pour les affaires qui se presentent. Mais quant à ce discours, suffira pour le present, apres vous auoir exhibé la figure du traiçt de la vis rem- pante, de laquelle nous auons parlé au commencement de ce chapitre.

*Perron sous
la forme d'un
croissant, au
chasteau de
Annet,*

*Bon zele de
l'auteur en-
uers les mai-
stres maçons
& ouuriers.*



Le traict d'une autre sorte de vis & montée rempante en façon de la vis saint Gilles.


CHAP. XX.



E desire encores monstrier le traict d'une autre sorte de montée de vis, qui se peult faire en la façon de celle de saint Gilles, ce que i'accôpliray avec peu d'escriure, car il doit suffire pour ceste heure que vous voyez seulement les circonferences, tant du mur que des assiettes des pierres & noyau de ladicte vis, comme aussi l'hemicycle de la voute qui sera rempante & de sept pieces, à chacune desquelles il se voit comme lon peult prendre le rempant & cerches ralongées: le tout se pouuant conduire avec le buveau marqué seulement de lettres de chiffres, pour môstrer le rapport du compas sur vne chacune chose en son endroiât. Je prieray ceux qui auront quelque iugement de vouloir bien noter ce traict icy: car s'ils l'entendent, ils en entendront plusieurs autres. Il seroit bien expedient d'y mettre plusieurs autres lignes, mais cela feroit vne grande confusion, & redroit la chose plus malaisée. Vray est que ce traict cy seroit bié suffisant pour en faire vn ou deux grands chapitres, voire trois & quatre, à fin de specifier & declairer toutes les parties. Mais pour autant que c'est quasi vne mesme chose que ce que vous auez veu par cy deuant, nous abbregerons la matiere: ioinct aussi que cy apres vous verrez vn traict d'escalier, & vis quarrée, qui sera rempante & voutée côme ladicte vis de saint Gilles, sauf qu'elle est en forme ronde, & celle qui ensuiura, est en forme quarrée. Si quelques vns desirent la sçauoir mettre en œuure, & n'en peuuent receuoir l'intelligence, s'ils ne trouuent autre personne plus à propos que moy, qu'ils me viennent voir, ie leur diray de bon cueur ce que par la grace de Dieu i'en sçay.

*Explication
de la figure
ensuiuant.*

*Aduertissement
de l'auteur
digne de
noter & con-
siderer.*



*Le traict d'une montée & escalier ou vis quarrée, faicte en la
forme de la vis saint Gilles. CHAP. XXI.*




Our satisfaire aux gentils esprits ie proposeray
encores le traict d'une vis faicte comme celle de
saint Gilles, laquelle vous pourrez dresser sur
vn quarré parfait, ou bien oblong, c'est à dire
plus long que large, & sur toutes autres formes
& figures que vous desirerez: ie ne diray toutes
quarrées, ou toutes rondes, mais encores sur la forme hexagone
ou octogone, c'est à dire de six à huit pents, ainsi que les nom-
ment les ouuriers: ou bien sur vne forme triangulaire, soit equi-
laterale, ou autrement. L'ouurier qui aura l'industrie & intelligen-
ce des traicts, y peult proceder en telle sorte qu'il voudra. Mais
pour reuenir au present traict estant tout quarré, il a vne autre
consideration que vous n'avez veu à ceux de cy deuant, car les
arcs & montées de la voute rempante ne sont semblables. Ceux
qui sont au milieu des quatre faces sur les deux lignes qui font le
traict d'equierre, cōme l'hemicycle que vous voyez CHD, sont
tous d'une mesme sorte: mais ceux qui sont sur les angles, ainsi
que à l'endroit de 6, E & L, iacoit qu'ils soient bien d'une mesme
hauteur, si est ce qu'ils sont beaucoup plus larges. Et telle façon
d'arcs s'appelle arcs de cloistre, qui sont cōposés d'une autre for-
ce de traict, duquel i'eusse bien parlé cydeuant, n'eust esté que les-
dicts arcs se font tout ainsi que la porte qui est sur le coing, descri-
te au troisieme liure apres le traict de biais par teste. Qui le vou-
droit appliquer à la vis saint Gilles quarrée, il se trouueroit fort
difficile, pource qu'il est rempant & fault qu'il s'accommode aux
autres arcs & voutes qui sont de differentes largeurs cōme vous
voyez celuy qui est marqué F & G, si est ce qu'ils sont tous d'une
mesme hauteur, ainsi que celuy que vous voyez signé CHD, au-
quel sont tirées les commissures, estant faicte la voute de cinq
pieces, cōme vous les voyez marquées par lettres de chiffre. Les-
dictes commissures sont tirées des lignes perpendiculaires sur la
ligne CD, qui tourne tout autour du quarré de la vis, & remon-
te au droit d'un chacun arceau perpendiculairement, pour trou-
uer les commissures & ioincts des pierres, suiuant lesquelles se
font les assiettes de la voute rempant. Lequel rempant se faict se-
lon la largeur des marches que vous voyez marquées, & la hau-
teur d'icelle, comme il se peult voir en la ligne ID, ou sont les let-
tres de chiffre iusques au nombre de 5. qui monstrent la hauteur

*Le traict en-
suiuant estre
fort different
des autres*


*Continuation
de la demon-
stration de la
figure ensui-
uante.*

LIVRE III. DE L'ARCHITECTURE
 du rempant de cinq marches, comme vous pouvez voir en la pre-
 sente figure.



J'ay encores cy apres descrit vne petite figure pour trouuer les lignes de pente suyuant la hauteur du rempant au long du mur. Apres quoy lon peut prendre le desgauchissement d'une chacune pierre & assiette de la voute rompante: sur laquelle lon erige les marches par dessus, le plus proprement que faire se peut. Quoy faisant il fault que l'ouurier ayt telle consideration & industrie, que les marches ne soient si hautes & larges que lon n'y puisse monter aisement. De laquelle chose ie ne vous feray autre discours pour ceste heure, ny aussi de l'escalier rempant & vis saint Gilles.

*Explication
de la petite figure
cy des-
sous proposee.*



Icy doncques ie dōneray fin à la doctrine, fruit, & vsage des traicts Geometriques, fruit, dy ie, & vsage beaucoup plus grand que ie ne le sçauois expliquer, & le pourront bien iuger & comprendre ceux qui auront quelque peu versé en la Geometrie. Car par le moyen & ayde desdicts traicts ils cognoistront comme on peut couper la forme spherique & pyramidalle en plusieurs & estranges sortes, & par mesmes artifices & inuentions, trouuer le moien de tailler toute maniere de pierres, pour faire toutes sortes de voutes & trompes sur la forme des corps cubes, & y appliquer lignes rompantes, façons ouales & triangulaires, comme qui voudroit tirer des lignes diagonales par les costez, par la moitié, & en tant de sortes qu'on pourroit penser. Semblablement sur vne forme de colonne, laquelle on peut creuser par le milieu avec vne ligne rompante & oblique, & la façonner en telle sorte qu'on voudra. Je veux aduertir d'auantage que pour la necessité qui se peut trouuer aux bastimēts, l'Architecte doit sçauoir vne infinité de ces sortes de traicts: vous aduisant que i'en ay encores

*Conclusion de
la doctrine et
discours des
traicts Geo-
metriques.*

*L'auteur n'a
voir icy propo
sé toutes les
sortes de traits
lesquels il a
en main.*

plus de deux cens fort beaux, outre ceux que i'ay proposé cy dessus. Mais voiant le grand labeur & longueur de temps qu'il fault employer pour les sçauoir bien expliquer, i'ay pensé plusieurs fois que vn si long chemin & discours se peult gagner & abregger par le moyen de l'intelligence & cognoissance de la nature de six sortes de traits ou figures Geometriques extraites de Euclide & Archimedes. La premiere sorte seruira pour toutes descentes & voutes de caues rant estranges qu'on voudra, comme nous l'auons dict & monstre au commencement du troisieme liure: l'autre seruira pour sçauoir toutes sortes d'arches & portes: la troisieme pour toutes trôpes: la quatrieme pour toutes sortes de voutes spheriques & autrement faictes: la cinquieme pour toutes façons d'escaliers: & la sixieme pour toutes sortes de vis. Si quelques vns les peuuent trouuer, ils seront cause d'un grand repos & soulagement pour moy. Toutesfois si ie voy que personne n'y touche, & que Dieu me donne la vie & réps de les pouuoir monstrier, ie m'efforceray de faire encores quelque discours particulier & assez grand des susdictes six figures Geometriques, pour monstrier l'esprouue & experience d'une chacune chose. Je louë Dieu auteur de toutes graces, & le remercie treshumblement du bien & faueur qu'il me faict de pouuoir distribuer aux hommes vne partie du talent lequel il a pleu à sa sainte bonté me departir à fin que les hommes de bon esprit en reçoient quelque fruit & prouffit à sa louange, luy en donnant gloire & honneur à tout iamaïs.

*Promesse de
l'auteur si
Dieu luy don
ne la grace de
l'accomplir.*


Le cinquieme



LE CINQUIEME LIVRE

DE L'ARCHITECTURE DE PHILIBERT
DE L'ORME LYONNOIS, CONSEILLER, ET
Aulmosnier ordinaire du Roy, Abbé de
sainct Eloy lez Noyon, & de
S. Serge lez Angiers.

*Prologue contenant l'inuention, ordre, parties, mesures, & noms
des colonnes, & comme lon s'en seruoit anciennemēt, & des pre-
miers qui les ont apportées à Rome, selon Pline.*



YANT fatisfaiēt à mon intention & deli-
beration, laquelle estoit de monstrier l'artifi-
ce & vsage des traiēts Geometriques qui doi-
uent estre cogneus aux Architectes & mai-
stres maçons, pour auoir l'industrie de bien
faire & proprement conduire tout ce qui a
esté dit & declairé aux troisieme & quatrie-
me liures precedents, comme aussi pour plu-
sieurs autres choses qui concernent l'estat, fa-
brique & façon des bastiments, ie ne diray qui sont dedans les ter-
res, comme caues, celiers, cuisines, & autres, mais aussi pour tous
les estages qui sont par dessus lesdictes terres, de quelque sorte
qu'on en pourra auoir affaire, soit pour les lieux sacrez, pour cha-
steaux, palais, maisons bourgeoises ou autres: il me semble que
cy apres il sera fort conuenable & à propos de monstrier & escri-
re comme il fault orner & decorer les murailles des temples &
de leurs portiques, vestibules & autres endroicts, cōme aussi des
fassades des chasteaux, palais, & maisons, ainsi qu'il sera requis.
Doncques pour ce faire nous commencerons à parler de l'ordre

*Sommaire de
ce qui est en
partie conte-
nu aux deux
liures prece-
dents.*

A

LIVRE V. DE L'ARCHITECTVRE

*Theatre de
M. Scaurus
au mont Pa-
latin.*

*L. Crassus
appelle Venus
Palatine, &
pourquoy.*

*Vn chacun
voulait imi-
ter la magni-
ficence des
grands sei-
gneurs.*

& parties des colonnes desquelles les anciens auoient coustume orner & enrichir leurs bastiments, ainsi que les histoires en font mention, & signamment ce grand & incomparable Pline, secretaire & greffier du conseil priué de dame Nature, par lequel nous sommes enseignez que Marcus Scaurus estant Edile à Rome fit venir trois cés & soixante colónes de marbre, pour faire vn theatre au môt Palatin de bien petite durée, car à peine deuoit il estre vn mois en vſage. Contre l'ordonnance des loix il fut des premiers qui feirent voir à Rome les colonnes de marbre, sans que iamais on luy en dist mot, par quelque support & dissimulation, & aussi que c'estoit pour donner plaisir au peuple. Toutesfois ledit Scaurus ne fut le premier qui fit venir desdictes colonnes à Rome, car on voit au troisieme chapitre du xxxvj. liure dudit Plin, comme lóg temps au parauant, Lucius Crassus ce grand orateur auoit enrichy sa maison qui estoit au mont Palatin de six colonnes, desquelles le marbre auoit esté tiré du mont Hymettus, qui est en la contrée d'Athenes, & n'auoient lesdictes colonnes que douze pieds de hault. Pour raison desquelles Marcus Brutus appella ledit Crassus, Venus Palatine, entre autres propos fascheux qu'ils eurent ensembled. En quoy on peult voir que desia de ce temps la, l'ancienne discipline & seuerité Romaine estoit perdue ou abatardie, & que pour raison de ce, on ne disoit mot de toutes ces superfluitez. Mais depuis les hómés se sont bien debordez & deprauez d'auantage: de sorte qu'ils estoient encores trop plus modestes en ce temps la, que lon n'est auourd'huy. Car on verra à l'œil, & se trouuera que les Papes, Empereurs, Roys & grands seigneurs, ne font aucunes magnifiques excellences en leurs chasteaux & palais, soit en ornements de marbres ou incrustations, en belles chambres, beaux iardins, meubles exquis & riches, que incontinent les gentilshommes, bourgeois, officiers, & autres n'en vueillent auoir le semblable, avec tres-folles despenſes, & autant demesurées que ceux qui les font. Je ne dy pas qu'il ne faille bastir proprement pour la decoration des villes, & sumptueusement selon les facultez & qualitez d'un chacun, avec ornements modestes & competents, ainsi qu'il se voit en plusieurs villes de nostre France & d'autres nations & republicques bien policées & reformées: mais sur tout ie ne voudrois qu'on bastift à l'imitation & façon des anciés Roys d'Egypte, qui faisoient de merueilleuses & excessiues despenſes, pour la structure de leurs pyramides, à fin d'y occuper le peuple estant en oyſiueté bien souuent seditieux & rebelle, & aussi à fin que ceux qui succedoient à leur couronne, ou autres qui aspiroient au Royaume d'Egypte,

n'eussent aucune enuie de pourchasser leur mort, à cause de leurs biens, ou par quelque opinion de leurs richesses & thresors. Mais ils ont monsté en telles structures pyramidales vne grande legereté pour les auoir cōmençé tant superbes & prodigieuses, sans bien souuent les pouuoir continuer & paracheuer, pour les frais insupportables qui sy presentoient. De sorte que Herodote eſcrit qu'un Roy d'Egypte nommé Cleope, ayât entrepris d'en faire vne de pierres Arabiques, apres y auoir employé & fait besongner ordinairement six cens mille ouuriers, par l'espace de xx. ans, trouua la despesne & frais si grands & excessifs, que n'y pouuant plus satisfaire, il fut contrainct (ô malheureux Roy & pere) de prostituer sa fille, qui estoit fort belle & ieune, ainsi que porte l'histoire, à fin de pouuoir subuenir aux frais du paracheuement de ladicte pyramide. De laquelle Pline recite que 1800 talents (qui valent dix cents mille.escus, ou, si vous voulez, vn million & quatre vingts escus, prenant l'escu à trentecinq sols, ainsi que nostre docte & incomparable Budée) furent ex poiez en aulx, oignons, & reforts, pour alimenter les ouuriers & maneures. De là certainement on peult estimer cōbien a este excessiue la despesne du reste. Pleust à Dieu, & à ma volōté. que les riches bourgeois, marchands, fināciers, & autres qui iouissent des biens de fortune en toute affluence & outre mesure, sadonnassent aussi tost à faire & fonder quelques hostels-dieu, ou colleges pour le soulagement des pauures, & vtilité du bien publicque, que edifier vn tas de superbes & magnifiques maisons qui ne leur seruent que d'enuie & malheur, ainsi qu'il se voit ordinairement. Je suis souuentefois honteux de plusieurs qui desirent faire bastiments indignes d'eulx, & me demandent conseil sur leur deliberation: ausquels ie respond qu'un chacun se doit mesurer selō son pied. Mais voirement ce propos (ainsi qu'on dit) n'est à propos: parquoy nous reprendrons nostre chemin delaisé, qui estoit des premieres colonnes & marbres. Menander qui fut en son temps grād dechiffreur des superfluitez (ainsi qu'eſcrit Pline) parle biē peu du marbre diaprē & marquettē, & encores ne dit rien des colonnes de marbre situées aux temples, non pour braueté (car lors on ne scauoit que c'estoit) ains pource qu'elles sembloient plus dures que les autres. Et de faict le tēple de Iupiter Olympique estoit commencé de ceste estoſſe à Athenes. Duquel temple Sylla fit venir des colonnes de marbre; qu'il employa au temple du Capitole. Quant aux Romains, Cornelius nepos recite qu'un nommé Mamura gentil-homme Romain, cōmis & superintendant des mareschaux, charrōs, charpētiers, & autres ingenieux qui suiuoient

*Merueilleuse
histoire d'un
Roy qui pro-
stitua sa fille,
pour subuenir
aux frais d'une
pyramide.*

*Chose esmer-
ueillable &
digne de no-
ter.*

*Temple de Iu-
piter Olympiē
à Athenes.*

LIVRE V. DE L'ARCHITECTURE

le camp & la gendarmerie de Iules Cesar estant aux Gaules, fut le premier de tous qui fit reuestir de marbre les murailles de sa maison, laquelle il auoit au môt Cælius. Aussi ledit Cornelius nepos dit que ce fut le premier qui fit faire toutes les colônes de sa maison du marbre de Carystus, & de Luni de Thoscane. Apres luy

Marcus Lepidus Consul à Rome. Marcus Lepidus qui fut Cōsul avec Carullus, trouua le moyé de faire du marbre de Barbarie les lintheaux de sa maison, que nous appellons entablements: dont toutesfois il fut bien mercurializé & syndiqué. Je trouue audit Pline certaines mesures, ordre & denōbrements de colonnes que ie ne veux icy omettre. Quant aux colonnes, dict il, tant plus elles sont mises espesses, tant plus elles semblent grosses. Les anciés Architectes les ont diuisées en quatre ordres & quatre sortes. Le premier est de celles qui sont aussi grosses au pied que la sixieme partie de leur haulteur porte, & sont appellées Doriques. Le secōd est de celles qui ont la neuuiesme partie de leur haulteur en la grosseur de leurs pieds, nommées Ioniques. Le troisieme est de celles qui ont la septieme partie, ainsi que dessus, appellées Thoscanes. Le quatrieme ordre est des Corinthiennes qui ont la mesme proportion que les Ioniques, toutesfois avec quelque differēce, car le chapiteau des Corinthiennes est aussi hault qu'elles sont grosses par le bas. Et de là vient que les Corinthiennes semblent plus gresles que les autres: mais les chapiteaux des Ioniques ont seulement de hault, le tiers de la grosseur du pied desdictes colonnes. Il fault noter que anciennement on prenoit la haulteur des colonnes au tiers de la largeur des temples ou on les vouloit mettre. On tient aussi que l'inuention de mettre des pieds de stat, vases & chapiteaux aux colonnes, fut premierement pratiquée au temple de Diane Ephesienne.

Proportion des colonnes anciennes. Touchant leur proportion, on escrit que du commencement il failloit que les colonnes eussent en grosseur la septieme partie de leur haulteur, & que leur pied de stat fust d'espaisseur de la moitié de leur grosseur d'auantage: & finalement, qu'elles fussent d'une septieme plus gresles à la cyme que au pied. Oultre les colonnes que dessus, il y en a encores qui sont faictes à l'Athenienne (appellées Attiques) & ont quatre angles distinguez de tous costez, par interualles egaux. Voila ce qu'escrit Pline, en peu de paroles, touchant l'ordre & mesure des colonnes, monstrant fort bien comme elles doiuent estre seulemēt pour vne certaine haulteur. Mais il les faudroit changer, & en prendre d'autres selon les œuures qu'on auroit à faire, ainsi que vous en verrez cy apres la pratique, comme aussi des corniches, frize, & architrabe, desquel les ledit Pline ne parle aucunement.

DE PHILIBERT DE L'ORME.

131

Des mesures desquelles nous auons vsé & nous sommes aidez, en mesurant & recherchant les antiquitez de diuers pais, & premierement du pied antique, & palme Romain.

CHAPITRE I.



ESTANT à Rome du temps de ma grande ieu-
ness, ie mesurois les edifices & antiquitez, selon
la roise & pied de Roy, ainsi qu'on faict en Fran-
ce. Aduint vn iour que mesurant l'arc triüphant
de sainte Marie noue, comme plusieurs Cardinaux
& Seigneurs se pourmenants visitoient les
vestiges des antiquitez, & passoiët par le lieu ou i'estois, le Car-
dinal de sainte croix lors simple Euesque seulemët (mais depuis
Cardinal, & Pape sous le nom de Marcel, homme tresdocte en di-
uerses sciences, & mesmes en l'Architecture, en laquelle pour
lors il prenoit grand plaisir, voire iusques à en ordonner & faire
desseings & modelles, ainsi que puis apres il les me monstra en
son Palais) dit en son langage Romain, qu'il me vouloit cognoi-
stre, pour autant qu'il m'auoit veu & trouüé plusieurs fois mesu-
rant diuers edifices antiques, ainsi que ie faisois ordinairement
auec grand labour, frais & despens, selon ma petite portée, tant
pour les eschelles & cordages, que pour faire fouiller les fonde-
ments, à fin de les cognoistre. Ce que ie ne pouuois faire sans
quelque nombre d'hommes qui me suyuoient, les vns pour gai-
gner deux Iules ou Carlins le iour, les autres pour apprédre, com-
me estoient ouuriers, menuisiers, scarpelins ou sculpteurs & sem-
blables qui desiroient cognoistre comme ie faisois, & participer
du fruiët de ce que ie mesurois. Laquelle chose donnoit plaisir au-
dict seigneur Cardinal, voire si grand qu'il me pria estant auec
vn gentilhomme Romain qu'on nómoit misser Vincencio Ro-
tholano, logcät pour lors au Palais de saint Marc, que ie les vou-
lusse aller voir, ce que ie leur accorday tresvoluntiers. Ledit sei-
gneur Rotholano homme fort docte aux lettres & en l'Archite-
cture prenoit grandissime plaisir à ce que ie faisois, & pour ceste
cause me monstroït, comme aussi ledit seigneur Cardinal, grand
signe d'amitié. Bref apres auoir discours auec eux de plusieurs
choses d'Architecture, & entendu d'ou i'estois, ils me prierent de
rechef de les visiter souuët audit Palais, ce que ie fis. Auquel lieu
ils me conseillerent entre autres choses, (apres auoir cogneu la
despenſe que ie faisois pour cercher les antiquitez, & retirer tou-
tes choses rares & exquisies en l'art d'Architecture) que ie ne me-
surasse plus lesdictes antiquitez selon le pied de France, qui estoit

*Cardinal de
S. Croix Pape
& homme do-
cte.*

*Missier Vin-
cencio Rotho-
lano homme
docte.*

LIVRE V. DE L'ARCHITECTVRE


*Les anciens
edifices auoir
esté conduits
auecques le
palme et pied
antique.*

*Grande &
admirable di-
ligence de l'au-
teur.*

*Description
& mesure du
pied antique,
Palme, &
doigt, avec
leurs parties.*

*Minutes et
onces.*

le pied de Roy, pourautant qu'il ne se trouueroit si à propos que le palme Romain, suyuant lequel on pouuoit fort bien iuger des anciens edifices qui auoient esté cōduits auec iceluy plustost que auec autres mesures, & signamment auec le pied antique, me dōnans lors & l'un & l'autre auec leurs mesures, lōguez, & diuisions telles que ie les vous proposeray cy apres. D'auantage ils m'enseignerent les lieux ou ie les trouuay insculpées en vn marbre fort antique. L'un estoit au Cāp-dolle, qui est le palais ou les Romains s'assembloient pour traicter de leurs affaires, comme lon fait en France aux maisons de ville: & l'autre au iardin du feu Cardinal de Gady, ou ie les trouuay taillez & marquez en vne pierre de marbre fort antique, auec plusieurs autres singularitez, & grand nombre de diuerses sculptures. & ornemens d'Architecture, comme aussi de belles frises, fucillages, chapiteaux, & corniches accompagnées d'infinies fractures & vestiges fort antiques & plus que admirables à l'œil humain: lesquels ie retiray, auec plusieurs autres, ainsi que ie les pouuois trouuer. Depuis l'aduertissement des susdicts seigneurs tant doctes & sages, ie ne voulus plus m'ayder du pied de Roy, mais bien du pied antique, & signamment du palme Romain, pour autant que lors il estoit plus vsité & cogneu des ouuriers à Rome, que le pied antique. Je ne veux pas dire qu'on ne puisse bien mesurer (ainsi que chacun sçait) par toutes sortes de mesures, comme par le pied vulgaire, le palme, la coudée, & autres: mais il n'y a point de mesures plus à propos que ledit pied antique, qui est iustement de la longueur laquelle vous voyez cy apres marquée en deux sortes, sçauoir est M O, & F K, estāt diuisée en quatre parties egales, cōme on les voit aux lieux F G H I K, desquelles vne chacune est appellée Palme. De rechef vn chacū palme est diuisé en quatre autres parties, qui sont nommées doigts, & distribuent toute la lōguez dudit pied en seize doigts, cōme vous le voyez par la figure marquée M O, en ses extremittez. Par ainsi ledit pied a quatre palmes de longueur, qui sont ensemble seize doigts, pourueu qu'on en donne quatre à vn chacun palme. De rechef vn chacun desdicts doigts est diuisé en quatre autres parties, appellées d'aucuns minutes & des autres onces: & par ainsi ledit pied en contiendra soixante quatre. Bref le pied antique a de longueur quatre palmes ou seize doigts, ou soixante quatre minutes ou onces. On trouue encores ladicte longueur du pied antique estre diuisée en douze parties appellées des vns poulces, & des autres minutes, ainsi que j'ay veu qu'aucuns ouuriers en vsoient, & diuisoient de rechef leurs poulces en douze autres parties: quelques vns en six, & les autres



autres en cinq, pour conuertir
en soixante parties de longueur
tout ledit pied antique, comme
vous le pouuez voir icy à costé
par la figure dudit pied.

Quant au Palme Romain, (duquel on vse le plus souuent à Rome) il est diuisé en douze parties egales apellées minutes: mais toutes les douze ne cōtiennent en leur lōgueur que douze doigts du pied antique, dont les seize font toute sa lōgueur. Leddit palme est aussi diuisé en quatre parties, desquelles vne chacune contient trois minutes. Et de rechef chacune minute est diuisée en quatre autres parties, apellées onces, & par ainsi toute la longueur dudit palme Romain contient quarante huit onces, comme vous le pouuez voir en la figure cy apres, au lieu de P Q R.

Et pour-autant que aucuns
desireront cognoistre au long
plusieurs autres sortes de mesu-
res, pour ceste cause i'en ay bien
voulu descire cy apres quel-
ques vnes extraictes tant de Pli-
ne que d'ailleurs, sous differen-
tes sortes, ainsi que vous le co-
gnoistrez par le discours ensuy-
uant.

LIVRE V. DE L'ARCHITECTURE
Des mesures des Grecs & Geometriens, comme aussi de plu-
sieurs autres. CHAPITRE II.



Mesure des Grecs, tant en pieds & palmes, que doigts et poulces.


Il me semble que le susdit pied antique soit la mesme longueur de pied dont les Grecs vsoient aux mesures des edifices & autres: veu ce qu'en recite Pline en son Histoire naturelle, parlant de plusieurs sortes de mesures & pois, & signamment de ceste cy, de laquelle (comme il escrit) les Grecs vsoient es dimensions de tous interualles. Et sur le mesme propos il dict, que le doigt dont les Grecs se seruoient à la dimension des tiges & racines, est prins pour la sezieme partie d'un pied, & le poulce pour la douzieme, & le palme pour la quatrieme, contenant quatre doigts. Il dit en autre endroit que le pied comprend seize doigts, ou quatre palmes. Mais il ne fault oublier que le pied Grec est plus grand de demy poulce, ou d'une vingt-quatrieme partie, que le pied Romain. Ce qui est veritable du pied antique, ainsi que vous le pouuez voir par le pied qui est cy apres marqué S T V, estant conserué au pied antique designé par cy deuant. Je poursuiuray ce que dit Pline touchant les differences qui sont aux mesures, non seulement pour les pieds & palmes, mais aussi pour les coudées & autres: pour autant que nous parlerons souvent en noz œures d'Architecture, de plusieurs sortes de mesures & proportiōs, ainsi que vous le verrez. Doncques la coudée vulgaire est de vingt quatre doigts, qui font vn pied & demy: & se prend la vraye mesure de ladicte coudée du bout du coude, iusques à l'extremité du doigt du milieu de la main.

Coudée vulgaire, & bras se Grecque.

Difference entre vn doigt & poulce.

Palme de deux sortes.

La brassé Grecque est de quatre coudées, qui font six pieds: surquoy il fault noter, que la brassé Grecque passe la brassé Romaine d'un pied & vn quart d'iceluy. Le susdit Pline recite (comme assez d'autres auteurs lesquels i'ay leu) que les anciens vsoient pour mesurer tous interualles de la maniere qui sensuit. C'est qu'ils prenoient pour vn grain la moindre mesure de toutes: duquel les quatre faisoient vn doigt, qui est prins pour la sezieme partie d'un pied. Il fault aussi noter qu'il y a grande difference entre vn doigt & vn poulce, car quatre doigts ne font que trois poulces. Aussi au pied Geometrique il y a douze poulces & seize doigts de sorte qu'en parlant d'une once Geometrique, il fault entendre vn poulce qui contiet vn doigt & le tiers d'iceluy. Quant au palme que les Latins appellent *Palmus*, il en y a de deux sortes, sçavoir est le petit, qui est prins pour quatre doigts, qui valent trois poulces, ou trois onces, & le grand qui comprend cinq doigts. Il



133

y a aussi le double palme dict des Grecs dichas, lequel contient huit doigts. Aucuns neantmoins prennent pour le plus grand palme l'estendue depuis le poulce iusques au petit doigt, qui cōprenent douze doigts, ou neuf poulces: les Grecs l'appellent spithame, & les Latins dodrās. Il fault d'auantage noter, que le pied se mesure diuersement, car quelquefois on le préd pour l'estendue de la main, y adioustant la longueur du doigt du milieu, iusques à la seconde ioincture inclusiuement: quelquefois pour la largeur de deux poings, en ayant les deux poulces estendus & rapportez l'un à l'autre. On le prend aussi pour l'intervalle qui est entre la coudée, & la clef ou vertebre de la main. La coudée qui est dictée des Latins cubitus & vlna, comprend vn pied & demy, faisant vingt & quatre doigts, ou six palmes. Nous dirōs en passant, que la vraye grandeur ou hauteur d'un chacū est de quatre de ses coudées. Mais il fault icy noter

Diuerfes sortes de mesures du pied.

LIVRE V. DE L'ARCHITECTURE

que la coudée Geometrique est prinse pour vne toise & demie, vallant neuf pieds, ou six coudées communes, qui est la vraye canne des Hebreux. Toutesfois la canne du sanctuaire auoit dix pieds, ainsi que nous le deduirons en temps & lieu avec l'ayde de Dieu, en nostre œuvre & tome Des proportions diuines. Le degré Geometrique dict des Latins Gradus, contient deux pieds. Et le pas, dict aussi des Latins Passus, est de deux pieds & demy, lequel on prend ordinairement pour vne demie toise, en sefforçant vn peu de le faire grand. Si lon veult engembar & marcher bellement, les trois pas feront la longueur de la toise de Roy, ainsi qu'on parle à Paris. Quant à la brasses elle contient cinq pieds, mais il fault noter que la Romaine est plus petite que celle des Grecs d'un pied & vn quart, ainsi que nous auons dict n'a gueres: & pour entendre plus facilement les mesures, nous continuerons, & en ferons encores vn petit chapitre, pour les mieus connoistre & leurs caracteres.

Coudée geometrique, toise, & canne des Hebreux.

Que c'est que pas & brasses.

De certaines marques & caracteres de mesures, lesquelles nous employons, & faisons seruir en ce present œuvre d'Architecture. CHAPITRE III.

Certaines marques de mesures, desquelles use l'auteur en ses figures.



L'auteur omettre beaucoup de petites choses, à fin de poursuivre les grades.

E ne veux faillir de vous aduertir qu'en toutes les figures de ce present œuvre ou vous verrez marqué p, estant accompagné de quelques nombres, il signifiera palme, comme p, pied antique, m, minute, & o, once. On sayde aussi à Rome, ainsi que nous auons dict, de la brasses & canne, auquel lieu la brasses cōtient quatre palmes, & la longueur de la canne y est de deux brasses & demie, qui sont dix palmes. Quand on veult denoter la brasses on met vn b, comme pour la canne, vn c. D'auantage vous serez aduertis que quand ie voudray signifier la toise, ie mettray vn t, & pour le pied de Roy, vn p avecques vn r. Ie vous descrirois encores plusieurs autres sortes de mesures, comme des petites diminutions de l'once qui viennent apres le grain d'orge, & des douze lignes qui sont au poulce: semblablement ie vous proposerois les grandes mesures, comme stades, perches, arpens, & de quelle quantité elles sont, avec les differences des miliaires, lieues, & plusieurs autres mesures, desquelles vsent les Geometriens & Architectes, pour les reduire à vne mesure du pied de Roy & de la toise, mais tout cela ne seroit à propos pour faire entendre les mesures & ornemens des colonnes, & autres artifices d'Architecture desquels nous voulons parler,

& monstrent les differences qui sont aux proportions qu'on leur doit donner selon les lieux ausquels on les appliquera. Plusieurs ont escrit bien amplement des susdictes mesures, & de leurs diuersitez, ainsi qu'on en vse en vn pais d'une sorte, & à l'autre d'une autre, cōme aussi des pois, & varietez d'iceux, tāt pour les marchandises que medecines: qui sera cause que ie leur renuoyray ceux qui ne se contenteront du present discours, à fin de les lire à leur bon plaisir & loisir. Voila ce que ie desirois vous communiquer quant aux mesures & leurs differences deuant qu'entamer le propos des colonnes, lequel ie desire faire entendre avec peu de parolles, tant que faire se pourra, & tout ainsi que i'en fais pratiquer l'usage (se presentant l'occasion) signamment des colonnes qui ne sont que de dix, douze & quinze piedz de hauteur ou enuiron. Nous commencerons dōcques aux proportions des quatre colonnes que Vitruue nous propose, les conduisant & expliquant par ordre l'une apres l'autre. La Thuscane doncques ira la premiere.

*Bon vouloir
de l'auteur
enuers les ap-
prentijs.*

*De la colonne Thuscane, & de ses parties, ornements
& mesures. CHAP. IIII.*



Ombien que Vitruue nous descriue & enseigne l'ordre de la colonne Thuscane, si est-ce que ie n'en ay point vëu aux edifices antiques, dont ie me puisse aduiser, mais bien assez aux modernes. Toutesfois ie ne lairray d'en parler, pour autant que c'est vn ordre tresbeau, & grandement necessaire & vtile pour les lieux qui ont à porter grande pesanteur, & ou il fault que l'œuure soit fort massiue pour soustenir les charges. Je diray d'auantage que la façon des colonnes Thuscannes est propre pour ornements rustiques qu'on doit faire au premier estage des edifices, & merueilleusement conuenable à porter les voutes des grands lieux audit premier estage, ou bien dans les terres, ou lon fait les voutes des cuisines, salles du commun & autres: ou bien pour faire portiques, peristyles, & vestibules: principalement aux chasteaux & palais qui sont dans les forteresses: pour autant que tel ornement est trop lourd & massif, n'ayant aucune chose de delicat, comme doiuent auoir les premieres entrées & aspects des logis pour donner plus de contētemēt à ceux qui y vont & viennent. Doncques pour autant que telles colonnes doiuent estre massiues & fortes, elles meritent auoir lieu au premier estage. Qui est la cause que nous les descriuons icy les

*La colonne
Thuscane rare
aux edifices
antiques,*

*Les colonnes
Thuscannes de
uoir estre mas-
sives & gros-
ses.*

LIVRE V. DE L'ARCHITECTVRE

premieres, comme celles qu'il fault premierement appliquer en œuvre quand on veult mettre deux, trois, ou quatre ordres de colonnes l'une sur l'autre. Quoy que ce soit, les plus fortes & massives doiuent estre tousiours les premieres pour faire aller l'œuvre par ordre: sans lequel ordre toutes choses perdent leur grace & desplaisent à l'œil, ie ne diray aux bastiments & structures, mais aussi aux liures, escritures & toutes choses. Ainsi qu'il se voit en la dispositiō & ordre de plusieurs chapitres de Vitruue, & signāment du troisieme, quatrieme, & cinquieme liures de son Architecture, qui me semblent estre si confus, meslez & transportez, que ce qui deuroit præceder ensuit, & au cōtraire. Laquelle chose plusieurs fois m'a faict penser, ou que ledit Vitruue ne les a iamais ainsi disposez, qui est tresveritable (pour autant qu'à la mode des anciens il a escrit son œuvre tout d'un traict & sans aucune

Plusieurs chapitres de Vitruue n'estre en leur ordre.

Quelques corrections de l'auteur sur la confusion & desordre des liures de Vitruue

discontinuation ou diuision par chapitres) ou bien que quelqu'un a voulu ainsi dresser les chapitres tout expres, à fin de rendre l'œuvre & l'artifice de bastir difficile: ou que les liures ont esté ramassez par pieces, & ainsi imprimez ou bien transcrits & copiez apres le decès de Vitruue: ou que ledit Vitruue a colligé son œuvre de plusieurs auteurs, lesquels il a confusément allegué, sans auoir eu le temps de disposer le tout par ordre & bonne methode, estant parauanture preuenue de mort. Quoy qu'il en soit son œuvre est si enuoloppée, confus, obscur, & difficile, que plusieurs ne s'en peuvent gueres bien ayder. Dieu donnera le moien à quelque gentil esprit de reduire tel desordre en bon ordre. Mais delaisant ce propos, & reprenant celuy que nous auons entamé des mesures des colonnes Thuscānes, & de leurs ornemēts, ie voudrois que celles qui seront de dix ou douze pieds, eussent six fois la grosseur de leur diametre, par le bas, pres de la basse, pour leur haulteur. Et pour plus clairement le monstrer, ie prend le cas que la colonne ayt deux pieds de diametre & douze de haulteur, son diametre sera diuisé en cinq parties & demie, desquelles quatre & demie seront données au plus hault de la colonne, & la retraicte & rotondité en telle sorte conduite, que toute la haulteur de la colonne soit diuisée en trois parties egales, desquelles la premiere, *verbi gratia*, au lieu de F, aura deux pieds & vne vnziesme partie de grosseur par son diametre, estant vne vnziesme partie plus grosse que n'est le pied de la colonne pres de la basse. Vous ferez adoucir la rotondité de toute la haulteur de la colonne par vne cerche ralongée, ainsi que vous le voyez à la figure qui vous en est proposée cy apres, & ne se peult mieux faire, cōme ie l'ay approuué par experience beaucoup de fois, & en diuerses sortes d'œuvres, ainsi

Adoucissement de la rotondité de toute la haulteur de la colonne Thuscāne.


ainsi que, Dieu aydant, ie le vous deduiray fort familiarement & par le menu. Donc apres auoir arresté la haulteur de la colonne Thuscane que vous voudrez faire, comme i'en propose & figure vne cy-apres ayant deux pieds de grosseur par son diametre au dessus de la basse, & douze de haulteur (qui est six fois la grosseur) si vous diuisez ladicte grosseur en cinq parties & demie, & en donnez quatre & demie au dessus de la colonne pour faire sa retraicte, & de toute la haulteur de sa colonne en tirez plusieurs lignes paralleles (ainsi que i'ay fait pour ceste cy douze) les quatre monstreront la tierce partie de la haulteur de la colonne, auquel lieu vous mettrez vn cètre, comme vous le voyez au lieu marqué F, & d'iceluy vous tirerez deux circonferences, l'une de la largeur & grosseur de la colonne par en hault, qui est la plus petite, comme vous le voyez en la prochaine figure, aux deux lignes qui tombent perpendiculairement sur l'extremité de ladicte circonference: l'autre circonference est plus large que le diametre de la colonne par le desous d'une vnziesme partie de sa largeur, pour faire que ladicte colonne soit enflée & aye ventre au droict de la ligne F. Ce que aucuns ont obserué & fait ainsi pour beaulté, comme aussi pour les raisons que vous entendrez plus amplement cy après. Et tout ainsi que ladicte colonne est diuisée en douze parties, aussi vous faites douze parties egales dedans la circonference, comme vous les voyez en ladicte figure, sçauoir est quatre au desous de la ligne F, & huit au dessus, & ou c'est que les lignes qui font separation se rencontrent sur l'extremité de ladicte circonference, vous en tirez des lignes perpendiculaires. Et là ou elles se rencontrent sur le bord des lignes paralleles qui diuisent toute la haulteur de la colonne en douze (ainsi que nous auons dit) vous faites vne cerche ralongée de toute la haulteur de ladicte colonne pour l'arondir, à fin qu'elle se montre de belle forme & façon. Mais il fault que le bon maistre maçon tire ceste cerche ralongée à part, comme vous voyez que ie l'ay fait & figuré à costé de la colonne cy apres descrite, monstrant la concauité de ladicte colonne en forme d'une reigle, pour faire entendre aux apprentifs & ignorants que quand ils tailleront leur colonne ils doiuent souuent presenter telle reigle perpendiculairement & à plomb sur la ligne du pied de ladicte colonne: ce faisant il leur sera aisé de la tailler avec vne telle dexterité, qu'ils offeront de la pierre autant qu'il fault, & sera arondie & agrossie de si bonne grace, qu'elle donnera contentement à la veüe

Familier explication de la figure ensuiuant pour la composition de la colonne Thuscane.

Instruction et aduertissement fort bon pour les maistres maçons & ouvriers.

LIVRE V. DE L'ARCHITECTVRE


de tous ceux
qui la regar-
derôt. Et pour
autât que tel-
le façon se voit
en diuers lieux
& aussi que
plusieurs l'ont
voulu môstrer
cela me gar-
dera de faire
plus long dis-
cours sur le
present pro-
pos, pour le-
quel no^r vous
donnô la pre-
sente figure.





Ay veu plusieurs basses des colonnes Thuscane qui auoient pour leur haulteur la moitié de la grosseur de leur colonne, & quelque fois plus. Et par ainsi à celle que ie figure cy apres, au lieu que le diametre de la grosseur de sa colonne a deux pieds, pour la haulteur de sa basse, il luy en faudroit bailler la moitié, qui seroit vn pied. Mais quant à moy, ie ne luy voudrois donner sinon que neuf poulces de haulteur, & à son plinthe quatre & demy, & au thore marqué B, autres quatre & demy: l'escappe de la colonne au lieu marqué C, sera de la haulteur de la quarte partie du thore, & la saillie de la basse de trois poulces, de sorte que le plinthe aura pour toute sa largeur deux pieds & demy. Quand vous voudrez haulser la colonne, & mettre quelque carreau au dessous de sa basse au lieu des pieds de stats, (ainsi que i'ay fait à la figure proposée cy apres elle sera de haulteur autant que toute la basse: & en vn betoing, sil est de necessité, vous en ferez vn quarré parfait, ou luy baillerez autant de haulteur, comme est large le plinthe de la basse: ainsi que vous le pourrez cognoistre par la petite figure prochaine.

Brefue explication & demonstration de la petite figure ensuiuite



LIVRE V. DE L'ARCHITECTVRE

Du chapiteau Thufcan & ornemens de ses parties. CHAPITRE VI.


L'auteur s'ex-
cuse s'il yse en
ses livres de
mots Grecs,
Latins, Ita-
liques, ou au-
tres.

Des parties
& mesures
du chapiteau
Thufcan.

Poursuite des
parties de la
susdicté colô-
ne.



Euant que parler du chapiteau de la colône Thu-
scane, ie prieray les Lecteurs (ce que ie deuois
auoir faict au parauant) ne trouuer estrange si ie
vse quelquefois en ce discours des colomnes, &
ailleurs, de mots Grecs, Latins, Italiques, ou au-
tres. Car pour dire verité nostre langue Françoisé
en l'explication de plusieurs choses, est si pauvre & sterile, que
nous n'auôs mots qui les puissent representer propremēt, si nous
n'vsurpons le langage & mot estranger: ou bien que nous vsons
de quelque longue circonlocution. En quoy ie ne veux omettre
que la plus grande partie des mots que nous vsurperons, sont en-
tendus, receus & cogneus de plusieurs ouuriers & maistres en
ce Royaume: ioinēt aussi que nous escriuôs autāt pour les estran-
gers, que pour noz François. Pour venir doncques au chapiteau
Thufcan, il aura pour sa haulteur, la moitié de la grosseur de la co-
lône par le bas, & autant pour toute sa largeur, ainsi que se cōpor-
te la grosseur de ladiçte colomne pres la basse, qui a deux pieds de
large pour son diametre, cōme nous auons dit. La haulteur dudit
chapiteau est diuisée en trois parties egales, aiāt vne chacune qua-
tre poulces, desquels vous en donnerez quatre au tailloir marqué
A, qui est comme vn plinthe quarré: & à l'echine signé B, autres
quatre, cōprins son filet quarré qui est au dessous, & à la frize du
chapiteau C, quatre autres, qui sont les trois parties, ou si vous
voulez les douze poulces es-
quels est diuisée ladiçte hault-
teur du chapiteau. Surquoy il
faut prendre encores la quar-
te partie d'icelle pour la hault-
teur du filet quarré, qui est en-
tre l'echine & la frize dudit
chapiteau. Quant à l'astragale
D, & le petit quarré E, qui est
au dessus de la colomne, ils au-
ront autant de largeur par le
diametre qu'est la grosseur de
la colomne par le bas, & autāt
de haulteur que est la retraicte
de la colône, ainsi que le pou-
uez voir par la presente figure.





Vant à l'epistyle ou architraue & frize, vn chacun d'iceux doit auoir pour sa haulteur la moitié de la grosseur de sa colonne par le plus hault, pres du chapiteau. Mais l'architraue doit estre diuisée en cinq parties pour toute sa haulteur, & vne d'icelles donnée à son quarré ou atastre, lequel aucuns ont appellé face ou liste, qui monstre la saillie de son epistyle. La frize doit estre toute vnice & sans aucuns ourrages ny moulures. La corniche aura vne mesme haulteur que son epistyle, laquelle sera diuisée en quatre parties, & vne d'icelles donnée à son cymace, puis deux autres à la couronne, & la quatrieme à son quarré & reiglet au dessous de la couronne: mais il ne fault oublier de mettre à la couronne trois strieures ou caneleures quarrées, iacoit que plusieurs l'ayent fait d'autre sorte, vn chacun selon son aduis, & quelques fois les vns de meilleure grace que les autres. Voila qu'il me semble de la structure des colonnes Thufcane & de leurs ornements. Je ne parle point icy des stylobates, ou pieds de stats, car l'ordre Thufcan ne les requiert, sinon que vous voulussiez esleuer d'auantage vostre œuvre. Quant à moy, ie n'y en voudrois aucunement mettre, ains plus tost au lieu des basses & corniches, faire des plinthes & quarez assez gros, comme l'œuvre le requiert: car lors vous pourrez mettre par dessous la basse, vn plinthe tout quarré, d'un pied pour le moins de haulteur, ou de deux pour le plus, qui seruira de pied de stat: autre ourrage ie n'y voudrois faire. Par ainsi vostre colonne aura huit parties & demie pour sa haulteur avec ses ornements, comme basse, chapiteau, epistyle, frize, & corniche. Quand on est contrainct de faire des pieds de stats, toute la haulteur sera diuisée en dix parties, qui sont vingts pieds, aiant la colonne deux pieds de grosseur par son diametre au dessus de la basse, ainsi que nous auons dit. Telle mesure sera bonne pourueu que la haulteur de la colonne n'excede point dix ou douze pieds, car si elle auoit quinze pieds de haulteur, il la faudroit faire autrement: & tout ainsi de vingt, ou de trente, pour autant qu'il fault sçauoir donner les vrayes mesures selon la haulteur qui se trouuera en l'œuvre: ainsi que nous le deduirons ailleurs, Dieu aidant, avecques bonnes & suffisantes raisons, si nous n'en sommes destournez par quelques grands & vrgents affaires.

Epistyle, frize, & corniche de la colonne Thufcane.

Aduertissement, conseil & aduis de l'auteur fort digne de noter.

Les vrayes mesures des colonnes estre selon la haulteur de l'œuvre.

Icy ie ne me veux amuser à escrire l'inuention & origine de

B ij

LIVRE V. DE L'ARCHITECTVRE

la colonne Thuscane, ny de ses ornemens, soit qu'elle ayt esté faicte au païs Thuscan, ou ailleurs, n'aussi la raison pourquoy sesdicts ornemens sont ainsi composez. Quant à moy, ie fais ladicte colonne plus grosse en sa tierce partie de haulteur qu'au plus bas, pour la monstrier plus forte, comme si elle saccroit en enflant cōtre bas pour la charge qu'elle porte. Il doit suffire aux ouvriers de bien entendre les mesures pour les mettre en œuvre, à fin que la colonne soit elegante & de belle proportion, selon les lieux esquels on la voudra employer. Et pour autāt qu'il me semble que ie n'ay assez spécifié l'ordre Thuscan, pour contenter celui qui en desirera plus sçavoir, i'ay figuré encores cy apres avec plus grandes figures vne basse, chapiteau & corniche, lesquels i'ay retiré & extraict, avec leurs mesures & diuines proportions, de l'écriture sainte, ainsi que vous le cognoistrez plus particulièrement cy apres: comme aussi les nōbres & diuisions que i'applique à tous les ordres des colonnes, & de leurs ornemens, ensemble des Fassades des edifices, & plans de toutes sortes, semblablement des orthographies, & scenographies de tous edifices. Doncques, qui voudra prendre la peine, verra l'ordre Thuscan, comme ie l'ay cy apres particulièrement décrit & figuré.

*Diligence de
l'auteur accō-
pagnée de bō
zele & vou-
loir enuers les
apprentifs.*

*Encores de la colonne Thuscane & de ses mesures, selon nostre
aduis, & comme lon y doit proceder. CHAP. VIII.*



*En quels
lieux il fault
rendre plus
grosse & mas-
sive la colom-
ne Thuscane.*

Vant aux proportions & mesures de la colonne Thuscane elles ont esté dictes par cydeuant: mais pour bien appliquer en œuvre ladicte colonne, il fault noter qu'aux lieux ou elle porte plus de charge & pesanteur, il est necessaire de la rendre plus grosse & massive, à fin de pouoir mieux resister contre la ponderosité & charge qu'on luy voudra donner. Pour ce fault il qu'elle soit grosse & courte mediocrement, suiuant la stature de l'homme bien proportionné, qui n'a que six fois la longueur de son pied pour sa hauteur. Aussi telle colonne ne doit auoir que six fois le diametre de sa grosseur par le pied, pour toute sa haulteur. Mais si on luy vouloit donner vne plus grande force ou beauté, ou bien que lon voulust cōsiderer que pour la grāde pesanteur qu'elle porte, la matiere de son corps sabaisast & accrasast par le ventre, lors il seroit de besoing qu'elle eust la haulteur de sa tierce partie, comme au lieu de quatre pieds par dessus sa basse, qu'elle fust plus grosse d'une dixieme ou douzieme partie qu'elle n'est sur ladicte basse. Et encores à telle facō de colonne,

*Instruction et
advertissemēt
fort digne de
nosser.*

pour se monſtrer plus forte & maſſiue, il ne ſeroit point mal ſe-
 ant de la rendre plus groſſe qu'elle n'eſt par le pied, de la douzi-
 me partie, ainſi que nous auons dict. Vous aduiſant que ſi i'en ay
 quelquefois affaire, ie le feray ainſi. Pour la retraicte de ladiſte co-
 lomne par le hault, il ſuffira que ce ſoit d'une ſixieme partie de
 ſon diametre: comme ſi la colonne eſtoit diuiſée par ſon dit dia-
 metre, au deſſous, en ſix parties, les cinq en ſeront données pour
 le diametre au deſſous du chapiteau. Aucunes fois il ſera bõ qu'el-
 le ſoit diuiſée en cinq parties, & que les quatre ſoient la groſſeur
 du deſſus de ladiſte colonne. Mais ſur ce propos ie vous aduertiray
 que noſtre Vitruue eſt de telle opinion & aduis, que ſi les co-
 lombes ont de douze à quinze pieds de haulteur, le diametre du
 deſſous doit eſtre diuiſé en ſix parties egales, deſquelles lon en dô-
 nera cinq pour le hault bout de la colonne, qui eſt vne ſixieme
 partie de retraicte. Celles donc qui auront de quinze à vingts
 pieds, leur diametre ſera diuiſé en ſix parties & demie, deſquel-
 les les cinq & demie ſeront pour le deſſus de la colõne: & celles
 qui auront de vingt à trente pieds, leur diametre ſera diuiſé en
 ſept parties, deſquelles ſix ſeront pour le plus hault de ladiſte co-
 lomne, & ainſi des autres. Il fault doncques apprédre, telles pro-
 portions & meſures de noſtre dit Vitruue, qui ſont fort bõnes &
 tres dignes d'oſeruer. Parquoy vous les pouuez & deuez voir
 audit auteur, comme auſſi celles des colonnes antiques, leſquel-
 les ie vous mōſtreray en ce cinquieme & ſixieme liures, tout ain-
 ſi que ie les ay iuſtement proportionnées à leurs antiquitez, ſous
 differentes meſures & retraictes. Mais pour reuenir à noſtre co-
 lomne Thuſcane, ie vous veux bien encores aduertir, que quand
 à ſa baſſe ie la voudrois prendre ſur la moitié de la groſſeur de la
 colonne, qui ſont douze poulces, en comprenant la haulteur de
 l'eſcappe de la colonne, qui eſt le quarré eſtant au pied, & reuien-
 dra quaſi à la proportion & meſure que vous auez veu cy-deuant
 fors que la baſſe dont nous parlions, avec le plinthe & thore ſont
 de meſme haulteur. Ie vous aduiſe que maintenant ie m'ay de
 telles diſpoſitions & nombres, ainſi que plus à plein ie le vous fe-
 ray cognoiſtre quelque iour, Dieu aydant. Ladiſte baſſe eſt diui-
 ſée en douze parties egales pour ſa haulteur, ou bien douze poul-
 ces, deſquels ſon plinthe ſigné A, à la figure enſuiuante, en a ſix
 parties pour ſa haulteur: le thore, ou mēbre rond marqué B, qua-
 tre: & le filet quarré ou eſcappe par deſſus ledict mēbre rond ou
 thore, deux. Voila les douze parties qui ſont la moitié du dia-
 metre de la groſſeur de la colõne. La ſaillie de la ſuſdicte baſſe a trois
 de ſes parties, qui ſont vne quarte partie de la haulteur de toute

*Lieu de Vi-
 truuſe expli-
 qué & dilu-
 ré par l'aduiſe
 de l'auteur.*

*De quelles di-
 menſions &
 nombres ſ'ay-
 de maintenant
 l'auteur pour
 les colonnes.*


LIVRE V. DE L'ARCHITECTVRE

ladiſte baſſe. I'ay veu aucuns Architecſtes en Italie qui faiſoient le plinthe de la baſſe Thuſcane marqué A, tout circulaire. Quant à moy, i'entend qu'aux lieux des baſſes Doriques, Ioniques, Corinthiennes, compoſées, & autres, les plinthes y ſoiēt tous quarez ſur leurs pieds de ſtats, fors qu'à ceſtuy cy, qui le doit auoir rond, pour monſtrer la difference des autres : & auſſi pour monſtrer que la baſſe doit eſtre forte & ſolide, tour ainſi comme la colomne. Aucuns ont trouué la faille de la baſſe en ceſte ſorte: c'eſt qu'après auoir tiré la circonference de la largeur de tout le diametre du plinthe, ils pratiquent vn quarré parfait dans telle circonference dudit plinthe, au droit marqué A, & font que les angles touchent iuſtemēt l'extremité de ladiſte circonference. Puis dedans ce quarré ils deſcriuent vne autre circonference & rond eur qui monſtre la groſſeur de la colomne, pourueu que tel circuit ou circonference touche iuſtemēt les extremités du quarré parfait, & entre les deux circonférences monſtre la faille de la baſſe Thuſcane au droit de ſon plinthe : mais cela doit eſtre ſelon la grandeur des colomnes, & le lieu auquel on les veult appliquer. Et pour autant qu'il fault que telle choſe (comme i'ay dict) ſoit maſſiue, il n'eſt point de beſoing de luy donner aucun ſtylobate ou pied de ſtat, mais bien vn grand plinthe quarré de hauteur, ſi vous voulez, de la moitié de la groſſeur de la colône, comme vous le voyez en la prochaine figure, au lieu marqué D, ayant douze poulces, & avec la baſſe vingt & quatre, ou biē deux pieds ainſi qu'il eſt deſigné en vne ligne des coſtez. Quand vous ſerez contrainct de hauſſer d'auantage voſtre colomne, vous pourrez bien faire ſon plinthe de la hauteur de la groſſeur de ladiſte colomne, pour le plus que ce ſoit en forme d vn cube quarré, ou rôd & ſans moulures, pour y faire des corniches baſſes, comme lon faiſt aux pieds de ſtats : mais quant à moy, ie n'y voudrois faire aucuns ouurages. Et pour autant que les figures Thuſcaneſes cy deuant propoſées m'ont ſemblé eſtre trop petites, ie les vous ay voulu figurer cy apres en plus grand volume, ainſi que vous le pouvez voir par la baſſe Thuſcane qui enſuit.

Inuention & façon d'aucuns pour la faille de la baſſe.

Beaux enſeignements & ſort dignes de noter.

L'auteur ſe ſtudier à bien faire cognoiſtre ce qu'il propoſe & eſcrit.



LIVRE V. DE L'ARCHITECTVRE

Du chapiteau de la colonne Thufcane.


CHAPITRE IX.

*Proportion
& mesure du
chapiteau
Thufcan.*



*Poursuire de
l'explication
des parties de
la colone Thu
fcane.*

Vant au chapiteau Thufcan, i'ay tousiours trouué que la moitié de la grosseur de sa colonne par le pied aupres de la basse, est fort cōuenable pour sa haulteur, pourueu que la colonne n'excede point douze ou quinze pieds de haulteur, car autrement (comme i'ay dict souuentesfois) il faudroit changer les mesures, & donner les proportions differentes, selon la haulteur de l'œuure. Ladiçte haulteur doit estre diuisee en douze parties, qui sont douze poudes, desquels la frize marquée E, à la figure ensuiuant, en aura quatre, sa petite reigle ou filet quarré, signé F, vn: son echine ou mēbre rōd marqué H, trois: & son abacus & couuerture du chapiteau, quatre: desquels de rechef y en aura deux pour le quarré marqué K, & deux autres au lieu marqué I. Quant à l'ypotrachelio, ou gorgerin, ainsi qu'aucuns le nomment, ou membre rond du dessus de la colonne, avec son filet quarré, signé L, tout cela a deux parties de haulteur, lesquelles on diuise coustumierement en trois, desquelles le petit mēbre rond en a deux, & son petit filet quarré vne. Touchant la saillie du chapiteau, elle est tousiours aussi large cōme est le diametre par le pied de la colonne, avec vne sixieme partie de son diametre d'auantage, ainsi que vous le pouuez voir en la figure cy apres: de sorte que luy presentant le compas vous trouuerez qu'il sera malaisé de pouuoir faire vn plus beau chapiteau pour l'ordre Thufcan. Je ne passeray outre sans vous aduertir que i'ay trouué des colonnes Thufcane qui estoient au dessous du chapiteau, de la cinquieme partie de retraiçte, comme le diametre du dessous de leur colonne estoit diuisé en cinq parties au dessous dudit chapiteau, qui n'estoit que quatre de ses parties. Cela est propre pour donner plus grande saillie au chapiteau. Je vous en figure cy apres vn qui me semble estre fort bien.



De l'architraue, frize & corniche Tuscane. (HAP. X.)

Oute la haulteur de l'architraue, frize & corniche est diuisée en quarante parties, que nous appellerons poulces, côme par cydeuant. Et quant à la haulteur particuliere dudit architraue, ie ne luy voudrois dōner que dix poulces, ou dix parties: desquelles son plinthe marqué M, en aura deux: son filet quarré signé N, vne: & les sept qui restent demeureront à la reste de la face de tout l'architraue au lieu marqué O,

LIVRE V. DE L'ARCHITECTURE

qui sont sept poulces, ou bien sept parties. La haulteur de la frize au lieu marqué P, sera autant comme la moitié de la grosseur de la colonne qui a douze poulces: & le petit thore ou membre rond qui est au dessus marqué Q, aura la sixieme partie de la haulteur de ladicte frize, qui sont deux poulces: la face ou quarré marqué R, sera de trois poulces ou parties: la couronne S, de quatre: le quarré T, de deux: le petit thore marqué V, d'autres deux: le cymas ou partie du grand membre rond signé X, de cinq: & la faillie de toute la corniche, de quinze. Et pour autant que toute la haulteur desdictes corniche, frize, & architraue, est diuisée par parties egales & poulces, qui sont quarante, ainsi qu'il a esté dit, & le pouuez voir en la figure suiuite, à la ligne perpendiculaire estant à l'un de ses costez vers l'extremité de la corniche, ie n'en feray plus long discours: ioinct aussi qu'en prenant le compas & le presentant sur lesdictes parties de la figure, vous cognoistrez qu'elles doiuent estre les faillies d'une chacune chose. Qui me gardera de vous faire plus long discours de la colonne Thuscane, & de ses ornements: remettant à vne autrefois vous declarer plus particulièrement les diuisions, nombres & proportions de ses membres & parties, comme aussi d'autres sortes d'ornements de la corniche Thuscane. Ce temps pèdant en peu de parolles ie vous repeteray les mesures de tout l'ordre Thuscan, à fin que mieux vous les reteniez. D'ocques la haulteur de la colonne avec

Excuse proposée par l'auteur.

Repetition fort briefue de toutes les mesures de l'ordre Thuscan.

Belle recollection de la colonne Thuscane et de ses parties.


tous ses ornements. doit estre diuisée en dixhuit parties, sans y comprendre le pied de stat: lequel quand vous serez contraints d'y faire, toute la haulteur sera diuisée en vingt & vne parties. Si est ce que pour cela ie n'y voudrois faire aucunes moulures, ne basse dudit pied de stat: car si vous le faictes trop hault, vous rendrez l'œuvre trop delicate, & nō point robuste, comme elle doit estre. I'ay veu quelques Architectes modernes en Italie qui donnoient au pied de stat la tierce partie de la haulteur de sa colonne, mais à mon iugement c'estoit trop: pour autant qu'il suffit, quand vous seriez contraints d'y en faire, qu'il soit de la quarte partie de la haulteur de sa colonne, qui est vne fois & demie le diametre de ladicte colonne. Ou bien que ladicte haulteur de colonne soit diuisée en douze parties, & les trois données pour le pied de stat, puis la haulteur dudit pied de stat encores diuisée en six parties, & l'une donnée à la corniche qui est syncopée, comme à vn plinthe, vne autre à la basse, & les quatre demeureront dedans le quarré du pied de stat entre la basse & la corniche. Cela rend & mōstre l'œuvre forte & robuste. Par ainsi il y a trois parties pour le pied de stat, vne pour la basse, & douze pour la colonne

colonne, qui font seize, & cinq pour le chapiteau, architraue, frize & corniche, qui font vingt & vne parties: si vous obseruez telles mesures, vous les trouuerez fort belles. Si la grandeur du papier pouuoit porter qu'on peust mettre & assembler toutes les parties & ornemens des colonnes l'une sur l'autre, comme sur la basse, la colonne, le chapiteau, l'architraue, frize, & corniche, à fin qu'elles fussent d'une grandeur compétente pour cognoistre les mesures, ie les y mettrois volontiers, comme aucuns ont fait, en representât par fueilles imprimées les ordres des colonnes: mais cela seroit si petit, vû la capacité du papier de nostre liure, qu'il malaisément le lecteur en pourroit tirer quelque fruit. Et aussi que montrant la façon pour vn ordre, ne seroit assez pour sen seruir à tous propos, aumoins à plusieurs sortes d'edifices, pource qu'il les fault faire de differentes mesures selon l'œuvre que l'on veut faire. Par ainsi il m'a semblé pour le mieux, (à fin que les ouuriers puissent entendre les differences qu'on doit donner aux mesures & ornemens des colonnes) de les montrer & enseigner par pieces l'une apres l'autre, & quelquefois proposer par exemple ce que j'en ay retiré des edifices antiques, ou bien des liures, & longue experience, en accompagnant le tout de figures plus petites les vnes que les autres, & quelque fois autât grandes que le feuillet du liure le peult porter, à fin que lon puisse mieux voir & cognoistre la vraye forme, mesures & ornemens des colonnes. Ce que vous sera aisé de voir par effect cy apres tant à l'ordre Dorique, Ionique, Cornithien, que autres. Et sur ce propos ie ne vous tiendray d'auantage pour le present, à fin de commencer à descrire les mesures & proportions des colonnes Doriques, comme aussi leurs ornemens & parties.

*L'auteur se
excuse et mō-
stre pourquoy
il a fait ses
figures main-
tenant petites
en quelque-
fois grandes.*

C

LIVRE V. DE L'ARCHITECTURE



De la colonne Dorique avec ses mesures, ornements & parties. CHAPITRE XI.



Ombien que par cy-deuant i'aye dict que ie ne m'amuserois point à descrire au long & prolixement l'origine & inuention des colonnes autrement que i'ay fait, si est ce que ie vous aduertiray sommairement que la Dorique a esté trouuée apres les mesures de l'homme, ainsi que vous

La colonne Dorique auoir esté trouuée apres les mesures de l'homme.

le pouuez voir au premier chapitre du quatrieme liure de Vitruue, qui est la cause que ie n'en feray autre discours, à fin de declarer l'artifice & proportions de ladicte colonne. Quand dōcques vous desirerez faire vn ordre Dorique, vous regarderez que les colonnes ayent pour leurs haulteurs la septieme partie de leur grosseur par le diametre pres la basse. Comme quoy? si elles ont deux pieds de grosseur, elles en auront quatorze de haulteur, laquelle sera de mesme grosseur de deux pieds iusques à la tierce partie de leur haulteur par dessus la basse, ainsi que vous le voyez à la figure ensuiuant au lieu marqué 3. Puis toute la largeur de leur diametre sera diuisee en six parties egales, desquelles vous en donnerez cinq à la grosseur de la colonne par le dessus, & sen faudra vne sixieme partie qu'elle ne soit aussi grosse par le plus hault qu'elle est par le bas au dessus de la basse. Il la faudra bien adoucir avec la cerche ralongée, comme i'ay dit de la Thuscane, parquoy ie n'en feray plus longue escriture: ioinct aussi que vous le pouuez encores aisément cognoistre par la figure qui vous en est cy apres proposée, aux lignes perpendiculaires qui tombent sur l'extremité de la circonference qui est faicte du centre marqué 3. Quant aux basses de ladicte colonne Dorique on les fait de la haulteur de la moitié de la grosseur de la colonne: & pour autant qu'elles sont en pleine veüe, il ne faut point changer de mesure pour leur donner autre sorte de haulteur, en quel que ordre que ce soit. Vray est que vous les pourrez enrichir de moulures telles que vous voudrez, suiuant l'ordre. La grosseur de ceste colonne est diuisee en trois parties egales, suiuant l'opinion de Vitruue, qui me plaist grandement, & la veux alleguer à fin que vous en puissiez seruir. Vous mettrez doncques, en suiuant ledit Vitruue, vne desdictes trois parties sur la basse tirant en bas, & ce qui restera sera pour la haulteur du plinthe de ladicte basse, ainsi que vous le voyez signé B, en la figure cy apres. Le reste de la basse sera diuise en quatre parties, desquelles vous en donnerez vne au thore de dessus signé C: & le surplus, qui sont

Mesure des parties de la colonne Dorique.

La haulteur des basses de la colonne Dorique.

Opinion de Vitruue approuuée par l'auteur.


LIVRE V. DE L'ARCHITECTURE

trois parties, sera diuisé en deux, dont l'une seruira pour le thore inférieur, marqué D, & le residu pour la concauité qui est entre les deux thores, avec les deux filets quarrez, marquez E, & appelez des ouuriers naucelle, qui est vn nom duquel ils vsoient par cydeuant aux edifices modernes, qu'ils disoient estre faicts à la mode Françoisé, de laquelle on se vouloit encores ayder lors que ie fis commencer le chasteau de saint Maur pres Paris. Mais telle façon barbare est abolie entre les ouuriers pour auoir trouué meilleure celle que ie leur ay monstré & apporté en France il y a plus de trente ans, sans en prendre aucune gloire ne iactâce. Telle concauité & naucelle de basse est diuisée en six parties, desquelles on en prend deux pour donner aux deux filets, sçauoir est à chacun vne : mais le dessous doit estre vn peu plus hault. Cela se pourra beaucoup mieux cognoistre par le desseing que ie vous en proposeray expressément, que par longue esécriture, signamment en la basse qui est dessous la colonne signée A, comme vous le verrez cy apres. Quant à la saillie de la basse Dorique, elle aura la quarte partie de la grosseur de sa colonne, qui sont six poulces, de sorte que tout le plinthe de ladicte basse avec les saillies aurent pour leur largeur vne fois & demie le diametre de la colonne, qui serót trois pieds. Pour le regard des pieds de stat ou stylobates, il les fault faire aussi larges qu'est tout le plinthe de la basse, & y former de telle largeur vn quarré parfait, que vous puissiez tirer vne ligne diagonale d'un angle à autre, & autant loügue que sera la haulteur du stylobate oultre sa corniche & sa basse, qui doiuent estre chacune d'une cinquieme partie de la haulteur du dedans du pied de stat : sçauoir est vne pour la haulteur de la basse, & vne autre pour la corniche, qui sont sept parties, esquelles doit estre diuisée toute la haulteur du stylobate Dorique. Qui vouldroit adiouster vn plinthe dessous ledit stylobate, il le pourroit faire d'une haulteur des susdictes sept parties. Je ne parleray des moulures de la corniche de la basse, pour autant que vous les verrez plus particulierement cy apres.

*L'auteur a-
uoir apporté
la maniere de
bien bastir en
France.*

*Pour la saillie
de la basse Do-
rique.*

*Continuation
de ce que des-
sus.*



LIVRE V. DE L'ARCHITECTVRE

Autre sorte de stylobate, ou pied de stat Dorique.


CHAPITRE XII.



*Cōtre aucuns
qui veulent
cōrreſaire les
Architectes
par larrecins.*

*Des meſures
particulieres
de la colonne
Dorique.*

'Ay deſcrit cy deſſus vne façon de ſtylobate Dorique ſuiuant l'opinion de pluſieurs, & ainſi que aucuns modernes l'ont miſe en œuvre, & figurée, ou pluſtoſt tellement quellemēt dechiffrée de Vitruue, pour ſen ayder (comme chacun faiçt de ce qu'il peut) mais telle façon, hauteur & proportion de ſtylobate ſeroit beaucoup plus propre pour vne colonne Ionique, voire pour la Corinthienne à vn beſoing, que pour l'appliquer à l'ordre Dorique. Si ie l'ay voulu deſcrire ce n'a eſté pour autre choſe ſinon que ie l'ay trouuée ainſi, n'y voyant toutesſois aucune grace ne beauté pour eſtre hors de meſure & vraye ſymmetrie. Ce que ie dy pour aduertir que tout ainſi que la colonne Dorique eſt faiçte ſelō la proportion de l'homme, auſſi eſt elle propre pour porter choſes fort peſantes, apres la Thuſcane. Je ne voudrois que ſon ſtylobate fuſt tāt eſſeū qu'on le faiçt, mais bien au contraire qu'il euſt ſeulement la hauteur d'un quarré parfait entre ſa corniche & baſſe, qui ſeroit de la largeur du plinthe de la baſſe de ſa colonne. D'auantage ie voudrois diuiſer ledict quarré en quatre parties, & donner vne d'icelles à la hauteur de la baſſe, & vne autre à la corniche du ſtylobate, qui ſeroient cinq parties, puis vne autre au plinthe de la baſſe, qui ſeroit toute la hauteur des parties du pied de ſtat, ainſi que vous le pouuez voir par la figure preſente, laquelle vous ne trouuerez de mauuaiſe grace.



Encores d'une autre sorte de pied de stat Dorique. CHAP. XIII.




Esirant pratiquer petit à petit les proportions & mesures que j'ay obseruë en la sainte escriture, il m'a semblé fort bon de vous proposer icy vne autre sorte de pied de stat, laquelle vous trouuerez plus belle en œuvre qu'aucune qu'on puisse voir pour l'ordre Dorique, ainsi que ie pense. Qui est

Inuention extraicte des proportions de l'escriture sainte.

la cause, que pour rendre plus content le Lecteur, ie me suis parforcé de vous en faire icy dessous vne figure pour la troisieme marquée A, au milieu: en laquelle ie m'ay de d'une proportiō que j'ay pratiquée apres auoir dressé le quarré parfait du dedans du stylobate: lequel ie diuise en quatre parties, ainsi que dessus, & donne vne d'icelles à sa hauteur, qui est, de cela, plus que son quarré. Et se trouuent par ce moien les proportions entre la basse & la corniche si à propos, qu'il y a cinq parties de hauteur sur quatre de largeur. De rechef vne de ces parties est donnée pour la hauteur de la basse du pied de stat, & autāt pour sa corniche, comme vous le pouuez voir par la presente figure, qui me semble tres-

L'auteur se-studier à contenter les Lecteurs.

belle. Il vous fault ainsi garder telle mesure, quand vous voulez rédre vostre œuvre plus gaye & plus esleuée et la pratiquer semblablement aux plinthes de la basse dudit pied de stat, ou stylobate, au lieu signé B, en esleuant vostre œuvre d'une de ses parties, voire de deux, si est besoing. Par ainsi toute la hauteur dudit stylobate, avec sa basse & corniche sera diuisée en sept parties, cōme la colonne, qui a sept fois pour sa hauteur la largeur de son diametre par le bas. Ledit stylobate se trouuera de hauteur, avec son plinthe B, de six pieds sur trois de large, ou bien il aura deux



fois autant de hauteur, comme il est large, ainsi que vous le pouuez cognoistre & mesurer avec le compas sur la presente figure.

LIVRE V. DE L'ARCHITECTVRE
Du chapiteau Dorique, & de la mesure de ses parties.
 CHAPITRE XIII.

*Continuation
 de la descrip-
 tion & me-
 sure des par-
 ties de la colô-
 ne Dorique.*



*Continuation
 des mesures
 du chapiteau
 Dorique &
 de ses parties.*


*Advertisse-
 ment fort di-
 gne de noter.*

Pres vous auoir monsté les mesures du stylobate de la colomne Dorique, côme aussi de la basse & de son plinthe, reste icy consequemment parler de son chapiteau, epistyle, triglyphes, & metopes qui contiennent la haulteur de la frize, & des coronnes ou corniches, ainsi que le vulgaire les appelle. Doncques les chapiteaux Doriques, pour leur haulteur doiuent auoir la moitié du diametre de la grosseur de leur colomne par le bas, qui peult estre vn pied de haulteur, supposant que la colône aye deux pieds de grosseur en son diametre. Ladite haulteur sera diuisée en trois parties egales, desquelles la premiere sera pour le plinthe & cymas du chapiteau marqué D, en la figure descrite cy apres: la seconde pour l'echine avec ses filers quarrez, & la troisieme pour l'espace de la frize dudit chapiteau, qui sera à plomb & perpendicule, & de mesme grosseur que le dessus de la colomne. Puis toute la haulteur dudit chapiteau sera diuisée en neuf parties, desquelles vous en dōnerez vne à la haulteur du cymas, ou cymace, avec son filet quarré par le dessus, deux pour le plinthe, deux pour l'echine, & vne pour les filers quarrez: les trois qui restent seront pour la frize dudit chapiteau: le tout faisant les susdictes neuf parties. Toute la saillie du chapiteau au dessus, & au droit du filet quarré de la cymace marqué D, sera aussi large, comme est le diametre de la colomne par le bas, avec la sixieme partie dudit diametre d'auantage, qui seront deux pieds & quatre poulces. Mais la saillie du chapiteau qui est depuis le neud de la colomne, iusques à l'extremité du filet quarré marqué E, sera diuisée en quatre parties, desquelles vne sera donnée pour la saillie de la cymace, & le reste demourera pour la saillie du plinthe, & de l'echine & filet quarré, ainsi que vous le pouuez fort bien cognoistre par la figure cy apres proposée, sans en faire plus long discours. Toutefois ie vous veux bien aduiser que Vitruue n'a pas mis grande difference entre les mesures du chapiteau Dorique, & du chapiteau Tuscan, mais biē plus tost aux ornements, pour leur auoir baillé à tous deux la haulteur de la moitié de la grosseur de leur colomne par le pied, & en apres diuisant ceste haulteur en trois parties, & en donnant vne pour la frize, l'autre pour l'echine, & la troisieme pour le dessus ou est le cymas ou quarré, avec quelque petit ornement different. Mais telles mesures des chapiteaux Doriques, & encores de toutes

leurs parties, se doiuent faire selon le bon iugement de l'Architecte, & correspondance de la haulteur & grandeur des œures, par les raisons que i'ay dit cydeuant, & allegueray cy apres, comme il viendra à propos &

en sera de besoing. Par ain si vous verrez par exemple & figure la difference qui est entre les colônes, ie ne diray pas seulement en leurs chapiteaux, mais encores aux corniches & autres parties, sans y omettre leurs ornemens, ainsi que vous le pourrez iuger par celles que i'ay mesurées apres les antiquitez, & vous seront proposées cy apres chacune en son ordre. Mais delaisant ce propos nous acheuerons

le discours de la colomne Dorique, & parlerons tant de son epistyle que triglyphes, metope & coronne, c'est à dire de l'architraue, & frize, ou sont les caneleures, ornemets, corniche, & autres.



L'ordre de toutes les colônes estre different l'un de l'autre.

De l'epistyle Dorique, comme aussi de ses parties, & triglyphes. CHAPITRE XV.



Our pertinemmét parler de l'epistyle marqué F, en la precedente figure, & appelé des ouuriers Architraue, estant de mesme haulteur que le chapiteau, & ayant la moitié de la grosseur de la colomne (sçauoir est vn pied de haulteur) vous le diuisez en sept parties, & donnerez vne d'icelles à la haulteur du filet quarré, signé G, lequel aucuns appellent liste: Vitruue, tenie, ensuiuant les Grecs: & les autres, autrement: soit ainsi qu'on voudra, pourueu que l'on ait cognoissance. Puis vous diuisez encores toute la haulteur dudit epistyle en six parties, & en donnerez vne à la haulteur des gouttes & petite reigle ou filet quarré, qui pourroient estre deux poulces de haulteur, suiuant ce que nous auons proposé par cydeuant, qui estoit de donner deux pieds de grosseur à nostre colône Dorique par son diametre. Quant à la face dudit epistyle estant au lieu marqué F, il

Que c'est que epistyle & de sa diuision en sept parties.

LIVRE V. DE L'ARCHITECTURE

Mesures & proportions des parties et mesures de l'epistyle

fault qu'elle soit correspondante & à plomb avec la colonne par le bout d'enhaut, ainsi qu'il est aisé à cognoistre par la ligne qui en monstre le pourfil, comme vous le voyez au lieu signé H. Au dessus de l'epistyle il fault faire la hauteur des triglyphes marquez I, laquelle sera autant que est vne fois & demie la hauteur dudit epistyle, sçavoir est d'un pied & demy. Touchât la largeur elle sera d'un pied, qui est la moitié de la grosseur de toute la colonne marquée *K M*, en la deuxieme figure precedente. Les

Des triglyphes & leur largeur.

triglyphes signez I, en la figure du chapitre precedent, seront, ainsi qu'il a esté dict, autant larges comme est la hauteur de l'epistyle, ou bien comme est la largeur de la moitié de la colonne *K L*, qui est vn pied, lequel sera diuisé en six parties egales, & trois d'icelles données pour le quarré, deux pour la concavité des triglyphes, & deux demies pour les deux costez, l'un à droict & l'autre à gauche, ainsi que vous le pouuez cognoistre par la figure proposée au chapitre precedent, & le cognoistrez encores mieux cy apres, par autres figures antiques. Mais notez qu'il fault que les triglyphes soient tousiours au droict du milieu de la colonne. Et pour autant que les figures sont icy fort petites, à fin que vous les puissiez mieux entendre i'en proposeray d'autres plus grâdes, lesquelles (ainsi que nous auons dit) i'ay retiré & mesuré apres les antiques qui sont diuinement bien faites. Par icelles donc vous ne pourrez faillir de conceuoir & entendre l'artifice. Ce temps pendant nous acheuerons de dire, &

Continuation de la description des parties de la colonne Dorique.

vous aduertir que par dessus le triglyphe y a vn chapiteau, ou petit plinthe quarré, qui est de la hauteur d'une septieme partie de tous les triglyphes, ou hauteurs des frizes. Aucuns l'ont fait de la sixieme partie, mais cela se doit considerer & apprédre de la hauteur de l'œuvre que lon veult faire. On met à costé des triglyphes quelques metopes qui sont aussi larges comme hautes entre lesdicts triglyphes, ainsi que vous le verrez. & cognoistrez beaucoup mieux par les grandes figures qui vous en seront proposées cy apres, ainsi que des Thuscanes. On fait la hauteur de la corniche d'autant qu'est la moitié de la grosseur de la colonne, & vne troisieme partie d'auantage: & luy donne lon autant de saillie pour le plus, & pour le moins, qu'à la ligne qui respônd perpendiculairement aux plinthes estans sur les fondements dessous les stylobates. La hauteur du cymas avec son filet quarré, au lieu marqué R, en la figure precedente, est la cinquieme partie de la hauteur du triglyphe ou frize, avec son quarré. Le reste de la hauteur de la susdicte corniche est diuisé en deux parties egales, desquelles l'une est pour le cymas avec son filet quarré signé S, qui

est la quarte partie de la haulteur de la moitié de la grosseur de la colomne: l'autre est donnée à la couronne marquée T. Et pour autant, comme ie vous ay dict, que vous verrez cy apres des corniches, triglyphes, metopes, & epistylès, avec leurs gouttes en plus grand volume, accompagnez de leurs mesures escrites au dessus, & aussi vn pied de stat antique, ie ne vous en feray plus long discours, esperant avec la bonne ayde de nostre Seigneur que facilémēt vous entendrez l'ordre & symmetrie de la colōne Dorique, apres' auoir veu les desseings & protraicts que ie vous en dōneray Les deux figures precedentes satisferont au discours du present chapitre

L'auteur promet des figures en plus grand volume.

D'une autre sorte de pied de stat, retiré des antiquitez.

CHAPITRE XVI.



Ombien que ie vous ay escrit assez amplement par cideuāt des pieds de stat de l'ordre Dorique, si est-ce que pour mieux esueiller les gentils esprits, & leur faire recognoistre comme les anciens Architectes y ont procedé, ie veux encores monstrier icy quelque autre sorte de mesures & ornemens d'un stylobate & pied de stat antique, pour l'enrichissement duquel les Architectes ne se sont seulement contentez l'orner de festons attachez à testes de mouton sur les angles, & d'une teste de Mercure, avec deux cygnes situez à la face du pied de stat, & trois espis de bled accompagnées de petits oyseaux (le tout portant quelque deuise incogneue) mais encores ils ont esté si curieux, pour monstrier que c'est de l'ordre Dorique, qu'ils ont fait des triglyphes au dessous de la corniche, estants de mesme haulteur que ladicte corniche, & au dessous à chascun triglyphe trois petites gouttes. Mais au lieu qu'on en met communement six à l'architraue Dorique, ils n'en ont voulu mettre que trois à ces triglyphes des pieds de stat, & ont laissé espace entre lesdicts triglyphes pour les metopes qui sont tous quarrez, comme il se trouue aux frizes antiques de l'ordre Dorique. Quant à sa mesure, ie trouue qu'elle se prend apres la basse de la colomne, laquelle basse a de haulteur autant qu'est la moitié du diametre de la colomne, cōprins la saillie de l'escape ou filet quarré, qui est au pied de la colomne sur ladicte basse. La haulteur de la mesme basse est donnée cinq fois pour la haulteur du pied de stat, en cē comprenant la basse & corniche, comme depuis P, iusques à Q, au dessus du plinthe du pied de stat. Oultre cē la moitié de la haulteur

Bon vouloir de l'auteur enuers les apprenants amateurs d'architecture

Declaration des parties de la figure ensuiuant.


LIVRE V. DE L'ARCHITECTVRE

de la basse de la colône est donnée pour la hauteur de la corniche du pied de stat, comme vous le voyez de H à F sur la figure ensuiuant, & autant pour la hauteur des triglyphes & metopes, comme il appert depuis P, iusques à B, ou de H, iusques à D, qui est la hauteur de toute la basse de la colône. De rechef ie trouue qu'ils ont baillé pour la hauteur du dedans du pied de stat entre la corniche & la basse, marquée I, ou bien entre F & E, autant que est vne fois & demie la longueur du plinthe de la basse marquée A. Par ainsi lon cognoit cōme la hauteur de la basse du pied de stat marqué I Q, est trouuée. Quant au plinthe & quarré du dessous dudit pied de stat, ils l'ont fait aussi hault, comme est la hauteur de la basse de la colomne: ainsi que vous le voyez depuis le poinct de L, iusques au dessous du plinthe. Touchât la largeur dudit pied de stat, ils l'ont fait aussi large qu'est le plinthe de la colomne marqué A, ce qui doit tousiours estre, cōme vous le voyez de P à H: semblable largeur se voit de I à E, ou bien de B à D, au dessous des triglyphes. Quant au departimēt des moulures vous les pouuez trouuer & cognoistre avec le compas. Et pour autant que i'ay suffisamment escrit cy-deuant des hauteurs, largeurs & mesures qu'on doit donner aux parties du pied de stat, ie vous ay bien voulu cōmuniquer la presente figure, pour seulement vous exhiber ses ornemens & ordre avec les mesures, à fin que vous les puissiez imiter, & enrichir les faces du pied de stat & stylobate, de tels ornēmēts & deuises que vous voudrez. Reste cy apres vous monstrier ce que i'ay encores trouué des chapiteaux, epistyles, metopes, triglyphes & couronnes de l'ordre Dorique.

*Facile & fort
ample declaration
de la figure ensuiuant.*

*Auvertiffement
non indigne de noter.*

Encores



LIVRE V. DE L'ARCHITECTURE
*Encores du chapiteau, epistyle, metope, triglyphe & couronne
 de l'ordre Dorique: le tout mesuré & décrit apres les an-
 tiquitez du theatre de Marcel à Rome.*

CHAPITRE XVII.



Devoit qu'aucuns aient voulu descrire & figurer les ornements de l'ordre Dorique du theatre lequel on dit que Auguste auoit fait faire à Rome sous le nom de Marcel son nepueu à cause de sa sœur Octauia, estant ledit theatre au costé de la place Montenaire, ainsi qu'il sy voit aujourd'huy presque tout en ruine, & n'en peult on auoir que bien peu de connoissance, si est ce que du temps que i'estois en ladiète Rome (il y a enuiron trente ans) on y pouuoit encores connoistre & mesurer les deux ordres selô lesquels il auoit esté edifié, sçauoir est l'ordre Dorique & Ionique, desquels il estoit orné par le deuant, & les faces des portiques. Qui fut la cause que ie mesuray lesdits ordres fort diligemment & fidelement en tout ce qui se pouuoit voir ou toucher. Et me sembla lors & semble encores l'ordre Dorique estre si beau & admirable, que ie le veux bien descrire & mettre icy en son entier, & signammét les mesures du chapiteau, epistyle, triglyphes, metopes, & couronnes, ou bien corniches, & de tous leurs ornements, fors que des colonnes & bases qui ne se pouuoient lors recouurer, pour estre atterrées & presque ruinées & rompues. Quant au dedans du theatre ie ne me voulus ingerer d'y entrer, pour autât que plusieurs maisons y estoient basties, & pour les accommoder on l'auoit quasi tout abbatu. L'ay doncques seulement à faire en ce lieu de donner bien à entendre & bien monstrier comme doiuent estre les couronnes ou corniches Doriques avec leurs ornements, estants accompagnez d'autres figures fort belles & plaisantes. Laquelle chose deura suffire au lecteur pour bien entendre l'ordre & les mesures de la colonne Dorique. Doncques les ornements Doriques du theatre de Marcel, lesquels ie vous figure, sont faits non seulement par mesures apres leur antiquité, mais encores lesdites mesures sont rapportées au palme Romain, suiuant lequel nous les auons représentées & recherchées, comme il se voit par l'escriture mise dessus vne chacune partie d'icelles. Par ainsi le chapiteau marqué A, a de hauteur palmes deux, minutes trois, & onces deux & demie, côme vous le voyez escrit au costé dudit chapiteau, car ainsi que ie vous ay dit cy deuant, p signifie palme, m minute, & o, once. La grosseur du diametre de la colonne aupres de son chapiteau a palmes


*Le temps que
l'auteur estoit
à Rome, &
de ses diligen-
ces pour cer-
cher & re-
fouiller les
antiquitez.*

*Le dedans
du theatre de
Marcel abba-
tu à Rome.*

*Declaration
de la figure
ensuiuant, &
de ses parties
& mesures.*

a palmes 3, minutes 5, & onces 3. ce que vous pouuez encores voir à la frize dudit chapiteau. Lequel, ainsi que vous voyez à la figure ciuiuante, n'est semblable aux mesures que Vitruue nous donne, & desquelles plusieurs ont vſé, ſçauoir eſt de diuiſer ledit chapiteau en trois parties, & en donner l'une pour l'ataſtre & cymace, l'autre pour l'echine, & la troiſiemé pour la frize dudit chapiteau. Ce qui eſt icy bien au contraire, comme vous le voyez: car la frize a ſept minutes de haulteur, les trois filets quarrez enſuy- *Beau diſcours*
uans au deſſous de l'echine, chacun minute vne, & once vne: l'e- *ſur la meſure*
chine quatre minutes, & once vne: l'ataſtre au lieu marqué A, mi- *des parties de*
nutes ſept, & onces deux: ſon cymas minutes trois, & once vne: *la figure en-*
& ſon filet quarré par deſſous, minutes deux, & once demie. *ſuiuant,*
Quant à la ſaillie du chapiteau, elle a palme vn, & minute vne, cō-
me vous le voyez marqué au droit de la frize dudit chapiteau,
qui eſt quaſi vne tierce partie de la largeur de la colonne par le
deſſus. Et pour autant que vous voyez toutes les autres meſures
particulieres tant des ſaillies que des haulteurs d'une chacune
choſe, ie ne vous en feray plus long diſcours, ſinon que ie vous
laiſſeray à conſiderer ledit chapiteau, lequel ie trouue excellem-
ment beau & admirable, pourueu qu'il ſoit appliqué en œuvre
comme il appartient, & proprement ſitué deſſus vne colonne
conuenable à ſes meſures. Si vous l'appliquez ſur vne colonne de *Aduerſiſſe-*
plus grande haulteur, ou plus petite que celle du theatre du- *ment fort di-*
dit Marcel, certainement il ne ſe trouuera point bien, pour les *gne de noter,*
raiſons que vous entendrez cy apres. Voila ce que ie vous deſirois
propoſer touchant le chapiteau Dorique, delaiſſant le ſurplus à
la contemplation de la prochaine figure, & iugement que vous
luy donnerez.

LIVRE V. DE L'ARCHITECTURE



*De l'epistyle, triglyphes & couronnes de l'ordre Dorique trou-
uez aux colonnes du Theatre de Marcel à Rome.*

CHAPITRE XVIII.

*Mesures de
l'epistyle ou
architraue des
colonnes du
theatre Mar-
cellin, comme
aussi de ses
parties.*


L'Epistyle ou architraue troué & mesuré au thea-
tre de Marcel, a de haulteur palmes deux, minu-
tes deux, & onces deux: son quarré ou liste, ainsi
qu'ils l'appellét à Rome, minutes quatre, & on-
ce vne: son filet quarré du dessous, minutes deux,
& la longueur des gouttes, minutes trois & on-
ces trois, ainsi que vous le pouuez cognoistre par la figure suiuan-
te, en l'architraue, marqué B. La haulteur de la frize, ou se trou-
uent les triglyphes & metopes, a palmes trois, & onces deux:
ainsi que vous le voyez signé sur les petites lignes marquetées
de petits points en forme d'estoille, procedant d'une à au-
tre, ou se voyent les haulteurs & largeurs d'une chacune chose.
Toute la haulteur des triglyphes avec leurs chapiteaux au dessus,
& du filet quarré, a palmes trois, & minutes cinq, comme vous le
pouuez

pouuez cognoistre au droict de la ligne marquée C. La largeur desdicts triglyphes a deux palmes : & ne se voit au dessein qui est cy apres, que la moitié du triglyphe, duquel la ligne C monstre le milieu. Quant à la haulteur de la corniche elle se trouue de deux palmes, dix minutes, & trois onces. Touchant les autres membres particuliers, tant des cymaces, denticules, couronnes, gueulles, que autres, vous voyez en vn chacun endroit de la figure cy apres proposée toutes leurs mesures particulièrement: cōme aussi de leurs saillies, lesquelles j'ay iustemēt descrites cōme ie les ay trouuées sur l'œuure, parquoy ce seroit propos perdu de en vouloir faire plus long discours. Bien diray ie encores que au dessous de la couronne, au lieu marqué D, se trouuēt grauées & insculpées dixhuiet gouttes, (qu'ils appellent ainsi) comme vous les voyez aux dixhuiet ronds, desquels l'un est marqué D, & contiennent tous ensemble, avec leurs vagues & separations par le dessous, palme vn, minutes neuf, & onces trois de large : & de longueur palmes trois, & minutes quatre, laquelle longueur se trouue au droit des metopes, qui sont certains ornemens desquels les anciens souloient decorer leurs colonnes: comme sont anatomies de testes de bœuf ornées de fruiets ou fueilles, attachez aux cornes avec rubans. Les autres y mettoient des fleurs, ou certaines deuises, cōme aussi des bassins: lesquelles choses furent inuentées à cause des sacrifices qu'on faisoit aux temples, lesquels estoient immolez bœufs, moutons & autres animaux desquels on receuoit le sang en plusieurs sortes de bassins, & aussi pour autres raisons qui seroient longues à escrire avecques leur origine & source. Quoy qu'il en soit les Architectes s'en sont aydez pour orner leurs metopes, triglyphes & autres endroits des bastiments, comme vous le verrez par les figures cy apres descrites.

Poursuite des mesures & proportions des colonnes Doriques du theatre de Marcel estat à Rome.

Continuation des parties & mesures de la colonne de Marcel fort antique.

E



*D'autres parties de l'ordre & colonne Dorique du theatre
de Marcel, & de son chapiteau racourci en perspe-
ctive, estant accompagné d'architraue.*

CHAPITRE XIX.



Fin que vous puissiez bien cognoistre comme se montrera en œuvre ce que nous auons escry cy deuant, (pourautant que ce n'est qu'un pourfil seruant de moule à tracer les pierres) le dessein que vous verrez cy apres vous fera apparoir comme la corniche du theatre de Marcel se montre estant en œuvre, tant pour les gouttes qui sont sur les dédicules, marquées D, à la figure ensuiuant, que pour les triglyphes marquez C. & aussi pour les metopes signez F: & combien que l'œuvre se montre estroicte à cause de la perspective, si fault il que les metopes au lieu de F, soient tous quarrez & aussi hauls que larges entre les triglyphes, comme vous en auez veu les raisons par cydeuant. Aucuns ont fait quelques ornemens par dessus les triglyphes, & y ont mis des anatomies de teste de bœuf, comme nous auons dit, & entre les triglyphes au lieu appellé metopes, des bassins avec diuerses autres sortes d'ornemens, lesquels ie monstrey ay ailleurs. Il vient à propos. Telles choses se peuent approprier selon les lieux, pour y mettre telles deuises qu'il plaira à la volonté du seigneur pour lequel se fera le bastiment. Quant à l'inuention des susdictes corniches, gouttes, triglyphes, & caneleures qu'aucuns y ont faites, comme aussi des hémicycles & autres figures triangulaires, tout a esté trouué par l'artifice & moyen des cymens & matieres semblables, comme seroit la cire qu'on y appliquoit pour conseruer le bout des solives qui portoient les planchers des bastimens. Car ainsi que la chaleur estoit grande, elle fondoit & faisoit distiller les susdictes matieres qui rendoient au dessous des triglyphes des gouttes, ainsi qu'on les voit au lieu de G. Doncques les Architectes voulant imiter ce que nature leur apprenoit, & s'ayder de l'artifice d'autrui, ont donné de superabondant quelques mesures & ornemens aux corniches de leurs colonnes. De sorte qu'en ensuiuant les charpenteries ils y ont appliqué des membres de moulures, les vns au lieu de chevrons, les autres pour les ais, & quelques vns au lieu de poutres, selon la coustume qu'ils auoient de couvrir leurs bastimens, ainsi que vous le pouuez voir amplement dans Vitruue, ou il décrit l'inuention & origine de telles choses. Depuis quelques vns ont trouué la façon des moulures apres les lettres, comme d'une S,

*Comme se
monstre en
œuvre ce qui
a esté cy des-
sus proposé.*

*De l'origine
& inuention
de certaines
parties de la
colonne Do-
rique.*

*L'industrie
des Architec-
tes en imitant
nature et l'ar-
tifice d'au-
truy.*

LIVRE V. DE L'ARCHITECTURE


ils en ont fait vne cymace ou cymacion, d'un C, les thores & membres ronds, & ainsi des autres lettres. Ils sy sont aussi aydez de la forme du visage humain, comme du nez du front, des yeux, des leures, méton & col: suiuant la proportion desquels, ils ont trouué toutes ces belles inuentions qui seroient bien longues à descrire, comme de la teste de l'homme bien proportionné, laquelle est diuisée en trois parties pour sa haulteur, prinſes depuis le dessous du menton, iusques au commencement de la racine des cheveux dessus le front: chacune desdictes trois parties en contient six, qui sont enſemblément dixhuit parties pour toute la haulteur du visage. De tels nombres & parties se peut ayder l'Architecte, ſil les ſçait entendre & cōprendre, pour former & ordonner vne belle corniche Dorique avecſes proportions & meſures. Car de la haulteur du frōt avec le reſt de la teste, il en peut faire vne belle gueulle ou cyme de corniche, & de la haulteur du nez, la couronne de ladiſte corniche, qui a vne ſaillie eminente cōme peut auoir le nez au viſage. De rechef de la haulteur des leures & menton, il peut trouuer les denticules, filets quarrez, & cymaces. Si vous deſirez mettre & faire beaucoup d'ornemens, vous les y pouuez diſtribuer avec leurs haulteurs, ſuiuant les dixhuit parties que vous auez trouuées à la haulteur du viſage, comme nous auons dit cy deſſus. Mais ſur le diſcours de telles proportions ie ne me veux arreſter d'auantage, pour autant qu'au ſecond Tome & œuvre Des diuines proportions, (lequel i'espère faire imprimer ſi Dieu m'en donne la grace) vous verrez non ſeulement le moien & nouuelle inuention de faire des corniches, mais auſſi par les meſures de tout le corps humain, trouuer toutes les proportions de toutes ſortes de plans & montées de baſtimens que vous deſirez, conformément avec les meſures & proportions qui ſe trouuent en la ſaincte Bible: & encores pour les ſçauoir donner à tous les ordres des colonnes & ornemens des membres & parties d'icelles. Pour concluſion le chapiteau Dorique du ſuſdit theatre de Marcel a de haulteur deux palmes, minutes trois, onces deux & demie: l'architraue palmes deux, minutes deux, & onces trois: la ſaillie de la corniche iusques à l'extremité du cymas au deſſus du chapiteau ou triglyphe, palmes quatre, & minutes vnze. Par ainſi ceux qui voudront cōſiderer les raiſons, proportions & meſures de l'ordre Dorique, ſen pourront ayder pour faire de belles œuvres, ſelon le bon iugement & dextérité que Dieu leur aura donné. Vous pouuez facilement cognoiſtre le précédent par les figures que i'ay miſes cy deſſous, avec le chapiteau de la colonne Dorique racourcy en perſpectiue & accompagné de ſon architraue.

L'Architecte ſe pouuoit ayder des proportions du viſage humain, & les accommoder aux colonnes.

L'auteur propose un ouvrage Des diuines proportions

Meſures du chapiteau Dorique & de ſes parties.





Autre sorte de chapiteaux Doriques. CHAP. XX.




ESTANT sur le propos des chapiteaux Doriques & vous ayant fait entendre, & montré ce que i'en ay trouué au theatre de Marcel à Rome, il m'a semblé estre bon de vous faire encores voir deux autres sortes de chapiteaux que i'ay retiré des antiquitez, non point pour vous parler de leurs mesures, pour autant qu'il me semble que vous en auez assez entendu par cy-deuant, mais bien des inuentions de leurs ornemens estranges: car les Architectes anciens ont esté fort curieux de chercher diuerses sortes d'ornemens, tant par gayeté de leur gentil esprit, que aussi, quelque fois, pour certaine necessité, ainsi que vous voyez en la prochaine figure comme ils les ont ornez & en-

Les anciens auoir esté fort curieux de chercher diuerses sortes d'ornemens pour les chapiteaux.

richis: & à l'autre qui est auprès, comme oultre la haulteur que le chapiteau doit auoir, ils luy ont baillé encores vn ornement au deffous entre ledit chapiteau & la colomne, come si c'estoit chose quasi semblable à vn architraue, ou bien à vne frize: cela se fait quand on est contrainct de gaigner quelque haulteur, ou bien quand on ne doit faire trop longue la colomne, à fin de ne luy donner mauuaise grace: & aussi qu'on ne doit pas haulser le chapiteau plus que de sa mesure. Par ainsi le docte Architecte monstre que le chapiteau & sa colomne ont les mesures & raisons qu'ils doiuent auoir, & adiousté entre le chapiteau & ladicte colomne telle frize que vous la voyez en la figure suiuaute, comme sil vouloit bailler autant de haulteur au chapiteau Dorique que lon faict au Corinthien. Pour reuenir aux ornemens, ie dy qu'ils n'ont mauuaise grace quand ils sont bien ordonnez, & les mesures & proportions bien gardées, qui me faict vous laisser à considerer les figures des deux chapiteaux Doriques ensuiuants. Lesquels i'appelle compozez pour estre participans de plus d'vn ordre. ce que ie monstre.

L'auteur ne
reprouue les
ornemens des
colomnes.



LIVRE V. DE L'ARCHITECTVRE
*D'une sorte de corniche Dorique retirée d'un marbre
 fort antique. CHAPITRE XXI.*


*Autre façon
 de corniche
 Dorique pro-
 posée par l'au-
 teur.*



*Chaufour-
 niers à Rome
 destructeurs
 des antiqui-
 tez, et singu-
 laritez de
 marbre.*

*Aduertisse-
 ment sur la
 corniche en-
 suivante.*

Vltre la corniche Dorique du theatre de Marcel que vous auez veu cy dessus, ie vous propose encores cy apres le desseing d'une autre que i'ay retiré d'une piece de marbre fort antique, pour mieux reueiller les gentils esprits, & les ayder de toutes belles inuentions. Vous voyez audit desseing comme les couronnes de la corniche sont soustenues par façon de modelons enrichis de vingt & quatre gouttes faictes en forme de petites pyramides, & à l'entredoux des compartiments y auoir des roses fort bien faictes & elaborées sur le marbre. Ie trouuay ce petit morceau de corniche sans triglyphe, metope, & epistyle, dans le Palais saint Marc à Rome en la basse court, duquel on ne tenoit compte. Depuis ie le voulus reuoir, mais on me dit qu'il auoit esté mis en pieces pour en faire de la chaux, comme ont accoustumé de faire tous les chauxourniers à Rome, car ils n'y espargnent tant de marbre qu'ils en peuuent trouuer, sans aucun respect de l'antiquité, & des beaux ouurages. Qui est chose à deplorer, pour la reste des vestiges de ladicte antiquité, lesquels fils abolissent, & continuent ainsi faire, ils seront cause, que on ne cognoistra plus Rome à Rome. Mais delaissant tel propos ie figureray la susdicte corniche mesurée & proportionnée iustement avec le palme Romain, selon les mesures que ie y trouuay: desquelles l'ouurier & artisan se pourra ayder, soit en augmentant, ou diminuant & appetissant par le pied ou palme, en telle sorte qu'il vouldra, donnant deux ou trois fois d'auantage (plus ou moins) à vne chacune partie de ladicte corniche: mais icy ie vous veux bien aduertir d'observer & prendre garde comme elle a double couronne, l'une ou sont les mutules enrichis de roses, & l'autre au dessus des cymacions des denticules. Cela se fait selon le bon & gentil esprit de l'Architecte, qui sçait donner les raisons & mesures à toutes les inuentions estants bien accommo dées à l'œuure, laquelle se trouue lors tousiours belle, admirable & excellente.



LIVRE V. DE L'ARCHITECTVRE

Encores d'autres ornements de la corniche Dorique.

CHAPITRE XXII.


*Des ornemets
d'une autre
corniche Do-
rique fort an-
cienne et bel-
le.*



*Instruction
qui n'est à ne-
gliger.*

*Declaration
des parties de
la figure cy a-
pres ensuiuant.*

'Auois icy delibéré de ne plus parler des ornements de la corniche Dorique, mais en ayât trouué encores quelque vne que i'ay faict tailler, estât extraicte d'un marbre fort antique, & figurée de toute autre sorte que celles qu'on a coustume de voir, ie l'ay bien voulu mettre au nombre & rang des precedentes, pour estre tres-belle, rare & excellente. Aussi qu'elle monstre pouuoir seruir d'architraue, frize & corniche, estant de cela propre à l'ordre composé (duquel nous parlerons cy apres) pour participer du Dorique & Ionique, comme il se voit à son architraue, au pourfil des testes de Lyon, & aussi que ses moulures ne sont semblables à l'architraue Dorique, ny les faces dudit architraue perpendiculaires, ou, si vous voulez, à plôb: mais bié réuersées par le dessus. Ce qu'a esté faict pour gagner la saillie de la corniche, à fin qu'elle ne fust si grâde, & ne laissast d'auoir tant de beaulté, laquelle chose ie trouue de fort bonne grace estant ainsi en œuure. Le vous veux bien aduertir que i'ay mesuré ceste corniche avec le palme Romain: de sorte que la premiere face a minutes huit & onces trois: vn des membres ronds, minutes quatre, onces 3: la seconde face ou sont insculpées les testes de Lyon, palme vn, onces trois: l'autre mébre rond ou le thore estât au dessus, minutes cinq, onces quatre, & par dessus son filet quaré minutes 2. La troisieme face sert comme si c'estoit vne frize, & au milieu d'icelle frize au lieu des metopes y auoit de grandes roses d'assez competente saillie, comme vous le voyez au lieu marqué A. Entre telles roses y auoit des modellons d'assez grande saillie, ainsi que vous les voyez par la figure qui est cy apres. La susdicte face qui sert de frize, n'auoit de haulteur que palmes vn, minutes cinq, onces deux, ainsi que vous le pouuez iuger & cognoistre, comme aussi de la couronne, gueulles, & autres parties qui sont fort diuerses, & d'autre façon que lon n'a encores accoustumé de voir, mais autant belles & admirables qu'il est possible de penser: ainsi que ie le vous laisse à considerer, & y chercher les mesures avec le compas & par l'escriture & nombres de chiffre qui les montrent: par iceux vous sera fort facile de trouuer toutes les saillies d'une chacune partie, ainsi que vous les voyez toutes escrites en la prochaine figure.



LIVRE V. DE L'ARCHITECTVRE

*Plusieurs choses
sont estres refer-
uees par l'au-
teur, à descri-
re ailleurs.*

*Approches
pour la colom-
ne Ionique.*


Je ferois contrainct d'icy faire longues escritures si ie voulois parler de tout ce que i'ay veu touchant l'ordre Dorique, aux temples & ailleurs, & mesmes de la distributiō des triglyphes & metopes, lesquels ie referue à descrire aux lieux ou ie parleray des portiques & distributions des colonnes, & de leurs interualles. Mais ie vous veux biē aduertir que pour l'ordre Dorique par vne forme de mesure generale (pourueu que les colonnes ne soient que d'environ douze ou quinze piedz de haulteur, pour le plus) vous deuez prendre toute la haulteur du lieu ou vous voulez faire les colonnes, & ornements Doriques, & la diuiser en vingt parties, desquelles la colomne en aura quatorze de haulteur, son chapiteau vne, & sa basse vne autre. La haulteur de l'architraue aura vne partie, & la frize vne autre & demie, qui sont quatre parties pour l'architraue, frize & corniche, representāts la quatre partie de toute la colomne avec sa basse & chapiteau. Quant au pied de stat ie ne vous en diray autre chose, pour autant que i'en ay escry bien au long ci-deuant. Reste doncques à ceste heure de cy apres traicter de l'ordre Ionique, à fin de poursuiure nostre œuvre par bon ordre.

De l'ordre & mesure des colonnes Ioniques, avec leurs ornements. CHAPITRE XXIII.



*Les colonnes
Ioniques de-
noir estre de
differentes me-
sures.*

Les colonnes Ioniques doiuent auoir de haulteur selon leur grosseur, & aussi selō les lieux ausquels on les veult appliquer, soit à vn portique de quatre, six, huiet, ou dix colonnes, ou pour faire ornemēts de portes, ou peristyles. Il les fault doncques faire de differentes mesures, & quelquefois de differents ornements, pour les rendre plus agreables & plus plaisantes aux spectateurs: & tout ainsi qu'aux colonnes Tuscanes on donne six fois leur diametre pour leur haulteur, & aux Doriques sept fois: en pareil cas, les Ioniques doiuent auoir huiet fois leur diametre par le pied, pour toute leur haulteur, comme ie l'ay trouuē & obseruē en plusieurs colonnes: mais à d'autres i'ay aussi trouuē differētes haulteurs: de sorte que quelques vnes auoient plus de huiet fois leur diametre, les autres huiet & demy, & huiet avec trois quarts ou environ, selon le iugement de l'Architecte qui les auoit faictes, comme il luy auoit semblē pour le mieux. Quand lesdictes colonnes Ioniques seront appliquēes sur l'ordre Dorique, comme lon a accoustumē de faire en plusieurs edifices, & se peult encores voir dans le Colliset à Rome, & aux



DE PHIL. DE L'ORME. 155

& aux theatres, āphirheatres, & plusieurs
palays modernes) ou bien par dessus elles
l'ordre Corinthien, & quelquefois l'ordre
composé: quand, dy-ie, l'ordre Ionique se-
ra ainsi esleué dessus vn autre, il le fault te-
nir de plus haulte mesure avec ses parties
& ornements, selon le iugement du bon
Architecte. Qui peult estre la cause, que
audit ordre Ionique on a baillé huiet fois
son diametre: mais pour bien y procéder,
l'Architecte ne doit estre ignorāt des sym-
metries & reigles optiques, ou si vous vou-
lez de perspectiue. La mesure de huiet, la-
quelle nous attribuōs à ceste colomne Io-
nique pour sa hauteur, a esté trouuée apres
le pied de la femme, qui doit auoir (ainsi
qu'on dit) estāt bien proportionnée, huiet
fois la longueur de son pied pour sa hault-
teur: & de la viēt qu'aucuns estiment que
l'ordre Ionique a esté trouuē suiuant les
mesures & proportions d'une femme, ain-
si que, apres Vitruue, nous le vous dedui-
rons cy apres. Ces choses ainsi expliquées,
nous entrerons aux mesures de la colom-
ne Ionique, qui doit auoir de retraictē par
le hault vne sixieme partie. Je veux dire
que son diametre par le bas doit estre di-
uisé en six parties, desquelles y en aura
cinq par dessus pres le chapiteau, qui est
vraye raison & proportion pour la retrai-
ctē des colōnes qui sont de douze à quin-
ze pieds de haulteur: mais notez que s'ils
estoiēt de differentes haulteurs, il les fau-
droit faire de differētes retraictes. La lon-
gueur de la colomne sera arōdie avecques
la cerche ralongée, depuis la tierce partie
de sa haulteur, iusques au dessous du cha-
piteau: & la tierce partie du dessous de la-
dictē colomne sera d'une mesme grosseur
que le pied d'icelle, ainsi que nous auons
monstrē à la Dorique. La Ionique se doit

L'Archite-
cte ne deuoit
estre ignorant
de perspectiue

L'auteur ex-
plique & in-
terprete les
mesures de la
colonne Ioni-
que.

LIVRE V. DE L'ARCHITECTVRE

strier ou caneler de vingt & quatre caneleures, ou bien de vingt & deux, ou vingt pour le moins : & ne doiuent estre concaues sinon iusques à la haulteur de la tierce partie de la colomne, puis de là toutes pleines & arondies comme bastons ronds & tuyaux d'orgues, ou bien flustes qui se trouuent au milieu desdictes caneleures, iusques à la haulteur de ladicte tierce partie, ainsi que vous le cognoistrez par la colomne laquelle vous verrez cy apres. Le reste de ladicte colomne, sçauoir est les deux tiers, iusques au dessous du chapiteau, doit estre strié & canelé, comme la moitié d'une câne de rozeau, & faict avec le compas en hemicycle, que l'angle de l'equerre puisse toucher par le milieu, ainsi qu'il est monstré ailleurs, & plusieurs le peuuent cognoistre par les œuvres antiques ou modernes, & se peut aussi voir par les desseings de tous les ornemens, que j'ay cy apres proposez.

*Quelles doi-
uent estre les
caneleures de
la colomne Io-
nique.*

Aduertissement sous forme d'une petite digression.



*Le Palais de
la Roïne me-
re, qu'on edi-
fia à Paris.*

Ne passeray oultre sans vous aduertir que j'ay choisy le present ordre Ionique entre tous autres, pour orner & illustrer le Palais lequel la maiesté de la Roïne, mere du treschrestien Roy CHARLES neuſieme de ce nom, faict aujourd'huy bastir en ceste ville de Paris, sous ses ordonnances & desseings, car ie y procede tout ainsi qu'il plaist à ladicte maiesté le me commander, sauf les ornemens, symmetries & mesures, pour lesquelles elle me faict ceste grace & faueur de sen fier à moy. J'ay voulu accommoder le present ordre à son dit Palais pour autant qu'il n'est gueres vſité, & que encores peu de personnes l'ont mis en œuvre aux bastiments avec colomnes. Plusieurs en ont bié patrouillé quelque chose en bois pour des portes, mais ils ne l'ont encores bien cogneu ny representé. L'autre raison pourquoy j'ay voulu figurer & naturellement représenter ledict ordre Ionique au Palais de la maiesté de la Roïne, c'est pour autant qu'il est femenin, & a esté inuenté apres les proportions & ornemens des dames & déesses, ainsi que le Dorique des hommes, comme m'ont appris les anciens : car quand ils vouloiēt faire vn temple à quelque Dieu, ils y employoient l'ordre Dorique : & à vne Déesse, le Ionique. Toutesfois tous Architectes n'ont pas obserué cela, voire par le recit de Vitruue, comme il se peut voir au prologue de son septieme liure, ou il escrit & recite que Pronius de Ephese, & Daphnis de la ville de Milete, feirent le temple d'Apollo en symmetrie Ionique. Il escrit

*Pourquoy
c'est que l'au-
teur employe
plus tost l'or-
dre Ionique
au Palais de
la Roïne que
autre.*

aussi que le tēple de Iupiter Olympique fut fait à la mode Corinthienne par vn nommé Cossutius: & celuy de Diane en Ephese, à la Ionique, par Ctesiphō. Qui en demâdera les raisons, il les trouuera dedans ledit Vitruue. Je me suis doncques iustement voulu ayder au susdit Palays de la maiesté de la Royne de l'ordre Ionique, comme estant delicat, & de plus grande beauté que le Dorique, & plus orné & enrichy de singularitez. Car l'ordre Dorique de soy, pour estre masculin est plus rude, & semble auoir esté inuenté pour choses fortes, à fin de soustenir grands pois & grands fardeaux (ainsi que nous auons dit au parauant) & porter grandes haulteurs de maçonnerie, comme aux chasteaux & fortresses, sans gueres d'ornemens. Mais cestuy cy est pour edifier vn Palays ou chasteau de plaisir, & donner contentement aux Princes & grands Seigneurs: comme aussi l'ordre Corinthien. Qui fait que ie prend grandissime plaisir de mettre tel ordre Ionique en execution, non point tant pour monstrier aux ouuriers de bien conduire l'œuvre, que pour la curiosité que j'ay de l'en-seigner à plusieurs pauvres compagnons qui sont de bon esprit, & sefforcent iournellement d'apprendre à mesurer, contrefaire & protraire ce qu'ils voyēt pour s'en pouuoir ayder lors que l'occasion se presentera. Ce que ie louē grandement, & beaucoup plus que la subtilité d'aucuns, qui ne sçachants protraire, contrefaire, & prendre les mesures, desrobent & emportent les paneaux & moules suiuant lesquels on coupe les pierres: ainsi que les maistres maçons à qui ie donne les charges, s'en pleignent quelquefois: qui m'est peine pour en refaire d'autres. Voyant doncques telle diligence des bons ouuriers, accompagnée d'vn si grand vouloir d'apprendre, j'ay esté de ma part aussi animé & embrasé de bien faire, non seulement pour eux, mais encores pour les seigneurs qui les employent à leurs bastiments. De sorte que j'ay prins resolution de familierement expliquer tout ce que ie proposeray en ce present œuvre d'Architecture, & signamment l'artifice des parties, mesures & ornements des colonnes, ainsi qu'on le pourra voir, non seulement par mes escrits & figures sur ce proposées, mais aussi par les œuvres & bastiments qui ont esté faicts sous mon ordonnance, & se pourront faire encores, selon la saincte volonté & grace de Dieu.

*Pourquoy
c'est que l'au-
teur s'est aidé
au Palays de
la Royne de
l'ordre Ioni-
que.*

*Bon vouloir
de l'auteur
enuers les ou-
uriers.*

*Les bons ou-
uriers et estu-
diants exci-
ter les bons
maistres.*

LIVRE V. DE L'ARCHITECTVRE
*Comme doiuent estre faictes les basses Ioniques, & de leurs
mesures. CHAPITRE XXIIII.*

De la haulteur des basses Ioniques & de leur proportion.



Des colônes Ioniques employées par l'auteur au Palais de la Roynie.


Colônes nouvellement inuêtées par l'auteur, et appliquées à la chapelle de Villiers coste-Rets.

Our bien faire les basses des colônes Ioniques, on a tousiours accoustumé de leur dōner pour haulteur autant qu'est la moitié de la colomne, ainsi que vous le pourrez voir par celle que ie vous figure cy apres, laquelle i'ay trouuē aux edifices antiques, & comme estant tres-belle, mis en œuvre & employé au susdit Palais de la maiesté de la Roynie, pour y estre fort conuenable en ses mesures, & à l'ordonnance que i'ay faicte. Ladite basse est quasi de la proportion & mesure que Vitruue la descrit, fors qu'il y a difference à la saillie, & aussi que Vitruue ne met qu'un astragale sur le plinthe, & la presente en a deux. Je feray icy par maniere de digression vn petit discours des colomnes Ioniques, lesquelles ie fais employer au susdit Palais de la maiesté de la Roynie mere, puis ie reprendray le propos de la basse Ionique. Lesdictes colomnes seront en nombre soixante quatre du costé de la face des iardins, & aura vne chacune deux pieds de diametre par le bas, iacoit qu'elles ne soient toutes d'une piece, pour autant que ie n'en pourrois trouuer si grand nombre, ny de telle haulteur qu'il les fault, si promptement, & aussi que l'œuvre pourra estre plustost faicte que les colônes ne pourroient estre recouuertes: lesquelles i'ordonne comme vous les verrez, & avec propres ornements pour cacher les commissures. Qui est vne inuétion que ie n'auois encores veuē ny aux edifices antiques ny aux modernes, ne encores moins dans noz liures d'architecture. Il me souuient d'en auoir fait faire quasi de semblables du temps de la maiesté du feu Roy Henry en son chasteau de Villiers coste-Rets, au portique d'une chappelle qui est dedans le parc, & se trouuent de fort bonne grace, ainsi que vous en pourrez iuger par la figure que ie vous en donneray cy apres, tant pour le plan que pour la montée, si autrement vous ne pouuez voir l'œuvre. Mais delaisant ce discours, ie repren la basse Ionique, laquelle a de haulteur vn pied, pour estre la moitié de la grosseur de la colomne qui contient deux pieds, lesquels il fault diuiser en trois parties, & d'icelles en prendre vne, comme seront huit poulces, (qui sont la tierce partie de la colomne) que vous mettrez dessus la basse, & ce qui restera par le dessous, sera pour le plinthe. Cela faict le reste de la haulteur de la basse sera diuisé en sept parties, & trois d'icelles données pour le thore de dessus, signé A, puis des quatre qui restent, l'une sera pour les

deux astragales qui seront sur le plinthe signé B, l'autre pour la premiere nancelle marquée C, la tierce pour l'astragale marqué D, & la quatriesme qui restera dessous le thore A, sera pour la nancelle de dessus. Laquelle sera aussi diuisée en quatre parties & demie, dont l'une sera donnée à la latitude des filets quarez, marquez E. Semblablement l'une des hermyles ou astragales du milieu seront diuisées en trois parties, & vne d'icelles donnée à la latitude du filet quarré F: l'autre filet quarré qui est dessous les hermyles, est aussi large que celuy de E. Les deux astragales qui sont sur le plinthe, seront diuisez en sept parties, desquelles l'astragale premier, qui est plus pres dudiect plinthe, n'en aura que trois, l'autre quatre, & les autres parties demeureront à l'astragale de dessus. Toute la largeur du plinthe a deux pieds, neuf poulces & quatre lignes, qui n'est semblable à celle de Vitruue. Vous verrez celle que ie descriis & figure cy apres, pour la cognoissance & demonstration de tout le discours du present chapitre.

*Mesures &
proportions
des parties de
la basse.*

LIVRE V. DE L'ARCHITECTURE



Des mesures & proportions du stylobate ou pied de stat Ionique. CHAPITRE XXV.


De la hauteur des stylobates ou pieds de stat de la colonne Ionique.



Es stylobates, appelez du vulgaire pieds de stat, doiuent auoir de hauteur, comprins leurs corniches & basses, deux fois autant qu'est la longueur du plinthe de la basse de la colonne, comme vous le pouuez voir depuis A iusques à B. la largeur doit estre tousiours de mesme, que est le

plinthe de la basse. Vous diuiserez doncques la hauteur de AB en neuf parties egales, & en donnerez vne au plinthe du pied de stat, vne autre à sa basse, & vne à sa corniche pour leurs hauteurs: par ainsi il en restera six entre la corniche & la basse, ou les mesures se trouuent si à propos & tant bien correspondantes à la proportion, qu'en mettât cesdictes six parties en quatre pour la hauteur du dedans du pied de stat, entre ladicte corniche & basse, les trois font iustement la largeur, comme vous le pouuez voir en la figure cy aupres descrite. Mais pour mieux entendre ces mesures (à fin de n'y faillir quand vous en aurez affaire) vous serez aduertis que la basse du pied de stat avec son plinthe, est de sept poulces de hauteur: sa basse & sa corniche se trouuent aussi de sept

*Poursuite des
mesures des
parties de la
colonne Ion-
nique.*




LIVRE V. DE L'ARCHITECTURE

Mesure de la base du pied de stat Ionique.

Pour reuenir à la basse des susdits pieds de stat, laquelle a sept poulces de haulteur, ils seront diuisez en dixhuiet parties, & d'icelles la faillie de ladicte basse depuis A, iusques à B, à la figure suiuant, en aura 19 : desquels de rechef vous prendrez cinq parties pour la haulteur du thore, ou membre rond au lieu ou vous voyez marqué C, & vne pour son filet quarré signé D, puis huiet autres pour la haulteur du cymas ou cyme renuersé qui est E, & vne pour l'endroit marqué F, & trois pour le petit membre rond qui est G, qui font les dixhuiet parties iustement. Quant au scape quarré qui est le commencement du dedans du pied de stat marqué H, il a deux parties de haulteur qui font vingt parties en tout. Pour les faillies d'une chacune chose, comme du premier membre roud marqué C, vous y trouuerez trois des susdictes parties, & dixsept depuis le filet quarré F, iusques à la ligne perpendiculaire BI, estant accompagnée de nombres : & ainsi des autres consequemment. De sorte que vous ne sçauriez faillir si vous suiuez les mesures & distances qui sont marquées en ladicte ligne BI, comme vous le pouuez cognoistre par la figure cy apres descrite & proposée.

Les mesures sont la reiole pour bien faire & conduire l'oeuvre.



Quant à la corniche du pied de stat, qui a sept poulces de hauteur pour s'es moulures, ie luy en ay donné deux d'avantage pour la vuydange de la pluye qui peult tomber dessus & l'endommager, ainsi qu'il se voit que les anciens ont fait en diuers lieux: & aussi pour mieux releuer les basses des colonnes, & que


De la hauteur de la corniche & de ses mesures.

LIVRE V. DE L'ARCHITECTVRE

la faillie de la corniche du pied de stat n'en oste quelque chose à la veüe, comme vous le pouuez cognoistre au lieu signé A, en la figure suiuaute. Toute la haulteur de la corniche est diuisée en dixhuiet parties egales, tout ainsi que la moulure de la basse, comme vous le pouuez remarquer en la ligne B C: & sont lesdictes parties distribuées à vn chacun membre, tant pour faire les haulteurs que faillies: de sorte que vous voyez le filet quarré de ladicte corniche au droit de la lettre B en auoir deux: le rond qui est au dessous, trois: son filet quarré, vne: sa couronne, quatre: le filet quarré qui est dessous ladicte couronne a vne de sesdictes parties de haulteur, & le cymat quatre: le petit filet quarré qui est entre ledit cymat & le thore ou membre rōd a vne partie de haulteur, & ledit membre rond en a deux, & ainsi des autres: cōme vous le pouuez recognoistre sur ladicte ligne B C. Par mesme moyen avec le compas vous pouuez aisément remarquer & cognoistre les faillies d'une chacune partie de ladicte corniche, & en donner vostre aduis & iugement, iacoit qu'il y ait peu d'œuure, pour n'auoir esté bien taillée: qui faict que le traict des lignes sy presente fort gros. Ceux qui auront le moyen de voir les pieds de stat & stylobates, qui sont faicts au Palais de la maiesté de la Roynne mere au lieu nommé les Thuilleries, pres les faulxbourgs de saint Honoré lez Paris, ils les trouueront d'autant bonne grace & iuste proportion & mesure qu'il sen puisse gueres voir. Si est ce que ce que ie vous ay monstre par cy-deuant en la basse du pied de stat, & aussi en la corniche d'iceluy que vous voyez cy apres, n'est rien, ou bien peu de chose, au regard du pied de stat quand on le voit tout entier avec ses parties. Il me semble que c'est assez d'auoir proposé le pourfil des corniches & basses de moulures pour seruir à mouler & trasser les pierres: ioinct aussi que vous les auez veu en leur entier. Qui est la cause que ie ne vous en feray plus long discours: aussi que la prochaine figure vous donnera plus facile cognoissance du cōtenu en ce chapitre, que toute l'escriture que ie vous en sçauois proposer.

*Des mesures
de la colom-
ne Ionique.*

*Pieds de stat
ou stylobates
du Palais de
la Roynne me-
re à Paris.*



*D'une sorte de pied de stat Ionique retiré & mesuré apres
un antique, avec la basse de sa colonne.*

CHAPITRE XXVI.

LIVRE V. DE L'ARCHITECTURE




*Declaration
de la figure
ensuivant par
ses parties.*

*Advis de l'au-
teur pour la
saillie du pied
de stat.*

*Aduertisse-
ment qui n'est
à négliger.*

Our vous monstrer la variété des mesures, ie vous ay descrit cy apres la figure d'un pied de stat Ionique avec la basse de sa colonne, tout ainsi comme ie l'ay trouué & mesuré apres les edifices antiques. Doncques vous y voyez que la basse du pied de stat avec son plinthe est la tierce partie de la haulteur du pied de stat entre la corniche & sa basse: & que de ces trois parties les deux font la largeur dudit pied de stat, comme il se voit de E à F. Telle haulteur entre la basse & corniche se trouue estre d'autant que la ligne diagonale de son quarré parfait, ou bien de trois parties sur deux. Et la haulteur de la corniche dudit pied de stat est semblable au plinthe de sa basse marquée O. Quant au departiment des moulures, ie ne vous en puis dire outre ce que vous voyez, sinon que la couronne de la corniche marquée C, avec son cymacion, ou cymat, sans comprendre le petit filet quarré dessus, est d'une mesme haulteur que le cyme marqué D, avec son filet quarré qui est au dessous de la colonne. Les anciens ont donné quasi semblable haulteur au cyme de la basse marqué N. Qui fait que ie m'esbay de la saillie de la basse du pied de stat, marqué P, n'estant si grande que celle de la corniche, laquelle vous voyez marquée Q. Quoy que ce soit, ie ne voudrois faire ainsi, pour autant qu'il est raisonnable que les basses de dessous soient tousiours plus larges que les saillies des corniches, nō seulement des pieds de stat, mais encores les saillies des corniches des colonnes ne doiuent point estre plus grandes que celles des fondements, i'entend des basses. Et encores quand on fait les doubles plinthes aux basses des pieds de stat, ils doiuent excéder & auoir plus de saillie que la ligne perpendiculaire ou cathete qui procede de l'extremité de la corniche des colonnes. Mais quoy qu'il en soit, telles mesures des pieds de stat Ioniques au lieu d'ou ie les ay retirées se trouuent diuinement belles, & en autre lieu ou on les pourroit appliquer ayant différentes haulteurs, & esleuées sur terre plus ou moins qu'elles ne sont, ne se montreroiēt pas bien: ce que i'aduertis tousiours, à fin que l'on y prenne garde. Aussi i'ay trouué qu'en la figure que ie vous propose, la basse est vn peu plus haulte que n'est la moytié de la largeur de sa colonne. Ce que ie n'ay trouué en toutes autres, ne dedans Vitruue, qui veult qu'elles soient tousiours d'autant de haulteur comme est la moiitié du diametre de leur colonne. Aussi vous voyez que le plinthe de la basse marqué B, est autant que la tierce partie de toute la haulteur de la basse. I'ay trouué pareillement la grosseur de la colonne (comme vous le voyez marqué

qué sur le plan) au milieu du pied de stat entre la lettre I & K, estre diuisée en sept parties, & la retraiçte de la colomne par le dessus, ainsi que vous voyez la circonference entre L & M, n'auoir que six de telles parties. Par ainsi la colomne a de retraiçte vne septieme partie. Si vous voulez cercher plus particulieremēt ledit pied de stat Ionique avec sa basse de colōne, vous le pouuez trouuer avec le cōpas, suiuant la figure que i'ay cy apres descrite le plus iustemēt que ie l'ay peu mesurer, & représenter en plus grād volume que les autres: ce qu'aussi i'ay voulu faire au precedēt de la Dorique, & le continuerons (Dieu aydant) à la Corinthienne cy apres. Je fais les parties de ce que i'ay mesuré apres les antiques tant des corniches que autres, autant grandes que le liure & papier le permet, à fin que lon y voye mieux les formes & faces, & sy puissent cognoistre plus parfaictement les mesures, soit par es-
L'auteur vser de grandes figures, tāt que faire se peut.
criture ou avec le cōpas: comme aussi les differences qui sont des vnes aux autres, à fin de choisir celles qui seront plus agreables entre plusieurs que ie descry & propose. Quant au dedās du pied de stat & des œuures & ornements qui se font entre les basses & corniches d'iceluy, ie les ay trouuez aux antiquitez fort differēts: de sorte que les vns leur donnent vne fortē de mesure, les autres vne autre: mais quand l'ouurier desirera faire quelque basse
Pour les ornements du milieu du pied de stat.
taille ou ornement au milieu dudit pied de stat, pour les moulures qu'il y faudra tout autour, fault prendre la dixieme partie de sa largeur, comme depuis E iusques à F, & mettre vne desdictes parties tout autour & au long des aiestes, comme si vous vouliez faire vn quarré ou table d'attēte, puis diuiser telle largeur en trois parties, desquelles deux seront pour le quarré qui regnera tout autour, & la tierce pour le cymat & astragale. Telles mesures doiuent estre selon l'ornemēt du pied de stat & de son ordre: car sil est de l'ordre Dorique, il n'y faudra proceder comme à celuy de l'ordre Ionique: n'aussi à celuy de l'ordre Corinthien, comme au Ionique: selon l'œuure qu'on aura à faire il fault donner les mesures & ornements. Je vous veux aussi aduertir que à toutes
Aduertissement fort digne de noter & bien entendre.
fortes de pieds de stat ou stylobates vous pouuez encores adouster par dessous le plinthe de leur basse, d'autres soubasses, qui sont quasi comme vne autre sorte de stylobate: mais cela se fait quand on est contrainct de donner plus grand exaulfement à l'edifice, pour monstrer que la haulteur de la face du bastiment est conuenable à la longueur. Mais de cecy nous escrirons lors que nous monstrerons les façades des maisons. Ce tēps pendant vous contenterez, sil vous plaist, du pied de stat ou stylobate Ionique, lequel ie vous presente & figure cy apres.



Après que vous auez entendu l'ordre, mesures, & proportions de la colomne Ionique, & signamment de sa basse & pied de stat, cōme aussi de quelques exaulsements d'assiette que vous pourrez mettre par dessous le plinthe dudit pied de stat, pour l'e-
 leur plus hault si vous voulez (ainsi que i'ay fait à ceux qui sont au Palays de la maiesté de la Roynie mere, en ceste ville de Paris) reste, maintenant à vous monstrier & proposer les chapiteaux Ioniques avec leurs ornements & epistyle ou architraue, pareillement les frizes, couronnes, ou bien corniches, & vous declairer le tout fort familiarerement & par le menu, ainsi que iusques icy nous auons fait du precedent.

Recapitulation du precedent discours.

Des mesures du chapiteau Ionique, & la façon comme lon doit faire ses volutes. CHAPITRE XXVII.



N doit enrichir le chapiteau Ionique de volutes, qui ont esté inuentées apres les trousses & entortillements des cheueux des femmes, comme elles ont encores, en aucuns lieux, accoustumé de les entortiller à l'étour de leurs testes. Vous pouuez voir Vitruue sur l'origine & inuention de telle chose, comme aussi pour les mesures du chapiteau Ionique, qui doiuent estre telles que vous verrez cy apres. Vous aduisant que ie ne me veux ayder en cecy totalement dudit Vitruue, ains seulement en partie, l'accōpagnant de ce que i'ay trouué aux chapiteaux antiques, & mesmes à ceux de l'eglise de nostre Dame de Transtebre qui est aux faulxbourgs de Rome du costé de saint Pierre de Montorio dela le Tybre. C'est vne eglise bastie de plusieurs sortes de colomnes accompagnées de chapiteaux Ioniques fort differents les vns des autres, & ramassez de plusieurs edifices & ruines des antiquitez pour edifier ladicte eglise. Il me souuient d'auoir veu en vn d'iceux (qui n'auoit esté acheué) vne face qui n'est que equarrie, ayant au dessus des volutes (au droit de l'œil) les centres à mettre le compas pour faire la circonferéce de la volute, en la sorte que vous verrez cy apres, laquelle me semble la plus belle & la plus aisée de toutes. Du temps que i'estois à Rome, (il y a trente ans) ie monstray ladicte façon à plusieurs qui pour lors l'ignoroient, & les aduertiy ou ie l'auois trouuée & mesurée. Si depuis quelques vns l'ont faicte imprimer & sen attribuent l'honneur & inuention, ils y penseront. Mais pour venir à ce que nous pretendons, vous ferez le dessus du chapiteau Ionique, tout quarré, (lequel aucuns ont appellé tailloir, & les autres

Le chapiteau Ionique de- uoir estre enrichy de volutes & de leur origine et inuention.

L'eglise de nostre Dame de Transtebre à Rome.

LIVRE V. DE L'ARCHITECTURE

*Continuation
de l'explica-
tion du cha-
piteau Ioni-
que & de ses
parties.*

*Distribution
de la mesure
des parties du
chapiteau Ioni-
que.*

*Declaration
& descriptiō
de la figure
ensuiuant, &
de ses parties.*

*Fort belle do-
ctrine pour ri-
ver les circon-
ferences de la
volute Ioni-
que.*

abaco, pres du Latin) c'est à dire, autant long que large, & de la
mesme longueur que est le diametre de la colomne par le bas, &
vne dixieme partie d'auantage. Aucuns pour y donner vne haul-
teur certaine, en comprenant ses volutes, luy ont accommodé la
moitié de sondit tailloir. Les autres ont diuisé la colōne en trois
parties, & de l'une des trois ils ont fait la hauteur dudit chapi-
teau, puis ont diuisé en dixhuit parties toute la largeur du tail-
loir, & prins neuf & demie d'icelles pour les distribuer à la haul-
teur dudit chapiteau, y comprenant les volutes. De rechef ils en
ont donné vne & demie pour la hauteur de l'abaco, vne à sa cyme,
& l'autre à son quarré: les huit parties qui restent, demeurent
pour la volute. Vous pouuez voir telles façons & mesures dans
Vitruue, Leon Baptiste, & autres qui les ont descrites, & encores
aux bastiments antiques, esquels on en trouue de plusieurs sor-
tes, & tant diuerses que ie proteste n'en auoir iamais rencontré
deux semblables en diuers edifices, ie ne diray quant aux orne-
ments, mais encores quant aux proportions & mesures. De sorte
(ainsi que j'ay dict par cy-deuant) que quand les ordres des co-
lornnes estoient de differentes hauteurs, ie les trouuois aussi de
differentes mesures, avec leurs parties & ornements. Mais pour
continuer mon propos ie poursuiuray la façon du chapiteau &
volute Ionique, laquelle ie trouuay, ainsi que nous auons dit, il
y a trente ans & plus, au lieu cy dessus mentionné. Ledit chapi-
teau estoit veritablement diuisé en neuf parties & demie en sa
hauteur, dont les huit estoient pour la volute, & vne d'icel-
les pour la largeur de l'œil, trois au dessus dudit œil, & quatre
au dessus, qui faisoient la huitieme partie, ainsi que vous le voyez
marqué au lieu R S, en la figure ensuiuant: qui monstre la haul-
teur de l'astragale, ou membre rond, enrichy de patenostres, ainsi
que vous le cognoistrez cy apres. Puis on tiroit vne ligne cathete
ou perpendiculaire par le milieu dudit œil, cōme vous la voyez
de A C, sur DB, & de rechef vne autre oblique, ainsi que T V, de-
dans l'œil, sur laquelle d'abōdant se faisoit vne autre oblique, ou
perpendiculaire sur la ligne T V, de sorte que l'œil estoit diuisé
en huit parties egales, comme vous le pouuez cognoistre dans
la circonférence Q T R O V S, & ainsi des autres. Lesdictes lignes
obliques, comme celle de T V, sont diuisées en six parties, ainsi
que vous le cognoissez par les petites separations qui y sont mar-
quées, & seruent de centres à mettre la poincte du compas: com-
me sur la separation marquée 1, pour en tirer vne circonference
du poinct de A, à celuy de B; puis sur celle de 2, en la mesme ligne
de T V, pour tirer la circonference de B, iusques à C. De rechef

pour le remettre sur le point de 3, pour faire vne autre circonference de C à D: en apres sur le centre de 4, & continuer ladicte circonference de D à E, puis retourner au point de 1, ou est aussi marqué 5, & continuer de faire la ligne circulaire de E à F. Cela fait il fault remettre le compas au point de 6, & cōtinuer la circonference ou ligne circulaire de F à G: & prendre en apres le centre de 7, qui monstre à tirer la ligne de G à H: & le centre de 8, qui vous conduira pour faire celle de H I, comme le centre de 9, celle de I à K. Cela fait vous diuisez le centre de l'œil (qui est le milieu au point de 6) en deux parties, cōme il est marqué sur les diagonales, & en tirerez la ligne de K L. Continuant ainsi vous ferez iustement vostre lymace ou volute ainsi que vous la voyez adoucie & de fort bōne grace de A à B, de B à C, de D à E, de F à G, de H à I, de K à L, & ainsi conséquēment des autres: de sorte que l'œil, suiuant lequel vous auez fait telle lymace ou volute, demeure en la circōferēce de Q T R V S. Voila la vraye façon pour bien faire & adoucir vostre volute, sans prendre celle de Vitruue, ny des autres qui l'ont descrite, car ils ne sont, comme il me semble, fort intelligibles pour les apprentifs, ne leur methode tant facile que ceste cy extraicte & recherchée des antiquitez, qui n'est autre chose, pour plus grande facilité, que de faire vn quarré parfait, comme si vous le vouliez appliquer dedans la largeur de l'œil dudit chapiteau Ionique. Et apres auoir tiré les lignes diagonales d'un angle à autre, vous y trouuez deux autres lignes perpendiculaires qui procedent du milieu des faces dudit quarré, lesquelles lignes vous diuisez en six parties egales, & les points ou marques qui font les diuisions seruēt à mettre la pointe du compas pour seruir de centre, monstrant iustement à faire la volute dudit chapiteau. Laquelle se peult encores faire par autre voye, sçauoir est par la ligne appellée des mathematiciens, cathete, ou bien par la perpendiculaire qui tombe sur la ligne horizontale passant par le centre de l'œil & faisant vne circonference, & que la distance des deux pointes du compas soient autant cōme la haulteur de toute la volute. Vous diuisez ladicte circonference en autant de parties egales comme vous desirez que la volute face de tours, & seront lesdictes parties autant larges comme est la moitié de l'œil: en apres vous tirez les lignes du centre qui est sur la ligne horizontale & font les separatiōs egales marquées en la ligne circulaire, & aussi longues qu'elles puissent toucher la ligne cathete ou perpendiculaire qui monstre iustement les haulteurs. Comme par exemple le monstre, en la figure de la volute proposée cy-apres, la haulteur depuis A, iusques à E, & de E, ius-

Poursuite de l'explication de la figure ensuiuant le present chapitre.


Diuises formes & façons de faire la volute du chapiteau.

Demonstration de la volute cy apres proposée.

LIVRE V. DE L'ARCHITECTURE

ques à I, & depuis I, iusques à N, & ainsi des autres parties. Mais pour autant que telle façon de faire n'est si bonne à mon iugemēt que celle que ie vous ay descrit cy dessus, ie n'en ay point voulu faire autre figure, que celle que vous voyez cy dessous, ou vous trouuerez par mesme moyen la haulteur qui se trouue pour l'echine X, qui est depuis E, iusques à S. Vous voyez aussi le pourfil du chapiteau, & non seulement du cymat, mais de tout le railloir avec sa faillie, & des autres iusques au scape, ou si vous voulez du collerin de la colonne pres de l'hypotrachelio, qui monstre la haulteur de tout le chapiteau, ainsi que vous le pouuez voir par la presente figure.

*Continuation
de ce que des-
sus.*



Aduertissement fort digne de noter.

E vous descrirois encores assez d'autres façons de volutes & lymaces (comme vous en auez peu voir vne au xvj chap. du iiii. liure precedent, ou ie monstrois la façon d'une volute & voute qu'on peult faire en forme de la coquille d'un lymaçon) mais le peu de loisir que j'ay ne le permet aucunement. Albert Durer en son liure de Geometrie décrit au commencement quelques sortes & façons de lymaces & volutes, les rendant bien fort aisées, come vous les pourrez voir, si vous plaist d'y employer la peine. C'est qu'il prend vne circonference autant grande qu'on peult faire toute la superficie de la lymace, ou volute: laquelle il diuise en douze parties par lignes droictes qui passent par le centre, & donnent iusques aux extremités de ladicte circonference. Cela fait il prend vn diametre d'icelle, & diuise la moitié en tât de parties que vous voulez que la volute ou limaçon face de tours, come si c'est pour deux tours, il diuise ladicte moitié en vingtquatre parties: si c'est pour trois, en trentesix: puis il met le compas sur le centre de ladicte circonference, & rapporte ces parties icy l'une apres l'autre au droit des lignes qui diuisent ladicte circonference en douze parties, & continuant il conduict le tout si doucement, qu'il viét à en faire vne circonference qui se racourcist & rend si petite, que vous voulez, aupres du centre. Je vous en descrirois bien d'autre sorte, comme j'ay dit, & mesmes vne qui se pourroit faire tout d'une venue de compas, mais telles choses ne sont si necessaires, que curieuses. Si vous me voulez croire, vous ne prendrez point d'autre inuention & façon de volute pour faire le chapiteau Ionique, que celle que ie vous ay montre cy dessus, avecques vn costé tout taillé & enrichy. Mais à fin que plus facilement vous puissiez cognoistre le dit chapiteau Ionique avec ses ornemens, j'ay mis cy apres la propre figure sur laquelle j'ay trouué & pratiqué l'inuention de faire la susdicte volute, de laquelle ie n'auois ouy parler, & ne la sceus iamais trouuer ailleurs que au lieu prememoré, auquel elle estoit tournée & enrichie de tels fueillages que vous les voyez par vn costé seulement, car l'autre n'estoit acheué, comme j'ay dit. Il y auoit aussi des enrichissements d'œufs faits de fort bonne grace & elegante taille comme vous le pouuez voir à la figure que ie vous en ay proposé cy apres. Le dessous à l'astragale estoit enrichy de patenostres qui estoient de la haulteur du centre de l'œil de la volute, au lieu ou vous voyez au milieu vne ro-

*Explication
d'une façon de
volute selon
Albert Du-
rer.*


*Conseil &
aduertissement
de l'auteur.*

*Diligence
grande de l'au-
teur pour re-
chercher les
choses anti-
ques et belles.*

LIVRE V. DE L'ARCHITECTURE

ze. Mais si le chapiteau se monstroit beau, & ses mesures & proportions admirables, les fueillages & ornements l'estoient d'antage. Qui a esté cause que j'ay prins grand plaisir de le designer & protraire beaucoup de fois: mais le tailleur n'a si bien conduit l'œuvre sur la planche de bois, comme i'eusse bien voulu: principalement au cymat de l'abaco, ou les ornements ne sont si bien faicts que ie desirerois. La colonne du chapiteau estoit canelée: comme vous en voyez le commencement par la figure ensuiuant.

*Complainte
Et doléance
de l'auteur,
que ses figures
ne sont bien
Et justement
taillées.*






Pour vous monstrier par figure ce que ie ne puis
 en peu d'escriture, i'ay faict encores vn autre des-
 seing cy dessous de la moitié d'une volute, ainsi
 qu'on peult voir le chapiteau par les costez. Le
 lieu marqué A, est le milieu du chapiteau, aiant des
 fucilles de laurier, en façon cōme si c'estoit pour
 vn chapeau de triumphe qui donne iusques au dessous de l'abaco,
 estant toutesfois entourné cōme fil faisoit vne ligature des fucil-
 les qui vont en se largissant contre ladicte volute, ainsi que vous
 voyez que de B à C, il est plus estroit que sur le deuant du chapi-
 teau au costé de D. Le tout est enrichy de tel fueillage qu'il n'a
 aucune refente de fucilles, & avec vne grace & beaulté de peti-
 res coquilles, qui faict monstrier l'œuure si tres-belle, que ie ne
 sçauois dire plus, & ne pourrois escrire sa singularité, tāt elle est
 grande. Il y faict aussi bon voir les strieures qui en departent par
 le dessous, & au lieu de H vn desgauchissement qui est faict de
 telle dexterité qu'on ne le peult expliquer sans le monstrier en
 œuure. Au costé de la circonference de la volute y a des pateno-
 stres toutes rondes: le lieu marqué D, monstre la faillie de l'echi-
 ne, ou sont insculpez & taillez les œufs. Mais le lieu signé F, mō-
 stre la faillie de l'astragale, ou sont insculpez les patenostres les-
 quelles vous auez veu cy-deuāt en mesme lieu, avec le petit filet
 quarré au dessous. Et pour autant que vous pouuez bien consi-
 derer le tout par les figures proposées, ie ne vous en feray au-
 tre discours.

*Explication
 des parties de
 la figure cy
 apres propo-
 sée.*

*Continuation
 & poursuite
 de ce que des-
 sus.*

LIVRE V. DE L'ARCHITECTURE



Autre sorte de volute fort belle & elegante,
CHAPITRE XXIX.




E veux monstrier encores pour la varieté des choses, vne autre sorte de volute qui n'est gueres moins belle que celle de cy-deuant. Vray est que au lieu que la precedente est quarrée, & droicte par dessus le tailloir, ceste cy est ronde, comme si elle naissoit de la fleur ou petit bouillon de fueilles qu'on met coustumierement au milieu des chapiteaux, (ainsi que vous le voyez au lieu marqué A) avec vne ligne circulaire qui s'adoulcist de loing, comme le monstrent AB, & BC, en faisant doucement la volute: laquelle doit estre semblable à celle qui a esté monstrée cy-deuant, hors mis la ligne AB, qui se faict d'une plus grande circonference, comme les bons esprits le scauront bien entédre & pratiquer. Je n'ay point mis ceste figure tant pour ses mesures, que pour l'inuention: & aussi pour monstrier l'ordre de l'ornemēt & forme des fueilles, qui estoient fort bien faictes à mon exemplaire & prototype, ainsi quē parle Vitruue. Mais ceux qui taillent mes plāches sur lesquelles sont imprimées les figures, ne les ont si exactement représentées, qu'elles estoient à mondict exēplaire & desseing, dōr i'en ay bien grand regret & desplaisir, pour l'enuie que i'auois de donner plaisir avec proufit à ceux qui desirent apprendre. Qui est la cause que encores vne fois, voire deux & trois, ie prie le Lecteur de se vouloir contenter de ma bonne volunté. Vous noterez qu'en la figure suiuite, l'œil de sa volute est beaucoup plus grand, que celuy de la precedente, qui n'a non plus de largeur que son astragale: & aussi que l'astragale marqué H, en la figure cy apres proposée, est beaucoup plus petit: le chapiteau que vous voyez cy apres est plus grand d'une tierce partie que celuy que vous avez veu cy-deuant. Les bons & gentils esprits sen scauront ayder, & encores inuentēr d'autres sortes d'ornemens, en obseruant tousiours leurs mesures & proportions selon la haulteur, ou on les vouldra appliquer: s'ils sont biē taillez, il ne fault doubter qu'ils ne se mōstrent tousiours fort beaux. Et pourautant que vous en pouuez iuger par la prochaine figure, ie ne vous en feray autre recit: sinō que ie vous aduertiray comme i'ay trouué quasi semblables volutes, & de mesme façon, au chapiteau cōposé. Vous vous en pourrez ayder non seulement au chapiteau Ionique, mais aussi audict composé.

*Bon vouloir
de l'auteur
enuers les a-
mateurs d'ar-
chitecture.*

*L'auteur se
complaint en-
cores, que ses
figures sont
mal taillees et
representees.*

LIVRE V. DE L'ARCHITECTURE



De l'ordre & mesure de l'epistyle, frise, & corniche de la colonne Ionique, suivant nostre inuention extraicte des anciennes & diuines mesures & proportions de l'écriture sainte. CHAP. XXX.

Nouvelle inuention de l'auteur, sur les mesures des parties & ornements de la colonne Ionique




IE vous descriray encores les susdictes parties de la colonne Ionique le plus succinctement que ie pourray, mais d'une façon nouuelle; comme aussi leurs proportions & mesures; lesquelles ie ne pourfuiuray en m'aydant des modes antiques, n'aussi de cé que noz liures d'architecture escriuent pour la symmetrie & dimension d'une chacune des susdites parties, mais bien en ensuiuant l'ordre des proportions que i'ay trouuées en l'écriture sainte, & les dimensions & mesures du corps humain, lesquelles i'ay accommodées à la diuision & mesure des.

sure des ornements de la colonne Ionique. Je dōne donc en premier lieu à son epistyle ou architraue pour sa haulteur la moitié de la grosseur de la colonne par le bas, qui est vn pied: puis ie diuise ladicte haulteur en trétesix parties, desquelles le cymace en a six pour sa haulteur (qui est la sixieme partie de toute la haulteur dudit epistyle ou architraue) & son filet quarré par dessus, deux: qui sont huit parties pour tout le cymace ou cymat. Du reste des susdictes xxxvj parties, qui sont 28, i'en fais les trois faces du susdit epistyle avec l'astragale B, & petit cymace C. Doncques la premiere face au dessus du chapiteau aura cinq parties de haulteur, & le cymace trois: la seconde face, huit: le petit membre rond ou astragale, deux: & la haulteur de la troisieme face, dix. Pour les faillies vous vferez de ces mesmes parties, lesquelles vous cognoistrez & prendrez avec le compas. La premiere faillie de la face qui est dessus le chapiteau se trouue de six parties, scauoir est depuis la ligne DE, iusques à ladicte premiere face, & ainsi consequemment des autres. Quant à la deuxieme & troisieme faces, elles ne sont par le deuāt en lignes perpédiculaires: ce qui est fait pour gagner les faillies de l'astragale B, & du cymace C. Les anciens l'ont ainsi pratiqué en diuers edifices, à fin que tout l'epistyle ou architraue n'eust point tāt de faillie. Parquoy moins vous luy en donnerez, plus sera il facile de voir la frize & ornements qu'on met au zophore & à ladicte frize entre la corniche & architraue. Auquel zophore & frize si vous faiētes faire quelques ouurages, comme fueillages, deuises, ou autres, il doit auoir pour sa haulteur autant que est l'epistyle, & la quarte partie d'auantage: mais si vous n'y faiētes aucuns ornements, ou autres tailles de sculpture ou fueillage, il suffit qu'il soit de la haulteur dudit epistyle, & quelque fois moins. Telles choses se doiuent cognoistre & recolliger des dimēsiōs & proportiōs de tout l'œuure que vous aurez à faire.

*Explication
des parties &
mesures de la
figure ensui-
uante, selon
l'inuention de
l'auteur.*

*Des ouurages
du zophore et
frize.*



Quant à la haulteur de la couronne & corniche, tout ainsi que vous auez mis l'epistyle en sa haulteur par six fois six, qui sont treize six, vous mettrez aussi la haulteur de la corniche par quarante deux de ses mesmes parties, qui sont six fois sept. Il se faudroit icy resouuenir des mesures que vous auez veües cy-deuât au stylobate Ionique, qui sont de quatre parties de haulteur sur trois de largeur entre la corniche & basse dudit pied de stat. Toute la haulteur ensemble dudit pied de stat est diuisée en dix parties, y adioustant vn second plinthe ou soubasse. Souuenez vous aussi que la haulteur de la basse du stylobate est diuisée en 18 parties, sçauoir est en trois fois six: & la corniche dudit stylobate en 18 autres: & la haulteur de la colône avec son chapiteau & basse en neuf parties, ou en dixhuit fois la haulteur de la basse de la colône, de laquelle basse le plinthe est trouué apresvne tierce partie de la grosseur de sa colomme, comme vous l'auéz entendu. Le reste est diuisé en sept parties, d'ou sont faicts ses membres. Quant au chapiteau i'ay enuiuy les antiquitez & aussi quelques reigles de Vitruue, de sorte qu'il est diuisé en neuf parties & demie, & de là sont trouuées les volutes. La haulteur de l'epistyle ou architraue, est aussi diuisée en treize six parties, & sa corniche en quarante deux. Je propose routes ces mesures à fin que vous cōsideriez les nombres desquels vous deuez ayder, qui sont trois, six, sept, doublez, triplez ou multipliez en eux quarrément, comme deux fois trois sont six, & trois fois trois, neuf. Et ainsi des nombres de six, comme deux fois six, trois fois six, six fois six: & des nombres de sept, comme six fois sept sont 42, qui est la haulteur de nostre corniche. Mais que vous sçachez bié accommoder tels nombres pour vous en ayder, vous sçauerez trouuer des mesures & proportions plusque admirables. Par ainsi vous voiez comme à ladicte corniche les quarante deux parties sont distribuées: & comme en prenant le cōpas vous trouuez les faillies d'une chacune chose, sans y pouuoir faillir. Je n'vse point icy du pied de Roy, ny du pied antique, ny moins des palmes Romains, ny autres mesures sinon des proportiōs lesquelles i'ay tirées de l'escriture sainte du vieil testamēt, & (ce que ie diray sans aucune iactāce) les mets en vusage le premier, ainsi que ie feray apparoir de bref, Dieu aydant, par le discours de nostre seconde partie d'architecture, qui portera le tiltre & nom Des diuines proportions. Quant aux ornements & enrichissements des epistyles, zophores & corniches, des colomnes Ioniques du Palais de la maiesté de la Royne mere, ie n'y ay point encores pensé, pour autant que cela se doit conduire selon sa volunté, comme aussi ce qu'on doit faire dedans


De la haulteur de la couronne & corniche.

Diuisiōs fort propres pour les parties de la colomme Ionique.

L'auteur vser des proportiōs extraittes du vieil testamēt & les mettre en vusage le premier.


LIVRE V. DE L'ARCHITECTVRE

les frizes, ou i'espere mettre les deuises de sadiete maiesté. Vous pouuez voir par les pourfils des epistyles, courônes, & corniches que i'ay designez cy-deuant, & apres, au lieu marqué A, à l'endroit de la frize, comme l'architraue cy dessus fassemble de la corniche cy deffous. La presente figure vous donnera cognoissance du discours precedent.



Pour accompagner la corniche Ionique cy dessus descrite, & cognoistre vne partie des ornemens qui sy peuuent faire, i'en ay mis vne autre cy apres, que i'ay retirée & mesurée à Rome apres les antiquitez, & faict suiuañt le pied antique (qui est diuisé en soixante parties) accompagnée de la haulteur de la frize, qui a deux ^{Declaration de la figure cy apres proposée.} pieds & trentedeux minutes de haulteur, comme aussi de son architraue estant aupres, & monstrant par le nombre de dix ou se doit assembler le tout. Par la mesme figure cy apres proposée vous voyez la premiere face de l'architraue auoir trente cinq minutes de haulteur, la seconde trenteneuf, la troisieme quarante six & demie, son cymacion vingt, & le filet quarré par dessus dix. Vous noterez icy que audit cymacion n'y a point de saillie sur la troisieme face, comme ont tous les autres qui sont aux architraues: mais cela se vient adoucir en pente par le deuant sur ladicte troisieme face, avecques saillie differente, comme vous le voyez au droit du cymat, ou il ya dixhuiet minutes iusques à la ligne perpendiculaire qui prouient de toute la saillie dudit architraue: & au dessous de la troisieme face, vingt minutes: au droict de la ^{Continuation de ce que dessus.} deuxieme vingt & vne: & à la troisieme, vingt trois. Quant à la corniche il vous est aisé de cognoistre en ladicte figure toutes les saillies & auancemens d'une chacune de ses parties, semblablement de leurs haulteurs: par ainsi le premier astragale a huit minutes, le cymacion vingt six, les denticules trentesix, & le filet quarré de dessous tréte neuf, ainsi que vous le pouuez cognoistre par les nombres escrits sur vne chacune partie en son lieu & endroit. Puis donc que vous les pouuez cognoistre par les mesures qui y sont designées, il me semble qu'il n'est besoing de vous en faire plus long discours, vous laissant à considérer la figure, laquelle ie vous ay bien voulu doner pour vous instruire & aduifer des ornemens & mesures qu'on y peult faire.

LIVRE V. DE L'ARCHITECTURE



*D'une autre sorte de chapiteau, architraue, frise & corniche
mesurez, apres les edifices antiques, & sans grands
ouurages. CHAPITRE XXXI.*




Our mieux faire entendre l'artifice des ornemets de la colonne Ionique, & ce qui me semble appartenir à ses dimensions & mesures, ie mettray encores cy apres l'ordre d'une Ionique, laquelle i'ay mesuré apres les antiquitez. Vous y voiez son chapiteau, son epistyle ou architraue mesurez en toutes leurs parties avec le palme Romain escrit dessus vne chancune, tant aux hauteurs que saillies: semblablement des zophores & frizes, avec l'ornement que i'y ay trouué, comme aussi de la corniche, cymace, couronnes, faces, filets quarrez & autres. Estant le tout si bien disposé, qu'il n'y a celuy, quel qu'il soit, lequel y voulant prendre peine ne s'en puisse facilement ayder, & appliquer l'ordre Ionique à quelque lieu qu'il voudra, suiuant les proportions & mesures que nous y auons escrit à vn chacun endroit: comme à l'architraue, qui a palme vn, minutes neuf, once demie, pour toute sa hauteur. La premiere face de l'architraue a minutes trois, once vne & demie: la seconde, minutes quatre, onces deux: son astragale qui est enrichy de patenostres, minute vne, once vne & demie: la troisieme face, minutes sept: le cymat trois, & son filet quarré deux: ainsi que vous le pouuez voir à la figure cy apres, avec les autres mesures pour les saillies, & encores pour le chapiteau. Ce que ie vous ay bien voulu représenter, à fin que vous voiez diuers ornemens.

*Explication
et demonstration
de la figure
ensuiuant
& de ses parties.*

la frize a palme vn, minutes neuf, qui est la mesme haulteur de l'architraue cy-deuant proposé: mais auecques vne demie once d'auantage, qui est peu de chose. Le cymacion estant au dessus de la frize a deux minutes de haulteur, & son filet quarré trois onces, la face marquée B, (qui est l'endroit ou l'on met les déticles qu'ad on en veult faire) a minutes quatre, once vne & demie pour sa haulteur: la gueulle qui est au dessus, minute vne, onces deux: son quarré deux onces, l'echine ou mēbre rōd, ou sont taillez les œufs, qui se trouuent deffous la couronne, a minutes trois, & ladicte couronne sept minutes de haulteur: le quarré au dessus de ladicte couronne trois onces, le cymace minutes deux, once vne: son filet quarré, minute vne: le cyme ou sont insculpées les testes de Lyons & fueillages, a de haulteur six minutes, onces deux, & le quarré qui est le plus hault, minutes deux. Par ainsi vous pouuez distribuer ces haulteurs ainsi separément quand en aurez affaire pour composer vne belle corniche. Vous trouuerez aussi que le cyme, la couronne, la face marquée B, auec le cymacion & filet quarré qui est au dessous, sont quasi d'une mesme haulteur, car le cyme ou cymacion a six minutes, onces deux, la couronne minutes sept, la face B, auec ledit cymacion & filet quarré, sept minutes & demie once. Je dy cecy pour autant que i'ay veu que plusieurs aux edifices antiques ont fait ces trois parties de mesme haulteur: mais laissant les raisons iusques à vne autre fois qu'il viendra a propos, nous continuerons nostre deliberation de faire voir, en moins de paroles que ie pourray, les corniches & ornements Ioniques. Des saillies ie ne vous en parle point, pource que vous voyez leurs mesures toutes escrites, comme au droit de la couronne minutes onze, qui monstre la saillie du cyme ou cymacion & filet quarré: la petite dent de la couronne a minutes deux, once vne. Sans en faire autre discours, vous pouuez voir à la figure cy apres descrite, vne chacune mesure, tant des haulteurs de tous les membres de la corniche, que de ses saillies.

*Continuation
de la mesure
des parties de
la figure sui-
uant le pro-
pre chapitre.*

LIVRE V. DE L'ARCHITECTURE



Si vous voulez auoir plus ample cognoissance des mesures de l'ordre Ionique, vous aurez recours à certaines reigles de Vitruue, lesquelles ie trouue tresbelles & dignes de bien grande louange, obseruation & pratique. En premier lieu, parlant des architraues il leur donne telle raison & mesure, que si la colomne a de douze à quinze pieds de hault, ou enuiron, leur haulteur doit auoir la moitié du diametre de ladicte colomne par le bas. Et si elle se trouue estre de quinze à vingt pieds, elle sera diuisée en treze parties, & l'une d'icelles donnée à la haulteur de l'architraue. Si ladicte colomne est de vingt à vingt cinq pieds, toute la haulteur sera distribuée en douze parties & demie, & l'une d'icelles accommodée à la haulteur dudit architraue. Si elle a de vingt cinq à trente pieds de haulteur, elle sera diuisée en douze parties, & l'une d'icelles donnée audit architraue. Ainsi Vitruue monstre comme on doit prendre les proportions des membres à l'equipollent de la haulteur de tout le corps de la colomne, à raison que tant plus la veüe de l'homme regarde en hault, avec plus de peine elle penetre la grosseur & haulteur des parties & membres des edifices. Parquoy suruenant telle debilité & diminution de force de la veüe, pour le regard de la grande espace, il fault cognoistre & auoir iugement d'y scauoir bailler vne certaine proportion de modules, & augmentation de mesures, à fin que l'on puisse donner belle apparence & beaulté aux edifices. Il y fault tousiours adiouter vn supplément raisonnable, à fin que quand les ouurages seront colloquez en lieu esleué, & les edifices se trouueront de grandes haulteurs & comme demesurées à les voir, on les conduise avec telle dexterité qu'elle puisse représenter vne conuenable quantité correspondante en largeurs & haulteurs. Vitruue nous enseigne encores certaines reigles tant pour les epistyles ou architraues Ioniques, que pour la haulteur des zophores, frizes, corniches, denteleures, & autres parties, comme tympanes, acroteres, strieures ou caneleures desdictes colomnes: ainsi que vous le pouuez voir sur la fin de son troisieme liure. Mais de telles parties ie vous veux bien escrire vn peu plus particulierement comme chose tres-necessaire. Donc apres que vous aurez trouué la haulteur de l'architraue, Vitruue veult que son cymace soit de la septieme partie de la haulteur dudit architraue, & d'autât de saille. Puis que le reste dudit architraue non compris le cymace soit diuisé en douze dimensions, ou parties, desquelles trois seront données à la premiere face, quatre à la deuxieme, & cinq à la troisieme. La frize estant par dessus l'architraue, sera de la quarte partie moins: & si l'y a des frizes & fucillages, la quarte partie sera

Lieu de Vitruue loué & approuué par l'auteur, comme presque tous.

La proportion des membres se prendre à l'equipollent de tout le corps.


Aduertissement fort dignes de noter.

Bref discours sur la mesure des parties de la colomne Ionique.

Recapitulation des mesures & proportions des parties & membres de la colonne Ionique.

plus que la haulteur dudit architraue. Iagoir que ie vous aye montré quasi choses semblables cydeuant, ce neantmoins il me semble estre fort bon de les repeter brefuement sur la fin d'un chacun ordre des colonnes, à fin de les retenir, & s'en sçauoir mieux ayder. Pourfuiuant donc ce que dessus, le cymace de la frize aura de haulteur vne septieme partie de la haulteur de ladicte frize, & autant de saillie. Au dessus d'icelle frize on fait des denticules aussi haults que est la seconde face de l'architraue, qui a quatre parties. Vitruue veut que lesdicts denticules ayent autant de saillie que est leur haulteur: ce que me semble estre trop, & ne se voit ainsi aux edifices antiques. Les susdicts denticules ont pour largeur la moitié de leur haulteur. Quant au concaue qui est entre deux, des trois parts de la largeur des denticules, on luy en donne deux, & à la doulcine ou cymace qui est au dessus, vne sixieme partie de la seconde face de l'architraue. La couronne de la corniche avec son cymace (non compris son petit filet quarré) doit porter autant de haulteur que ladicte seconde face de l'architraue, & la saillie d'icelle couronne garnie de sa petite dent par le bout, doit contenir d'estendue autant qu'il y a depuis la frize iusques à la plus haulte cymace de ladicte couronne: qui est autant de saillie que de haulteur: chose digne d'estre noté.

LE SIXIEME



LE SIXIEME LIVRE

DE L'ARCHITECTVRE DE PHILIBERT

DE L'ORME LYONNOIS, CONSEILLER, ET

Aulmosnier ordinaire du Roy, Abbé de
sainct Eloy lez Noyon, & de

S. Serge lez Angiers.

Preface accompagnée de singuliers aduertissements.



LE VOVS ay enseigné & expliqué au liure precedent, les ordres des colonnes Thuscannes, Doriques, & Ioniques: pour continuer nous descrirons cy-apres l'ordre de la colonne Corinthienne. Mais il me semble, premier que d'en parler, qu'il sera bon de donner quelque aduertissement & conseil, non moins utile que agreable, aux nouveaux apprentifs qui desirent faire profession d'architecture, à fin qu'ils se puissent bien ayder de ce que nous leur proposerons & auons proposé: comme aussi de ce qu'en traittent les liures d'architecture, tant pour edifices antiques que modernes, à fin de pouuoir le tout accommoder aux œuures, & faire chose qui soit digne de louange. Ce que ie dy, pour autât que j'ay veu plusieurs fois qu'aucuns, qui veulent faire profession d'architecture, se sont abusez grandement quand ils ont voulu mettre en œuvre les ordres des colonnes, ensuiuant celles qu'ils auoient mesurées à Rome ou ailleurs, pour autant que leurs œuures estoient beaucoup plus petites que celles ou ils auoient prins lesdictes mesures: i'alloit qu'elles fussent bien mesurées & reduictes au petit pied, ou petit palme & autres mesures, lesquelles ils appliquoient aux haulteurs des colonnes & ornements dont ils auoient affaire.

*Bon vouloir
de l'auteur
enuers les ap-
prentifs & in-
viateurs de no-
ble art d'ar-
chitecture.*

LIVRE VI. DE L'ARCHITECTVRE

Mais l'œuvre estant parfaite ne se trouuoit iamais de telle beauté & excellence que celle qui leur auoit donné la forme & premier exemple : n'aussi les ornements, corniches, frizes, architra-

*En quoy fail-
lent aujour-
d'huy beau-
coup d'archi-
tectes experts*

ues, chapiteaux, basses, & pied de stats. Puis d'ocques qu'il est ain-
si que les experts Architectes, qui entendent tresbien la conduite
des edifices, faillent à doner les mesures & symmetries, que peu-
uent faire les apprentifs & nouueaux ? Je diray asseurement que
nul Architecte, quel qu'il soit, peult faire vne belle œuvre en pre-
nant ses mesures proportionnement à celles des anciens, s'il n'ac-
commode sadicte œuvre à la mesme grandeur, largeur, mesures,
ordres, & façons de celles qui luy ont seruy de patron, pourueu
qu'il les sçache conduire ainsi qu'il les aura trouuées, car lors il fe-
ra vne mesme œuvre & de telle beaulté & excellence que l'anti-
que, laquelle il aura imité. Toutesfois il semble bien à plusieurs
qu'il n'y a tant d'affaire, & qu'ils entendent fort bien comme il

*Bien dresser
& colloquer
colonnes n'e-
stre œuvre de
petite indu-
strie et entre-
prise.*

fault composer toutes sortes de colonnes avec leurs ornements :
mais à dire la verité ils sont tres-loing du bon chemin, car ce n'est
assez de sçauoir bien mettre les colonnes à l'equerre, les bien iau-
ger, & mettre à pan pour les proprement arrondir ou faire tour-
ner au tour suyuant leurs cerches ralongées, & les rappetisser &
renfler avec leurs contractures par le plus hault au dessus de
leurs chapiteaux, comme il appartient : pour autant que si vous
auiez affaire de mille sortes de colonnes, & encores qu'elles fus-
sent toutes d'un mesme ordre, fust il Dorique, Ionique, Corinthié
ou autre, pourueu qu'elles soient de differentes haulteurs, il les
conuient aussi faire de differentes mesures : & non seulement les
colonnes, mais aussi tous leurs membres tant stylobates ou pied
de stat, que basses, chapiteaux architraues, frizes & corniches. Et
encores quand les colonnes se trouueroiēt toutes d'une mesme
haulteur, si les vnes sont d'un ordre de quatre colonnes, elles ne
conuiennēt point à celles de six, ny celles de six à celles de huit,
ou d'autres nombres : parquoy elles doiuent estre d'une autre for-
te de mesures selon leur haulteur & nombre, autrement elles ne
donneroient aucun contentement à l'œil, ne correspondance à
la proportion & beaulté. Vous les pourrez enrichir tāt que vous
voudrez, si est-ce que tous hommes de bon iugement pour cela
ne les trouueront à leur gré & contentement, sans en sçauoir di-
re la raison, pour n'auoir la cognoissance d'Architecture. Et à fin
de le faire mieux cognoistre, j'ay proposé & proposeray cy apres
plusieurs sortes d'ornements & mesures de colonnes que j'ay
retiré diligemment des antiquitez, pour monstrier par exemple
qu'elles differences il y a des vnes aux autres. Aucuns se pourrōt

*Beaux aduer-
tissemens &
forte dignes de
noter.*

esbahir que vn ordre de quatre colonnes se trouuant fort bien, pour le faire de six, de huit, ou de dix colones, il faille tout changer: ils ont versé tât peu que ce soit en la perspectiue & aux demonstrations de la force & debilitation de la veüe, ils confessent incontinent mon dire estre veritable du changement des mesures des colonnes, combien qu'elles ayent vne mesme haulteur: soit pour les faire seruir aux portiques, vestibules, peristyles, ou faïades des temples, palays, & autres edifices. Il faut donc qu'elles soient de differētes mesures, suiuant la theorieque & methode du contentement de la veüe, & preceptes des ornemens & decoration des choses qui plaisent & applaudissent à l'œil. Vitruue monstre fort bien en son troisieme liure, chapitre deuxieme, les differences d'aucunes mesures, & comme il sy fault conduire selon l'ordre qu'on aura à faire. Qui a esté cause que, pour mieux faire entēdre le tout, i'ay proposé & descrit au cinquieme liure precedent, plusieurs differentes & diuerses sortes de mesures & proportions de colonnes Thuscans, Doriques, & Ioniques; comme aussi vous en verrez cy apres pour les Corinthiennes & autres. Ce que i'ay bien voulu monstre & aduertir, à fin que cy apres on sçache choisir, apprendre & cognoistre quels ordres & mesures il conuient tenir aux bastiments qu'on aura charge de conduire. Car ce qui se voit en vn portique de quatre colonnes, de six, ou de huit, comme i'ay dit cy-dessus, cela est tres different l'un de l'autre. L'ordre de quatre colonnes qui ont de dix à douze pieds de haulteur, pour estre pres de la veüe & peu haultes, fait que le iugement de l'homme les estime d'une sorte. Mais si l'ordre est de huit colones, la veüe a plus de travail pour la grande distance & elongation de l'œil par les costez, & aussi pour le racourcissement, ainsi qu'il se cognoist par les reigles de perspectiue: & se voit quand on veult faire vn paue de carreaux, ou de quelque plan d'edifice: car lors certainemēt vous trouuez, que ceux qui sont plus parfonds ou plus eslongnez de l'œil se trouuent tousiours plus r'appetissez (tant par les costez, que par autre partie) que ceux qui en sont les plus proches. Quant doncques les choses sont trop haultes, ou fort eslongnées du centre de l'œil, elles sont bien de differētes mesures, & se monstrent d'autre sorte que celles qui sont peu haultes ou proches dudit œil. Pour doncques bien faire il ne fault obseruer l'ordre, ne donner les mesures des grandes colonnes aux petites, ou bien que vous aurez donné à celles qui n'auront que quatre colonnes, & ne font que de dix ou douze pieds de haulteur. Quant aux grandes ou celles qui sont de six, il les fault faire plus grosses & plus haultes.

*Neau discours
extraict des
preceptes &
raisons opti-
ques, ou sy-
lex de perspe-
ctiue.*

*choses fort
belles & di-
gnes de consi-
derer.*

LIVRE VI. DE L'ARCHITECTVRE

Plusieurs choses n'auoir vne mesure grace hors d'œuvre & en œuvre.

tes, comme qui les voudroit faire hors de toute raison & mesures. Toutesfois en gardant l'ordre & proportions qu'on doit tenir, ce qui semble n'estre bien hors d'œuvre, estants encores les pierres en leur chantier & se monstrants lourdes, lors qu'elles sont mises en œuvre, pour estre loing de la veüe, elles se monstrēt fort bien & de belle mesure & bon ordre avecques meilleure grace: ainsi que facilement le peuuent iuger & cognoistre tous bons & gentils esprits. Si doncques vous voulez bien & proprement faire quelque figure d'un par-terre ou plan de bastiment en perspective, vous tirerez premierement vne circonference qui sera de telle haulteur & longueur qu'il vous plaira, prouenant du centre de la veüe, & se trouuant iustement à sa raison, ou qu'une chose se r'appetisse: comme ce qui est le plus loing, & ce qui est le plus pres se montre le plus grand & plus spacieux, comme vous le pourrez bien iuger par les figures que j'espere mettre, moyennant l'ayde de Dieu, à la fin de mes œuvres, en escriuāt de perspective, & aussi en autres lieux (quand il viēdra à propos) ou ie monstreray tres volūtiers ce que j'en ay apprins apres y auoir vacqué beaucoup de temps, ie ne diray seulement à celle qui montre à faire les desseings, mais bien encores à celle qui enseigne de donner aux edifices leurs propres clartez & lumieres selon les régions du ciel, conformément au lieu & endroit ou lon sera: comme aussi aux salles. & chambres d'esté d'une sorte, & à celles d'hyuer d'une autre: & ainsi aux bibliotheques, estuues, baigneries, greniers à tenir les bleds, caues pour conseruer les vins, & autres lieux qui desirent auoir la lumiere du ciel differemment. Le tout suyuant les reigles de perspective qui sont tres-belles & fort necessaires à tous Architectes, ainsi que nous l'auōs montré ailleurs.

La perspective ne estre fort necessaire à l'Architecte.



Yant môstré au liure precedent les premieres colônes desquelles on vſa à Rome, ensemble l'ordre & ordonnâce des colonnes Thuscanes, comme aussi des Doriques & Ioniques : resté maintenant pourſuiure & monſtrer l'ordre Corinthié, lequel Vitruue met pour la troisieme espece des colônes iaçoit qu'il pourroit faire la quatrieme, qui voudroit mettre premiere la colonne Thuscane, côme veritablemēt elle doit estre, pour autant qu'elle est plus massiue & plus forte que les autres, ainsi qu'il a esté dit cy-deuant. Doncques vous serez aduertis que tout ainsi que la colonne Dorique a esté inuentée selon les mesures & proportions de l'homme, & la Ionique ſuiuant celles de la femme: aussi la presente a esté faicte à l'imitation d'un delié & ioly corps d'une pucelle. Pour autant que les filles en leur ieune aage ont le corps gresle, & menu, & estans bien parées se monſtrent beaucoup plus belles, & d'apparée plus exquise, ainsi que font les colonnes Corinthiennes. Car elles apparoissent ou doiuent apparoir beaucoup plus riches & deliées, plus mignonnes & mieux parées que les autres. Pour ceste cause, on leur donne pour leurs haulteurs plus de huit fois leur diametre par le bas, voire neuf, & plus quelquefois, selon le lieu auquel on les applique. Voila qui les fait môſtrer plus gresles & delicates que la Ionique, qui ne doit auoir de haulteur que huit fois & demie son diametre pour le plus, & quelquefois moins. Avec ce, le chapiteau Corinthien a de haulteur autant qu'est la largeur de tout le diametre de sa colonne. Ceux qui luy ont voulu donner plus grande beaulté, y ont adiousté quelque-fois la septieme partie dudit diametre d'auantage, comme vous le verrez cy apres quand ie monſtreray les mesures dudit chapiteau. Duquel l'invention est attribuée à un nommé Callimachus, qui pour l'excellence & subtilité de son art en matiere de tailler marbres, fut par les Atheniens surnommé Catatechnos, c'est à dire homme industrieux, & plein d'artifice. L'invention en fut telle. Aduint un iour qu'apres le decès & inhumation de quelque ieune fille Corinthienne, sa nourrice, en consolation de ses douleurs, se souuint que ladite fille en son viuant souloit prendre grandissime plaisir à aucuns vases qu'elle auoit: parquoy en memoire de ce elle les mist tous dans un panier, & les porta sur la sepulture de sadite fille, pour le soulagement de ses douleurs & recordation de la defun-

L'ordre de la colonne Corinthienne faict par Vitruue.

Quelle difference ont les colonnes Corinthiennes avec les autres.

Callimachus auteur du chapiteau de la colonne Corinthienne.

LIVRE VI. DE L'ARCHITECTVRE

ete. Et à fin qu'ils fussent long temps conseruez & deffendus contre l'iniure du temps & des pluyes, elle couurit le panier d'une grosse tuille. Mais notez que par cas fortuit ledit panier fust mis sur vne racine d'Acanthe ou branque Vrsine, laquelle par succession de temps pour estre empeschée & pressée du susdit panier, elle iecta ses tiges enuiron le Printemps tout à l'entour dudit panier, tellement que ainsi que l'herbe croissoit autour d'iceluy, la tuille l'empeschoit de monter, & la rabbatoit sur les bords & coings: de sorte qu'elle estoit contraincte de se courber & descendre contre bas: quasi comme vous le voyez aux rouleaux & volutes des chapiteaux qu'on fait auiourdhuy. Passant doncques le susdit Callimachus auprès du sepulcre de la susdicte vierge Corinthienne, & voyant l'artifice de nature enuers ledit Acanthe & panier, il pratiqua & print de là l'ornement du chapiteau Corinthien, tel que vous le verrez cy apres, & pourrez aussi voir au premier chapitre du quatrieme liure de Vitruue. Mais deuant que entrer à la description dudit chapiteau Corinthien, il me semble qu'il sera tresbon de parler premierement de sa colomne, basse & stylobate.

*Belle histoire
sur l'inuention
& origine du
chapiteau Co-
rinthien.*


*Des mesures de la colomne Corinthienne tant en son corps
que membres & parties. CHAPITRE II.*

*De la diuision
& mesure des
parties de la
colomne Co-
rinthienne.*



*Trois colom-
nes Corinthien-
nes au Pan-
theon à Rome.*

Une colomne Corinthienne faite, ainsi que nous auons dit, apres les mesures & proportions d'une ieune fille, doit estre diuisee tant en sa hauteur que celle de sa basse & chapiteau, en dix parties egales: desquelles vne sera donnée à la grosseur de la colomne, & vne autre avec vne septieme partie d'auantage, à la hauteur de son chapiteau, puis la moitié d'une autre à la hauteur de sa basse. Par ainsi restent huit parties & demie, moins vne septieme, de la hauteur de toute la colomne. Laquelle il fault de rechef diuiser par son diametre d'embas en sept parties, desquelles six seront pour le plus hault du dessus de la colomne pres le chapiteau. Et par ainsi la contracture & restroissement sera d'une septieme partie de sa grosseur: mais telle contracture se fait selon la hauteur & grandeur des colomnes qu'on veult faire. Je n'en ay point trouué qui fussent semblables, ains tousiours differentes de mesures, comme ie le vous veux bien monstrier par l'exemple de trois ordonnances de colomnes Corinthiennes qui sont dans le Pantheon à Rome, (autrement appellé, nostre Dame de la Rotonde) & encores par



DE PH. DE L'OR. 176

d'autres qui sont en ladite Ro-
me. Mais premier que les des-
crire, il me semble que nous
deuõs acheuer de môstrer les
proportiõs, ornemets, & me-
sures de la coiomne Corin-
thienne. Je descrirois bien au
long ses basses, mais pour-au-
tant que vous en verrez cy a-
pres de marquées sur vne cha-
cune de leurs parties, tât pour
les haulteurs que saillies, ie n'é-
feray si lóg discours. Et à cause
que telles basses se voyét touf-
iours de pres, il les fault tenir
d'uné mesme haulteur, qui est
la moitié de la grosseur de leur
colomne. Quant à leurs orne-
ments, comme sont les tho-
res, astragales, petis filets quar-
rez, nancelles & plinthes, on
les a tousiours faits tant riches
qu'on a voulu: les vns d'une
sorte, les autres d'une autre.

Lesdictes basses furent trou-
uées du commencement, apres
les boucles & cercles de fer
qu'õ mettoit au bout des trõcs
d'arbres qui seruoient de co-
lomnes à fin qu'ils ne se fendif-
sent, & que le bois ne souffrist
trop, ou entrebaillast (comme
il a accoustumé de faire par le
hasle du Soleil) pour le faire
seruir au lieu des colõnes, ainsi
qu'on faisoit deuant l'inuen-
tion des colomnes Doriques
qui furent les premieres, com-
me vous le pourrez voir en la
figure marquée P, au liure en-
suiuant, avecques vne spire ou
basse telle qu'on la mettoit au

*Choses dignes
de noter de la
premiere in-
vention des
parties des Co-
lomnes Corin-
thiennes.*

LIVRE VI. DE L'ARCHITECTURE


lieu de foliers, comme aucuns ont escrit, & les stylobates au lieu de pantoufles, pour releuer l'œuvre plus hault, & luy donner plus de beaulté, & aussi pour monstrier les differences. En pareil cas au chapiteau Ionique on colloquoit des volutes, comme perruques ou cheueleures crespes entortillées & pendentes des deux costez: & estoient enrichis les fronts des cymaces les vns de festons, les autres de fueillages, au lieu de bagues ou ioyaux que les dames & filles portent au front. Tout autour de la colonne y auoit des caneleures pour représenter les plis des vestemens des dames. Par ainsi l'ordre Dorique fut inuenté à l'imitation de l'homme, comme nous auons dit: & du trait & delicat & riche vestement des femmes, celui qu'on nomme Ionique: & suiuant la plus grâde singularité & beaulté d'une ieune fille, le Corinthien: duquel la spire, basse, chapiteau, architraue, frize & corniche sont beaucoup plus riches que de tous les autres ordres: & le stylobate plus allegre, plus riche & de plus grande haulteur en mesures: y estant le tout sous diuerses sortes & proportions, comme vous l'avez peu cognoistre par la figure precedente accompagnée de ses mesures, qui m'a semblé estre des plus belles.

Brefue repetition & recapitulation, de ce que dessus.

Division & mesures du stylobate ou pied de stat Corinthien.


Quant au pied de stat ou stylobate de la colonne Corinthienne, tout ainsi que ladicte colonne avec son chapiteau & basse est diuisée en dix parties egales, nous diuiserons aussi la haulteur dudit stylobate en dix parties egales. Laquelle aura deux fois autât que la longueur du plinthe de la basse de sa colonne, comme vous le voyez de A à B. De ces dix parties, l'une sera pour le plinthe de la basse du pied de stat marqué C, l'autre pour sa basse marquée D, & la troisieme pour sa corniche marquée E. Par ainsi resteront entre la corniche & la basse sept parties pour sa haulteur, & cinq pour sa largeur, qui sont sept parties sur cinq. Touchant les moulures des basses de la corniche, aucuns les ont faictes d'une sorte, les autres d'une autre. De vous vouloir escrire plus particulièrement des mesures, seroit chose bien longue: j'espère vous en faire voir de tant de sortes au present discours d'architecture, qu'il sera tresfacile cy apres de vous ayder de toutes mesures & proportions que vous aurez à faire pour tous bastiméts. Vous voyez cy apres la figure du pied de stat & basse de la colonne Corinthienne.

L'auteur aborde en l'exhibition de diuerses figures.



I'ay cy apres exhibé vn autre stylobate avec la basse de sa colomne accompagnée de quelque ornement pour deuise : auquel vous voiez figuré vn Soleil par le milieu avec autres choses. Quât aux mesures ie les vous laisse à prendre avec le cōpas en la figure cy apres proposée, laquelle i'ay fidelement retirée, & iustement proportionnée & mesurée apres vne antique, cōme vous le pouvez voir. Mais à fin que vous puissiez auoir plus facile intelligence de nostre dire, i'ay fait le susdit stylobate vn peu grād, comme aussi les autres ornements de colomne. Car après auoir monstré les principales proportions & mesures des parties, qui me semblent estre les plus difficiles, ie les figure & represente tousiours en plus grand volume, à fin qu'il soit facile d'en leuer des moules pour tailler les pierres, en les augmentant de telle grandeur que lon en aura affaire : & pour voir aussi comme les anciens Architectes les ont faictes, avec leurs ornements & moulures.

*L'auteur estu-
dier à se faire
entendre, soit
par escripture,
ou figures.*




Par mesme moyen ie vous mettray icy le pourfil avec les ornemens d'une basse Corinthienne laquelle i'ay retirée & mesurée apres. quelques vestiges fort antiques. Le luy auois escrit les mesures de dessus, mais le tailleur les a couppées en besognant sur la planche: si est-ce que vous ne sçauriez faillir d'y cognoistre les proportions, saillies & hauteurs d'une chacune chose, pour autant que i'ay représenté fort iustement ladicte basse en toutes ses mesures. Vous cognoistrez aussi la grosseur de sa colomne, qui a deux fois autât de largeur qu'est la hauteur de la basse, ainsi que vous le voyez par les lettres A & B. Vous remarquez pareillemēt le pourfil de la colomne au lieu signé C: & si vous tirez vne ligne perpendiculaire sur celle de B, ou de A, qui touche iustement le pourfil de la colomne au lieu de C, elle vous fera cognoistre iustement la saillie de la basse. Mais pour autant que ie vous monstrey cy apres plusieurs sortes de basses Corinthiennes avec les mesures de toutes leurs parties, ie ne m'amuseray à en faire autre discours pour le present: sinō que ie vous aduertiray, que la colōne de ladicte basse estât diuisée en vnze parties par son diametre, les cinq & demie font la hauteur de la basse. Quant à la hauteur du plinthe, ie l'ay trouuée estre autant cōme vne de ces cinq parties: & touchant les quatre & demie qui restent par dessus ledit plinthe, i'ay trouué que de rechef elles sont diuisées en trois parties, dont l'une est donnée pour le thore ou membre rond qui est dessus ledit plinthe, avec son astragale & filet quarré: & la deuxieme au thore & membre rond du milieu, avec l'astragale ou sont les patenostres enrichies, y comprenant la nanselle de dessous: puis la troisieme est pour le thore & membre rond de dessus en y comprenant la nanselle & filet quarré, qui est au dessous. Toutefois la derniere des trois parties n'est pas bien iuste, se trouuant sur l'astragale, ou sont les patenostres rondes, qui est dessous la colomne. Mais quoy que ce soit, la basse qui vous est proposée cy apres, est iustement faicte, suiuant les mesures que i'ay trouuées aux vestiges antiques.

*Explication
tres familiere
de la figure
ensuiuant.*

*Poursuire des
mesures de la
figure cy apres
descrite.*

LIVRE VI. DE L'ARCHITECTURE



Du chapiteau



Les chapiteaux de l'ordre Corinthien se feront en ceste sorte. Vous prendrez le diametre de leur colonne par le pied, ou elle est plus large, & en ferez vn quarré parfait: dedans lequel vous tirez vne ligne diagonale, comme vous la voyez en F G: & de tant qu'elle sera longue vous ferez la largeur de vostre chapiteau par le deuât au droit de l'abaque, ainsi que vous le voyez estre rapporté depuis A iusques à B, sur l'extremité des cornes du chapiteau. Lesquelles cornes se font en prenant toute la largeur du chapiteau A B, & faisant vn triangle equilateral, comme vous le voyez en A B C: puis mettant la pointe du compas au lieu de C, & l'estendant iusques au lieu de D, & finalement faisant vne ligne circulaire, lors vous trouuerez les cornes dudit chapiteau, & leur largeur au droit de A B, & par le milieu à vn chacun endroit des quatre faces la saillie & largeur que doit auoir la rose marquée E, qui se trouue aux faces dudit chapiteau contre l'abaque, ainsi que vous le pourrez mieux cognoistre (sans vous en faire plus longue escriture) par la figure que vous verrez cy-apres. Le tout se peut beaucoup plus aisément apprendre avec le compas par ceux qui ont quelque commencement en l'art, que à l'ouïr par long discours d'escriture. Vous verrez en la prochaine figure le plan de la grosseur de la colonne par le dessus, & par le dessous, avec la haulteur du chapiteau, qui est autant de ladicte colonne par le bas, comme F H, semblablement la haulteur de l'abaque D, qui est d'une septieme partie du diametre de la colonne, & quelque bien peu d'auantage. Le reste du chapiteau dessous l'abaque, iusques au dessus de la colonne, est diuisé en trois parties egales, desquelles l'une est donnée pour la haulteur des premieres fueilles, & deux parties montrent la haulteur des plus grâdes fueilles, & la troisieme est pour les volutes. Qui ne doiuent avec les fueilles excéder la ligne droicte, qui va de la corne de l'abaque, iusques au thore ou membre rond du dessus de la colonne, comme vous le pourrez apperceuoir de I à K en la prochaine figure. Si vous voulez voir le discours de telle matiere dans Vitruue en son quatrieme liure, il vous sera permis, pour en sçauoir faire vostre prouffit, qui n'est pas tousiours bien ayse pour les choses qui y sont fort entremeslées & sans ordre, comme chacun le voit: car au commencement des ordres il parle de la colonne Ionique, apres de la Corinthienne, & puis il reprend la Dorique, sans garder la metho-

La façon & composition des chapiteaux Corinthiens.

Comme sont couronnées & faictes les cornes du chapiteau Corinthien.


Le compas éclaircir plusieurs choses qu'on ne peut breuement descrire.

LIVRE VI. DE L'ARCHITECTURE

*La description
de l'ordre des
colonnes est
fort confus et
entremeslee
dedans Vitru-
ue.*

de de les conduire l'une apres l'autre ainsi qu'il faudroit: puis à la fin des ordres des colonnes il décrit la Thuscane, qui doit estre la premiere. Quoy qu'il en soit, ie n'impute le desordre à Vitruue, mais biē à quelques vns qui l'ont fait imprimer: & pour n'entendre l'art, ils ont tresmal ordonné les parties de son oeuvre, ainsi que i'ay dit ailleurs. Ce que ie desire vous estre proposé, non par aucune iactance & certain vouloir de reprendre ou Vitruue ou autres excellents Architectes, mais bien pour en dire & declairer mon aduis en saine conscience, avecques vn desir de bien faire aux hommes, comme plus à plein ie le feray cognoistre, si plaist à Dieu me faire tant de grace, de pouuoir quelque iour mettre en bon ordre le dit Vitruue, ainsi que i'ay de long temps eu tresbonne enuie de ce faire, & le feray de bonne volonté, selon mon petit pouuoir, incontinent que la commodité se presentera, & mes affaires le permettront: non que ie vueille m'ingerer ny moins promettre d'y adiouster ne faire mieux, mais bien de rendre l'auteur plus intelligible, & le reduire à plus grande facilité pour sen pouuoir mieux ayder, tant en la theorique que pratique moderne de noz bastiments, ainsi que nous auons coustume de nous loger en France & en autres diuers lieux: comme aussi pour temples, eglises, & autres edifices tāt priuez que communs & publics. Voila que ie desirois vous escrire & communiquer touchant l'ordre, mesures & ornements des parties des quatre colonnes proposées, (ainsi que nous auons dit) assez confusément par Vitruue & autres.

*Bon vouloir
de l'auteur,
pour l'augmen-
tation & illu-
stration d'Ar-
chitecture.*




LIVRE VI. DE L'ARCHITECTURE
*Particulieres descriptions de quelques colonnes & ornements
 antiques: & en premier lieu de celles du Pantheon qui
 sont à Rome. CHAPITRE IIII.*



Our mieux faire entendre les ornements de la colonne Corinthienne par diuerses figures & exemplaires, ie mettray encores cy apres les mesures tant du plan que de la môtée du chapiteau de la colonne qui est dans le Pantheon à Rome, avec son epistyle, frize, & corniche, pour autant qu'ils me semblent estre de grande beaulté, & de fort rares mesures, ainsi que vous le pourrez iuger. Premièrement la colonne marquée B laquelle i'ay extraicte des chappelles dudit Pantheon, à trente neuf palmes de haulteur, & minutes dix : i'entend parler des palmes Romains, desquels ie m'y suis aydé. Ladicte colonne par le pied se trouue auoir en son diametre palmes quatre, minutes vnze, & once vne. Et par le dessus aupres du chapiteau, palmes quatre, & minutes quatre. Apres auoir diuisé son diametre d'embas en sept parties, ie trouuay qu'au dessus il n'y en auoit que six : par ainsi la contracture & retraits par enhault est d'une septieme partie, côme est le pied : & la tierce partie de la haulteur de la colonne, de mesme grosseur. Le reste va tousiours en diminuât, ainsi que vous le voiez en la figure icy proposée. En laquelle vous remarquez aussi comme ladicte colonne n'a pour haulteur que huit fois sa largeur par le bas, comme vous le pouuez promptement mesurer & iuger.

*Mesures du
 plan & mon-
 tée d'une colo-
 ne estant au
 Pantheon à
 Rome.*




DE PHILIBERT DE L'ORME. 181

Quant à sa basse qui est cy dessous représentée avec les mesu-
res d'une chacune partie, comme vous les pouvez voir, en pre-
mier lieu la petite assiette, sur laquelle est posé le plinthe marqué
B, ainsi que vous en voyez la forme, contient minutes vne, & on-
ces trois de haulteur, & ledit plinthe minutes huit, onces trois
& demie: son thore ou membre rond qui est dessus ledit plinthe,
minutes cinq, onces trois pour sa haulteur, & ainsi des autres, cō-
me il est aisé à voir par la figure: l'escape, qui est le pied de la co-
lomne, a minutes deux & yn tiers: & toute la faillie de la basse de-
puis le pourfil de ladicte colomne, iusques à la ligne perpendicu-
laire qui procuiet du plinthe de la basse, se trouue auoir minutes
ynze & vn quart d'once. Et pour autant que vous voyez fort par-
ticulierement les autres faillies en la presente figure, il me sem-
ble qu'il doit suffire, sans en faire plus long discours.

*Explication
de la figure cy
apres proposée*


Explication
de la figure cy
apres proposée

*K* iij

LIVRE VI. DE L'ARCHITECTVRE

Touchant le chapiteau de la susdicte colonne (duquel i'ay tiré cy deffous le plan avec la grosseur de sa colonne & montée d'iceluy) vous voyez comme vne chacune des quatre faces d'une corne à l'autre a palmes sept, minutes cinq, & la saillie des roses qui sont au milieu dudit chapiteau, minutes dix, & onces deux. Aussi vous y voyez les diametres des grosseurs de la colonne par le pied & par en hault: ce que ie vous ay nommé par cy-deuant la montée de sa colonne. Vous voyez semblablement par ledit plan, comme la colonne est faicte de vingtquatre strieures, ou caneleures, & que les deux parts du dessus de la colonne sont canelées, & aussi que le dessous de la haulteur de la tierce partie monstre les strieures toutes quarrées, comme vous le pouuez iuger par ledit plan à l'extremité de la circonference, qui monstre le plus gros de la colonne. Vous voyez aussi par ledit plan en la prochaine figure comme la haulteur du chapiteau est diuisée en trois parties, desquelles la premiere a palme vn; minutes huit: la deuxieme autant, & la troisieme, avec toute la haulteur de l'abacus, palmes deux, minutes six. Ledit abacus a minutes huit, onces deux: & le quarré de dessous, minute vne, onces deux. Vous voyez semblablement combien le pourfil des fucilles a de pente ou retombée: la premiere, minutes sept, onces deux: la seconde, minutes huit, once vne. Et pour autant que facilement vous pouuez iuger du reste, mesmes de la saillie des cornes du chapiteau par les lignes perpendiculaires qui tombent sur le plan dudit chapiteau, cela me gardera d'en faire plus long discours.

Fort belle description du plan & montée du chapiteau d'une colonne estant aux chappelles du Pantheon à Rome.



LIVRE VI. DE L'ARCHITECTURE

Quant à l'architraue, frize & corniche des colonnes qui sont aux chappelles dudit Pantheon, ie les ay figurez cy apres, comme vous les pouuez considerer, avec les haulteurs & faillies d'une chacune partie, ensemble de leurs principaux ornemets. D'oùques la premiere face de l'architraue a minutes six, onces deux et demie: son astragale ou petit membre rond qui est au dessus, minutes deux, onces deux: la seconde face, minutes neuf, once vne & deux tiers: & ainsi du reste, comme vous le pouuez voir par ecrit en la prochaine figure. Toute la saillie dudit architraue depuis la ligne perpendiculaire qui vient de la haulteur dudit architraue & saillie du quarré de son cymat, iusques au dessous dudit architraue a minutes sept, onces trois. Les faces de l'architraue ne sont perpendiculairement faictes par le deuant, mais bien se renuersent, comme vous le pouuez voir à la premiere, qui a minutes sept, & onces trois: & au dessus pres de son astragale, minutes huit, & ainsi des autres. Touchant la haulteur dudit architraue ie l'auois diuisée en quarante trois parties & demie, pour donner les mesures à vne chacune chose, mais cela ne venant bien à propos, ie n'en diray autre chose: vray est que ie vous ay mis cy apres les mesures iustement comme ie les ay trouuées aux antiquitez: Par ainsi la haulteur de la frize a palmes trois, minutes cinq: & celle de sa corniche, palmes quatre, minutes sept: toute la saillie a palmes quatre, minutes cinq. Vous voyez à ladicte corniche toutes les autres parties avec leurs mesures sur vne chacune, tant des cymats, couronnes, mutules) appelez d'aucuns roulleaux) thores & astragales, que du filet quarré, & autres, qui me gardera de vous en faire autre discours, sinon de vous aduertir, que dessus ladicte corniche y a vne façon de pied de stat qui regne tout autour de la circonference de la voulte du susdit temple de la rotonde: sur lequel pied de stat y a plusieurs beaux ornements, & par le dessus, vne autre fort belle corniche, sur laquelle la voulte commence à prendre sa forme spherique, comme voulte à four, ainsi que les ouuriers l'appellent, avecques plusieurs beaux compartiments quarez: ainsi que ie les pourray monstrier quelque fois plus particulièrement, comme aussi tout ce que i'en ay designé & mesuré, si Dieu le veult ainsi permettre, & m'en donner la grace. Pour ceste heure vous contenterez des ornements que ie descris, & ne tendent à autre fin que de vous bien monstrier l'ordre des colonnes Corinthiennes avec leurs ornements, & la difference qui est aux mesures des vnes à autres: combien qu'elles soient d'un mesme ordre. Ie vous voudrois encores prier de vouloir considerer & vous souuenir comme la haulteur de la colom-

*Les mesures
de l'architraue
des colonnes du Pantheon, & de
ses parties.*

*Poursuite &
explication de
ce que dessus.*


*Promesse de
l'auteur avec-
ques aduertis-
sements fort
dignes de no-
ter.*

ne laquelle vous auez veüe par cy-deuant contient trente neuf palmes & dix minutes: ſçauoir eſt, ſon chapiteau palmes cinq, avec dix minutes: l'architraue, quatre, & quatre minutes: ſa frize trois & cinq minutes, qui font en tout treize palmes & cinq minutes de haulteur: qui eſt la tierce partie de la haulteur de ladiçte colonne, ou bien peu ſen fault. Puis en adiouſtant la haulteur de la corniche, qui a quatre palmes, ſept minutes, & celle de la baſſe de la colonne ayant deux palmes, vnze minutes: & aſſemblant toutes les ſuſdictes haulteurs, côme du chapiteau, architraue, frize, corniche, & baſſe, vous trouuerez vingt palmes & neuf minutes, qui font enuiron la moitié de la haulteur de toute la colonne, eſtant de trente neuf palmes, dix minutes, comme ie vous ay dit. Or conſiderez, ie vous prie, ceſte belle meſure, & comme elle ſe trouue differēte de ce que quelques vns en ont eſcrit. Ie vous puis bien aſſeurer qu'on ne pourroit dignement louer ny deſcrire l'œuure du Pantheon, comme eſtant tres-admirable & n'ayant rien qui ne ſoit fort exactement faiçt. Voyez l'architraue qui eſt auſſi hault que la groſſeur de ſa colonne par le hault, ayant quatre palmes & quatre minutes de haulteur, & la colonne n'a que quatre palmes, vnze minutes, par le pied, eſtant le plus gros: qui eſt contre aucuns qui veulent qu'on ne donne à l'architraue que la moitié de la groſſeur de ſa colonne par le bas. En cela y auroit grande difference, ſi leur reigle eſtoit bonne, car la moitié de l'architraue ſeroit deux palmes plus haulte qu'elle ne doit, qui ſeroit enuiron la moitié d'auantage: comme le pourront fort bien calculer & meſurer tous ceux qui en voudront prendre la peine. Ie fais volontiers ce diſcours, à fin que ceux qui veulent faire profeſſion d'Architectute apprennent à cognoiſtre, que ſelon les haulteurs des colonnes il fault faire leurs ornemens de meſme: & ne faire comme aucuns qui mettēt en l'œuure des edifices qu'ils font, les ornemens des colonnes ainſi qu'ils les ont trouuez aux antiques: eſtants leſdicts edifices beaucoup plus petits: parquoy ils rappetiffent les meſures, ou ils ſe trompent grandement. Vous verrez encores cy apres par maniere d'exemple, les autres colonnes du ſuſdit Pantheon.

*Beau diſcours
ſur la conſe-
quence de la
haulteur de la
colonne avec
celle de ſes
parties.*

*L'auteur re-
prend l'adu-
erſaire & opinion de
quelques vns.*

*La faulte
que pluſieurs
commettent.*




Des colonnes & ornemens qui sont aux tabernacles & petites chappelles dedans ledit Pantheon, appellé à Rome Nostre

Dame de la rotonde. CHAPITRE V.



Esirant affectionnement de vous faire bien entendre & monstrier par diuers exemples, cōme vous ne devez voyer de toutes sortes de mesures des colōnes que vous voyez aux antiquitez pour les faire seruir, si vous ne les voulez appliquer à mesmes proportions & grādeurs d'œuvres, pour la grande difference que les bons Architectes ont donné aux ordres des colonnes avec différentes sortes de mesures, selon les hauteurs qu'on y pouuoit voir, (comme plus amplement, Dieu aydāt, vous l'entēdrez par ce discours d'architecture) pource est-il que encores pour plus grande manifestation d'exemples, ie vous ay mis cy apres cinq ou six sortes de colonnes l'une apres l'autre toutes faictes sous vne mesme proportion, suiuant le palme Romain. Vous voyez en premier lieu comme celle des tabernacles, & petites chappelles du Pantheon, cy apres proposée, se monstre beaucoup plus petite que la colonne qui estoit par cy-deuant marquée B. Et si elles sont de différentes mesures, tous leurs ornemens sont aussi tres differēts. Vous voyez comme la presente se trouue auoir palmes quinze, &



*Continuation
du bon Vou-
loir de l'au-
teur enuers les
amateurs d'ar-
chitecture.*

LIVRE VI. DE L'ARCHITECTVRE

*Les colonnes
du Pantheon
auoient esté fai-
ctes à diuer-
ses fois.*

minutes dix pour sa haulteur: & pour sa grosseur par le pied, palmes deux, qui est quasi huiet fois la haulteur de son diametre, car ne sen fault que deux minutes. La grosseur de ladicte colonne par le hault se trouue auoir palme vn, minutes neuf, vn quart d'once, qui est vne huitieme partie de retraiete de la grosseur du pied de la colonne. Je veux bien vous aduertir, que ladicte colonne avec tous ses ornemens a esté adioustée & faicte long téps apres l'edification du Pantheon, ou eglise de nostre Dame de la rotode: aussi l'ordre n'est point si beau que les premiers, iagoit qu'on en trouue beaucoup de pires. Et pource que ladicte colonne se trouue trop petite, pour estre faicte d'un mesme palme que celle du Pantheon, qu'avez veuë par cy-deuant, ie l'ay faicte plus grande, à fin qu'elle soit mieux representée, & que lon cognoisse autrement cela, que le diametre par le pied de la colonne est diuisé en sept parties, dont le dessus d'icelle n'en a que six.

*Declaration
fort ample de
la figure cy a-
pres descrite.*

Pour doncques acheuer l'ordre Corinthië des tabernacles du Pantheon, les colônes y sont plantées au costé d'un autel qui est faict en façon de pied de stat (comme vous le voyez en la figure cy apres descrite) ayant vn plinthe par dessous, qui a palme vn, minutes cinq, & onces trois. Le dedans du pied de stat entre la basse & corniche marqué C, a palmes cinq, minutes trois, onces trois & demie, & ainsi consequemment des autres. Vous voyez sur la corniche du pied de stat sa basse, qui a vn grand plinthe de la haulteur d'un palme, & vn autre plinthe de la basse de la colône, ayant minutes dix: la saillie de ladicte basse a minutes quatre, onces trois & demie: & toute la haulteur de ladicte basse a vn palme, cinq minutes & demie: & ainsi des autres parties que vous y pouuez choisir. Vous voyez aussi le plan de son chapiteau, qui a trois palmes en quarré de chacune face: depuis la grosseur de sa colonne iusques à l'extremité des cornes, se trouuent palme vn, minute vne, & onces trois: la saillie des roses qui sont au milieu de l'abaque, a minutes quatre, onces deux & demie: & six minutes, onces quatre & demie de large. La haulteur du chapiteau a palmes deux, minutes deux, onces deux & demie, comme vous le pouuez iuger & cognoistre par la figure cy apres proposée, tant du plan dudit chapiteau, que de sa montée, avec la saillie des fueilles, haulteur & moulure de l'abaque, & autres. Vous voyez aussi par le dessus, son architraue, qui a vn palme, trois minutes, trois onces & demie de haulteur: sa frize palme vn, minutes quatre, & onces deux. Toute la haulteur de sa corniche contient palme vn, minutes vnz: & la saillie de ladicte corniche a enuiron autant. Vous pouuez voir le reste des autres parties

*Continuation
de ce que des-
sus.*


185

LIVRE VI. DE L'ARCHITECTVRE

De cecy ie cuide cognoistre, que ceux qui ont fait les colomnes des tabernacles & petites chappelles du Pantheon ont voulu imiter les mesures des colomnes que nous auons par cy-deuant descrites, & sont aux grâdes chappelles dudit Pâtheon. En quoy on recognoist qu'ils n'ont pas si bien fait, ne si bien entendu l'art que les Architectes qui ont premierement fait ledit Pantheon: ioinct aussi que tous ces ornements de colomnes qui sont aux tabernacles dudit Pantheon, desquelles nous parlons presentemēt, ne sont en tout semblables, & s'en fault tousiours quelque petite chose, comme vous le pourrez cognoistre en la figure cy apres descrite, ou ie mets la haulteur de la corniche, frise, architraue, & chapiteaux, avecques vne autre colombe, pour autāt que à celle que i'ay figuré cy-deuant marquée C, y a quelque difference aux haulteurs de ses ornements. Ce que i'ay voulu faire icy expressement, pour représenter lesdits ornemēts & colomnes ainsi que ie les ay trouuez. Vous y voyez la haulteur du chapiteau auoir palme deux, minutes deux, vn quart & once demie: la haulteur de son architraue, palme vn, minutes quatre, & vn quart: la saillie, minutes quatre: la haulteur de la frise, palme vn, minutes quatre: laquelle est de mesme haulteur que l'architraue, ne s'en fault que vn quart de minute: & la haulteur de la corniche, palme vn, minutes vnze & demie, avec autant de saillie: ainsi que plus particulièrement vous l'avez veu en la figure precedente: & non seulement des corniches, frise, architraue, & chapiteau, ains aussi du stylobate. Mais sans vous en tenir plus long propos, nous reuiendrons à parler des colomnes & ornements qui sont au portique du Pantheon Romain, autrement nommé la Rotonde, ainsi que plusieurs fois nous auons dit.

Aduertissement avecques instructions Etio digne de noter.

L'auteur proceder fidelement en la description des mesures.



L ij

LIVRE VI. DE L'ARCHITECTURE
*Mesures des colonnes du portique du Pantheon, comme aussi
 de leurs basses, chapiteaux, architraues, frises & cor-
 niches.* CHAPITRE VI.

*Les colonnes
 & structure
 du Pantheon
 estre de gran-
 de louange et
 admiration.*




Enant le lieu fort à propos nous parlerons enco-
 res des colonnes qui sont au portique du Pan-
 theon, comme œuvre digne d'alleguer, & meri-
 tant grande louange, pour estre belle à merueil-
 les, ainsi que plusieurs sçauent. Je vous aduise que
 ie prendrois grand plaisir à descrire bien particu-

lièrement & entieremēt toute la structure de l'edifice dudit Pā-
 theon, nō seulemēt en son portique & colōnes, mais aussi en tou-
 tes ses autres œuvres & parties (lesquelles i'ay curieusement & di-
 ligemment mesurées, pour leur excellence) n'estoit que mes oc-
 cupations ne le permettent : toutesfois se presentant l'occasion,
 ie mettray vn iour le vouloir en euidence : i'aoit que quelques
 vns en ayent escrit, ou plus tost fait approches : car veritablemēt
 toutes leurs mesures ne s'accordent aux miēnes, qui ont esté prin-
 ses, comme i'ay dit, bien exactement sur le lieu. Qui sera cause de
 m'en faire escrire quelque chose que ie n'eusse fait : nō point pour
 vouloir reprendre personne, ains plus tost pour monstrier la ma-
 iesté d'un tel œuvre digne de perpetuelle memoire. Mais ie re-
 uiens aux colonnes du susdit portique du Pantheon Romain, les
 quelles nous auons trouuē auoir de grosseur par leur diametre,
 palmes six, minutes six & demie : & par le dessus au plus estroit
 palmes cinq, minutes vnze, & de haulteur, cinquante deux pal-
 mes, minutes trois & trois quarts, sy trouuant huit fois le dia-
 metre de la grosseur par le bas. Lequel i'observay estre encores di-
 uisé en dix parties, & par le dessus en neuf, qui n'est qu'une dixie-
 me partie de retraicte estant quasi aussi grosse la colonne par le
 hault que par le bas. Mais la grande haulteur debilitant la veüe,
 fait qu'elle apparroit estre plus petite, & semble estre plus r'appe-
 tissée par le hault qu'elle n'est, & auoir quasi mesmes proportiōs,
 qu'ont les colonnes de douze, quinze, ou vingt palmes : si est-ce
 qu'elles ne sont routes de pareille grosseur, mesmes celles qui
 sont sur les coings, ou il y a quelque difference, pour les raisons


*L'auteur pro-
 pose quelque
 son deux figu-
 res d'une mes-
 me chose, par
 la faulx du
 tailleur ayant
 mal besongné.*

que i'ay dit & allegué ailleurs. L'en ay trouuē aucunes qui se diui-
 sent en neuf parties par le dessous, & en ont huit par le dessus :
 qui m'a fait mettre encores vn autre desseing de colonnes cy-
 apres à la figure de la basse, non pas pour estre mieux faite, mais
 pour autant que le tailleur n'y auoit bien besongné à mon plai-
 sir, & comme il appartenoit de faire.



LIVRE VI. DE L'ARCHITECTURE


Declaration
de la figure
ensuivante &
de ses parties.



La hauteur des chapiteaux qui sont sur les colonnes du portique du Panthéon, ont sept palmes, minutes cinq & trois quarts, leur abaque avec les moulures & filet quarré de dessous, minutes


dix, & trois quarts. La hauteur des premières fucilles a deux palmes, quatre minutes, & celle des secondes, quatre palmes; trois onces. La hauteur des volutes, deux palmes six minutes. Par dessus les chapiteaux y a vn filer quarré qui ne se voit à tous les ordres, ayant quatre minutes de hauteur: lequel a esté fait par l'Architecte pour esleuer l'architraue, à fin que la saillie des chapiteaux n'empeschast de voir l'ornement, ce que vous pouuez cognoistre au lieu marqué A, en la figure cy dessous proposée: en laquelle si vous ne voyez les mesures designées par nombres comme aux precedentes, & les refentes des fucilles, vous l'attribuez au tailleur de mes planches, qui les a omises.

*Explication
de la figure cy
apres descrite
& proposée,*



LIVRE VI. DE L'ARCHITECTVRE

Quant à l'architraue, ie l'ay fait cy apres vn peu grand, pour
Declaracion
de la figure
ensuiuant. monstrier l'espeſſeur de la groſſeur du mur, & architraue qui re-
gne ſur les colonnes, & à l'autre coſté oppoſite de l'architraue,
vne corniche qui eſt au dedans du portique; regnât tout autour,
ou lon voit par deſſus ladiſte corniche & colônes qui ſont dans
ledit portique, vne charpêterie qui eſt trefadmirable & fort bien
faicte: de ſorte qu'il ſemble que la plus part ſoit de bronze & cui-
ure, pour le moins le bois, côme auſſi les panes, monts & liens,
ſont couuerts de bronze. Ie vous en ferois plus long diſcours
ſil eſtoit à propos. Lequel delaiſſé nous reprendrons la ſuſdiſte
corniche, laquelle a deux palmes, minutes deux & demie de ſail-
lie, & de haulteur quatre palmes, huit minutes, deux onces. La
premiere face de deſſous a minutes ſix, onces trois: la ſeconde, mi-
nutes huit, onces trois: la troiſieme, minutes neuf. Les trois pe-
tits aſtragales qui ſont les ſeparations, ſont quaſi d'une meſme
haulteur, & ont minutes deux, onces deux, ainſi que vous les pou-
uez apercevoir. Vous voyez auſſi que le cymace qui eſt au deſſus,
a minutes ſix, onces deux: la courône, minutes quatre, once vne,
ainſi que vous le trouuez bien eſcrit ſur chacune partie de la cor-
niche: comme auſſi de la ſaillie, qui eſt choſe fort belle en œuure
portât façô d'architraue & corniche. De l'autre coſté vous voyez
l'architraue qui a palmes quatre, minutes quatre, onces deux de
haulteur: & la ſaillie d'iceluy, minutes neuf & onces trois. Vous
Continuation
de ce que deſ-
ſus. remarquez auſſi ſur la meſme figure cy apres deſcrite, toutes les
meſures des autres parties, ſans en faire plus longue expoſition.
D'abondant vous y voyez au plus hault deſſus la marque A, le
lieu de la frize, qui a quatre palmes & minutes cinq de haulteur,
entre la ſuſdiſte corniche & l'architraue. Il eſt auſſi fort aiſé de y
voir le commencement de ſa corniche, laquelle ie vous monſtre-
ray incontinent apres ceſte cy.



La corniche que vous verrez cy apres (laquelle sert à l'architraue cy devant proposé, & est appliquée dessus les colonnes au portique du Pantheon, dict la R. ronde) est d'une beaulté inestimable, ayant de haulteur & de faille vne chacune de ses parties, tant au cyme, couronnes, cymacions, membres ronds, astraga-


De la corniche du portique du Pantheon.

LIVRE VI. DE L'ARCHITECTVRE

les, & autres, comme vous le voyez iustement escrit sur la figure cy apres representée. Le quarré signé B, a trois minutes, le cyme vnze, & onces deux & demie: la saillie dudit cyme, minutes dix, avec demie once, suiuant la ligne perpendiculaire que vous voyez sur l'extremité de la corniche. Sa couronne marquée D, a palme vn, minutes deux, once demie de haulteur, & ses mutules ou rouleaux palme vn, minute vne & demie, & avec le filet quarré, qui est au dessous, palme vn, minutes deux & demie: & de

saillie & longueur iusques à la ligne perpendiculaire qui vient de la couronne, palmes deux, minutes cinq: ou bien depuis l'extremité de la corniche, palmes trois, minutes sept: lesdicts mutules ou rouleaux ont de largeur vnze minutes, trois onces: en l'espace qui est entre lesdicts rouleaux au droit des cymacions, se voit palme vn, minutes quatre. Aux lieux marquez E se trouuent des roses, qui ont palme vn, minute vne & demie de largeur, & de profondeur quatre minutes: l'echine ou sont les œufs au dessous desdicts mutules, a minutes neuf de haulteur: l'astragale qui est au dessous, minutes deux, onces trois & demie: la face du quarré qui est au dessous, au lieu ou lon a accoustumé de mettre les denticules, a minutes vnze, once & demie de haulteur. Mais de ce propos sera assez, pour autant que vous pouuez fort bien comprendre le tout par la prochaine figure, & par icelle voir non seulement les haulteurs, mais aussi toutes les saillies d'une chacune chose en leur endroit. Et oultre ce pour le mieux mesurer, i'ay inseré en la mesme figure, la longueur des palmes & minutes: ioinct aussi que vous voyez en la ligne perpendiculaire qui est sur l'extremité de la corniche, les palmes & minutes de sa haulteur, qui sont six palmes, neuf minutes & demie, faisant octante huit minutes & demie. Par lesdictes diuisions, en prenant le compas, & le raportât sur chacune partie, il vous sera facile de mieux cognoistre toutes les dimensions & mesures pour proportionner semblable corniche à vne plus grande ou plus petite, ainsi que vous en aurez affaire.

*Poursuite des
mesures des
parties de la
susdicté corniche.*



LIVRE VI. DE L'ARCHITECTVRE

Fort belle & singuliere description du temple appelle à Rome le Pantheon, & aujour d'huy, nostre Dame de la Rotonde.

Vous auez doncques iusques icy veu & entendu les mesures des trois ordres de colonnes avec leurs ornemens, qui sont dans le Pantheon de ladiète Rotonde, à Rome. C'est vn temple tout rond, & autant beau que lon sçauroit voir, cōtenant cent nonante & quatre palmes de diametre, avec vne ouuerture par le milieu de la voulte au plus hault, qui a quarante palmes & dix minutes de large. Ledit temple est accompagné de sept chappelles, desquelles trois sont en hemicycle & quatre quarrées: ayant chacune de profondeur, vingt sept palmes, neuf minutes: & de largeur par le deuant trente huit palmes, six minutes, & onces deux. En chacune chappelle y a deux colōnes par voye, fors qu'à la chappelle du milieu, ou les colonnes sont à costé, qui contiennent les mesures que ie vous ay proposées cy-deuāt, au lieu marqué B. L'entrée dudit temple est admirable, signamment en vne porte (de laquelle ie vous descriray les mesures cy-apres, au lieu ou ie traicteray de plusieurs sortes de portes & entrées des temples & bastiments) ayant ses pieds droicts & sa couuerture toute d'une piece, qui est chose admirable veu la grande haulteur & largeur de ladiète porte. Son portique au deuant, est fait de seize colonnes accompagnées de fort beaux pylastres qui portent basses & corniches comme les colonnes, & sont tous striez. N'estoit que ie suis sollicité de fournir copie & figures à l'imprimeur, qui tient nostre present œuure sur la presse, ie vous donoerois de bien bon cueur le plan dudit Pantheon, & peult estre la montée. Ce que ie pourray bien accomplir, moyennant l'aide & grace de Dieu, deuāt que ledit œuure soit paracheué d'imprimer. Je n'oublieray de vous aduertir que tout le temple dudit Pantheon est aussi hault que large par son diametre. Et pour ceste heure vous contenterez, sil vous plaist, de ses mesures.

Promesse de l'auteur fort desirée de plusieurs.

D'autres sortes de colonnes Corinthiennes, pour monstres la difference de leurs mesures & proportions, CHAPITRE VII.

Bon vouloir de l'auteur envers les artisans & apprentijs.




Our encores d'abondant cognoistre la grande difference des colonnes Corinthiennes, nous en mettrons icy quelques vnes, à fin qu'on puisse mieux iuger de leurs proportions & mesures, cōme aussi choisir ausquelles on se vouldroit arrester, selon l'œuure qu'on auroit à faire. Dōcques i'en proposeray encores vne qui m'a semblé fort belle, & est à sainte Praxede à Rome, n'ayāt que seize palmes, minute vne, & onces trois pour sa haulteur: & pour son diametre d'en-bas, palme vne,

me vne, minutes dix, & once vne. Le dit diametre est diuisé en six parties, desquelles le dessus au plus estroit de la colonne en prend cinq de largeur en son diametre, qui est vne sixieme partie de retraicte, ou plus petite grosseur, qu'elle n'est en-bas. Ladicte colonne a huit fois sa grosseur pour sa hauteur, & trois quarts d'une huitieme partie: ainsi que vous la pouuez iuger par la figure presente, marquée H, avec ses autres mesures particulieres. Vous considererez la difference de ceste-cy aux autres, pour n'auoir que seize palmes de hauteur, au regard de celles qui en ont d'auantage & sont fort hautes. Je vous puis bien assurer, que c'est vne des belles colonnes & aussi plaisante qu'il sen voit point à Rome.

Nous proposerons encores cy apres deux autres colones, desquelles l'une est à Rome au septieme arc dessous le camp-doille, cy-apres marqué G, ayant trente deux palmes & quatre minutes de hauteur, & de grosseur par le bas, quatre palmes, & par le hault trois, avecques six minutes: qui seroit la proportion de huit parties du diametre de ladicte colonne par le pied, & par en hault sept. L'autre colonne marquée F, est à l'arc triumpant de Beneuento en ladicte Rome, ayant vingt trois palmes & deux minutes de hauteur, & deux palmes dix minutes de grosseur par le pied, & par le dessus deux palmes, cinq minutes, combien que le bour d'en hault soit mal noté en la figure. Considerez, ie vous prie, lesdictes mesures, & examinez diligemment avec l'aide du compas leur difference, & par là cognoistrez sil ne fault pas auoir bon iugement quand on veult mettre telles colonnes en oeuvre, avec leurs orne-

M



Deux sortes
de colonnes
avec leurs me-
sures.

LIVRE VI. DE L'ARCHITECTVRE


ments : & si n'y fault pas observer beaucoup de choses pour se garder d'y faire faulte, & les dresser selô les œuvres & hauteurs qu'on aura à faire. Laquelle faulte sy cōmettra incontinent, si on n'entéd la raison & pratique des proportions, non seulement aux colonnes, mais aussi à tous leurs ornements tousiours differents, selon la grandeur des œuvres qui se presentent.

Advertissement qui n'est à negliger.

Je vous proposerois de superabondant vne colonne qui est au temple de Paix à Rome: laquelle i'ay mesurée au pied antique, n'estoit que la planche & figure a esté esgarée entre plusieurs: mais cela n'empeschera qu'elle ne puisse estre entédue & soit reduite à quelque autre mesure qu'on voudra, à fin de cognoistre les proportions & ordre qu'on y doit garder. Ladicte colonne a quarante huit pieds, cinq poulces, & trois lignes de

D'une colonne qui est au temple de Paix à Rome.

hauteur: & de grosseur par le bas cinq pieds, six poulces, en son diametre: & par le hault pres le chapiteau cinq pieds, trois poulces, & quatre lignes. Par là il se voit que la colonne a bien peu de retraicte & ne se r'apetisse en tour que de deux poulces & huit lignes, qui n'est qu'un poulce & quatre lignes par les costez & autour. Considérez donc, ie vous prie, comme les anciens Architectes fort bien aduisez & pleins de grande industrie & artifice, faisoient les colonnes quasi d'une mesme grosseur, quand elles estoient de grande hauteur proportionnée à leur grandeur. I'ay veu sur ce mesme fait des fractures d'aucunes colônes qui estoient aussi grôsses par le hault que par en-bas, mais elles reuenoient cō-



me à soixante pieds de haulteur. Il fault bien entendre ces raisons si on desire faire quelque bonne œuvre, à cause de l'optique & perspective qui donne contentement à la veüe. Vous m'excuserez, pour la susdicte cause, si ie ne vous exhibe figure demonstrative du discours cy dessus tenu.

Des trois colonnes que lon voit à Rome pres S. Cosme & S. Damian, avec leurs ornements de l'ordre Corinthien. CH. VIII.




LE vous veulx d'abondant icy descrire les trois colonnes qui sont à Rome dessous le Campdoille, pres de S. Cosme & S. Damian, avec les vestiges de quelques autres qu'on voit encores au lieu ou estoit le grād Palais, qu'ils appellent aujourdhuy Palatio maiore. Aucuns escriuēt qu'en ce lieu là, ou aupres, estoit la place & gouffre, auquel se precipita M. Curtius tout armé & à cheual, pour le salut du peuple Romain, ainsi que vous le pouuez voir en l'histoire: & dict on que lesdictes colonnes seruoient au temple de Vulcan, qui estoit fort riche d'ornemens de taille admirable: de tous lesquels, sont demourées seulement ces trois colonnes de l'ordre Corinthien qui estoient encores debout avec leurs ornements quand i'estois à Rome. Je parleray doncques desdictes colonnes, qui sont tresbelles & admirables, comme aussi leurs basses & ornements, lesquels ie figureray cy apres, tant aux strieures & caneleures d'icelles colonnes, que aussi en leurs architraues: n'y omettāt la haulteur de leurs frizes, & de toutes les parties de leurs corniches, ornemēts & mesures, ainsi que ie les ay trouuées, ie dy autant bien elaborées & taillées, qu'il est possible de voir. Lesdictes colonnes, comme ie les ay mesurées suiuant le palme Romain, ont par leur diametre d'en-bas, six palmes, minutes sept, & demie once: par le hault, cinq palmes, minutes huit & vn quart: de haulteur, cinquante six palmes, minutes cinq: elles se trouuēt aussi auoir huit fois & demie leur diametre par le bas pour toute leur haulteur: vray est qu'il sen fault quelque peu: & se trouuent en leur proportion comme si elles estoient diuisées par le bas en huit parties, & par le hault en sept, qui seroit vne huitieme partie de retraicte. Quant aux interualles d'une colōne à autre, ils sont de dix palmes, quatre minutes, & trois onces: qui est vn peu plus que le diametre & demy de la grosseur de la colōne. Quoy qu'il en soit lesdictes colonnes se monstrent d'une fort grande beaulté, comme vous le pourrez voir par la figure prochaine.

Du lieu ou se precipita M. Curtius, pour le salut au peuple Romain.

Des mesures des trois colonnes proposées en la figure cy apres descripte.

LIVRE VI. DE L'ARCHITECTURE



Lesdictes colonnes precedentes ont vingt quatre strieures ou caneleures fort bien faictes, & conduictes avec bonne grace, comme vous le pouuez voir par le plan qui vous en est representé cy apres avecques toutes leurs mesures. Le diametre de la colonne pres du scape, a palmes six, minutes sept, comme vous l'avez veu aux colonnes precedentes, & par le dessus, palmes cinq, minutes huit, onces trois quarts. Ce que ie repete volentiers pour autât que le tailleur de mes figures a failly de mettre les mesures iustemét, & les fault entendre ainsi que ie les vous propose. Touchant la basse desdictes colonnes, elle porte par escrit toutes les hauteurs d'une chacune de ses parties, avec leurs faillies: ainsi que vous voyez le plinthe de ladicte basse auoir de hauteur, palme vn, minute vne, once vne: son thore & membre rond qui est au dessus, minutes huit, once vne: le filet quarré qui est au dessus dudit thore, minute vne: la nancelle, minutes trois, onces deux: les hermites ou deux petits membres ronds, qui sont par le milieu de ladicte basse, vne minute, onces deux, & les petits filets quarez qui les accompagnent dessus & dessous, vne once: la seconde nancelle minutes trois, once vne: son filet quarré au dessus, minute vne: le second thore ou membre rond, minutes six, onces deux. On voit oultre ce en ladicte basse, vne chose qui n'est commune aux autres colonnes Corinthiennes, c'est vne hermite ou petit membre rond, qui est entre le second thore & le scape de la couronne, qui a minutes deux de hauteur, & pour la faillie de la basse, depuis le scape, ou bien le filet quarré (qui est au pied de ladicte colonne, iusques à la ligne perpendiculaire qui prouiet de l'extremité du plinthe) palme vn, minute vne: comme vous le pouuez cognoistre facilement par la prochaine figure. Je vous prieray de vouloir diligemment considerer ladicte basse, de laquelle, iacoit que le pourfil ne soit taillé si nettement que ie voudrois, si est ce que vous la trouuerez excellentement belle: & si vous en scauez ayder pour l'appliquer en oeuvre ainsi qu'il fault, & selon le lieu qu'aurez à faire, croyez que vous en aurez grand contentement avecques honneur.


*Declaration
de la figure cy
apres propo-
sée.*

*Beau discours
sur les mesures
des parties de
la figure sui-
uant le pre-
sent chapitre.*

*L'attention
la beauté &
excellence de
la basse cy a-
pres descrite.*

M iij

LIVRE VI. DE L'ARCHITECTURE



La haulteur du chapiteau estoit autant que la grosseur de sa colonne par le diametre d'en-bas, qui sont six palmes, minutes sept, & once demie: la haulteur de son abaque, auoit oultre cela, vne sixieme partie de la grosseur de sa colonne. Et quant à la mesure de la haulteur & saillie des fucilles, ie l'ay trouuée toute semblable & de mesme proportion que celle du portique du Pantheon: de sorte que la haulteur du chapiteau, outre l'abaque, est diuisée en trois parties, desquelles les premieres fucilles en ont vne pour leur haulteur, les secondes deux, & la troisieme est dediée aux volutes: la saillie des fucilles est iustement comme la ligne qui procede du bout des cornes du chapiteau, ou membre rond qui est au dessus de la colonne, comme vous auez vëu par cy-deuant. Touchant la saillie & largeur du chapiteau par les cornes de l'abaque du milieu, d'une corne à l'autre, c'est iustement autant de largeur qu'en a le plinthe de la basse de leur colonne. Lesdictes cornes sont à plomb, ou perpendicule, au regard des angles de ladicte basse, & au droit des angles du plinthe. Et pour autāt que ce chapiteau doit estre plus considéré par sa figure, que autrement, pour en voir la façon & taille de l'oeuvre diuinement belle & admirable (tant elle est bien faicte) ie ne vous en feray autre discours pour le present, sinon que ie vous prieray de vouloir exactement & curieusement contempler & examiner le dessein, lequel vous est proposé en la page suyuant pour le susdit chapiteau & ses parties.

*Proportions
et mesures de
la figure cy
apres descrite.*

*L'auteur loue
la taille &
oeuvre du cha-
piteau ensuy-
uant.*

LIVRE VI. DE L'ARCHITECTVRE



Petite digression accompagnée de quelques aduertissemens.

DEuant que parler de l'architraue, frize, & corniche que j'ay trouué sur les trois susdictes colonnes qui sont à Rome pres l'eglise de S. Cosme & S. Damian (ainsi que nous auons dit) & le palatio maiore n'en estant loing, il me semble que ie dois encores aduertir ceux qui desireront tirer quelque fruiet de la noble & excellente discipline d'Architectu-

re, qu'il ne leur conuient tant s'amuser aux mesures qui sont escriptes sur les figures, qu'ils ne considerēt aussi toutes les parties desdictes figures, avec les proportions qui les accompagnent, & dōt elles sont faictes. Vitruue en donne de fort belles reigles, & souuentefois attribue les mesmes proportions de l'architraue à celles de la corniche. Je desirerois de pouoir icy dignement enseigner ce que ie voudrois bien pour le proufit des artisans & apprentis: mais la chose est telle, qu'on la peult beaucoup mieus monstrer manuellement, que verbalement: quasi ainsi que nous auons escript par cy-deuant des traicts & pratique de Geometrie, pour sçauoir couper les pierres, à fin de les faire seruir à toutes sortes de portes, voutes, trompes, & autres. Vray est que i'ay biē enseigné comme il le fault faire, & comme lon se doit ayder des paneaux des moules, des beueaux, & cerche ralongée, mais ie n'ay pas peu monstrer par esécriture comme les pierres se doiuent trasser par leurs liets & parements, & autour, pour les couper, selon l'œuvre qu'on auroit à faire. Veritablement cela ne se peult descrire, mais bien monstrer visiblement & manuellement, en executant l'œuvre de faict. Ainsi est-il des proportions, mesures & ornements des colonnes, & de beaucoup d'autres choses de l'Architecture, qui ne se pourront iamais entendre pour en donner preceptes & reigles generales, ains plustost par exemples manuels, à fin de sen sçauoir seruir à tous propos. Pour ceste cause Aristote me semble auoir fort bien dit, au commencement de sa Metaphysique, que l'homme expert est beaucoup plus certain & assuré, que le sçauant & docte inexpert. Mais ce propos delaisé, nous viendrons à parler de l'architraue, frize, & corniche des susdictes trois colonnes.

Plusieurs choses pour estre mieus monstrées manuellement que verbalement.

Belle sentence d'Aristote, et tres veritable.

De l'architraue, frize, & corniche des susdictes trois colonnes qui sont pres de saint Cosme & saint Damian à Rome,

CHAPITRE IX.



Vous voyez en la figure cy apres descrite, comme i'ay diuise en deux parties la frize des colonnes prememorées, pour autant que la plâche ne pouoit entrer dans la page du liure, si l'architraue eust esté dessous ladicte frize: mais vous remarquez en ladicte figure vn petit triangle dedans le filet quarré du dessus de l'architraue, qui monstre comme se doit rapporter, & assembler l'architraue avec la frize & corniche. Ledit architraue a quatre palmes, minutes six, & once vne

Pourquoy c'est que l'auteur a diuise la figure ensuyuant.

LIVRE VI. DE L'ARCHITECTURE

de hauteur: ainsi que vous le pouvez cognoistre en adioustant tous les nombres qui sont escrits sur vne chacune partie. Par ainsi la premiere face au dessous, a minutes dix, onces trois: son astragale, ou membre rond, auquel se voyent des patenostres, minutes deux de hauteur: la seconde face qui est enrichie, palme vn, minutes deux: son cymacion minutes trois, onces deux: la troisieme face, palme vn, minutes cinq: & la hauteur du cymacion avec l'astragale & filet quarré, ou est marqué le susdit triangle, minutes dix de hauteur: comme vous le pouvez voir & iuger par la figure cy-apres proposée, avec les saillies d'une chacune chose, qui vous y seront facilement descouuertes sans en escrire d'auantage. La hauteur de la frize, au lieu que vous voyez marqué E, a palmes quatre, minutes huit, & once vne. En quoy vous pouvez considerer comme elle n'est que de deux minutes plus haulte que l'architraue, qui a palmes quatre, minutes six & once vne. Je m'aduise sur ce propos du dire de Vitruue, qui est que la hauteur de la frize, ou c'est qu'il n'y a point de fueillages & ornements, doit auoir la quarte partie moins que la hauteur de l'architraue, & ou il y fault faire quelques fueillages & sculptures, cōme les anciens ont fait, il fault que ladicte frize soit la quarte partie plus haulte que l'architraue: ainsi que ie vous ay aduisé par cy-deuant. Mais nous delaisserons tels propos pour ceste heure, & ce temps pendant vn chacun saydera des plus belles mesures qu'il pourra: à fin de parler des mesures de la corniche des susdictes trois colonnes, qui a sept palmes, huit minutes, & deux onces de hauteur: qui est plus que la grosseur de sa colonne, & presque la hauteur de son chapiteau, c'est à dire, quelque peu plus. Si vous la cōferez à celles que vous auez veües par cy-deuant, vous ne les trouuerez en leurs proportions si haultes de beaucoup. Qui sayderoit de ceste mesure sur vne colonne qui n'eust que quinze ou vingt pieds, ce seroit chose monstrueuse & fort difforme, toutesfois ceste cy se montre si belle en cœure, & de si belle proportion, & bonne grace, avecques son ornement tant bien fait & élaboré, qu'il n'est aucunement possible de pouuoir rencontrer plus grande beaulté pour ornement de colonnes. Vous pouvez voir en ladicte figure les hauteurs d'une chacune chose separément, cōme la hauteur des denticules qui a palme vn, minutes quatre & onces trois: la largeur des denticules, minutes vnze: & le concaue qui est entre lesdicts denticules, minutes cinq. Vous y voyez aussi les mutules ou rouleaux qui ont palme vn, minute vne, de hauteur: le cymace, minutes trois: & son filet quarré, minute vne: faisant autant ces trois par-

Mesures de l'architraue des trois colonnes pres S. Cosme & S. Damia à Rome.

Opinion de Vitruue sur la hauteur de la frize Corinthe.


Continuation des mesures de la figure cy apres proposée

ties que la hauteur des denticules, qui est palme vn, minutes quatre, onces trois: il s'en fault vne once, que les denticules ne soient si haults que les mutules avec son cymace. Je croy que l'Architecte entendoit que ce fust vne mesme hauteur, ainsi que celle des mutules avec celle de la cyme au lieu ou vous voyez des testes de Lyô, qui est de palme vn, minute vne: & avec son filet quarré au dessus, palme vn, minutes quatre, quasi d'une mesme hauteur que sont les denticules: & lesdits denticules de mesme hauteur que est la troisieme face de l'architraue, qui a palme vn & minutes cinq: pour le moins il ne s'en fault qu'une petite once. Vous voyez aussi la hauteur de la couronne qui est au dessus des mutules, ayant palme vn, minutes deux, & son filet quarré au dessus, minute vne, once vne. Ces quatre faces de ladicte corniche, sçavoir est les denticules, la hauteur des mutules ou rouleaux, la hauteur de la couronne, & la hauteur du cyme, avec leur filet quarré, sont quasi de semblable hauteur. Considérez aussi la saillie de toute ladicte corniche, qui est tres grande, comme vous le pouvez cognoistre par les mesures, & signamment des mutules, qui se monstreront fort beaux avec leurs fueillages, contenant palmes trois, minutes deux, & onces deux de longueur en leur saillie: & de largeur par le deuant desdits mutules, palme vn, minutes huit, onces deux: & entre les mutules d'un à autre, palmes deux, minutes sept. Je descrirois plus à plein non seulement cecy, mais encores toutes les proportions que l'Architecte entendoit garder en vne chacune chose, n'estoit que ie crains estre trop long, & aussi qu'il est bon que les gentils esprits, & mesmes la ieunesse s'estudie & prenne peine de chercher & inuenter, comme j'ay fait avecques vn grandissime labeur. Ce temps pendant ie vous laisseray diligemment voir & considerer la prochaine figure de l'architraue, frize & corniche desdites trois colonnes Romaines. Et ne me tenant content de cecy, ie vous bailleray encores deux autres sortes de corniches, lesquelles j'ay mesurées & retirées des antiquitez de Rome.

*Poursuite de
ce que dessus.*

*Excuse de
l'auteur accompagnée d'exhortation.*

LIVRE VI. DE L'ARCHITECTURE



D'autre sorte de corniches Corinthiennes retirées, avec leurs mesures, des antiquitez de Rome. CHAP. IX.



Estant à Rome, en l'année mil cinq cens trente trois, (comme j'ay dict cy-deuant) & ne faisant autre chose que chercher & mesurer les antiquitez, ie me transportay quelque fois vers l'amphitheatre, ou Colliset, ainsi qu'on le nomme à Rome: duquel lieu ie regarday qu'e vne vigne, tout aupres, on auoit fouillé quelques terres, & illec trouué vne caue: en laquelle i'entray, & rencontray vne corniche de marbre avec sa frize, architraue & basse, telle que vous la verrez cy-apres. Desirant d'ocques en retirer les mesures avec vn pied antique lequel ie portois lors avec moy, ie trouuay que l'architraue estoit de deux palmes de hauteur & trête & vne minutes: sa faillie de quarante deux minutes & demie: la premiere face de vingt minutes & demie, & son astragale de huit minutes: la secôde face de trente & vne minutes: & ainsi des autres parries, lesquelles vous pouvez voir escrites sur la figure ensuiuante. La haulteur de la frize estoit de trois palmes, deux minutes. La corniche auoit trois palmes de faillie & cinquante minutes & demie, ou cinquante onces, si vous voulez: car aucuns appellent les minutes onces, & les onces minutes, comme ie l'ay deduit cy-deuant au commencement du cinquiesme liure, quand ie monstrois la difference du pied antique, palme Romain, & autres. D'ocques vous voyez la difference des corniches estre si diuerse que ie proteste n'en auoir iamais peu trouuer vne de mesme proportion & mesure: ie ne diray de celles du Pantheon, ny des trois colomnes pres l'eglise S. Cosme & S. Damian, mais aussi de toutes autres: la raison peut estre, que les œuures sont de differêtes haulteurs. Je n'y omettray aussi celles qui sont au Temple de Paix, & dans les arcs triumpants, soit l'arc de Constantin, ou celuy qui est aupres de sainte Marie noue, ou bien l'arc septieme qui est au dessous du Cap-doille, & l'arc de Quoadre: pareillement ces tant belles corniches qui sont aux thermes de Diocletia pres sainte Marie majeure: & celles qui estoient dediées au temple de Faustine: & d'autres qui sont in Foro Neruæ, au dessous de saint Pierre ad vincula: avecques tous les ornemets du Colliset, & amphitheatre que j'ay nommé, avec les colomnes, corniches, & ornements de l'escole de Virgile deuant saint Gregoire, & generallyment de toutes autres que j'ay trouué, non seulement a Rome, mais en autres diuers lieux, desquelles ie pourrois faire vne longue escriture si

Grande diligence de l'auteur en recherchant les antiquitez.

L'auteur n'auoir iamais peu trouuer vne corniche de mesme proportion à l'autre.


Catalogue de plusieurs colones qui sont à Rome.

LIVRE VI. DE L'ARCHITECTVRE


Aduertissement & conseil pour les nouueaux Architectes.

ie les voulois presentement nommer. Bref ie n'ay iamais trouué colomnes, ne ornemens, qui fussent d'une mesme proportion, voire en vn mesme ordre. Ce que ie dy franchement, & monstre par diuers exemples apres les antiquitez, à fin que ceux qui voudront faire professiō d'Architecture, ne sappuient du tout sur les mesures des edifices antiques qu'ils auront mesurez, mais bien plus tost qu'ils apprennent à cognoistre les proportions & mesures des œuures qu'ils auront à faire, selon la qualité & ordre d'un chacun edifice. Considérez la corniche cy apres proposée, & celle que vous auez veüe cy-deuât, & vous cognoistrez que la haulteur de la cyme & couronne est quasi semblable. Il est vray que ceste cy n'a pas des mutules & petits rouleaux comme l'autre, mais au lieu d'iceux l'Architecte y a mis vn membre rond enrichy d'œufs pour ornement, avec vne petite fucille sur le coing: lequel membre a vingt trois minutes & demie de haulteur, les denticules vingt six minutes: la couronne trente six, & le cyme trentesept & demy. Ladicte couronne & le cyme sont bien quasi semblables, mais le reste n'est à la proportion des autres: si est-ce que en quelque sorte que vous voyez la colōne avecques ses parties, c'est vn œuure tres admirable, & bien fort bel à voir. Je vous aduise que l'Architecte & ouuriers ont prins vne grandissime peine à bien tailler le tout, & le conduire de si bōne grace que c'est chose admirable de voir ouurages si bien faicts. Quāt à la representatiō que ie vous en propose, le tailleur de mes planches ne m'y faict gueres d'honneur, non plus qu'à d'autres figures de ce present œuure, ainsi que plusieurs fois ie m'en suis iustement plainct. Mais pour cela vous ne lairrez à y cognoistre les mesures des haulteurs & largeurs, avec leurs proportions, telles que ie les ay trouuées, avec la partie d'une basse qui estoit rōpue, & me sembloit auoir seruy aux colomnes ou estoit la corniche & architraue, dont nous auons parlé. Vous vous en ayderez, & en ferez vostre proufit aux lieux qu'en pourrez auoir affaire.

L'auteur se plainct encores que ses figures soient mal taillées.



LIVRE VI. DE L'ARCHITECTVRE



D'une autre fort belle corniche antique, & de sa mesure tres-admirable, avec la hauteur de sa frise & dimension de l'architraue telle que vous verrez, cy-apres.


CHAPITRE. X.



*Description
des parties de
la corniche cy
apres figurée
& représen-
tée.*

A corniche de laquelle ie pretens escrire, a esté retirée, cōme les precedētes, de quelque colōne fort antique, & mesurée apres le palme Romain, ainsi que vous le pourrez biē cognoistre cy apres par sa figure & desseing. La hauteur de son architraue a quatre palmes, neuf minutes & deux onces, & celle de sa premiere face, dix minutes, trois onces: n'estant à plomb ne perpendiculaire par le deuant, comme est le des-
sous pres le chapiteau, ou il y a huit minutes, trois onces, & au dessus de ladicte face pres l'astragale dix minutes depuis la ligne perpendiculaire de la saillie dudit architraue. La deuxieme face a palme vn, minutes deux, & la troisieme palme vn, minutes cinq, estants toutes deux à plomb & perpendiculaires par le deuant, & nō point en pente, comme la premiere, ainsi que nous auons dit. La saillie de l'architraue a dix minutes. Quant aux autres parties dudit architraue, vous les pouuez tant bien cognoistre par les

mesures escrites au droit d'une chacune desdictes parties, qu'il n'est besoing d'en parler d'auantage, sinon que la frize qui est par dessus a palmes quatre, minutes huiet, once vne: ce que pouuez voir en la presente figure.



Quant à la mesure de la corniche, sa haulteur a palmes sept, minutes dix, & onces deux: ayant autāt de faillie, il ne sen fault que deux minutes & demie, comme vous le voyez au droit du milieu de la frize, ou toute la faillie de ladicte corniche a sept palmes, minutes sept, iusques à la ligne perpendiculaire qui procede de l'extremité & faillie de ladicte corniche. La haulteur des denticules est quasi semblable à celle de la couronne, pour le moins il ne sen fault qu'une minute: car lesdictes denticules ont palme vn, minutes quatre, onces trois, & la couronne palme vn, minutes trois, onces trois. La haulteur des mutules ou rouleaux contient palme vn, minute vne: la cyme ou sont les testes de lyon (que les anciens y mettoient pour les vuydages des eaux, au lieu de gargouilles) a palme vn, minute vne. Aussi on voit que les cymacions, au dessous des mutules, sont semblables de haulteur à l'echine ou sont les œufs, qui sont dessous les denticules, & ont

Explication
des parties de
la figure en-
suivante.


chacun six minutes, deux onces de haulteur: & les mutules palme vn, minutes huit, once vne de largeur par le deuant: & d'un mutule à autre, palmes deux, minutes sept. Le deduiray vn peu

LIVRE VI. DE L'ARCHITECTURE

plus au long le discours de la presente corniche, & parleray non seulement des haulteurs & faillies d'une chacune de ses parties, mais encores des façons & ornements des moulures, dents, & concaues qui sont entre les denticules. Doncques vous pouuez voir au pourfil de ladiète corniche dessous l'astragale ou sont les patenostres, comme lon doit vuyder & rendre concaue le lieu d'entre les denticules, qui est vne façon de faire qui se monstre belle estant en œuure. Je vous parlerois volontiers de la façon des mutules & rouleaux, ensemble des volutes qui sont par les costez, n'estoit que l'Architecte ayant baillé leur largeur & longueur, les designe & ordonne avec vne singuliere grace, selon le bon iugement qu'il a. Les ouurages & ornements de fueillages qui sont pour mettre aux mutules & moulures, ou ailleurs, ne se peuuent descrire, mais bien se font selon la dexterité & industrie du bon tailleur de pierre. J'ay trouué en aucuns lieux, non pas à tous, que tousiours par derriere les mutules lon a fait vn petit quarré ayant peu de faillie, comme est celuy que vous voyez en la prochaine figure, qui seulement en a vne once, & ne tombe point si bas que la haulteur de la face, cōtre laquelle sont lesdicts mutules, mais bien il fait vn petit filet quarré par dessous: ce qui vous est aisé à cognoistre par la figure. On fait aussi entre les cymaces qui sont tout autour des mutules, au dessous de la couronne, des roses d'assez grande faillie, comme vous le pourrez voir en vn autre lieu & endroit cy-apres: car i'ay telle coustume de faire, que quand vn chapitre n'est assez escrit ou monstre au long, ie le poursuis en vn autre, comme il vient à propos. Et pour autant qu'il est fort aisé de cognoistre les façons, ornements & mesures du deseing ensuiuant, pour estre figurez & escrits sur vne chacune partie, tant pour les haulteurs, que faillies, ie ne delibere de vous en proposer autre chose, ains plustost laisser le tout à vostre bon iugemēt, par le discours de la figure cy apres descrite.

*L'architecte
deuoir dispo-
ser de la façon
des mutules,
rouleaux &
volutes, selon
son bon iuge-
ment.*

*Les figures
bien descrites
supplient le de-
faut de lon-
gues escriu-
res.*




LIVRE VI. DE L'ARCHITECTVRE

Par ainſi vous vous ſouuiendrez des meſures de l'ordre Corinthien, leſquelles ie vous ay propoſé cy-deuant, & de la difference qu'elles doiuent auoir, ſelon les haulteurs qu'on aura à faire. Lesdictes colonnes Corinthiennes ſont quaſi ſemblables aux Ioniques, ſinon aux chapiteaux, qui doiuent eſtre plus haults, comme vous l'avez entendu: & auſſi que les corniches ont plus grande haulteur & plus grâde ſaillie, eſtants beaucoup plus riches & ornées que l'ordre des colônes Ioniques: car à ceſtuy cy non ſeulement vous pouuez enrichir les ſtrictures des colonnes, & y adiouſter des membres ronds entre les caneleures, mais auſſi y mettre des ſculptures ou fueillages par le deſſus, ainſi que aucuns Architectes ont fait: ſans y faire faulte, comme lon pourroit faire à l'ordre Dorique & Ionique, qui les voudroit ainſi enrichir. La raiſon eſt pour autant que le preſent ordre Corinthien, pour eſtre fait apres la proportion & meſure d'une belle fille, eſt plus ioly & plus mignon, comme i'ay dict cy-deuant, que tous autres. Parquoy il eſt permis d'y mettre tant d'ornemens que lon veult, & enrichir toutes les parties des frizes, leſquelles aucuns Architectes ont faites circulaires entre l'architraue & la frize, en leur donnant quelque rondeur & ſaillie d'auantage que n'eſt celle de l'architraue, pour y faire mieux voir les fueillages & ornemens que les anciens Architectes y ont voulu faire tailler. Mais pour autant que de cecy nous parlerons ailleurs, ainſi qu'il viendra à propos, ie ne vous feray autre diſcours de l'ordre Corinthien, m'aſſeurant que ſi Dieu vous fait la grace de voir & entendre toutes les œuures d'architecture leſquelles i'eſpere eſcrire, vous n'aurez neceſſité de ce que vous eſtimez eſtre neceſſaire pour faire & parfaire toutes ſortes de bâtimens: ſoit pour temples, palais, chasteaux, maiſons, & autres edifices. Reſte à entamer & pourſuiure l'ordre, meſures & parties des colonnes compoſées.

*La difference
des colonnes
Corinthien-
nes & Ioni-
ques*

*Pourquoy
c'eſt que l'or-
dre Corinthien
ſouſtient plus
d'ornement que
les autres.*

LE SEPTIEME



LE SEPTIEME LIVRE

DE L'ARCHITECTVRE DE PHILIBERT

DE L'ORME LYONNOIS, CONSEILLER ET

Aulmosnier ordinaire du Roy, Abbe de

sainct Eloy lez Noyon, & de

S. Serge lez Angiers.

*Bref discours sous forme de preface touchant l'inuention des
colonnes de l'ordre composé, & de la difference
qu'elles ont avecques les autres.*



Pres vous auoir liberalement & fidelement
communiqué ce que par grand labeur, lon-
gue estude, difficiles voyages, & diuerfes
experiences i'ay cogneu des quatre ordres
des colonnes Thufcanes, Doriques, Ioni-
ques, & Corinthiennes, n'y omettant tout
ce que i'ay peu retirer des antiquitez & de
leurs vestiges ou restes, sans y oublier les
mesures & proportions, il me semble que
pour l'accomplissement & conelusion du discours & histoires
desdictes colonnes, il reste seulement à vous escrire de leur or-
dre composé, qui a esté trouué par les Latins & Romains, ainsi
qu'il se voit à la plus grand partie des edifices antiques à Rome,
signamment à l'arc trióphant de Titus Vaspasian & en assez d'au-
tres lieux d'Italie. Toutefois nostre Vitruue n'escriit aucunemēt
de cest ordre, pour autant qu'il est fait à plaisir, & inuenté apres
les ordres Corinthien & Ionique, desquels il participe, & de là
peult prendre le nom de composé, comme il se cognoist par ses
chapiteaux, desquels les volutes sont quasi semblables à celles
des chapiteaux Ioniques, avec les ornemēts des œufz, & les astr-

*L'auteur libe-
ralement com-
muniquer, ce
qu'il a appris
avec grād la-
beur.*

*D'ou prennē
leur nom les
colonnes com-
posées, & en
quoy elles se
different des
autres.*

LIVRE VII. DE L'ARCHITECTVRE

gales & fucilles de deffous, comme auffi l'abaque, semblables au chapiteau Corinthien. D'auantage l'ordre composé a quelque-fois ses colonnes striées, ou canelées, tout ainfi que font les colonnes Corinthiennes, & quelque-fois cōme les Ioniques: outre ce, la corniche participe de celle de l'ordre Ionique & Corinthien: & ne se trouue en rien different l'ordre composé à ces deux, sinon qu'on l'a fait beaucoup plus riche, & y a lon mis tant d'ornemens & richesses qu'on a peu, sans laisser vne seule partie en sa corniche, cymes, astragale, echines, couronnes, denticules, & tous autres membres, qui ne soit fort enrichie & extraicte d'œuvres fort bien faictes, voire iusques à l'abaque des cha-

*De l'innuëtion
& origine de
la colonne cō
posée.*

piteaux, auquel ils ont insculpé des œufs & façons de frize. Qui me fait pèser que tel ordre de colonne composée fut trouué du temps que lon faisoit les arcs trióphants aux Empereurs & vail-lants Capitaines, apres auoir obtenu quelques grandes victoires: car oultre les grands honneurs & magnifiques entrées, on leur faisoit aussi des arcs triomphants, les plus riches dont on se pou-uoit aduifer, avecques sculpture sur les marbres, representant (cōme histoire) les païs & royaumes qu'ils auoient conquestez: voire iusques à y mettre les Roys, Princes, & Capitaines, qu'ils auoi-ent subiuguez & amenez prisonniers, sous mesmes habits des-quels ils vsoient en leurs païs, à fin qu'il fust memoire longue des triomphes de leurs victoires. Qui fut la cause de inuenter & faire

*Comme se doi-
uent colloquer
& disposer
les ordres des
colonnes.*

l'ordre composé, lequel on appelloit l'ordre Italique, ou bien Latin & Romain. Et combien que ledit ordre avec ses ornemens soit appliqué en œuvre le dernier de tous les autres (car apres l'ordre Thufcan, on met par dessus le Dorique, & par dessus ledit Dorique, le Ionique: & de rechef par dessus le Ionique, le Corinthien, & apres ledict Corinthien le composé, qui est le dernier & le plus hault de tous) si est-ce qu'on voit en beaucoup de lieux, & mesmes aux arcs triomphants, qu'il a esté mis en œuvre tout seul, & sans autres colónes dessus ny deffous. Et pour autant que c'est vn ordre meslé & composé des autres ordres, i'ay bien vou-

*L'auteur pro-
met cy apres
doner des cha-
piteaux com-
posés.*

lu encores vous donner & descrire cy-apres des chapiteaux Doriques & Ioniques, comme aussi des corniches cōposées & participantes de deux ou trois ordres: à fin que ceux qui sen voudrōt ayder les trouuent à propos, & les enrichissent comme il leur plaira.



Euant que passer plus oultre, ie vous veux parler des mesures de l'ordre composé, & commencer par la colonne de l'amphitheatre Romain, si tuée & plantée sur les trois ordres, Dorique, Ionique, & Corinthien, le composé y faisant le quatrième. l'ay trouué que les colonnes composées sont aussi grosses pres du chapiteau, que par le pied au dessus de leur basse: le tout suivant le pied antique, avecques lequel ie les ay mesurées, ainsi que vous le cognoistrez par la figure cy apres descrite. Laquelle vous propose vne colonne composée ayant trente & vn pied & six minutes de haulteur, & de largeur par le bas en son diametre, trois pieds, cinquante cinq minutes: estant par le hault de mesme grosseur, sçauoir est de trois pieds & cinquante cinq minutes, sans aucune retraicte: mais pour la grande haulteur ou elle est située elle se monstre rapetissée, comme si lon y auoit fait vne contracture & retraicte tout expressément. La haulteur de son chapiteau, a trois pieds & trente quatre minutes: la haulteur de la basse, deux pieds, dix minutes: le plinthe de ladicte basse a quarante minutes de haulteur, & les deux thores avec la nancelle & filet quarré vn pied & trête minutes de hault. Vous voyez aussi en la figure les mesures particulierement en vn chacun endroit de la basse: & dessous icelle vn autre bien grand plinthe qui est posé sur la corniche du pied de stat, & a trois pieds cinquante vne minutes de haulteur. Toute la haulteur de la colonne avec ses basses, plinthes & chapiteaux contient quarante vn pied & trente minutes. En cecy lon cognoist le bon esprit de l'Architecte qui a conduit tel ceuvre & montré comme il fault rompre les mesures, & leur bailler des excessiues haulteurs & largeurs pour les faire voir de mesure à ceux qui les regardent de loing, avecques toutes belles proportions & symmetries. Vous verrez cy apres comme le pied de stat de ladicte colonne a cinq pieds, dix minutes de largeur, & sept pieds de haulteur, entre sa corniche & basse: laquelle corniche dudit pied de stat, a vn pied neuf minutes & demie de haulteur. Et l'architraue qui doit estre au dessus du chapiteau a de haulteur trois pieds, seize minutes: la frize deux pieds, cinquante minutes, deux tiers de haulteur. La haulteur de sa corniche est de trois pieds, trente quatre minutes & demie. Ladicte corniche est faite en façon d'architraue: & en la frize au droit des colonnes se trouuent des mutules en for-

Mesures de la colonne composée estant en l'amphitheatre à Rome.

Continuation des mesures de la colonne composée estant à Rome.

Poursuite des mesures de la figure ensuyuant.

LIVRE VII. DE L'ARCHITECTURE

me de rouleaux ou modelons, ornez de quelques cymes & filets quarrez de fort grande faillie: au droit desquels on voit des trous à trauers les corniches, qui semblent auoir esté faicts pour mettre des pieces de bois, ou choses semblables à tenir les tentes pour couurir tout l'amphitheatre. Mais referuât ce propos pour quelque autre lieu, ou i'escriray tres volontiers tout ce que i'en ay appris, ie viendray à parler de la mesure des ornements de la colonne composée: laquelle mesure ie n'ay point trouuée autre que celle de la colonne Corinthienne, & de ses ornements: mesmes quand on la faict seule, & comme d'un premier estage, car qui la voudroit faire comme celle du susdit amphitheatre ou Coliset, au dessus d'un ordre Corinthien, il faudroit changer les mesures selon la hauteur de l'edifice auquel on la doit appliquer. Ie ne cognois gueres autre differéce en l'ordre composé, sauf la variété des ornemets qu'on y faict plus riches, & tels que lon veult. Et pour autant que vous pouuez cognoistre facilement & particulieremēt toutes les autres mesures descrites en la figure cy-apres proposée, & signamment les hauteurs & faillies d'un chacun endroit, ie ne vous en feray autre discours: ioinct aussi que vous pourrez vous y ayder des mesures lesquelles vous auez veuës par cy-deuant. Ie vous mettrois bien icy deuant les yeux tout le susdit Coliset & amphitheatre avec les ordres des colonnes, ainsi que ie les ay mesurées, mais pour autant que vous le pouuez voir imprimé en plusieurs sortes, avec ses ornemets, tant pour le plan que pour la montée, & aussi en perspectiue, il me semble qu'il n'est de besoing vous en donner autre desseing ou histoire: veu que messire Sebastian Serlio l'a faict imprimer en son liure, ainsi qu'un chacun le peult voir avec plusieurs autres belles antiquitez: estant le tout en tresbon ordre. C'est luy qui a donné le premier aux François, par ses liures & desseings la cognoissance des edifices antiques & de plusieurs fort belles inuentions estant homme de bien, ainsi que ie l'ay cogneu, & de fort bonne ame, pour auoir publié & donné de bon cueur, ce qu'il auoit mesuré, veu & retiré des antiquitez: si les mesures sont par tout vrayes & legitimes, ie m'en rapporte à ceux qui en sont bons iuges pour les auoir veuës sur les lieux. Mais pour reprendre le propos de la colonne composée, ie seray tousiours d'aduis que vous luy donniez mesmes mesures que à l'ordre Corinthien, sçauoir est dix fois la hauteur de son diametre avec son chapiteau, & sa basse, ainsi que vous l'auiez veu au liure precedent, quand nous descriuions les colonnes Corinthiennes. Ie serois bien aussi d'aduis que si les colonnes composées sont constituées en lieu de grande hauteur,

La colonne composée auoir ses ornements plus riches que toutes autres.


Du seigneur Sebastian Serlio, & de l'opinion qu'en a l'auteur.

Aduis de l'auteur accompagné de bons aduertissemens

comme estât colloquée sur l'ordre Dorique, Ionique, & Corinthien, que vous leur donniez leurs proportions selon le lieu d'ou vous les pouuez voir, ainsi que nous auons dit. Quant à leur pied de stat, ie voudrois qu'il eust deux fois sa largeur pour sa hauteur: comme sil auoit trois pieds de large, il en eust six de hault, entre la corniche & sa basse: (mesmes quand il est esleué sur les trois ou quatre ordres) & que vne des six parties fust donnée pour la hauteur de sadiete corniche, vne autre pour la basse, qui seroiēt huit parties, & deux autres pour les deux plinthes & quarrez qui doiuent estre dessous la basse dudit pied de stat. Le figure ainsi deux plinthes à fin que le pied de stat soit plus esleué que la faillie de la corniche Corinthienne, sur laquelle il doit estre planté, pour n'empescher de voir les basses & pied de stat dudit ordre composé. Voila tout ce que ie vous en puis escrire pour le present. Reste cy apres à vous monstrier particulièrement quelques basses de la colonne composée, cōme aussi des chapiteaux, architraues, frizes & corniches de diuerses sortes, lesquelles i'ay mesurées & retirées des antiquitez. Nous vous donnerōs donc & mōstrerons cy-apres vne basse composée, telle que les bons esprits la sçauront bien iuger & examiner. Doncques vous vous souuendrez que l'ordre des colonnes composées doit estre fait de dix parties, compris la basse & chapiteau, ainsi que ie vous ay dit cy-dessus, & aduertie comme il se fault ayder des mesures de l'ordre Corinthien. Qui desirera cognoistre d'auantage de l'ordre composé, il en verra en diuers lieux, ie ne diray en noz liures d'Architecture, mais encores aux edifices antiques, comme à l'arc de Tite Vaspasian à Rome, & assez d'autres lieux: il n'y fault seulement que garder les hauteurs conuenables & autres mesures selon la longitude de la veüe & reigles de perspectiue: comme assez amplement ie vous ay aduertie. Ce pendant vous verrez les mesures de la colonne composée que i'ay retirées de l'amphitheatre ou Colisiet de Rome, duquel ie vous ay escrit en ce mesme chapitre.

*Approches
pour les dis-
cours en sui-
uants.*

*Lieux ou se
voyent quel-
ques colonnes
composées.*




*Du pourfil & ornements d'une basse de l'ordre composé, avec-
ques le discours du plan & montée d'un chapiteau du
mesme ordre: CHAPITRE II.*



E vous propose cy apres le pourfil d'une basse de l'ordre composé, à laquelle ie ne trouue aucune difference à sa haulteur & saillie estant conférée à celle de l'ordre Corinthien, sinon qu'elle a son ornement plus enrichy, comme il a esté dit, & vous le voyez à la prochaine figure: non seulement aux thores & membres ronds enrichis de fueillages, mais aussi à l'astragale, plinthes & autres: ainsi que vo^s le pouuez voir, & de là iuger de l'excellence de ladicte basse & de ses parties, qui se monstre diuinement belle. en'œuure, ainsi que i'ay veu, avecques vne taille autant exquise, qu'il est possible de voir. Et pour ce que i'ay faiet la presente apres les mesures & proportions que i'y ay trouuées, & qu'il sera facile à sen ayder, qui voudrà, ie ne vous en feray autre discours.

*En quoy est
differente la
basse de l'or-
dre composé, à
celle de l'ordre
Corinthien.*

LIVRE VII. DE L'ARCHITECTURE






Vant au chapiteau composé, il est fait de mesme forte, ainsi que j'ay dit par cy-deuant, que celuy de l'ordre Corinthien: comme ie le vous feray voir par vn lequel j'ay mesuré estant à Rome, & trouué dedans les vignes assez pres du Colisét, quasi au droit de l'arc triomphant de Cōstantin: c'est vn chapiteau fort plaissant & beau à merueilles, ayāt de haulteur sept palmes, quatre minutes, & de largeur de l'extremité d'une corne à l'autre, neuf palmes, huit minutes, lequel j'ay icy voulu faire expressement ainsi que j'ay fait celuy de l'ordre Corinthien, pour vous môstrer cōme vous les pouuez faire tout ainsi que ceux de la Rotonde & semblables. D'abondant ie figure aussi le plan de sa colomne, laquelle vous pouuez strier & caneler comme il vous plaira: non pas que ie l'aye veuë ou trouuée, ains seulement le present chapiteau, estant seul au lieu premmoré, & sans autres ornements. Les bouillons des fueilles qui sont au milieu à l'endroit de l'abaque, ont palme vn, minutes neuf: la saillie, palme vn, minutes trois, onces deux: & la grosseur du diametre au dessous du chapiteau, palmes cinq, minutes neuf. Ce que ie vous laisse à considerer au plan cy apres proposé, pour vous dōner à cognoistre qu'il fault faire le chapiteau de l'ordre composé, comme celuy de l'ordre Corinthien.

*Chapiteau de
l'ordre compo
sé mesuré à
Rome par
l'auteur.*

*Le chapiteau
de l'ordre com
posé n'estre dif
ferent de celuy
de l'ordre Co
rinthien.*

LIVRE VII. DE L'ARCHITECTURE




*Les mesures
de la montée
du chapiteau
de l'ordre com-
posé, & de ses
parties.*

La montée du susdit chapiteau laquelle vous verrez cy-apres avoir sept palmes & quatre minutes de hauteur, se trouve avoir de largeur par les faces du deuant de l'extremité d'une volute à autre, six palmes, minutes dix, onces trois, & la hauteur des volutes, depuis le dessous de l'abaque, iusques aux feuilles qui touchent lesdictes volutes par le dessous, a palmes deux, minutes deux, once vne, estant la largeur desdictes volutes de deux palmes. La hauteur du chapiteau, depuis le dessous dudit chapiteau pres la colomne, iusques au filet quarré qui est sous l'astragale, ou sont les patenostres, est de cinq palmes, minutes deux, onces ; & demie : & ledit filet quarré a minute vne, once demie. La hauteur de l'astragale ou sont lesdictes patenostres, a minutes deux, onces trois : l'echine ou sont les œufs minutes dix, & lesdicts œufs

ont de largeur, minutes huit, onces trois: le dessus pour la hauteur de l'abaque, a minutes vnze, onces deux: la largeur par enbas au droit des cornes pres des fueilles des volutes, a minutes trois, & son fillet quarré au dessous, minutes dix, once & demie: la hauteur des premieres fueilles du chapiteau, a palmes deux, minutes trois, onces deux: & sa largeur, palme vn, minutes dix, onces deux. Les secondes fueilles sont de mesme largeur, & vne fois d'auantage pour leur hauteur. Je vous deduirois bié plus particulièrement toutes les autres mesures que j'ay trouuées en ce chapiteau, mais ce seroit chose trop longue: ioinct aussi que sans en faire plus long discours, les bós esprits les sçaurót bié trouuer.


*Poursuite en
continuation
de ce que des
sus.*



LIVRE VII. DE L'ARCHITECTVRE

Je veux bien vous aduertir que la figure, laquelle ie vous propose cy apres, a esté descrite au V.liure precedét, quand nous parlions d'une volute ornée de fucillages pour pouuoir seruir aux chapiteaux Ioniques: & pour-autant qu'elle est aussi tresconuenable pour seruir au chapiteau composé, comme vous le pouuez iuger, ie l'ay bien de rechef voulu repeter & rapporter en ce lieu, pour y estre fort propre. Je vous donneray encores cy-apres vn chapiteau composé, & fait suiuant l'inuention des Ioniques, ainsi que vous le iugerez: à fin de mieux vous monstrier la varieté de laquelle les anciens Architectes ont vſé en ces façons de colonnes composées.

*Le chapiteau
Ionique seruir
pour celui de
l'ordre compo
sé.*



D'une

*D'une autre sorte de chapiteau Ionique servant à l'ordre
composé, & premierement de son plan,*

CHAPITRE. IIII.




E figureray encores cy-apres vne autre sorte de chapiteau composé, toutesfois en forme d'un de l'ordre Ionique: & iajoit qu'il ait la hauteur que lon donne au chapiteau Corinthien & composé, si est-ce qu'il a d'autres sortes d'ouurages & ornemens qu'on n'a de coustume leur donner. Je l'ay trouué, en recherchant les antiquitez, de bien grande largeur estant sa colomne fort haulte, comme vous le pouuez cognoistre par le plan de son chapiteau, lequel i'ay mis cy-apres. L'endroit ou vous voyez marqué B, monstre la faillie de l'astragale, & le lieu marqué C, le plan de l'echine, ou sont les œufs: Considérez, ie vous prie, le deuant & face dudit chapiteau, & comme les lignes, d'ou procedent les volutes, sont courbes, ainsi que vous le pouuez remarquer à l'endroit signé D: qui est vne autre façon que lon n'a acoustumé de faire aux chapiteaux Ioniques. Lon voit aussi au lieu marqué E, les costez des volutes, qui est vne fort belle façon: & notez, si vous plaist, que tout ce chapiteau a esté mesuré suiuant le pied antique, ainsi qu'il se peult voir par escrit en aucuns lieux: mais non sur toutes les parties, pour la nonchalance, ou plus tost grande haste, de mes tailleurs de figures. Toutesfois qui voudra ensuiure les proportions & mesures du plan, il trouuera que c'est vne belle œuvre, comme aussi les ornemens qui sont fort bié taillez sur le marbre, & se môstrent estre tres antiques: ainsi qu'en pourrôt iuger ceux qui le voudrôt considerer sur le lieu: vous aduisant qu'ils trouueront fort beau & l'œuvre & l'ouurage: signamment pour estre si grands que le diametre de la colomne par le bas peult auoir plus de huiet pieds de Roy, & la colomne soixante quatre pieds de haulteur, qui sont seulement huiet fois son diametre. Ce que vous pouuez considerer par le plan du chapiteau, lequel ie vous propose cy apres.

*Explication
du chapiteau
cy apres propose,
& de ses
parties.*

*L'auteur loné
la colomne, ou
floit le chapiteau
lequel il
descri.*

LIVRE VII. DE L'ARCHITECTURE



De la montée dudit chapiteau. CHAP. V.

La façon du
chapiteau en-
suivant n'a
voir esté de-
crite par au-
cun des anciens




Pres le plan ie vous donneray la montée du sus-
dit chapiteau, qui est d'une inuention fort belle,
& à laquelle nous ne sçaurions bailler autre nom,
que celuy de l'ordre composé: quoy que ce soit,
telle façon n'est de celles que Vitruue monstre,
ny tous noz autres autheurs d'Architecture: &

ne se voit aux edifices antiques, illustrez de colonnes des ordres Dorique, Ionique, ou Corinthié, soit à Rome, ou ailleurs, quels qu'ils soient. Bref, semblable façon, dût i'aye ouy parler, n'a esté veuë à ceste cy. Le tailloir ou abaco, lequel vous voyez marqué B, en la figure cy apres descrite, est d'une façon fort estrange, ayât trois palmes & vne ligne de haulteur: son filet quarré de dessus, six lignes. La volute qui est au dessus de l'echine, lequel vo^e voiez aupres de la lettre C, est contraire aux volutes Ioniques, qui se trouuent tousiours au droict de l'astragale marqué D: & ainsi ladicte volute comprend la haulteur de l'echine & de l'abaque: laquelle volute a cinq pieds, dix lignes de haulteur: comme vous le voyez escrit à costé. Depuis ladicte volute iusques au dessus de la colomne, au droit marqué A, se trouuent enuiron six pieds de haulteur. Il est aisé à cognoistre par telle oeuvre si bien faicte, & si admirable, qu'elle a esté conduicte par vn grand Architecte, qui a bien sceu donner les proportions & mesures à vne façon tant estrange & non accoustumée. Je croy qu'il y a ainsi procedé pour la grande subiection qu'il auoit en son oeuvre, à fin d'esleuer d'auantage la haulteur du chapiteau de la colomne. Quât à moy, i'ay trouué l'ouurage si beau, que ie ne me suis pas contenté de l'auoir veu & designé par ses mesures vne fois, ains y suis retourné souuent pour le reuoir & remesurer. Entre autres choses ie y obseruay que les caneleures & strieures de la colomne estoient tout autrement que les autres, pour n'auoir aucune espace entre lesdictes caneleures, sinon vne aireste vifue. Ce que ie vous laisse à voir & considerer par la figure cy-apres descrite & proposée. Laquelle par les ignorâts & fascheux pleins d'enuie pourra estre trouuée fort estrange, & peult estre, de mauuaise grace, pour autant qu'ils n'ont accoustumé de voir la semblable, & ne peuuent louer ce qu'ils ne sçauent faire & oultrepasser leurs gros esprits. Mais delaisant l'ignorance aux ignorants, apres vous auoir exhibé le desseing du chapiteau Ionique composé (ainsi que nous l'auons descrit par le precedent discours) ie vous donneray cy-apres quelques chapiteaux Doriques, avecques leurs enrichissements qui seruiron aussi pour ceux de l'ordre composé.

Mesures des parties du chapiteau composé, estant cy-apres figuré.

Diligence de l'auteur pour exactement mesurer & observer les antiquitez.

Bon vouloir & diligente affection de l'auteur.






Vous auez veu à l'ordre Dorique cy-deuant deux chapiteaux enrichis comme vous les voyez cy-dessous, & se peuuent appeller composez, pour estre faicts & enrichis d'autre sorte d'ornemens que à la Dorique, selon laquelle ils ont esté conduicts, & se peuuent faire encores d'autre façon, ainsi que les bons & gentils esprits des Architectes, qui sont prompts à inuenter & donner mesures, le sçauront & pourront bien entreprendre, sans y oublier les beaux ornemens & belles inuentions que nous ont laissé les anciens, estant le tout accompagné de parfaites mesures, suiuant lesquelles on ne peult failir de donner tousiours vn contentement & grandissime plaisir à la veüe des spectateurs, les œuures estants bien conduictes. Ce que vous pouuez iuger par les deux figures qui vous sont cy dessous proposées, des chapiteaux Doriques cōposez, & faicts d'une haulteur, comme ils estoient Corinthiens.

*Chapiteaux
de l'ordre Do-
rique, seruir à
l'ordre compo-
sé.*

*L'auteur abou-
der en figures
& démonstra-
tions.*



LIVRE VII. DE L'ARCHITECTVRE
*Corniche composée, participant de la Dorique, Ionique, &
 Corinthienne. CHAP. VII.*

*Corniche com-
 posée de l'or-
 dre Dorique,
 Ionique, &
 aussi Corin-
 thien.*




*Les chausfour-
 niers à Rome
 estire la ruine
 de l'antiquité.*

*Poursuite de
 l'explicatio de
 la figure en-
 suivante.*

Our monstrent la variété des œuvres de l'ordre composé, ie descriroy icy vne sorte de corniche, laquelle nous appellerons composée, pource qu'elle participe de la Dorique, Ionique, & Corinthienne, comme il se voit aux mutules marquez D, qui ont des gouttes par le dessous, qui est vne façon Dorique. Le cyme qui est enrichy de feuillages & petis rouleaux, & encores la couronne marquée E, monstrent l'ordre Corinthien, & l'autre couronne marquée A, avec son cymace par le dessous, comme aussi sa frise & architraue, tesmoignent que ce sont ornements inuentez & pratiquez sur l'ordre Ionique, & Corinthien. On peult voir vne semblable corniche *in foro boario* à Rome. Mais celle dont ie parle est diuinement belle, & se monstre fort bien en œuvre. Je l'ay mesurée apres vne piece qui estoit rompue, & exposée à la mercy des chausfourniers, qui font la chaulx des restes de l'antiquité, quand ils en peuuent auoir: de sorte que la piece que vous voyez au dessous de l'architraue, au lieu marqué B, estoit desia rompue par eux. Je trouuay en ladicte corniche, que la couronne marquée A, avec son cymacion qui est au dessous, & la couronne notée E, comme aussi le cyme accompagné de son quarré signé C, sont diuisez en sept parties, desquelles le filet quarré marqué K, en a deux de haulteur: le petit cymacion estant au dessus de la couronne E, avec sa petite reigle ou filet quarré, est vne quarte partie de la face de ladicte couronne. Semblable haulteur est donnée aux deux filers quarez, marquez I, sur la couronne A: laquelle ie trouue estre diuisée en quatre parties: desquelles deux sont données au cymacion par dessous marqué L, & les autres deux à la face estant au lieu de A. Les mutules & gouttes qui sont en la face F, ont de haulteur la moitié de ladicte face: Les gouttes font vne quarte partie, & le petit filet quarré vne cinquieme de la haulteur desdictes gouttes. Le chapiteau de la face estant enrichy d'œufs, est vne quarte partie de la largeur de ladicte face F. Quant aux saillies vous les pouuez cognoistre par les mesmes proportions qui sont en la figure: en laquelle i'auois aussi mis les mesures de toutes les autres parties, mais elles ont esté oubliées à tailler. Si est ce que si vous voulez aider de la presente corniche, elle est bien faicte pour ses haulteurs & saillies: vous aduisant que ie ne la vous proposerois si ce n'estoit pour vous faire cognoistre qu'elle participe & est com-

DE PHILIBERT DE L'ORME. 210
 posée de la Dorique, Ionique, & Corinthienne, ainsi que vous le
 pourrez iuger oculairement, si vous plaist la bien contempler.



LIVRE VII. DE L'ARCHITECTURE

*D'une autre sorte de corniche, frise & architraue, composée
des trois ordres. CHAPITRE VIII.*

*Les testes de
Lyō servir de
gargouilles
pour faire es-
couler les
eaux.*




*Explication
de la figure
ensuivant, &
de ses parties.*

*Continuation
avecques am-
pliation de ce
que dessus.*

E vous donneray encores icy vne autre sorte de corniche que vous appellerez cōme il vous plaira: pourautant qu'elle participe & est composée des trois principaux ordres, sçavoir est, Dorique, Ionique, & Corinthien, ayant des testes de Lyō à la couronne marquée B: lesquelles les autres mettent tousiours au cyme signé A, pour servir de gargouilles à vuider & faire escouler les eaux de la pluye. Vous voyez aussi que ledit cyme A, est tiré de l'ordre Corinthien, & non point du Dorique. Aussi la couronne B, participe de la Ionique, les mutules au droit de C, sont cōme les triglyphes de l'ordre Dorique ayant au dessous ses reigles & gouttes de mesme façon que l'architraue Dorique, ainsi que vous le voyez à la face marquée D. Par dessous ladicte face vous voyez vn cymacion au lieu marqué E, avec son petit membre rond enrichy & participant du Corinthien. Quant à l'architraue, vous le pouuez attribuer aux deux ordres Ionique & Corinthien. Lequel avecques la corniche l'ay mesuré suiuant le pied antique, cōme vous le pouuez voir en escrit sur vne chacune partie. Ledit architraue & frise sont d'une mesme haulteur, qui est de quatre palmes, quarante quatre minutes. La premiere face de l'architraue, a trentehuit minutes: la seconde, trenteneuf: la troisieme, quarante deux. Vous voyez aussi particulierement (sans en faire plus long discours) toutes les mesures sur vne chacune partie, tāt pour les haulteurs, que pour les faillies: mesmes sur la corniche, qui a trois pieds, trente neuf minutes de faillie. Mais notez que ie ne vous parle point de ses haulteurs, pour autāt qu'il est facile de les cognoistre par les nombres qui y sont escrits. Cōme le quarré au dessus du cyme, a sept minutes & demie de haulteur: le cyme, vingthuit & deux tiers: l'altragale qui est au dessous, ou sont insculpées des patenostres, quatre & demie. Les faillies se voyent au pourfil de la corniche: comme quoy? le cyme a vingt cinq minutes de faillie: la couronne au droict ou sont insculpées les testes de Lyon, trente quatre minutes, & de haulteur trentesix & trois quarts. Vous voyez aussi que la haulteur des mutules a cinquāte minutes, & trois quarts. Mais il vous fault considerer la façon desdicts mutules, & cōme ils se trouuent par les costez d'une sorte estrāge à voir, & plus admirable à l'observer en œuvre. On voit aussi dessus lesdicts mutules, au dessous de la couronne, vn membre rond, ou sont taillez

les œufs, ayant quatre minutes de saillie, & sept minutes & demie de haulteur: semblablement on voit comme la face qui est au dessous desdicts murules (ou sont les gouttes au droict des triglyphes, insculpées par le deuant des mutules) a de haulteur trente minutes. Il se cognoist aussi en ce mesme endroit, comme les mutules ont vn pied & quarante vne minutes de saillie: & le cymacion qui est au dessous, dixhuiet minutes de haulteur. Vous pouuez par mesme moyen cognoistre toutes les autres mesures, sans vous en faire plus long discours. Si vous voulez bien considerer le tout, & prendre peine de conferer les autres ornemens des corniches, lesquels vous auez veuz par cy-deuant, & pourrez encores voir cy-apres, vous trouuerez ce que ie vous ay dit plusieurs fois, estre veritable: c'est que de toutes les mesures que i'ay remarquées aux edifices antiques, ie n'en ay trouué qui fussent semblables, ains tousiours differentes: & toutesfois les edifices estoient tres beaux & admirables à la veüe. Il est vray qu'il en y a aucuns qui se trouuent auoir meilleure grace que les autres, & plus grande maiesté: comme sont ceux qui approchent le plus des diuines proportions & vrayes mesures, ainsi que nous les deduirons quelque iour, Dieu aydant. Je vous ay voulu proposer en ce lieu la prochaine corniche, comme estant plus cōuenable pour l'ordre composé que pour autre: qui est cause que ie l'ay mise au rang & ordre des composées. Il me semble aussi qu'elle seroit propre pour seruir au chapiteau Ionique, lequel vous auez veu cy-deuant à la suite & ordre des composez, & pour participer de la haulteur du chapiteau Corinthien, avec plusieurs autres sortes d'ornemens que vous y voyez.

*D'on vient
que aucuns
edifices ont
plus de grace
que les autres.*



Vous pouvez faire aussi de beaux enrichissements aux corniches, frises, & architraue, comme vous les voyez à vn petit morceau que i'ay trouué fort antique, & monstre auoir esté Dorique par les gouttes qui sont à l'architraue, toutesfois ledit architraue se monstre quasi semblable à l'ordre Ionique: comme aussi la frise enrichie de rouleaux, bouillons de fucilles renuersez, & autres qui supportent la courône de la corniche assez grosse & bien mal fiue, pour pouuoir seruir de quelque auancement. Toutesfois ie laisse le iugement de tout à ceux qui en seront curieux & desireront s'ayder en quelque sorte de ce que nous leur proposons.

*Description
brefue de la
figure ensui-
uans.*



Aduertissement sur les corniches qui seruent à l'ordre composé. CHAPITRE IX.



Ombien que ie vous aye baillé diuerfes sortes de corniches & chapitèaux composez, si est-ce que i'ay trouué celles qu'on voit à Rome aux arcs triumpphants, & ailleurs, participer entierement des corniches de l'ordre Corinthien. Il est vray que les vnes n'ont point de mutules dessous leurs courônes, & les autres en ont d'enrichis de plusieurs sortes d'ornemens: ainsi que vous l'auiez peu voir aux deux grandes corniches que i'ay figurées au liure precedent; en parlant des mesures & dimensions de l'ordre Corinthien. Je proposerois icy les susdictes corniches, ou semblables que i'ay veu, n'estoit que i'ay desia fait si grand nombre de figures, & de tant diuerfes sortes, que ie

*La plus part
des corniches
côposées, par-
ticiper de l'or-
dre Corinthien.*

LIVRE VII. DE L'ARCHITECTURE

commence à me laisser des ordres & ornements des colonnes. Et aussi qu'il me semble que i'en ay assez suffisamment traité: & ou ie y aurois oublié quelque chose, ie ne faudray de la repré-
 ainsi qu'il viendra à propos: soit en ce premier volume, ou au se-
 cond. Il n'y a en cest ordre composé chose que i'aye sceu cognoi-
 stre, laquelle ne se puisse trouuer, par les mesures & ornements
 des ordres descrits par cy-deuant: sinon, comme i'ay dit plusieurs
 fois, que les ornements de l'ordre composé, sont beaucoup plus
 riches & diuers que de tous autres. Et pour ces raisons i'ay bien
 voulu faire, quelques ornements de moulures, & non point de
 routes les parties, pour autant que vous trouuerez les inuentions
 en diuerses figures. Quoy qu'il en soit, vous verrez icy ce que les

*L'artifice de
 bien protraire
 est fort pro-
 pre & neces-
 saire à l'Ar-
 chitecte.*

anciés ont taillé sur les cymaces, & autres parties. Ce que ie pro-
 pose volontiers à fin que ceux qui apprennent les mesures des or-
 dres, apprennent par mesme moyen à protraire & faire les orne-
 ments des corniches & moulures.

Des ornements des corniches, & d'autre sorte de moulures,

CHAPITRE X.




Our autant que les ornements des colônes com-
 posées doiuent estre plus riches que ceux de tous
 les autres ordres, tant en leurs corniches, que ail-
 leurs, ie vous ay bien, pour ceste cause, voulu dō-
 ner quelque sorte d'ornemēts & moulures pour
 enrichir les parties des colonnes dudit ordre cō-

*L'auteur ne
 se pouuoit cō-
 tenter du tail-
 leur de ses pla-
 ches & figure-
 res.*

posé, soit par fucillage, ou autrement. Et pource que ie voy que
 les tailleurs de mes figures & histoires ne m'ont fait les choses si
 nettement que i'eusse bien désiré, i'ay voulu reparer la faulte par
 multiplicité de desseings & protraicts que i'ay fait tailler: & cō-
 bien qu'ils ne soient encores si bien que ie voudrois, si est ce qu'ils
 se trouueront propres pour apprendre la ieunesse à protraire, &
 les contrefaire: comme aussi tous autres qui desireront sçauoir
 faire desseings. Doncques l'ornement qui vous est cy-apres pro-
 posé, a esté par moy contrefait sur vn fort antique, & se peult ap-
 pliquer au cymacion des corniches bien à propos, selon le bon es-
 prit & dexterité de l'ouurier.

Vous



Vous pouuez appliquer aux cymes des corniches, thores, & gros membres ronds, voire encores aux frises, ou faces des couronnes, & de l'architraue, vn tel ornement que vous voyez cy-dessous: lequel i'ay retiré d'vn marbre antiquissime. On en peut faire de beaucoup d'autres sortes, comme les gentils esprits les sçauent bien inuenter: ainsi que sont petits bouillons de fueilles refendues, avec des fleurs: & d'autres, de fueilles sans refente: ainsi que le ieune apprentif les contrefaisant avec le crayon, ou la plume, en fait les desseings, pour trouuer de luy mesmes quelques bonnes inuentions, apres en auoir designé plusieurs: comme vous pouuez voir celuy de la figure suiuaute.


Les bons & subtils esprits pouuoit inuenter plusieurs belles choses,



Pour monstrier mieux par exemple cōme vous pouuez enrichir voz moulures, soit pour l'architraue, ou pied droit des portes ou fenestres, ie vous mets encores cy-apres vne autre façon d'architraue composé & fort antique: qui a esté trouué dedans terre en Ville-Adriano, pres de Tiouly. Toutesfois il me semble que c'est vne moulure qui a seruy au pied droit d'une porte: mais quoy qu'il en soit, ie la vous propose plus pour l'inuention des moulures & ornements, que ie ne fais pour les fueilles, qui n'y sont gueres bien faictes, ny bien refendues. Qui me fait pleindre à tous propos des tailleurs de mes planches.

Architrave composée & trouuée en Adriano poli, pres de Tiouly

LIVRE VII. DE L'ARCHITECTURE



Pour auoir trouué plusieurs fautes aux refentes des fueilles & fueillages de la figure precedente, i'ay bien voulu faire tailler encores la planche d'un bouillon de fueilles, lequel i'ay trouué à vne frise insculpée en marbre antique, au iardin du feu Cardinal de Gady, lors que i'estois à Rome. Lequel bouillon ie propose à noz apprentifs, à fin de le contrefaire plusieurs fois, comme aussi toutes choses qu'ils trouueront nettement faictes : pour-autant que cela les aidera à faire de beaux traictz de plume, comme vous les pouuez voir à la figure prochaine. Car il fault, suyuant le conseil de Vitruue, que l'Architecte sçache non seulement les disciplines, cōme l'Arithmetique, Geometrie, Astrologie, quelques reigles de philosophie, & perspectiue pour entendre les mesures & proportions des ordres des colonnes, des plans & montées des edifices : mais aussi la protraicture pour designer les bastiments, faire ornements & fueillages, quelquefois requis & necessaires. Doncques ce bouillon de fueilles seruira pour apprendre & donner commencement à ceux qui voudront sçauoir les refentes de fueilles & fueillages : ou il fault auoir le iugement de cognoistre la nature du destour & vmbre, pour la releuer en protraicture : & aussi pour sçauoir cognoistre comme il la fault représenter & tailler en pierre, imitant le naturel au mieux que faire se peult. Ceux qui auront la main subtile & delicate, y seront les plus adroictz, & contreferont beaucoup mieux les choses qui seront nettement faictes & protraictes.


Les apprentifs d'Architecte se deuoir exercer à protraire bien nettement.

L'art deuoir imiter nature le plus que faire se peult.

LIVRE VII. DE L'ARCHITECTURE



Vous noterez qu'il ne fault seulement apprendre à protraire les fueilles & fueillages pour les frises, mais aussi il les fault accô- *choses pron-*
 pagner quelque fois de fruiçts, de petis animaux, oyseaux, & cho- *frables aux*
 ses semblables, comme vous le verrez en plusieurs desleings de *apprentifs du*
 ce present œuure d'Architecteure, & signamment aux ornements *noble art d'ar-*
 des cheminées, portes, & autres. Il fault doncques bien appren- *chitecteure.*
 dre à protraire toutes sortes d'animaux, & choses qui donnent
 plaisir & contétemēt à la veuē des seigneurs & spectateurs: ainsi
 que vous le voyez aux edificēs antiques, esquels on appliquoit
 des Lyons pour seruir en certains lieux de gargouilles, & en au-
 tres, d'autre vsage & pratique. Qui est la cause que j'ay cy apres
 proposē vn Lyon: non point si bien faict que ie voudrois, & ce
 neantmoins tel que le ieune apprentif y trouuera quelque rudi-
 ment & commencement de mieux faire à l'aduenir.



Bref aduertissement & discours sur les colomnes Atheniennes.

DEuant que laisser le propos & discours des colomnes *De l'inuentio*
 composées & ornements qu'elles doiuent auoir, ie ad- *en sorte des*
 uertiray le lecteur que les anciens auoient encores in- *colomnes A-*
 uenté & trouué vne certaine sorte & facon de colom- *theniennes ou*
Attiques.

LIVRE VII. DE L'ARCHITECTURE

nes, qu'ils appelloient Atheniennes, n'estans rondes, comme les autres, mais bien quarrées, & quelquefois en façon de pilastres: auxquelles conuiennēt toutes les mesures & ornemēts que nous auons monstrez cy-deuant. Lesdictes colonnes composées sont propres pour y appliquer l'ordre Dorique, Ionique, & autres. Je vous certifie qu'il me faudroit entreprendre vn long discours, si ie voulois parler de toutes les sortes des colonnes: comme de celles qui sont tortues ou torfes (ainsi que l'on en voit derriere le grand autel de saint Pierre à Rome, & aussi à saint Iehan de Latran) d'autres qui sont historiées (comme celles des Empereurs Antonin & Traian, qui sont faictes & ornées de basse taille tout autour) & d'autres qui ont grande diuersité de mesures & proportions, quand elles ne sont que moitié, ou les deux parts pour le moins, hors du mur de la muraille, ainsi que vous le verrez & entendrez par le chapitre ensuyuant.

*De diuerses
sortes & fi-
gures de co-
lones.*

*Des colonnes faictes de pieces & plusieurs assiettes, qui ne sont
que la moitié, ou les deux parts, plus ou moins, hors les murs:
Et comme elles ont esté faictes, tant pour la decoration &
ornemens des murs, que pour fortifier les murailles.*

CHAPITRE. XI.



*De quelques
differentes me-
sures des colō-
nes n'estans
entieres.*

IE veux bien d'abondant vous aduertir de quelques differentes mesures & certaines reigles qui ont esté diligemment obseruées par les anciens Architectes, aux colonnes qui ne sont entieres, ains seulement contiennēt les deux ou trois parts de leur grosseur, ou quelque peu plus que la moitié: le reste estāt perdu dans l'espeſſeur du mur, ou elles sont colloquées. Telles colonnes sont differentes, & doiuent estre d'autre sorte de mesures avec leurs ornemens, que ne sont celles qui apparoissent toutes entieres, & se peuuent voir à l'entour avec toute leur circonference: ainsi que ie les ay trouuées & remarquées aux edifices antiques. Je diray d'auantage, qu'il est raisonnable, qu'un corps de colonne entiere porte plus de pesanteur que celle qui n'en a que moitié, ou les deux tiers: parquoy il doit aussi porter & auoir vne autre sorte de mesure, que celuy qui est entier, pour se trouuer dans les murailles. Pour ceste cause i'ay obserué que les colonnes qui ne sont ainsi toutes rôdes, ont esté faictes de plusieurs pieces & plusieurs assiettes. Telle façon de colonnes n'est seulement inuētée pour decorer les murailles, mais encores pour les rēdre plus fortes, & seruir de antes & poulſées

*Quelle chose
a fait inuen-
ter les colom-
nes de plu-
sieurs pieces
& assiettes,
comme aussi
d'autre forme
que ronde.*

pour mieux tenir en raison les voutes qui peuuent estre dans les edifices: ou bien quand les corps d'hostel sont trop larges, & les murs trop foibles, debiles & estroits: tout ainsi que vous voyez qu'on met quelquefois des contremurs de deux & trois pieds de faillie, plus & moins, & autant de largeur pour tenir les voutes au lieu de piliers quarrez, qui neantmoins n'ont point si bonne grace que les colonnes. Vous y pouuez faire aussi des colonnes toutes rondes, ou quarrées, au lieu des contremurs, & de telle faillie hors des murs, que vous desirez. Mais en cela il ne fault pas faire comme les menuisiers, ou autres qui n'entendent l'artifice, & plaquent les colonnes (qui n'ont que la moitié, ou les trois parts de leur rondeur) contre vn pilier quarré, ou contre vne piece de bois, ou contremur de maçonnerie. Cela est vne grâde faute, & qui en attire avec soy plusieurs autres, principalement quand on fait les troncs de colonnes d'une piece: pour-autant que la nature de la pierre n'est forte, sinô quand elle est mise sur son liêt, & non point debout: pour les raisons que ie vous ay declairé ailleurs. Mais en faisant les colonnes toutes d'assiette, & mettant les pierres sur leur liêt, non seulement lesdictes colonnes en sont plus fortes, mais aussi la muraille ou elles sont apposées. I'ay veu vne autre faute estre commise en cecy, c'est qu'on donne les mesmes sortes de mesures & ornemens aussi bien ausdictes colonnes qui ne sont point entieres, que à celles qui ont toute leur rondeur & grosseur entiere. Quant à moy ie cōseille à ceux qui voudront faire vraye profelsion d'Architecte, de ne permettre iamais aux maistres maçons d'appliquer les colonnes qui sont imparfaites en leur grosseur, contre les murailles, mais bien laisser faire cela aux menuisiers qui plaquent le bois l'un contre l'autre, & le font tenir avec colles, mortaises, chevilles, & tenons. Et encores que vous eussiez marbres, ou pierres de telle nature qu'elles peussent porter de bout, & soustenir les charges des chapiteaux, corniches & autres, iamais ne les mettez en œuvre, si elles ne sont toutes entieres, & en longueur de la tierce ou quarte partie de leur diametre. Toutesfois il aduient que l'Architecte ne puisse faire les colonnes de telle grosseur & haulteur qu'il desire, ne trouuant pierres à propos pour les logueurs qu'il luy faudroit, & aussi pour les grosseurs, ce ne luy sera deshonneur ne virupere, mais biē proufit pour l'œuvre (qui en sera trop plus forte) si l'on fait les colonnes de pieces, & par assiettes, cōme ont fait les anciens Architectes: qui ont ainsi conduit lesdictes colonnes par pieces & assiettes, & de mesmes haulteurs que estoient les carreaux dont ils faisoient les pans des murs, ou estoient les co-

La force des pierres estre quand elles ne sont mises debout, mais bien sur leur liêt.

Quelles pierres sont propres pour faire colonnes.

LIVRE VII. DE L'ARCHITECTURE

colomnes imparfaites en leur rondeur. Sur ceste raison est fondée nostre inuention & façon des colomnes que nous appellons Françaises, & se font & conduisent par pieces & assiettes, avecques tels ornemets qu'on voudra, pour cacher les commissures: ainsi que de present on en peult voir quelques vnes que j'ay fait mettre en œuvre au Palais de la maiesté de la Roynie mere, à Paris: & en verrez cy-apres des desseings sous diuerses sortes. Vous pouvez vser de telle façon de colomnes sans faire ou commettre aucune faulte entre tous les ordres, pourueu que vous leur donniez les mesures qu'il fault. Et pour autant que vous en auez veu des figures cy-deuât, & en verrez encores cy-apres, cela me fera laisser ce discours: sinon que ie vous aduertiray, que les colomnes de quelque ordre qu'elles soient, estans faites de pieces & imparfaites en leurs grosseurs, ne doiuent estre de si grande haulteur que si elles estoient entieres & parfaites: par ainsi vne colomne Dorique qui a sept fois son diametre, si elle est imparfaite, ayant seulement la moitié du diametre de l'entiere & parfaite, elle n'aura que six fois & demie son diametre pour sa haulteur. Si elle a de saillie les trois quarts de sa grosseur, elle aura de haulteur les six fois & trois quarts de son diametre. Et ainsi toutes ses parties, tant du pied de stat, que de la basse, chapiteau, architraue, & corniche, doiuent estre de moindre haulteur, & moindre saillie que des colomnes qui sont routes entieres. Doncques vous prendrez garde & aduiserez quand vous aurez à faire telles colomnes, de leur donner les mesures selon ce que nous en auons escrit, & obseruer les differences qui doiuent estre entre celles qui n'ont que vne moitié de leur grosseur, & celles qui sont entieres. Car il n'est raisonnable que l'arbre qui n'a sa grosseur entiere & parfaite, doieue tant porter que celuy qui l'a toute entiere, & bien cōplette. Aucuns qui n'entendent ces raisons, pourront dire que les pierres dont sont faits les pieds de stat, basse, chapiteau, architraue, frize, & corniche, sont dans les grosseurs des murs, ou sont erigées les colomnes, & qu'il n'en peult aduenir aucune faulte: ce que ie leur accorde tres'voluntiers, mais cela n'empesche pas qu'il n'y ait difformité en l'œuvre estant ainsi hors de ses raisons, & sans mesures. Ce qui est aysé à cognoistre en quelques colomnes qui sont en France: mais chacun n'a le iugement acompagné de sçauoir, pour le bien discerner & cognoistre.

Façon de colomnes Françaises inuentées par l'auteur.

Aduertissemens fort dignes de noter aux sectateurs d'Architecture.

L'auteur respond à quelques objections qu'on pourroit faire.

*D'une sorte de colonnes, suivant l'antique & premiere façon,
extraicte des piles & troncs des arbres.* CHAP. XII.



Et trouue que deuant l'inuention de l'ordre Dorique, & autres, on foydoit des piles & trôcs des arbres, au lieu de colonnes, pour porter les charges & fardeaux des bastiments qu'on faisoit en ce temps la. Il me semble veritablement que tel

le façon & inuention n'est à reprouuer: non pas que ie vueille persuader de faire les colonnes de bois pour porter les maçonneries, mais bien de pierres: & ressembleront aux arbres, par ce qu'elles y peuuent cōuenir en beaulté & bōne grace, aussi bien que les autres colonnes, & seroiēt en aucuns lieux plus à propos, pour-autant que vous leur pouuez donner mesure & beaulté correspondāte auecques la symmerrie & proportion des autres colonnes, comme certainement la monstrent auoir les arbres, de leur nature estans plus deliez par le hault que par le bas, & plus gros par le pied, auecques vne retraicte de bien bonne grace: de sorte que vous leur donnerez six & sept fois, voire huit & neuf, leur diametre pour haulteur, selon l'ordre que vous voudrez faire & imiter. Et si encores vous y pouuez accomoder le sexe masculin ou feminin: cōme si vous desirez façonner voz colonnes, imitans les arbres, à la Dorique, vous le faires apres la mesure de l'homme: à la Ionique, suyuant celle de la femme: & à la Corinthienne, apres celle d'une fille ayant forme & façon plus iolie & mignarde que les autres: & pour ce faire, on trouuera des arbres faicts naturellement à propos, pour y seruir de patron & exemplaire. Il ne fault icy omettre, que les anciens qui foydoiēt des piles d'arbres au lieu de colōnes, de peur & crainte qu'elles ne se fendissent par les deux bouts & extremittez, ils y mettoient des cercles de fer: de là les Architectes ont inuenté les ornemens des colonnes, & donné mesures aux basses, en y faisant les petits thores & membres ronds, auec leur filet quarré & nancelle qu'on y voit. Lesdicts Architectes ont esté si curieux d'imiter la nature des choses, que voyants ie ne scay quelle pourriture sengendrer entre le cercle de fer (qui estoit au lieu de la basse) & le corps de l'arbre (qui seruoit de colonne) & que par succession de temps illec, ou bien à l'enuiron, croissoient quelques herbes qui auoiēt les fueilles si larges & pesantes, quelles estoient contrainctes de tomber & sencliner contrebas: puis pour estre retenues des angles ou coings du plinthe de la basse, ou de chose semblable, se replier contremōr: de là lesdicts Architectes par singuliere imitation, ainsi que nous auōs dit, mirent &

L'auteur approuuer les colonnes en façon de piles & troncs d'arbres: auec ses raisons.

L'art imiter nature, tant qu'il est possible.

Pourquoy c'est que les anciens Architectes appliquoient des cercles de fer à leurs colonnes d'arbres.


LIVRE VII. DE L'ARCHITECTURE

emploierent des fûcilles larges aux angles des basses, & sans aucune refente: desquelles le département venoit du dessus du thore qui est sur le plinthe, en faisant vn retour sur les angles du plinthe de la basse, avecques fort bõne grace. D'auantage lesdicts Architectes anciẽs, au lieu de l'hypotrachelique pres le chapiteau, mettoient vn autre cercle de fer, pour tenir l'arbre en raison, & à fin qu'il ne se peust fendre, comme i'ay dit, & le pouuez voir au lieu marqué A, en la figure proposée cy-apres. Doncques sil est ainsi que les premiers Architectes ayent pratiqué aux arbres, (par imitation de nature) les trois premiers ordres des colõnes, Doriques, Ioniques, & Corinthiennes, puis avecques raisons & symmetries conuenables apres icelles trouué l'ordre des Thuscans, des cõpõlées, & Atheniennes, avec leurs ornemẽts, pourquoy, ie vous prie, ne sera il permis par imitation de la mesme nature, de nous ayder de la premiere façon des colõnes, retirée des arbres, comme vous en pouuez voir vne en la figure prochaine? Considérez, si vn portique, peristyle, & face de maison ne seroit pas belle ayant toutes ses colõnes faictes en forme d'arbres, & les chapiteaux cõme brâches couppees? Croyez qu'en leur donnant haulteurs conuenables, avec les entrecolõnements tels qu'il fault; ce seroit vne fort belle chose à voir. Le portique, cõme ie l'imagine, représenteroit quasi vne petite forest. Vray est que ie n'y voudrois appliquer aucuns pieds de stat, mais biẽ au lieu d'iceux faire cõme des tronces d'arbres couppees, sans y mettre corniche, ne basse, ains seulement garder les mesures & haulteurs d'une chacune chose, & au lieu de l'epistyle ou architraue, faire la forme d'un arbre, qui porte sur autres arbres qui font la figure des colomnes. Au lieu de la frise, ie voudrois emploier quelque façon de lierre qui seroit conduit en maniere de frise, avec vne fort bonne grace. Quant à la corniche, couronne, denticules, gueulle, cymace & cymacion, astragales, filet quarré, & autres, ie voudrois dispofer tout cela par liaisons, comme si c'estoient branches d'arbres qui sortissent par le dehors, les vnes de trauers, & les autres de pointe, comme si c'estoient les bouts des foliues qui seroiẽt aux planchers: puis les autres comme si c'estoiẽt sablières. Les aix seroiẽt au lieu des filets quarrés: la couronne au lieu de l'aire qui est sur les foliues, & les ornements parcy parla semez de petites fûcilles, & neuds d'arbres. Croyez que si le tout estoit ainsi cõduit que ie le figure, on pourroit faire vn bel ornemẽt d'edifice, & fort conuenable à vn portique & peristyle, luy donnant ses mesures autant bien, qu'à tous les autres ordres: ainsi que le vous mõstrera la prochaine figure.

*Les modernes
Architectes
deuoient en
suivre les anciẽs.*

*Portique re-
semblant à vne
forest, avec-
ques sa descri-
ption fort bel-
le & plaisan-
te.*

*L'auteur a-
uoir beaucoup
de belles inuẽ-
tions cachées
en son esprit.*



LIVRE VII. DE L'ARCHITECTVRE

*Qu'il est permis à l'exemple des anciens, d'inuenter & faire
nouuelles colonnes: ainsi que nous en auons fait quelques
vnes, appellées colonnes Françoises.*

CHAPITRE XIII.



*Colonnes de
l'inuention de
l'auteur appel-
lées François-
ses.*

*Colonnes fran-
çoises en la
chappelle du
parc de Vil-
liers costé Retz*

*Les grandes
pierres en ce
pays estre en
danger de se
delicter &
fendre.*

Il a esté permis aux anciē Archiectes, en diuer-
ses nations & païs, d'inuenter nouuelles colōnes,
ainsi que feirent les Latins & Romains la Thuf-
cane & cōposée: les Atheniēs l'Atheniēne: & lōg
temps deuant lesdicts Latins & Romains, ceux
de Dorie, la Dorique: de Ionie, la Ionique: & Co-
rinthiens, la Corinthienne: qui empeschera que nous François
n'en inuentions quelques vnes, & les appellions Françoises, com-
me pourroient estre celles que ie inuentay & fis faire pour le por-
tique de la chappelle qui est dās le parc de Villiers costé Retz, du
temps & règne de la maieſté du feu Roy Henry: Vray est que
pour la necessité ou ie me trouuay, de ne pouuoir recouurer pro-
prement, & sans grands frais, des colonnes toutes d'une piece, ie
les fis faire de quatre ou cinq pieces, avec beaux ornements &
moulures, qui cachent leurs commissures: de sorte qu'à les voir
il semble qu'elles soient entierelement d'une piece, se monstrants
fort belles, & de bien bōne grace. C'est vn ordre Corinthien, ain-
si que vous le cognoistrez mieux par le discours que i'en feray en
nostre autre Tome & oeuvre d'Architectue, auquel ie monstre-
ray le plan & mōtée du portique dudit tēple, ou si vous voulez
chappelle. Toutesfois pour vous donner ce temps pendant quel-
que cognoissance de nostre inuention des colonnes Françoises,
i'en ay cy apres figuré vne sorte à la Dorique, étant enrichie de
quelques fueillages, astragales, & commissures, comme i'ay dit.
Ce que i'ay fait pour seulement donner quelque exemple de la
façon, & monſtrer que tel ordre de colōne Dorique, avec sa coi-
niche se trouue auoir fort bōne grace étant ainsi en oeuvre. Pour-
ueu que le tout soit bien conduit, & les mesures bien obseruées,
telles colonnes se trouueront fort propres pour seruir à vn por-
tique, avec arceaux voultez par dessus leurs corniches, ou bien
tous droicts, ainsi que lon aura enuie de faire: mesmes'en ce païs,
auquel on ne peult trouuer grandes pierres qui ne soient en dan-
ger de delicter & se fendre: comme aussi en beaucoup d'autres
lieux: car quelques dures qu'elles soient, elles ont des delictes &
feincts, c'est à dire elles sont faciles à se fendre d'un bout iusques
à l'autre, en passant par le milieu: & aussi que nature ne les a pas
faites fortes pour porter de bout, comme fait l'arbre, mais bien
de plat


de plat sur leur liêt, ainsi que ladicte nature les a fait croistre. Par ainsi les appliquant aux colonnes, qui ont à porter grands fardeaux & grande pesanteur, elles sont trop plus fortes estants faites de plusieurs pieces, que d'une seule. Telle est la nature du bon marbre, n'ayant point de liêt, & pour ceste cause portant en tous sens, cōme font aussi beaucoup d'autres pierres dures: mais il ne s'en trouue gueres pour grâdes colōnes. Apres donc auoir biē retenu les mesures que vous auez veuës par cy-deuant, le present discours seruira d'aguillon pour eueiller les bons esprits, & les induire à inuenter d'autres sortes de colonnes Françoises, comme nous auons fait la Dorique avec sa corniche & ornements, laquelle nous vous proposons cy-apres, estant faite de pieces. Si est ce que quelque inuētiō que le bon esprit puisse trouuer, ie cōseille tousiours d'y obseruer & garder les vrayes mesures que les anciens & excellēts Architectes nous ont donné & trouuē suivant les vestiges de nature, par grandes & infinies experiences, tant à l'ordre Dorique & Ionique, que Corinthiē. Apres lesquels (ainsi que nous auons dit) ont esté trouuez les ordres Thuscans, composez, Atheniens, & autres: de sorte qu'en obseruant les mesures, les Architectes qui entēdront bien l'art, & en auront grāde experience, pourront par leurs bons esprits & diuins entendements trouuer vne infiniré de belles inuentions, en tous lieux & royaumes qu'ils soient: principalemēt quand ils voudront prendre leur subiect, apres la nature des lieux, comme ont fait nos predecesseurs, i'entend par imitation & exēplaire des choses naturelles que Dieu a faites & créées: soit des arbres, plantes, oyseaux, animaux, & choses terrestres ou celestes: comme aussi de leur effet, & progres de la nature & difference d'une chacune. Surquoy ie vous proposeray par exemple nostre colonne Françoisē, laquelle estant faite de pieces par certaine necessitē, on la peut orner & enrichir de la nature, des choses enuers lesquelles est plus enclin ce Royaume François, & y sont pour le plus adonnez les habitants: pour decorer non seulement le lieu des pieds de stat, basses, chapiteaux, architraues, frises, corniches, & faire autres ornements d'edifice: lesquels on peut changer & encores enrichir de diuerses deuises propres à ce royaume, comme fleurs de lys, & autres deuises particulieres aux Roys, princes & seigneurs. Bref, le bon entendemēt ne demourera à faire ses œures par faulte d'inuention d'ornements pour l'ordre des colonnes Françoises. I'espere sil vient à propos, quelque fois en faire vn discours, ou ie ne changeray seulement les colonnes, mais encores toutes les parties tant des corniches, que chapiteaux, & autres

*L'auteur
excite les bōs
esprits à nou-
uelles inuen-
tions.*

*Beaux &
bons aduerti-
sements &
dignes de no-
ter.*

*Bon vouloir
de l'auteur,
accompagné
de promesse.*

LIVRE VII. DE L'ARCHITECTVRE
pour mieux parfaire tous les ordres des colonnes Françoises, en
y observant tousiours les vrayes mesures. Ce pendant vous pour-
rez ayder de la colonne laquelle ie vous figure icy.




Ie vous propose encores cy-apres deux autres sortes de colonnes Doriques, pour montrer la difference des ornemens que vous y pouuez faire. Doncques à l'une vous n'y mettrez que des quareaux, si vous voulez, pour cacher les cōmissures qui seront entre les striures, si vous auez enuie d'y en faire mettre: ou bien, si vous les voulez plus riches, vous y colloquerez des plattes bēdes, accompagnées de fueilles, ou d'autre sorte d'ornemens: cōme vous le voyez à des plinthes quarez, avec quelque petit astragale & petites fueilles par dehors canelées, & les chapiteaux Doriques enrichis au dessus d'un architraue & corniche, sans y auoir aucune frise: laquelle est quelque-fois necessaire, quand on ne veult faire monter si hault l'edifice, soit pour eriger par le dessus, des arceaux, comme vous le verrez en vne figure au prochain liure, quand nous parlerons des portiques. Par ainsi vous prendrez telle inuention & ornement de colonnes que vous voudrez, & quelque ordre qu'il vous plaira pour les faire de pieces. On voit en plusieurs lieux des baleustres qui sont enrichis de biē fort bonne grace, & sont quasi semblables à colonnes pour porter quelque chose par dessus: toutesfois ils se montrent plus deliez, estants enrichis de fueillages & ornemens de diuerses sortes: comme de pommes de pin, & autres fruiets. Il se voit aussi chose quasi semblable aux grands chandeliers qu'on met dans les eglises, & portent sept flambeaux. Qui empeschera donc, que de tels baleustres, en leur donnant mesures & grosseurs suffisantes suyuant leur haulteur, vous ne vous en puissies seruir au lieu de colonnes: & s'ils sont plus deliez que ne sont les colonnes, d'en mettre deux l'un pres de l'autre, comme gemeaux: & que les assiettes qui couuriront les commissures des colonnes prennent toutes les deux colonnes ensemble, avecques ornemēts tels que des candelabres dont ie parle? D'auantage ne seroit il pas aisé de trouuer au dessus desdictes colonnes des branches qui se hient l'une à l'autre, & fassent vne forme de voulte & d'arceau? I'ay veu autresfois des ouurages faits à la mode Françoisē, ou il y auoit des guimberges & mouchettes (ainsi que les ouuriers les appellent) quasi semblables à ce que ie veux dire. Lon se peult aussi ayder des figures de Gemini soit pour les frises, ou pour les amortissemēts des caducées & trophées de Mercure. Pour conclusion vous pouuez trouuer les inuétions propres selon les edifices que vous auez à faire, & parfaire vne fort belle œuure Françoisē. Ce temps pendant vous vous ayderez des figures cy-apres proposées.

Pour les ornemens des colonnes Doriques cōposées.

Baleustres pouoir seruir de colonnes.

Ouurages à la mode Françoisē & anti-ques.


LIVRE VII. DE L'ARCHITECTURE



DE PH. DE L'ORME.

Par les susdicts moyens vous ne ferez seulement des colonnes Doriques composées de plusieurs pieces, mais aussi des Ioniques, & de quelque autre ordre que vous voudrez : voire à la façon & imitation des arbres, ainsi que nous auons dit. Pour doncques vous donner quelque cognoissance de nostre dire, ie vous ay figuré cy-aupres vne colonne de l'ordre Ionique, laquelle i'auois dressée & faicte expressément pour estre appliquée au Palais de la maiesté de la Roynne mere: mais, cōme le bon vouloir luy a creu de faire sondit Palais fort magnifique, & beaucoup plus riche qu'elle n'auoit deliberé au commencement, apres auoir fait poser les basses & premieres assiettes des colōnes, il m'a fallu prendre vne autre sorte d'ornemens & façon trop plus riche: voire iusques à faire tailler & insculper plusieurs sortes d'ouurages & deuises (ordonnées par sa maiesté) sur lesdictes basses & assiettes qui sont faictes de marbre: ainsi que vous le pourrez plus amplement voir & cognoistre par les figures desdictes colonnes, lesquelles ie vous représenteray au second Tome & volume de nostre Architecture, ou nous descrirons bien au long, Dieu aydant, ledit Palais. Ce temps pendant vous verrez la figure que ie propose cy-aupres, pour monstrec comme lon doit faire de plusieurs pieces les colonnes Ioniques, & toutes autres.

R iij



Colonne de l'ordre Ionique composée de plusieurs pieces, pour le Palais de la Roynne mere.

LIVRE VII. DE L'ARCHITECTVRE

*Belle histoire
de la Vengen-
ce des Grecs
contre les Ca-
riatides.*

Je n'oubliray de vous aduertir qu'au lieu des colonnes, vous pouuez aussi mettre des figures qui représenteront hommes ou femmes, ainsi que iadis feirent les Grecs. Car apres qu'ils eurent obtenu victoire contre les Persiens, ils tournerent leur armée cōtre les Cariatides, qui estoient venus secourir lesdits Persiens: & ne voulurent seulement ruiner la ville desdits Cariatides, ains mirerent tout au fil de l'espée, excepté les femmes & matrones, desquelles ils se seruoient comme d'esclaves & chambrieres, en tels habits & vestemens qu'ils les auoient trouuées. Et à fin qu'on eust perpetuelle memoire, ie ne diray de la victoire obtenue, mais aussi de la captiuité & seruitude desdits Cariatides, les Architectes, qui pour lors estoient, firent seruir aux edifices publiques, en lieu de colonnes, les images & representatiōs desdictes matrones, avecques leurs habits accoustumez: comme si elles soustenoient gros fais & fardeaux: à fin que la peine de la temerité & folle entreprise de leurs maris, fust notoire à la posterité. Autant en feirent quelque-aurefois les Lacedemoniens, des prisonniers & captifs de Perse, desquels apres auoir glorieusement triumphe, par l'aduis & conseil du magistrat, il fut ordonné qu'en testimonage & signe d'une tant belle victoire, les statues & representations des captifs & prisonniers de Perse seroient avec leurs propres vestemens & habits colloquées aux bastimens publics, au lieu de colonnes, à fin que l'orgueil des Persiens fust vengé par telle iniure, & que les estrangers ennemis y prissent exemple accompagné de crainte: & aussi que les

*Vengeance des
Lacedemo-
niens contre
les Persiens.*



citoyens de Lacedemone; voyans tels trophées d'honneur, fustent excitez & prests à defendre & soustenir la liberté de leur patrie: ainsi que Vitruue l'a fort bié deduiet au premier chapitre de son premier liure d'Architecure. Il ne fault aussi omettre, que plusieurs au lieu des colonnes ont appliqué des Termes, & les autres des Satyres, comme vous en voyez vn à la figure cy deuât, qui pourra seruir à la ieunesse apprenant à protraire. Pour conclusion; pourueu que l'art & inuention ne s'esloingne de ce que nature a fait, & que les mesures soient diligemment gardées ainsi que l'œuvre & le lieu le requerront, il est impossible qu'on ne face quelque chose digne d'honneur & louange.

Termes et Satyres au lieu des colonnes.

Des portiques & distribution des colonnes, lesquelles on applique ensemble ausdicts portiques & peristyles, ou autres lieux, suyuant l'opinion de Vitruue, & la nostre. CHAPITRE XIII.



Pres auoir monsté autant facilement qu'il m'a esté possible les ordres des colonnes Thuscannes, Doriques, Ioniques, Corinthiennes, Atheniennes, composées, & modernes que nous appellôs Françoises, comme aussi leur origine, inuention, ornemens, & mesures extraictes tant des liures d'Architecure, que des edifices antiques, ainsi que nous les auôs veus & mesurez, estant le tout accompagné d'exemples & experience, pour en auoir fait mettre plusieurs en œuvre, il me semble maintenant estre fort à propos d'en môstrer l'usage, & quelles mesures il fault donner aux entrecolonnemens, ou bien intervalles d'une colonne à autre: quand on les applique aux portiques, vestibules, peristyles, & ornemens des portes, & façades, ou faces des maisons & palais, avec les differences des vnes aux autres. Pour doncques entrer en matière, ie ne veux (comme aussi ie ne dois) faillir d'alleguer Vitruue & tous autres bôz auteurs qui nous peuvent ayder à illustrer l'architecure, & par leur autorité roborer nostre discours. Doncques ledit Vitruue en son troisieme liure, chapitre second, nous môstre quelles choses sont antes, prostyles, amphiprostyles, peripteres, pseudodipteres, dipteres, & octostyles qui font vn rac de huit colonnes, qu'on doit appliquer aux portiques & postiques, & aussi l'hypethre qu'ils appellent decastyle, par ce qu'il y a deux doubles rangées de colonnes en lignes droictes, ainsi qu'on fait à vn portique, qui sont sept ordres & façons pour monstrier comme lon doit ac-

L'auteur a noir fait mettre en œuvre la plus grande part de ce qu'il escript des colonnes.

Lieu de Vitruue touchât les rangées et ordres des colonnes.

LIVRE VII. DE L'ARCHITECTVRE

commoder & ordonner les piliers & colonnes au deuant & derriere des bastiments sacrez, qu'on appelle temples, ou eglises, & encores par les costez, comme vous le pouuez voir audit Vitruue. Qui parle aussi, au chapitre ensuyuant le susdit, de cinq especes de bastiments, & de ce qui est propre pour les portiques des temples que les Grecs appellēt pycnostyle, systyle, diastyle, arēostyle & eustyle, qui sont noms lesquels nous ne pouuons proprement tourner en nostre langage François, ne encores en Latin (comme les precedents) sinō par circumlocution, tout ainsi que tetrastyle, hexastyle & decastyle, c'est à dire l'ordre de quatre colonnes, de six, de dix, & semblables. Qui est pour monstrier la difference des entrecolonnes, ou bien qu'elle latitude & espace doit estre d'une colonne à autre, à fin que les epistyles ou architraves ne soient frangibles & en danger de rompre, estans sur les colonnes & chapiteaux, pour la charge & pesanteur que lon a accoustumé de mettre par dessus: & ainsi de la frise, corniches, tympanes ou frontispices, & autres. Mais sans en faire plus long discours, nous nous ayderons icy de la pratique qui me semble estre propre & conuenable pour les temples, palais, chasteaux, & autres edifices auxquels se peuuent appliquer & accommoder colonnes. Si doncques vous faictes vn portique tetrastyle, c'est à dire de quatre colonnes, vous diuiserez toute la largeur en vnze parties & demie, sans comprendre les faillies des basses par les deux bouts, aux deux extremités du portique. Mais si vous faictes ledit portique hexastyle, c'est à dire de six colonnes, la largeur sera diuisée en dixhuit parties. Si vous y mettez huit colonnes, toute ladicte largeur sera diuisée en vingtquatre parties & demie. Vitruue veut qu'une de ces parties soit appellée moule, & qu'on la donne pour la grosseur des colonnes par le bas & des entrecolonnes par le milieu, c'est à dire qu'on donne d'une colonne à autre trois espesseurs de colonnes, ou trois moules, & à celles des costez, deux & vn quart. Et pourautāt que ie trouue ceste raison avec ses proportions autant belle qu'il est possible de penser, ainsi que i'en ay eu l'experience plusieurs fois pour l'auoir faict mettre en oeuvre, ie n'ay voulu faillir d'en aduertir le lecteur, comme d'un des bons passages qui soit dans Vitruue: car ainsi faisant, non seulement l'oeuvre se trouue tresforte, mais encores tresbelle à voir, quand elle est bien conduite. Ledit Vitruue escrit que vn nommé Hermogenes, excellēt Architecte, trouua telles inuentions avec plusieurs autres, comme ie les allegueray en temps & lieu, & les pourrez voir (si bon vous semble en prendre la peine) dedans ledit Vitruue, avec de tresbelles mesu-

*La langue
Françoise &
Latine pour
voir représen-
ter plusieurs
mots Grecs,
sinon par cir-
cumlocution.*


*Lieu & pas-
sage de Vitru-
ue interpreté.*

*Hermogenes
auteur de plu-
sieurs inuen-
tions en l'Ar-
chitecture.*

res & de grande vtilité, lesquelles ie vous veux bié monstrier par deſſeign, à fin que vous ayez le moyen d'y prendre plaisir comme moy, & en faire vostre proufit. Vous noterez doncques (ſil vous plaist) que la ſuſdicte raiſon & meſure de Vitruue eſt fort propre, ie ne diray pour voir le département des diſtributions & interualles des colonnes, mais auſſi fort conuenable pour la diſtribution des triglyphes & metopes que les anciens Architectes ont appliqué au lieu des friſes. Leſquels triglyphes doiuent eſtre touſiours au milieu des colonnes, & autant larges comme eſt la moitié du diametre de la colonne par le pied. D'un triglyphe à autre ſe mettoient les metopes auſſi larges comme haults & tous quarréz. Par ainſi au milieu de tels portiques entre les colonnes, c'eſt à dire au droit de la friſe, y auoit trois triglyphes pour ſy troquer l'eſpace de trois diametres & groſſeurs des colonnes. Et au coſté ou il n'y a que deux groſſeurs de colonnes & vn quart, ne ſe pouuoiet trouuer que deux triglyphes d'une colonne à autre. Mais cela ſentend touſiours au droit de la friſe, ou on les colloquoit. Au deſſous des triglyphes au droit de l'architraue eſtoient les ſix petites gouttes avec leur petite reigle, ou filet quarré qui eſtoit au deſſus. Le propoſerois encores icy les meſures des haulteurs & largeurs, mais les ayant aſſez expliqué & deſcrit ailleurs, il me ſemble qu'il n'eſt de beſoing d'en faire autre recit: ioinct auſſi que vous en verrez aſſez amplement en diuers lieux de noz œuures d'Architecture. Si vous vous ſouuenez bien de tous noz diſcours, ils vous feront entendre aſſez au long la vraye raiſon & meſures de telles choſes. Vous cognoiſtrez doncques noſtre dire par le plan des trois façons pour la diſtributiō des colonnes, leſquelles vous voyez cy-apres, avecques la forte comme il y fault proceder, ainſi qu'il me ſemble.


*Beaux enſei-
gnements &
fort dignes de
bien noter &
obſeruer.*

LIVRE VII. DE L'ARCHITECTURE



Après auoir parlé des entrecolonnements, il fault consequé-
ment monstrier la distance & espace qui doit estre entre les murs
de l'edifice & les colonnes, c'est à dire la largeur du portique, la-
quelle ne doit estre autre (qui veult rendre bien fort ledit porti-
que) que les entrecolonnements qui sont par les costez, ou bien
l'espeleur de deux diametres, & vn quart de la grosseur de la co-
lonne. Vous pouuez faire vostre portique par les costez, aussi
bien que par le deuant & le derriere. Mais telle façon obscurcit
le dedans de l'edifice, si vous ne prenez le iour par enhault. Com-
bien que Vitruue en monstre les raisons, si est-ce que ie ne voy
point qu'aux edifices qu'on faiet de present, il soit de necessité y
faire des portiques tout autour : si ce n'estoit pour les basiliques
& maisons royales, ou bien pour les foires & marchez, à fin de
mettre à couuert la multitude du peuple, quand il fait mauvais
temps. Aussi telle façon est plus deuë aux temples & maisons sa-
crées, que à autres lieux, pour estre appliquée aux portiques &
postiques, ainsi que vous le pouuez cognoistre par la prochaine
figure suiuite.

*Portique tout
autour n'estre
nécessaires
aux edifices
qu'on faiet
aujourd'huy.*



Vous pourrez faire aussi, quand vous en aurez besoing, non
seulement vn portique par le deuant de voz bastiments, mais en-
cores aux edifices sacrez tout autour, voire double & triple par
rengs de colonnes, ainsi que vous le pourrez voir par la figure cy
apres descrite, ou vous voyez doubles portiques deuant, & aux
costez d'un edifice estât octostyle, c'est à dire de huit colonnes


*Les doctes
Architectes
pouuoient don-
ner des inuen-
tions plus que
admirables.*

LIVRE VII DE L'ARCHITECTURE

par chacun reng. Et se pourroit encores faire de telle sorte, que si quelques vns vouloient fournir à la despençe, on donneroit l'inuention sur ce propos d'œuvre plus que admirable, principalement ou lon pourroit recouurer de grandes colônes d'une piece, ayant quatre ou six pieds de diametre: voire de pieces, qui seroiēt beaucoup plus fortes, suivant nostre inuention. Car ie trouue estre pour le mieux de faire lesdictes colônes de pieces, pourueu qu'ô mette tousiours les pierres sur leur liêt, ainsi que nature les a crees comme nous le monstrions nagueres, & l'auons escrit ailleurs. Pour reuenir à nostre propos, vous voyez en ladicte figure cy-apres proposée, vn double portique, auquel on fait tousiours la principale entrée du milieu, plus large que les autres, comme il est de raison: *verbi gratia*, elle aura trois moules qu' trois fois la grosseur de la colomne, & les entrecolonnements qui sont par les costez, deux & vn quart en tous sens: comme il a esté dit cy-deuant: mais ce doit estre tousiours vne mesme distance, & mesme largeur pour les entrecolonnements des costez, & non pas du milieu, ainsi qu'il a esté montré ailleurs. Sur ce propos ie vous

Aduertissement fort digne de noter, veux bien aduiser encores de ce que j'ay escrit en quelque autre lieu, c'est que les colomnes qui sont sur les angles doivent estre plus grosses que les autres d'une cinquatieme partie de leur diametre. Aussi les entrecolonnemets qui sont les plus pres des angles, ne doivent point estre si larges que les autres, à fin de rendre l'œuvre plus forte, plus belle, & plus excellente à voir. Mais sur ce propos ie vous laisseray à considerer la prochaine figure. Si est ce que ie vous veux bien aduiser, que si vous voulez voir plus particulièrement les raisons du precedent discours, il vous fault lire Vitruue & autres qui en escriuent: comme aussi les proportions & mesures des portiques antiques, & mesmes de celui du tēplē de Salomon, & encores du lieu auquel il donnoit les iugements: en attendant que ie vous en escriue biē au long en nostre œuvre Des diuines proportiōs, lequel ie vous ay promis & allégué plusieurs fois, esperant, avecques l'ayde de Dieu d'accomplir en bref ma promesse. Vous pourrez aussi voir vn autre beau portique du Pantheon Romain, duquel ie vous ay parlé cy-deuant en escriuant de l'ordre & ornements des colomnes Corinthiennes. Pour ceste heure vous vous contenterez du portique cy-apres designé, à fin de vous en montrer encores d'une autre forte.

Comme



*Comme il fault faire les epistyles ou architraues aux portiques
& peristyles, quand lon est contrainct de faire plus larges
les entrecolumnemens, que ne portent les mesures
qui ont esté cy-dessus proposees.*

CHAPITRE. XV.



Le se trouue quelquefois qu'on est contrainct de faire les espaces & entrecolumnemens plus larges que la raison ne veult: qui faict qu'on est aussi contrainct de chercher des pierres fort longues pour porter d'une colonne à autre, lesquelles le plus souuent ne sont assez fortes, pour soutenir le fais & pesanteur qu'il fault mettre & maçonner par le dessus, tant des frises, que des corniches, & autres. Pour ceste cause i'ay fait à la figure cy-apres proposée, vne mesure & ordre de colonnes avec leurs ornemens, d'autre sorte que ie ne vous ay dict par cy-deuant. Le figure donc vn quarré parfait, estant aussi large comme hault, (soit pour appliquer à vn portique deuant vne eglise, ou deuant vn bastiment) lequel ie diuise en quatorze parties, & en donne vnze pour la haulteur de la colonne, avec son chapiteau, basse & soubasse que ie mets pour leuer la colône, au lieu

*Quid il fault
faire les en-
trecolonne-
mens plus lar-
ges que de rai-
son.*

S


LIVRE VII. DE L'ARCHITECTURE

*Explication
fort ample de
la figure en-
suivant.*

de pied de stat : puis pour la haulteur de la corniche, frise, & architraue, ie donne trois autres parties, qui sont les quatorze parties dudit quarré parfait, comme vous le voyez escrit en la figure suiuant. Vous y obseruez aussi comme pour sa largeur ie figure quatre colonnes, & au milieu des entrecolumnements ie mets quatre diametres, & trois par les costez, qui est grande largeur & grande estendue pour les architraues, lesquels il ne fault faire ainsi d'une piece, qui ne voudroit qu'ils se rompissent: mais pour les auoir forts, il les fault faire de plusieurs pieces, avec leurs commissures de pente, ou ioincts d'engraisement (ainsi que les appellent les ouuriers) au lieu ou vous voyez qu'à chacune commissure, au droit de l'architraue, ie fais des trouz quarrez, iacoit qu'ils ressemblent à lozanges, ayants les pointes en hault & en bas. Ce que ie vous montre & propose en plus grand volume, au dessous de ladicte figure, aux lieux marquez A, qui sont vn architraue de plusieurs pieces, portant sur deux chapiteaux, auxquels lieux de A, quād les pieces sont assemblées & maçonnées, on met vn dets de pierre tout à trauers dudit architraue, qui se maçonne avec la laitance de chaux, comme le reste. Le tout estant ainsi fait, & les pieces de l'architraue mises sur le liêt, elles sont beaucoup plus fortes que si elles estoient toutes d'une piece. Vous voyez d'autres pieces que i'ay hachées avec le dets, aussi marquées A, qui font cognoistre si familierement telle façon, qu'il n'est de besoing d'en faire plus long discours: ioinct aussi qu'il est tresaisé de cognoistre le tout par ladicte figure, ie ne diray seulement pour toutes façons d'architraue, mais aussi pour toutes plates bandes qui ont grandes saillies & grande estendue d'une colonne à autre : ainsi que i'ay fait au chasteau de saint Maur, à la porte par ou lon entre de la court au principal logis, & aussi au portique du chasteau d'Annet deuant la chappelle, ou lon voit que entre les piliers au lieu des arcs cela est tout droit. Mais pour reuenir à la prochaine figure, on y voit aussi les mesures des colonnes, basses & chapiteaux, voire la mesure d'une porte, qui a trois parties sur deux de large, avec ses ornements, ainsi que vous le pouuez iuger: laquelle chose me gardera d'é faire autre discours. Il est bien vray que i'ay trouué que en aucuns edifices antiques par dessus les architraues au droit de la frise, lon faisoit des arcs surbaissés pour garder que les architraues ne se rompissent entre les colonnes. Qui sera cause de me faire escrire d'une autre sorte de portique, beaucoup meilleure & plus assurée, quād on veult esleuer son bastiment d'un estage, ou de deux, ou trois: car il ne fault craindre qu'il en aduienne faulte.

*Continuation
de l'explica-
tion des par-
ties de la figu-
re prochaine.*

*Auvertisse-
ment non in-
digne de no-
ter.*



LIVRE VII. DE L'ARCHITECTVRE

D'autre sorte de portique voulté sur les colonnes.

CHAPITRE XVI.



*Description
Et explicatio
de la figure
qui ensuyt le
présent chapi-
tre.*

*Manière de por-
tique ne crai-
gnant la char-
ge.*

Vi auroit enuie de faire vne autre sorte de portique ou peristyle plus fort & plus assésuré que les precedents, pour porter grand fardeau, sans aucune contraincte de reiecter la pesanteur sur les architraues : & aussi qui demanderoit auoir plus de largeur & haulteur, ie luy figure cy apres quatre colonnes de l'ordre Dorique, faictes chacune de trois piéces, & ayant aux commissures quelques petits astragales ou membres ronds pour les cacher : estants lesdictes colonnes en distance l'une de l'autre de trois espesseurs, & yn peu plus que demie de la grosseur des colonnes, & tous les trois entrecolonnements d'une mesme largeur. I'ay faict par dessus le chapiteau desdictes colonnes vne corniche qui sert non seulement de corniche, mais aussi d'architraue, pour sa portion de frise. Par dessus ladicte corniche ie mets trois hemicycles, ou trois arcs à demy ronds, qui seront faicts de plusieurs piéces separées par les commissures qui prouiendront du centre, d'ou sont tirez lesdicts hemicycles. Au dessus vous voyez l'architraue Dorique avec ses gouttes, & par dessus les triglyphes & metopes accompagnez de trophées martiaux & militaires : puis tout au dessus, ses couronnes & corniches. Telle façon de portique ne craint aucunement la charge & recharge de deux & trois estages de maçonnerie, voire tant que on en voudra eriger. Bref, pourueu que les fondemens y soient bons & bien faicts, il n'y fault rien craindre, estant l'œuvre proprement cōduicte comme il fault, & le pouuez voir & iuger par la figure suiuite.



Comme lon doit planter vn ordre T huscan de quatre colomnes, soit pour vn portique d'eglise, ou bien pour vn Palais, ou autre edifice. CHAP. XVII.



Ombien que i'aye parlé cy deuant des portiques pour les temples & lieux sacrez, si est-ce que mō principal but en ce present œuure tend plus à descrire & monstrier la cōstructiō de toutes sortes d'edifices & bastiments, que des eglises & temples, desquels ie delibere parler ailleurs. Pour doncques reprendre lesdicts bastimēts, vous auez entendu comme il leur fault distribuer les ordres des colonnes, & sen ayder: mais pour plus facile intelligence de nostre dire, par maniere d'exemple ie delibere vous proposer encoires vn departiment &

L'auteur ne pretendre icy decrire la construction des temples, ains seulement des edifices et bastiments.

LIVRE VII. DE L'ARCHITECTVRE


distribution de colonnes, suiuant les nōbres & proportions que vous verrez à l'autre Tome & volume de nostre Architecture. Doncques, ie presuppōse icy que la face de vostre maison soit vn quarré parfait (i'entēd aussi large que hault, comme est la figure de l'homme ayant les bras estendus en forme de croix) & que ledit quarré soit diuisé en dixhuit parties en tous sens, qui sont trois cens & vingt quatre parties, quād les deux costez sont multipliez l'un par l'autre. De ces parties vous voyez comme en la figure cy-apres proposée, deux sont données pour la grosseur de chacune colonne, & douze pour la haulteur: le plinthe de la basse a vne partie de haulteur: la basse, vne autre: le chapiteau marqué D, vne autre: l'architraue signé C, vne autre: & la frise B, avec sa corniche marquée A, chacune vne autre partie de haulteur. Les entrecolumnes, comme celle du milieu, ou vous voyez marqué H, se trouuent auoir trois parties d'une colonne à autre, & les entrecolumnements par les costez, ainsi que aux lieux signez G, deux parties & demie. Telle façon & distribution de mesures est propre pour l'ordre Thuscan, qui doit estre fort pour porter les grandes pesanteurs, & pour n'auoir grand interualle d'une colonne à autre: ioinct aussi qu'il est dedie pour le premier ordre, par les raisons que nous auons alleguées en parlant des mesures & ornements de la colonne Thuscane. Il est vray que cecy ne s'accorde avec les mesures que ie vous ay cy-deuant proposées de Vitruue, car il veult que l'entrecolumnement du milieu ait trois fois la largeur de sa colonne, & à cestuy cy nous la luy donnons seulement vne fois & demie. D'auantage ledit Vitruue veult que les entrecolumnements par les costez ayēt deux diametres, & vn quart de leurs colōnes, & ceux cy n'en ont qu'un, & vn quart. Quoy qu'il en soit il ne fault craindre en telle façon que l'epistyle ou architraue lequel vous voyez à l'endroit marqué I, soit en danger de se rompre pour les charges qu'il porte (pourueu que la pierre soit bonne) pour autant qu'il n'a longue portée, & n'y a gueres de distance d'une colonne à l'autre. Aussi la distance des passages pour entrer dans le portique entre les colonnes, comme vous les voyez à l'endroit marqué L M, n'est pas fort large. Quand les colonnes sont de trois à quatre pieds de diametre, plus ou moins, on trouue les espaces assez suffisantes pour entrer dans les portiques, peristyles, ou autres. Pour cōclusion, si ie desirois donner à l'ordre Thuscan vne belle mesure & tresforte, ie voudrois vser de ceste cy, laquelle j'ay retirée de noz Diuines proportions, ainsi que, Dieu aydant, vous le cognoistrez quelque iour. Vous pouuez doncques colliger de la prochaine figure, non

*Declavation
des parties de
la figure en-
suivant.*

*En quoy sont
differentes les
mesures inuē-
tées par l'au-
teur, à celles
de Vitruue.*

*Inuention de
l'auteur ex-
traicte des di-
uines propor-
tions & me-
sures de la Bi-
ble.*

seulement les hauteurs, mais aussi les largeurs & saillies des corniches & moulures, tant des chapiteaux que des basses, & encores des retraictes des colonnes.



D'une autre sorte de portique de l'ordre Corinthien.

(CHAPITRE XVIII.)



E vous figure encores cy-après vn portique de l'ordre Corinthien, accompagné du nombre de six colonnes, & luy donne pour sa latitude, ou largeur, dixhuit parties, iacoit qu'elle doit estre de vingt, pour y comprendre la saillie des corniches par les costez. Les colonnes sont faictes pour toute leur grosseur d'une desdictes parties, & l'entreco-

*Declaration
du portique
cy-après figu-
ré & proposé.*

LIVRE VII. DE L'ARCHITECTVRE

l'omnément du milieu de trois, & ceux qui sont par les costez, de deux & vn quart. Cela est suiuant l'opinion de Vitruue, laquelle ie trouue fort bonne. La haulteur des colonnes avec leur chapiteau & basse, a dix de ses parties, & toute la haulteur ensemble, iusques au dessus de la corniche, fait douze parties. Je descrirois le reste bien au long, n'estoit que vous le pouuez cognoistre par la prochaine figure, & aussi que ie vous en ay assez escrit en traictant de l'ordre & mesures des colonnes Corinthiennes. Vray est que ie ne vous ay point parlé encores des tympan & frontispices, ausquels ie baille pour leur haulteur deux parties & vn quart: & pour la haulteur des acrotaires qui sont par les costez, vne partie & demie. Le sçay bien que Vitruue veut que ledit tympan ou frontispice soit de haulteur par le milieu, d'une neuuieme partie de toute la largeur du portique, à prendre depuis vn des bouts, iusques à l'autre, & au droit de la dernière cymace; mais icy nous ensuiuons noz diuines proportions. Bref, le tour doit estre perpendiculairement, soit le frontispice, ou les acrotaires, & amortissements, à la première face de l'architraue, ou bien au neud du dessus de la colonne. Il fault conduire la corniche en declinant en pente, comme lon a accoustumé de faire les tympan & frontispices, pour donner pente & vuydage aux eaux, à fin que tombant en bas elles ne baient & maculent les œuvres, ornements, corniches & autres. Les anciens Architectes ont mis aux gueulles & cymes des corniches, des testes de Lyon, pour seruir de gargouilles & vuydages des eaux. Mais notez qu'aux cymes qui sont ainsi faictes en pente, on donne de haulteur & saillie la huitième partie de toute la haulteur de la corniche, qui est au dessous. Quant à l'acrotaire, ou pied de stat qui est sur les angles (d'ot i'ay parlé cy-dessus) Vitruue veut qu'il ait de haulteur autant que est la moitié de la haulteur du tympan. Les acrotaires qui sont au milieu, sur la pointe au dessus du tympan & corniche, auront vne huitième partie d'auantage. Pour autant que telle mesure est belle, ie l'ay bien voulu alleguer, comme ie fais toutes autres choses que ie trouue les plus nécessaires & exquis. Si est-ce que ie n'ay trouué semblable mesure de frontispice & tympan aux edifices antiques, ains plustost differenter ainsi que veritablement elle doit estre, selon la haulteur & grandeur des œuvres qu'on a à faire: cōme ie le vous veux bien monstrier par l'exemple de quelques vns que i'ay trouuez aux edifices antiques, & signamment aux frontispice & tympan du portique du Pantheon, lequel portique a de largeur par le deuant, d'un des bouts de l'extremité de la frise, à l'autre, cent octante palmes,

L'auteur n'accorde auoques Vitruue en tout et par tout.

Continuation de l'explication des parties de la figure suiuant le present chapitre.

& sept minutes. Et pour vous le faire mieux entendre, ie vous repeteray encores les hauteurs de son architraue, frise, & corniche, (ainsi que ie vous l'ay monstré au sixieme liure cy-deuant feuillet 189 & 190) à fin que vous puissiez mieux cognoistre les proportions & mesures du tympan dont nous voulons parler.

Doncques la hauteur de son architraue, a palmes quatre, minutes quatre, onces deux: la hauteur de la frise, palmes quatre, minutes cinq: la hauteur de sa corniche, palmes quatre, minutes dix: & compris le cyme qui est à la corniche, & fait le frontispice, palmes cinq, minutes huit, onces trois. Au dessus de la corniche, d'un angle pointu à autre, se trouuent cent soixante huit palmes: & de telle corniche iusques au dessus du frontispice, (i'entend à la pointe au plus hault de la corniche, par le milieu du frontispice, car ie ne l'ay peu mesurer autrement) y a de hauteur, palmes trentequatre, minutes dix, once vne & demie, & en striant la hauteur de la corniche par le plus hault au droit de la pointe & angle obtus se trouueront six palmes & enuiron six minutes. Il resteroit d'ocques entre les corniches pour la hauteur du tympan, vingthuit palmes, quatre minutes, once vne & demie, ou enuiron cela. Par ainsi telle hauteur de tympan n'est pas vne septieme partie de toute la largeur du portique, mais beaucoup plus qu'une sixieme. Qui est bié loing de la mesure que dōne Vitruue quand il veult que ledit tympan soit de la hauteur d'une neuuiesme partie de toute la largeur du portique, ainsi que vous l'auez ouy cydessus en ce mesme chapitre. I'en ay trouué de plusieurs autres sortes, avec fort belles mesures, & tres admirables à voir en œuvre, desquels ie vous donnerois icy bien volontiers les figures accompagnées de leurs mesures, n'estoit que les planches ne sont encores taillées: mais ie ne faudray de les vous exhiber, Dieu aydant, sur la fin du huitieme liure prochain: tant pour le frontispice du portique du susdit Pantheon, que d'autres, avec leurs ornemens. Ce temps pendant ie vous ay bien voulu faire ce petit discours, comme i'ay fait des autres mesures, à fin que vous y prenez garde suiuant la hauteur & mesure des œuvres que vous auez à faire: car il y a aucuns frontispices & tympan, (comme ceux qui sont pres de la veuë, & qui sont dediez pour portiques, ou il n'y a que quatre colonnes, & aussi pour les ornemens des portes) ausquels ie ne voudrois donner que la dixieme partie de toute la longueur de leur frise, depuis vn bout de l'extremité de la frise, iusques à l'autre. Et quand il y a six colonnes, huit, ou dix, selon les hauteurs de l'œuvre, il fault faire les tympan & frontispices beaucoup plus haults, comme de la se-

Mesures des parties du portique du Pantheon Romain.

Opinion de Vitruue deba- tue & re- prou- uée touchant la mesure du tympan.

Aduertissement pour la composition des tympan fort digne de noter.

LIVRE VII. DE L'ARCHITECTURE


ptieme partie de la largeur de l'œuvre, ou bié de la sixieme pour le plus: laquelle sixieme est fort propre pour les hauteurs que l'on donne aussi aux pignons des edifices: auquel lieu on peut faire vne façon de frontispice sur les corniches, qui seruira pour les entablements desdicts edifices: & iagoit que lon n'y applique aucunes colônes par le dessous, si est-ce que cela se trouue fort beau,

*Instruction
pour la mesure
des frontispices & tym-
pans.*

Vous pouuez donner encores autres sortes de mesures ausdicts frontispices & tympans, soit què vous les faciez tous droicts & poinctus, ou bié circulaires par le dessus. Cela se peut tirer apres vn triangle equilateral en mettant la poincte du compas à vn des angles, & estendant ledit compas sur l'autre angle, figurant vne circonference, qui vous monstre la hauteur du tympan. La chose est semblable comme quand on veult trouuer les cornes du chapiteau Corinthien, ainsi que vous l'auetz peu voir au sixieme liure precedent, fueiller 180: auquel lieu vous voyez vn triangle equilateral marqué A B C, & mettant la pointe du compas sur l'angle C, puis l'estendant iusques au poinct de A, & faisant vne circonference, *verbi gratia*, A D B, elle vous monstre la hauteur & façon d'un frontispice, soit pour le faire rond par le dessus, ou droit. Mais tels frontispices sont fort beaux quand ils sont vnis de pres: comme ceux qui sont au frontispice des portes que verrez cy apres au huitieme liure. Quand il fault faire lesdicts frontispices à vn edifice de grande hauteur, il fault cognoistre la raison de l'optique ou perspective, pour leur donner beau-

*Promesse de
l'auteur et re-
nou au pro-
chain liure en
suivant.*

té & grace, à fin que lon en puisse receuoir contentement. Mais quant à ce propos sera assez, vous suppliant de vous vouloir contenter pour ceste heure, de la prochaine figure, en attendant le discours du huitieme liure ensuiuant, auquel nous vous proposerons, ainsi que ie vous ay promis, plusieurs sortes de portes accompagnées de leurs frontispices, tympans, & ornements. La prochaine figure vous montrera comme ie voudrois conduire le tout, suiuant le discours contenu au present chapitre



Vous avez doncques veu insques icy aux trois liures precedents, les ordres & mesures des colonnes, tant simples que composées, avecques leurs ornemens pour decorer les murs, les portiques, peristyles, vestibules, & autres lieux esquelz on les veut appliquer. Cela fait, il me semble que pour cōtinuer la suite de nostre entreprise, (qui est de conduire vn bastiment par composition methode d'Architecture, le menant & maniant depuis les premiers fondemens, iusques à la couuerture) ie dois conséquēment escrire des portes, fenestres, & lucarnes, qui seruent non seulement pour les ornemens des murs, & necessité des veuës, mais aussi pour ce qui est le plus requis aux edificēs, sçauoir est pour les entrées, ouuertures & passages, & pour oster les subiections des membres du logis, soit pour entrer dedans les sales, chambres, & autres lieux, ou aussi pour leur donner veüe & clarté, ainsi que vne chacune chose le requiert. Mais nous n'y omettrons aussi les cheminées, avecques toutes leurs parties, orne-

*I'auitem
poursuivre en
cette œuvre
me methode
d'architecture
renommée cō
positiue.*

ments, tuyaux, ouuertures & manteaux: & signamment certains moiens d'empescher qu'elles ne reiectent la fumée dedans les sales, chambres & autres lieux des logis, ainsi qu'ils se cōporteront. Ce que, Dieu aydant, nous monstrerons & figurerons si familièrement, qu'un chacun en pourra retirer quelque fruit & proufit, accompagné de singulier plaisir. Le tout pour l'vtilité & vsage du bien publique, auquel nous auons tousiours estudié de pouuoir apporter quelque proufit, moiennant la grace de Dieu: qui iusques icy a conduit nostre presente œuvre & entreprinse, & par sa sainte bonté la conduira & accompagnera iusques au bout: auquel en soit honneur & gloire eternelle.

LE HVITIEME



LE HVITIEME LIVRE

DE L'ARCHITECTVRE DE PHILIBERT
DE L'ORME LYONNOIS, CONSEILLER ET
Aulmosnier ordinaire du Roy, Abbe de
sainct Eloy lez Noyon, & de
S. Serge lez Angiers.

Prologue portant forme d'aduertissement.



DOVR sommairement recolliger & reduire, quasi en epitome, ce que iusques icy nous auons prolixement discouru aux liures precedents, vous vous resouuenez (ain si que ie croy) cōme au premier liure, nous auons donn  plusieurs aduertissements, t t pour ceux qui veul t faire bastir, que pour ceux qui entreprennent les  uures. Au second i'ay expliqu  la fa on comme l  doit traasser les fondements, & le moyen pour les faire bons, avec la difference qu'il y a des vns aux autres: puis i'ay mon tr  comme il fault nyueler & trouuer toutes sortes d'angles, & cognoistre les matieres desquelles on se doit ayder pour bien bastir. Au troisieme vous voyez la disposition, naissance, & commencement des edifices, situations des caues, & comme on les doit faire bonnes, le lieu des celiers, cuisines, gardem gers, & la pratique des traicts Geometriques pour faire voultres pour les descentes, soit en forme biaise, ou autrement, & des voultures reigl es: puis comme des vieux bastiments & maisons imparfaites, lon en peult faire de parfaites, & rendre commode ce qui est incommode. On voit aussi audit liure plusieurs sortes de portes & entr es des bastiments fort estranges, avecques la methode de les

*Brefuectsom-
maire recapitulation du c 
tenu aux li-
ures preced ts*

LIVRE VIII. DE L'ARCHITECTVRE

trouuer en autât de façons qu'on en pourra auoir affaire. Au quatrieme vous auez d'autres sortes de traiçts Geometriques, tant pour faire trompes & surpentes de plusieurs sortes, & le moien de les inuenter & conduire, comme vous le pourrez desirer, que aussi pour faire voultres propres à seruir aux eglises, temples, palays & autres edifices: pareillement pour montées d'eschaliers, & vis de plusieurs sortes. Au cinquieme vous auez le commencement des ordres des colonnes, comme de la Thuscane, Dorique, Ionique, avec la difference des stylobates, pieds de stat & autres ornemens des colonnes, retirez des antiquitez, & aussi suyuant l'opinion de Vitruue & la nostre: sans y auoir omis plusieurs belles inuentions & mesures de plusieurs sortes. Au sixieme vous trouuez l'ordre Corinthien décrit en plusieurs façons & mesures retirées semblablement des antiquitez, & de noz liures, conformément à l'experience que i'en ay fait plusieurs fois. Au septieme nous vous auons proposé les colonnes composées, avecques vn petit discours de l'ordre Athenien, & aussi de noz colonnes, lesquelles i'appelle Françoises, pour auoir esté premierement & nagueres pratiquées en France, par nostre inuention, ordonnâce & façō, avec plusieurs sortes d'ornemets de leurs corniches, frises, chapiteaux, & autres parties: à fin de les pouuoir bien appliquer en œuvre, & declarer aux apprêtifs, & autres qui s'en voudront ayder. Apres doncques vous auoir proposé ce que dessus, & auoir entendu la bonne assiette des fondemets, & pratique des traiçts Geometriques, pour sçauoir mettre toutes pierres en maçonnerie, selon les œuvres qu'on aura à faire, & aussi apres auoir cogneu tous les ordres des colōnes pour pouuoir dresser tous ornemens des murs, & encores pour les distributions des entrecolōnemens desquels on se veult ayder aux portiques, peristyles, & autres, il me semble rester maintenant à vous escrire comme lon doit appliquer lesdictes colonnes aux grands portaux, soient entrées de villes, arcs triumphauls, portes de chasteaux & palays ou autres, avecques les ornemets des murs & faces des bastimets: puis par mesme moiē vous mōstrer les largeurs & haulteurs des fenestres & lucarnes, estāts aussi accompagnées de leurs ornemens & mesures, semblablement les cheminées, tant en leurs pieds droiçts que manteaux, & amortissemens qui sont par dessus les couuertes: & ayant satisfait à tout cela, vous parler (pour la perfection des bastiments) des poulteres, plāchers, & couuertes, ainsi que desia vous en potuez auoir veu quelque chose en nostre nouuelle inuention de charpenterie. Mais delaisans ce discours, nous poursuiurons, ou plus-tost enta-

Poursuite & continuation de ce que dessus.

Des matieres que l'auteur delibere traiter en ce present liure VIII.

merons le present liure, & monstreròs par desseings & exemples comme les colonnes se doiuent appliquer aux grandes entrées de villes, ou arcs triumpaux.

*D'un arc triumpal retiré des antiquitez de Rome pour mon-
strer par exemple comme il fault distribuer les colonnes
aux ornemens des grandes portes, & en-
trées. CHAPITRE I.*




A figure que vous verrez cy apres d'un arc triumpal, laquelle i'ay mesurée estant à Rome, vous montre que toute sa largeur a tréneuf palmes & cinq minutes, & celle du vuide, c'est à dire la largeur de la porte par ou l'on passe, treize palmes, cinq minutes: les deux pieds de stat doubles qui sont par les costez, ont pour vn chacū costé de largeur, treize palmes. Il se voit comme toute ceste largeur est diuisée en trois parties, desquelles vne est pour le vague ou vuide, & les deux autres pour les deux pieds de stat qui sont par les costez & portent quatre colonnes, sçauoir est deux d'un chacū costé de la porte. Vray est qu'il sy trouue quelque peu de difference, comme de cinq minutes, qui fait que la porte est plus large, laquelle a de haulteur depuis le pied iusques au dessus de l'imposte, vingthuiet palmes, vnze minutes: & la voulte ou hemicycle de ladicte porte, six palmes, huit minutes. On remarque icy comme les distributiōs des colonnes sont données, car vne chacune a trois palmes & trois minutes de largeur par son diametre, au dessus de la basse: & d'une colōne a autre y a six palmes & six minutes, qui est pour l'entrecolonnemet la largeur des deux diametres des colonnes ou deux fois leur grosseur. Les pieds droicts qui sont au costé de la porte, ont vn palme & six minutes de largeur. Si vous voulez cognoistre plus au long les mesures de la presente porte ou arc triumpal & semblables, vous les pourrez voir en la figure cy-apres proposée, en laquelle i'ay mis iustement les mesures que i'y ay trouuées: comme aux pieds de stat quatre palmes, seize minutes de large. Vous y voiez aussi sa haulteur, & de la basse & corniche: semblablement du plinthe & basses des colonnes: lesquelles colonnes ont vingt six palmes, & deux minutes de haulteur, & par le dessus, deux palmes & vnze minutes, au dessous du chapiteau: la haulteur duquel a trois palmes huit minutes: celle de l'architraue, deux palmes sept minutes: de la frise, deux palmes: & de la corniche, trois palmes. Le tout se void par la figure prochaine.

*Declaration
& explicatiō
de la figure cy
apres desceue
& proposée.*

*Continuation
de ce que des-
sus.*

LIVRE VIII. DE L'ARCHITECTVRE



Autre inuention pour les distributions des colonnes aux grandes portes & entrées, suivant les nombres & mesures des diuines proportions, desquelles nous nous voulons ayder, ainsi que i ay dict plusieurs fois.

CHAPITRE II.




E vous propose cy-apres vn quarré parfait, & le figure comme si ie voulois faire vne magnifique entrée, ou arc triumphal, ou bien quelque grande porte de ville, chasteau, ou palais, diuisant ledit quarré en trêre parties d'vn chacun costé, scauoir est trente de hault, & trente de large. Def-

quelles i'en prend dix pour le vuyde de la porte, & dix pour vn chacun costé des fondements & pieds de stat des colonnes marquées D. Ausquels pieds de stat ie donne six parties de haulteur, en y comprenant leurs corniches & basses: & neuf pour leur largeur au deffous de leurs corniches. Puis pour la grosseur d'une chacune colonne, ie dōne deux parties, & seize de haulteur entre la basse & le chapiteau. Lequel chapiteau en a deux, & la basse vne. En apres d'une colonne à autre, il y a quatre des susdictes trēte parties, qui sont deux diametres de colonnes pour l'entre-colonnement, comme vous le cognoistrez aux endroiets marquez E. Et d'une colonne à autre par le milieu, au droict de la porte, vous trouuez douze desdictes parties, comme depuis le pied de la porte iusques au dessus de l'impōst, dixhuiet. Toute la haulteur de la porte par le milieu, au deffous de sa voulte, a vingt trois parties, ou vingt quatre, comprins l'espeſſeur de l'arc, ou voulte de porte. La clef de ladicte porte marquée F, a deux parties au dessus, & vne partie & demie par le deffous. La haulteur de son architraue marquée C, a vne partie de haulteur: la haulteur de la frise marquée B, deux: & la haulteur de la corniche signée A, deux autres. Mais telles mesures de corniches, frises, architraues & chapiteaux, qui sont sept parties ensemble pour leur haulteur, se doiuent distribuer selon la haulteur de l'œuure que lon veut conduire: car quelquefois il faudra faire le chapiteau plus hault, quelquefois l'architraue, suiuant les reigles & raisons que i'ay dōné par cy-deuant aux ordres des colonnes. Par ainsi quand il n'y a point d'ouurage ou taille à la frise, elle ne doit point estre si haulte que l'architraue: mais quand on y faict des fueilles & ornements, les anciens l'ont tousiours faict plus haulte que ledit architraue. Si est ce que ie me voudrois tousiours ayder de sēs distributions & parties, sans en donner ne plus ne moins, & m'ayder de ces nombres & diuisions de dix, de sept, & de six, à tous propos, toutes haulteurs d'edifices & inuentions d'œuures. Si vous entendez la theorique d'Architecture, & sçauiez pratiquer la distribution des nombres que ie vous propose, il vous sera ayſé de donner toutes sortes de mesures parfaites a voz œuures, & admirables, pour le grand contentement & plaisir qu'elles donneront aux ſpectateurs: ainsi que le peuuent considerer & pratiquer ceux qui en voudront prendre la peine.

*Aduertissement
fort bon
& digne de
noter.*

*Mesures parfaites
faictes et tres
admirables.*

LIVRE VIII. DE L'ARCHITECTVRE



Autre sorte de mesures, non seulement pour les arcs triumpaux & grandes portes des villes, mais aussi pour les principales entrées & portes des eglises, temples, chasteaux, palais, & simples maisons, esquelles on se peut ayder de plusieurs sortes de mesures, tant belles qu'on en aura affaire. CHAP. III.



Ous trouuerez cy-apres vne autre sorte de quarre parfait, lequel ie diuise en sept parties d'un chacun costé (au lieu que ie l'ay diuise par cy-deuant en trente) puis ie multiplie deux desdicts costez par eulx mesmes, en disant sept fois sept, qui me rendēt quarante neuf. Cela fait, ie tire deux li-

gnes diagonales dedans lediēt quarré parfait, comme vous les voyez de I à L, & de T à K, & ou c'est qu'elles entrecouppent la ligne S C, & R Z, cela mōstre la haulteur que doit auoir vne porte quarrée, suiuant la ligne V X, laquelle enseigne la haulteur de la porte P S, & O R. Quant à sa largeur, elle seroit comme R S, O P, qui sont trois parties de largeur, sur cinq de haulteur. Si vous voulez que ce vague, ou vuyde, & grande haulteur de porte, serue pour voultres & haulteurs d'une eglise, ou d'un arc triumphal, vous mettrez vostre compas au centre Y, & en ferez vn hemicycle, ainsi que vous le voyez, representant la voulte: puis par le dessus, au lieu marqué 4, vous faictes la haulteur du pronao, ou lanterne, qu'on met quelque-fois sur les grandes voultres des eglises, ou d'autre sorte d'edifice. Ladiēte lanterne a vne seprie-me partie de largeur de tout le quarré, ainsi que vous le pourrez cognoistre par la figure prochaine. Mais si vous voulez faire des basses voutes, vous tirez vne ligne du centre A, qui est le milieu de la porte, iusques à C, & au lieu qu'elle entrecoupe la ligne Q & G, sur la ligne M N, vous trouuez la haulteur du dessus de l'impōst des basses voutes. Puis mettant le compas au centre H, & faisant vn hemicycle, cela vous monstre iustement à faire la haulteur de vos basses voutes. Quant à la pente & la couuerture ayant vne poussée & boutée suffisante cōtre la grande voute, ou grande porte du milieu, vous les prenez sur la ligne horizontale qui fait la quatrieme partie de la haulteur, ainsi que vous y voiez les lignes de pente qui representent les couuertes des basses voutes, ou des petites portes qu'on peult faire par les costez des grandes. Lesdiētes basses voutes vous monstrent aussi la haulteur & largeur que vous deuez faire dedans œuure, quand vous faictes les ornemens des colonnes par le deuant. Par ainsi de sept parties de toute la largeur de vostre edifice, les trois sont données pour la principale entrée du milieu, & grande porte, si vous voulez, & deux d'un chacun costé pour les petites portes, qui ont deux parties sur trois, & enuiron vn quart de haulteur. Quand telles mesures sont tirées, il fault trouuer les grosseurs des murailles & piliers qui se font, tant pour les extremitez, que pour les separations des grandes & basses voutes, ou grandes portes & petites. La ligne A B, vous propose vne autre sorte de mesure pour la haulteur d'une porte, au lieu ou c'est qu'elle entrecoupe la ligne C S, pour monstrier le vague de ladiēte porte, tant sur sa largeur, que sur sa haulteur, qui peult auoir quatre parties sur trois. Ladiēte mesure mōstre aussi la haulteur des fenestres, pour donner clarté dedans la grande voulte iusques à la lettre P, ou

*Declaration
bien ample de
la figure cy a-
pres proposée,
en des parties*


*Continuation
de ce que des-
sus.*

*Poursuivre de
l'explication
de la figure
suivant*

LIVRE VIII. DE L'ARCHITECTVRE

*Aduertisse-
ment de l'au-
teur accompa-
gné de bon
vouloir.*

bien au droit de la ligne V X. Si vous desirez faire vne plus petite porte, vous pouuez prendre la largeur d'une de ses parties, cōme vous la vōyez au milieu, marquee A. La haulteur sera autant que M E, qui se faict par vne ligne circulaire qui vient de l'angle, estant aussi longue que la diagonale, d'un de ses quarrez. Vous serez aduertis que la prochaine figure que ie vous propose cy-apres, n'a esté faicte pour ce present ceuvre d'Architectre, mais bien pour nostre second Tome, auquel ie l'accommode aux proportions & mesures des eglises, & lieux sacrez. Mais voyant que ce lieu estoit fort à propos pour l'appliquer aux mesures & demonstrations des portes & grandes entrées des palais, chasteaux & maisons, ie l'ay bien voulu icy produire & mettre en lumiere, à fin qu'on s'en puisse ayder, pource qu'elle monstre plusieurs sortes de mesures pour les ouuertes des portes. Par ainsi vous pouuez faire vne grande porte qui sera de trois parties sur six & demie, compris l'espeſſeur de la voulte : en la faisant ronde, ou biē quarrée de trois parts de large sur cinq de haulteur, ou bien de trois de large sur quatre de haulteur, & quelquefois de la haulteur de la diagonale du quarré : comme celles qui sont par les costez, de deux sur trois & yn quart, & quelque chose d'auantage. Il ne fault craindre de faire ainsi toutes ces ouuertes & haulteurs de portes, car elles se trouueront très-belles.



*Autre sorte pour trouver promptement les mesures d'une porte
avec les ornements de ses colonnes. CHAP. IIII.*



Vand vous desirez faire vne porte mediocre, c'est à dire n'estant trop riche d'ornemets, il fault seulement appliquer en ses pieds droicts quelques moulures en façon d'architraue, & des mutules, & corniches, comme aussi des colonnes, avec leur basse, chapiteau, frise, & corniche. Si vous y voulez faire vn ordre Dorique, vous diuiserez toute la largeur & haulteur d'un chacun costé en dixhuiet parties, & multipliez vn des costez par l'autre, comme dixhuiet par dixhuiet, &

Pour vne porte qui n'est trop riche & superbe.

LIVRE VIII. DE L'ARCHITECTVRE


vous aurez trois cens vingt quatre parties, ainsi que vous le pouvez cognoistre par les lignes qui sont tirees de long & à trauers en la figure suiuite. Sur ce propos vous vous souuiendrez des nombres dont ie vous ay aduertis cy-deuant. à fin de vous en ayder, qui sont deux, trois, six, sept, & dix, lesquels nous employons icy, en donnant trois fois six de longueur, & autant de haulteur au proche desseing, qui sont dix huit parties pour chacū costé. Puis nous prenons la tierce partie de la largeur (qui est six) & la donnans à la largeur de la porte entre les pieds droicts, & la reste des dix huit parties, scauoir est douze pour la haulteur depuis le fueil, ou lon marche, iusques au dessous de sa couuerture.

*Porte quarrée
pour vne prin-
cipale entrée
de palais ou
grande maison.*

Ce faisant il se trouue vne porte quarrée, qui est propre pour vne des principales entrées d'un palais, ou d'une grande maison, au lieu ou lon fait vne grande entrée. Doncques sil luy failloit six pieds de large, elle en aura douze de haulteur dans oeuvre. Vous donnerez en apres vne de ces parties à la largeur du pied droict pour faire la moulure & architraue, qui regnera tāt dessus la couuerture, qui est le supercile, que par lesdicts pieds droicts. Vous ferez vne frise par dessus ladicte couuerture, qui aura de haulteur vne des susdictes parties, & autant pour la corniche, qui sera au dessus de la frise. Et en faisant des mutules ou rouleaux par les costez de la porte, ils auront par leurs costez vne de ces parties de largeur, & trois de haulteur, estants suspendus depuis le dessous de la corniche, iusques en-bas. Depuis le pied droict de la porte, vous prendrez trois de ces parties, & au bout d'icelles vous erigerez vne colonne d'un chacun costé, ou bien vn pilier quarré de l'ordre Dorique, qui aura deux parties de largeur, & treize de haulteur: sa base, chapiteau & architraue, chacun vne partie pour leur haulteur: & autant pour la frise & corniche. Si est ce que la corniche doit auoir vne quarte partie d'auantage: mais elle se prend sur la haulteur de la frise: qui doit auoir moins la quarte partie que la haulteur de l'architraue, quand lon n'y fait point d'ouurages: ainsi que vous auez veu telles mesures par cy-deuāt. La presente mesure est aussi fort propre quand on veult faire vne corniche qui porte son architraue sans frise. Oultre ce que dessus ie laisse encores vne partie aux costez des colonnes par les extremités, pour seruir aux saillies des basses des corniches. Par ainsi vous voyez à la figure cy apres descrite, comme vous deuez distribuer ses largeurs de dix huit parties, ou dix huit pieds, & autant ses haulteurs, estant le tout diuisé par trois parties, & par six: comme quoy? tous les costez & ornemens de la porte ont six pieds de chacun costé: la porte, six pieds de largeur, & douze

*Continuation
des mesures
de la susdicte
porte & de
ses ornemens.*

de hauteur: & de rechef six pieds pour ses ornements & corniches par le dessus. Vous noterez que vous pouvez faire telle façon tant riche, pour l'ordre Dorique, qu'il vous plaira. Bref en observant ces departiments & mesures vous ferez toujours une œuvre qui sera tres-belle & fort plaisante à voir: ainsi que vous le pouvez considérer par la prochaine figure, sans vous en faire plus long propos ou discours.



LIVRE VIII. DE L'ARCHITECTVRE

*D'une sorte de porte de l'ordre Dorique & Ionique, suivant
l'opinion de Vitruue. CHAP. V.*



*Opinion de
Vitruue pour
les portes de
l'ordre Dori-
que.*

*Passage de Vi-
truue fort biẽ
interprẽtẽ.*

*De l'estroissif-
semẽt des por-
tes par le des-
sus.*

Vitruue en son quatrieme liure, chapitre sixieme, descriuant les portes, met difference entre portiques Doriques, Ioniques, & Atheniẽs, & donne le moien de tous. Comme pour les Doriques, il veult que la couronne superieure, qui se met sur le front & couuerture de la porte, corresponde à l'alignement des architraues: & que l'edifice ou lon desire eriger les portes, depuis le paue iusques aux voultres ou lacunaires, soit diuise en trois parties & demie, & deux d'icelles donnees pour la reception du iour, ou ouuerture des portes. Cecy est biẽ conuenable pour la porte d'un temple ou basilique (i'entend d'une grande salle Royale, que nous appellons Salle de bal) mais nõ pour logis ordinaires, car on doit donner haulteur à vne chascune porte, selon le lieu ou elle est situee, & la subiection de l'estage, & des chambres, salles, ou galleries qu'on veult faire par dessus, si est ce qu'il y fault tousiours obseruer les mesures, en leur donnant vne vraye proportion & beaulte de largeur, selon la haulteur, comme ie l'ay monstre cy-deuant. Ledit Vitruue ayant arreste la haulteur de sa porte, il la diuise en douze parties, & en donne cinq & demie pour la largeur de l'entree, qui se monstre belle. Il parle aussi des restroissifsemẽts de la largeur par le hault, & du pied droit des portes, qu'aucuns appellent iambages, & veult qu'ils soient de largeur d'une douzieme partie de la haulteur de ladicte porte, & que la couuerture de la porte (appellẽe d'aucuns le sourcil ou fronteau portant vne moulure de mesme sorte que le pied droit, en forme d'epistyle, ou d'architraue) soit de mesme haulteur que la largeur du pied droit par le bout d'en hault: qui est raisonnable. Je vous escrirois encores l'opinion dudit Vitruue touchant les moulures & signamment du cymace, lequel il veult estre d'une sixieme partie de sa largeur, diuisant le reste en douze parties, lesquelles il distribue aux trois faces, de sorte que la premiere en a trois, la secõde quatre, & la troisieme cinq: Mais nous laisserons telles facons de moulures, pour autant que vous les pourrez voir audit Vitruue, & aussi que par cy-apres nous en donnerons de plusieurs sortes, tout ainsi que de l'estroissifsemẽt, lequel Vitruue veult qu'on done aux portes par le plus hault de l'ouuerture. I'ay souuenance d'en auoir marquẽ en plusieurs lieux de semblables & fort antiques, & mesmement aux fenestres lesquelles ie trouuois plus estroictes dessus que dessous: comme

comme lon en peult voir encores à Thiuly pres de Rome en vn temple fort antique, toutesfois assez entier, & tres-beau & admirable. Il n'est de grandeur notable, ains assez petit, estant accompagn   d'un portique tout    l'entour en forme ronde, le commun l'appelle le temple de la Sibyle. S'il vient    propos ie le descriray ailleurs, & donneray son dessein. Je ne puis penser autre raison pourquoy les anciens faisoient les portes plus estroictes dessus que dessous, sinon que les pieds droicts seruissent de bout  e & force    soustenir la grande masse & pesanteur qui pouuoit estre sur les couuertures desdictes portes,    fin qu'elles ne se peussent rompre: ce que aucuns pourront trouuer bon, autres non. Si i'auois    faire de portes autant larges qu'on les pourroit penser, ou desirer, ie ne voudrois faire leurs couuertures d'une piece, & n'aurois besoyn d'ainsi les composer pour soustenir lesdictes couuertures: pourautant que ie les voudrois faire de plusieurs pieces, & les ioinctes par engressements: & encores au droict d'un chacun ioinct ou commissure, ie voudrois mettre vn dets de pierre, (ainsi que vous auez veu cy deuant) pour soustenir les architraues qui sont de pieces. Ce qu'il fault executer qu  d on veult faire les entrecolonnements d'excessiue largeur. Aux grandes couuertures des portes qui sont fort larges, quarr  es, & dress  es en telle sorte, il ne fault craindre que la pesanteur & charge que lon veult mettre par dessus, les puisse offenser: ny qu'elles soient en danger de rompre: ainsi qu'il se peult voir par exemple en diuers lieux, & signamment au chasteau de saint Maur des fosses lez Paris, sur la porte en entrant, au vestibule entre les deux salles, ou il y a de treize    quatorze pieds de port  e d'architraues, d'une colonne    autre, & d'assez grande saillie hors du mur. Ainsi que vous le pourrez cy-apres remarquer au lieu ou ie monstre la face & mont  e du ded  s de la court dudit chasteau de saint Maur, pour enseigner comme les fenestres & portes sy trouuent colloqu  es. I'ay bien trouu   aussi vne autre sorte de mesure en vne porte antique, fort belle, & sans grand ornement, estant en l'eglise de sainte Sabine    Rome, laquelle a de largeur pour son ouuerture par le bas, treize palmes & quatre minutes, & par le hault aupres de sa couuerture, quatorze palmes, minutes deux, onces trois, avecques vingtquatre palmes de haulteur, l'architraue, ou moulure qui est au pied droict par le deuant, sur la premiere marche, a de largeur deux palmes, onces trois, & au plus hault au droict de la couuerture de la porte, palmes deux, minutes quatre, qui sont trois minutes & vne once de largeur plus que par le dessous. C'est vne fa  on toute contraire    celles que i'ay par cy-deuant propo-

*Choses dignes
de noter pour
la couuerture
des portes.*

Porte au chasteau de S. Maur des fosses lez Paris

Porte de l'eglise sainte Sabine    Rome.

LIVRE VIII. DE L'ARCHITECTVRE

fé, pour estre plus large par le dessus, que dessous, tant à la largeur & entrée de la porte, que à la largeur des pieds droicts. Je trouue ceste porte auoir esté faicte auec grande raison & bon iugement de l'Architecte : pour autant que quand les portes qui ont grandes haulteurs sont aussi larges dessus que dessous, il semble pour la debilitatiō de la veuë, qu'elles soiēt plus estroictes par le hault, que par le bas : & par mesme raison les moulures qui sont au pied droict, & à la couuerture, se monstrent plus estroictes par dessus, que par dessous : qui ne seroit conuenable, ny beau à la veuë. Pour ceste cause l'Architecte a faict ladicte porte plus large. La grande porte du Pantheon Romain (duquel nous auons souuentefois parlé) est quasi de telle raison, pource qu'elle a vingtsix palmes & vn tiers de large, par le dessous, & au dessus près de sa couuerture, vingtsix palmes & deux tiers : il y a donc quelque peu de difference, pour estre vn peu plus estroict par le dessous que par le dessus. La haulteur de ladicte porte, entre la couuerture & le fueil, a cinquante trois palmes & vn tiers. Je vous veux bien aduertir que ladicte porte est plus que admirable, pour auoir les pieds droicts & la couuerture tout d'une piece : ainsi que quelque iour ie le monstrey plus apertement, si Dieu me faict la grace de pouuoir mettre en lumiere vn liure de plusieurs portes antiques, auec toutes leurs mesures & ornements, ainsi que ie les ay retirées & mesurées, en voyageāt par diuerses nations & pais. Mais quant à ceste façon de portes, ie n'en parleray d'auantage pour le present, ny de leurs ornements, pour autant que ie vous en proposeray cy-apres plusieurs sortes. Ce temps pédant ie vous conseille de bier retenir les bonnes mesures que Vitruue vous donne, sçauoir est, que la haulteur de vostre porte dedans ceuvre (quand ce sera pour la grande entrée d'une maison) soit diuisée en douze parties, & cinq d'icelles, auecques vne demie, données à sa largeur : & vne autre pour l'ornement & largeur de la moulure qu'on voudra mettre au long des pieds droicts, & couuerture, ainsi qu'il a esté dict. Vitruue donne telles mesures pour les portes Doriques, & enseigne vne autre sorte de mesures pour les Ioniques, ainsi que vous le verrez au chapitre & discours ensuiuant.

*Grande porte
du Pantheon
Romain.*


*L'auteur pro-
met vn liure
de plusieurs
portes anti-
ques.*

*Mesures de
Vitruue pour
les portes Do-
riques.*



Vitruue veult que la haulteur de la porte Ionique
 soit diuisée en deux parties & demie, & que la lar- De la haulteur & largeur de la porte Ionique.
 geur en cōtiēne vne & demie : cela s'entend pour
 le vague ou vuide, entre les pieds droicts, le fueil,
 & couuerture: comme qui voudroit prédre cinq
 parties en haulteur, & deux & demie de large:
 puis il veult que le reste de la porte soit estroissi par en hault, ainsi
 que la Dorique. Quant à moy, ie vous ay dict cy-deuant ce que
 i'en ay trouué, & que (sous correction) ie ne les voudrois faire
 ainsi, ny moins rapetisser les pieds droicts: i'entend la moulure,
 ou architraue qui se faiēt par le deuant, ny aussi rapetisser la lu-
 miere de la porte, mais bien faire ladiēte porte toute quarrée, au-
 tant large par en hault, que par en-bas: n'estoit qu'il luy faillust
 donner excessiue haulteur, car lors ie la ferois plus large par le L'auteur ne cōuient avecques Vitruue, en tous et par tout.
 dessus, que par le dessous, tant par l'ouuerture, que par les pieds
 droicts, suiuant les reigles de perspectiue, à fin de faire sembler
 à la veüe, que le dessus & dessous soit d'une mesme largeur. Tou-
 chant les ornemens des portes Ioniques, tant pour les corniches
 que mutules ou rouleaux, cymes & cymaces, couronnes, & au-
 tres noms que Vitruue leur donne, vous les pourrez beaucoup
 mieux cognoistre par les figures & ornemens que ie vous en
 proposeray cy-apres, que par longue escripture. Qui sera la cause
 que ie passeray oultre, sans en faire plus long discours. Ceux qui
 feront curieux, & voudront prendre la peine d'entendre plus au-
 long ce qu'en dit Vitruue, ils pourront apprendre de luy beau- L'auteur excite les profes- seurs d'Archi tecture à la leçon de Vitru ue.
 coup de bonnes choses, pour auoir esté mis en diuerses langues:
 i'açoit que les figures ne soient par tout bien faictes, & le plus sou-
 uent ne correspondent à l'escripture: mais pour cela on ne lairra
 d'entēdre les belles mesures qu'il propose, pour sen ayder quand
 il sera de besoing & necessité.

LIVRE VIII. DE L'ARCHITECTURE



*D'une porte de l'ordre T'huscan & façon rustique,
portant un balcon par le dessus.*

CHAPITRE VI.



E vous descry cy-apres vne sorte de porte Thuscane, ayant deux colonnes par les costez, faictes de pieces & façons rustiques : les basses, chapiteaux & corniches, sont gros, massifs, & vn peu lourds, plus tost que delicats, comme d'une façon robuste pour porter vne grande pesanteur, sous forme


*Description
Et explicatiō
de la figure de
la porte ensui-
uante le present
chapitre.*

ronde, & non point droicte par sa couuerture, ainsi que l'a escrit Vitruue. Le figure comme les commissures & ioincts des pierres de la voulte doiuent estre longues, ie dy tant que faire se peult : ainsi que vous le voyez aux clefs, qui donnent iusques au dessous de la corniche, & trauerseent l'epistyle, ou frise : laquelle chose rend vne force grande à merueilles. Par dessus i'ay figuré vne petite terrasse ou balchon, à la mode d'Italie, ainsi qu'il se voit en plusieurs palais à Rome, Venise, & autres villes, ou lon sort du logis au droict des fenestres, pour entrer en tel balchon ou forme de petite terrasse, pour mieux receuoir l'air & prendre le plaisir de ce qui est autour. Vous trouuerez la porte de belle mesure & grande force pour soustenir telle pesanteur de maçonnerie que vous voudrez mettre & imposer par dessus. Le balchon aura de faillie hors l'allignement du mur, autant que sera la grosseur des colonnes, & quelque largeur qu'ait la porte, il ne fault craindre que la terrasse & balchon ne sy puisse asseurement porter, estant l'œuvre massiue, & les corniches tres-fortes : & aussi que la clef de la voulte de la porte, avec les deux pieces qui sont aupres de ladicte clef, sont si haultes qu'elles portent la couronne de la corniche, qui monstre vne façon rustique, tresforte & tresasseurée. Quand on seroit contrainct de mettre des balchons par dessus les portes, & qu'il n'y eust aucunes colonnes, estant l'œuvre toute vnue & hors de façon rustique, vous y pourrez faire des mutules striez à la mode Dorique, ou autrement : ainsi que vous les scaurez bien inuenter : & auront telle faillie que vous la desirez à vostre balchon. Qui est la cause que i'ay faict encores vne petite figure apres la porte que vous verrez cy-apres : pour vous aduiser non seulement des ornements des portes, mais encores des terrasses, & balchon lequel on peult mettre dessus lesdictes portes.

*Porte de gran
de force Et
soustienement.*

*Aduertisse-
ment soit bon
Et digne de
noter.*





Des portes Doriques. CHAPITRE VII.



N peut faire les portes Doriques quasi d'une mesme sorte, & ainsi massiues que les Thuscanes, pour estre fort proches de leurs mesures & quasi de mesmes façons. Tous ces deux ordres sont propres pour les façons rustiques, il est vray qu'il y a difference des mesures, & aussi qu'on peut faire (qui veult) plus larges les portes Doriques, & plus haultes, que les Thuscanes. Si est-ce que les figures que ie vous en propose cy apres sont plus pour l'inuention, façons, & ornements desdictes portes, que pour leurs propres dimensions: desquelles ie ne delibere escrire, pour autant que toutes les mesures dont i'ay parlé cy-deuant, vous donneront intelligence non seulement des portes, mais encores de toutes façades que vous aurez à faire: comme aussi d'autres choses. Je donne pour la grosseur de tous les piliers qui sont par les costez avec leurs colonnes, la moitié de la largeur & ouuerture de la porte: comme si toute la face de la porte, & ses ornements, estoient diuisez en quatre, les deux seront pour la largeur & entrée de la porte, & des deux autres, vne pour vn chacun costé des piliers & colonnes qui sont l'ornement de la porte. Doncques la porte Dorique, laquelle ie vous figure cy-apres, est faicte comme sil y auoit des marches pour y monter: desquelles la premiere contient, ou doit contenir, toute la largeur de la porte, avec les colonnes & pieds droicts, qui sont par les costez: la seconde est faicte pour pouuoir gaigner quelque lumiere, ou clarté dans les celiers, où caues, au lieu que vous voiez pour marque vne façon de fenestre longue sous ladicte marche:

*Les portes
Doriques ap-
procher des
Thuscanes.*

*Les mesures
precedentes don-
ner intelligenc-
ce des portes
& façades.*

*Des marches
de la porte Do-
rique.*

LIVRE VIII. DE L'ARCHITECTURE

*Posuite de
la description
de la porte Do-
rique cy apres
proposee.*

*Des ornemens
de la porte
Dorique.*

la basse des colonnes est figurée comme si c'estoit vne Thuscane avec peu d'œuvre, pour autant que au lieu ou elle est, les pages & laquais qui sont indiscrets & malicieux, rompent ordinairement tout ce qu'ils y peuuent toucher à la main: ou pour le moins ils le barbouillent & difforment. Parquoy il me semble qu'en ces basses la, on doit mettre le moins d'œuvre qu'on peut. Je figure tout le reste de la porte, comme si elle estoit faite de brique & pierre de taille, qui est vne façon pour espargner la pierre aux lieux, ou lon n'en peut recouurer qu'avec grande despense. Si est ce que quand telle œuvre est bien conduite, elle se montre estre bien forte, pour les assiettes de pierre de taille qui lient & tiennent en ordre & raison la maçonnerie faite de brique: laquelle se peut encores mieux conseruer pour l'auancement desdictes assiettes qui excèdent, & sortent au dehors du perpendicule du pied droict en façon rustique, ou bien des pieces routes vnies, & aussi de la voulte de la porte: tout ainsi que vous le voulez, comme d'un poulce, de deux, ou de trois de saillie. J'ay orné la porte que ie vous represente cy apres, d'une corniche avec sa frise sans aucun epistyle: ou d'un tympan par le dessus avec ses acroteres: laquelle chose peut seruir d'appuy à vne petite terrasse qu'on voudroit mettre par dessus vne porte, sans y appliquer balustres, ny pierres de taille, sinon l'appuy, ou forme d'un plinthe, & le reste de brique. Par ainsi voila vne autre sorte de balchon, comme vous le pouuez voir cy-apres avecques toute la figure de la porte Dorique, sans en faire plus long discours.



LIVRE VIII. DE L'ARCHITECTURE


Des portes composées, ou de deux ornements de portes en vne seule. CHAPITRE VIII.

*Des ornemens
de la porte com-
posée.*



*La largeur de
la porte de-
voit estre pro-
portionnée à
la hauteur.*

E vous donneray encores icy deux autres sortes de portes qui peuuent seruir à vne seule & separémēt l'une apres l'autre, & les pourrez appeller aussi tost Doriques, que autrement: mais beaucoup plus proprement, portes composées, ou deux ornements de portes en vne seule. Car l'ornemēt du milieu avec ses pieds droicts, corniche & tympan, qui est par dessus la couuerture de la porte, pour estre avec peu d'ouurage, a esté nommé Dorique, pour autant que l'ordre Dorique ne veult auoir gueres d'ornemēts, ainsi que nous auons dit. Si est-ce que pour estre fait d'une proportiō delicate & allegre, vous le pourrez aussi appliquer & adapter à vne porte Ionique, & l'enrichir cōme vous voudrez. L'autre ornemēt qui est par les costez des pieds droicts de la porte, ou lō voit des mutules & gouttes au dessous (ainsi qu'à l'epistyle Dorique) & encores d'autres sortes de mutules qui portent la corniche d'enhault, avec vne vieille & decharnée teste de beuf par le milieu, & quelques gouttes au dessous, pour estre modeste & mediocre avec ses ornements, & vn tympan, ou lon voit des festons, & encores vne teste de beuf seiche par le milieu, cela monstre estre vne autre inuention faicte apres la Dorique, ou bien à son imitation, ainsi que tous bons esprits le peuuent iuger: & y pourront aussi adiouster quelques autres ornements à leur plaisir. La principale industrie est, qu'ils sçachent donner à toute la porte hauteur & largeur conuenable & agreable à la veüe: & aussi que le iour, par la largeur d'entre les pieds droicts, soit bien proportionné à la hauteur. Vous pouuez voir par la figure prochaine le contenu au discours du present chapitre, à fin que ie ne vous sois trop proluxe & moleste.



LIVRE VIII. DE L'ARCHITECTVRE


Porte quarrée & droicte par sa couuerture, d'une inuention tresbelle. CHAPITRE IX.

*Porte quarrée
& droicte
par sa couuerture.*



La bonne figure, porte dorique, son esquisse.

Evous figure cy apres vne autre façon de porte estant quarrée & droicte par sa couuerture, & ayant des piliers par les costez, ou lon ne voit que le plinthe de leurs basses au dessus desdicts piliers, qui sont plus larges par le hault que par le bas. Qui est le contraire des colonnes & piliers qui sont fais par mesures, & doiuent estre plus estroicts par en-hault que par en-bas. Mais telle inuention est trouuée selon l'aduis & fantasie qui se presente, ainsi que plusieurs autres : lesquelles pourueu que les mesures y soient bien obseruées se trouuēt tousiours auoir bonne grace : qui est chose aisée de faire à ceux qui ont l'experience & vsage d'Architecture. Vous voyez comme au dessein cy-apres representé, ie figure au lieu de chapiteaux des mutules en forme de rouleaux, qui portēt le plat fond d'un tympan ou frontispice, estant couppé, comme il se voit, & ayant ses corniches par le dessus, & ornements aux acroteres, ainsi qu'il se peult cognoistre en la figure avec tous les autres ornements & pieces entaillées qui sont par dessus la couuerture de la porte, & par dessus vne table d'attente en façon d'amortissement, accompagné d'un autre tympan, & autre ornement. Si ie voulois tout descrire par le menu, seroit chose trop longue: ioinct que vous le pouuez facilement comprendre par le desseing cy-apres proposé: qui est d'une porte Dorique ayant trois marches, qui la font bien monstrier, ainsi que les autres portes, quand elles sont releuées plus hault que l'aire des terres.






LIVRE VIII. DE L'ARCHITECTVRE

*Portes des or-
giers du cha-
teau d'An-
net.*

Vous voyez cy-apres vne autre figure de porte, laquelle i'ay
faict mettre en œuvre à l'entrée du lieu des aurégiers au chasteau
d'Annet, avec les deuis des croissants, comme ie faisois en plu-
sieurs autres lieux par le commandement qui m'en estoit faict. Je
ne vous en proposeray gueres de mesures, ne proportions, pour
autant que ceux qui se voudront ayder de telle inuention, pre-
nant le compas retireront incontinent la haulteur, largeur, & or-
nements qui y sont. Ladiète porte se monstre beaucoup mieux
en œuvre, qu'elle ne faict au present desseing, par la faulte des
tailleurs qui n'ont ensuiuy les traicts, ainsi qu'en plusieurs au-
tres pieces, comme i'ay dict souuentefois. Si est ce que pour tel-
les faultes par eux lourdement commises, les bons esprits ne lair-
ront de s'en seruir, & y adiouster ou diminuer, comme bon leur
semblera. Telle porte a enuiron quatre pieds de largeur sur neuf
pieds de haulteur. Les pieds droicts au lieu ou est la moulure de
l'architraue ont sept poulces de largeur: & regne ledict archi-
traue tout autour, & à la couuerture de la porte: laquelle i'ay
faict de plus grande haulteur, pour y trouuer vne façon d'en-
tre-lais, comme ie l'ay veu à quelques portes antiques. Au costé
des pieds droicts, i'ay ordonné & faict mettre quelques façons
de piliers sans basse ne chapiteaux, portans seulement au dessus
de la saillie de la frise, autant que contient vne façon de rouleau
& mutules quarrez par le dessous, avec tel ornement que vous le
voyez: auquel ie ne puis donner noms propres, mais bien dire
que c'est vne inuention telle qui m'est venue à la fantasie: tout
ainsi que en la frise, car comme lon m'y faisoit faire des arcs Tur-
quois, i'en fais aussi au frontispice avec vn carquois à tenir les flet-
ches, & des croissants entrelassez. Et à fin que cela fust mieux veu
estre à propos i'ay entrecouppé & osté les moulures de la corni-
che du tympan, & faict monstrier seulement vne saillie de la cou-
ronne, & quelque petit filet quarré, & par les extremitez quel-
que goutteron & ornement de corniche qu'on peult mettre aux
cymes. Tel ornement de porte n'empeschera point que vous n'en
faisies d'autre à vostre volunté, & quand vous en aurez enuie, à
fin de dresser quelque belle porte, par les moiens que nous vous
donnons, ou autres tels qu'il vous plaira les inuenter, ou chercher
ailleurs.

*Plusieurs cho-
ses, estre lais-
sées à l'inuen-
tion & fanta-
sie de l'Archi-
tecte expert.*




LIVRE VIII. DE L'ARCHITECTVRE

D'une porte de l'ordre Ionique. C H A P. X.



Porte de l'ordre Ionique, avec ses parties & ornements.

E vous figureray encores vne autre porte qui sera de l'ordre Ionique, cōme il se monstre par les colonnes qui sont à ses costez, garnies de leurs basses & d'un plinthe quarré par le dessous (au lieu de pied de stat) & de leurs chapiteaux Ioniques, avec volutes, architraue, frise & corniche, lesquels ladicte porte represente, estant toute comme de marbre figuré, principalement les pieds droicts & couuerture d'icelle, avec les colonnes, architraues & frises. Au milieu ie erige vne table d'attente, ou compartiment quarré, lequel deux enfans tiennent par les costez. Et par le dessus, d'autres corniches & frises pour seruir d'amortissement à la porte. I'ay faict ainsi tel compartiment pour y insculper quelques armoiries, deuises & histoires, selō la volonté des seigneurs qui font edifier. Ceste façon de porte Ionique est fort conuenable pour cela, ainsi que vous le voyez par la figure cy apres proposée. Laquelle si ie ne descriis bien au long, comme elle meriteroit, les mesures des portes & ornements Ioniques, que i'ay descrit cy-deuant, suffiroient pour luy donner mesures & à toutes autres qu'aurez à faire, & sçaurez inuenter. Deuant que mettre fin au propos des portes Ioniques, ie vous aduertiray qu'il s'en faict à present trois de mon ordonnāce au Palays de la maiesté de la Roynie mere, qui se trouueront fort belles. L'une est du costé du iardin, l'autre du costé de la court, & la troisieme dās la gallerie: desquelles ie vous feray participants, de bien bon cueur, apres qu'elles serōt faictes & parfaites, ainsi que ie feray de toutes mes œuures. Ce temps pendant vous vous contenterez de la presente porte Ionique, laquelle ie trouue de bonne grace & grande beauté.



LIVRE VIII. DE L'ARCHITECTVRE

D'une porte Corinthienne. CHAPITRE XI.

Porte Corinthienne avec sa hauteur et largeur.



Nous figurerons cy apres vne autre sorte de porte, que nous appellerons Corinthienne, ou de l'ordre composé, & luy donnerons deux fois sa largeur pour sa hauteur, & quelque chose d'avantage. Qui la voudroit faire belle & de bonne grace, ainsi que i'ay dict, & en ay veu plusieurs, il luy faudroit donner par les costez autant de largeur qu'est toute l'ouverture de la lumiere. Comme quoy? vous prendrez toute la largeur ou vous voulez faire vostre portail, ou grande porte, & la diuiserez en trois parties, desquelles vous en donerez vne à la largeur de la lumiere de la porte, & les deux autres à vne chascune partie par les costez. Si vous voulez faire vne chose bien conuenable & belle, faictes que tout l'ornemēt de la porte ne soit point plus hault depuis le dessus de la corniche iusques à l'aire, que toute la largeur de la porte avec ses ornements. Il fault que cela soit d'un quarré parfait. Par les costez vous pourrez eriger des colonnes, & piliers striez & cannelez, ou autrement: & entre iceux faire des niches, telles que ie veux monstrier par l'exemple d'une grande porte accompagnée de ses ornements: laquelle ie fis faire par commandement (il y a huit ans passez) pour seruir à quelque fable de triumphe: mais, hélas, ce triumphe peu apres fut conuertie en grandissime desolation & desastre, duquel nous resen tons encores. Quant à l'explication & sens moral des histoires de ladicte porte, nous n'en parlerons en ce lieu, esperant les produire ailleurs, & beaucoup plus à propos. Je reprendray doncques nostre porte Corinthienne, & diray franchement qu'elle se peult faire beaucoup plus riche que les Doriques, ou Ioniques: car elle est propre & bien à propos pour y mettre plusieurs ornements & deuises, tant aux frises, que acroteres & amortissements, ainsi que vous le pouuez iuger par la figure qui vous en est proposée cy apres.

Triumphe de petite durée et peu apres conuertie en grande desolation.



LIVRE VIII. DE L'ARCHITECTVRE

De la porte & entrée du chasteau d'Annet.

CHAPITRE. XII.



E vous veulx proposer encores le desseing de la principale porte & entrée du chasteau d'Annet, pour monstrier les differences des portes & varietez de leurs ornemens, ainsi qu'ils se voyent en ceste cy, qui est de l'ordre Dorique, estant ornée de quatre colomnes fondées sur les talus & pentes du mur du fossé. Ladite porte est accompagnée de deux autres petites portes par les costez, comme de poternes, & tout le portail faict de pierre de Vernon, enrichie de marbres, porphyres, serpentins, & de bronse, signamment sur les portes, & aux tables d'attente. Les metopes qui sont entre les triglyphes, & tous les triglyphes, mesmes ceux qui sont sur l'arceau de la porte, sont de marbre noir: tous les bouillons de fueilles & fruiets se voyent de bronse entre les triglyphes, estants fort bien faicts. La Diane avec les cerfs, sangliers, & autres animaux, que vous voyez au dessus de la porte, sont de cuiure & bronse, elabourez d'un ouurage & sculpture fort excellente & tres-bien faicte. Aux costez par le dessus des petites portes, sont terrasses enrichies à l'entour de tables d'attete, estants de marbre noir avec leurs entrelas, au lieu de balustres qu'on a accoustumé de mettre aux terrasses pour servir d'appuis. Vous voyez par le dessus de la grande porte au plus hault, un ornement tout faict de belle pierre blanche de Vernon, & de marbre noir aux tables d'attente. En ce lieu mesme se voit vne monstre d'horloge pour marquer & représenter les heures par le dehors du chasteau, & aussi par le dedas: ou il y a d'avantage vne face & figure d'Astralabe & planisphere avecques son Zodiaque, estant accompagné des douze signes, & du mouvement journal de la lune par iceux, comme aussi des estoilles errantes, ou Planetes. Oultre les deux monstres des heures, il y a sonnerie laquelle precedet aux heures, demies heures, & quarts d'heures, les abbois de quatre limiers au lieu d'appeaux, qui semblent abbaier contre un cerf estant esleué par dessus les monstres dudit horloge. Et pour autant que la nature du cerf est de frapper du pied quand il entend l'aboy des chiens, on a faict qu'apres que lesdicts chiens ont faict les appeaux des heures, le cerf les frappe du pied, & fait ouir les heures. Mais sans vous faire plus long discours de la porte & principale entrée du chasteau d'Annet (qui toutefois meriteroit beaucoup plus grande esriture) je vous renuoyeray à la figure & desseing que ie vous en propose cy-apres.



Des portes du dedans des logis, pour entrer aux salles, chambres, garderobbes, galleries, & autres lieux. CHAP. XIII.

Les portes qu'on faiet pour entrer dans les salles, doiuent estre differentes selon les grandeurs desdictes salles, & lieux auxquels on les veult faire seruir. Car la porte d'une grãde salle de bal pour vn Roy, ou vn Prince, ou quelque grãd seigneur, doit estre plus large & plus haulte, que celle que

Les portes des salles deuoir estre differentes.

LIVRE VIII. DE L'ARCHITECTURE

on a accoustumé de faire aux sales qui seruent pour habiter ordinairement. Pour autant que quand il fault faire quelques triumphes, ou grands festins aux sales Royales, il y entre quelquefois plusieurs sortes de masques à cheual, ou autrement. Et aussi que les halebardiers qui sont pour la garde des Roys, & portēt leurs halebardes sur l'espaule, y doiuent entrer aisément. Parquoy il fault dōner aux portes de telles sales cinq pieds de largeur, pour le plus: & quatre, pour le moins: & à celles qui sont petites & seruent pour manger ordinairement, on ne leur peult aussi moins donner de trois pieds de largeur dans œuvre, avec hauteurs cōuenables, & bien proportionnées ausdictes largeurs. Les portes

Portes de sales communes, chābres, garderober, &c. &c. &c.

des chābres aurōt deux pieds & demy de largeur, pour le moins: & deux pieds, dix poulces, pour le plus: celles des garderober, deux pieds & vn quart: pour autant qu'il fault qu'elles soient vn peu larges, pour les coffres & bahus qui en sortent, & y entrent bien souuent: celles des cabinets ne doiuent estre si larges. Mais sur tout il fault considerer diligemment les hauteurs qui leur sont cōuenables, à fin que vn chacun y entre sans heurter. La hauteur de l'homme bien proportionné est communement de cinq pieds de Roy, & iāçoit qu'elle se trouue en aucuns de six pieds, ou bien pres, il n'en fault pour cela faire reigle ordinaire, pour autant qu'il sen voit bien peu. Si est-ce qu'ils ne doiuent heurter de la teste en entrant dans le logis: parquoy il fault que les moindres portes soient tousiours de six pieds de hauteur, pour le moins: les autres de six pieds & demy, & de sept dedans œuvre.

De la hauteur des portes des sales des Roys, des simples gentilshommes, & autres: comme aussi des chambres & garderober.

Mais les grandes portes des sales, & principalement celles qui ont cinq pieds de largeur, en doiuent auoir huit, & dix de hauteur, selon qu'elles sont. La porte de la sale d'un simple gentilhomme, ou de ceux qui n'ont les grands logis, se doit contenter d'auoir deux pieds & demy de large: celle des chambres, deux: & celle des garderober, vingt, ou vingtdeux poulces dans œuvre, entre les batans des portes. Il ne fault oublier de faire tousiours les hauteurs conuenables, ainsi que nous auons dit. En cela il ne conuient pas tousiours regarder, que si l'y a tant de largeur, il y doit auoir tant de hauteur, mais bien cōsiderer premierement l'aisance du lieu, & commodité des hommes qui y ont à passer, soient chargez, ou autrement: & aussi le froit, ou les vents qui en peuuent venir. Veritablement il fault que l'Architecte ait bon iugement en cela, & qu'il sçache bien planter lesdictes portes au lieu ou il fault: à fin qu'elles ne soient point cause d'attirer la fumée aux sales & chābres. Il fault aussi qu'il leur sçache donner l'entablement, à fin qu'elles soient raisonnables, &

N'estre petit artifice de bien planter une porte.

non

non plus larges que l'huïsserie faicte de bois, à fin que quand elles fouriront, elles se puissent bien coucher au long du mur, sans donner empeschement à la salle, ny aux chambres. Quant à y faire ornements, moulures, ou corniches; ie n'en serois point d'aduis, ains plus tost ie les voudrois faire toutes pleines, vnies & sans ouurage: pour autant que cela n'est que argent perdu, & aussi que lesdicts ornements ne se voient à cause de la tapisserie, qui est tousiours deuant vne porte: si ce n'estoit aux portiques qui sont proches des vestibules, ou escaliers: encores serois ie d'aduis, qu'en ces lieux là on feist le moins de parade & d'ornements que faire se peult: pour autant qu'ils sont suiets aux torches, & à la mercy des pages & laquais, cōme aussi aux crochets des halebardes des gardes des Roys. Voila ce que presentement ie vous puis escrire des portes, deliberant n'en parler d'auantage, ny de la façon de les dresser, pour-autant qu'au troisieme liure du present oeuvre, quand nous escriuiōs des traictz Geometriques, vous auez peu voir la façon & description de plusieurs portes, voire des plus difficiles. Il se pourra faire que nous tomberons en quelque lieu à propos pour parler des huïsseries qu'on faict de bois, et aussi des ferrures qui se peuuent faire en diuerses sortes: car d'en parler icy il ne m'est aucunement loisible pour le present.

L'auteur n'estre d'aduis que aucuns ornements soient faicts aux portes du dedans des logis.

Promesse de l'auteur digne d'exécution.

Des fenestres croisées pour les salles & chambres, & aussi des lucarnes. CHAPITRE XIII.



L fault faire les fenestres croisées, selon la grandeur des salles, chambres, & garderobbes que vous auez à faire: tellement que le lieu qui n'a que vingt, ou vingt & vn pieds de large dans oeuvre, ne doit auoir ses fenestres plus larges que de cinq pieds entre les deux tableaux, ou pieds droicts: & celuy qui a vingt quatre pieds, fault que ses croisées en ayēt cinq & demy d'ouuerture. Pour celuy qui a de vingtsept pieds iusques à trente, ie trouue que ses vrayes mesures doiuent estre de six pieds de iour, ou d'ouuerture. Quant à la hauteur, i'ay tousiours cogneu par experience que pour rendre vn logis fort plaissant, la hauteur des fenestres croisées doit estre en arriere-voulture fort pres des planchers, ou soliues, comme d'un demy pied, ou enuiron: autrement si le derriere des fenestres demeure beaucoup plus bas que les soliues, comme de deux pieds, de trois, de six, ou plus, ainssi qu'il se voit au chasteau du Vergier, & à assez d'autres lieux, cela rend les salles melancholiques. Pource est il

De la grandeur & largeur des fenestres croisées.

Fenestres pour rendre vn logis plaissant.

Y

LIVRE VIII. DE L'ARCHITECTVRE

De la haulteur & largeur des fenestres.

qu'on doit tenir lesdictes fenestres les plus haultes que faire se peult, si lon veult que les lieux soient plaisants. Vous pouuez voir presque tel discours en l'unzieme chapitre du second liure de nostre nouuelle Inuention, ou ie parle des fenestres croisées pour appliquer avecques la charpenterie nouuelle. Car au lieu ou c'est qu'on en vouldra vser, il fault tousiours tenir les fenestres plus haultes que l'arrachemēt ou cōmencement des poutres: & faire que leurs appuis ne soient plus haults que de trois pieds, ne plus larges que de dix poulces: car cela dōne vne grāde ayfance de sapuyer & mettre à la fenestre, pour voir iusques au pied d'un mur, & prendre plus de plaisir à descouurir le pays qui se peult voir. Il fault aussi tenir les meneaux ou croissillōs des fenestres (ainsi que les appellent les ouuriers) deliez, & de peu d'espeſſeur, cōme de quatre à cinq poulces, & en largeur de neuf à dix, cōme on verra que sera l'appuy des fenestres. Les choses estāts ainsi conduictes, vous aurez la clarté & lumiere du logis, cōme vous la desirez. Si vous faictes les appuis plus haults que de trois pieds, & de largeur autāt grāde que est celle de l'espeſſeur du mur, ainsi que plusieurs ont faict, cela se trouuera de mauuaise grace, & sans vous en pou-

Pour les ſueils des fenestres.

voir ayder aucunement. Quant aux ſueillures des fenestres, il les fault faire de deux à trois poulces de large, & selon la grandeur que seront lesdictes fenestres, à fin que les chassīs de bois que porte la menuiserie pour fermer les fenestres puissent estre forts & larges, sans empescher beaucoup du iour. Fault aussi que le derriere des pieds droicts des fenestres, que les ouuriers appellent escoinſſons, soient fort embrasēz, à fin que la fenestre de menuiserie se puisse ioindre contre le mur, & qu'elle n'empesche à donner la clarté & receuoir tant de lumiere que faire se pourra. Touchant les ornemens, qu'on vouldra faire par le dehors, & tout à

Des ornemens des fenestres par dehors.

l'entour desdictes fenestres croisées, cela depend du bon & gentil esprit de l'Architecte. Toutesfois pour le contentement de quelques vns ie figureray cy apres certaines parties & faces de quelques bastiments, & signamment la moitié de la largeur du dedans de la court du chasteau de saint Maur des fossēz, pres Paris: par laquelle vous pourrez voir comme l'ordre des colonnes, portes & fenestres est accōmodé aux mesures que i'ay descrites cy dessus, & tout ainsi que i'ay faict faire l'œuure autresfois. La porte du milieu de ladicte court estant entre les deux salles, se trouue au droit de la lettre H, accōpagnée de tel ornement & niche que vous pouuez voir: & combien que ie vous y figure des degrez, si est-ce qu'ils ne sont encores faicts, & si ie continue de faire acheuer ledit chasteau par le commandement de la maie-

ité de la Roynemere, ie les feray faire autremét : ioinct aussi que on y faiçt vne terrasse de la haulteur des corniches du pied de stat tout autour de la court. Le lieu que vous voiez marqué C, est vne table d'attente en marbre, ou il y a escrit,

Hunc tibi, FRANCISCE, assertas ob Palladis artē,

Secesum, vitas si forte palatia, grata.


Diana, & Charites, & sacra uere Camæna.

Ce qui auoit esté faiçt & inuēté d'un tres bon esprit & fort bonne grace, par feu monſieur le Cardinal du Bellay, lors Euesque de Paris. Le lieu signé B, est vne basse taille de figure, ou sont insculpées les Charites, ou (si vous voulez) les trois Graces, & Diane, avecques les neuf Muses: qui dedient & presentent le susdit lieu de S. Maur des fosses, à la maieſté du feu Roy FRANCOIS premier de ce nom, ainsi que les vers le monstrent & proposent. Le lieu marqué A, est vne teste de bronze & pectoral dudit Roy au plus pres du naturel. Les endroiçts marquez D, entre les deux corniches, estoient peintures à fraize qui sont quasi effacées. Mais ce discours delaisſé, nous reuiendrons à noz fenestres, lesquelles vous pouuez voir à la prochaine figure, estre colloquées avec leurs appuis & couuertures entre les ordres des colonnes Corinthiennes, qui me semblent estre d'assez bone grace. La colonne marquée F, represente l'angle & un des coings de la court. Et pour-autant que vous pourrez mieux iuger de tout par la figure, que par longue escripture, ie ne vous en feray autre discours, sinon que ie vous aduertiray, que vous y pouuez voir comme lon doit assembler les ordres des colonnes avec les portes & fenestres: qui est la cause pourquoy ie exhibe la figure suiuiante.

Le Cardinal
du Bellay, hom-
me de bon ſça-
noir et grand
esprit.

Continuation
de ce que des-
sus.

LIVRE VIII. DE L'ARCHITECTURE



*Encores d'une face de maison, laquelle i auois faict autrefois
pour appliquer par le dehors du susdict chasteau de saint*

Maur des fossez. CHAPITRE XV.




Our mieux vous monstrier & faire entendre, cō-
me lon doit accommoder les fenestres, portes &
ornements des murailles, par le moyen des or-
dres des colōnes, ie vous ay cy-apres encores mis
pour exēple la face du deuant du bastimēt du sus-
dit chasteau de S. Maur, laquelle i'auois designē
du tēps de feu monsieur le Cardinal du Bellay, en esperāt d'ainsi
paracheuer le logis. A la premiere face & principale entrée du co-
stē du village, regardant en partie la region occidētale & septen-
trionale, (ou font figurez les deux corps d'hostel qui sont par les
costez en faille, & forme de pauillon) ie faisois vne terrasse aussi
large que tout le deuant du bastiment, à laquelle on eust montē
auec quelque nombre de degrez de sept ou dix marches. La gran-
de porte se trouuoit au milieu, comme il fault, estant accompa-
gnēe de colōnes & pilastres, auec leurs ornements, ainsi que tel-
le chose le requiert. Au dessus des pieds de stats des soubasses, &
entre les piliers ie figurois les fenestres croisées, tout ainsi que
vous les voyez à la figure cy-apres proposēe, auec les talus, les-
quels ie deliberois faire en terrasse. Les pauillons se monstrent
plus haults, pour cacher les couuertures des logis, en ce qui sy
voit estre faict auiourd'huy. Mais à present ledit chasteau est bien
conduit d'autre sorte: & non sans iuste cause. Car tout ainsi qu'il
estoit faict, ou plustost commence pour vn Cardinal & Euesque
de Paris, auiourd'huy la maiestē de la Roynie le faict paracheuer
pour le Roy son fils, auec vne grande & magnifique excellence:
estant ledit lieu appellē de la maiestē du Roy, la cassine de son
chasteau du bois de Vincennes. La situation & assiette du basti-
ment a estē diuinement bien choisie, comme quelque fois, Dieu
aydant, ie le descriray plus au long, pour faire mieux entendre la
nature du lieu, & facon dudit bastiment. Ce temps pendant si
vous en desirez voir le plan, vous aurez recours au xv. i. fueillet
de cē present œuvre, & par là vous cognoistrez comme ledit
sieur Cardinal auoit faict planter & commencer le lieu: lequel
auiourd'huy se continue & acheue par la maiestē de la Roynie
mere, d'une facon bien autre & beaucoup plus riche & logeable,
ainsi que nous auons dict, qu'il n'auoit estē encommencē & or-
donnē. Ce pēdant vous entendrez par la figure prochaine cōme
il fault accommoder les fenestres & ornements des murailles.

*Pour accom-
moder jene-
stres, portes et
ornements de
murailles, par
le moyen des
ordres des co-
lonnes.*

*Declaration
bien ample de
la figure sui-
uant le pre-
sent discours.*

*Le chasteau
de S. Maur
se paracheuer
plus magnifi-
quement qu'il
n'auoit estē cō-
mencē.*

LIVRE VIII. DE L'ARCHITECTVRE



D'une autre sorte de façade de bastiment, pour voir comme les fenestres s'y peuuent appliquer. CHAP. XVI.

D'une façon de bastimens à deux estages, & du mauvais ordre que plusieurs y tiennent.



Es faces du bastiment de S. Maur, lesquelles ie vous proposois cy deuant, n'ont esté faictes qu'en esperance d'y faire vn estage seulemēt : ainsi que vous le pouuez cognoistre par les desseings qui vous en ont esté donnez. Maintenant ie desirerois vous mōstrer vne façon de bastiment à deux estages, & sous vn ordre Corinthien, iacoit qu'ils se puissent faire aussi auecques tous ordres. Qui est pour monstrier le contraire de ce qu'on faict ordinaiemēt : c'est qu'à la haulteur du premier estage lon met vn ordre Tuscan, ou Dorique : & au second, vn Corinthien. Ce que ie ne veux reprendre ne despriser, mais les faces des logis auroient beaucoup plus de maiesté, & plus d'apparence & beauté, si au lieu des deux estages, ou lon faict deux ordres, comme le Dorique, & Ionique, vous n'en faisiez que vn, voire de tel ordre de colonne que vous voudriez : ainsi que ie le monstre à la figure descrite cy-apres, ou ie fais seulement vn ordre Corinthien contenant la haulteur de trois estages, en y comprenant les celliers, cuisines & offices qui peuuent estre au

deffous, sans les chambres & logis des galetas. Je voudrois mon-
 strer le premier estage, comme si c'estoit la haulteur des pieds de
 stat, qui fussent en façon rustique & ainsi que rochers. Par dessus
 lesdicts pieds de stat, la haulteur des colonnes, ou piliers, avec
 leurs basses & chapiteaux, est autant comme la haulteur de deux
 estages, ainsi que vous le voyez aux deux fenestres qui sont croi-
 sées l'une sur l'autre. La haulteur de l'architraue, frise, & corniche
 sert d'entablement & appuis pour les logis qu'on voudroit faire
 aux galetas, ainsi que vous le voyez aux fenestres quarrées qui
 sont au dessus desdictes corniches, qui seruent d'acroteres ou a-
 mortissements sur toute la face du logis, qui auroit bonne grace
 estant ainsi. Vous voyez comme aux costez, entre les pieds de
 stat, les fenestres basses sont erigées pour les cuisines & offices,
 avec la forme qu'il fault tenir pour ferrer leurs treillis quand ils
 sont ainsi bas. Lesdictes fenestres basses doiuent tousiours estre
 aussi larges, comme les fenestres croisées qui sont par dessus,
 aux deux estages, l'une sur l'autre. Au costé des fenestres croi-
 sées entre les piliers, vous pouuez faire des compartiments & or-
 nements tels que vous les voyez en la prochaine figure. Au mi-
 lieu de telle face vous voyez deux portes pour aller aux offices
 separément, qui voudra: & par les costez vne attente d'y faire
 vn perron pour monter aux deux portes qui sont au dessus pour
 aller aux sales & chambres, lesquelles vous pouuez remarquer
 au second estage, & premiere croisée. Il vous sera libre de faire
 vn eschaliér par le milieu, dedans le logis au droict des fenestres
 qui sont en forme de portes rondes, & aller de fond en comble.
 Vous pourrez accompagner tel logis de paillons sur les coings,
 tout ainsi que vous en aurez affaire, ou bien vous conduirez vo-
 stre logis de plus grande longueur, comme il vous plaira: estant
 orné de mesmes ordres de colonnes & fenestres. Ce que ie vous
 monstre icy à fin de cognoistre les faces des logis, & ordres des
 fenestres croisées, & autres entre les ordres & ornements des co-
 lonnes. Toutesfois ie vous monstrey cy-apres comme vous
 pouuez orner voz maisons sans aucune contraincte d'y mettre
 colonnes & piliers, pour ceux qui veulent faire mediocre &
 petite despense.

*Declaration
 de la figure cy
 apres deseez
 & proposée.*

*Continuation
 de ce que des-
 sus.*

*Approches
 pour le chapi-
 tre ensuiuant.*



*Autre face de maison monstrant comme lon y peut appliquer
des fenestres & portes, sans aucunes colonnes, & piliers,
ou bien leurs corniches & ornements.*

CHAPITRE XVII.

L'auteur res-
pond & satis-
fait à l'opi-
nion & pen-
sément d'au-
cun.




Vcuns pourront p  ser apres auoir leu ce que i'ay
escriit des faces des bastiments, pour monstrer la
dispositi   des fenestres, que ie les voudrois con-
traindre, ou bi   asuie  tir, de mettre des colom-
nes & piliers aux faces des maisons, ce que ie ne
pretens aucunement: car tous ceux qui veulent
faire petites despenses, n'ont besoing de si grande curiosit   &
enrichissement de face de maison, pour autant que leurs facul-
tez ne pourroient soustenir si grands frais: mais il est bien vray
que ie voudrois, que la constitution & ordre des fenestres qui

doient estre plantées aux faces des logis, fust par telles proportions & mesures gardé, que ce que lon voit d'un costé, se peust voir de l'autre, voire sans colonnes ou piliers, qui ainsi le voudra, & le pouuez clairement voir en la prochaine figure suiuant: en laquelle ie mets, au premier estage, des fenestres croisées simplement: & au second ie monstre comme vous pouuez faire entre lesdictes croisées, des chaines de pierre, sans forme de piliers, chapiteaux, & autres: & encores mettre aux couuertures des fenestres croisées, si vous voulez, de la pierre de taille, en forme rustique, ou bien toute vnie, comme aussi par les angles du bastiment. Vous voyez aussi qu'à l'entablement de tout le logis, sur lequel est plantée la charpenterie & les lucarnes, au lieu que aucuns y font des corniches, i'y ay fait des mutules en forme de rouleau, pour decorer & faire môstrer plus beau le logis. Ie vous propose aussi en ladicte figure des piliers quarrez, & de l'un à l'autre vourez, pour faire par le dessous vne façon de peristyle, & au dessus, vne galerie, le tout sans forme de colonnes, ny moins de pieds de stats, chapiteaux & corniches: pour seulemēt monstre comme le docte & expert Architecte peult faire vn bastiment de bonne grace, & sans excessiue despenſe, lequel se monstrera autāt bien fait que d'autres qui font beaucoup plus riches: ainsi que vous pouuez voir & iuger par la figure prochaine.

*Explication
de la figure
ensuiuant en
des parties.*

*Le docte &
expert Archi-
tecte, pour
auoir peult
faire vn
beau bastimēt*

LIVRE VIII. DE L'ARCHITECTURE




Puis que ie suis sur ce propos, l'acheureray de vous monstrier l'autre face du logis precedent: laquelle est d'un costé du iardin. Doncques ie luy ay fait par le milieu vne forme de tour toute ronde, de laquelle le premier estage sert de chappelle, accompagnée d'une gallerie par le deuant, avecques des ouuertures & fenestres d'autre sorte que les autres: car elles sont rondes, & n'ont point la haulteur suyuant leur largeur: mais ie leur ay baillé ainsi grande ouuerture de largeur, pour donner plus de plaisir à ladicte gallerie: laquelle toutesfois se trouue de bonne grace & grande beaulté, ainsi qu'elle est: mais beaucoup plus estant en œuvre, que par le desseing que vous en verrez cy-apres. Au second estage de ladicte tour, est vn cabinet tresfort, pour estre vouré de pierre de taille dessus & dessous, & bien ferré. Aux costez sont autres cabinets & terrasses: & par le derriere est le corps d'hostel principal: estant le tout tant aux fenestres, que entablements & lucarnes, fait (ainsi que vous voyez le desseing) de bien bonne matiere, avecques vne grande aisance, tant pour les caues, que autres lieux. Vous aduisant que le tout a esté fait comme pour moy, estant mon propre logis, tel que vous le voiez au precedent & proche desseings.

*Declaration
de l'autre face
du logis pre-
cedent.*

*Logis fort et
ayé apparte-
nant à l'au-
teur.*

LIVRE VIII. DE L'ARCHITECTVRE



*Situation & lieu d'un logis propre à l'au-
teur.*

I'açoit que toute la maison cy-deuant mentionnée, ne soit en-
 cores accompagnée d'un corps d'hostel que j'auois deliberé faire
 par le deuant sur la rue de la Cerisaye pres les Celestins à Paris,
 si est-ce que ie ne lairray de vous mettre la face dudit corps de lo-
 gis, que j'auois enuie d'y faire bastir, & l'eusse fait long temps a,
 si Dieu m'eust presté mon tressouuerain prince & bon maistre le
 feu Roy Henry, de qui Dieu ait l'ame. Je vous presenteray donc
 la face dudit corps d'hostel, à fin que vous cognoissiez mieux la
 disposition & ordre des portes & fenestres, comme aussi des en-
 richissements qu'on leur peult donner, sans y faire grand ouura-
 ge ne grand ordre de colonnes, avec leurs ornements. Estant
 sur

sur ces propos, volontiers ie môstrerois tout d'une venue les mesures & departiments du dedans des logis comme ils doiuent estre, mais ie me detournerois de ma deliberatiô, qui ne tend icy à autre fin, sinon de vous monstrier, apres les portes, la constitution & ordonnance des fenestres & lucarnes : ainsi que ie feray, Dieu aydant, & reserueray la reste pour le second Tome de nostre Architecture, auquel ie vous donneray non seulement ce lo-
Promesse de l'auteur touchant le second Tome de son Architecture
 gis que i'ay faict faire pour moy à Paris, mais encores plusieurs autres de diuerses sortes, soient pour les grâds, ou pour les petits, avec leurs plans & ce qui sera requis pour les cognoistre.




LIVRE VIII. DE L'ARCHITECTVRE
*Des fenestres appellees lucarnes, qu'on applique au dernier esta-
 ge, comme aux chambres & logis que lon fait aux
 galetas. CHAPITRE XVIII.*

*Le lien & as-
 siette des fene-
 stres appellees
 lucarnes.*



*Explication
 de la figure cy
 apres descrite.*

Es fenestres qu'on appelle lucarnes, lesquelles on a accoustumé mettre par dessus les entablemēts des logis pour donner lunnere aux chambres des galetas, doiuent estre par dessus lesdits entablements, sca- uoir est trois pieds par dessus les planchers, qui sera la haulteur de l'appuy : & les fault faire de mesmes largeurs que les fenestres croisées qui seront au dessous. Bref vous les pourrez faire de mesmes mesures & proportiōs que les fenestres croisées : routesfois si vous auez quelque subiection des planchers qui se trouuent dans la couuerture ou lambris, cela vous doit monstrier qu'elle haulteur doiuent auoir voz lucarnes : comme celle que ie vous figure cy-apres, supposant que l'entablement du logis soit la corniche au dessous de H, qui seruira d'appuy à ladicte fenestre lucarne : sur lequel entablement, ses pieds droicts ne sont seule- mēt posez, mais aussi la moulure, en forme d'architraue, qui fait mōstrer l'ouuerture de ladicte lucarne toute quarrée. Vous voiez d'auantage par les coltez vn chapiteau Ionique, & forme de pi- liers par dessous qui descendent en s'elargissant par en-bas, en fa- çon d'amortissement, qui donne grande force à ladicte lucarne. Puis par dessus ledit chapiteau vous auez la frise qui tombe sur iceluy en façon de mutule, & au dessus de la corniche & amor- tissement vn arc Turquois & carquan auecques ses fleches. Qui est vne inuention conforme aux deuises de la maison.



Autre sorte de lucarne ronde, ou bien faicte en arceau.

CHAPITRE XIX.




Pres vous auoir figuré vne lucarne ayant sa couuerture quarrée ou droicte, ie vous en propose cy. apres vne ronde par sa couuerture, laquelle il fault planter, comme i'ay dict cy. deuant, au droit des fenestres qui sont au dessous, & de mesme largeur, si vous desirez que vostre œuvre se

LIVRE VIII. DE L'ARCHITECTVRE

monstre bien. Quant aux inuentions de ses ornemens, cela gist à la disposition & ordonnance du cōducteur de l'œuure, qui les sçaura inuêter de bōne grace, sans que vous soyez contraincts de les faire d'vne sorte pl^{us} que d'autre: pourueu que vous sachez biē dōner les mesures à la haulteur, suiuant sa largeur, vous n'y sçauriez faillir. Sur tout il se fault souuenir de ce que vous auez veu cy-deuant pour les mesures des ouuertures des portes, & aussi sçauoir dōner vne largeur suffisante à la grosseur des pieds droits & piliers qui sont par les costez, pour soustenir la voulte de la lucarne, corniche, & tympan. Ceste façon se monstre gaye & allegre, & les rouleaux qui sont par les deux costez & portent la corniche, de bonne grace, avec la petite corniche & chapiteau Dorique, qui sont au dessous desdits rouleaux au lieu d'imposte. Quand vous aurez enuie de donner clarté au dedans des couuertures par le dessus des chambres & galetas, vous pourrez faire vne ouuerture au frontispice & tympan en forme ronde, ou autrement, comme pourroit estre la prochaine: qui donnera bonne grace à vostre œuure, & la decorera grandemēt: ainsi que vous le pourrez cognoistre par la figure de lucarne qui vous est proposée en la page suiuite.

*Les ornemens
des lucarnes
deuoir estre
suiuant la dis-
positiō del'Ar-
chitecte.*

*Pour la clarté
du dedans des
couuertures.*



Singulier aduertissement sur les façons des lucarnes.

CHAPITRE XX.


NE ne veux oublier de vous aduertir, que selon la haulteur des lucarnes que vous aurez à faire par dessus l'entablement, les differences se trouueront grandes, comme des logis qui n'ont que trois estages, à ceux de quatre: & encores plus à ceux de cinq. Car selon la haulteur que les lucar-

Z iij

LIVRE VIII. DE L'ARCHITECTVRE

La hauteur des lucarnes emporter différentes mesures. nes doiuent estre plantées, il y doit auoir difference de mesures : pour autant que celles qui sont dressées sur la hauteur de douze ou quinze toises, ne doiuent raisonnablemēt auoir les mesmes mesures que celles qui sont sur l'entablement, qui n'a de hauteur que huit ou dix toises : mais il fault entendre telles mesures par les reigles de perspectiue. Voila qui faict cognoistre l'erreur de ceux qui mettent & appliquent des colonnes, avecques leurs ornemens, aux lucarnes: lesquelles colonnes, estants petites, & posées loing de la veuë, se monstrent estre hors de toutes mesures, raison & proportion, iagoit qu'elles y soient bien obseruées: mais la distance de la veuë faict qu'on ne les peult discerner, ny iustement examiner. Doncques il est expedient que à tous ornemēts de lucarnes, & autres qui se font au plus hault des edifices, lon ait bon iugement & experience, pour sçauoir cognoistre & donner les mesures qu'il leur fault. Qui est la cause que ie vous ay faict cy-apres vne autre disposition de lucarne, pour sçauoir choisir celle qui vous plaira entre plusieurs, ou biē pour vous aduiser d'en inuenter à vostre plaisir. Si ie vous en voulois donner d'autant de sortes, que i'en ay faict mettre en œuvre en diuers lieux, il sen pourroit faire vn assez gros liure, mais vous vous contenterez sil vous plaist, de ce que ie vous en propose & escry le plus briefuement que ie puis, pour satisfaire à nostre entreprinse, qui est de monstrier la methode de faire bastiments de toutes les sortes qu'on sçauroit desirer.

Les ornemēts qui se font au plus hault des edifices, requierent bon iugement & experience.



On peut faire encores des lucarnes doubles, avecques tels ornements & telle haulteur & largeur qu'on voudra, i entend vne lucarne sur l'autre, comme l'une sur l'entablement du logis, & l'autre dans les couuertures. Ce qu'on doit faire quand les couuertures des galetas sont d'excessiue haulteur: ainsi qu'aux grâds pauillôs, qui ont quelquefois dix, douze, & quinze toises de largeur: & ont la charpenterie si haulte, qu'elle est suffisante de recevoir par le dedans deux estages de logis, l'un sur l'autre, depuis l'entablement iusques au faiste. Il y a en tels pauillôs ainsi grands, des passages & façons d'allées, ou bien galleries, pour oster la subiection des chambres, avecques murailles qui montent iusques aux couuertures, & font les separatiôs desdictes allées & cham-

*Des doubles
lucarnes, &
quand on les
doit faire, &
en quels lieux.*

*A quoy ser-
uent les secon-
des lucarnes.*


*Quand c'est
qu'il ne se faut
ayder de lucar-
nes.*

*Des balcons,
ainsi appellez
par les Italiens
et de leur usage
en lieux.*

*Approche et
preparatio de
matiere pour
le liure ensui-
uant.*

bres: sur lesquelles murailles il est facile de faire d'autres lucarnes (soient de pierre de taille, ou d'autre matiere) qui se trouuent plus haultes que celles qui sont sur l'entablement des logis tout à l'endroit, ou bien à costé, ainsi qu'on cognoist qu'il les fault. Telles secondes lucarnes seruent pour donner clarté au second estage qui se trouue dans les couuertures: & est vn lieu propre pour tenir les meubles, ou bie pour y loger, si lon veult. Vous pouuez faire aussi d'autres sortes de lucarnes, comme celles qui sont à la grâde gallerie du chasteau d'Annot deuât la chappelle, là ou i'ay fait faire les tuyaux de cheminées en forme de lucarnes pour plus grande decoratiô de la face du logis. Je vous aduertiray que quelquefois il ne se fault point ayder de lucarnes, ny de tels ornemens, principalement quand on veult rendre vn logis en terrasse, & sans couuerture de charpéterie, quoy faisant vous mettrez sur les entablements & niueau des terrasses, (au droit des fenestres qui seront au dessous) des petits balcons, ainsi qu'on les appelle en Italie. qui sont petites saillies qui se proiectent hors des murs en terrasse, accompagnées de baleustres & appuis, avecques tel ornement que lon veult. Tels lieux sont propres pour prendre le plaisir des belles veuës qui sont autour des logis, & y mettre les trompettes & cornets, ou autre sorte d'instrumens de musique, avecques chantres: & y faire feuz d'artifice, & colloquer flâbeaux es iours de resiouissance: ainsi qu'on fait à Rome au chasteau sainct Ange, aux Palais des Cardinaux, des seigneurs, & ailleurs, es festes solennelles. Voila doncques comme lon peut decorer les bastiments par dessus les entablements.

Vous vous contenterez d'ocques des lucarnes cy-dessus proposées & descrites. Il est vray que ie ne vous en ay figuré que trois à part, pour autant qu'il vous sera ayse d'en trouuer & faire d'autre sorte, suiuant les ornemens que vous auez veu par cy-deuât, tant aux faces des bastiments, que ailleurs, & pourrez voir encores cy-apres. Nous entrerons doncques au neuuieme liure, pour monstrier les cheminées tant des salles, que des chambres & garderobbes, comme aussi leurs ornemens & amortissemens par dessus les couuertures, avec plusieurs inuentions & moiens pour garder que la fumée ne soit moleste aux chambres & logis, sans y omettre les causes dont elle procede: ainsi qu'en pourrôt bien iuger ceux qui en voudront voir & lire le discours.



LE NEUVVIEME LIVRE

DE L'ARCHITECTVRE DE PHILIBERT
DE L'ORME LYONNOIS, CONSEILLER ET
Aulmosnier ordinaire du Roy, Abbé de
saint Eloy lez Noyon, & de
S. Serge lez Angiers.

Prologue portant aduertissement.

L'Auois deliberé de donner fin à ce premier Tome & volume d'Architectvure, au huitieme liure precedent, apres y auoir adiousté quelque chose pour les cheminées & leurs ornemens, mais plusieurs de mes amis ne l'ont trouué bon, & m'ont instamment sollicité de faire encores vn neuvieme liure pour la façon des cheminées, & de leurs mâteaux, ouuertures, tuyaux & ornemens tât interieurs, que exterieurs: sans y omettre la pratique de pouuoir tellement dresser & construire les cheminées, que elles ne soient subiectes à rendre fumée dedans les maisons. Et oultre ce de vouloir aussi monstrier les moiens & remedes d'en pouuoir garer celles qui y sont subiectes: comme chose fort desirée de plusieurs, ie ne diray pour l'vsage & aisance de leurs maisons, mais aussi pour plus facilement les vendre ou louer, si bon leur semble. Voila le propos tenu, & instance faicte par mes amis, à laquelle ie n'ay peu, ne sceu resister, quelque remonstrance que ie leur fisse de la peine & fatigue que i'ay soustenu l'espace de six ans continuels, & plus, tant pour l'inuention & protraits des figures du present œuure, que pour leurs demonstrations & explicatiōs: laquelle peine & traual d'esprit incroyable demande quelque

*L'auteur con-
sentir volon-
tiers au conseil
de ses amis de
fais de bon
iugement.*

LIVRE IX. DE L'ARCHITECTURE

*Pourquoy
c'est que en ce
present Tome
d'Architecture
l'auteur ne
parle des cou-
vertures &
charpenterie.*

repos. D'avantage ie leur proposois, que à la fin du septieme liure i'ay promis que apres avoir escrit au huitieme des portes, fenestres, lucarnes & cheminées, ie ferois fin à ce premier Tome & volume d'Architecture, comme ayant conduict noz bastiments, depuis les fondements iusques aux couvertures: desquelles, comme aussi de la charpenterie, pour autât que i'auois fait imprimer deux liures, il y a environ six ans, sous vne nouvelle façon & invention, ie ne deliberois icy parler, ny moins accompagner le present œuvre des liures susdits, iusques à ce que ie les eusse reueuz, & augmentez d'un liure & figures. N'ayant doncques peu faire condescendre à ma deliberatio mes susdicts amis, ie me suis resoulz de vous donner encores ce neuvieme liure, qui sera tout entierement employé tant pour la description, ordonnance & ornemens des cheminées, que aussi pour leurs ouvertures & tuyaux: sans y omettre les ornemens qui se voyent par dessus les couvertures. Estant le tout accompagné de plusieurs moiés pour garder que lesdictes cheminées n'incommodent les logis par fumées, molestes & deplaisantes aux habitants. Quoy faisant nous n'oublierons les causes & origine desdictes fumées, n'aussi plusieurs secrets, aides & remedes pour garantir de telles incommoditez les logis & cheminées ia basties, soient vieilles ou nouvelles. Pour laquelle chose, i'ay esté prié tant de fois, & en ay donné tant de moiens & remedes, que cela m'y fera plus trauailler que ie n'eusse fait, pour donner contentement à ceux qui en auront affaire. Vous aduisant que telle matiere est vn secret de plus grand excellence & necessité, qu'il ne semble: estant (pour les raisons proposées cy-deuant, & autres) plustost deu à vn bon philosophe qui cognoist les causes de nature, & est homme de grande experience, que à toutes autres personnes, pour les grandes difficultez de cognoistre ce que nature en cela peult faire: veu que en vn endroit elle opere d'une sorte, & en vn autre, tout autrement.

*N'estre petite
chose de cog-
noistre les ef-
fects de natu-
re.*

Parquoy celuy qui la cognoist ne peult faire que bien, car elle est tresbonne guyde de toutes choses & s'approprie par tout, differemment ou commodément, ainsi qu'il vient à propos. Et notez ie vous prie, que si ce secret de nature est difficile, il est encores plus beau, excellent, necessaire & rare: car comme dit Ciceron,

Omnia praeclara rara: nec quicquam difficilius, quam reperire quod sit omni ex parte in suo genere perfectum.

C'est à dire, toutes choses excellentes sont rares, & n'y a rien plus difficile, que trouuer chose qui soit en son genre entierement parfaicte. Mais ce n'est assez de escrire secrets & remedes si lon n'en donne l'interpretation & raison par experience, grâde & asseurée maistresse de tou-

res choses, toutes sciences & tous arts, ainsi que le susdit Ciceron le tesmoigne en telles parolles, *Nulla ars, literis sine interprete, & sine aliqua exercitatione, percipi potest*: C'est à dire, nul art ne se peult comprendre par lettres, sans interprete, & sans quelque exercitation & experience. Par ainsi avec les aduertissements & enseignements que ie vous puis escrire, & escriray cy-apres, il vous est necessaire de les mettre en oeuvre & effect, par frequente exercitation & experience, à fin de cognoistre toutes les perfections des oeuvres que vous entreprendrez. Qui est la cause que i'escry le plus facilement qu'il se peult faire, & plus intelligiblement, ou, si vous voulez, populairement, pour les ouuriers & artisans. Et pour autant que la matiere d'Architecture est de soy assez empeschée & difficile, i'ay esté cōtrainct d'escrire plus prolixement que breuement: ioinct aussi que breueté a communément pour compagne, obscurité: parquoy disoit bien Horace, *breuis esse laboro, obscurus fio*: c'est à dire, quand ie me parforce d'estre bref, ie deuens obscur & difficile. Je adiouteray de Quintilian, que, *Prima virtus orationis est perspicuitas*: la premiere vertu d'une oraison, harēgue, ou discours, est perspicuité & facilité. Mais de ce propos sera assez, à fin d'entrer en matiere pour ce neuuieme & dernier liure.

Pourquoy
c'est que l'a-
uteur escrit plu-
tost prolixement,
que breuement.

*Des cheminées pour les salles, chambres & garderobbes
en general. CHAPITRE I.*



Les cheminées des salles, chābres & garderobbes se font de diuers ornemens, & diuerses façons, suyuant la volonté & industrie des Architectes, ou maistres maçons qui les dressent & conduisent. Je diray sans iactance, que i'ay veu peu de personnes qui les sceussent bien dresser, & accō-
pagner de leurs mesures, & cognoistre l'endroit ou il les fault as-
soir. De sorte que vn chacun les met selon sa fantasie, & pour le regard de l'assiette du liēt. Car aucuns le desirent estre au costé droit, (comme c'est le meilleur) les autres ne s'en soucient. Quoy qu'il en soit, il ne peult tousiours bien venir à propos de mettre les liēt du costé droit, & qui sy voudroit trop rendre subiect, il pourroit faire grande erreur & faulte, quand on viendrait à per-
ser les fenestres, ou bien pour mettre les cheminées en lieu mal à propos. Toutesfois ie trouue bon que les liēt soiēt du costé droit & quand ils ne le seront, on ne laissera de bien faire. Les premie-
res cheminées qui ont esté faictes en Frāce avec mesures & quel-

Peu de person-
nes sçauoir
bien dresser et
colloquer les
cheminées.

LIVRE IX. DE L'ARCHITECTVRE

*L'auteur a-
voir fait le
premier che-
minées en Fra-
ce, par mesure.* ques raisons, ont esté celles que i'ay fait faire au chasteau de S. Maur des fosses pres Paris: qui sera dit sans aucune iactâce. Vous en verrez cy-apres vne semblable, seulemēt par ses pieds droicts & manteau, ainsi qu'on le nomme. Mais pour entrer en matie-

re, ie vous aduertiray tout premierement, qu'il fault prendre les largeurs qu'on doit donner aux cheminées, suivant la grandeur des lieux auxquels on les veult mettre: & notez, si vous plaist, que pour vne salle il les fault tousiours eriger au milieu: i'entend au milieu du pignon & muraille qui fait la separation des salles & chābres. Si vous estes contrainct de les mettre sur la longueur de la salle par les costez, faites qu'elles soient au milieu entre les croisées, ou entre les portes si l'y en trouue deux: pour-autant qu'il n'y a rien si laid, ne si mal plaisant à voir quād on entre dans vne salle, que vne cheminée estant à costé ou pres d'un angle, ou bien d'une fenestre, ou sur vn costé plus hault que l'autre. Au con-

*De la largeur
des cheminées
et en quel lieu
il les fault eri-
ger.*

*Cheminées
des chambres
avec leurs lar-
geurs.*

traire il ne fault eriger les cheminées des chambres au milieu des faces desdictes chābres, mais biē les tirer plus à costé, pour dōner espace & largeur suffisante à la place du liēt, & de la chaire qui doit estre aupres, & vne autre petite espace pour la ruelle. Telle largeur doit estre cōmunemēt de neuf pieds pour le moins aux chābres moyennes, qui ont de vingt à vingtdeux pieds de large, & dix pieds à celles de 24. Et encores ie voudrois que le costé ou sont plantées les cheminées, fust plus large que l'autre, à fin d'y pouuoir trouuer plus grāde aysance pour la place du liēt, & cheminée: & aussi pour y planter vne porte, laquelle bien souuent se trouue au costé pres de la cheminée. Par ainsi aux chambres qui ont 24 pieds de large, le costé de la cheminée en aura vingt cinq. Quant à celles qui ont vingt sept & trente pieds en tous sens, elles se trouuent tousiours fort belles estant toutes quarrées, c'est à dire, autāt larges d'un costé que d'autre. A telles & semblables, on peult donner x i j. pieds pour la place du liēt, depuis le pied droict de la cheminée iusques au coing de la chambre: mais telles mesures de cheminées & places de liēt se doiuent faire selon les lieux, & la situation des chambres, soit pour l'esté, ou pour l'hyuer, & aussi selon la qualité du seigneur pour lequel on fait le bastimēt. Bref, il fault besongner selon les logis & qualitez de ceux pour qui on les fait, soient pour Roys, Princes, ou autres seigneurs: car aux liēt des Roys & princes on met communement tout à l'entour, de petits baleustres, ou autres ornemens en façon d'appuy: qui sont de trois pieds de haulteur, & deux ou trois autres loing du liēt, à fin que lon n'en puisse approcher. Ce qui doit estre à propos du ode qu'on met par dessus le liēt Royal,

*Ornement
et façon d'un
liēt Royal.*

auquel on accommode quelquefois des seconds rideaux de toile d'or, ou d'autre matiere, ainsi que leur maiesté le requiert. Mais ce lieu n'est à propos pour parler des mesures des chambres, & dedans des logis, ny moins des meubles & ornements des salles & chambres des Roys & grands seigneurs, veu que telle matiere est assez suffisante pour en faire vn liure à part, qui ne seroit mal à propos: veu qu'on trouue peu de personnes qui sçachent bien orner & decorer les logis des Roys & Princes, auxquels veritablement on met de fort beaux meubles, & autant riches qu'il est possible d'excogiter, mais le plus souuent tres-mal ordonnez. Delaisant donc ce propos nous parlerôs des cheminées propres pour les mediocres logis, qui ne sont ne trop grands, ne trop petits: comme pourroit estre celuy de saint Maur des fosses (dont nous auons souuent parlé) auquel les salles se trouuēt auoir vingt quatre pieds de large sur quarante de lōgueur. Je desirerois qu'en tels logis l'ouuerture des cheminées ne fust que de six pieds, entre les pieds droicts dans œuvre: & de quatre & demy de haulteur iusques au manteau: & trois pour le plus de saillie, depuis le contrecueur de la cheminée, iusques au deuant du pied droit. Quāt aux cheminées qu'on voudroit faire au deuxieme, troisieme, & quatrieme estages des logis, ainsi qu'on les fait en diuers lieux, si vous y estes contraincts, vous mettrez la premiere dans l'espeſſeur du mur, le plus auant que vous pourrez, à fin qu'elle ne soit tant en saillie & hors du mur: & luy donnerez pour sa saillie depuis le contrecueur iusques au deuant des pieds droicts, deux pieds & demy: & à la deuxieme qui est au dessus, deux pieds & vn quart: puis à la troisieme, deux pieds. Telles mesures se doiuent donner selon les logis, & grandeurs d'iceux. Pour faire bien bonnes lesdictes cheminées, i'ay cogneu par experience qu'elles veulent estre aussi larges par le dehors des couuertes, comme en-bas: de sorte que si elles ont six pieds de large dans œuvre par en bas, il fault qu'elles en ayent autant par en-hault: & ne fault qu'elles se restroississent par les costez, mais bien que le tout soit à plomb & perpendiculairement. Il fault aussi que la pête du dedans de la cheminée (laquelle aucuns appellent la hotte) cōmence depuis le manteau de l'adiſte cheminée, iusques au droit de son plancher: & qu'en ce lieu, la largeur de l'ouuerture par ou doit passer la fumée, n'ait que de huiſt à neuf poulces, & que le tout aille en estroississant, iusques au plus hault, n'ayant que de cinq à six poulces d'ouuerture, sur la largeur de six pieds, ou longueur de la fente de la cheminée. Le dedans se doit conduire le plus poliment, plus vniment, & droitemēt que faire se peult,


Des cheminées du deuxieme, troisieme et quatrieme estages d'un logis.

Fagon pour rendre les cheminées bien bonnes.

A a a iij

LIVRE IX. DE L'ARCHITECTVRE

car quand il se trouue raboteux, ou mal droict, cela est souuent
Du dedans cause de faire fumer dedans les logis. Je vous ay figuré cy, dessous
des cheminées un manteau & pieds droicts de cheminée semblable à celuy qui
pour les ren- est aux salles du chasteau de S. Maur des fossez, & en verrez
dre bonnes. d'autres cy apres.



*De certaines mesures des cheminées, tant pour leurs manteaux
 corniches, frise, & architraue, que pour les pieds droicts.*

CHAPITRE II.



E vous ay parlé cy-deuant des largeurs, haulteurs
 & ouertures des cheminées, maintenant ie desi-
 re vous escrire plus particulièrement des mesu-
 res & ornements d'icelles, & monstrier la diffe-
 rence qui se trouue, quand on y veult proceder
 suiuant & imitant les ordres des colomnes. Car
 vous pouuez faire vne cheminée Dorique, l'autre Ionique, &

ainsi conseqüemmēt des autres ordres selon vostre volonté: non pas qu'il soit de besoing d'y obseruer les mesures & proportions des ordres des colonnes, & telles que vous les auez veuës par cy-deuant, car il y'a grande differēce entre ce qui est dehors & à decouuert ayant grande haulteur & largeur, avecques ce qui est au dedans, & se voit de pres, en petite espace, dont la veüe peult mieux iuger & discerner les mesures qui y sont. Pource est-il qu'on doit faire les ornemens des cheminées plus delicats, & les ouures plus proprement taillées, & bien faictes. Par ainsi il fault que les largeurs & ouuertures des cheminées soient biē proportionnées selon la grandeur de la chambre ou salle ou vous les appliquez. Comme, par exemple, pourroit estre vne cheminée laquelle ie vous figure cy apres pour vne salle, ou biē pour vne galerie: laquelle ie suppose auoir six pieds de large entre les pieds droicts, & quatre pieds, dix poulces de haulteur, & cinq piedz pour le plus depuis l'aire iusques au dessous du manteau, qui est six pieds de largeur, sur cinq de haulteur pour l'ouuerture. Vous donnerez pour la largeur du pied droict, ou architraue du deuāt de la cheminée vne septieme partie de la haulteur, & autant pour la haulteur de la frise: la haulteur de la corniche, sera vne sixieme partie de la largeur de la cheminée, qui est vn pied: la largeur du modelon ou rouleau qui est au dessous de la corniche, sera vn pied: mais au dessous sur sa basse il sera autant large que l'architraue, & ainsi adoucy & canelé, comme vous le voyez en la figure cy apres proposée. Telle sorte de mesure se trouuera belle, ainsi que vous le pourrez iuger. Quant aux cheminées qui n'ont que quatre pieds & demy de haulteur depuis l'aire iusques au manteau, vous leur donnerez vn pied pour le front & largeur du pied droit: ou bien si elles ont cinq pieds de haulteur, vous mettrez lesdicts cinq pieds en quatre parties, & en donnerez vne d'icelles, qui sont quinze poulces, à la largeur dudit pied droit de cheminée. Puis de telle largeur vous en prendrez la moitié, qui sont sept poulces & demy, pour faire la largeur de l'architraue & mou lure qui tourne à l'entour de l'ouuerture de la cheminée. Suiuant ledit architraue, vous trouuerez la haulteur de la frise, qui a vne sixieme partie de haulteur, plus que luy, & là vous ferez la haulteur de la corniche autant que est ladicte frise. Qui vouldroit tout specifier, & descrire particulièrement toutes les mesures & ornemens des cheminées, & y faire distinction des ordres Doriques, Ioniques, & autres, tant pour celles des salles & chambres, que des cabinets, galleries & garderobbes, seroit chose bien fort longue, & suffisante pour en faire vn liure à part. Toutesfois oul-


Les ouuertures des cheminées deuoient estre proportionnées à la grandeur des chambres.

D'autres mesures de cheminées, & de leurs ornemens

Vouloir specifier particulièrement toutes les mesures & ornemens des cheminées, seroit chose fort longue.

LIVRE IX. DE L'ARCHITECTVRE

tre ce que ie vous en escriray en ce neuuieme liure, ie vous en donneray aussi d'autres fortes & plus particulieres, en nostre second Tome d'Architecture, lesquelles nous retirerons & trouverons apres les belles proportions diuines, dont ie vous ay souuent parlé. Ce temps pendant vous pourrez vous ayder de la figure cy dessous proposee.




*D'un ornement de cheminée qu'on pourroit faire en vne grande
salle Royale, ou autre de quelque grand Prince &
Seigneur. CHAPITRE III.*



Epuis quelque temps la coustume est venue, que non seulement les Maieftes, Princes & grâds seigneurs desirent auoir fort riches les ornements des cheminées qui sont en leurs salles & chambres, mais aussi plusieurs autres voulans contre-faire les Roys & Princes par representation & imitation de ce qu'ils voyent estre beau en leurs chasteaux & palais, de sorte qu'ils festudient d'auoir le semblable, ie ne diray en richesse de taille, de sculpture, & autres ouurages, mais aussi d'incrustation de marbre. En quoy veritablement il me semble qu'ils soublient, comme en assez d'autres choses, lesquelles ils font outre leurs qualitez, sans se bien cognoistre ny mesurer: dont il leur en préd mal le plus souuent. Toutesfois pour cela ie ne lairray de mettre cy apres l'ornement d'une cheminée, soit pour vne grande salle ou chambre, estant assez aysé à faire, & tant richement qu'il vous plaira: en tous les pieds droicts, & mâteau, iusques aux frises & corniches de marbre: voire le quadre qui est derriere la figure ouale, & le reste de quelque belle pierre, ainsi qu'on voudra: ou bien de marbre blanc, avecques sculpture pour les belles figures, & petits enfans, fruiçts, fueillages, & autres ornements que vous pouuez faire en ce beau compartiment que vous voyez cy apres: estant fait de telle sorte qu'il vous est facile d'y trouuer trois façons d'ornements de cheminées differentes les vnes des autres, pour les faire separément quand vous voudrez, & encores les faire plus riches, ou moins, que ceste cy: comme d'estuc, ou pierre du pays auquel vous serez, pour ceux qui n'auront la commodité de le faire de marbre. Doncques vous obseruerez & considererez la belle structure & inuention de la prochaine cheminée.

*Plusieurs vou-
loir imiter, à
leur domina-
ge, les singu-
laritez des
maisons des
Roys & prin-
ces.*

*Pour faire che-
minées plus
riches, ou
moins.*






Les cheminées des chambres qui ont vingt quatre
pieds en quarré ne doiuent auoir que cinq pieds &
demy d'as œuure pour la largeur d'entre les pieds
droicts, & quatre pieds de haulteur, iusques au
mâteau d'icelles, & deux pieds & demy de saillie
depuis le cōtreceueur, iusques au deuât des pieds
droicts dedâs œuure: montant tousiours perpēdiculairement ius-
ques au plus hault des tuyaux des cheminées, cōme nous auōs dit
par cydeuant. Il fault que la pēte du dedâs des cheminées, depuis
le manteau iusques au droit du premier plācher, soit dressée ainsi
que nous auons nagueres enseigné. Quant aux ornemens des di-
ctes cheminées, le tout gist à la volonté & ordonnance de celuy
qui a la conduicte du bastiment, & du seigneur aussi, pour les deu-
iſes & enrichissements. Mais sur tout il fault que le conducteur
sçache bien donner les proportions aux corniches, moulures &
autres parties, pour estre chose d'importance, ie dy plus grande,
qu'il ne semble: car l'ornement peult estre tel, qu'il ayde à rete-
nir la fumée dans les chambres: & quelquefois, au contraire. Ie
suis tousiours d'aduis que le deuant de la cheminée dedans la sal-
le, chambre & autres lieux, soit tousiours à plomb & perpendi-
cule avec les pieds droicts, & non point renuersé & en pente,
suiuant la hotte, comme aucuns ont fait. Vous le conduirez dōc
ainsi que vous le pouuez voir en la figure cy apres proposée, avec-
ques le plan des moulures des pieds droicts, au lieu ou i ay esqui-
ché grossièrement le tout, pour faire cognoistre comme lon doit
faire les moulures à tailler les pierres, & figuré seulement la fri-
se, corniche, & le dessus, ainsi que vous le pouuez cognoistre par
la figure, sans en faire plus long discours, sinon que vous y vou-
lissiez faire la despence, ou que ce fust pour les grands seigneurs,
qui eussent le vouloir de mettre force ornemens depuis la cor-
niche du manteau de la cheminée, iusques au plancher, ainsi que
vous en verrez apres ce chapitre quelque desſeing & figure.

*Mesure des
cheminées
pour chambres.*

*Des deuſes,
& enrichisse-
ments des che-
minées.*

*Description
de la figure cy
apres propor-
tionnée.*

LIVRE IX. DE L'ARCHITECTVRE



*Des ornements des cheminées, lesquels on peut faire depuis le
dessus de la corniche des manteaux iusques aux
planchers. CHAPITRE V.*




*Ornement
de cheminée
pour les Roys,
Princes, &
grands seigneurs*


Ombien que j'aye dit qu'il n'est permis à vn cha-
cun de imiter les Roys & grands seigneurs, pour
faire semblables ornements & richesses en leurs
bastiments (comme aucuns le font, sans se sca-
voir mesurer) si est-ce que ie ne veux pour cela
faillir de monstrier quelque bel ornement pour
decorer & enrichir les cheminées depuis leur manteau iusques
au plus hault pres du plancher, pour les châbres des Roys, Prin-
ces & grâds seigneurs, qui meritent choses de plaisir, & de gran-
de magnificence, soit en tableaux, peinture, basse taille de mar-
bre, ou autre, avec quelque ornement tout à l'entour, riche &
beau

beau pour accompagner l'excellence du tableau, ou histoire qui doit estre bien faicte. Oultre la bordure que vous y voyez au des-
 seing cy-apres proposé, ie figure vn ornement de termes (au lieu *Explication*
 de colonnes) masculins & femenins, & au costé de la cheminée *des parries de*
 sous mesmes proportions desdicts termes, ie figure des piliers & *la figure pro-*
 chapiteaux de l'ordre Dorique, ainsi que vous le pouuez voir par *chaine.*
 le pourfil de l'ornemét. Toutefois quád vous desirerez mieux ac-
 compagner l'ornemét, & le faire plus riche, au lieu desdicts pil-
 liers & chapiteaux Doriques, vous pourrez mettre des termes,
 aussi bien par les costez, comme par le deuant: car vostre œuure
 sen monstrera beaucoup plus riche. Et quand vous n'y voudrez *Continuation*
 faire figures de termes ou satyres, vous y pourrez mettre des co- *de ce que des-*
 lonnes de tel ordre que vous desirerez, qui porteront des mutu- *sus.*
 les ou rouleaux, ainsi qu'en la figure cy apres proposée: laquelle,
 oultre ce que dict est, vous represente aussi au dessus des corni-
 ches, quelques petits enfans & animaux, estât le tout fait à plai-
 sir, & pour monstrier seulement l'inuentiō des ouurages qu'on y
 peult faire, selon les deuises & volonté du seigneur, & aussi de
 l'Architecte. Le dessous du quarré (au lieu ou se voit la masque)
 peult seruir de frise, corniche & manteau de cheminee, ou bien
 appliquer le tout (comme le festō des fucilles qui est au dessous)
 par dessus la corniche, & manteau de cheminee, tel que celuy est
 que ie vous ay figure cy-deuant, ou bien d'autre sorte, ainsi que
 vous voudrez. Le reste vous sera monsté par la prochaine figure,
 & ornement du deuant d'une cheminee.

Bbb









Je vous aduertiray que l'inuention & l'ornement de la cheminée que ie vous ay donné cy-deuant, est propre pour estre aussi appliqué à plusieurs autres choses, que parèments & ornemèts des cheminées des salles, & chambres, comme à faire les ornemèts d'un grand tableau qu'on met aux galeries, ou bien à faire quelque ornement d'un grand miroir, faire compartiments & ornemèts des menuyseries, ou bien pour fenestres d'un cabinet, soit le tout pour estre fait de marbre, d'estuc, de boys, voire d'argent & orfeuerie. Par telle inuention il s'en peult trouuer plusieurs autres: pour le moins la figure precedente, & encores l'autre que ie vous propose cy-apres, seruiront pour aduiser l'Architecte, d'y adiouster, ou diminuer, ou bien d'ôner quelque autre inuention, comme il en aura volonté, & que son bon esprit l'aduertira. Doncques quant aux ornemèts & faces des cheminées, qu'on doit appliquer depuis le dessus du manteau, iusques à la corniche qui est pres le plancher, vous les ferez ainsi qu'ils sont en la figure cy-apres descrite: ou bien, si vous voulez, vous oterez tous les trophées & banieres qui font l'amortissement, aux lieux marquez F, G, voire iusques à la corniche qui est portée sur les modelons, en façon de rouleaux: laquelle vous pourrez faire seruir à porter les sablières & solives du plancher. Si est ce que quand vous voudrez faire un amortissement semblable à cestuy cy, ou bien d'autre sorte, il fault tousiours appliquer vne corniche au plus hault de l'amortissement: car tout en sera plus beau & meilleur, à fin de porter les sablières & solives, tant par le deuant de la cheminée que par les costez. Ladicte corniche ne seruirà seulement pour la beaulté & decoration de l'œuvre, mais aussi pour ayder à porter l'encheuestrure, sur laquelle est le foyer, (ainsi que aucuns l'appellent) de la seconde cheminée, laquelle on pourroit faire au dessus du plancher, comme pour seruir à un second estage. Et pour autant qu'il me semble que cecy suffira pour l'intelligence du present discours & cognoissance du desseing cy apres figuré pour les faces & ornemèts des cheminées, vous me permettrez si vous plaist, de passer oultre, & parler des cheminées pour les garde-robbes.

*Vne inuention
en amener et
faire trouuer
plusieurs au-
tres.*

*Du foyer &
cheminée du
second estage
du logis.*








Des cheminées pour les garderobbes. CHAP. VI.

Vant aux cheminées qu'on doit faire pour les garderobbes, elles ne doiuent estre fort grâdes: parquoy il suffist qu'elles ayent quatre pieds & demy de largeur, ou quatre pieds neuf pouces pour le plus, & trois pieds & demy de haulteur iusques à leur manteau, & deux pieds vn quart de faillie pour les pieds droicts: qui doiuent tousiours estre à plomb iusques au plus hault des cheminées, ainsi qu'il a esté dit: puis faire la hotte de mesme, & en pente iusques au droit des planchers. Mais il fault que par le dedans de la garderobbe tout le deuât de la cheminée soit tousiours à plomb, & perpendiculairement: & autant en faillie, comme sont les iambages, & pieds droicts de la cheminée. Vous voyez en la figure cy-dessous proposée les pieds droicts, manteau, frises & corniches, figurez comme ils estoient de marbre, avec fort petites & legeres moulures: & au dessus des corniches, quand c'est pour Roys & grands seigneurs: si vous voulez appliquer telles cheminées aux cabinets, vous les ferez de pareil ornement, & autant riches qu'il vous plaira. Et de ce vous vous cõtenteriez pour le present, iusques à quelque autrefois que j'auray meilleur loisir, & vous pourray donner plusieurs autres fortes, & façons: comme celles que j'ay fait faire pour les Maistres, & aussi au chasteau d'Annet.

Les cheminées des garderobbes ne deuoir estre trop grandes.

Declaration de la figure suivante.



LIVRE IX. DE L'ARCHITECTURE

Après que ie vous ay suffisamment aduertis des ornemens & façons des cheminées pour les salles, chambres, & garderobes, (qui se peuuent aussi appliquer aux cabinets) il reste maintenant parler des fumées faictes & caufées par plusieurs cheminées au dedàs des logis, & du moyen de sen sçauoir preseruer. Qui est chose requise de plusieurs, pour auoir l'usage & aisance de leurs maisons, & aussi pour les rendre plus agreables à ceux qui les voudroient louer, ou acheter.

*Approches
pour le chapitre
suivant.*

*Singuliers moiens pour empescher que les cheminées ne rendent
fumée dedans les maisons. CHAP. VII.*

Pour empescher les cheminées de fumer dedans le logis.



Sçauoir bien dresser & logger vne cheminée n'estre petite chose.

Belle similitu de et fort propre.

L'Ay experimenté vne chose estre fort bõne pour garder qu'il ne fume en vne salle, ou chambre, c'est de mettre les cheminées dedans le mur tant auant que faire se peult. Qui est aussi chose fort à propos, pour faire que les cheminées ne donnēt empeschement dans les salles. Le trouue d'auantage qu'en faisant bas les mâteaux des cheminées, cela sert qu'elles ne soient suiettes à fumée, & que le visage ne soit offensé en se chauffant. Oultre ce elles rendent ainsi plus de chaleur dans le logis, pour auoir les pieds droicts aussi auācez que le mâteau: les quels ie desirerois estre quarrez par le deuāt, & faicts perpendiculairement & à plõb, iusqu'au dessous de leurs corniches, cõme il a esté dit cy-deuant. Aucuns le font au cõtraire, c'est que le mâteau de la cheminée a plus de saillie, que non pas les pieds droicts, en façon d'un rouleau, comme vous le pouuez auoir veu figuré par les costez de l'ornement de la cheminée de salle cy-deuāt proposée. Mais cela ne se doit faire sinon quand il y a contraincte, ou qu'on veult gagner place n'estant le lieu assez spacieux. Si est ce que par telle façon il aduient souuent que les vents des portes ou fenestres qui sont aux costez des cheminées, causent plustost fumées dedans le logis, qu'autrement. Je puis dire que ce n'est petite chose de sçauoir biē colloquer & dresser vne cheminée pour la commodité d'un logis, lequel souuent on voit estre abandonné, & ne se pouuoir louer ou vendre, pour l'incommodité des cheminées fumeuses. Quand les petits lieux, comme garderobes & cabinets, sont si bien ferrez & clos que le vent n'y peult entrer, indubitablement ils sont suiets à fumées, ausquelles il est fort difficile de pouoir remedier, pour autāt que tels lieux sont semblables à vn vase spherique (ou de quelque autre forme rōde) n'ayāt que vne ouuerture. Lequel si vous réplissez tout d'eau, &

renuersez contre bas le trou par ou vous l'avez remply, iamaïs il ne feuacuera, si vous ne luy donnez air par quelque costé. Ainsi est il des cheminées qui sont aux petits lieux, estants si bien clos & fermez que le vent & air n'y peult aucunement entrer: car cō bien que l'ouuerture de leurs tuyaux soit ample & spacieuse, cōme il fault, ce neantmoins la fumée n'en peult sortir qu'à grande peine, pour n'auoir contrepoulsment d'air par le dedans, au dehors. Qui faict qu'on est contrainct d'ouurir quelque porte ou fenestre, si aucune sy trouue. La raison de cela est apparence: car la flamme n'est autre chose que vn air allumé & suauement agité ou esuenté: si doncques il n'y a quelque mouuement & doulce agitation d'air, il n'y aura point de flamme: & si n'y a point de flamme, il y aura suffocation & fumée: ergo la diffilation y est requise & necessaire. Mais delaissons tous ces ergotismes, pour venir aux aides & remedes. Quelquefois on faict au costé des cheminées certains trous qui passent à trauers le plācher, ou le seuil & l'aire de l'encheuesture de la cheminée, au long de ses pieds droicts: combien qu'il seroit beaucoup meilleur que ce fust par dedās le pied droict, & conduire lesdicts trous par vn petit tuyau iusques au droict de la retraicte de la hotte de la cheminée: car ainsi faisant ils ne se verroient point, & se pratiqueroit dedans ledit tuyau vn petit vent qui chasseroit la fumée iusques au dehors. Il fault aussi noter que ladicte fumée est quelquefois causée quād les vents sentonnēt dans les tuyaux des cheminées: laquelle chose aduiet le plus souuent quand les tuyaux sont en droicte ligne & regardent les parties occidentales, ou bien le midy: car ainsi que le vent souffle sur la longueur de la fente, il rabat facilement la fumée, & faict qu'elle ne peult sortir. Le remede est de faire vne separation par le milieu du tuyau de la cheminée, qui soit de la largeur de l'ouuerture, & plus deliée, avecques moins d'espeſſeur que faire se peult. Mais il la fault commencer & faire mettre depuis le bout de la hotte, ou pente de cheminée, qui est à l'endroit du plancher de la premiere chambre, ou elle est plantée, iusques au plus hault du tuyau, & qu'elle excede vn pied ou deux plus hault, que ledit tuyau. Cela faict que quand les vents soufflent, ils ne peuuent rabatre la fumée, sinon qu'à la moitié du dedans de la cheminée, de sorte que si peu de feu qu'on y face il sera suffisant pour repoulsſer la fumée par le costé qui est couuert contre le vent. Lequel vêt pour auoir moins d'espace dedās le tuyau, perdra sa force incontinent qu'il entrera dedans la cheminée par la languette & separation faicte au milieu de ladicte cheminée. Quelquefois telle façon & aide ne sert de rien, ou de bien peu

*Certaines choses qui font ſu-
mer les chemi-
nées, auerques
les remedes.*

*Moyens fon-
dez en raisons
philosophi-
ques.*

LIVRE IX. DE L'ARCHITECTVRE


finon à quelque vent, & non à tous, pour-autant que le remede qui est bõ à vn n'est tousiours proufitable à l'autre, pour la diuersité des natures & indisposition des corps. Ainsi est il des logis & de leurs cheminées, car pour estre mal disposez, situez & plâtez, les aydes cõmunes & propres aux autres, ne leur seruent de rien. En quoy il ne fault aussi omettre certains vents peculiers à certains pais: de sorte que i'ay experimété qu'aux parties de la France septentrionale & occidentale, les fumées le plus souuent sont causées des vents Occidentaux: comme au Dauphiné, Prouence, Languedoc, & lieux voisins des meridionaux. Aucunes cheminées veulent auoir tous leurs tuyaux couuerts en façon de frontispice, ou mitre, pourueu qu'on leur laisse quelques ouuertures aux costez, pour faire euacuer la fumée: ainsi qu'on le peult voir à celles du chasteau de Boulõgne pres Paris; auquel ie fis faire du temps de la maiesté du feu Roy Henry (de qui Dieu ait l'ame) les estages de dessus au costé ou il n'y a point de terre cuitte emailée de laquelle ie ne voulus faire vser comme lon auoit fait au parauant, pour-autant qu'il me semble qu'elle n'eût conuenable avec les maçonneries, principalemēt quand on l'applique par dehors ceuvre. Toutesfois qui aura enuie d'en vser, elle sera propre pour les ornements des cheminées qui sont dans les salles, chambres, & cabinets, pourueu que l'email soit bien fait, & la terre bien cuitte. Mais reuenons si l vous plaist à parler des tuyaux des cheminées qui sont au susdit chasteau de Boulongne, auquel on y en voit de fort bien pratiquéz (comme aussi en assez d'autres lieux) avec les separations par le dedans, qui doiuent estre accompagnées de retraictes, quasi comme denteleures de syc, pour retenir ou plustost repousser les fumees, ainsi qu'elles veulent descendre, & le pouuez conceuoir par le desseing que ie vous ay cy apres proposé, representant la fumee, & monstrant comme doit estre le dedans du tuyau, ainsi que aucuns l'ont fait.

*Certains vents
estre peculiers
à certains
pais.*

*L'usage de la
terre cuitte e-
maillee.*

Petite

*Petite digression pour
plusieurs cheminées
ensemblement accu-
mulées.*



Après vous auoir mō-
stré comme doit estre le
dedans des tuyaux des
cheminées, ie vous veux
monstrer cy-apres par
dessaing, figure & escri-
ture, comme doit estre
par dehors l'ornement
des cheminées, lequel
on voit par dess^{us} les cou-
uertes. Vous cognoi-
strez par la prochaine fi-
gure comme les fumées
peuuent autant bien sor-
tir par les costez des tuy-
aux cōme par le dessus,
& avec tel nombre de
tuyaux, que vous aurez
à faire de cheminées :
ainsi que à ceste cy, ou
vous en voyez iusques
au nombre de six, pour
seruir à six cheminées.
Mais là ou c'est qu'il
fault faire vne si grosse
masse, (i'entēd plusieurs
cheminées ensemble) il
fault que le mur soit de
grande espaisseur pour
les porter, autrement l'es-
pace & quātité des tuy-
aux feroit vn grand em-
peschement aux cham-
bres qui se trouueroiēt
les plus haultes. D'autre
part, quand les pieds
droicts des cheminées


*Des chemi-
nées accompa-
gnées de plu-
sieurs tuyaux.*

Ccc

LIVRE IX. DE L'ARCHITECTVRE

sont trop eïnents par le dehors des murailles, ce n'est pas bonne maçonnerie, quelque grãde liaison que lon y face. Aucuns les font porter sur les solives & planchers, mais cela ne vault rien, pour autant que ainfi que le bois se diminue, ou se pourrist, la maçonnerie se corrompt, & les cheminées ne peuuent durer. Ceux doncques qui desirerôt d'y bien proceder, il fault pour remedier à cela, qu'ils facent des arcs de pente, par le deffous: ce sont petits traiçts, desquels ie n'ay parlé, pour-autant qu'ils se font tout ainfi que la porte de descente de caue estant droicte par le deuant: cõme nous l'auons escript & monstřé au commencement du troisieme liure, quand nous parliõs des traiçts pour les descentes des caues. Aucuns y appliquent des corbeaux & grãdes pierres d'auancement, pour ayder à porter la saillie des pieds droicts des cheminées: mais les bons ouuriers y sçauent bien donner ordre, les autres nõ. Dõcques il fault que les cheminées soiet bien liées ensemblemẽt avec les gros murs, lesquelles vous pourrez orner par le dessus, de corniches, moulures, & autres ornemens tels qu'ils peuuent estre si vous voulez, à celle que ie vous propose cy-apres: ou bien autrement, ainfi qu'il vous viendra à plaisir, & les bons maistres le sçauront bien inuẽter. Mais telle façon de cheminées & ouuertures ne sont pas tousiours bonnes par tout, ainfi que vous en auez peu entendre les raisons, & entendrez encores cy-apres, Dieu aidant. Qui sera la cause que ie ne m'y amuseray, à fin de reprendre le propos que nous auons entremis & rompu, qui estoit des moiens, aides & façons de resister & obuier aux fumées, & bastir si proprement les cheminées, qu'elles n'y soient subiectes.

*Les chemi-
nées deuoir
estre bien liées
avec les gros
murs.*



Ccc ij

LIVRE IX. DE L'ARCHITECTVRE

Autres façons & inuentions pour garder de fumer dans les logis. CHAPITRE VIII.

*Remede pour
preserver vn
logis de fumée*



'Ay trouué quelque fois des maisons plantées & basties si mal à propos, que lon ne pouoit inuen-
ter aucun moien pour les preseruer & deffendre
des fumées, quelque ouuerture & façon de che-
minées qu'on y eust peu faire. Si vous récontez
de telz logis & habitations, vous y pourrez re-
medier en mettant au plus hault de la cheminée vne enseigne ou
girouette qui tournera selon les vents, estant accompagnée d'un
grand chauderon tout debout en forme de demie sphere, par les
extremitez duquel penetrera le fer & tige de ladicte girouette,
qui fera tousiours tourner contre le vête cul du chauderon qui
se mouuera tout autour de la cheminée ainsi que ledit vent tour-
nera, & courra le tuyau de telle sorte que les bouffées de vent
ne sy pourront entonner. Telle façon de faire est fort bonne &
seroit encores meilleure aux cheminées qui ont les tuyaux ronds
comme flutes, ainsi que les anciens les faisoient. Mais notez ie vous
prie qu'elle n'est propre que à vne cheminée seule, qui ne vou-
droit rendre quarrées les fentes par le dedans, & toutes circulai-
res par le dehors. Quelques vns pour singulier remede appliquēt
des moulinets au droict de la hotte, par le dedas de la cheminée,
à fin que la fumée les face tourner, & que par ce tournoiemēt &
mouuement ils chassent & poussent la mesme fumée au dehors.
Par autre inuention il seroit tresbon de prendre vne pomme de
cuire, ou deux, de la grosseur de cinq ou six poulces de diame-
tre, ou plus qui vouldra, & ayant fait vn petit trou par le dessus,
les remplir d'eau, puis les mettre dans la cheminée à la haulteur
de quatre ou cinq pieds, ou enuiron (selon le feu qu'on y vouldra
faire) à fin qu'elles se puissent eschauffer quand la chaleur du
feu paruiendra iusques à elles, & par l'euaporation de l'eauē
causera vn tel vent qu'il n'y a si grande fumée qui n'en soit chas-
sée par le dessus. Ladicte chose aydera aussi à faire flamber & allu-
mer le boys estant au feu, ainsi que Vitruue le monstre au vi. cha-
pitre de son premier liure, parlant de la generation & nature des
vents, laquelle il confere avec ce que les Grecs nomment *Æoli-*
pyles, qui ne sont autre chose que globes ou boules d'airain (ou
d'autre matiere) pour seruir de soufflets contre vn feu. Elles sont
creuses, & ont vn trou fort estroit, par lequel on les éplift d'eauē,
puis on les met deuant le feu pour faire eschauffer ladicte eauē:
laquelle aussi tost que la chaleur l'a atteinte & penetrée, rend


*Description
des *Æolip-*
yles & souf-
flets, selon
Vitruue.*

vn vent impetueux & puissant à merueilles. Voila cōme par vne petite experience & similitude, on peult comprendre les grandes & excessiues violences des vents: ainsi que presque de mot à mot l'a descrit ledit Vitruue, & l'ay bien voulu icy repeter comme chose necessaire aux petites chābres, lesquelles on voit, pour estre biē fermées, & n'y pouuoir entrer air ny vent exterieur, estre subiectes à fumées, & malaisé d'y remedier, si ce n'est par le moie de ces *Æolipyles*, ou boules composées comme dit est. Quelques vns pourroient dire qu'elles ne sçauroient long temps faire vent: à quoy ie respond, que plus elles seront grādes, plus le vent y durera: comme aussi en leur donnant vne chaleur temperée par le dessous. Et plus il y aura grand feu à les eschauffer, plus elles souffleront vehementement & de grande force, mais aussi l'eau en fera pluſtoſt euaporée: parquoy il sera bon d'en auoir deux ou trois, & plus qui voudra, à fin que l'une ne soufflant plus, lon en remette en son lieu vne autre. Et pour autant que chacun n'a le moyen, ou la patience de mettre peu à peu de l'eau dedans les susdictes *Æolipyles* ou boules: ce leur sera aisé en les chauffant, & en apres mettant dans vn seau d'eau, car elle y entrera incontinent. Et à fin que vous cognoissiez mieux cōme elles se doiuent appliquer aux cheminées, i'en ay fait vne figure cy-apres, tant pour le deuant d'une cheminée, que du dedans, à fin qu'il vous soit facile de cognoistre cōme il les fault colloquer & eschauffer: & aussi cōme elles chassent la fumée. Mais de ce propos sera assez pour donner fin au present chapitre, ce que nous ferons incontinent apres vous auoir aduertis que cōmunemēt & le plus souuent. tout bois verd en multitude de flamme remplist les chambres de fumée, laquelle est repoussée par les vents, ou bien retenue par l'angustie de la cheminée qui empesche sa sortie & issue, ou bien que la cheminée est si estroicte en bas qu'elle ne peult receuoir & distribuer la fumée: mais la plus grande cause procede des vêts pour autant que la fumée tousiours mōtant en hault, est tousiours rabatue & repoussée: qui fait que pour sa legereté elle retourne en arriere quand elle les rencontre, & principalement quand il y a abundance de bois verd qui engendre grosse & espesse fumée. En la cheminée qui a des pertuis & ouuertures vers les quatre parties du monde, la fumée n'est empeschée ou repoussée de tous vents, pour autant qu'elle est patente & ouuerte de toutes parts & endroicts. Qui sera pour conclusion du present chapitre & dif cours.

L'auteur respond à quelle objection.

Des causes qui retiennent ou repoussent la fumée aux chambres.

LIVRE IX. DE L'ARCHITECTVRE




De quelque sorte d'ornemens des cheminées par dessus les ouvertures des maisons, avec plusieurs remedes contre la fumée autres que les precedents. CHAP. IX.

E vous mettray encores cy-apres deux autres sortes de cheminées, lesquelles on peut couvrir contre les vents, qui bien souuēt repoussent la fumée dans les logis si desordonnément, qu'on ne s'en peut deffendre, sinon par le moië & aide de ceux qui par longue experience cognoissent le naturel des lieux. Laquelle chose aduient principalement quand les tuyaux des cheminées sont voisins & proches de quelque hault edifice, ou quand les logis avec leurs cheminées sont en lieu bas &

deffous vn clocher, ou bien pres d'iceluy, ou d'une grande tour, ou paillon, estants plus hault esleuez que le corps du logis: ou bien quand les maisons sont situées en vne croupe de montagne, ou en vne vallée. Car les vents estants là retenuz, & y trou-

Diuerses causes du repoulement des fumées dans les logis.



uâts empeschemêts avecques resistance, sont contraincts senfourner dedâs les cheminées, ou bié voltiger tout à l'étour, & souffler par dessus, qui empesche que la fumée ne peult librement sortir des tuyaux. En tels lieux & tels accidents il est necessaire de couvrir toute la cheminée, voire encores les costez par ou doit sortir la fumée. Et à fin que cela ait bonne grace, & que la fumee retenue ne noircisse les pierres, l'Architecte y doit faire quelque ornement exquis, pour-autant que c'est vn lieu fort eminent, & exposé à la veüe des hômes, pour estre par dessus les couuertes.

C'est pourquoy ie vous ay voulu dōner icy le dessein que vous voyez, avec le plan du deffous de la montée, à fin que vous cognoissiez par ou doit sortir la fumée, qui est au droict des contremurs, qui sont en saillie surpendus, & fondez sur des mutules & rouleaux qui portent la surpente: de sorte que quand la

Pourquoy c'est que l'auteur propose icy ce dessein de cheminée.

fumée veult descendre, elle passe entre lesdicts rouleaux, comme elle faict aussi par le dessus. Cela se cognoist autant bien par le plan, que par la montée. Par ainsi les petits murs qui sont au de-

LIVRE IX. DE L'ARCHITECTURE

uant, donnent tel empeschement au vent qu'il ne peult souffler dans le tuyau, & soufflât dessus iceluy ou dessous, ils font que la fumée sorte dehors, sans retourner ou sarrester dans ledit tuyau, ainsi que vous le pouuez cognoistre par la figure cy-deuant proposée.

Autre inuention & engin contre les fumées. CHAP. X.


*Inuention du
seigneur Car-
dan contre les
fumées.*



*L'auteur rei-
gle & refor-
me l'inuention
de Cardan,
sans aucune
reprehension.*

*Opinion de
l'auteur tou-
chant vne au-
tre inuention.*

E vous veulx encores icy donner vne inuention & aide contre les fumées extraicte du liure Des subtilitez du seigneur Hierôme Cardan, philosophe & medecin tresdocte. C'est que à chacune face des cheminees fumeuses il colloque deux tuyaux de terre opposites l'un à l'autre, de sorte que l'un tend en-hault, & l'autre en-bas. Car, ainsi qu'il diët, & est chose veritable, il est impossible que huiët vêts, quatre tédans en bas, & quatre en-hault, soufflēt des quatre principales regiōs du ciel. Et si ce ne peult estre fait, la fumée ne peult retourner en arriere: & dit que par experience cela a esté exactemēt approuué. Ce qui est aisé à croire, & facile de faire, signāment quand il n'y a qu'un seul tuyau de cheminee. Mais si c'est vne masse de cheminées qui ont trois ou quatre tuyaux ensemble, cela ne se peult si bien faire, pour autant que aux cheminées qui sont par le milieu, on ne peult mettre tels tuyaux de terre, que par les deux costez, & aux tuyaux de celles qui sont aux extremittez, par trois. Si est-ce que pour cela ie ne veulx rien reprendre de l'inuention dudit seigneur Cardan, car elle est diuinement bonne. Il escrit encores quasi chose semblable à ce que j'ay diët cy-deuant en parlant des hottes des cheminées, ou lon est grandement aydé par la largeur des gueulles, ou, si vous voulez, des commencements de la hotte, à fin que la fumée departant de la flamme du feu, se puisse bien enfourner dans le tuyau de la cheminée. Quoy que ce soit, le plus seur de tous les tuyaux, est celuy qui est enuironné d'un fourreau, ou d'un petit mur qui ne touche point à la couuerture, & est esleué comme petites tournelles rondes, & surpendues à la masse de la cheminée, ainsi que vous le pourrez voir à la figure cy apres proposée: non pas que lesdictes tournelles soient ainsi que ledit seigneur Cardan décrit ses tuyaux, mais bien d'une autre sorte, laquelle ie figure persée de routes les quatre parts, chacune en deux lieux, pour faire que la fumee puisse sortir librement, & que le vêt ne la puisse repoulsier. Le figure telles tournelles sur le deuant pour resister contre le vent, & que la



fumee puisse sortir aisément par dessus & dessous elles, ainsi qu'il vous sera aisé de le cognoistre par le plan & môtée des tuyaux que vous voiez en la presente figure.

Aduertissement.

Il y a des cheminées qui sont non seulement si mal plâtrées & situées dâs les châbres & salles, mais encores si mal faictes, que ^{plusieurs che}quelque remede qu'on y ^{minées, pour}puisse chercher, on ne les ^{leur mauuaise}peult amender sans les re- ^{façon, ne se}faire. ^{pouuoir amen}Ie vous prieray de ne ^{der contre la}trouuer long ce discours, ^{fumée.}lequel ie poursuis ainsi prolixement, pour autant que ie voy beaucoup de personnes estre en peine, pour l'incommodité des fumées: vous assureât que qui voudroit bien escrire les causes de la subiectiion ou en font plusieurs logis, avec le moié d'y remedier à tous propos, il faudroit en faire vn liure entier. On trouue assez de gēs prôpts à dire, il fault faire cecy, il fault faire cela, mais peu sçauent mettre la main, cō me lō dit, à la paste, & proposer la cause de tel inconuenient. Qui a faict que j'ay escrit au premier liure que l'Architecte doit bien entēdre les reigles de phi-

LIVRE IX. DE L'ARCHITECTURE

*L'Architecte
devoir cognoi
stre les reigles
de philosophie*

*Les chemi-
nées n'estre
toutes d'une
forme.*

lophilie, & cognoistre la nature des lieux, pour bien tourner les bastiments, selon que la situation & disposition des vents & du ciel le requerra. Car lors il pourra non seulement preserver des fumées toutes sortes d'habitations, mais aussi maintenir en santé les habitans d'icelles, en tant que la nature du lieu le pourra permettre. Mais laissant ces propos, nous vous advertirons qu'il y a assez d'autres inventions pour empêcher de fumer dans les logis, voire quand les cheminées seroient mal composées, & qu'on ne les voudroit refaire, pour la despense ou incommodité qui s'y trouue. Si l'Architecte est homme sçauant en son estat & sçait choisir, comme nous auons dit, lieux propres pour faire habitations d'esté, d'hyuer, & autres, par mesme moien & raison qu'il fera conduire l'edifice, les cheminées y seront aussi plantées de telle sorte, qu'elles ne reicteront aucunes fumées dans les logis. Mais ledit Architecte ne doit ignorer qu'il les faut faire quelquefois toutes rôdes, quelquefois triangulaires, autrefois hemispheriques, & en aucuns lieux quarrées. Le tout ainsi que la nature des lieux le requerra, & le conducteur de l'œuvre le cognoistra & ordonnera.

*Vne sorte de cheminée estant accompagnée de fours, & propre
pour les maisons ausquelles on fait grande cuisine.*

CHAPITRE. XI.




*Cheminée a-
vec ses fours
prise par l'au-
teur en Italie.*

Ourautant que aux riches maisons, ou il y a grand peuple à nourrir, on est contrainct de bastir grandes cuisines, & par consequent grandes cheminées avecques leurs fours, ie vous en ay voulu cy apres figurer vne, laquelle i'ay raporté d'Italie, & illec prins son dessein, pour la beauté des ornemens qu'elle me sembloit auoir par le dessus: & aussi pour la commodité des fours à cuire le pain, & la patisserie. Le feu &âtre, (appellé d'aucuns foyer) ou lon rotissoit & se faisoient les potages, estoit au milieu de la cuisine à l'endroit marqué A. Les broches pour rostir se mettoient aux quatre faces, & les pots des potages au droict des quatre petits murs marquez B. Il y auoit vne petite muraille au lieu C, qui n'estoit que de huit pieds de haulteur, ou enuiron, & faisoit vne separation de la cuisine, & des fours à cuire le pain, comme vous voyez aux lieux marquez D. Le tout estoit fort à propos, & se rapportoit à vn tuyau de cheminée. Vous voyez par le plan comme telle chose seroit aisée & bien commode, car on pourroit faire des allées & passages aux lieux de E, pour aller au fournier, sans entrer dans le comparti-

ment ou est la cuisine, laquelle peult estre fermée de quatre petites murailles tout autour, sans que les cuisiniers en soiēt aucunement discominodez ne empeschés de leurs affaires : pouuants sortir par le deuant, au lieu de G, pour faire les lauements de la chair & poissons. Bref on pourroit accommoder ceste inuention non seulement pour habiller le manger de quatre ou cinq cens hommes, mais aussi pour trois ou quatre mille, qui voudroit, estât le tout sous vne couuerture & mesme tuyau de cheminée, & les fours de mesme, pour y faire les pains necessaires. A quoy ie adiousteray que encores lon pourroit faire les potages, le pain & rotisserie par le moien d'un mesme feu. Lon voit bien en ceste ville de Paris la façon de faire bouillir & cuire la chair, & autres viandes, en deux & trois grandes marmittes, avecques petit feu, qui est tresbonne inuention: mais qui auroit enuie d'y mieux proceder, il est aisé, voire de faire encores plus que ie n'ay dict cy dessus: comme vous le verrez plus au long à vn discours de cheminée, laquelle ie descry apres la prochaine, qui sert pour vne grande cuisine, estant accompagnée de fours pour les pains, patisseries, & autres telles choses.

Cuisine fort commode & propre

Maniere de faire cuire la chair à Paris.




Je vous ay cy apres voulu donner la montée de la cheminée
 precedente, pour vous faire cognoistre la face du costé ou sont
 les fours, & voir comme il fault composer les gueules d'iceux a-
 uccques les fenestres qui sont au deffous pour mettre les brâsiers.
 Mais en

De la montée
 de la chemi-
 née precedete.

Mais en cela il faudroit d'auantage faire, c'est que deuant la gueule du four, au dessus de la fenestre, il y eust vne fente aussi large que est ladicte gueule, ayant cinq poulces d'ouuerture, à fin que le fournier & boulanger puissent tirer aisément la braise hors du four, sans se mettre en danger de faire mal quand elle tombera en la fenestre qui est au dessous, par l'ouuerture & fente qui est deuant la gueule dudit four. Touchant la façon de la voute du four, il fault que ce soit vne voute surbaissée & faite de tuilleaux: mais pour autant que plusieurs sçauent faire telle chose, & aussi que les boulangers cognoissent par experiéce ce qu'il fault pour bien cuire le pain, ie ne vous en feray autre discours, sinon de vous aduertir, que aux fours qui ont les ouuertures du costé de septentrion, iamais le pain ne se cuist bien, qu'avec grande despense de bois: parquoy les fours & cuisines doiuent tousiours auoir leurs ouuertures vers les parties occidentales, ou entre l'occident & le midy: ou, au pis aller, qu'elles regardent les parties de midy si faire se peult: car ainsi toutes choses sy cuiront mieux, & à moindre quârité de bois. Quant au present discours sera assez, pour lequel nous vous proposons la figure presente.

*Lieu propre
pour les ouuer-
tures & ouen-
les des fours.*




LIVRE IX. DE L'ARCHITECTURE

*Description
Et explicatio
de la figure
suivant le pre-
sent discours.*

Pour paracheuer nostre grande cuisine, ie vous figure enco-
res cy-apres la montée pour vous faire cognoistre comme ie l'ay
trouuée avec les ouuertures de ses portes, fenestres, & passages
pour aller aux fours, avecques le grand tuyau de sa cheminée, le-
quel vous pouuez voir cy-apres esleué sur le plan, qui vous repre-
sente aussi les portes ou passages qui sont au costé, pour passer à
l'allée qui est derriere la cuisine, ou sont les fours separéz par le
derriere, ainsi que vous l'avez veu par le plan precedent. Vous
voiez aussi en la figure prochaine trois fenestres pour regarder
du costé des fours. Toute la cuisine est enfermée de quatre mu-
railles qui ont de haulteur enuiron dix ou douze pieds tout au-
tour, & sont perpendiculaires & bien à plomb, puis sen vont en
pente, ou talus, comme vous le voudrez appeller, pour trouuer
la lanterne ou tuyau de cheminée, estât toui quarré & porté sur
quatre murailles perpendiculairement fondées par dessus le ta-
lus, lesquelles ont enuiron vne quarte partie de toute la largeur
de la cuisine: & sont fendues & ouuertes à chacune face, en trois
fenestres longues & estroictes, par ou peult aisément sortir la fu-
mée. Et à fin que le vent n'y donne, & que ladicte fumée en puisse
sortir librement, il y a par le deuant vne petite muraille ou con-
tre-mur de huit poulces ou enuiron estant surpendu & porté sur
des corbeaux ou mutules qui ont quelque peu d'auantage de hau-
teur que les refentes qui sont aux quatre pans de mur du tuyau
de la cheminée. Ledit contre-mur est orné d'une petite corniche
ou moulure, ainsi qu'on fait les appuis ou garde-fols des galeries.
Il y a au dessus des susdictes quatre murailles ainsi persées, vne pe-
tite voulte faicte en berceau, & surbaissée & persée par le milieu
d'une assez grande ouuerture. Et par dessus, la cheminée est cou-
uerte d'une autre sorte de voulte faicte en croupe, quasi com-
me vne voulte de four, qui est aussi persée par petites fenestres
longues & estroictes, pour donner issue à la fumée. Mais sans vous
en tenir plus longs propos, vous aurez recours à la prochaine fi-
gure, qui vous monstrera à l'œil, non seulement ce que ie vous
ay escrit & proposé, mais encores beaucoup d'auantage.

*Les figures
sont comme
peinture des
escriues.*



Ddd ij

LIVRE IX. DE L'ARCHITECTVRE

*Autre sorte de grande cheminée, avec le moien de faire enacuer
les fumées par le dessus des couuertures quand elles sont fort
grandes pour la quantité des feuz & marmittes
dont lon pourroit auoir affaire, pour nourrir
vn grand nombre d'hommes.*

CHAPITRE. XII.

*Cheminée
pour faire cuire
viande pour
deux ou trois
mille person-
nes.*



*Atres et foy-
ers pour diuer-
ses cheminées
de cuisines.*

Vand vous aurez affaire d'un fort grand & spacieux lieu pour y faire vne cuisine, ou plusieurs ensemble, ou bié toutes séparées & sous vne mesme couuerture & tuyau de cheminée, pour y habiller & faire cuire viandes, pour deux, ou trois mille personnes, (sil est de besoing, & peult aduenir aux cuisines des Roys, Roynes, Princes, & grâds seigneurs) & conduire le tout en telle sorte que les cheminées ne soient sujctes à donner fumée dedans les cuisines, vous choisirez vn lieu de telle grandeur que vous en aurez affaire, soit en forme ronde, quarrée, ou oblongue, c'est à dire plus longue que large (toutesfois les cuisines rondes, ou exactement quarrées seroiét les meilleures) & regarderez que l'espace soit de grande largeur comme de six, sept, dix, ou douze toises par son diametre, ainsi que vous en pourrèz auoir affaire. Si vous desirez auoir cuisine oblongue, i'entend de telle longueur que vous verrez estre bon, vous ferez dedans la susdicte largeur & espace vne allée, ou passage tout autour, & de telle longueur que vous voudrez, comme de six, ou sept pieds de large. Puis en la muraille qui faict la separation de ladicte allée & des cuisines, vous y erigerez les cōtre-cueurs & manteaux de cheminées, & atres, en tel nōbre qu'il vous plaira, & qu'aurez affaire de cuisines, atres & foyers: ou bien si vostre place est plus longue que large, vous diuiserez la lōgueur en trois parties egales, & plus si vous auez espace suffisante: & aux deux murs qui font trois separations, vous trouuerez quatre façons de cheminées, sçauoir est deux à vne chacune separation, l'une d'un costé, & l'autre de l'autre. Mais il ne fault que telle separation de mur ait plus de six pieds de haulteur, sans y mettre ne manteau, ny tuyau de cheminée, veu que ce n'est que pour le contrecueur, & pour y faire le feu. Quant aux fours pour les patisseries, & autres choses, on les pourra appliquer aux murailles des extremitez qui ferment tout le lieu. Le nombre des cuisines sera selon la capacité & grandeur de la place. Mais notez qu'en faisant plusieurs feuz, il y aura diuersité de flâmes, & par conséquent grandes fumées: & si vous verrez encores que les cuisines qui regar-

deront les parties de Midy & d'Occidēt, seront plus faciles à habiller le manger, & promptement le preparer, que celles qui regarderont les parties Septentrionales & orientales: & si le bois y flammera mieux, & ne rendra point tant de fumée qu'aux cheminées Septentrionales, voire quand elles seroient fermées tout autour de murailles, comme i'ay dit: si est-ce qu'il se trouuera en cela vne grande philosophie, pour discourir sur les causes & raisons de la variété, à fin d'y sçauoir remedier quand les lieux seront suiects à fumée. Pour ce fait doncques il fault obseruer sur toutes choses de ne faire les ouuertures des portes & fenestres aux cuisines, que du costé d'Occident & Midy: ou bien entre le midy & l'occident, & non ailleurs. Mais notez que lesdictes fenestres doiuent estre tout au contraire des autres, c'est qu'elles ne seront point droictes par leurs ouuertures, ne par le bas, au droit de l'appuy, & que au lieu qu'on les fait embrasées par le dedans en pente (ainsi qu'il se voit aux souspiraux des caues, & logis qui sont dans les terres) il leur faudra faire la pôte par le dehors. Et quant à leur arriere voulsure & couuerture, elle doit au si estre au contraire des autres: car il fault qu'elle soit esleuee par le dedans, comme vne façon de trompe, & tant haultement que lon peult. Telle façon ay de fort à repoulsier la fumee au dessus des tuyaux des cheminées: mais en cecy il fault cognoistre la nature du lieu, & sçauoir donner la haulteur suyuant la largeur: laquelle haulteur doit estre autant large que sera la place: comme si elle auoit six toises de largeur, elle en aura pareillement six de haulteur, iusques au plus hault de l'œuure. Il fault aussi que le lieu soit vouté spheriquemēt, sans y mettre corniche, ny imposte, ny aucun empeschement: & doiuent estre toutes les murailles bien liffées & vnies avecques doubles voutes. Si le lieu est quarré, & nō point rond, il fault eriger quatre trompes aux quatre coings, qui seront en leur pleine montée, ou, si vous voulez, fort esleuées par le deuant. La sorte du traict à faire telles trompes se nomme, le traict de la trompe sur l'angle, creuse par le deuant, & à sa pleine montée: lequel nous auons monstré au quatrieme liure, chapitre septieme, au lieu ou vous trouuez escrit, le traict de la trompe rempante, creuse & concaue par le deuant. Mais ceste-cy que ie propose pour noz cuisines, ne doit estre surbaissée ny rempante, mais bien à sa pleine montée, & porter par le deuant vn liēt d'engressement, pour faire par le dessus vne voute toute rōde, cōme la voute du four, toutesfois plus haulte que l'hemicycle, & poinctue, comme à tiers poinct, ainsi que l'appellent les ouuriers, qui est plus que l'hemicycle. Il fault d'auantage que telle voute

Quelles cuisines sont les meilleures, pour promptement y préparer les viandes.

Du lieu & façon des portes & fenestres des cuisines.

Choses dignes d'estre bien notées & bien pratiquées.

Quelles doiuent estre les trompes qu'on appliquera aux grandes cuisines.

LIVRE IX. DE L'ARCHITECTVRE

soit faicte par branches deliées & assez menuës, quasi ainsi que on a accoustumé faire les ogives : & que celles qui sont circulaires comme la voulte, soient de droicte ligne, assemblées à la clef de la voulte, & de deux pieds en deux pieds sur le commencement de la voulte que elles aillent finir au cêtre de la clef : laquelle clef ie desirerois estre fort large, & les brâches toutes dénuées sans y mettre pendentif portant vne aireste visue par le dessous, à fin que la fumée se diuise & passe entre les branches aysemēt, desquelles l'espace sera assez grande. Puis par dessus y aura vne seconde voulte qui sera fort poinctue, sur la forme d'un triangle equilateral, & sera autant haulte en sa montée, comme elle est large en son diametre. En après au milieu d'icelle voulte sera faicte vne grâde ouuerture qui aura la quatrieme ou cinquieme partie pour le plus, de son diametre pour largeur. Cela estant ainsi conduict, vous ferez (comme aux lanternes) vn mur tout autour pour garder que l'issue de la fumée ne soit empeschée des vents par dessus la voulte. Vous pouuez encores couvrir le tout, si vous voulez, en y laissant des ouuertures pour les fumées. Telle façon faict que quand le vent pourroit encores pousser la fumée dedans la grande cheminee, la clef de la premiere voulte, qui est au dessous, sera tant large & grande (estant soustenue des petites brâches) qu'elle empeschera que la fumée ne se pourra abbatre & abaisser dans les cuisines : & que l'aspiration d'en-bas ne la pourra attirer, mais plus tost aura tousiours vn vent entre les branches d'ogives de la premiere voulte, qui chassera & poussera nô seulement la fumée qui a de coustume monter, mais aussi celle qui voudroit descendre. Mais pour reuenir à noz grandes cuisines, iacoit qu'elles ne soient auourd'huy en vsage, si est ce qu'il m'est venu à fantasie de vous en faire ce discours, pour autât qu'il me semble qu'on peult & pourra lon auoir affaire de leur structure & façon, ie ne diray pour euitier les fumées, mais aussi pour espargner vne grâde quantité de bois, & faire que vne chartée seruira plus que dix. Je diray d'auantage, qu'on pourra par ceste façon dresser vne cuisine si à propos, qu'elle sera tousiours nette & hors de la subiection des immundicitez & puâteurs des lauages & tripailles qu'on y iecte ordinairement, & sy feront les gardemangers pour la conseruation des viandes, cōme aussi les offices, & salles du commun, fort proprement en vn lieu separé, sans que les seigneurs entendent le bruit, & soient molestez des fumées, ny encores moins des mauuaises senteurs qui procedent des cuisines. Cela seroit autant necessaire & proufitable que chose que ie cognoisse estre desirée & vtile aux maisons des Princes & des grands seigneurs : car les sus-

Belle instruction pour les maistres maçons & ouuriers.

Choses belles & dignes de noter.

Façon de cuisine accompagnée de grand vsage et prouffit.

dictes incommoditez sont le plus souuent cause qu'ils ne peuuent gueres demourer en leurs palais & maisons, de peur d'estre en danger de receuoir plusieurs mauuaises senteurs & infections, nourrices de maintes maladies. Si i'eusse eu le temps & loisir, ie vous eusse fait les figures des plâs & montées de quelques belles cuisines estants ainsi grâdes, mais ie laisseray ce traict de description aux bons esprits, qui sen ayderont & le conduiront à leur volonté, ou bien trouueront autre inuention à leur contentement. Cecy donques suffira pour les aduiser de mieux faire s'ils peuuent, ou bien de prendre en gré nostre inuention, & present discours. Si est-ce qu'il me semble que aux maisons des Roys & grands seigneurs, ou lon fait plusieurs cuisines accompagnées de leurs offices, (signamment aux basses cours de leurs palais & chasteaux) la presente inuention sera fort vtile, soit pour faire plusieurs cuisines conioinctes, ou séparées les vnes des autres, avecques leurs offices, & sous vne mesme couuerture, ou il ne faudroit tant de maçonnerie, ne tant de charpenterie qu'on a accoustumé de faire, estant le tout fort aisé à entretenir, avecques vne grandissime espargne de bois à brusler, pour pouuoir faire commodément plusieurs sortes de foyers ou âtres vultez, & quasi semblables aux marmites du conuent des Cordeliers à Paris. Laquelle chose me fait asseurer que qui auroit vne cuisine, ainsi que ie la figure, il pourroit espargner tous les ans la moitié du bois qu'il despens, outre la grande commodité qu'il auroit de toutes choses : les bons esprits sen ayderont, ou bien trouueront mieux.

L'auteur excite les bons esprits à nouuelles inuentions.

La cuisine des Cordeliers de Paris.

Autre meilleur moien pour garder de fumer dedans les logis toutes sortes de cheminées, avecques vne petite digression accompagnée de bons aduertissemens.

CHAPITRE. XIII.



Yant veu en ce Royaume, & diuers lieux ou i'ay esté, la peine & facherie en laquelle sont plusieurs pour les fumées, cela fait que ie ne me puis retirer de ce discours & philosophie, si ainsi fault parler, pour le grand vouloir & desir que i'ay de donner ayde & faire proufit & plaisir à tous. Je vous aduertiray doncques d'une reigle generale & fort bien experimentée aux maisons nouuellement faites & basties. C'est que si vous voulez empescher que les cheminées ne fument, ie ne diray aux salles, chambres, garderobbes & cabinets, mais encores aux cuisines, fourniers, buanderies, poisses & estuues, il

L'auteur se parforce de faire proufit & plaisir à tous.

LIVRE IX. DE L'ARCHITECTVRE

Deux chapitres du 1 liure de ce present ceuvre deuoient estre leus pour l'accomplissement de ce discours.

fault, comme i'ay dict, apprendre premierement à cognoistre la nature du lieu, & comme lon doit tourner les bastiments, ainsi que ie l'ay monstré au premier liure de ce présent ceuvre, chapitres sixieme & septieme, ou vous auez esté aduertis comme c'est qu'il fault tourner les bastiments selon les vents, veu que les vns veulent estre persez & ouuerts d'une sorte, & les autres d'une autre: ainsi que ie l'ay monstré aux susdicts lieux par experience, figures, & escritures. Si vous voulez prendre peine d'entendre ce discours, & lire ce que nous en auôs proposé, vous trouuerez les lieux si à propos pour planter les cheminées, qu'en leur donnant les propres mesures qu'elles doiuent auoir, & ainsi que ie les vous ay descrites & monstrées par figures en ce neuuieme liure, vous n'aurez que faire de chercher artifices & inuentions pour les garder de fumer. Mais sans en faire long discours, ie vous aduertiray que celuy qui les sçaura bien accommoder, & appliquer vne chascune chose en son endroit, il les pourra facilement faire bonnes, ie dy toutes en general: n'estoit qu'il eüst affaire à vn seigneur du chalybe & naturel de plusieurs, qui en bastissant & edifiant contraignent les maistres & ouuriers de perser les salles, chambres, & autres parties des logis, à leur fantasie, & par ce moyen les faire hors de mesure. Vray est que c'est chose raisonnable de les seruir à leur volonté, mais aussi les dommages & incommoditez, si aucunes y sont, demeurét sur eux & les leurs, pour ne sestre voulu fier à ceux qui l'entendent, comme bien souuēt ie l'ay veu aduenir. Mais le pis que ie y puisse voir, c'est que quād les seigneurs & maistres des maisons cognoissent les faultes, ils ne veulent iamais confesser les auoir fait faire: & sil y a quelque bien & honneur, ils le veulent tout receuoir, comme veritablement il leur appartient, veu qu'ils en font les frais & la despense. Au contraire, sil y a quelque mal ils remettent tout sur l'Architecte, ou conducteur de l'ceuvre, disants qu'ils se fioient en luy, & qu'ils ne sont point de l'estat, & que iamais ils n'entendirent les choses deuoir estre ainsi faites: mais quād bien ils l'eussent dict, voulu, & entendu, il ne les failloit pas croire, ains plustost faire ainsi qu'il appartient, & que l'art le requiert. Voila comme les seigneurs ont tousiours bonne excuse, & sont privilegez de dire ce qui leur plaist, & auctorisez de se faire entèdre, sans vouloir estre contredits, au grād detrimēt, dōmage, & deshonneur de l'Architecte, sil n'est muni & accompagné de bon sçauoir, singulieres inuentions & grandes experiences, pour trouuer promptement les remedes, & pouuoir dextrement seruir & complaire à la volonté des seigneurs. Desquels iacoit que bien souuent le commande-

Beau discours & bien pratiqué en ce temps par plusieurs.

ment soit mal à propos & pour tout gaster, sans y auoir ordre ou raison, si est-ce qu'il leur fault obtempérer avecques subtils moiés, & inuentions conformes, ou proches de ce qu'ils demandent ou pretendent, qui n'est peu de chose, ne de petit labeur, & trauail d'esprit. Quoy qu'il en soit, quand cela aduient, il les fault prendre à part, & sagement leur remontrer le tout, & faire cognoistre la raison & nature d'une chacune chose : laquelle nature a tât de force, qu'elle se fait faire place par tout : & si nous la suiuous comme guide (ainsi qu'escrit Ciceron) nous ne nous deuoyons iamais. Pour ce est-il requis à l'Architecte d'estudier & apprendre plusieurs reigles de philosophie, pour cognoistre ladicte nature avec ses causes, & d'ou elles procedent, comme aussi les raisons d'icelles, pour les sçauoir bien adapter & accommoder avecques l'art. L'Architecte doncques estant asseuré de la nature & propriété des lieux, à bien grande peine pourra fouruoyer & faillir de bien asseoir ses bastimets, maisons & cheminées. Mais quant à ce discours sera assez pour le present.

*Comme c'est
quel Architecte
este obtempere-
ra aux grâs
seigneurs.*

❧ CONCLVSION DV PRE-
SENT OEUVRE, AVECQVES
*certaines instructions sur l'entreprinse &
faict des bastiments.*

POur-autant qu'il me semble n'estre assez d'auoir monstté iusques icy comme il fault faire toutes sortes de bastiments, & les conduire depuis le pied des fondements, iusques au plus hault des edifices, si pareillement ie ne monstre comme les Architectes, Cômmissaires, Contrerolleurs, & autres qui ont charge sur les bastiméts, doiuent sçauoir bien faire leur estat, & s'accorder tous ensemble, de peur qu'il n'en aduienne beaucoup d'erreurs accompagnées de despense perdue, avecques vne derision & repétance insupportable. Pource est-il que desirant aduertir bien au long vn chacun de ce qu'il doit faire, & mesmes le Seigneur, à fin qu'il ne se trompe, & que son œuvre se parface bien & deuément à sa volonté, ie delibere pour la fin & conclusion du present œuvre, monstter & figurer l'vnion & intelligence qui doit estre entre le Seigneur, l'Architecte, les maistres des œuvres, Contrerolleurs, & autres: semblablement l'obeissance laquelle doit porter l'Architecte au Seigneur, & tous les ouuriers, cōtrerolleurs & officiers audit Architecte, pour faire proprement ce qui leur sera commandé par luy, & ordonné pour la legitime construction des œuvres. Je me suis doncques delibéré d'escrire encores le present discours pour mieux monstter comme le Seigneur doit sçauoir choisir & employer les hommes en l'estat auquel ils sont appelez: car autrement seroit chose ridicule & dāgereuse que l'un feist l'estat de l'autre, sans l'auoir apprins: & aussi pour faire cognoistre, que quand l'Architecte a ordonné de toutes choses qui se doiuent iournallemēt faire, tant par les maistres maçons que autres ouuriers, (soit qu'ils trauaillent à journée, ou à pris faict) qu'il est necessaire, principalement aux grands edifices, d'y commettre vn Contrerolleur pour tenir les rolles, registres, & marchez par escrit. Lequel Contrerolleur deura auoir quelque cognoissance & intelligence de l'art de maçonnerie & œuvres qui se font, si est possible, car autrement il ne pourra contreroller & obseruer ny les ouuriers ny les œuvres, ny la bonté ou mauuaistié des matieres, & nature d'icelles: ny aussi de la menuiserie, & autres, & moins la façon de les mettre en œuvre. Et, qui plus est, il ne pourra cognoistre si les

ouuriers qui trauaillēt font bien, n'aussi receuoir les œuures soit par toisée, ou par prisee. D'auantage, il ne pourra auoir iugement des valeurs, ny faire amender les œuures quād il sy trouuera faulte. De sorte que l'estat de Contrerolleur est icy de grande importance, & tresnecessaire pour faire vn bon mesnage & espargne à son Seigneur, auquel il doit rapporter & garder toute fidelité, & se rendre obeissant aux commandements de l'Architecte: autrement il ne sçaura faire estat de Contrerolleur prouffitabte à son maistre & seigneur, ny moins y acquerir honneur. Car sil ne prend conseil de l'Architecte, & qu'il face comme il luy semblera, vne infinité de fautes l'accompagneront, ainsi que ie l'ay veu souuēt aduenir avec insupportables frais à la bourse du maistre & seigneur: estant le tout hors de la cognoissance de l'Architecte, qui quelquefois n'en ose rien dire, ny faire semblant de le cognoistre, pour crainte qu'il a de desplaire à quelques vns: peult estre aussi qu'on ne luy en sçauroit gueres de gré. Parquoy ie conseille à l'Architecte qu'il soit du tout attentif à sa charge, & qu'il ne se mesle d'autre. Il y a quelque fois aux grandes entreprinſes quelques cōmissaires par dessus l'Architecte, ausquels il fault obeir cōme aux seigneurs, pour autant qu'ils ont toute puissance d'ordonner les deniers: qui est la cause qu'on leur doit dire ce qui se faict, & est à faire, à fin qu'ils prennent la peine de recouurer argent pour les œuures qu'on veult faire. Il fault aussi que le Cōmissaire soit comme l'Architecte par tout attésif, à fin que les maistres & ouuriers ne soient rançonnez ne pillez des contrerolleurs; ou bien de leurs commis, comme ie l'ay veu faire: car si par fortune quelque marché se faict, il fault donner à monsieur le Contrerolleur sa propine deuāt que ledit marché soit arresté, ou bien apres, autrement les pauures ouuriers seront trauaillez & calomniez en diuerſes sortes. Puis quand lon vient aux toisements, ils sen font tresbien payer, pour les certifier, & y mettre leurs seings. Il y a autres infinitez d'auarices, lesquelles i'ayme mieux dissimuler que escrire. Je ne dy pas que tous ayent faict ainsi, car i'en ay cogneu & cognois quelques vns gens de biē. Il fault aussi que le seigneur ait certains personnages pour faire trauailler les ouuriers, comme sont Chassauants, & autres: qui pareillement feront venir & conduiront les matieres. Aux grandes entreprinſes qui se font pour les Roys, Princes, & grands seigneurs, il n'y a iamais faulte d'hommes & seruiteurs, mais le plus souuent peu fideles: de sorte que la plus grande part de ceux qu'on y voit promettent sçauoir tout faire, & estre les meilleurs mesnagers qu'il est possible de penser, mais le plus souuent ils n'y entendent cōme rien.

LIVRE IX. DE L'ARCHITECTVRE

Veritablement tels ressemblent à la figure d'un homme, lequel ie vous propose cy-apres habillé ainsi que vn sage, toutesfois fort eschauffé & hasté, comme sil courroit à grande peine, & trouuoit quelques testes de bœuf seiches en son chemin (qui signifiēt gros & lourd esprit) avecques plusieurs pierres qui le font chopper, & buissons qui le retiennent & deschirent sa robbe. Ledit homme n'a point de mains, pour monstrier que ceux qu'il represente ne sçauoient rien faire. Il n'a aussi aucuns yeux en la teste, pour voir & cognoistre les bonnes entreprinſes: ny oreilles, pour ouir & entendre les sages: ny aussi gueres de nez, pour n'auoir sentiment des bonnes choses. Bref il a seulement vne bouche pour bien babiller & mesdire, & vn bonnet de sage, avecques l'habit de mesmes, pour contrefaire vn grand docteur, & tenir bonne mine, à fin que lon pense que c'est quelque grande chose de luy, & qu'il entre en quelque reputation & bone opinion enuers les hommes. Croyez, & vous assurez que telles personnes haïssent ordinairement & de leur naturel, non seulement les doctes Architectes, mais aussi tous les vertueux, & la vertu mesme. Et pour crainte qu'ils ont d'estre repris & chassiez pour les fautes qu'ils cōmettēt, ils ne cessent de mesdire des Architectes enuers les seigneurs, à fin qu'ils se fient plustost à eux, que ausdicts Architectes ou autres qui auront la superintēdēce de l'œuure: lesquels ils decrient & mettent en soupçon le plus qu'ils peuuent. De sorte que cela a esté souuent cause, cōme ie l'ay cogneu, d'un tresgrand dommage, qui ne tombe pas seulement sur l'Architecte, mais bien sur les seigneurs & leurs bastiments: pour les raisons qu'on pourra cognoistre par le discours du premier liure de ce present œuure: auquel j'ay bien voulu escrire ce que i'en ay aperceu, à fin que lon y prenne garde à l'aduenir, & que lon sçache choisir les personnes qui peuuent faire leur estat fidelement chacune en sa charge: personnes, dy ie, qui soient doctes, faciles, beneuoles, & capables de l'estat auquel on les voudra employer: comme il sen trouue, & en cognois beaucoup, qui toutesfois ne sont tousiours employez ny cogneus. Mais à fin d'y pouuoir aucunemēt remedier, & faire que les œuures ne soient retardées, & aussi que toutes entreprinſes, tant grandes que petites, se puissent paracheuer, j'ay bien voulu encores adiouter le discours ensuiuant apres la prochaine figure, partie pour aduertir les seigneurs, partie aussi pour instruire l'Architecte de se garder des personnes qui ne sçauent bien faire, ny voir ce qui est bon de faire, ny oyr ce qu'on doit entendre, ny moins auoir sentiment de ce qui est vtile & proufitable, ainsi qu'il vous est representé par la prochaine figure.



Ecc

DE PHILIBERT DE L'ORME.

Pour continuer le discours & propos cy-deuant encommen-
cé, nous dirons que l'Architecte est fort subiect à ouyr & rece-
voir plusieurs calomnies & faux rapports qui se disent de luy:
parquoy il fault qu'il fasseure, que tant plus il sera vertueux & sça-
uant, plus il sera enuié & trauaillé par mauuais rapports des igno-
rants & malicieux: & plus l'œuvre sauancera & augmentera en
beauté, plus il sera calomnié & deuesché en diuerfes sortes. Car
si on ne le peult reprendre en l'excellence de l'œuvre, lon dira
qu'il faict chose n'estant aucunement vstée, ny accoustumée de
voir, & qu'elle sera suiette à ruine, ou bien qu'elle n'est pas de la
pierre qu'il faudroit, ou qu'elle couste trop, & qu'il a intelligen-
ce auecques les ouuriers, & vne infinité d'autres propos mis en
auant auec peu de iugement, & moins de raison. Bref, l'Archite-
cte ne demourera point à faulte d'estre deuesché & calomnié au-
tant qu'il sera possible, auec vne infinité de mensonges, ainsi que
ie l'ay souuent apperceu à mon grand desauantage: voire iusques
à estre de telle sorte rendu suspect, cōme si ie derobois les deniers
& faisois mon proufit de toutes choses. Mais ie ne m'en suis pas
beaucoup soucié, m'assurant qu'il ne m'en pourroit venir aucun
dommage, pour n'auoir iamais manié aucuns deniers, sinō ceux
qu'il a pleu à Dieu me donner, & aussi cognoissant que tel trauail
m'aduenoit par la permission de Dieu, & pour les offenses que
ie fais iournellement contre sa sainte diuinité, qui me sulcite
des ministres pour me trauailler, & me faict confesser souuent
que ie n'ay point de plus grand ennemy que moymesme, & de
qui ie me doie plus plaindre & doulour, dont j'ay plus d'occa-
sion de prendre & faire vengeance de moy, que de tous autres,
pour estre ennemy de moymesmes. Qui me faict conseiller à noz
Architectes de sefforcer d'estre gēs de biē tant que faire se pour-
ra, & de telle qualité que ie la descriray cy-apres, ou meilleure
sil leur est possible. Mais laissons tels propos, & remettrōs le tout
à la volonté de Dieu, qui fait cognoistre la verité de toutes cho-
ses en temps & lieu. Doncques nous reprendrons nostre Archi-
tecte, lequel ie desire estre si aduisé, qu'il apprenne à se cognoi-
stre & sçauoir quel il est, auec ses capacitez & suffisances: & sil
cognoist qu'aucune chose luy defaille, ie luy conseille d'estre di-
ligent de la demander à Dieu, ainsi que saint Iacques le nous
monstre quand il diēt: *Si quis vestrum indiget sapientia, postulet*
à Deo. Et apres auoir ordonné ce qui est necessaire pour faire les
œuvres de sa charge, qu'il se retire & se tienne solitairement en
son estude, cabinet, chambre, librairie, ou iardin, ainsi qu'il en
aura la commodité, & le pouuez voir estre representé en la figu-

re cy-apres descrite: laquelle vous met deuant les yeux vn homme sage estant en vn iardin deuant le temple d'oraison, & ayant trois yeux. L'un pour admirer & adorer la sainte diuinité de Dieu, & contempler ses œuvres tât admirables, & aussi pour remarquer le temps passé. L'autre pour obseruer & mesurer le tēps present, & donner ordre à bien conduire & diriger ce qui se presente. Le troisieme pour preuoir le futur & temps à venir, à fin de se premunir & armer cōtre tant d'assaults, iniures, calamitez, & grandes miseres de ce miserable monde, auquel on est subiect à receuoir tant de calomnies, tant de peines & trauaux, qu'il est impossible de les reciter. Ie luy figure aussi quatre oreilles, monstrant qu'il fault beaucoup plus ouyr que parler, ainsi que le commande saint Iacques au premier chapitre de sa premiere epistre canonique, en ces mots: *Sit autem omnis homo velox ad audiendum, tardus ad loquendum, & tardus ad iram.* C'est à dire, tout hōme soit hastif à ouyr, tardif à parler, & tardif à se courrouger. Doncques l'Architecte doit estre prompt à ouyr les doctes & sages, & diligent à voir beaucoup de choses, soit en voyageant, ou lisant. Car il n'y a art ny science, quelle que ce soit, ou tousiours il n'y ait plus à apprendre, que on n'y a apprins. De sorte qu'il n'y a que le seul Seigneur Dieu qui soit parfait en tout & par tout, à la sapience & science duquel rien ne se peult adiouster ne diminuer: car en luy, ainsi qu'escrit l'Apostre, sont cachez tous les tresors de sapience & science, lesquels il distribue ou il luy plaist, & quand bon luy semble. Ce qui est au contraire en nous, car estans en ce monde nous n'auons cognoissance des arts & sciences, sinon que par petits loppins & morceaux, tellement que nostre sçauoir n'est autre chose que vn continuel apprentissage qui ne prend ou trouue iamais fin. Mais pour reuenir à nostre sage representant l'Architecte, ie luy figure d'abondant quatre mains, pour monstrer qu'il a à faire & manier beaucoup de choses en son temps, sil veult paruenir aux sciences qui luy sont requises. D'auantage il tiēt vn memoire & instruction en ses mains, pour enseigner & apprendre ceux qui l'en requerront, avecques vne grande diligence & sedulité representée par les ailes qu'il a aux pieds, qui demonstrent aussi qu'il ne veult qu'on soit lasche & paresseux en ses affaires & entreprinſes. Il montre oultre ce, que à tous ceux qui le visiteront ou iroint voir à son iardin, il ne celera ses beaux tresors de vertu, ses cornucopies réplis de beaux fruiets, ses vases pleins de grâdes richesses & secrets, ses ruisseaux & fontaines de science, ny ses beaux arbres, vignes & plâtes qui fleurissent & portent fruiets en tous temps. Vous voyez aussi en

LIVRE IX. DE L'ARCHITECTURE

ladiète figure plusieurs beaux commencemens d'edifices, palais & temples, desquels le susdit sage & docte Architecte monstrea & enseignera la structure avec bonne & parfaète methode, ainsi qu'il est manifesté par ladiète figure: en laquelle aussi vous remarquez vn adolescent apprentif, representant ieunesse, qui doit chercher les sages & doctes, pour estre instruiète tant verbalement que par memoires, escritures, desseings, & modelles: ainsi qu'il vous est figuré par le memoire mis en la main de l'adolescent docile, & cupide d'apprédre & cognoistre l'Architecture. Si vous n'estes contents de ce discours & aduertissement, ie vous conseille d'en demander à Salomon son aduis, & il vous aduertira qu'il n'y a rien à l'homme plus vtile, proufitable & salutaire, que sage & meur conseil, ainsi qu'il escrit en ses Prouerbes sous ces propres mots: *Beatus homo cui affluit prudentia, melior est acquisitio eius, negotiatione auri & argenti.* Bien heureux est celuy qui a trouué sapience, & qui abonde en prudence, beaucoup meilleure que toute acquisition, negotiation & possession d'or & d'argent. Si ceste sentence ne vous satisfaiét, oyez ie vous prie la Sapience ou sageste, laquelle ledit Salomon faiét parler en ces propres mots: *Ego Sapientia habito in consilio, & eruditus inter sum cogitationibus.* Je habite (diét Sapience) en bon & salutaire conseil, & assiste aux doctes & sages cogitations. Il la fault doncques chercher, & l'ayant trouuée mettre peine de la bien retenir, à fin de s'en ayder en temps & lieu. La figure suiuite vous mettra deuant les yeux le discours proposé.



Ecc iij


Je crains merueilleusement d'auoir esté trop proluxe à l'explication des deux figures precedentes : qui est la cause que ie feray fin, non seulement à leurs discours, mais aussi au present oeuvre, & premier volume de nostre Architecture, suppliant treshumblement & affectionnément les lecteurs d'iceluy, vouloir prendre en gré le tout : & si par fortune il sy trouue quelque chose mal couchée, escrete, figurée ou demonstrée, m'en vouloir amiablement aduertir, & penser que me recognoissant homme, ie me recognois aussi estre subiect à faillir & pecher. Si ie puis entendre & apperceuoir que nostre present labeur (qui certes n'a esté petit) soit bien receu, ie feray de plus en plus excité de mettre bié tost en lumiere nostre second Tome & volume d'Architecture, accompagné de discours fort exquis & singuliers. Ce que ie feray de bon cuer, moyennant la grace de Dieu qui iusques icy nous a conduicts & dirigez, parquoy à luy seul en soit honneur & gloire.

EXTRAICT DV PRIVILEGE.



Defenses sont faictes à tous Imprimeurs & Libraires de ce Royaume de n'imprimer, ou faire imprimer, vendre, ou faire vèdre & distribuer ce present liure (ou en particulier les figures d'iceluy) intitulé, La premiere Partie de l'Architecture de PHILIBERT DE L'ORME, Lyonnais, Conseiller & Aumosnier ordinaire du Roy, & Abbé de S. Eloy lez Noyon, & de S. Serge lez Angiers. Et ce iusques à neuf ans prochainement venants, à côté du iour & date de la presente impression, qui fut acheuée le x xv i i. iour d'Aoust 1567. sans l'expres vouloir, consentement, congé & permission dudit Philibert de L'Orme. Et ce sur peine de confiscation des liures qu'ils auront imprimez, dommage & interest dudit exposant, & d'amende arbitraire. Ainsi qu'il est plus à plain contenu audit privilege, & lettres patentes du Roy, seellées du grand seel dudit Seigneur, & octroyées à saint Germain en Laye le x v. iour de Septembre M. D. LXI.

Par le Roy, Le seigneur des Roches-fumée, Maistre des requestes ordinaire de l'hostel, present. Signé
De L'aubespine.



QUELQUES ADVERTISSEMENTS

ÀUX LECTEURS.



MIS Lecteurs, vous recepurez de moy deux petits aduertissements, s'il vous plaist. Le premier est, que apres auoir entendu & cogneu par le discours des neuf liures precedents, quelle est la methode & facon de bien dresser & conduire toutes sortes de bastiments iusques à l'accomplissement des cheminées, il vous sera cy apres trefexpedient, pour faire les planchers, poutres, & couuèrtures, auoir recours à noz liures de Charpenterie, & nouuelle inuention pour bien bastir & à petits fraiz. qui furent imprimez en ceste ville de Paris, l'an 1561. Car vous trouuerez en iceux non seulement le moien de faire planchers, poutres, & couuèrtures pour toutes sortes de bastiments, mais aussi plusieurs belles façons de charpenterie: soit pour palais, basiliques & lieux de grande estendue, ou autres: ainsi que vous le pourrez voir en noz susdicts liures & inuention nouuelle de charpèterie: qui se trouuera auiourdhuy trefytile, & fort requise, pour la grande espargne qu'on fera, en reparant ou redifant de neuf plusieurs bastiments, tant d'Eglises que autres, qui sont auiourdhuy ruinez en diuers lieux. Lesquels liures iagoit que i'aye promis vouloir inferer à la fin de ce present Tome, ie n'ay eu toutefois le loisir de ce faire, & y pouuoir vacquer.

Le second aduertissement que ie vous desire presentement communiquer, c'est, que tout-ainsi, qu'il n'y a blé, tant soit il beau & bon, lequel estant semé en bonne terre & bien labourée, n'accueille plusieurs mauuaises herbes & inutiles, aussi n'y a il liure tant bon soit il & bié elabouré, qui ne soit le plus souuent accompagné de quelques fautes & choses dignes de corriger. Comme il est aduenu en ce present oeuvre: partie pour les occupations que i'ay eues durant son impression, partie aussi pour la precipitation des imprimeurs, qui ne peuuent soustenir aucun retardement. Qui a esté cause, qu'en ce miserable temps de troubles, aiât recouuert quelque loisir, ie l'ay employé à reuoir ce mien oeuvre, & pour vòstre soulagement cy apres marquer certaines choses qui m'ont semblé dignes d'aduertissemēt. Quant à la disposition des figures, si vous y trouuez quelques traicts, lignes, ou lettres omises, ou bien superflues, vous l'attribuerez aux tailleurs desdites figures, desquels ie n'ay peu iouir, comme bien ie desirois, ainsi que plusieurs fois ie vous en ay aduerty.

QUELQUES CHOSSES DIGNES DE CORRIGER
en ce present œuvre : f, signifie feuillet : p, page : 1, premiere : 2, seconde : l, ligne.

Au feuillet 11, page 2, ligne 20, apres ce mot, protaictz, adiouxtz modelles. f. 29. p. 1. l. 31. beson gnât à fiez, lisez à fiez. f. 33. p. 1. & 2. ou vous trouuerez equarre & equarter, lisez, equietre & equarrir : & ainsi en tous autres lieux. f. 35. p. 1. l. 1. lisez, d'un triagle, ou bié par les proportiôs des trois lignes de 5. 4. 3. est venue, &c. f. 37. p. 1. il fault adiouxtre, à l'angle droit par le hault de la figure du grad quarré, celle lettre D : & à l'angle gauche la lettre C, suiuant le texte. f. 40. p. 1. l. 37. lisez nureau. f. 42. p. 1. l. 13. lisez, qui est en la figure marqué D. f. 44. p. 1. l. 30. pour xylobates, lisez stylobates. f. 47. p. 1. l. 12. pour, sur la ligne, lisez sur la laine. Audict fueil. & p. l. 37. pour, par dessus, lisez par dessous. f. 49. p. 1. l. 35. au lieu où il y a, mettre q la figure pressée, lisez de la feugere pressée. f. 63. p. 2. l. 17. au lieu de, cy apres, lisez, au second Tome parlant &c. f. 73. p. 1. l. 33. lisez M L. Au mesme feuillet, p. 2. l. 5. ou il y a vn autre point, lisez vne autre ligne du point de 10. f. 82. p. 2. l. 24. au lieu de X, mettez G. f. 130. p. 2. vous noterez que le discours de la diuision des colonnes que nous y propoions, est selon Pline, ainsi que nous auertissons audict lieu. Mais l'ordre dudit Pline n'est bien : car le premier ordre (ainsi que nous le descriuons aux chapitres ensuiuans, est de la colonne Thuscane, qui a de grosleur par le pied la sixieme partie de sa haulteur. Le second est de la Dorique, qui en doit auoir la septieme. Le troisieme est de la Ionique, qui en a la huitieme : & le quatrieme ordre est de la Corinthienne, qui doit estre de huit parties & demie, & quelque fois de neuf, selon les haulteurs & lieux où on les veult appliquer, ainsi que nous le deduisons en apres. f. 133. p. 2. l. 24. apres m, minute, adiouxtre, l, ligne. f. 134. p. 1. l. 35. effacez, trop lourd. Puis en la ligne 37. au mesme feuillet, apres ce mot, logis, adiouxtre chasteaux & fortresses. f. 137. p. 1. l. 23. apres ce mot, corniches, adiouxtre des stylobates ou pied de stat. Audict feuillet & page, ligne 33. apres ces mots, auons dict, adiouxtre (si bon vous semble) & 12. de haulteur, & 5. parties pour la corniche, frize, architraue, chapiteau & basse, qui sont 17. pieds, & trois pour le pied de stat, qui sont en tout 20. pieds. Audict feuillet, page 2. l. 13. lisez avec leurs mesures des Diuines proportions. f. 138. p. 2. l. 16. apres circonference, adiouxtre, se, &c. f. 141. p. 1. l. 25. pour Cornichien lisez Corinthien. f. 143. p. 2. l. 31. pour, cinq, lisez six. Et audict feuillet & page, l. 34. lisez des sept parties &c. f. 144. p. 2. l. 14. lisez cymace pour cymas, comme aussi au f. 145. p. 2. l. 38. f. 146. p. 1. l. 23. pour, Mercure, lisez Meduse. f. 155. p. 1. l. 32. ou il y a, mais notez que fils, lisez, si elles. Audict feuillet, p. 2. l. 7. lisez ainsi, laquelle vous voiez en ce present chapitre. f. 156. p. 2. l. 31. au lieu de, cy apres, lisez, au second Tome. f. 157. p. 1. l. 7. pour, seront diuisees, lisez, sera diuisee. f. 159. p. 2. l. 17. lisez ainsi, & iagoit qu'il y ait peu d'œuvre, si est-ce qu'elle est fort belle, combien que la figure ne soit bien taillée. f. 162. p. 2. l. 10. lisez, vne à son cymace. f. 168. p. 2. l. 3. apres cy deuant, otez cy apres : & à la ligne 4. au lieu où il y a, de la corniche, mettez à la corniche. Audict fueil. peu deuant la fin du chapitre, vous auez par auertissement, que lors que l'escruiuis ledict chapitre, ie n'auois encores pensé aux corniches, frizes & architraues du Palais de la Roynie mere : mais depuis ledict tps les ornemens des corniches ont esté acheuez & miz en œuvre au droit de l'escalier, où il les fait bon voir, & sont tresadmirables. f. 174. p. 2. l. 12. apres ces mots, à sa raison, lisez, là où toute chose, & effacez, ou que vne. Audict fueil. & page, ligne 16. au lieu de ces mots, à la fin de mes œuvres, lisez au second Tome de nostre architecture. f. 175. p. 2. l. 6. effacez, elle. f. 185. p. 2. l. 17. lisez, minutes avec vn quart. f. 186. p. 2. l. 38. pour colonnes, lisez colonne : puis en la ligne suiuant, pour 2, lisez &. f. 191. p. 1. l. 24. lisez marquée. f. 197. au tiltre du chapitre, pour 1x. mettez, x. f. 199. p. 2. au nombre du chapitre, escripuez XI. f. 217. p. 2. l. 8. ou vous voiez marqué A, il fault mettre ledict A, en la figure à son lieu. f. 218. p. 2. l. 24. apres astragales, fault effacer, & : puis adiouxtre pour couvrir les, &c. f. 221. p. 1. l. 26. effacez, basses &c. f. 229. p. 1. l. 30. apres, Dieu aidant, adiouxtre, au second Tome de nostre Architecture : & rayez ces mots, sur la fin du huitieme liure prochain. Audict fueil. p. 2. l. 21. au lieu de vniz, lisez veuz. f. 273. p. 2. au chapitre XI. & fueil. suiuant, les lettres designées au texte, ont esté omises en la figure, par la negligence du tailleur, ainsi que beaucoup d'autres choses, aux autres figures.

Je prieray les beneuoles lecteurs de vouloir benigneement supporter le tour, en attendant mieux, moienant la grace de Dieu.

F I N.



LE PREMIER ET DIXIESME

LIVRE DES OEUVRES ET NOUVELLES

inventions pour bien bastir & à petits frais, trouuees n'agueres par M. Philibert de l'Orme Lyonnais, Architecte, Conseiller & Aumosnier ordinaire du feu Roy Henry, & Abbé de saint Eloy lez Noyon.



PLSIEURS ont accoustumé d'vser au commencement de leurs liures, de quelque Preface, contenant les louanges, excellence & commoditez de l'art ou science de laquelle ils deliberent escrire. Ce que ie ferois icy tres-volontiers, selon la petite capacité de mon esprit, n'estoit que ie pretend, avec l'ayde de

Prologues accoustumés aux commencemens des liures.

Dieu (duquel toutes graces procedent) mettre de brief en lumiere vne œuvre qui comprendra tout ce qui est necessaire pour la perfection d'Architecture. Où ie n'oublieray chose, de laquelle ie me pourray souuenir, qui serue & soit propre pour illustrer ladicte architecture: la poursuivant d'un bout en autre de grande gayeté de cœur, pourueu que i'aperçoie ce premier vol de mes escrits auoir trouue lieu agreable enuers les Doctes & vertueux. Qui sera cause, qu'icy retranchant tous preambules accoustumez, i'entreray de droict fil en matiere, & deuant toutes choses escriray le plus briuelement & facilement qu'il me sera possible, comme il faut cognoistre & choisir les bons arbres pour s'en sçauoir ayder aux nouvelles inventions, lesquelles ie delibere icy familièrement descouurir, & proprement enseigner, comme plusieurs autres choses, Dieu aydant.

Briefuete avec facilité offre agreable aux Lecteurs.

Pour cognoistre les bons arbres en la forest, & comme il les faut sçauoir choisir.

CHAPITRE I.

LIVRE X. DES NOUVELLES

*Cognoissance
des quatre an-
gles du Ciel e-
stre necessaire à
vn Architecte.*



*Les bois regar-
dant l'Occident
mauvais.*

*Probation de la
mauvaisité du
bois regardant
l'Occident.*

*Choses trouuées
du costé d'Occi-
dent rien vici-
ables, ou bien
peu.*

*Promesse de
l'Auteur.*

*Nature des
bois situés du
costé de Midy.*

*Arbres regar-
dant la partie
Septentrionale
sont bons.*

*Arbres Sep-
tentrionaux,
subiects à iarser
& fendre.*

*Arbres du co-
sté d'Orient
meilleurs de
tous.*

N premier lieu il faut cognoistre les quatre angles du Ciel, autrement, les quatre parties du Monde, sçauoir est, Orient, Occident, Midy, & Septentrion: qui se peut faire par vn Quadrant solaire, ayant vne esguille aimantée, ou autrement. Et entrant en la forest ne faut aller du costé d'Occident,

car de ceste part le bois y est le pire, & se trouue communément tortu, cōme abortif, suiect à rōpre, à s'eschauffer, à iarsures, à porter plus d'Aubours que les autres, & plustost estre gasté & pourry que celuy qui est pris est parties de Midy, Orient, & Septentrion. Conclusion, ie n'ay iamais veu en France prendre bois de ce costé, qui coustumierement vaille gueres à la charpenterie, & moins à la menuiserie, pour estre si subiect à se gaster, Et se cognoist, par cē qu'il a le fil du bois tortu, allant d'vne part & d'autre: tellement qu'il se rend frangible. Ce qu'on void à l'escorce qui est toujours pleine de crasse, & va de trauers toute raboteuse. Ie ne dy pas qu'il ne s'en puisse trouuer quelques vns bons, ça & là, pour estre couuerts de quelque colline, ou autrement. Si est-ce que ce costé est generalement le pire de la Forest ou buisson. Et vous diray d'auantage, que i'ay veu beaucoup de fois par experience en diuers lieux, que tout ce que ie pouuois trouuer du costé d'Occident, tant bois, pierres, eau de fontaine ou de puis, que terre à faire brique ou tuille, tout n'en valloit iamais rien, ou bien peu, au pris de ce qu'on trouue de la partie Orientale & Septentrionale. Principalement quand c'est au pied, ou contre vne montagne ou colline qui couure le Septentrion & l'Orient.

Faut noter que du costé de Midy les arbres sont de meilleure nature que du costé d'Occident: toutefois pour estre situez & parties chaudes, ils peuuent auoir l'humeur tant deseiché, qu'ils ne sont iamais de si belle venue que ceux du costé d'Orient & Septentrion, ou il se faut dresser pour auoir des meilleurs. Car les parties froides, comme sont celles du costé Septentrional, conseruent la nourriture des bois en plus grande abondance, & y sont les humeurs des arbres mieux distribuez, cuits & nigeres, Ce qu'on void euidement, parce qu'ils y croissent plus gros, & d'un fil droit ayants l'escorce quasi vnue avec peu d'Aubours: mais ils sont subiects à se iarser & fendre, si on ne les debite & met en piece incontinēt, pour la grande humidité qui est en eux. Et quand ils se fendent si tost, les charpentiers disent que c'est la force du bois & sa bonté; & que les meilleurs arbres sont ainsi. Ce qui est veritable: mais ceux qui les coupent n'entendent leur nature, ne quand il les faut couper. Pour obuier donc à telles choses i'en parleray cy-apres. Les arbres du costé d'Orient sont meilleurs que de toutes autres parties lesquels il faut tousiours choisir dudit costé, comme aussi de Septentrion, & par le milieu de la Forest & buissons, ou autres lieux

lieux, soient montaignes, collines ou vallées: prenant tousiours le plus de ceux qui ont regard aux parties Orientales & Septentrionales, ou bien qui sont en plaine forest couuerte de grãde quantité d'arbres des parties de Midy, & le plus d'Occident. Et pour les couper generalement, le temps est au mois de Nouembre, Decembre, & Ianuier: pource qu'en ce temps là ils ont moins de seue dedans, & sont trop plus sains que tout le reste de l'annee Et me semble qu'en ce temps, ie leur trouue tousiours par le milieu de l'arbre vne chaleur plus temperee qu'à la circonference, entre l'escorce & l'Aubour, où elle est peu humide pour la seue qui en est tombée. Ce qu'aussi lon obserue quand la Lune est en decours pource que toutes choses en ce temps là ont moins d'humidité. Aussi ne faut que le vent l'Occident souffle quand on les abbat, car cela leur fait grand offense pour entrer dans les pores, qui les fait fendre, & tous corrompre. Autres choses faudroit obseruer plus propres & meilleures qui vous droit imiter & ensuiure les enseignemens & preceptes des Mathematiciens & autres. Mais ie ne veux parler pour ceste heure, sinon de ce dont i'ay fait faire l'experience. Quand l'auois affaire d'arbres pour la charpenterie, ie commandois aux charpentiers, es mois dessus nommez, couper par le pied les arbres tout autour, & si fort auant, qu'il n'en restoit que bien peu pour les soutenir: les laissant ainsi coupez, iusques à ce que ie veisse qu'il ne descendoit plus d'eau du tronc de l'arbre, qui estoit quelquesfois si grande, qu'elle ressembloit vn petit ruisseau qui passoit là; principalement quand les Charpentiers coupoient lesdits arbres plustost, & en autres mois que ie ne leur auois dit. Je le trouuois encoires mieux à propos, quand du commencement lon couppoit toutes les branches iusqu'au plus hault du tronc, pource qu'il n'y auoit pas tant d'humeur qui descendist par la grosse tige ou tronc; & par ce moyen estoit l'arbre plustost prest d'acheuer de couper. Mais incontinent faut couvrir celle tige par le haut, de terre d'argille, afin qu'elle ne prenne vent, iusques à ce que tout l'humeur en soit descendu par le pied entaillé: autrement toutes les pieces se feroient par le bout quand on les debiteroit. Quand il ne descend plus d'humidité, faut acheuer d'abbatre ledit arbre. Mais si vous voulez qu'il serue pour menuiserie, il ne le faut si tost équarrer; & quand il le sera, faut qu'il ne touche la terre: apres vous le debiteriez quand vous en aurez affaire. Lors que vous l'empilez, mettez y de petits bastons entre-deux, comme bouts de latte, afin que le vent puisse passer par tout: & estant à couuert, il seichera incontinent sans se fendre, haler ou jarser. Me suffit pour cet heure faire entendre ce que i'ay cogneu par esprouue estre bon pour nostre Inuention Nouuelle, & plus requis pour le Royaume de France. Aucuns ont voulu dire qu'il falloit enterrer les arbres quand ils estoient abbattus, & que cela les rend plus solides, & es-

*Comme il faut
choisir les bons
arbres.*

*Temps à cou-
per les arbres
pour bastir.*

*Choses qu'il faut
observer quand
on coupe le bois*

*Les Mathema-
tiques necessai-
res à vn Ar-
chitecte.*

*Choses dignes
de noter & ob-
server.*

*Observation de
l'Auteur pour
la coupe des
bois.*

*Preceptes pour
le bois de me-
nuiserie.*

*Ce qu'il faut
faire quand les
arbres sont ab-
batuz.*

LIVRE X. DES NOUVELLES

pais à merucilles. Plusieurs aussi attestent qu'il aduient à tout arbre, que si on l'enfoiit en lieu humide, estant encore en sa verueur, cela luy rend vne duree perpetuelle. Mais soit qu'on l'enfoiisse ou autrement, le faut garder dans la forest, & n'y toucher de trois mois tous entiers: car en moins de temps ne peut acquerir fermeté telle qu'il est requis pour le mettre en oeuvre. La raison veut qu'on luy donne téps pour se consolider. Mais quand il est en ce point préparé, il le faut mettre hors, puis faire seicher au Soleil, estant la Lune en son decours, & ce notamment apres Midy: mesmes quatre jours apres que ladite Lune aura commencé à descroistre. Toutesfois si durant ce temps le vent de Midy tiroit, & principalement celuy d'Occident, qui est le pire: Plusieurs ne sont de tel aduis, ains défendent expressément qu'on ne mette le bois à l'air. Si le temps se monstre propre à le tirer, faut prendre garde seulement qu'il ne touche la rosée, s'il est possible; & sur tout qu'il ne tombe pas dessus quelque gelee blanche. Ce qui s'entend quand il est débité, ou qu'il est par trop sec dedans & dehors: car lors il ne le faut scier ny charpenter en aucune maniere, que le temps ne soit propre & beau, d'autant qu'il se pourroit gaster bien tost. Toutesfois, suiuant nostre Nouuelle Invention, il ne faut auoir telle curiosité, ains seulement coupper les arbres comme j'ay dict cy-deuant. Surquoy j'ay bien voulu amplement escrire, & donner aucuns preceptes & enseignemens, partie experimenter & diligemment par moy esprouuez, partie aussi pris de nos liures d'Architecture: mais qui vouldroit icy tout rediger, on en pourroit faire vn gros volume. Parquoy ie m'en tais pour ceste heure, pource que chacun a moyen de voir lesdits liures par le menu, quand il en aura enuie. Je ne dis pas, quand on vouldra faire quelque chose de curiosité & quelque excellent ouurage de menuiserie, qu'il ne soit bon d'observer tout ce que l'on peut pour auoir des bois à propos. Mais pour les bois de nostre dite Invention, ne faut estre si curieux: car tous ceux qui ne pouuoient seruir par cy-deuant, & qu'on estimoit ne rien valloir qu'à brusler, seront désormais tous bons: ainsi que ie le deduiray cy-apres, Dieu aidant. Je diray dauantage, que vous les pouuez coupper quand vous voudrez, pourueu que ce soit depuis le mois d'Octobre jusques en Aueil: sans observer les elections que les Mathématiciens & Architectes nous monstrent. Car pour estre de si petites pieces que nous dirons, ils en sont moins sujets à se fendre & gaster. Pour laquelle chose euitier les Anciens prenoient elections, lesquelles seroit tres-bon icy pouuoir bien observer.

Observation de la Lune tres-necessaire à l'Architecte, comme aussi des vents.

Rosée & gelee blanche, domageable au bois pour bastir.

Curiosité de bois estre propre en menuiserie, plus qu'en charpenterie.

Elections & observations Astronomiques, necessaires à un bon Architecte.

Quels

Quels arbres sont commodés pour nostre Invention, & de lesquels on se pourra aider deormais en diuerses sortes pour edifices.

CHAPITRE II.



VOUS n'avez plus affaire de grands arbres pour faire des panes, chevrons, jambes de force, & autres grosses pieces; mais seulement d'aiz desquels on se sert à faire portes & fenestres, & ne sont bons à mettre en œuvre, qu'ils n'ayent pour le moins trois ans passéz. A ceste heure comme ils viendront de la forest, seront bons à employer à telles façons queverrez cy-apres: pour autant que le bois debout ne se r'apetisse point, & pour sa largeur & espaisseur, qu'il se retiré tant qu'il voudra, cela ne peut porter domage. Je ne dis pas que quand les bois seront secs, qu'ils ne soient tousiours meilleurs: mais icy vous les mettrez en œuvre comme les aurez, quand serez pressé de besongner. Et au lieux qu'on ne trouuera du chesne, qu'on y mette du estre, du rouure, du peuplier, du til, du fresne, de l'aune, du pin, & des sapins qui sont meilleurs, & chastiniers tresbons. Aussi pour la Prouence & Languedoc, & ailleurs où il y a faute de bois, qu'on y mette de l'oliuier sauage ou domestique, du noyer & d'autres. comme il s'en trouue assez selon la commodité des païs: & pour autant que chacun de tous ces arbres est de nature diuerse, pource doit on aussi appliquer à telles charpenteries diuerses ligatures (comme tous gentils esprits pourront considerer, selon la nature des bois) & faire les pieces plus courtes, plus larges ou plus espesses: & cognoistre ce que nature peut faire à telles œuvres qu'aurez à faire de diuerses ligatures. Je monstrerois encores d'autres sortes de bois, n'estoit qu'ils ne sont en ce Royaume & si deduirois leur nature: mais sur ce, voyez Vitruue, Leon Baptiste, Theophraste, Caton, Pline, & autres qui en traictent bien amplement. C'est que tous arbres qui sont courts & cambres, sont plus durs à tailler que ceux qui sont hauts & droicts. Et les bois blancs sont moins massifs, plus legers, plus traictables, & plus aisez à tailler, & s'assemblent mieux que tous les autres: mais aussi sont-ils tous frangibles, au moins plus que nuls autres. Tous les plus poissants ont plus d'espaisseur, aussi sont-ils plus difficiles à tailler que les legers, pour tenir plus de corps en soy, & auoir vne masse plus serree. Car tant plus vne masse poise, tant moins est elle frangible, & tant plus vous voyez vn arbre madré, plus est il restreint en soy. Aussi les arbres ausquels Nature a donné long temps à viure, se gardent de corru-

Eee

Bois bons à employer aux bastimens.

Pour les pays qui n'ont toutes sortes de bois.

Auteurs d'Architecture & Agriculture.

Pour cognoistre & choisir bons arbres.

Arbres moins sujets à corruption.

LIVRE X DES NOUVELLES

*La pire chose
d'un bois estre
l'Aubour.*

*Pour cognoistre
si un arbre est
sain au dedans.*

*Faire service
aux Princes,
chose louable &
profitable.*

ption plus longuement que les autres mis en oeuvre. Et quand i'ay fait coupper vn arbre tout autour du pied, comme i'ay dict cy dessus qu'il faut faire, i'ay trouué que celui qui rendoit moins de sève estoit plus vigoureux & puissant pour porter charge, que ceux qui rendoient grand humeur. La pire chose que i'aye trouué en vn bois, est ce que les Latins appellent *Alburnom*, & nous, Aubour. Car delà vient que les bois se vermine & met en poudre pour les vers qui s'y engendrent : & ne gaste seulement sa partie, mais l'autre bois à qui il touche. Et pource en quelque sorte d'ouvrage que ce soit, il faut tousiours ôster tout l'Aubour, & n'endurer que les ouuriers l'employent en quelque façon qu'ils pourroient faire. I'ay aussi trouué que le cœur & milieu de l'arbre est plus fort que les costez, pareillement plus subiect à se fendre & non rompre. Et pour cognoistre quand vn arbre est abbatu, si dedans & au cœur il est bien sain, apres en auoir couppé les bouts faut prendre vn marteau & frapper par l'un d'eux & si quelqu'un mettant l'oreille contre l'autre bout, entend le son sour & casse, c'est signe que le corps de l'arbre est dedans vicieux par pourriture, ou autrement. Mais si le son est clair & bien resonant à l'oreille, c'est signe qu'il est fort bon, sain, & entier. Je produirois assez d'autres experiences que i'ay veuës, mais comme les choses se presenteroient pour bien faire entendre nostre oeuvre, ie ne les oublieray point. Car le plus grand desir que pourrois auoir, est de faire chose agreable à mon Souuerain Prince, & utile à tous ceux qui sont pres de la Majesté, & aussi profitable à toute la Republique.

Comme il faut proceder à faire la charpenterie de nostre Invention, avec aduertissemens des fautes qu'on fait aux bastimens, tant pour le fer qu'on y employe, que pour les pierres mal-mises en oeuvre.

CHAPITRE III.



*Quels doiuent
estre les murs de
cette Nouvelle
Invention.*

PREMIEREMENT vous considererez les murs où voudrez faire vostre couuerture, & le lieu, s'il est quaré, rond, oblong, triangulaire, octogone, hexagone (que les ouuriers appelle pan couppé) ou biaisé, ou d'autre forme & figure. Par-autant que telles oeures se peuuent faire aisement de quelque forme que soit le lieu & les murs où la voudrez faire. Et quant lesdits murs ne seroient gueres forts, pour n'auoir grand espaisseur, il fustit qu'ils soient de bonne matiere, pour n'estre gueres chargez, ny poussez en dehors, cōme il se fait par toutes les charpenteries accoustumees. Et quand vous ferez lesdits murs de neuf, il n'est point de besoing de faire d'espaisseur plus de deux pieds pour vn grand

grand bastiment: & pour les moindres, quand sont dans les villes, d'un pied & demy, ou vingt pouces. Si ce n'estoit quelque grand Palais ou Chasteau, auquel y eust plus de trois estages. Enquoy faut que l'Architecte aye iugement de luy donner trois & quatre pieds de paisseur selon l'oeuvre qu'il en aura affaire. Mais deuant que passer outre, il me semble icy estre profitable proposer aucunes fautes qui se commettent aux bastiments, principalement à Paris & autour. Ainsi doncques ie conseille aux maistres Maçons, ne faire comme aucuns font audiect Paris & lieux voisins, bastissans de telle sorte, que les poütres soustiennent les murs. Au contraire de ce qui doit estre: car les murs doiuent soutenir les poütres, ou bien les porter. Et sans les poutres souuent lesdicts murs tomberoient, qui sont retenuz par grandes barres de fer, & grâdes clefz qu'ils mettent sur lesdictes poutres à trauers des murailles au droit des cheines de pierre de taille, à fin que les murs ne reculent. En celay à vn grand abus que les ouuriets font. Car si on leur auoit baillé l'oeuvre à la charge de n'y mettre du fer, ils seroient contraincts de faire mieux les murailles & de plus grande grosseur & force qu'ils ne font. Les ligatures de pierre de taille seroient plus longues, & la maçonnerie de moellon mieux maçonnée. Car sous ombre du fer & du plastre, ils ont esperance que leur ourage tiendra trop. J'ay veu aduenir vn autre grand mal aux bastiments pour mettre du fer dans les maçonneries & avec les pierres de taille: car le fer s'enrouille, & s'enrouillant il s'enfle & faict rompre les pierres & murs qui ne peuuent durer longuement. De ce nous prendrons par exemple, le Liarre duquel les racines liées & prinles dans les murs attirent & rongent la substance du mortier, & comme elles deuiennent grosses, se font faire place, recullât les pierres qui n'ont plus de mortier, & par ainsi les rendent prestes de tomber. Quoy voyant aucuns en ont faict ceste diuise, (*Inimica amicitia*,) qui est à dire, ennemie amitié: ou, ce qui m'aime me ruine. Ainsi est il du fer, lequel les meschantes maçonneries ayme de peur qu'elles ne tombent, mais à la fin il les ronge & ruine. Faisant tout ainsi que ledict liarre, lequel apres auoir acheué de ruiner la muraille, & l'auoir mise par terre, n'ayant aucune chose pour se soutenir, est contrainct de tomber sur le chemin. Auquel, apres auoir marché dessus, est couppé, pour les empeschemens qu'il peut faire: & par ainsi il meurt comme il a faict mourir le mur. Chose semblable aduient à aucuns hommes, qui sous ombre d'amitié, appuis ou alliance avecques autres, ils en tirent leur substance, & les font mourir d'ennuis & pauvreté, pensans y gagner beaucoup: mais apres auoir succé & attiré d'eux iusques au sang, ils trebuchent & sont mis à neant par le vouloir de Dieu, qui ne veut le mal demeurer impuny. Et pour retourner à mô dire, outre la grande faute laquelle font les Maçons metans du fer aux

*Grande faute
aux bastiments
de Paris.*

*Inconueniens
qui aduiennent
pour mettre du
fer à la maçon-
nerie.*

*Nature du fer
avec les maçon-
neries.*

*Table que font
les maçons*

Ecc ij

LIVRE X. DES NOUVELLES

*usans deser aux
bastiments.*

bastiments, ils en fonte vne autre, quand ils mettent les pierres en œuvre en toutes sortes, tant de bout que de plat: dont il est aduenü quelquefois de grands dommages, aux edifices. Car la pierre pour estre forte en œuvre, il la faut maçonner sur son liët, & de plat, ainsi qu'elles croist és quarrieres. Comme le bois, lequel quand il est mis en œuvre pour porter quelque grande poissanteur, & qu'il est d'un bois de bout ainsi qu'il croist, il n'y a rien plus fort: mais s'il est de plat il ployera de soy mesme, ou rompra s'il est chargé. Ainsi est-il des pierres, car n'en faut quelquefois qu'une pour faire fendre ou rompre tout le bastiment, par faute de l'auoir maçonnée sur son liët, comme elle croist en sa quarriere:

*Comme se doi-
uent appliquer
les pierres en
maçonnerie.*

ainsi que j'ay veu plusieurs-fois, & ne se cognoist gueres la faute. Quelques vns pensent que soit du fondement, les autres d'ailleurs. Mais ce n'est pas icy mon inuention, de vouloir parler de la maçonnerie pour les bastimens, ains seulement de ceste Inuention nouuelle, pour laquelle quand on fera faire murailles, faut que ce soit à la charge qu'il n'y ayt point de fer ny ferrures. Or venons à nostre dicte charpenterie. Si vne poûtre est pourrie, qu'elle ruine & retenuë du mur faut-il faire? & quelle despenſe pour en remettre vne autre. Ce qui n'est aucunement necessaire à nostre dicte nouuelle inuention. Et sur ce propos ie diray ce mot. Je ſçay vne mai-

*Grandes ferru-
res dangereuses
en on legis.*

son du Roy où les poûtres ne valent rien, & par dessus ya si grandes ferrures qui trauersent les murs & retiennent les portiques ou galeries qui sont par les costez, que s'il y faut remettre d'autres poûtres, en grand danger seront lesdictes galleries qu'elles ne tombent, ou qu'elles ne se dementent, pour le moins, & y conuiendra faire despenſe excessiue. Et si celuy qui en aura la charge n'est diligent, & n'entend bien son estat, qu'en peut-il aduenir? Il faudra tout refaire de neuf: & qui pis est, qui le voudra refaire ainsi qu'il est commencé, ne durera non plus de temps qu'il a duré. J'ay voulu dire cecy pour le profit de ceux qui sont bastir: parquoy y prendra garde qui voudra. Je reprens nostre propos. Quand vous ferez au plus haut estage où il faut faire la couuerture, vous leuerez vostre mur par dessus le plancher de trois pieds de hauteur qui

*Comme il faut
leuer les murs
pour ceste nou-
uelle inuention.*


sera a propos de la hauteur des appuiz des fenestres, si vous en voulez faire par les costez, ou bien les ferez aux pignons. Et cela estant arresté, vous ferez encores de la maçonnerie deux ou trois pieds de hauteur d'auantage, pour faire l'entablement & porter les Coiaux de la charpenterie: ainsi que cognoistrez par les desoins cy-apres monstrez. Et ne prendrez pour ce faire que la moitié du mur par le dehors comme voyez marqué B, à la premiere figure cy-apres, l'autre moitié de l'espaisseur du mur demeurera basse de trois pieds plus que l'autre, signé C, où sera mise vne plate

*Quelles doivent
estre les mor-*

forme de bois ayant largeur d'un pied ou dix pouces, & d'espaisseur huiët ou neuf pouces. Laquelle aura plusieurs mortaises faites

INVENTIONS POVR BIEN BASTIR. 283

Êtes de deux pieds en deux pieds, comme pourrez voir aux lieux ^{raisonnée invention.} marquez D, de largeur de deux pouces, profondeur de trois, & longueur de demy pied. Et les mortaises qui sont aux angles & par le milieu, comme se voit aux lieux marquez E, seront plus larges & plus longues, quand vous y voudrez faire la couverture en croupe. De sorte qu'au lieu de deux pouces de largeur, elle en auront trois, & de longueur neuf ou dix, à fin que les courbes qui seront en ces angles, & par le milieu, soyent plus espais les deux ensemble d'un pouce, que les autres, pource qu'elles portent ^{Bonne des- sion & fort fa- miliere.} plus de charge, pour les autres courbes qui s'appuyent dessus, comme vous cognoistrez mieux cy-apres quand nous parlerons des croupes. Je ne veux oublier icy vous aduertir que ne devez prendre aucun ennuy, si de premiere face en lisant ne comprenez nostre oeuvre & invention: laquelle ne depend d'un ou deux cha- ^{Cognoissance de la presente invention d'ap- pre de la lecture de tout le livre.} pitres & figures, ains de plusieurs, bien reprises & conferees ensemble. Parquoy qui nous voudra bien entendre, faut qu'avecques patience il lise & discoure diligemment le tout, n'obliant rien. Ce temps pendant vous pourrez iuger quelque chose de ce que nous auons escript cy dessus, par le plan de ceste figure.



LIVRE X DES NOUVELLES

*Comme les courbes & Hemicycles pour faire les Combles, se commencent
à assembler sur les murs.*

CHAPITRE V.



*Hemicycles plates
formes &
leurs pieces.*


*Aix de charbon-
niers propres à
cette nouvelle
invention.*

*Enseignement
pour bien em-
ployer bois.*

*Proffit de la pre-
sente Invention
nouvelle.*

O V S pouuez voir comme nostre nouuelle Invention se commence à mettre en œuvre. Et pour continuer, vous reconnoissez en la figure suiuite comme les hemicycles commencez & signez G, sont fondez sur les plates formes marquées H, & les pieces de quoy est fait l'hemicycle, n'auoir que quatre pieds de long, huit pouces de large, comme voyez aux lieux marquez F, & vn pouce d'espaisseur, lesquelles vous pouuez prendre ainsi en acheptant vostre bois, s'il ne vous vient à propos de les faire d'aix, dont vsent les menuisiers pour faire portes, ou d'aix de charbonniers, comme sont ceux que lon apporte à Paris aux basteaux pour tenir le charbon, dont lon ne tient grand compte à mettre en œuvre: principalement pour chose exquise, & tels aix sont fort bons. Et quand ils auront douze pieds, de long, vous en ferez trois pieces, desquelles chacune aura quatre pieds. Et s'ils ont six pieds, les deux pieds qui resteront seront pour faire la petite piece de courbe, qui commencera sur le fondement d'un costé. Pour ce qu'ainsi que les aix sont assemblez les vns contre les autres, vne piece n'aura que deux pieds, & l'autre quatre. Par ce moyen les commissures iront en liaisons: & ne se trouueront l'une contre l'autre, comme il faut qu'elles soient pour faire mieux les ligatures: & aussi pour auoir meilleur moyen de les oster, & remettre autres pieces, quand lon voudra: pour autant qu'avec le temps elles se peuuent gaster & pourrir, mesmes si on les laisse decouuertes, comme font quelquefois les mauuais mesnagers. Il est fort facile & aisé de les entretenir. Ce que vous pouuez bien cognoistre par la presente figure, & autres qui ensuiueront. Car l'une enseignera & aydera à l'autre.

La façon



Ecc iij

LIVRE X. DES NOUVELLES

La façon de cognoistre plus facilement les pieces comme elles se doiuent tailler & assembler pour faire l'hemicycle & courbes de nostre nouvelle Inuention.

CHAPITRE VI.



Que sont Liernes, & de leur longueur.

Comme se doiuent percer les Liernes, & de la longueur & espaisseur des clefs.


Grande asseurance de la presente Inuention.

AY mis cy-apres les pieces plus grandes, à fin que l'on puisse mieux cognoistre comme elles doiuent assembler les vnes avec les autres. Lesquelles sont percees tout a trauers par le milieu & aux deux bouts de l'extremité, en façon de mortaise. Comme vous voyez aux lieux signez K, & endroicts semblables. Et telles perceures ont de longueur quatre pouces, & vn peu plus d'vn pouce de largeur, pour seruir & passer à trauers les Liernes qui lient & tiennent en raison lesdicts aix pour faire les hemicycles. Lesquelles Liernes seront de telle longueur que vous voudrez, & comme trouuerez les bois à propos. Quant à moy ie ne les voudrois trouuer qu'aux aix de quoy on fait les courbes, & les faire scier de long, ayant vn pouce d'espaisseur comme lesdicts aix, & quatre de largeur: & s'il y a quelque petit bout de bois de reste, seruira pour faire les clefs & cheuilles. Je d'y cecy pour faire cognoistre que qui voudra penser à faire bien debiter le bois, il n'y sçaura rien perdre: & n'y a si petite piece qui ne serue. Il faut percer lesdictes Liernes si dextrement pour mettre les clefs, que les mortaises se trouuent au droict de chacune courbe par les costez, quand elles seront posées par les pertuis ou mortaises signées K. Et aux costez faut mettre lesdictes clefs, qui auront deux pouces & demy de largeur, & vn d'espaisseur. Et la longueur sera autant qu'est la largeur de la courbe de l'hemicycle. Ainsi que vous pouuez voir en ceste figure aux lieux marquez L, & T, qui sont les clefs & mortaises à les mettre. Et faut qu'elles soient fort chassées à grands coups de marteau, à fin de tenir les pieces en telle raison, qu'elles ne se puissent desassembler, n'aller ny çà n'yla, avec vne force incroyable, qui y est. Et porteront cent fois plus quen'auiez affaire quelles portent. Il ne faut craindre que les vents leur sçache faire offence, ne qu'elles se puisse deffaire d'elles mesmes. Et quant à la tierce parties des courbes ou hemicycles par cy par là seroit ostée, ou bien pourrie & rompuë, ce qui resteroit sera encores assez fort, & pour durer plus que la charpenterie que lon à accoustumé de faire. Je dy d'auantage, quand tous les aix seroient fendus tout à trauers en deux ou trois parts de toute leur longueur, selon le fil du bois, ils seroient encores assez forts & plus qu'il ne faut, pour porter ce qu'ils ont à porter de couuertures, soient d'ardoises ou de tuilles, & encores de pierres de taille, qui voudra: pource qu'ils portent de bois debout. Telle façon est trop plus forte qu'il ne seroit de besoin, & s'e passeroit on bien à moins toutes

INVENTIONS POVR BIEN BASTIR. 28;

toutesfois c'est la meilleure. Car vn œuure ne peut estre trop bonne, non plus qu'un homme ne peut estre trop vertueux. Ce que vous pouuez iuger par la figure de la force des pieces, laquelle vous voyez cy-dessoubz.

*Fort belle sent
ce & digne de
noter.*



Comme les pieces des Courbes se montrent quand elles sont toutes
assemblées en leur hemicycle avec leurs liernes.

CHAPITRE VII.



A figure la plus parfaite & la plus capable de toutes est la ronde, dont est prise ceste Invention, comme vous pouuez considérer, par la figure ensuiuant. Laquelle j'ay représentée sur les murs des entablemens, sans la mettre quasi entre les murs, comme j'ay montré par cy deuant en la figure du quatriesme chapitre. Vous pouuez mettre les hemicycles sur les murs si vous le voulez, sans les mettre entre lesdits murs par la force qui est en eux. Car estans ainsi assemblez avec leurs Liernes, ils ne peuvent pousser ça ne là, ou bien peu, principalement quand l'edifice n'est de grande largeur: parautant que leur poissance tombe à plomb sur les murs sans pousser par dehors. Je ne dy pas que si lesdits hemicycles estoient de pierre de taille, qu'il faudroit charger & maçonner leurs espauls: mais estans de bois, les liernes tiennent tout en raison sans pousser. Et ainsi vous pouuez voir comme tou-

*Figure ronde
parfaite entre
toutes les au-
tres.*


*Enseignement
dignes de noter.*

*Grande harmo-
nie de la presen-
te Invention.*

LIVRE X. DES NOUVELLES

tes les pieces des courbes sont assemblées, & parfont l'hemicycle avec leurs Liernes & clefs qui les tiennent en raison. Comme vous pouvez facilement iuger par la sequente figure: en laquelle vous voyez les endroits marquez P, qui sont pour mettre les chevilles à tenir les pieces des courbes, iusques à ce qu'elles soient mises en œuvre. Je ne veux oublier, combien que plusieurs le sçachent, que toutes les commissures & assemblages de l'hemicycle, sont tirez de la ligne qui procedent du centre duquel est fait le dit hemicycle. Et ainsi toutes autres commissures & ioincts, lesquels conviēt estre toujours tirez du centre duquel est faite la circonference: autrement ils ne seroient bien: ce que vous cognoistrez tant par la presente figure, qu'autres cy-apres.

*Commissures &
ioincts tirez du
centre.*




INVENTIONS POVR BIEN BASTIR. 286

Quand vous assemblez vos courbes pour faire les hemicycles, comme i'ay dict cy dessus, il vous faut cheuiller vne piece contre l'autre. Mais il conuient que ce soit par fort petites cheuilles, & que les trous soient comme le bout du petit doigt. Et ne les y conuient mettre par grande force, afin qu'elles n'empeschent que le joint & commissures des courbes ne puissent joier l'un sur l'autre de leur longueur & largeur, du bout des pieces. Je n'en voudrois point mettre n'estoit que cela aide fort à les bien assembler & mettre en œuvre. Apres que le tout est posé, ie serois content que lesdictes cheuilles fussent dehors: toutesfois cela ne nait ny aide, si ce n'est quand il faut changer quelque piece qui est pourrie ou gaste: car cela entretient l'œuvre iusqu'à ce qu'on y aye mis vne autre neuve. J'ay monstre par cy. deuant qu'aux lieux marquez P, aux endroits esquels y a de petits poincts, faut mettre lesdictes cheuilles. Ce que vous pourrez encores mieux cognoistre par la figure cy apres mise en la mesme marque P, aux pieces des courbes qui sont figurees plus grandes, afin que lon en puisse auoir meilleure cognoissance. Il sera fort bon de mettre le moins de telles cheuilles qu'on pourra, afin que lesdictes pieces des courbes ne soient tant corrompues, & qu'elles puissent joier plus facilement sur leurs joints & commissures. Ce qui est plus aisé à cognoistre par la figure suiuite que par trop grande esriture, de laquelle ie me suis retenu pour n'en estre besoin.

*Grande facilité
& diligence sera
bien enseigner.*

*A quoy seruent
les cheuilles en
cette nouvelle
façon.*



LIVRE X. DES NOUVELLES

Comme les Hemicycles, Liernes & Diagonales, quand on veut faire des Croix pes aux couuertures, se monstrent en leur plan entre les murs.

CHAPITRE VIII.

Façon de plusieurs onticours.



Declaration de la figure ensuyuant.

Quelles sont lignes paralleles.


Demonstration de la presente matiere.

Nature des liernes, avec les courbes & hemicycles.

Chose digne de noter.

O V R-autant qu aucuns se pourroient trouuer qui voudroient faire telle couuerture qu'ils n'entendroient pas, sçauoir est r'allonger les courbes des angles, à celle fin qu'ils ne trouuent rien difficile, ie leur mettray icy la façon comme il le doiuent faire. Premièrement deuant qu'entendre telles courbes r'allongees, il faut cognoistre le plan de toute l'oeuvre, pour considerer la montee qui en doit estre. Comme en ceste figure vous pouuez voir, en laquelle les lignes qui sont de toute la largeur de O P, sont en leur montee le demy cercle ou hemicycle qui est marqué O Q P. Et cela sert pour faire tous hemicycles & courbes, qui se posent équidistamment par lignes paralleles (desquelles les separations sont aussi larges par vn bout qu'à l'autre) & sont fondez d'une mesme hauteur au niueau. Et toutes les courbes qui doiuent estre aux endroits marquez R, combien qu'elles ne soient que partie du demy cercle ou hemicycle pour finir contre la diagonale, qui est N & V elles se feront de l'hemicycle sans faire autre trait. Et pourueu que ce soit vne mesme distance de N à P & N à T, les courbes du demy cercle O Q P, seruiront pour celles qui sont signees R, comme nous auons dit. Mais depuis N iusqu'à V, qui est la ligne diagonale, y a beaucoup plus de longueur que de N à P, pource l'hemicycle O Q P n'y pourroit seruir, & ne se pourroit faire tout d'une venue avec le compas: parquoy il le faut faire ainsi que ie monstrey en la figure suiuant ceste-cy. Et notez bien le plan de la presente figure, afin que vous entendiez mieux en l'oeuvre comme les liernes passent à trauers les courbes & hemicycles. De sorte que quand ils voudroient pousser l'oeuvre d'une part ou d'autre, ils poussent tousiours sur la force du bois debout: quasi ainsi que font les courbes, soit en la montee des hemicycles, ou de trauers comme vont les liernes. Le bois n'endure peine, sinon que sur la force dudit bois debout: ce que vous pouuez voir aux liernes qui sont marquees X, en la figure ensuiuant.

Pour



LIVRE X DES NOUVELLES

*Pour cognoistre comme il faut faire les Courbes sur le coing,
& toutes les Cherches r'alongees pour faire les
Croupes des couuerture.*

CHAPITRE IX.

*Felicité de de-
monstrer con-
iointe avec fe-
licité, n'est il
sous donnée.*



*Pour vendre les
cherches &
courbes accor-
dantes.*

*Maniere de
trouver & faire
les cherches ra-
longées.*

*Deduction de la
figure par le me-
me.*

OVS pouuez considerer à la figure suiuant, que la ligne A B, qui contient la moitié de la largeur de l'edifice dedans oeuvre, n'est si longue que la diagonale A C, laquelle ne peut faire du compas tout d'une venue l'hemicycle B D E: autrement elle seroit plus haute que ledict hemicycle, & d'autre sorte de circonference: & ne se pourroit accorder pour faire les couuertes vnies: car en vn lieu elles seroient basses, & en l'autre plus hautes, qui seroit chose tres mal à propos, & encores de plus mauuaise grace à voir. Mais pour faire que tous les hemicycles & courbes soient accordans, & qu'ils soient à droicte ligne & au niveau par le milieu au plus haut du faiste, vous ferez que le cercle de courbes qui est depuis B D E, sera diuisé en tant de parties que vous voudrez, ou aussi long comme porteront les pieces de bois que vous aurez pour les faire de trois pieds, & de quatre, ou ainsi qu'il vous sera à propos. Comme vous pouuez voir que j'ay diuisé tout ledict hemicycle & courbes en neuf parties egales, desquelles la moitié se voit marquee B F G H I. Et des poincts où sont lesdictes lettres vous tirerez des lignes à plomb perpendiculairement sur la ligne E B, les continuant iusques sur la diagonale A C, dont il est question de faire la cherche r'alongee. Après cela vous tirerez les coupes & commissures venans du centre marqué A, qui seront comme I K, H L : G M, & F N. Puis vous ferez le semblable qu'avez fait, quand les tiriez à plomb perpendiculairement sur la ligne E B: continuant iusques sur la ligne diagonale A C: comme avez fait des autres où sont marquées les perpendiculaires de mesmes lettres que les courbes de l'hemicycles, comme I K, H L, G M, F N. Cela fait vous tirerez une ligne en telle part que vous voudrez. Mais à fin que plus facilement vous l'entendiez, nous nous aiderons de la ligne E B, sur laquelle vous tirerez vos perpendiculaires de telle sorte qu'elles soyent en angle bien droit & parallele, ou si voulez que ie parle comme les ouuriers, bien à l'equerre & iaugee: puis de la longueur de la diagonale A C, vous mettrez les espaces & interualles comme ils sont marquez en la figure. Premièrement doncques vous

INVENTIONS POVR BIEN BASTIR. 283

vous prendrez avec le compas l'espace qui est de A, iusques à I, & la raporteréz à EO, car elle sera la distance & longueur. Côme aussi de AK, à EP, de AH, à EQ de AL à ER, de AG, à ES, de AM, à ET, de AF, à EV, de AN, à EX, & de AO, à EY. Et tout cela estant rapporté bien iustement avec le compas, vous viendrez prendre la hauteur depuis la ligne droicte, sur quoy à esté fait l'hemicycle qui est BDE de toutes les pieces des courbes, tant par la ligne de l'hemicycle de deffous que celle de dessus. Comme quoy, vous porterez la hauteur de BF, à Va: puis de BN, à xΣ. Semblablement vous rapporterez l'autre ioinct qui est de GM, comme auez fait cy-deuant, sçauoir est de G, à π S: de π M, à TZ: apres vous prendrez l'autre hauteur de HL, & la raporteréz a ϑϑ. Vous pouuez le tout ainsi conduire, pourueu que les lignes soient bien équidistantes & paralleles à la ligne EB Et par ainsi vous raporteréz IK, au point Δ & r puis vous tirerez vn trait du point de r, à celui de Δ, pour faire les commissures: & du point de ϑ, à celui de δ, & de π, à z: & de α à Σ. Apres cela vous regarderez les points x π ϑ Γ, & les chercherez avec le compas, & en prendrez trois points à la fois, comme de x α π, & ainsi des autres: & les ferez si dextrement, que tout ce puisse bien adoucir. Et plus vous ferez des lignes perpendiculaires sur la diagonale (comme celles qu'auez fait par cy-deuant) plus vous sera aisé à conduire vniement ladicte cherche r'alongee sans qu'il y ayt iarret. Chose semblable vous faut faire par le dessus pour trouuer les points rΣz ΔΔ & Λ. Et ainsi conuendra tailler les pieces qu'il faudra pour faire la cherche r'alongee pour construire les croupes de la sorte que se trouue ladicte cherche r'alongee, tant par ses commissures qu'autres. Et pour ce faire faut leuer les panneaux comme le premier, qui se monstre par XYαΣ. Et le deuxiesme, par αΣzπ, & ainsi des autres. Par ces panneaux vous trasserez vos pieces pour les tailler, & par ce moyen ne sçauriez faillir que ne faissiez les combles des couuertures & croupes bien vnies qui s'accommoderont de bonne grace comme il faut. Le tout se peut facilement voir par la figure suiuant.

Declaration de la figure fort particuliere.


Figure & dessin selon toutes ses parties & interpretations.

*Demonstration fort bien pour-
suiue.*

Comme se doit tailler les pieces pour la cherche r'alongee.

Combles de couuertures bien vnies

LIVRE X DES NOUVELLES



*Maniere de trouver les trois points perdus pour s'en
aider à faire les cherches r'alongees.*

CHAPITRE X.

Parautant




PAR AVTANT que c'est grande peine de trouuer les poinçts des cherches r'alongées, ie les veux icy monstrier facilement. Il y faut doncques proceder comme quand on cherche les trois poinçts perdus, en ceste maniere vous disposerez trois poinçts comme pourroient estre A B C, en telle sorte que vous voudrez, pourueu qu'ils ne soient en droicteligne. Puis prendrez vn compas, duquel vous mettrez vn des pieds sur le poinçt A, & de l'autre vous ferez deux petites lignes, comme celles que vous voyez D F, remestant vne lambe dudit compas sur le poinçt B, & faisant trois lignes comme celles de G H I. Cela faict, le remettez sur le poinçt C, & ferez encores deux autres lignes comme celle de K L, puis tirerez vne ligne des entrecouppemens, comme vous voyez des poinçts M N, & vne autre du poinçt O à P, & là où s'entrecoupperont lesdictes lignes (*verbigratia*) à la marque Q, sera le centre pour faire la circonference à trouuer les trois poinçts perdus. Mettant donc vn des pieds dudit compas audit centre marqué Q, & l'autre produisant iusques au poinçt de A faisant vne circonference, il passera sur les poinçts que vous cherchez A B C. Et ainsi vous faut il chercher ceux de la cherche r'alongee, comme pourrez mieux cognoistre par ceste figure.

Facon & maniere de trouuer les trois poinçts perdus.

Enseignement digne de noter tant à Architectes, qu'à tous autres artisans.

Familiere demonstration.



LIVRE X. DES NOUVELLES

La façon pour trouuer les Courbes & Cherches ralongées par autre stile & moyen.

CHAPITRE XI.

*Autre façon de
trouuer courbes
& cherches r'a-
longées.*



*Continuation de
la démonstratiō
d'enseignement
precedent.*


*Fort bon prece-
pte & digne
d'observation.*

*Empeschemens
des lieux estre
causē du chan-
gement de char-
penterie & ma-
çonnerie.*

ELLES courbes & cherches ralongées se peuuent faire en autre sorte que n'auons dict, comme vous pouuez voir par la figure suiuaute. Doncques apres que vous aurez fait le demy cercle ou hemicycle ECB, vous diuiserez la moitié du diametre qui est AB, en tant de parties egales que vous voudrez: pourueu que l'une soit aussi large que l'autre: ainsi comme il se voit que ie les ay mises en huit parties. Puis vous tirerez à plomb & perpendiculairement lesdictes lignes, comme voyez DEFGHIK, iusques à ce qu'elles touchent le demy cercle BC, & qu'elles facent bien les angles droicts sur la ligne AB. Apres cela vous prendrez la longueur de la ligne diagonale AL, où il faut faire dessus la courbe & cherche r'alongée, pour ce qu'elle se trouue plus longue que la moitié du cercle qui est sur la ligne AB, comme auons dict cy deuant. En apres vous tirerez les lignes perpendiculaires de telle sorte qu'elles facent angle droict sur la ligne AL: & les diuiserez comme celles de dessus en parties egales sur ladicte ligne AL. Aufquelles vous r'apporterez toutes les hauteurs de celles qui sont au demy cercle, comme celles de AC, à celles de AM: & de NO, à XY: & de PQ, à Z & ainsi des autres. Et tant plus vous en ferez de parties comme de huit en faire seize, ou trente deux, plus vous sera aisé de faire ladicte cherche r'alongée, & en sera la circonférence plus adoucie. Apres auoir fait tout cela, vous regarderez les trois poincts MYZ, & les trouuerez avec le compas, & ainsi des autres. Lesquels vous prendrez de trois poincts en trois poincts, iusques à ce qu'il soit fait comme ie vous ay monstré cy deuant. Et cela paracheué vous en ferez autant par le dessus au cercle signé d pour trouuer l'espaisseur des courbes. En apres, vous ferez les ioincts ou commissures pour les assembler, venants du centre du compas quand il a fait la circonférence, & les diuiserez en telle longueur que vous aurez le bois propre, ou de telle sorte que les voudrez faire. Si vo' aymez mieux la façon que vous ay mis cy deuant, vous le ferez: & ainsi toutes cherches ralongées que pourrez auoir affaire, trouuerez par ceste voye: si ce n'estoit que le lieu auquel vous bastirez fut biais ou rempant, ou bien subiect à quelque lucarne ou fenestre: car lors pourroit estre qu'il seroit plus difficile, & faudroit faire autrement. Mais il se trouuera assez de gentils esprits qui y scauront donner bon ordre: qui ne l'entendra, faut qu'il demande conseil. Ainsi que les

INVENTIONS POVR BIEN BASTIR. 290

que les choses se presenteront, ie monstrey com meil les faudra faire, esperant que tous ouuriers, quelque peu desprit qu'ils ayent, m'entendront incontinent pour s'en bien sçauoir ayder. Apres doncques vous auoir monstré à faire vos courbes r'alongées, & le ^{preparatif pour} ^{le fauans cha-} ^{pitre.} moyen de les bien conduire, reste cy-apres vous enseigner par exemple comme lon peut faire plusieurs sortes de combles & couuertes. Cy dessous vous voyez la figure declaratiue de ce que nous auons escrit au present chapitre.



Exemple pris des Combles & Courbes ralongées appliquées aux Croupes des panillions qui sont sur la chappelle & escalier du chasteau de la Muette de saint Germain en Laye.

CHAPITRE XII.

Fff iij

LIVRE X. DES NOUVELLES

*Pratique &
exple du prece-
dent chapitre*




*Enseignemēt de
prendre toutes
sortes de group-
pes.*

*Prolixité en-
gendre ennuy.*

*Faut cognoistre
ceux de qui on
apprend.*

FIN que lon cognoisse mieux comme il faut mettre en oeuvre les courbes & cherches r'alongées, j'ay mis par exemple les figure suiuanes, par lesquelles vous verrez comme sont appliquées les courbes r'alongées aux combles & couuertes des croupes des pavillons que j'ay fait faire, entre autres au chasteau de la Muette de saint Germain en Laye, au pavillion de l'escalier & celuy de la chappelle. Vous voyez comme lesdictes courbes marquées A B, se trouuent r'alongées, & ayants plus de peine & charges en oeuvre que toutes les autres, pour plusieurs autres courbes qui s'y vont assembler, comme celles de C D F: qui ne sont sur les angles, comme celles que j'ay dict cy deuant, qui se fondent sur le coin d'une place quarrée par le bout d'un corps d'hostel, mais celles icy sont en oeuvre sur le plan, comme la moitié d'un octogone, que les ouuriers appellent vulgairement, à pan coupé, combien que le pan ou face du milieu soit plus grand que celuy des costez. Mais quelques croupes que ce soient, elles se font de mesme raison comme j'ay déclaré cy deuant. Car en prenant toutes les hauteurs des commissures, & trouuant les lignes perpendiculaires dessus la diagonale du pan de l'oeuvre, sera tousiours facile la cognoissance de les faire. Ce que pouuez voir par la montée de la croupe de charpenterie aux deux figures cy apres descriptes. Cela fait, il est tres facile de iuger & cognoistre comme telles choses sont mises aux angles, ainsi que j'ay dict cy deuant. Et me semble que cecy suffit quant aux cherches r'alongées, sans plus longue escripture, laquelle ne seruiroit que pour donner peine aux bons entendements, & aussi qu'il y a plusieurs gentils esprits qui en pourront faire à leur fantaisie, & trouuer parauenture autres inuentions, dont i'en seray tres aise. Et croy qu'ils diront que ie les auray aduisez de telle façon, de laquelle ils pourront bien faire leur profit.

Pour



LIVRE X DES NOUVELLES


*Advertissement
& enseignement
digne de noter.*



POVR ne rien oublier à vous dire, ie vous veux ad-
uertir que quand vous faictes ainsi la charpenterie
où se trouuent telles crouppes ou cherches r'along-
ees il faut mettre au plus haut de la crouppe vne
piece de bois de trois ou quatre pieds de longueur,
& de six, sept, ou huit poudes de grosseur, taillee
à pan, ou ainsi que verrez qu'aurez affaire: & quelle soit entaillee
au bout par le milieu aussi profond que la courbe marquee B, est
large. Et à la moitié de ladicte piece, qui est du costé de la croup-
pe, vous ferez plusieurs mortaises pour y assembler toutes les cour-
bes r'alongees, & autre comme vous voyez à l'endroit de C. Ce
qui vous sera facile à cognoistre par la figure cy apres mise. Et
le surplus de telle piece de bois marquee F, seruira à faire vn
poignon pour mettre au plus haut vne banierre, vase, ou telle de-
coration quelon voudra. Aussi cela sert pour y assembler les coiaux
marquez G, pour faire la pente & vidange des eaux. & assem-
bler les faistes ou soubfaistes, comme vous voyez à la mortaise
marquée I, pour continuer la charpenterie de la longueur du ba-
stiment qu'aurez à faire. Et le pourrez mieux cognoistre par la
suiuante figure.

*V' sage des poin-
çons que lon
met au plus haut
des bastimens.
Pour la vidan-
ge des eaux.*

Pour



LIVRE X. DES NOUVELLES

*Pour cognoistre plus facilement comme les pieces des Courbes se
doivent assembler avec les Clefs, Liernes, & Coiaux
qui sont sur les entablemens des murs.*

CHAPITRE XIII.

*Pour la grosseur
& largeur des
courbes.*



*Declaration &
demonstration
de la figure en-
suivante.*

*Application des
coiaux & leur
nature.*

*Continuation
des parties de la
figure.*


AY voulu représenter à la figure suivante les pieces à faire les courbes de plus grand volume que celles qui sont par cy-deuant : à fin que plus facilement lon puisse entendre tant leur grosseur & largeur, que leur assemblage avec les liernes & facons de coiaux que lon met sur les murs, pour mieux faire escouler la vuidange des eaux, sans qu'elle puisse rien gaster, ne pourrir lesdicts murs. Combien que j'aye parlé quasi de chose semblable parcy deuant, mais elle m'a semblé n'estre assez intelligible, & aussi que lon n'y voit pas la forme desdicts coiaux. Et pour labien entendre, estimez que la muraille marquée K, soit de deux pieds & neuf poudes de large, comme il est escript : dont vous en prenez treze poudes pour mettre la platte-forme de la charpenterie, comme se voit signé L. Le reste de la muraille est d'un pied & six poudes, comme se voit escript. Et sur la platte-forme de la charpenterie marquée N, qui est plus basse que l'entablement de la muraille marquée M, le premier aix ou la premier piece, aura trois pieds de longueur, ou deux si vous voulez (en cela il n'ay a point de subiection, car sera selon la commodité du bois que vous aurez) & un pied de largeur : & si voulez le dessous sera tout droit, sans l'arrondir ne cintrer. Ce quin'est point de besoing, si vous ne voulez faire vostre couuerture pour y faire lambris, & vous en servir de chambre, ainsi que pouuez voir N O. Apres vous mettrez l'autre piece ensuiuant, qui est O P, & doit estre deux fois plus longue que celles de ON, & ainsi des autres, comme vous auez veu par cy-deuant. Les coiaux marquez Q, sont assemblez avec telles pieces comme vous voyez par ce protrait : & suffit qu'ils soient de sept ou huit poudes de large : mais faut qu'ils soient tous de mesme espaisseur que les pieces de quoy sont faictes les courbes à fin que les clefs qui passent à trauers les liernes les puissent mieux serrer & ioindre ensemble. Et tels coiaux auront leur longueur si à propos, & leurs liaisons si bien faictes, que les commissures & assemblages, ne seront point l'un endroict de l'autre : & si seront lesdicts coiaux assis sur la muraille avec vne petite retenue faicte en l'entablement, qui donnera vne grande force à l'oeuvre. Comme pouuez voir au lieu marqué R. Et au plus haut, contre les courbes, vne autre retenue marquée S. Et cela sert encores à entretenir la charpenterie, & à luy

INVENTIONS POVR BIEN BASTIR. 291

luy donner plus de force. Par le milieu des coiaux vous y mettrez vn court de liernes qui soit au droict de ceux des Courbes, à fin qu'une mesme clef puisse seruir & serrer les deux ensemble: & tiendra lesdicts coiaux si estroitement, qu'ils ne pourront aller ny çà ny là, comme pouuez voir aux lettres V & T. Et quant aux grosseurs des liernes, elles se font tousiours selon la grandeur de l'oeuvre, & en proportion de la grandeur des pieces des courbes. Et faut qu'elles ayent quatre poudes de largeur, & vn poud & demy d'el'poisseur: & les clefs vn poud & demy de grosseur, & de largeur, trois poudes. La longueur sera tousiours autânt qu'est la largeur des pieces des courbes. Au droict de coiaux, aux lieux marquez V, faut que lesdictes clefs soient mises bien audroict des commissures & ioincts d'assemblage, & de force à coups de marteau, à fin que les pieces des courbes ne se puissent ietter, & mettre hors leur lieu. Comme pourrez mieux cognoistre par la presente figure,

Quelles doiuent estre les grosseurs des liernes.

Choses dignes de noter.



LIVRE X DES NOUVELLES

*Comme faut faire les pieces des Courbes & assemblage quand on veut edifier
vn Comble de grande largeur, comme celuy de la Muette de saint
Germain en Laye, ou plus large.*

CHAPITRE XIII.

*Pour faire vn
comble de gran-
dissime largen-
r par le moyen d
cette Invention*



*Declaration de
la figure.*

*Enseignement
pour grandes
couvertures.*

*Pour couvertu-
res & combles
des maisons or-
dinaires.*


*Largeurs &
longueurs des
pieces à faire
courbes.*

I vous voulez faire vn comble de grande largeur, comme celuy du milieu du chasteau de la Muette que j'ay fait faire, qui a environ dix toises de large dans oeuvre, ou plus: ou bien vn plus grand de 15, de 20, de 30, ou de 50, toise de large: il se peut faire, Mais il ne se faut cōtenter d'vne seule lierne par le milieu, comme à ceux que j'ay descrit cy deuant, ains la faut mettre double, & qu'elle soit entaillée d'vn demy ponce, & la courbe autant par son extremité, au droict des ioincts ou commissures, de sorte qu'ils entrent l'vn dans l'autre. Comme pourrez cognoistre à la figure cy-apres au lieu marqué A B. Et entre iceux vous mettrez autres cours de lierne par le milieu des courbes, comme ceux que j'ay descrit par cy-deuant, ainsi que vous pourrez voir en ladiete figure au lieu marqué C. Il stiendront les coiaux dessus les murs, à telle raison, que ceux qu'auons descrits cy deuant. Et ainsi que vous aurez à faire de plus grandes couuertures, il vous faut tenir vos bois de plus grande grosseur & plus grande largeur; cōme de 15 ponces ou 18: Et à ces grandes pieces ie voudrois que les doubles liernes, comme celles que voyez marquées A B, fussent à trauers les courbes & passassēt par vne mortaise, ainsi que celles qui sont marquées C, pource que j'ay cogneu par experience, qu'elles seroient trop plus fortes que d'estre aux extremités comme sont celles de A B Mais pour les couuertures & combles des pauillōs, & maisons que lon fait ordinairement, quiont environ quatre toise de largeur dans oeuvre, il suffit que les aix à faire les courbes, ayēt vn ponce de grosseur & quatre pieds de longueur. Et aux corps d'hôtels qui auront six toises de largeur, faut que lesdictes pieces à faire les courbes, ayent vn ponce & demy d'espoisseur. Derechef à ceux qui auront de largeur 10. toises, les faut de deux ponces: à ceux de 15. deux ponces & demy. Et aux bastimens qui auront 18. toises de largeur, les pieces aurōt 3. ponces d'espoisseur. Quant aux largeurs desdicts aix, vous les donnerez selon l'edifice qu'aurez à faire. Aux longueurs ie ne vous propose point de mesure, sinon que plus courtes vous ferez vos pieces, plus l'oeuvre sera forte: le tout gist au iugement du conducteur, & à la nature du bois dont il s'aidera, & à la grādeur de l'oeuvre. Aussi par mesmes moyē il fera les liernes & clefs en grosseur & largeur, selon l'entreprise des oeuvres qu'il fait. Le principal

INVENTIONS POVR BIEN BASTIR. 291

principale est de cognoistre la nature du bois. Le Sapin, le Chefne, le Charme, le Peuple, l'Arable, l'Aune, le Noier, l'Oliuier sauua-ge & domestique, le Chastaignier, y sont tous bons, comme nous auons dict au commencement du present liure: voire les Saux, en necessité & faute d'autre bois. Bref selon la nature des bois faut faire l'espaisseur des aix à faire les courbes & leurs longueurs & largeurs, comme ie vous ay dict cy dessus. Vous n'y scauriez faillir, pourueu que vous teniez vos pieces les plus courtes que pourrez: signamment au bois lequel cognoistrez estre plus fragile & fran-gible. Le tout pouuez voir & iuger par la figure qui s'ensuit.

*à lueritiffement
digne de noier.*



LIVRE X. DES NOUVELLES

*Grand comble
du chasteau de
la Muette.*



*Voyage de la ter-
rasse de la Muette.*

*Grande voute,
se pouvoit ren-
dre intelligible.*


*Force inestima-
ble des combles
de ceste nouvelle
invention.*

*Plates formes
rondes ou quar-
rees. Commem-
cements en tou-
te chose difficile.*

*Experience
maistrise des
ebases.*

T pour mieux entendre telle matiere, i'ay encores voulu faire la figure cy - apres proposée: qui est la sorte comme le grand comble du chasteau de la Muette est fait, dont vous ay parlé cy-deuant, qui a dix toise de l'arge dans oeuvre: & semblera que ce soit vne reditte, mais il vient à propos pour en auoir mieux l'intelligence. Aussi ie veux monstrier comme au dessus de telle couuerture, & par le milieu au plus haut y a vne terrasse en façon de galerie avec ses appuis: dont en voyez la moitié à ce descing au lieu marqué B, pour voir la forest & la chasse: duquel lieu se prend grand plaisir à voir courir le cerf, & entendre l'abboy des chiens. Tel assemblage de charpenterie s'est fait à double lierne dessus & dessous, entaillé dans les pieces qui sont les courbes: comme se peut voir en celle cy, que i'ay figuré plus grandes, à fin qu'on les puisse mieux concevoir aux lieux marquez S, & aux liernes marquées T. Je n'ay regardé de les faire d'une mesme grandeur, pour estre conuenable que telle grosseur de lierne, que i'ay figuré, sceust seruir aux courbes: ie tend seulement à faire intelligible l'oeuvre à chacun. Quand les liernes sont en taillez par la moitié, & les courbes aussi, ainsi que voyez au lieu marqué S, ils se mettent si dextrement l'un d'ans l'autre, qu'ils ne peuuent aller ny çà ny là, ne hausser ny abbaisser, pourueu que les espaulles tiennent bien, & qu'ils ne viennent faute du fondement ny des murs qui les portent. Et les clefs, & doubles clefs, mises aux liernes par les deux bouts, se tiennent si fortes ainsi assemblées que rien plus, comme ie vous en laisse à iuger, & le pouuez voir à l'endroit de la figure cy dessous, où est marqué D. Et encores entre telles doubles liernes ils'en met d'autres comme aux combles communs ainsi que les voyez aux lieux marquez V, à l'endroit des mortaises, comme auez entendu par cy deuant. Et me semble que c'est chose si forte, que non seulement elle, est suffisante pour porter ardoise, mais pour estre couuerte de pierre de taille, ou de grosse maçonnerie, qui voudra. Et pourueu que les murailles soient bonnes, & l'espoisseur suffisante pour faire espaulettes, qui les retiennent bien par les costez, vous pouuez faire telle façon de charpenterie, plate-forme au plus haut des couuertes, ou au niveau de la hauteur de la maçonnerie de telles tours que voudrez, soient rondes ou quarrées. Et se pourra aussi faire façon de trasse pour y tirer l'artillerie. Ce que tous bons esprits peuuent bien considerer. Et si i'auois à faire choses seblables que i'ay fait faire à ladicte muette, elles se pourroient encores trop mieux conduire qu'il n'a esté fait: par ce que les ouuriers, pour n'en auoir iamais ouy parler, aussi qu'ils faisoient grand doute que telle façon fust bonne, ne m'ont si bien seruy, ne si bien taillé le bois, comme ie desirois: ce qu'ils feroient à ceste heure trop mieux, pour l'experience qu'ils en ont veüe.

Comme



LIVRE X. DES NOUVELLES

Comme lon peut faire couuertures de diuerses montees, tant de l'hemicycle que du tiers poinct, & autres, Et sera aussi facile d'y mettre tuille ou ardoise, qu'à celles qu'on à acoustume de faire, laquelle s'assmblera & iointra autant bien que toutes autres que lon sçauroit faire.

CHAPITRE XV.

*Toute d'aucuns
voulans entre-
prendre ceste
nouuelle Inuen-
tion.*



*Responce à au-
cuns voulans
mespriser ceste
nouuelle Inuen-
tion.*

*Bon conseil &
digne de noter à
bons esprits &
ingentieux.*

E vous veulx encores aduertir, que ie sçay qu'aucuns se trompent faisans couuertures par ceste nouuelle Inuention, mesmes aux logis qui n'ont grande largeur. De laquelle la charpenterie, pour estre ronde tant par dessus que par dessous, quand ils la veullent couvrir de tuille ou d'ardoise qui est longue, ne se peut ioindre & bien coucher, ains entrebaille, faisant ouuerture par le dessous, dont est facile que le vent y porte pluie ou neige, qui est la cause qu'aucuns ont voulu mespriser telle Inuention: mais en cela y a plusieurs remedes. Car le dessus de tels petits combles se peut faire quasi droict: de sorte que la tuille ou ardoise se couchera si bien, & ioindra tellement, que le vent n'y pourra faire offense. Et aussi, qui voudroit vser d'esparagne, faudroit faire seruir toutes les pieces d'ardoise qui sont rompiës, voire quand elles n'auroient que la moitié de longueur, car elles seront fort bonnes pour cela. Quant à la tuille la petite y sera fort propre, iagoit qu'elle ne soit la meilleure. Seroit toutefois le plus expedient, en faire mouler expressement. Et qui ne le voudra mettre en peine de ce, faudroit commander faire les charpenteries comme vous voirrez à la figure cy-apres laquelle comprend & monstre trois façons d'y proceder. Auxquelles vous pourrez seruir de tuille & d'ardoise des longueurs accoustumees, sans qu'elle entrebaille ou fasse ouuerture par le dessous. Et seront lesdictes couuertures aussi droictes que celles qu'on fait à present. Qui voudra ne faut que tirer la montee au lieu d'un hemicycle ou demy rond, & la faire en tiers poinct ainsi que vous voyez les formes des vitres aux Eglises modernes. Comme quoy, au lieu quel'hemicycle se prend d'un centre, ces façons icy se prennent de deux: ainsi que pouuez cognoistre par la figure ensuiuante, en laquelle le lieu marqué C de toute sa largeur, se diuise en trois parties egales, desquelles faut prendre les deux, & mettre la pointe du compas sur un des centres, & l'autre sur l'extremité de la largeur, & en faire la circonference. Apres vous remuerez ledict compas

compas & le mettez en l'autre centre, & en ferez autant pour l'autre costé, & verrez la montee qui se fera beaucoup plus haute que le demy rond. Mais il faudroit auoir deux centres (ainsi que nous auons dict) pour changer la poincte dudit cōpas à faire telle circonference des deux costez, comme vous voyez en ladicte figure suiuite. Si voulez les couuertes plus hautes, & que le comble soit plus droict, il ne faut que diuiser la largeur de l'œuvre en quatre pars, & en prendre les trois pour tirer la montee, comme voyez à la marque D. Où si vous voulez encores faire vostre œuvre d'aussi grande hauteur, comme ont de coustume aucuns charpentiers, ainsi le pouuez faire. Faut prendre avec le compas la largeur de tout le bastiment, comme vous verrez par la marque E, en ladicte figure, & mettre vne poincte d'iceluy au lieu de H, & l'estendre iulques au poinct de G, & faire la circonference iulques au poinct F, qui est le plus haut du comble, puis remuer le compas & faire autant de l'autre costé de H à F, & vous verrez la forme d'une haute couuerture, qui est aussi large que haute par ses courbes: & seroit vn triangle équilateral; qui le voudroit tirer à ligne droict par les costez. Et pour prendre les largeurs des courbes faudroit mettre le compas sur A & B, & faire comme deuant. Sur toutes ces sortes de comble, la tuille & ardoise y seruira, & se coucheront aussi bien que sur ceux qu'on à accoustumé de faire. Il sera bon d'en vser en aucuns lieux, & d'autres non, selon les vents & autres suiections lesquelles y peuuent estre. Si voulez vous ne laisserez à mettre par le dessoubz vn hemicycle, soit pour seruir de lambris ou pour faire chambres, ou pour garder qu'il n'y ayt si grande chaleur ou froidure. Ainsi que pouuez cognoistre en la presente figure à l'endroict marqué K, & de tout auoir meilleur iugement.


l'usage du compas en ceste Invention.

Pour toutes sortes de couuertes.

Dextérité de conduire le compas en ceste Invention.

Tous lieux n'estre propres pour ceste nouvelle Invention.

LIVRE X DES NOVVELLES





'AY sur ce propos icy descript vne autre figure avecques quatre rancs de courbes, à fin que vous ayez meilleur iugement comme telle couuerture de nostre presente Invention se peut faire si droicte que lon veult. Les coiaux qui sont sur l'entablement des murs, assemblez avec les courbes monstrent qu'il est facile faire l'œuvre de telle hauteur & roideur que voudrez. En laquelle vous ne sçauriez mettre ardoise ou tuille, qui ne se couché autant bien qu'il est possible, sans aucun entrebaillement ou ouuerture par le dessous. Qui se voudroit ayder de telles façons ainsi hautes seroit for à propos de faire vn hemicycle par dessous, ou vn arc soubaisé en anse de panier, pour y pouuoir pratiquer vn dernier estage qu'aucuns appellent galetas à fin d'y loger & tenir meuble ou ce qu'on voudroit. Il se trouueroit entre la couuerture & l'hemicycle signé K, ou l'anse de panier, qui seroit plus à propos pour ce faire comme i'ay dict. Vous y pourrez cognoistre & remarquer vn lieu ample & spacieux pour en tirer grande aisance: par le dessous au commencement des courbes, dessus leur plate-forme, entre icelles, faisât les lambris de menuiserie, vous y trouuerez commodement place pour faire des armoires de toute la longueur de vostre edifice par les deux costez, qui seront propres pour y tenir confitures, eaux distillées, papier ou autres choses: & viendront fort à propos pour s'en seruir à tenir liures & y faire vne belle Bibliothèque. On trouuera encores cela plus aisé & plus commode, par ce que telles armoires ne donneront point d'empeschement dedans le logis, soit que vous en seruiez pour salle, chambre, Bibliothèque, ou thresor à tenir tiltres, pour estre ainsi sur la muraille, & entre les courbes de la couuerture. Je pense icy vne façon que ie ne puis escrire pour la longueur, c'est quel on pourroit accommoder le lieu en faisant ladicte couuerture de telle sorte, qu'on y pourroit tenir quelque chose en secret, sans auoir crainte du feu, quand bien on le mettroit à la couuerture. Vous pouuez cognoistre par la figure cy-apres, au lieu marqué B; où ie voudrois faire telles armoires qui auroient deux pieds de largeur: la hauteur seroit de l'entablement des murs. Vous les ferez plus spacieuses si vous voulez. Ce sera selon la grandeur de l'œuvre que vous entreprendrez.

Pour faire couuertes de ceste Invention sans hautes & droictes que lon voudra.


Pour un dernier estage ou galetas, comme lon dict.

Place pour faire armoires de toute grande longueur.

Enfinis comme-ditez & aisances de ceste Invention.

Lieu fort commode & propre.

LIVRE X. DES NOUVELLES



Comme lon peut faire vn double plancher en anse de panier deffous les combles, quand les couuertures se trouuent trop hautes, pour mieus s'en seruir de chambres, salles, ou ce qu'on voudra.

CHAPITRE XVI.

pour faire vn
plancher en an-
se de panier
deffous le comble.

ENCORES vous ay-ie figuré cy-apres vne autre façon de couuerture, où vous pouuez faire par deffous le comble vn plancher en anse de panier, comme vous voyez à la figure suiuiante, à la marque A: à fin que s'il se trouue que la montée de la chambre ou salle que voudrez faire, ne fust si haute que le lambris qui seroit à la couuerture, vous luy puissiez donner la hauteur que ses mesures requerront par le moyen de telle anse de panier, que vous hausserez

haufferez & abbaisserez comme il vous plaira. Et viendra de la naissance des courbes de la couuerture & sur vne mesme plate-forme faicte par liaisons & ligatures ensemble, comme tel cas le requiert ainsi que pourrez facilement cognoistre par la dicte figure. Telle façon de faire se trouuera fort plaisante pour la clarté des lucarnes, qui donneront iour plus facilement dans les planchers & l'ambrie. Ce que i'ay veu par experience en choses semblables à la charpenterie que i'ay fait faire pour Madame la Duchesse de Valentinois à son chasteau de Limours, en vne salle qui a quatorze toises de longueur sur trente vn pied de largeur: qui est vne chose fort belle à voir & fort plaisante. Laçoit que les ouuriers, pour estre chose à eux nouuelle & qu'ils n'auoient accoustumé de faire, n'ont si bien faict en certaines choses comme i'eussent bien voulu. Mais quoy que soit, c'est vn oeuvre qui se montre tres-belle & qui dure long temps si elle est entretenue: ie d'y tant que les murailles sont murailles. Et qui l'eust voulu faire ainsi que l'on a accoustumé, il eust fallu leuer les murailles plus hautes & trouuer de grâdes poutres pour y mettre. Et ne faut oublier que le cöble qui eust esté par le dessus eust monté si haut, qu'il eust rendu la court de tout le chasteau melancholique, pour luy oster le iour de tout le deuant du logis. Ce que lon ne voit estant faict de telle sorte qu'il est. Et non seulement il se rend plaisant par le dedans de la salle, mais aussi par le dehors est tres-aggreable & beau à voir. Je diray encorcs vn mot sur cecy pour monstrier le profit & bon mesnage qu'on peut faire par ceste nouuelle Invention. Toute la charpenterie & couuerture de telle salle estoit faicte & taillée à point de poser & mettre en oeuvre, & coustoit trois mille tant de liures. Considerant donc les grandes poutres de bois qui chargent si fort les murailles, & la largeur qui estoit excessiue, scauoir est de trente vn pied dans oeuvre, ie cogneus que cela ne pouuoit demourer long temps sans s'affaïsser, & aussi que telle hauteur osteroit la beauté du deuant du chasteau, & rendroit la court mal plaisante, comme i'ay dict. Parquoy ie fis prendre la quarte partie de telle charpenterie du plus petit bois, & le fis mettre en piece & en aix. De sorte que donnant six cents francs à vn charpentier, il refit telle charpenterie selon nostre invention nouuelle. Et fut le tout si bien cöduict, que ce qui coustoit trois mil francs, tant bois que façon, n'est reuenü à mil. Doncques qui scaura bien conduire & entendre le mesnage de nostre invention, & aymera son maistre, il luy rendra vn tres-grand profit & plaisir.

*Comme si doit
pratiquer l'anse
de panier en ce-
ste Invention.*


*Chasteau de Li-
mours & sa sal-
le.*

*Empeschement
deuë chose dö-
mageable à vn
logis.*

*Grande espar-
gne & profit ve-
nant de la pre-
sente Invention
nouuelle.*

*Cecy doiuent
noter les riches
& espargnans.*

LIVRE X DES NOUVELLES



Comme l'on peut faire les couvertures droictes par le dessus, sans y avoir
rondeur, avec plusieurs petits bords de plomberies
qui donneront fort bonne grace

CHAPL.

CHAPITRE XVII.



O V S pouuez faire encores vos couuerture droictes par le dessus, autant que porteront de longueur vos pieces dequoy sont faites les courbes, soient de trois, de quatre & six pieds, comme elles se trouueront, pour plus facilement coucher l'ardoise ou tuille. Au droict des commissures & assemblage des pieces marquees D, par-autant qu'il s'y faict vn petit angle obtus, la tuille & l'ardoise ne se pourront aisément coucher.

Conuerture droictes par le dessus.


Parquoy en celieu la faudroit mettre vne petite bande de plomb de quatre ou six pouces de large, & cela regnant tout autout, donne vne fort bonne grace & beauté. Comme il se peut voir aux deux derniers pavillons de la Muette de saint Germain en Laye, qu'ay faict faire sur les angles du costé de la Route en venant de saint Germain à ladicte Muette. Et s'y feust encores mieux monstté le tout, si les pieces desquelles sont faictes les courbes, eussent esté plus petites. Le m'apparçois de iour en iour estre pour le mieux de ne les faire gueres longues, ainsi que j'ay dict cy-deuant. Et telle façon que celle cy est plus conuenable aux couuertes qui ont peu de largeur: pource qu'aux petites rondeurs & circonference, l'ardoise ou tuille ne se couche si bien comme aux grands edifices, qui pour estre fort larges la circonference est si grande aux combles, que la longueur de l'ardoise ou tuille, ne se cognoist auoir rondeur pour le peu d'espace qu'elle tient: & s'y accommode si bien, que si le comble estoit droict comme lon a accoustumé de faire, elle n'y scauroit estre mieux.

Petites bandes de plomb donne fort bonne grace aux couuertes de ceste inuention.

Observation de l'Auteur.

Chose digne de noter pour les conuertes.

LIVRE X DES NOUVELLES



Comme lon se pourra servir de ceste Invention à voûser vne Chambre
Chapelle ou Eglise d'une croisee d'augues, ou autrement
comme on fait à la maçonnerie.

CHAPITRE XVIII.



VI se voudroit servir de ceste Invention à croisee d'augues ou d'autre façon (ainsi que lon fait en pierres de taille) soit par compartiments ou rampants, il n'y a œuvre ne façon qui ne s'en puisse faire, pourveu que lon entende les traicts, & qu'on sçache donner les montees pour trouver les commissures à propos, & gaucher le bois selon son fil, & faire les cherches r'alongees & rampantes comme le cas le requiert. Car il faut que le bois, selon sa nature se conduise en autre sorte que la pierre. Surquoy j'ay fait la figure cy-apres d'augues entre deux doubleaux (que les maçons appellent ainsi) qui sont les deux hemicycles comme AB, ou se trouvent deux augues, qui font la moitié d'une croisee, ainsi que vous voyez par ladicte figure sous la marque CD, s'assemblent par le milieu du doubleau ou hemicycle. Laquelle figure j'eusse fait plus ample, plus riche & illustree de plus long discours, n'eust esté que ie crains d'estre trop proluxe. Il suffit qu'on l'entende avec peu de paroles, sans y faire si long discours. Atel œuvre quil vous plaira entreprendre pouvez faire des lambris par dessous ou par dessus, comme si c'estoit vn pendentif de voûte, & les liernes & courbes que voirrez par dessous, n'auront point mauvaïse grace: ce que pouvez iuger par la premiere figure ensuiuante.


*L'invention
presente appli-
cable à plusieurs
façons.*

*Le bois secon-
duire autrement
que la pierre.*

*Excuse de l'Au-
teur.*

*Lambris se pou-
voir faire par
dessus & par
dessous.*

LIVRE X DES NOUVELLES



Chose



HOSE semblable vous pouuez faire pour voûter vne salle, vne chambre, ou vne chapelle, & non seulement vous y mettrez des augiues, mais encores des formerets & clefs suspenduës, & autres sortes de rampants: tout ainsi. que les maçons font aux voûtes de pierre de taille pour Eglises & chappelles qu'on fait auourd'huy. Et à fin que mieux ayez l'intelligence de cecy ie vous ay figuré cy apres comme lon fait vne voûte à


Pour voûter salles, chambres ou chappelles.

croisées d'augiues, lesquelles vous voyez marquees A B, portant vne clef suspendüe marquée C, & accompagnée de quatre courbes qui s'assemblent ausdictes augiues, comme voyez au lieu marqué D, & de deux hemicycles sous la marque de E, que les maçons appellent Arcs doubleaux. Et par les costez au long des murs sont les formerets, aux lieux marquez F, qui sont quelquefois hemicycles, quelque autre fois faits au tiers point, selon la montée de la voûte que lon fait. Et par dessus telles augiues, doubleaux, & formerets, lon fait le pendentif qui est le reste de la voûte. Au lieu que les maçons font cela de brique ou de pendentif de pierre de taille, ils le peuuent faire de bois. Vous y pouuez encores mettre plusieurs courbes, ie dy tant que voudrez. Et tant plus y en aura, plus l'œuvre sera forte. Pareillement vous pourrez faire vos augiues & doubleaux de telle espaisseur & largeur que voudrez, soient de deux ou trois rancs de courbes pour auoir demy pied, vn pied, deux pieds, comme voirrez bon estre, selon la grandeur de l'œuvre qu'aurez à faire. Par ainsi vous en pourrez seruir à faire toutes sortes de voûtes. La figure ensuiuante vous mettra le tout deuant les yeux.

Auuessemment non inutile.

Bon enseignement pour toutes façons de voûtes de la presente Invention.

LIVRE X. DES NOUVELLES



vfaict

Deux autres façons de couuertures, desquelles lon se pourra ayder pour la décoration & ornément de quelque petite galerie, ou de ce que lon voudra.

CHAPITRE XIX.



VOICY vne autre façon de couuerture toute ronde en hemicycle: & par le dessus au lieu figuré P, s'y pourra faire vne terrasse couuerte de plomberie en façon d'une petiteallee pour se pourmener & voir autour du lieu & de soy. Mais faut en faisant prendre garde qu'il y ayt bonne vuidange des eaux, & ordonner faire tuyaux pour les escouler hors de ladicte terrasse: aussi faire que le plomb ne soit iamais soudé, pour ce que la soudure se fend & casse aux geles & grandes chaleurs. Faudra aussi qu'il soit replié l'un dans l'autre, & soudé ainsi que l'appellent les Plombeurs. Chose semblable à telle plomberie j'ay fait faire en diuers lieux, & mesmes au dessus de la chappelle du Roy au chasteau de Fontainebleau, pour garder qu'il n'y pleust plus, comme il souloit, pour les mauuaise façons de ladicte chappelle, & aussi que l'eau passoit par les commissures & à trauers la pierre de grais, de laquelle la voûte est faite. Et telles petite-couuertures comme est le descing suiuant, j'ay fait faire au chasteau d'Annet pour Madame la Duchesse de Valentinois, aux deux petits pavillons qui sont au parc sur la riuere, où se pouuoient mettre les ioüeurs de cornets & de trompettes, & autres instruments pour donner plaisir au Roy & Princes, quand ils estoient dans ledict parc. Chose fort à propos pour rendre vne grande melodie dans les allees d'iceluy parc, & en tant de diuerses sortes de cabinets qu'il y a. icy j'allegue pour exéple les oeures lesquelles j'ay fait faire & croy qu'on ne le trouuera mauuais, car ie ne le fais pariactance, ny pour les auoir fait faire, mais à fin que ceux qui seront curieux de mieueux entendre puissent voir lesdictes oeures.


Façon de couuerture ronde avec une terrasse.

Quel doit estre le plomb pour couuertures.

Pavillons au parc du chasteau d'Annet.

Pourquoy c'est que l'Auteur allegue plusieurs exempls.

LIVRE X DES NOVELLES




*Autre façon
de comble pour
servir à gallerie
ou pavillon,*



*Avertissement
de l'auteur.*

AY fait encores cy-apres vne autre petite figure de comble qui n'est hemicycle ny à tiers poinct, & ne sera telle façon moins forte qu'une autre pour servir à quelque gallerie ou pavillon, pour decorer le lieu. Et pource que nous auons assez décrit telles mesures & façons de faire, vous entendrez facilement la presente figure sans autre demonstration. Il me semble que toutes les figures & discours que j'ay fait iusques icy, sont suffisans pour entendre la façon de toutes sortes de courbes & couuertures, soient pour Eglises, Palais, Chasteaux, & autres sortes de maisons.

Des



*Des œuvres selon ladicte Invention nouvelle, qui ont esté faictes
au Chasteau d'Annet.*

CHAPITRE XX.



DE reuiens encores à propos de ce que j'ay faict faire au Chasteau d'Annet, concernant nostre presente Invention seulement: car ie delibere parler ailleurs de son architecture & artifice en accomplissant le corps entier de l'œuvre que j'ay presentement entrepris & commencé, duquel cestuy-cy est partie. Vous voirrez doncques audit lieu assez d'autres experiences des couuertures de telle façon que j'ay descrit cy-deuant, tant à la salle deuant, les Baigneries pres les galeries du grand parterre du iardain, qu'aussi en l'Hostel - Dieu que ladicte Dame fait faire au bout de son parc pres le pont d'Annet, où il y a vne salle pour metre les lits des pauvres, qui est fort large & belle à voir, accompagnée des logis & chappelle qu'il y faut. J'ay aussi faict faire vne autre couuerture sur les caues dudit chasteau, qui a enuiron trente huit

Diuerses experiences de couuertures, commandées par l'Auteur.

L'Hostel - Dieu d'Annet.

LIVRE X. DES NOUVELLES

*Grande commo-
dité que appor-
tent les couuer-
tures de ceste
Inuention.*

pieds de large, & vingt toises de long dans oeuvre, laquelle on faisoit à fin que le lieu estant sur lesdictes caues peust seruir de cellier, ou garnier, comme on eust voulu. Mais si tost que telle couuerture fut faicte, elle fut trouuée si belle & si grande, qu'on deliberera faire dudit lieu plustost vn lieu de paume, ou place pour faire festins & donner passe-temps, que s'en seruir de cellier. Et quand il faict pluies ou grandes chaleurs, le lieu est propre pour s'y retirer, & iouier, baller, ou faire autres chose de paisir.

La façon d'une grande salle comme vne basilique, ou lieu Royal, accompagnée de pavillons aux quatre coins & galleries, comme si c'estoient Portiques. Et se peut faire à petis frais, veu la grandeur de l'oeuvre.

CHAPITRE XXI.

*Pour faire vn
grand edifice de
quelque forme
& figure que ce
soit.*



STANT sur ce propos ie me suis aduisé, qu'il est aisé de faire vn bien grand edifice, ou grande salle, soit quarrée longue ou ronde, ou trigone, ou hexagone, de quelque figure que lon voudra penser, & sans y faire grande maçonnerie. Le dy que seulement il n'y faudroit que les fondements par les costez, sur

lesquels sera assise la plate forme de la charpenterie. Et qui voudra pour mieux tenir les courbes en raison, lon pourra maçonner au tant de hauteur qu'il semble que les courbes se monstrent estre à plomb du commencement sur la platte forme. Et tant plus l'edifice aura de largeur, plus se monstrent les premieres courbes droictes, comme si elles estoient à plomb en leurdictes couuerture, de sorte qu'elle se pourront maçonner par les costez de douze ou quinze pieds de hauteur & plus large. comme l'oeuvre sera plus Et telle maçonnerie se fera comme muraille commune, ce qui seroit bon & bien propre pour tenir le lieu en plus grande seureté. Qui voudroit, pourroit faire par les costez tels logis qu'il scauroit desirer à vn estages de hauteur de maçonnerie de quinze pieds, & ainsi se trouueroient deux estages au bastiment qui se feroit, par le dehors de ladiete salle, l'un de la hauteur de la maçonnerie, & l'autre dans le comble & couuertes, ou se feroient plus belles salles & chambres que dessous. Mais en se faisant faudroit auoir la dexterité de dōner clarté par tout, tant au grād corps, qu'au logis que feriez sur les quatre angles, ou par les costez, ce qui est fort facile. l'en ay faict icy vn deseing à plaisir, par lequel vous pouuez considerer qu'elle inuention ce seroit. Voyez y doncques le plan d'une salle qui a quarante toises de longueur & vingt cinq de largeur dans oeuvre. Aux quatre coins ie figure quatre pavillons, a vn chacun desquels y a salle, chambre & garderobbe. Dans l'escalier, ou sur les angles vous pouuez eriger cabinets si voulez. Et ferez lesdictes salles, chambres & cabinets, de telle longueur & largeur que voudrez sans

*Logis dedans le
comble & cou-
uertes.*

*Deseing & fi-
gure d'un logis
magnifique &
royal.*

sans aucune subiection. Aussi vous tournerez les pavillons & sal-
 le de tel aduancement qu'il vous plaira: comme l'ay faict diffe-
 rens de saillies lescdites pavillōs, d'une sorte les vns, & d'autre les au-
 tres, les saillies estants tournées differemment. Cela se peut faire
 selon le deuis & œuvre que desirez faire: & aussi la subiection
 que vous aurez à tourner vostre bastiment. Vous pourrez sembla-
 blement faire galleries pour aller d'un pavillon à l'autre, ainsi que
 les pourrez voir marquées A B C. Et sur le deuant, où est la prin-
 cipale entree, seroit vne petite terrasse avec des appuis, & vn pe-
 tit perron: comme pouuez voir à l'endroit figuré D. Je ne veux
 entrer en propos de descrire icy les mesures de l'Architecture
 dudit logis, car il me suffit seulement parler de son inuention &
 composition admirable, & digne d'un grand Prince. Laquelle
 pourroit estre bien tost faicte & a peu de despense. De sorte que
 dans vn an ou deux, le Prince ou Seigneur qui voudroit y em-
 ployer argent en prendroit plaisir. Et est la chose si commode, qu'il
 me sēble qu'il n'y a rien plus, pour y estre logé fort particulièrement
 en priuē, & en public, cōme lon veut. Et aussi qu'à vn des pavillons,
 comme en celuy qui regarderoit l'Orient équinoctial marqué E, se-
 roit facile faire salles & chambres fraiches pour l'Esté. Et en celuy
 marqué F, chaudes pour l'hyuer. En l'autre marqué G, seroit la vraye
 habitation au temps des grandes froidures, & lieu propre pour
 y faire estuues & baigneries. Le quatriesme marqué H, seroit tres-
 bon pour y loger aux grandes chaleurs & s'y pourroient faire bō-
 nes caues au dessoubz, & par le dessus bibliothèques, & lieux pour
 tenir tableaux. Qui voüdroit faire des galleries d'un pavillon à au-
 tre & les couvrir pour second estage, seroit encores lieu conueni-
 ble pour euitier la chaleur & froidure, comme celle qui seroit
 au lieu marqué A, n'y auroit rien si frais en temps d'esté. Le
 dessoubz seroit propre pour faire vn Cryptoportique, l'autre
 costé marqué B, seroit propre à vne galerie pour l'hyuer: car il
 seroit chaud & tres bō pour loger les Aurengiers par dessoubz, pour
 regarder les parties Meridionales & Occidentales. Celle qui est entre
 les pavillons E F, marquée C, seroit temperée en tous temps, car en
 hyuer seroit chaude au matin, & en esté fraiche sur le soir. Ainsi me
 semble que ce seroit vne braue salle de largeur & longueur, voire des
 plus qu'on ait ouy parler: belle à faire festins, & autres passetemps,
 estant accompagnée de quatre singuliers pavillons & telles gal-
 leries sans aucune subiection, comme apert par la figure ensui-
 uan-


Description de
 la figure ensui-
 uant.

Lieux propres
 & commodes
 pour les quatre
 saisons de l'an-
 née.

Cryptoportique
 & lieu pour lo-
 ger Aurengiers.

Salle en largeur
 & longueur bra-
 ue & excellente.

LIVRE X DES NOUVELLES



Delz

*De la montee & face de ladicte Salle & basilique, qui se voit
par le pignon, & par les costez, en perspective*

CHAPITRE XXII.



ADICTE Salle sera fort claire comme vous pourrez cognoistre par la figure cy apres mise, qui est de la montee de tout l'edifice: en laquelle vous voyez les fenestres & lumieres estre au pignon. Semblablement autres fenestres, comme lucarnes aux costez, & endroicts marquez K. Aussi vous y pouuez recognoistre les galleries, qui vont d'un pavillon à autre: comme la forme desdicts pavillons qui n'ont qu'un estage de hauteur de maçonnerie. Et dans les combles se trouue le deuxiesme estage, comme pouuez voir aux endroicts marquez LMN. Qui voudroit encores faire les pavillons d'un estage plus haut, ils seroient beaucoup plus rares & de plus belles monstre. Et encores dedans lesdicts, combles, ainsi qu'ils sont faicts, par leur grande largeur se trouuera hauteur suffisante pour y faire deux estages l'un sur l'autre: & par ainsi seroient trois, compris celui de maçonnerie. Ce neantmoins ie ne les ay icy figurez, ny faict les fenestres, ny acheué les couuertures comme elles doiuent estre pour la vuidange des eaux. Il m'a suffit de faire un discours d'une oeuvre qui est plus belle qu'aucuns ne scauroient penser. Vne autre chose y a qui se trouuera aussi fort belle, c'est que au plus haut de la couuerture de ladicte grande salle vous pouuez faire vne gallerie, qui sera couuverte & bien fermee, & de la longueur de quarante toises sur trois de largeur: ainsi que voyez au lieu marqué O. En laquelle pourrez monter facilement par l'endroict des escaliers au long des pignons, comme vous voyez au lieux marquez PQR. Et ne faut point craindre que telle charpenterie se puisse iamais affaïsser, quelque charge qu'elle puisse auoir par le milieu de telle gallerie qui est au plus haut, pour estre bien retenuë des pavillons & appuyee des galleries qui vont d'un pavillon à autre. Je ne parle point des offices, iardins, court, & basse court, qui seroient trop plus aïsez à ordonner que cecy, & les disposer aux lieux & costez que leur nature requiert. Pourueu qu'on aye places & terres à propos. Le tout se peut facilement voir par la figure prochaine. Sur ceste mesme Inuention j'ay trouué plusieurs autres façons qui sont incroyables à plusieurs, pour-autant qu'il pensent qu'elles ne se puissent faire, & se feront aussi facilement & & promptement que iamais fut faicte oeuvre. Je protecte n'en auoir iamais ouy parler, ne trouué en mes liures chose semblable. C'est de la grace de Dieu, qui donne les aduisemens & Inuentions, quand il luy plaist, & à qui bon luy semble.


*Lumieres &
clartez de la
Salle Royale cy
apres figuree.*

*Gallerie au plus
haut de la cou-
uerture.*

*Grande facilité & aisance ac-
quis par le
moyen de ceste
Inuention.*

*Ceste Inuention
apporter d'usage
incroyables.*

LIVRE X. DES NOUVELLES



Autres

*Autres Inuentions rares que l'Auteur auoit trouuees pour le seruice des
Maistrez de feu Roy Henry, & Royne mere.*

CHAPITRE XXIII.



CY ie me souuiens d'autres Inuentions qui sont trop plus rares & de plus grande importance, que celles que nous voyons aujourd'huy. Desquelles i'ay faict descings par le commandement de la Maiesté de la Royne Mere, y a cinq ou six ans, tant pour vn edifice sur la forme d'un triangle equilateral, que aussi pour vne grande salle accompagnée d'aucuns pavillons. Mais la largeur estoit si excessiue, que ie me deliberois mettre au premier estage vne muraille par le milieu qui eust esté pour seruir à deux galleries, desquelles l'une eust esté chaude pour l'huyet & l'autre fraiche pour l'esté: à raison des parties qu'elle regardoient, vne le Midy, l'autre Septentrion. Et le dessus eust esté chose de si grande largeur, qu'on eust voulu. L'auois delibéré ainsi faire à saint Germain en Laye, à la grande gallerie que la Maiesté du feu Roy Henry auoit commandé faire, pour aller du pont qui est au chasteau du costé du parc à la maison du Theatre & baignerie, que i'auois commencé à edifier de neuf, regardant sur le portau Pec; qui eust esté vne oeuvre fort rare & incogneüe à peu de personnes. Je remets la description de ladicte Inuention & plusieurs autres, au liure que ie donneray cy apres (Dieu aydant) des choses rares en Architecture. Icy pour monstrier l'excellence de ce qu'on peut faire par le moyen de ceste nouvelle Inueution, ie me suis souuenu vous donner encores vn deuis, lequel i'auois faict pour les Religieuses de Montmartre pres Paris, pensant que vous le trouueriez tel & si rare, que vous en pourriez seruir en quelque lieu, ainsi que cognoistrez estre bon & profitable.

*Ordonnances
pour la Royne
mere prises de
cette Inuention.*

*Maison du
Theatre & bai-
gneries commé-
cées à S. Ger-
main en Laye,
par le commen-
dement du Roy
Henry.*

*excellence de la
présente Inuen-
tion nouvelle.*

LIVRE X DES NOUVELLES

*Denis d'un Dortoir & Cellules, que la Maieſté du feu Roy Henry vouloit eſtre
faictz par aumosne aux Religieufes de Montmartre, pres Paris.*

CHAPITRE XXIII.

*Dortoir pour
les Religieufes
de Montmartre
les Paris.*




*Salle de triom-
phe dedans le
parc des Tour-
nelles, à Paris.*

*Dortoir d'excel-
lente Invention
en grandeur &
largeur.*

*Pouvoir couvrir
tout vn chasteau
& ſa court
par ceſte Inven-
tion.*

'A VOIS penſé encores aſſez d'autres Inuentions, & faiſt pluſieurs deſeings & deuis preſts à mettre en œuvre. Et entre autres pour faire vn Dortoir aux Religieufes de Montmartre pres Paris: lequel mon tres-ſouuerain Prince & bon Maïſtre vouloit eſtre faiſt par aumosne audictes Religieufes de Montmartre, au lieu de celuy qui auoit eſté brulé. Et deliberaſſe de le conſtruire des reſtes des bois de la ſalle de triomphe qui auoit eſté faiſte dedans le parc des Tournelles à Paris, lequel la Maieſté leur auoit donné. Mais le malheur qui en ce temps ſuruint, n'a ſeulement deſtourné ceſte bonne entrepriſe, ains auſſi beaucoup d'autres, au tres-grand dommage & regret de pluſieurs. Ledit Dortoir euſt eſté ſi grand & ſi large qu'il euſt couuert, non ſeulement leſdictes cellules des Religieufes, mais encores tout le Cloiſtre. Et euſt eſté tout rond, & entourné de portiques par le dedans, & par le deſſus de doubles allees, l'une ſur l'autre, pour ſeruir de paſſage à aller aux chambres ou cellules des Dames, qui ſeulement furent trouuees en grand nombre, ſelon les ſortes & facons qu'o a accouſtumé faire pour les Religieufes, ſans le logis de l'Abbeſſe qui euſt eſté plus grand. Et de la porte d'une deſdictes cellules, on euſt veu toutes les autres: qui euſſent pris veuë par le dehors dudit edifice. Par le dedans la lumiere fuſt venue par le milieu du plus haut du cōble, quaſi ainſi qu'eſt le Pantheon de Rome. Mais ledict comble euſt donné encores beaucoup plus de lumiere, que celuy du Pantheon ne faiſt. Tout l'œuvre euſt contenu de 25 à 30 toiſes de diametre en forme ſpherique, laquelle il euſt faiſt fort bon voir ſur ladicte montaigne de Montmartre. Car elle euſt reſſemblé à ceux de Paris vn globe terreſtre ou celeſte, qui euſt eſté tres beau, & encores plus admirable, ſi par curioſité on y euſt marqué les heures du iour, par l'ombre du Soleil, ou quelque Geographie que lon euſt peu diſcerner ſur la couuerture. Ce que ie pretendois faire pour ledict dortoir, n'eſtoit de tant grande deſpenſe, que grande admiration. Je diray ce mot, quand on voudroit couvrir tout vn chasteau & la court qui ſeroit à ſon milieu, on le pourroit faire facilement par ceſte Inuention: pourueu que celuy qui en auroit la charge entendit ce que nature peut faire & ayder en cela. C'eſt vne choſe incroyable de ce qu'on peut faire partel moyen. Icy vous cognoiſtrez par le plan de la preſente figure, & celuy de la montee, de quelle entrepriſe eſtoit ledict dortoir accompagné de ces parties.

De la



LIVRE X. DES NOUVELLES

*De la montee du dedans de l'edifice du dortoir cy deuant
descripte, ainsi qu'il eust esté.*

CHAPITRE XXV.

*Cloistre accom-
pagné de ses per-
fections & beau-
tez.*



*Lieu dessus le
Peristyle ou cloi-
stre.*


*Cellules à deux
estages.*

*Couverture spheri-
que ou ronde.*

*Liure de la per-
fection d'archi-
tecture.*

VOUS pouvez cognoistre par le deseing cy-
apres figuré comme le Peristyle, ou Cloistre,
ainsi que vulgairement on le nomme, eust
esté erigé au premier estage, au raiz de
chauffee, entourné de colonnes avec leurs
pieds d'estats ou xilobastes, & chapiteaux
de l'ordre Ionique, accompagnez d'une
architraue, phrize & corniche. Et par les
costez dudit Peristyle, au dessoubz des
cellules des Religieuses, eussent esté plu-
sieurs lieux dediez les vns pour buchiers, d'autres pour celliers,
& par consequent pour autres leurs commoditez, qui seroient
longues à d'escrire. Au dessus dudit Peristyle eust esté vne petite
allee autant large que le dessous, qui eust continué, suivant la cir-
conference, pour aller aux chambres ou cellules des Religieuses or-
née de petites colonnes ayants leur architraue & corniche com-
me le dessoubz, & erigee perpendiculairement sur lesdictes co-
lonnes du Peristyle, qui eussent porté vne autre plat-fond & plâ-
cher, pour aller ainsi tout autour, comme dessous aux cham-
bres des Religieuses. Ainsi qu'il se peut voir facilement par l'edroict
des portes desdictes cellules, qui se fussent trouuees à deux esta-
ges l'un sur l'autre: comme le pouvez voir par le deseing cy-apres.
La plus haute allee qui conduit aux cellules n'eust eu autre orne-
ment que vn appuy ou garde fol, comme on l'appelle, de deux
ou trois pieds de hauteur ou enuiron. Et par dessus les dernieres
cellules ie deliberois faire vne corniche, tant par dedans que de-
hors qui eust seruy d'entablements, sur lesquels i'eusse fait eriger
la couverture composee spheriquement ou en rondeur, accom-
pagnée de ses coiaux qui l'eussent soustenu & seruy de poussee,
comme pouvez cognoistre par ledit deseing. Au plus haut eust esté
faicte vne couverture toute ronde, ainsi qu'à la Rotonde de Ro-
me, ou vn pronau en façon de lanterne, comme vous monstre
ledict deseing, & eust esté faict de petites pieces selon nostre In-
uention nouvelle. Lequel on eust peu lambrisser comme vous en
voyez la moitié, & l'autre moitié avec ses courbes & liernes. Je
ferois plus long discours de la presente figure. & en descrirois les
mesures, n'estoit que ie la vois si mal taillee & representee, que
ie remets l'entiere description au liure, lequel cy-deuant i'ay pro-
mis, de la perfection d'Architecture.

Discours



LIVRE X. DES NOUVELLES

Discours de plusieurs choses, avecques la conclusion du premier liure.

CHAPITRE XXVI.

Theatres & Amphitheatres des Romains.



Amphitheatr de Sancta Maria Nouo.

Grande diligence des Anciens en proportions & mesures.

Les Anciens n'auoir cogneu la presence Inuention.

LES anciens Romains & autres, comme ie croy, eussent prins grand plaisir de pouoir ainsi couvrir leurs Theatres ou Amphitheatres, lesquels ils couuroient, quand ils vouloient, de toiles, au autres choses comme encores il se cognoist de plusieurs trous qui sont aux plus hautes corniches des restes d'iceux, où ils mettoient vne piece de bois qui despendoit iusques sur les mutules ou corbeaux qui estoient tout autour. Ce que vous pouuez voir encores à l'Amphitheatre qui est à Rome pres (Sancta Maria Nouo,) nommé le Coliser vulgairement. Et cela estoit pour mettre les pieces de bois où estoient attachees les cordes & polies à tirer, & loustenir les toiles, & autres matieres, desquelles estoit couuert ledict Amphitheatre, à fin que le soleil n'offensast le peuple. Semblablement ils s'en fussent aidez en aucuns lieux dans les thermes, aux grandes places descouuertes, où le peuple alloit pour prendre plaisir à diuerses choses, & s'exercer en plusieurs manieres. Et estoit l'edifice de si grande structure, & despense tant admirable, soit en proportions, symmetrie & obseruations, de nature, que c'est vne chose incroyable. Comme aussi la diligence faicte & gardee aux mesures qu'ils y ont obseruees, ainsi que nous pouuons voir. Lesquelles ie nommerois & descrirois volontiers pour les auoir toutes mesurees, deaignees & retraictes par leurs proportions (comme autres antiquitez qui sont à Rome, & autour, & en plusieurs autres lieux) n'estoit que ie crains estre trop prolix: & aussi que c'est vne si grande matiere, que i'en pourrois faire vn bien gros liure. route fois à mes autres liures d'Architecture se presentant l'occasion ie ne faudray d'en proposer plusieurs avecques ample demonstration. Et diray hardiment que ie croy qu'il y a cent ans que François n'en a plus apporté & recouuert que moy: pour la commodité & curiosité grande que i'ay eue de visiter telles antiquitez. Ce que ie dy, non pour iactance d'Architecture, mais comme venant à propos. Ie reuiens à nostre nouvelle Inuention, admonestant le lecture, que si les anciens en eussent eu aucune cognoissance, volontiers ils en eussent vüe en quelque lieu d'excessiue grandeur. Ce qui n'est cogneu par aucuns vestiges d'antiquité: ioinct aussi que nos liures d'Architecteur n'en font aucune mention, que ie sçache, & si les ay feuilleté tant que i'ay peu. Telle Inuention doncques leur eust esté fort propre pour faire grands arcs & voûtes longues pour conduire les eaux qu'ils faisoient

soient venir d'aupres de Naples aux thermes, où ils n'ont point
 espargné à telle conduite frais inestimables, & ont fait <sup>Les anciens Ro-
mains prodig-
es en frais
d'Architecture</sup>
 oeuvres admirables, en obseruant de bien grandes choses,
 non seulement en symmetries & mesures, mais aussi en arti-
 fices fort ingenieux, qui ne se peuuent entendre sans auoir beau-
 coup leu, & auoir eu l'experience de plusieurs sciences. Il me
 semble que l'Inuention que nous donnons icy eust peu estre au-
 tant estimée, que celle de C. Curio quand il fit conduire deux fort <sup>Inuention de C.
Curio fort inge-
nieuse.</sup>
 grands Theatres de bois l'un aupres de l'autre, estans chacun d'i-
 ceux suspendus sur vn seul puiot: & se tournoient avec vne telle
 dexterité par certain contrepois, artifice, & conduite, que
 les ieux qu'on faisoit deuant Midy, tournoient le dos l'un à
 l'autre, à fin que les ioüeurs ne fissent bruit & empesche-
 ment les vns aux autres. Et tournoient les deux Theatres soudaine-
 ment, mais de telle maniere qu'ils demeuroient contraires sur la
 fin du iour, cheminants les bois si dextrement, que les cornes &
 bouts desdicts Theatres se ioignoient ensemble, & faisoient les
 deux vn Amphitheatre & alors s'en seruoient pour le passe-temps
 des Gladiateurs, & pour y faire venir les furieuses bestes. Telle
 chose est tres-aisée, ainsi que n'en ay fait l'experience à Rome par
 modelles assez grands, à la requeste d'un gentil homme Romain
 nommé Misser Vincent Rotelant, homme tresdocte tant en Ar-
 chitecture, qu'aux lettres Mais faire de si grandes couuertures &
 autres oeuvres incroyables par le moyen de telle Inuention comme
 nous descriuons icy, ou grandes voutes de maçonnerie, les Archi-
 tectes anciens ne s'en sont aduisez, ainsi que ie pense: pour le moins
 nous n'en trouuons rien en tous nos liures d'Architecture, n'au-
 tres aussi, comme i'ay dict n'encores à ceux qui ont escript de l'art
 militaire, & ont donné plusieurs sortes d'engins, instruments &
 autres machines. Pour reuenir à mon premier propos, Si les An-
 ciens eussent pensé à ceste Inuention, de laquelle il a pleu à Dieu
 m'aduiser & donner la cognoissance, n'eussent-ils pas fait leurs
 voutes & couuertures tant grandes qu'ils eussent voulu, où ils les
 ont tenu estroictes? Qui n'a leu les grandes despenses qu'ils ont fai-
 ctes, tant aux thermes de Diocletia qu'aux autres vestiges, qui se peuuent
 encores voir? Qui ne sçait leur grandeur de coeur, richesses & admi-
 rable sçauoir? Il faut croire s'ils s'en fussent aduisez qu'ils eussent fait
 de plus grandes Basiliques, & lieux plus spacieux qu'ils n'ont. Mais
 ce qu'ils à peu garder qu'ils n'ayent fait si grandes voutes en lieu
 si spacieux, est que quand il est necessaire assembler deux ou trois
 arbres de bout à bout, pour faire cintres à porter vne grande vou-
 te, il faut autre grande quantité de bois pour faire les liaisons à te-
 nir les courbes, & en peupler ainsi toute la largeur de l'arc de qua-
 tre pieds en quatre pieds, dont la despense est incontinent plus
 grande que la maçonnerie, sans l'incommodité qu'il y a de trou-

Grande dexte-
 rité de C. Curio.

Misser Vincent
 Rotelant: Gen-
 til-homme Ro-
 main.

LIVRE DES NOUVELLES

*Grandi frais
estrecitez par
la presente In-
vention.*

*Grandediligen-
ce de l'Auteur
disonsienne
ange.*

*Pont de cent ou
de deux cents
toises de large
à tout vne arche.*

*L'auteur vœxé
par aucuns ma-
nistres & en-
noux.*

uer si grands arbres, & aussi qu'ils ne se peuent bien assembler de puis qu'ils excèdent douze ou quinze toises de longueur. A quoy vous obuiez par ceste Invention. Car vous ferez vos voutes & couuertures si larges que vous voudrez. Ce que ie dy non pour reprendre nos Anciens, qui sont dignes de toute louïage pour auoir fait choses incroyables & incomprehensibles aux hommes, voire plus grandes & trop plus admirables que nostre presente Invention: mais plustost pour monstrier que le temps qui descouure toutes choses, nous apporte de iour en iour nouuelle cognoissances & inuentions, non seulement en Architecture, mais aussi en tous arts & sciences. Car comme le proverbe dict, (*Postremi dies sapientissimi*,) Les derniers iours sont les plus sages, c'est à dire: Plus on vit plus on apprend. Ce que ie cognois en moy, qui de iour en iour experiente, trouue & excogite nouuelles inuentions, m'estant employé & addonné dès ma premiere ieunesse à tousiours chercher les plus doctes en Geometrie, & autres sciences requises à l'Architecture, qui fussent en Europe: & visitant les excellentes antiquitez, & d'icelles prenant extraicts, mesures & proportions, pour l'illustration de l'Architecture. En quoy par la grace de Dieu j'ay tant bien procedé, & prosperé, que j'ay ordonné & j'ay fait construire Temples, Chasteaux, Palais, & maisons par vray art d'Architecture en diuers lieux, tant pour Roys, Princes Cardinaux, qu'autres, voire dès l'aage de quinze ans, auquel temps ie commençay auoir charge & commander tous les iours à plus de trois cents hommes. Certes si Iule Cesar, Empereur, si docte, si sage & si heureux en toutes ses entreprises, eust sceu telle Invention, il luy eust esté fort aisé & facile à faire les ponts qu'il décrit en ses Commentaires. Lesquels plusieurs estiment estre fort grandes choses & les admirent, comme n'ayants rien veu ou conceu plus grand & admirable. Ils seroient beaucoup plus esbais s'ils voyoient vn pont qui fust fait de cent ou deux cents toises de large, à tout vne arche seulement, sur vne grande & furieuse riuere. Qui seroit trop plus facile, & de plus grande duree, pour n'auoir à faire à l'impetuosité de l'eau, & n'y planter pieux par le milieu de la riuere, ny faire autre fondements que par les deux bouts. Ce qu'à plusieurs semblera estre chose monstrueuse & quasi incroyable, laquelle neantmoins ie monstrieray quelque iour, avec plusieurs autres belles inuentions que j'ay trouuees, s'il plaist à Dieu me donner l'esprit plus libre, & me mettre hors de tous ennuis & trauerses que lon m'a donné depuis le trepas du feu Roy Henry, mon tres iouuerain Seigneur & bon maistre. Pour reuenir à ces grandes couuertures d'ont j'ay parlé, quelqu'un pourroit dire qu'il y faudroit vn grand nombre de bois, lequel cousteroit beaucoup. L'accorde que quand les œuures sont conduictes par ceux qui ne sont experts, leur ignorance fait tousiours faire beaucoup plus

INVENTIONS POVR BIEN BASTIR 308

plus de despenſe qu'il n'eſt de beſoing Ce qui n'eſt faiçt par ceux qui ſont experts & bien entendus : car outre leur diligence & bonne façon, ils feront touſiours vne grande eſpargne. Et quand au bois, il ſe peut faire de groſſes buches de moule, qui ſe vendent à Paris pour bruler, ou de ſemblables qui n'ont que quatre pieds & huit poudes de groſſeur, & ſ'en peut tirer trois ou quatre piece de chacune buche : & ne faut de plus gros bois, quand ſeroit vne couuerture de cinquante toiſes de large. Voila que j'ay delibéré eſcrire pour le premier liure, lequel ſi ie voulois enrichir & illuſtrer de toutes les parties, il ſeroit par trop long & prolix. Les bons entendemens, & bons elprits, qui ont iugement tel qu'il faut, y pourront adiouſter beaucoup d'autres ſortes, façons & inuentions ainſi que Dieu diſtribue ſes dons & graces où il luy plaiſt, & bon luy ſemble Ce tenips pendant ſi aucun doute ſur quelque choſe, ou deſire en ſçauoir d'auantage, ſ'en vienne à moy, & ie luy diray de bon cœur ce que i'en pourray penſer. Reſte venir au ſecond liure, auquel ie deſcriray vne nouuelle inuention & façon de faire les poutres & ſolies, pour baſtir. Laquelle ne ſera trouuée eſtre moins vtile & profitable que celle des couuertes.

Quel peut eſtre le bois pour ſeruir à ceſte nouuelle Inuention.

Approches au ſecond liure & fin au premier.



LE SECOND ET ONSIESME

LIVRE DES OEUVRES ET NOUV-
les inuentions pour bien bastir & à petits frais, trouuees
n'agueres par M Philibert de l'Orme Lyonnais, Ar-
chitecte, Conseiller & Aumosnier ordinaire du feu
Roy Henry, & Abbé de saint Eloy lez Noyon.

*Certain discours de l'Auteur, accompagné d'aucuns aduertissemens
en general.*

CHAPITRE I.

*Au 4. Aphorisme
de ses senten-
ces.*



TOLOMEE au commencement de
son Centiloque dit, que (*Anima ad cognitio-
nem apta, veri plus assequitur, quam qui supremum
in modum se in sciencia exercuit.*) c'est à dire, que
l'homme disposé ou enclin à cognoistre
quelque chose, en a beaucoup plus de
vraye intelligence, que celuy qui s'est extre-
mement exercé pour la cognoistre, sans y
auoir esté appelé ou nay. Ce qui peut
estre accommodé à toutes sciences & tous

arts. Car aucuns se trouuent sans grande estude & labeur estre plus
aptes pour faire vn oeuvre ou entendre vne discipline, qu'autres
qui y ont long temps trauaillé & estudié. Et combien qu'ils soient
tres-sçauants, si ne sont ils pourtant si heureux à mettre la main
en oeuvre & l'exercer si dextrement, que celuy qui y est apte &
nay, voire avecques vne mediocre cognoissance & sçauoir. Qui
est la cause qu'on trouue vne infinité de gentils esprits, qui tout
incontinent conçoient vne science, vn art, vne inuention ou
quelque

*Nature bien
souuent surpasse
estude.*

INVENTIONS POVR BIEN BASTIR. 309

quelque façon de faire, sans grâdes estudes, trauail ou labeur d'entendement. D'autres qui se tourmentent à y penser & refuer, sans y pouuoir paruenir, ou faire chose qui soit au contentement des hommes: Qui se fait selon les graces qu'il plaist à Dieu donner aux personnes; à l'une d'une sorte, à l'autre de l'autre; car comme dit saint Paul: *Diuisiones gratiarum sunt, idem autem spiritus: & diuisiones ministeriorum, idem autem Dominus: & diuisiones operationum, idem verò Deus qui operatur omnia in omnibus.* C'est à dire: Il y a diuisiōs de grâces, mais c'est vn mesme esprit qui les confere; distributiōs de seruices, mais c'est vn mesme Seigneur; & diuisions d'operations & œuures, mais c'est vn mesme Dieu qui fait & ordonne toutes choses en tous. Ainsi entre les hommes, les vns se trouuent bons à vne chose, & les autres à l'autre; comme j'ay dict. Ce que nous pourrions accommoder à nostre presente Inuention nouuelle. Pour laquelle conceuoir les vns seront fort capables, & la pourront tres-bien entēdre, & trop mieux s'en aider que les autres qui pour ne la pouuoit comprēdre, ou par mauuaise volonté la blasmeront. Comme pourront estre ceux qui n'entendront les traicts de Geometrie, desquels doiuent estre munis ceux qui veulent faire profession d'Architecture, autrement tout ce qu'ils feront & entreprendront, sera à l'aduenture; & ne pourront discerner ny cognoistre si les ouuriers font bien du mal, tant en liaisons & commissures, que mettre pierres & bois en œure. Ce que facilement on cognoistra par leurs œuures, quelque assurance qu'ils ayent, ou promesses qu'ils facent de leur sçauoir, capacité, & choses requises à l'art. Tels deueroient auoir la sentence de saint Paul deuant les yeux, qui dict: *Si quis se existimat scire aliquid, nondum cognouit quemadmodum oporteat eum scire.* qui signifie: Si aucun s'estime sçauoir quelque chose, il n'a encores cogneu ce qu'il luy conuient sçauoir. Je diray sur le propos des traicts de Geometrie encores vn mot; C'est que si l'Architecte ou Superieur, qui commande aux maistres Maçons & autres ouuriers, n'est bien muni & n'entend promptement leur theorique & pratique, non seulement tout ce qu'il comandera faire, ou qu'il entreprendra le plus du temps, sera difforme & ridicule, mais aussi luy réputé cōme esclau du maistre Maçon, ou quelque ouurier qui luy fera entendre ce qu'il voudra, & ne le pourra reprendre de ce qu'il fera mal, pour la grande ignorance qui est en luy; au grand détriment & deshonneur, ie ne diray de luy, ains de ceux qui font bastir. Ce qu'on void clairement en plusieurs edifices faits par l'ordonnance de certains Architectes, conduits des maistres Maçons & ouuriers qui estoient dessous eux, & en sçauoient beaucoup plus qu'eux; qui est bien peu si on regarde tout ce qui est requis à l'art. Au contraire & rebours de ce qui doit estre; car l'Architecte doit dresser & conduire les maistres & ouuriers, & n'estre dressé ou conduit d'eux. icy ie diray vne autre chose que j'ay cogneu, c'est qu'aucuns de ceux qui se vantent estre

Chapitre iij. de la 1. Epist. aux Corinthiens.

Traictz de Geometrie estre nécessaires à vn Architecte.

Belle sentence de saint Paul

Aucuns Architectes escoliers des maistres Maçons.

LIVRE XI DES NOUVELLES

Architectes, ne sçau nt iamais la fin de ce qu'ils veulent faire: la poursuiuant plustost à l'aduenture, quautrement. Ce que ie dy, non pour porter enuie ou dommage à personne, n'y moins pour vouloir nommer, ou marquer aucuns, & detraire à leur honneur sçachant tres-bien que nous sommes tous à reprendre, de sorte que si ie ne fais faute en vn endroict, ie puis faillir à l'autre. Quoy que soit, les œuvres monstrent quels sont les ouuriers, ainsi qu'il est elcrit. (*Ab operibus eorum cognoscetis eos.*) & ailleurs, (*Finis coronat opus.*) C'est à dire: La fin couronne & manifeste l'œuvre. l'ameine tels propos pour exciter tous bons esprits qui veulent faire profession d'Architecture, à la-cognoissance de leur estat, à fin qu'ils pouruoyent d'heure à tout ce qui est necessaire. Les exhortans vouloir de toutes choses demander conseil & aide à Dieu, principalement quand ils commencent quelque œuvre, qui est de trop plus grande importance qu'on ne pourroit penser: & ce pour les dis-graces, & infelicitez qui peuuent aduenir, tant aux ouuriers qu'aux maisons. Voyla le but, la fin & intention de mes labeurs. Je ne veux oublier aussi, que la grande necessité de bois pour bastir laquelle nous voyons venir en France. (ainsi qn'ailleurs j'ay dict) m'a fait chercher telle Inuention, pour le profit de tout: n'ayant auourd'huy autre chose en deliberation que cheminer en ma simplicité & me cacher le plus que ie puis des hommes, pour auoir mieux la commodité de poursuiure mes estudes d'Architecture.

Sentence belle & fort propre.

Necessité en France de bois à bastir.

La façon & maniere comme lon doit proceder à faire les Poutres de plusieurs pieces.

CHAPITRE II.



Pres auoir entendu par le discours du premier liure la façon de faire toutes sortes de couuertures pour les grands logis qu'auourd'huy les Roys, & Princes desirer auoir (comme grandes salles & chambres larges de plus de trente pieds) la necessité qui se presente de recouurer bois pour y faire poutres, m'a fait penser ceste Inuention nouvelle pour les faire de deux cents & de trois cents pieces, & plus qui voudra: ainsi que la Maiesté du feu Roy Henry a veu par experience en mon logis pres les Tournelles à Paris. Auquel i'auois fait faire deux poutres, l'une de deux cents vingt-cinq pieces, & l'autre de deux censsoixante trois, sans comprendre les cheuilles, qui ne seruent que pour l'entreenemēt, iusques à ce que les poutres soient posees. Elles furent esprouuees avec deux verins en la presence de ladicte Maiesté & d'autres Princes & Seigneurs: estans lesdictes poutres pressees de telle sorte qu'on souleuoit toute la couuerture, & enfondroit-on les murs du bastiment où elles estoient. Et quelque presse & force de verins qu'on y sceust faire (encores que depuis ie me fois voulu efforcer de les rompre) iamais on ne les peut faire

Necessité de recouurer bois pour faire poutres.

Grande force & resilience des poutres de ceste Inuention.

faire baïsser de demy doigt. Il me semble veritablement que si en leur lieu y en eust eu quatre ensemble des plus grosses que lon a accoustumé de mettre en oeuvre, qu'elle se fussent peu rompre, pour endurer vne si grande force & presse; ou pour le moins, eussent plié si fort contre bas, qu'elles eussent semblé plustost estre bonnes à faire arches, que poutres à mettre en oeuvre pour bastimens. le les auois commandé faire de telle sorte que pourrez voir par les desseings cy apres Qui sont de quatorze pieds dedans oeuvre, & peuuent seruir à vn logis de vingt cinq pieds de large; pource que i'y voudrois mettre des corbeaux sur lesquels elles porteroient demy pied, & autant dedans la muraille, & non plus. Qui se fait afin que quand aucunes piéces viendront à se pourrir, par succession de temps ou autrement, qu'il soit facile à les oster & en remettre de neufue, sans rompre les murs ny rien demolir, comme lon a de coustume faire quand on veut remettre vne poutre de l'ancienne façon. Car il faut ruiner au droit du port de ladite poutre, les murailles & planchers, & faire autre grand desordre. Premier que de passer outre, ie ne suis d'aduis que lon vse des poutres & façon qu'icy nous descrirons, pour les logis cōmuns qui n'ont que dix huit ou vingt pieds de large, pource qu'il est facile de trouuer bois pour les faire. Mais pour ceux qui commencent auoir de vingt & quatre pieds iusques à trente, quarante & cinquante, ou tant que lon voudra, telle façon sera fort vtile, de grand profit & plus grande espargne; donnant moyen de faire chose possible qui sembloit par cy-deuant impossible. Ne faut oublier que les salles & chambres qui ont bien grande largeur, doiuent auoir les hauteurs à propos, & suyuant les mesurés qui y sont requises. Par ainsi il ne sera pas laid quand les poutres seront en anse de panier, ou auront quelque cintre & partie d'une circonference (lesquelles ie trouue plus belles ainsi que toutes droictes) car elles se monstrent fort bien en oeuvre. Tant plus lesdites salles seront larges & hautes, tant plus auront de majesté & beauté. Ceste inuention donc est pour la necessité des lieux, ausquels ne se peut trouuer bois pour faire telles poutres que de coustume. Et afin qu'on ne faille à bien faire les nôtres, i'ay mis cy apres quelle montee & hauteur elles doiuent auoir. Ce que i'ay veu par exēple & experience à celles que i'ay fait faire; desquelles la 6. partie de leur longueur a esté conuenable pour la hauteur du milieu. Par ainsi si la poutre a 24. pieds de longueur dās oeuvre, elle en aura quatre de montee par toute la hauteur de son cintre. Comme vous voyez escrit au milieu d'une demie poutre que i'ay figuree, à laquelle y a trois rancs de courbes. deux aux extremités, & le tiers au milieu, qui n'est encores parfait. Si la poutre a trente pieds de longueur, elle en aura cinq de hauteur: & si elle en a trente six, en aura six: & ainsi des autres. pour les faire à ceste proportion de montee. Si voulez vous luy baillerez encores

*Grande com-
dité des poutres
de ceste inuen-
tion.*

*poutres en anse
de panier.*

*Pratique pour
les Charpentiers
& autres ou-
uriers.*

LIVRE XI. DES NOUVELLES


*Plus a de mon-
tee une poutre
plus est forte.*

*Mesure des
pieces à faire
poutres.*

*Grande facilité
de l'Auteur
pour bien ensei-
gner.*

moins de hauteur pour sa montee, comme au lieu de la sixiesme partie, vous ferez la septiesme ou huitiesme, si voulez. Et tant plus elle aura de montee, moins elle poussera par les costez, & sera plus forte, comme vous pouvez considérer. Si vous y mettez aussi plus de deux lambourdes par dessus (comme i'enay figuré à ceste cy trois, marquees ABC) la poutre en sera moins chargée. Ce que vous pourrez faire, si vous n'auiez bois qui fut bien à propos pour faire les pieces des courbes à composer les poutres, lors vous y pourrez mettre trois & quatre rancs de lambourdes, car il est facile de trouuer petits arbres pour ce faire. Si est ce que ie ne me voudrois point ayder de telle façon de faire, ains me voudrois asseurer sur la force de ma poutre, & mettre seulement deux petites lambourdes pour tenir en raison les solives, ainsi que vous cognoistrez mieux par le chapitre suiuant. Obseruez seulement que les pieces à faire lesdictes poutres signees D, n'ayent que deux pieds de longueur, & celles qui font l'anse de panier, vn pied & demy avecques vn pouce & demy d'espoisseur, ou deux pour le plus. Telles mesures seront conuenables aux poutres qui n'auront que vingt & quatre pieds de longueur dans oeuvre. Et comme lon sera contrainct en faire de plus longues, il faudra que les pieces dequoy on fait les courbes, soient plus espousses & plus larges. Ainsi que vous cognoistrez beaucoup plus facilement au chapitre suiuant, qui me gardera de faire plus long discours pour le present.

Difference



LIVRE XI. DES NOUVELLES

Différence des mesures des Poutres selon leurs longueurs & la façon d'y assembler les lambourdes qui portent les solives.

CHAPITRE III.



*Enseignement
digne de grande
considération.*

*Rangs de cour-
bes pour les poutres.*

Grosseur de toute la poutre.

Lambourde faible pour si petite longueur & hautes.

Enons à entendre comme les choses susdictes s'assemblent. Il vous faut considérer l'espoisseur de vos murailles, qui peuvent auoir environ deux pieds ou plus, & comme les corbeaux sont mis dans les murs, par dessus lesquels faut faire vne petite plate-forme de bois, pour conseruer que les poutres, au moins les pieces d'icelles, ne se pourrissent si tost: comme pouuez voir és lieux marquez B. Lesdictes pieces auront la longueur de deux pieds ou d'un & demy, suivant la largeur du bastiment, & la longueur de vos poutres, comme cognoistrez qu'il faudra, & sera requis donner grosseur ausdictes poutres, de deux pieds, trois pieds, ou d'un pied & demy de large. Cela se doit considérer & cognoistre par l'edifice qu'aurez à faire. A toutes poutres, qui n'auront longueur que de vingt-quatre à trente pieds, ie ne voudrois que trois rangs de courbes, telles que vous voyez marquées D E F. Et à celles qui ont longueur de trente à quarante pieds, ie mettrois quatre rangs desdictes courbes. Si elles sont plus longues, faut que chacune courbe qui est faicte de deux pieces l'une contre l'autre, soit de trois, & que les pieces dequoy sont faictes lesdictes courbes, ayent de deux à trois, poudes de grosseur. Si vous voulez faire poutre de cinquante pieds de longueur, il faut que toutes les courbes soient de trois pieces, & chacune d'icelles, de trois poudes de grosseur, & de largeur d'un pied & demy. Si vous n'avez le bois si large, vous les pouuez faire de deux pieces l'une sur l'autre, pourueu qu'elles soient liees comme tel cas le requiert. Vous pouuez faire telles pieces de quatre, cinq, ou si pieds de longueur pour le plus: & la grosseur de toute la poutre sera la quinzième partie de sa longueur. Suffira que les courbes soient pres l'une de l'autre de demy pied, ou de sept à neuf poudes pour le plus. Les bons iugements cognoistront cela des longueurs qu'ils auront à faire. Faudra aussi considérer la nature des bois, desquels vous faictes lesdictes poutres, & n'oublier mettre dessus la plate-forme qui est erigee sur les corbeaux (ou est le commencement des poutres au lieu marqué B) vne piece de bois de bout, comme vn pousteau, ainsi que l'appellent les charpentiers, au droict des extremittez d'une chacune lambourde: qui aura de grosseur de cinq à six poudes, & sera en mortaise, assemblée sur ladicte plate-forme, & au bout de ladicte lambourde, comme vous pouuez voir en G, & H, à laquelle piece s'assemblent les liens marquez I, pour soutenir ladicte lambourde marquée N, qui est faible de soy, pour n'auoir que demy pied de largeur, & vn pied ou dix poudes de hauteur, & n'a point de force ou

INVENONS POVR BIEN BASTIR. 312


ce ou bien peu, pour les places & entailles quel'on y faiët à mettre les soliues, comme pouuez voir au lieu marqué K. Aussi elle est soustenuë sur lesdicts liens marquez I, & dessus la poutre assemblée avec les courbes, qui font ladicte poutre, faut que la courbe du milieu marquee E, soit plus haute en sa largeur (principalement par le milieu) afin qu'elle se puisse trouuer entre les deux lambourdes: & qu'en mettant vn gouion de fer, pour aller d'une lambourde à autre, il puisse passer à trauers de ladicte courbe du milieu. Iagoit-que la figure ne le monstre, le faut toutesfois ainsi faire. Si voulez, au lieu dudiët gouion de fer ne faut qu'une cheuille de bois d'un bon ponce de grosseur, sans y mettre fer, & en pourrez appliquer en trois lieux semblables: l'une audroict du milieu de la poutre, les autres à costé à deux ou trois pieds pres du milieu, comme pouuez voir és endroits marquez P Q R. Par ainsi telles lambourdes & soliues, & autres choses que voudrez mettre par dessus, poiseront également sur ladicte poutre. Et si elle veut pousser par les costez comme elle feroit, à raison de sa charge, elle ne le scauroit faire, n'aussi reculer: voir quand n'y auroit point de muraille, pour raison des liernes qui passent à trauers les courbes & lieux marquez L. Ioinët que les pousseaux sont assemblez dessus les plate-formes & aux lambourdes tant dextrement qu'elle ne scauroit reculer ny varier. Ne faut oublier quand les poutres sont bien grandes de mettre deux gouions de cuire, de grosseur & longueur suffisante: qui tiendront ausdictes plate-formes, & aux corbeaux qui les portent, comme j'ay diët cy-deuant. Ainsi les plates formes ne pourront reculer, car les lambourdes les tiennent en ordre par dessus, comme vne corde: de sorte qu'elles ne peuuent aller ne çà ne là, quelque charge qu'on leur sçache donner, & n'y a rien si fort. Vous pouuez mettre encores autre sorte de liens qui poussent contre les reins de l'anse de panier de la poutre qui est assemblée aux pousseaux, & aux liens qui soustiennent lesdictes lambourdes, ainsi que pouuez voir aux endroits marquez M. Les liernes marquees L, seruent detenir en raison les courbes de la poutre: & les fais mettre en oeuvre quasi semblables à celles qu'avez veu au premier liuré, pour les couuertures: vray est qu'au lieu quelles sont au milieu des courbes, ie les fais mettre vn peu plus bas, & la lierne de dessus à l'extremité de la courbe, estant taillée par la moitié, & la courbe par l'autre moitié. Et s'assemblent ainsi les liernes avec les courbes, comme le pourrez aisément voir par la figure suiuite. J'ay icy voulu monstre la poutre imparfaicte, à fin que vous cognoissiez & voyez mieux comme s'assemblent les courbes avec leurs liernes, clefs, plate-formes. pousseaux, liens & lambourdes. Vous verrez cy-apres vn autre figure de poutre, toute parfaicte & entiere, monstrent comme les soliues doiuent estre.

Au lieu de gouion de fer cheuilles de bois.

Conseil & aduis de l'Auteur touchant les liernes.

Pourquoy c'est que l'Auteur monstre icy la poutre imparfaicte.

LIVRE XL. DES NOUVELLES



La ma.

*La maniere comme lon se doit conduire pour assembler les
poutres, & de quelle sorte de bois doit estre
faict l'anse de panier*

CHAPITRE III.



Fin qu'on puisse entendre parfaitement la façon de nos poutres, ie feray quasi vne redicte de ce que i'ay monstré par cy-deuant. Vous voyez que ie figure à vne chacune poutre, trois rancs de courbes (comme se peut cognoistre du pourtraict cy-apres mis pour la poutre qui est parfaite au lieu marqué ABC) faictes vne chacune de deux espoisseurs d'aix l'un contre l'autre. Lesquelles ie voudrois faire de trois, quand il faut que les poutres excèdent vingt-quatre pieds ou trente de longueur, & signamment les deux courbes qui sont en l'extremité, comme celles de A & C. Si vous les faictes plus longues, faudra que les pieces des courbes soyent de plus grandes espoisseurs, & plus larges. Quant aux longueurs, on fera plustost faute de les faire trop longues que trop courtes. Et où lesdictes poutres comencent à faire la montee & l'anse de panier, du lieu marqué D, iusques à E, si telles pieces estoient longues, la poussee & charge les pourroient faire fendre par le dessus, à cause que le bois se retire tousiours en sa largeur, & espoisseur. Cela faict, ouurir les commissures par le dessous, comme au droict de F: & serre d'auantage au dessus, ainsi qu'au lieu marqué G. Parquoy faut que les ouuriers y prennent bien garde, & qu'ils tiennent les pieces plus courtes, & les commissures & assemblages de dessous plus forts que dessus. Toutefois il n'en scauroit venir faute, voire quand le dessous seroit ouuert de demy doigt, pour les liaisons des pieces. Et aussi que lesdictes commissures sont tousiours au droict du milieu des pieces qui font la liaison. Comme quoy, si la commissure est au lieu de H, à la piece qui est deuant, l'autre qui est au pres sera au droict de I, par l'autre costé, & ainsi des autres. Il y a doncques si bonne liaison qu'il ne faut rien craindre: principalement quand les courbes seroient de trois espoisseurs. Et combien que l'oeuvre fust bonne, quand les commissures ouuriroient par le dessous, ce neantmoins faut que les ouuriers ne delassent à les bien faire, & que les oeuvres soyent le plus proprement que faire se pourra, à fin qu'il n'y ait rien à reprendre. Il seroit encores meilleur pour faire lesdictes pieces d'anse de panier (comme depuis D, iusques à E) quelles fussent prises des bois qui sont tortus ou courbes de nature, desquelz on ne faict grand cas, sinon à mettre en pieces pour bruler,

*Recapitulation
d'aucunes choses
touchant la com-
position des
poutres.*

*Le bois se retire
tousiours en sa
largeur & es-
poisseur.*

*Rien icy n'estre
à craindre pour
les bonnes liai-
sons*

LIVRE XI. DES NOVELLES.

*Nature du bois
tortu.*

*Quelles doivent
estre les chevilles
et leurs
trous.*

*A quoy doivent
seruir les chevilles.*

*Liens pour sou-
stenir les lam-
bourdes.*

ou bien faire les gabors pour les nauires, ou courbes pour les bateaux. Ledit bois tortu est meilleur à faire lesdictes anes de panier des poutres, que le droit, parautant que le fil du bois ne va droitement, mais se tourne comme la courbe & anse de panier. Estant ainsi il sera plus fort & meilleur pour resister contre la charge, & ne se scauroit fendre comme pourroient faire les pieces qui sont de fil droit. D'ailleurs il faut prendre garde que toutes les pieces soient d'une mesme grosseur & espaisseur: & qu'elles soient bien dégauchées, afin qu'elles se trouuent bien droictes par les costez, & qu'elles se puissent bien tortioindre ensemble. Par ainsi elles seront plus aisées à serrer & s'entretenir sur leursdictes commissures à droicte ligne. Il faut aussi prendre garde à autre chose, c'est quand vous mettrez des chevilles pour entretenir les pieces ensemble, que les trous soient fort petits, à fin que vous ne corrompiez vos pieces de bois. Car si failliez vosdictes chevilles trop grosses, pour cinq ou six qu'il faut à vne chacune piece, sans les mortaises qui sont par le milieu, ou passent les liernes, vous offenseriez grandement vos courbes, de sorte qu'elle se pourroient fendre plus facilement. Faut d'avantage quand vous y mettrez lesdictes chevilles, qu'elles ne soient mises à force, bien qu'elles soient laches: à fin qu'elles n'empeschent quand vostre poutre sera assemblee qu'elle ne puisse porter entierement sur toutes les commissures, tant dessus que dessous. Il suffit que lesdictes petites chevilles seruent à poser l'oeuvre seulement. Quant tout est assemblé, ie voudrois qu'elles fussent toutes dehors. Je croy que vous entendrez qu'il faut quatre poutreaux, deux deuant & deux derriere, come ceux que voyez marquez L M, qui seruent à porter les lambourdes, & aussi que la poutre ne peut reculer. Suffira qu'ils soient six ou sept pouces en quarré pour le plus, & seront assemblez à la plate-forme de la poutre, & ou bout des lambourdes, comme i'ay dict cy-dessus, ne faut oublier mettre tousiours des liens ainsi que les voyez marquez N, pour seruir à soutenir lesdictes lambourdes, qui sont fort foibles, pour le peu de grosseur qu'elles ont (comme auez entendu au chapitre precedent) (& pour les tailles qu'il y a pour asseoir les solives, ainsi que voyez marquez P, en aucuns lieux. Quand tout cela est fait & assemblé, la poutre & plancher sont plus aisés à enrichir, tant de dorures, qu'autres ornements de lambriz, que ceux que lon a accoustumé de faire. Je voy vn grand bien en cecy, & où lon peut euitter grands perils, qui ne se cognoissent aux lambris, accoustumez de faire tant aux poutres, que planchers, auxquels ils sont soutenus avec grosse vis, crampons, & grands clous de fer. De sorte que si la poutre vient à pourrir, ou a s'affaïsser, ou se fendre & iarser, si les clous, ou vis faillent, & tels lambris tombent, vne infinité d'hommes y sont attrapez. Parquoy ie trouue que c'est vne chose fort dangereuse. L'enay fait faire


INVENTIONS POVR BIEN BASTIR. 314

faire ainsi plusieurs, & en diuers lieux (comme on m'auoit com-
 mandé) où i'ay esté autant soigneux que m'a esté possible, pour les
 bien faire arrester. Si est ce que cela m'a tousiours donné peine en
 l'esprit, & ne m'en pouuois bien contenter, pour estre à la mercy
 d'un Menuisier paresseux, ou autrement, qui pouuoit cloüer telles
 choses legerement. Bref, ie ne me puis asseurer de telle façon.
 Ceste cy est seure, excellemment belle & fort propre pour enri-
 chir comme on voudra, sans qu'il y puisse auoir danger. Et n'en
 sçauroit aduenir faute par quelque lambris, ou ornement, que
 vous y voudriez mettre. Par-autant que toutes les commissures &
 assemblage de bois, vont par engressement suiuant la montee &
 circonference des poutres, & autre montee que vous pourrez
 faire. Qui voudroit cacher le bout des liernes, & toutes les pieces,
 tant du dedans de la poutre que du dehors, faire le pourroit, &
 de tels ornemens qu'il voudroit, à fin que lon ne voye les lam-
 bourdes, pousteaux, & liens. Il seroit tres-beau les enrichir en tel-
 le maniere que vous verrez au chapitre suiuant.

*Les lambris ac-
 customez estre
 fort dangereux*

*Le lambris de
 ceste Invention
 estre sans aucun
 danger.*

LIVRE XI. DES NOVVELLES



Comme

Comme lon peut enrichir les poutres apres qu'elles sont faictes, soit de Lambris, de menuiserie ou de quelque composition d'Estuc, ou autre matiere.

CHAPITRE V.



VAND toutes les poutres sont parfaites & assemblées, comme ie vous ay descript cy-deuant, si elles sont pour seruir à vne salle ou chambre, aucuns ne trouueront beau de voir les liernes, clefs, cheuilles, pousseaux & liens estre ainsi creux par le milieu de la poutre, & voudront dire que sera vn amas d'ordures, & nichées d'araignees, qui pourroit estre vray. Mais pour y obuier il faut enrichir lesdictes pou-

Pour obuier qu'aucuns creux ne seroyent aux autres de ceste presence Janen-tion.

tres de quelques Lambris dorez, ou autres ornements, tant riches que voudrez, y faisant si peu de despense qu'il vous plaira. Vous y pourrez doncques proceder en deux ou trois sortes comme ie vous diray apres auoir quelque peu parlé de l'ornement que ie fis faire à vne des poutres qui furent esprouuees (comme j'ay escript) & trouuees fort bonnes par le feu Roy Henry, de qui Dieu ait l'ame. Tous les bouts des liernes & clefs estoient couuertes de mutules en façon de rouleau, ayants vne petite moulure par dessus, enrichie de feuillages & canelees. Et entre lesdictes mutules ie faisois mettre en taille de relief, deux petits enfans comme gemeaux. A d'autres vne masque d'un visage ayant des ailes en la teste comme vn Mercure, & autres ornements qui se peuuent faire. Par dessus lesdictes mutules & ornements, j'ordonnois vne petite moulure qui regnoit comme le cintre de la poutre & anse de panier. Ce qu'aussi ie commandois faire par le dessous desdictes mutules, qui monstroient auoir fort bonne grace. Au dessous de la poutre ie faisois faire des compartiments quarrez & au milieu des boiillons & feuillages qui sont comme roses. Puis au dessus de l'anse de panier, par les deux bouts pour trouuer la quadrature & niveau du plancher de dessus, ie fis faire des figures en basse taille de demy relief, comme Victoires, ainsi que les Anciens ont mis quelquefois au costez des Voussures des arcs triomphans, par les faces au dessous de l'Epistyle, ou architraue, ainsi que les vulgaires l'appellent. Au droict de la lambourde ie faisois mettre vne corniche pour la cacher, laquelle faisant les baltimens, ie voudrois faire regner tout autour des murs. Car elle donneroit fort bonne grace aux solives qui sont posces par dessus. Ainsi que vous pouuez fa-

Bel ornement de poutre & fort singulier.

Ornement pour le dessous de la poutre.

Ornement pour la lambourde.

LIVRE XI. DES NOUVELLES

cilement iuger par le deseing cy-apres. Tel ornement de poutres est fort à propos pour y faire vn ordre, comme lon fait sur les colonnes Doriques. Au lieu où j'ay figuré des mutules qui cachent le bout des liernes des poutres, vous pourrez faire des Triglyphes & entre iceux des Metopes comme on fait aux frizes Doriques. l'en escrirois plus au long, & d'autres ornemens à ce propos, mais ie remets telle matiere aux ordres & ornemens des colonnes, lesquels ie vous declareray au liure que j'ay en main pour parachuteuer l'illustration de nostre Architecture. Lequel vous verrez bien tost, s'il plaist à Dieu m'en donner la grace. Vous pouuez faire tels lambris & ornemens de poutre, si vous voulez, de menuiserie enrichies de moulures dorees, ou vernies. Mais ie voudrois qu'en ce faisant, les commissures & assemblage, fussent faicts suiuant le trait de la poutre, à fin que le lambris ne puisse iamais tomber de soy & qu'il se tiennent de soy mesme par engressement. Quant aux Triglyphes qui sont sur les bouts des liernes, ie voudrois qu'il fust facile de les oster & mettre, comme aussi les Metopes (qui sont les ornemens entre-deux) & que tout ne tint qu'avec petites cheuilles, à fin qu'on les peut oster & remettre pour voir par le dedans du corps de ladicte poutre, & scauoir comme elle se porte, & s'il y a rien qui se deperisse. Semblablement au droit des deux bouts, au dessus de l'anse de panier où sont les Victoires, ie voudrois aussi qu'elles se peussent oster & remettre facilement quand on voudroit sans rien gaster. Ce faisant quand il se trouuera quelque piece qui sera pourrie, il sera facile de l'oster & en remettre vne autre sans rien abbatre ne demolir. Par ainsi on pourra entretenir par longues anneés telles poutres. Il ne faut icy oublier qu'il est fort bon que les lambris ayent plusieurs petits pertuis, à fin que le vent puisse passer & penetrer iusques au corps de la poutre, qui gardera que le bois ne s'eschauffe l'un contre l'autre. Il sera facile de faire lesdicts pertuis dedans les yeux des masques, figurettes, fucillages, & autres lieux, de sorte qu'on ne les pourra apperceuoir. Et faut qu'ils soient les plus petis que faire se pourra, car il suffit qu'il y ait vn peu d'air. Si vous ne voulez faire la despense d'enrichir telles poutres de bois & lambris de menuiserie, vous le pouuez faire de papier batu & moulé dedans le creux, ayant tels ornemens qu'il vous plaira, tout ainsi qu'on fait les masques. Apres vous le plaquerez & attacherez dessus l'oeuvre avec des petis cloux, & le tout peindrez & dorerez comme il vous semblera. Vous pouuez faire en telle sorte par tout avec du papier battu ou papier de carte, tant par le dessous de ladicte poutre, que par les costez, & durera tres long temps, principalement quand il sera verny. Si cela ne vous plaist le pouuez faire d'autre façon, come si cestoit estuc d'une paste que vous mouleriez sur des creux, où y aura tel deuis & ouurage qu'il vous plaira. Comme on voit estre fait à plusieurs compositions de senteurs, oyselets de Cypre, miroirs venans du Leuant & Constantinople. Aufquels

p ays

Promesse de l'auteur pour illustrer l'architecture.

Tous ornemens doivent estre faciles à oster & remettre.

Grande facilité & espargne pronant de la presente invention.

Moyen d'enrichir & couvrir les poutres auement que le bois de menuiserie.

Belle façon & fort ingénieuse.

INVENTIONS POVR BIEN BASTIR. 315


pays, ainsi que j'ay entendu, ils enrichissent tous les planchers de leurs chambres & cabinets de telles façons & compositions, desquelles j'ay veu la maniere qui est aisée, tres-belle, & de petite despenſe. Ainsi vous pouuez orner & enrichir vne poutre comme il vous plaira: & telles façons auront autre grâce & beauté que les lambris que l'on a accoustumé de faire. Aucuns voudront dire que telles poutes auront trop d'empeschement pour estre ainsi voutees, & que celles qui sont toutes droictes sont plus belles. Le leur respons & dy, que necessité a esté cause de ceste Invention; car aux chambres & logis que les Princes desirent faire en cè tēps, qui sont de trente, & trente cinq pieds de large, vous ne ſçauriez trouuer bois pour y accommoder poutes, principalement de chesne: duquel on est contrainct se seruir en ce pays Septentrional de France, pour n'auoir gueres d'autre bois. Et quand il s'en pourroit trouuer autant qu'il faudroit, les poutes faictes d'iceluy ne ſçauoient guers durer, si elles ne sont soustenues ausdicts logis par le milieu: comme lon a faict en aucuns lieux, qui gaste l'estage de dessus. Enbaillant quatre ou cinq pieds de vouſſure à nos poutes, elles ne se monstrent de mauuaise graces, principalement aux grandes chambres qui ont vingt pieds, & quelque fois vingt-cinq de hauteur. Et outre ce que lesdictes poutes ne pouſſent les murailles & ne les chargent au pris des autres qui sont toutes droictes, elles durent vne infinité de temps, voire tant que les murailles sont murailles, principalement si elles sont à faire à vn bon meſnager. A fin qu'il ne reste quelque chose à redire, j'ay escrit cy apres plus particulièrement que deuant, la façon des corbeaux ou mutules qui portent les poutes, à fin qu'on n'y puisse faire faute, & que tout soit au contentement des Seigneurs, pour lesquels on bastit.

*Lambrissemens
autres que les
anciens.*

*Poutes longues
ne pouuoir guers
durer sans
par le milieu estre
soustenues.*

*Utilité des poutes
de ceste Invention.*

LIVRE XI. DES NOUVELLES



Comme

Comme on doit faire les corbeaux, mutules, ou rouleaux à porter les poutres, & de leurs assiettes & commencement des solives faites de petites pieces.

CHAPITRE VI.



POVR n'auoir descrit assez amplement à mon gré la façon des mutules, ou corbeaux à porter les poutres, j'en veux faire encore vn petit discours, pourautant que c'est vne chose d'importance, & le fondement desdites poutres erigees sur leurs corbeaux; qui seront tousiours faits de trois assiettes de pierre de taille pour le moins, & la meilleure & plus dure que vous trouuerés au païs pour bastir. Il faut que la premiere assiette ait de faillie quelque peu, selon l'ornement que vous ferés audit corbeau, & qu'elle ait deux pieds de largeur, & de longueur autant que contient l'espoisseur de tout le mur. La seconde sera de mesme largeur, ayant d'auantage de longueur, pourautant qu'elle prendra encores plus de faillie que celle de dessous. Si vous ne poués trouuer pierre si grande, il ne sera pas mauuais de la faire de deux pieces, & tenir la commissure en bonne liaison, & que lesdites pieces contiennent tousiours autant de longueur qu'est la grosseur du mur, si faire se peut. La troisieme assiette sur laquelle sera assise la plate-forme de ladite poutre, sera tout d'vne piece, s'il est possible, & aussi longue que toute l'espoisseur du mur, avec la faillie qui portera la poutre de l'ornement. Il sera bon qu'elle ait pour le moins trois pieds & demy de longueur, deux dans le mur, & vn de faillie pour l'assiette de ladite poutre, & demy pour son ornement ou corniche, qui regnera tout autour dudit corbeau, & de la largeur de la poutre. Laquelle si vous trouuez auoir deux pieds de large, il faut que telle assiette de pierre en ait trois, afin qu'il y ait demy pied par les costez pour l'ornement de ladite corniche, ou autre decoration que lon y voudra mettre. Mais faites qu'icelle assiette de pierre soit toute d'vne piece, & de l'espoisseur d'vn pied pour le moins, ou plus; suyuant la commodité que vous aurez des quarrieres. Je serois d'avis que toutes les trois assiettes continssent trois pieds de hauteur. Ce sera à la discretion de l'ouurier, qui en pourra bien juger selon la nature des pierres, & de l'ornement qu'il voudra faire ausdits corbeaux ou mutules, & aussi suyuant la grandeur & longueur de la poutre, de laquelle il aura neccessité. Ainsi l'assiette de ladite poutre sera fort bien & tres-af-

Discours nécessaire de facilité familiere à l'Auteur.

Assiette de corbeau & de ses mesures.

Autre assiette.

3. assiette.

Conference de la poutre avec son assiette.

Discretion de l'ouurier pour voir beaucoup aider à l'œuvre.

LIVRE XI. DES NOUVELLES


seuree. Il sera tousiours aisé d'oster les pieces de ladite poutre, & en remettre quand elles se trouuerét gastées, sans rompre les murs; pourautant qu'elle ne porte que d'une petite partie dans lesdits murs, & sans estre maçonnés autour. Car ie ne veux qu'elle touche la muraille, ny moins le mortier. Aucuns pourroient dire que tels corbeaux n'auront bõne grace, & qu'ils donnent empeschement à mettre les tapisseries. Je responds, que les lieux esquels on doit asséoir telles poutres, sont grands logis qui ont de vingt-quatre à trente pieds ou plus de largeur. Et pour auoir grande longueur & largeur, il faut que les hauteurs soient de mesme: de sorte qu'il ne se trouue coustumierement tapisserie si haute qu'il y faudroit. Je voudrois volontiers qu'on fist d'un corbeau à l'autre, des ornemens de frise, ou autre chose de peinture ou sculpture, au plaisir du Seigneur de la maison; & par le dessous des corbeaux, qu'on mist au niueau des traines pour tenir la tapisserie, laquelle vous trouuerés plus conuenable & à propos pour decorer le lieu. T'ay fait à la figure suyuant les corbeaux & fondemens des poutres aux lieux marqués 1. 2. 3. en façon d'une corniche, & un peu plus lourds; mais c'est afin de mieux conceuoir comme ils doiuent estre. A la figure qui viendra apres, vous les trouués de meilleure grace. Aussi ie commence à monstrier en ceste presente figure, la façon comme on peut faire les soliués de plusieurs pieces, ainsi que les poutres, qui seront fondees à l'alignement du mur, & n'auront point de saillie comme les poutres. Ce que vous pouués voir par la ligne qui va de A à B, & aussi comme les poutres marquees C, sortent d'auantage sur les corbeaux ou mutules faits en façon de corniche. Les commencemens des soliués faites en anse de panier comme les poutres, se voyent à la marque D. Et me semble que lesdites soliués auront tres-bonne grace estans faictes ainsi de pieces; comme vous cognoistrés mieux par le Chapitre ensuiuant, & par la figure cy-apres mise.

*Ornemens de
frises entre les
corbeaux.*

*Soliués de plu-
sieurs pieces
ainsi que les
poutres.*

*Soliués en anse
de panier com-
me les poutres.*

Comme



LIVRE XI. DES NOUVELLES

*Comme lon doit tirer les commissures des poutres
des trois centres.*

CHAPITRE VII.



*Plusieurs es-
prits prompts
& ingenieux.*

*L'Auteur escri-
re tant pour les
maistres que
pour les apren-
tifs.*

*Quelles doiuent
estre les pieces,
desquelles sont
faictes les cour-
bes pour les pou-
tres.*

E vousay monstré tout ce qui m'a semblé meilleur pour la construction des poutres, à fin d'auoir entiere intelligence de nostre nouuelle Inuention. De sorte qu'il me semble que vous en pourrez faire vostre profit, sans plus long discours. Toutesfois pour ce qu'ils se trouuent plusieurs gentils esprits, lesquels combien qu'ils ne facent profession d'Architecteure, si est-ce qu'ils sont curieux de l'entendre, soit pour en deuiser, commander aux ouuriers, qui bastissent pour eux, la sorte & facon de laquelle ils veulent estre seruis, ou autrement: pour ceste cause, & à fin que nostre oeuvre soit aussi propre pour eux que pour apprentifs & maistres, ie ne veux faillir icy monstrier tout ce dont ie me pourray souuenir: voire iusques à elcrire quelquefois choses si legeres, qu'il me semble que c'est quasi moquerie de les mettre en lumiere. Ce que i'ay faict à fin que lon ne die que i'escry trop obscurement, & que ie ne veux estre entendu. Qui est cause que ie fais mes discours les plus familiers & plus intelligibles que ie puis. Sin'estoit l'empeschement qui seroit au liure, ie figurerois autre poutre de deux ou trois pieds de longueur: mais repliant tant vn papier, comme il faudroit, outre la facherie qu'il donne, il s'yse & rend le liure difforme. Je vous veux icy aduertir seulement de prendre garde sur tout, que les pieces dequoy vous ferez les courbes des poutres ayent toutes les commissures & ioincts tirez (vn chacun en son endroiçt) des poinçts venants des centres d'où sont prises les montees & anse de panier, ou circonference d'icelles. Car ils se trouuent trois centres, comme vous pouuez cognoistre, vn par le milieu qui vient de loing, & deux aux extremitez qui font l'anse de panier, & commencement de la naissance de la poutre. Les trois ensemble s'adoucissent, & conduisent le cintre de ladiçte poutre si dextrement (ainsi que vous pouuez cognoistre) qu'elle se monstre de bonne grace, & donne contentement à la veuë. Je dy d'auantage, que les poutres estants tirees de tels centres, & assemblees par telles commissures qui en procedent, se trouuent d'vne force incroyable, quand elles sont construites comme celles que j'ay descrites cy-deuant. Telles commissures & assemblages ne se voyent point pour les ornements des mutules, qui sont faicts quasi en facon de Triglyphes, & mis au droiçt desdictes commissures, comme vous pouuez voir & cognoistre par ladiçte figure cy-deuant mise.

Inuention

Inuention de faire vne autre sorte de poutre de plusieurs pieces, & toute droicte par le dessous, qui se trouuera tres-forte & fort bonne.

CHAPITRE VIII.



E me suis aduisé en relisant ce present chapitre d'une autre Inuention, à fin de satisfaire à ceux qui qui n'ont accoustumé voir poutres en anse de panier, ou ayant aucune circonference & montee: qui pourroit estre cause qu'ils ne trouueront bones nos poutres, pour n'estre droictes, comme ils ont ^{Pour faire poutre de plusieurs pieces.} de coustume voir. Par ainsi ie veux monstrier comme on pourra faire vne poutre de plusieurs pieces toute droicte, & d'aussi grande longueur que voudrez, & que pourrez auoir affaire. Vray est que telles poutres sont de plus grand depanse, & de plus grands cousts que celles que nous auons descrit & figuré cy-deuant. Et faut que les murs soyent bien forts & de bonne grosseur pour les porter, au prix de ceux desquels nous auons ia parlé. L'en figurerois volontiers vne, & en donneroie icy son deseing, n'estoit que le protrait ne seroit pres pour l'imprimer: par-autant que nostre oeuvre est ia sur la presse, & de iour en iour s'auance. Ceux qui entendent les traicts de Geometrie en comprendront aisement la façon, & noteront ce que ie veux dire, s'il leur plaist. Prenez le cas que lon vueille faire vne arriere voulture, ainsi que appellent les Maçons (qui est vne voulture toute droicte par le deuant, i'entends par le dessous, & par l'autre costé vn peu ronde, comme la quarte partie d'une Sphere en sa circonference entiere) ainsi la poutre dont ie parle, seroit toute droicte par le dessous, & par le milieu, & au plus haut d'icelle estant faicte de plusieurs pieces. Les commissures & assemblages seroient tirez comme si elles estoient rondes, ou ayants aucune circonference: toutefois le dessous demeure tousiours droict. Et tant plus la poutre sera longue, plus il y faudra de grosseur & de hauteur, & sera plus aisée de ce faire. Aussi entre les commissures il faudra faire aucuns trous, de deux à trois poudes en quarré, en forme de dez, pour y mettre des pieces de bois, mais il faut qu'elles soient coupees & soient mises de bois de long, comme de bois de bout contre le bois de bout, car il ne se trouueroit bien autrement, pource qu'il se retire. Et aussi par-dessus la poutre faut au lieu des charges que lon y met pour la soustenir, ainsi que les ouuriers ont de coustume les mettre en oeuvre, comme si c'estoit vn petit arc soubaisé de plusieurs pieces, & que les commissures viennent du centre dont sera faicte la circonference dudict arc soubaisé, qui sera fondé sur le bout des poutres: & par le milieu & aux costez dudict arc soubaisé y aura des clefs & liernes qui soustien dront les pieces de ladicte poutre, de sorte qu'elle ne scauroit aucunement tomber, tant pour estre soustenue de son ^{Continuation de ladicte poutre.} artifice & façon de traicts que pour lesdictes charges & arcs sou-

Traicts de Geometrie ne assai- res à un Art- chitecte.

LIVRE XI. DES NOUVÉLLES

baïſſez. Elle peut ainſi porter vne bien grande poiſanteur ; & ſe maintenir longuement en œuvre, pourueu que les murailles ſoyēt bonnes & fortes comme nous auons dict. S'il vient à propos en aucuns autres de nos liures d'Architectüre, j'en feray vn deſſein bien au long: duquel vous l'entendrez facilement, & trouuerez vne belle Inuention, non toutesfois ſi bonne que des poutres que j'ay deſcriptes cy-deuant, ny de ſi longue duree, n'a ſi petis fraiz. Et encores le principal eſt, qu'elles ſe peuuent entretenir & durer bien longuement, car on y peut pour les cauſes alleguees & produictes cy-deuant (leſquelles ne peuuent auoir icy lieu) remettre vne piece quand elle ſe trouuera gaſtee. Ce qui ne peut eſtre fait à la poutre droicte. Car ſi elle eſt pourrie par vn bout, ou aucunement gaſtee, il la faut toute abbatre, pour la reſaire, qui eſt vne grande incommodité, de laquelle en tout & par tout eſt exempté la poutre que nous auons deſcrite cy deuant.

D'un corbeau ou mutule fait en plus grand volume que ceux que nous auons deſcrit cy-deuant. Enſemble vn diſcours comme lon ſe peut aider des buches de moule à faire poutres, & du bois de coſtrez (ainſi qu'on parle à Paris) pour faire les combles & couuertures de ceſte Inuention.

CHAPITRE IX.

Corbeaux ou mutules de grand volume.



Conſeil & aduerſſement de l'Auteur.

Briefue declaration de la figure requiſſante.

L'A Y voulu deſcrire encores vne autre ſorte de corbeaux ou mutules à porter les poutres, & en plus grand volume que les precedents, afin que lon en puiſſe auoir meilleur jugement. Et en ay deſſeigné deux pour ſeruir à vne meſme choſe, à celle ſin que vous en voyez de front; comme il ſe voit à celui qui eſt marqué A, au droit de ſa corniche, & au deſſus eſt le cōmencement de la poutre: l'autre qui eſt aupres marqué D, eſt le coſté dudit corbeau qui ſe voit en profile; comme les ouuriers ont de couſtume parler. Vous voyez cōme il ſera aiſé d'en faire les trois aſſiettes de pierre l'une ſur l'autre, comme j'ay dit cy-deuant qu'il les faut faire. La corniche marquee D, ſera pour vne, & le rouleau qui eſt au deſſous ſe fera de deux aſſiettes, ayant vne cōmiſſure au milieu. Je voudrois que le deſſus de la corniche de ce qui eſt de ſaillie plus que les groſſeurs de la poutre fuſt en pente & non point en niueau, afin que lon puiſſe mieux voir ladite poutre, & auſſi il ne ſera ſi facile à amaffer poudre, comme il ſeroit ſi ladite corniche eſtoit droicte. Qui voudroit deſcrire toutes les parties de ſa corniche, les rouleaux, moulure & caneleure, ou ſtrieure, ſeroit choſes loüees: au liure, que ie dōneray des ornemēts des colōnes ie feray tāt de ſortes de corniches & autres ornemēts (leſquels ie monſtreray à l'œil avec leurs proportions & meſures) qu'il aduiſeront tous bōs eſprits d'en pouuoir inuenter d'autres ſortes, tant de corbeaux qu'autres façons de corniches. Pour ce il me ſemble, qu'il n'eſt de beſoin d'en faire plus grand diſcours, attendu que le pouuez biē cognoiſtre par la figure cy apres: non ſeulement des corbeaux, mais encores

INVENTIONS POVR BIEN BASTIR. 320

encores comme doit estre la plate-forme de la poutre qui est sur ledict corbeau, & faict le commencement d'une poutre signé F, avec son poutreau, liens & l'abourdes ensemble, dont ie ne vous en feray plus long discours, pource que vous aurez le tout entendu par cy deuant: auquel lieu ie crains d'auoir plustost trop escript que peu. Je vous descrirois volontiers encores autres façons de poutres, qui seroient aussi fortes & aisees que celles icy, mais ie veux attendre & cognoistre comme lon receura ce mien premier labeur: duquel si i'aperçois qu'on sçache tirer fruit, & que lon s'en contente, ie prendray grandissime plaisir de faire cy apres chose qui soit agreable à ma Patrie, & à toutes personnes de bon esprit: leur donnant de bon cœur tout ce que ie me pourray aduiser estre necessaire à l'Architecture. Le dy vne infinité de choses recouuertes en mô temps, & d'autres inuentées par moy, desquelles ie n'auois iamais ouy parler. Et pour le grandissime profit & plaisir quelles apportoint à la Posterité ie ne les voudrois ensevelir avec moy, ains plustost les faire viure apres moy. Or entrons à propos, s'il vous plaist. Pour les sortes des poutres que ie veux parler, il ne faudroit de plus grand bois pour les faire que de buches de moule, desquelles lon vse ordinairement à Paris pour bruler, qui n'ont que quatre pieds de longueur, & enuiron huit pouces de largeur, voire les plus grosses. Lesquelles il faudroit mettre encores en trois ou quatre pieces, pour en pouuoir tirer du bois qui seroit suffisant à faire poutres de la longueur de six, huit, ou dix toises, ou plus qui voudra. Pour faire les combles des couuertures, à la necessité où ne se trouueroit bois à propos, il n'en faut point d'autre que celuy qu'on pouroit choisir aux costerets que lon vëd à Paris pour bruler, qui n'ont enuiron que deux pieds de longueur: car il suffit que les pieces pour lesdicts combles soient de telle longueur, accompagnée de deux pouces de diametre ou largeur. Et i'ajoit que ledict bois fust quarré sous la mesme largeur de deux pouces, ou tout rond, ou arondy, ou comme vous voudrez, en vn besoin avec l'escorce, ainsi qu'il vient de la forest, sans y faire autre chose (sinon couper les bouts par engressement, suivant la montee & rondeur que voudrez donner à la couuerture & comble que vous desirez faire) il sera tres bon, & n'y faudra autre bois, sinon quelque petits aix de six pieds en six pieds, pour tenir l'œuvre de charpenterie en raison iusques à ce qu'elle soit assemblée. Car apres ce, vous pouuez oster lesdicts aix, si vous voulez, & le couvrir, ie ne diray d'ardoise ou de tuilles, mais de pierre de taille si vous voulez, tant est forte & assuree ceste Inuention. Et si l'œuvre est bonne, encores est elle plus belle à voir: principalement si ces petites pieces sont toutes tournées autour pour les entrelasements & assemblages qu'il y a. Et ce suffira quant au present propos & chapitre.


*Buches de mont.
propres à faire
poutres de ceste
nouuelle Invention.*

*Bois de costerets
propres à faire
les combles des
couuertures.*

*Grande similitude
d'enseigner &
monstrer.*

*Combles de la
presente Invention
forts à mer-
ueilles.*

LIVRE XL DES NOUVELLES



Pour faire

Pour faire Solines de toutes petites pieces d'aix, & seront en Anse de panier, ainsi que les Poutres.

CHAPITRE X.



EVX qui ne pourront trouver bois à propos pour faire solines, les pourront faire de petites pieces, comme les poutres ou combles des couvertures, en telle façon: Apres que les corbeaux sont faicts, & leur corniche ou moulure (qui à enuiron demy pied, ou cinq poudes de hauteur & autant de faillie) il faut qu'elle regne d'un corbeau à autre, & tout au long des murs & au niveau, comme pouuez voir à la figure aux lieux marquez A B C. Par dessus vous erigerez de deux pieds en deux pieds les courbes qui seront faictes de pieces de trois pieds de longueur, & enuiron un pouce d'espoisseur, & huit ou neuf poudes de largeur, comme voyez marqué D E F G. Et auront leurs liernes au droit de la deuxième des plus hautes qui sont aux poutres, ainsi que voyez aux lieux marquez H: à fin que lesdictes poutres se puissent monstrier de faillie d'auantage plus que le plancher & solines, & autant qu'elles ont de faillies sur les corbeaux. Mais il faut prendre garde que les pieces desquelles seront faictes les solines, soient conuenables & sortables à celles des poutres, à fin que toutes les mortaises desdictes poutres & solines soient à ligne droite, & que les liernes y puissent passer sans contraincte: car cela donnera à l'oeuvre fort bonne grace. Toutes les solines seront erigees à l'alignement du mur, & au droit de chacune courbe par le dessous, vous pourrez mettre une petite moulure cloüee, ou en rongneure (ainsi que les Menuisiers l'appellent en ce pays) qui seruira à porter un petit lambriz de bois, ou autre matiere entre les courbes des solines: côme vo^{us} voyez aux lieux marquez K. En tels compartimens & lambriz, vous pourrez mettre des petites moulures enrichies, lesquelles pourrez faire peindre, dorer, vernir, ou illustrer d'autre sorte d'ornement que voudrez: qui cachera tous les assamblages des courbes, & se pourra faire à bien peu de frais. Vous pouuez aussi faire des moules creux, esquels sera engrauee ou taillee telle figure, ou tels fucillages & animaux que voudrez: ainsi que nous auons escript cy deuant, quand nous parlions de l'ornement & enrichissement des poutres. Je vous en donerois plusieurs autres façons, si ie ne craignois estre trop long, & entrer hors de propos. Je vous puis bien asseurer qu'on ne verroit chose plus belle, ne plus riche pour plancher, ainsi que ie la descrirois, & tiendrait sur le bois tant qu'il seroit bois, ne chargeant aucunement le plancher, qui seroit pour ceste cause moins en danger de tomber que ceux qui se font ordinairement, ainsi que j'ay dict cy deuant. Qui voudra, y pourra faire & appliquer de beaux tableaux à huile, enrichis par les bords de telle composition que j'ay parlé. Ce seroient choses rares, & de plus grande loüange encores, pour les pouuoir oster & mettre, comme on voudroit. Et quand il aduendrait qu'on voulust reuoir

Solines faictes de petites pieces comme poutres & combles.

Comme doiuent estre erigees les solines.


Decoration des lambris & compartimens.

Decoration du plancher fort belle & riche.

Ouvrage de charpenterie facile à oster & remettre.


LIVRE XI. DES NOUVELLES

la charpenterie, & la visiter pour y mettre quelques pieces; on pourroit oster tous les ornemens & peintures, & les remettre sans rien gaster, & n'estre en danger de iamaïs tomber.



Comme on doit faire les fenestres croisees plus hautes que la naissance des poutres, à fin de donner meilleure clarté ou plus de iour dedans les lambris.

CHAPITRE XI.



ARAVTANT que les salles & cham- *Chambres & salles melancholiques par faulte de clarté.*
bres se trouueroient melancholiques si les fenestres croisees, ou autre, n'excedoient qu'environ le plus haut des corbeaux ou mutules (où est fondée la naissance des poutres, comme vous voyez à la figure cy deuant marquée L) pour ceste cause ie conseille faire lesdictes fenestres plus hautes de trois ou quatre pieds, quasi autant que la montée des poutres, à fin que la clarté puis-

se donner dedans les lambris: Ainsi que j'ay figuré au desceing cy apres, où vous voyez que les dernieres fenestres sont dedans les lambris, au droict des folies faictes en courbes. Le suis aussi d'auis quand vous aurez mis telle croisee au droict d'une trauee entre deux poutres, qu'à l'autre qui est aupres n'y en ayt point, mais bien à l'autre costé de la salle en ce mesme endroit. Il sera plus conuenable & plus beau que les croisees ne soient point au droict l'une de l'autre: car si les fenestres sont à l'opposite l'une de l'autre: y a tousiours ombre & obscurité, par les costez entre lesdictes fenestres: laquelle rend ordinairement les lieux melancholiques. *Fenestres ne doivent estre opposees l'une à l'autre.* Qui veut voir cela par experience, le peut cognoistre au bastiment que ie fis faire à saint Maur des fosses prez Paris: lequel a esté le premier en France, fait pour monstrier comme lon doit obseruer les proportions & mesures d'Architecture, en ce qu'il peut contenir. Aussi il se peut voir à la salle & gallerie du chasteau d'Annet: & à la grande gallerie que j'ay fait construire de neuf au chasteau *Chasteau d'Annet & S. Legier.* de saint Legier, en la forest de Montfort, qui est tres-belle à voir, estant accompagnée de deux pavillons & vne chapelle au milieu. Il y assez d'autres lieux esquels j'ay ordonné tellement faire. On peut commander mettre ainsi les croisees, qui auront bonne grace. Le deuxiesme croisillon marqué G, se pourroit accommoder à la hauteur d'une petite corniche que lon feroit aux mutules & corbeaux qui portent les poutres & regneroient tout autour de la salle, & au niveau dudict croisillon marqué G, comme si c'estoit vn plinthe ou corniche syncopée. Je pense assez d'autres decorations que lon peut faire dans les logis, lesquelles ie laisse à la discretion du Seigneur, & de son Architecte, qui en ordonneront le-

LIVRE XI. DES NOUVELLES


Ion leur volonté, & bon esprit. Me suffit vous monstrier seulement comme les croisees doiuent monter plus haut dans les lambris des foliues, ainsi que voyez que lesdictes foliues sont cōmencees par les costez marquez I, cōtinuans & passans outre: lesquels on couurira de lambris de menuiserie, ou autre matiere, ainsi que vous voyez cōmencé aux endroits marquez CDEF. Le ne vous escriis cōme il faut par le dessus dresser le plancher pour le mettre au niueau, à faire l'aire des chambres ou salles, qui serōt au second ou troisieme estage: pource qu'il sera tres facile à tous qui font professiō de cest art (tāt peu de iugement scauroient ils auoir) à les faire de telles pieces de courbes, comme i'ay descript les foliues, qui iront contre les costez des murs pour dresser l'aire, comme si c'estoient autres foliues droictes. Si ainsi ne le voulez faire, vous pourrez mettre au long des murs quelques foliues, comme si c'estoient sablieres par dessus les poutres pour y accommoder les aix, desquels sera dressé le plancher, sur lequel sera mise l'aire faicte de plastre, ou de carreau de terre cuite, ou de lambris de menuiserie, ainsi qu'il plaira au Seigneur. Cela estant tres-aisé, me donne occasion ne plus rien dire pour ceste heure des poutres & foliues. Vous pourrez cognoistre par la figure mise cy apres, le discours du present chapitre.

*Comment doiuent
monter les croi-
sees.*

*Plusieurs choses
se peuvent laisser
au iugement des
bons esprits.*

*Briefuet fort
familier à
l'Auteur.*

Aduertissement



Mmm iij

LIVRE XI. DES NOUVELLES

Aduertissement des dangers qui peuuent aduenir, à cause de la façon des planchers quarréz, pour les lambriz que les Seigneurs y font mettre. Et de l'experience que i'en ay eüe, au grand danger des Princes, Seigneurs & autres.

CHAPITRE XII.

Perils & dangers pour la façon des planchers quarréz.



E ne veux icy faillir d'aduertir vn chacun des perils & dangers qui aduiennent aux bastiments à cause de la façon des planchers quarréz, ainsi que i'en fis faire à Annet malgré moy, pource qu'il m'estoit commandé. Pareillement à la chambre du Roy qui est au pauillon sur l'estang à Fontaine-bleau: où i'ay fait faire aussi vn petit cabinet tout aupres sur la terrasse, qui à fort bonne grace. Mais ie ne me trouueray iamais sous planchers quarréz ou droicts, auquely ait lambris de menuiserie, que ie n'aie peur, pour le grand danger & l'experience que i'en ay veu. Car outres la grande charge & poissance qu'il y a, & la peine que lesdicts lambris donnent aux poutres & soliuës, pour la grande multitude des pieces qu'il y faut, lesquelles ne se montrent en œuvre sous telle quantité, quelles sont estans desassemblees, ils font tout incontinent arener & affaïsser lesdictes poutres, & sont soudain corrompiës, pour estre entaillées par le milieu & aux costez, à fin d'y assembler & tenir tels lambris. Outre ce il aduient quelquefois que les crampons & vis de fer qu'ils tiennent, se rencontrent sur quelque neud de bois, ou quelque piece qui est eschauffee, fendüe ou ayant beaucoup d'aubours ou pourritures, qui est cause que le lambris n'est asseuré. Autres inconueniens peuuent aduenir pour le bois qui aura esté mis verd en œuvre, ou pour n'auoir point d'air, qui faict qu'il se pourroit eschauffer de soy mesme incontinent: ou bien pour auoir esté abreué d'eau, qui auroit pourry le dedans de la poutre, ou pour autres incommodité qui y peut suruenir & s'y rencontrer. Côme i'ay veu par experience en diuers lieux: & entre autres audict pauillon de Fontaine bleau, qui est sur l'estang, comme i'ay auerty cy-deuant, & n'ay crainte d'en faire reditte pour la grand'importance que c'est, à fin de se garder d'inconuenient. Et aussi aux poutres qui estoient en la salle, couuerte de tels lambris. lesquelles se trouuerent toutes pourries sans qu'on le peust cognoistre, pour estre cachées desdicts lambris. De sorte qu'aucunes fussent tombees sans les moulures d'estuc qui faisoient quelques ornemens au long des murailles, & les entretenoient, estans

Inconueniens venans des lambris, & les causes.

Autres causes d'inconueniens par lambris.

INVENTIONS POVR BIEN BASTIR 324

estants si fort gastees, que quand il les faillloit descendre, elles ne pouuoient si bien tenir au cable de l'engin, qu'elles ne tombassent par pieces. Je m'assure que si elles fussent tombees d'elles mesmes elles eussent mis le paillon par terre, pour le grand branle & coup qu'elle luy eussent donné. Ioinct que la maçonnerie dudict paillon ne vaut gueres. J'ay bien voulu declarer tout cecy pour le grand danger qui est à tels lambris quarrez, venants d'une tres-mauuaise inuention. Et aussi que lon prenne garde qu'il n'en aduienne mal aux personnes: & que ceux qui en voudront faire de-formais y pensent. J'ay veu souuent les Princes & Seigneurs en tres-grands perils par choses semblables: & n'eust esté la diligence que i'y prenois, ils l'eussent peu apercevoir.

Paillon de Fontaine-bleau.

Des maladies qui aduiennent au bois qu'on met en œuvre Aussi quelle chose on doit faire pour longuement conseruer les poutres & solives faictes de pieces, comme tout autre bois, à fin qu'il ne se pourrisse soudain.

CHAPITRE XIII.



FIN qu'un chacun ouurier face bien son deuoir, & serue les Seigneurs tres-fidelement, ie ne veux faillir icy monstrier tout ce dont ie me pourray aduiler pour l'vtilité & profit de tous. Et pour autant qu'il faut cognoistre la maladie & ses causes, deuant qu'y donner les remedes, j'escriray tout premierement les causes des maladies & corruptions du bois, afin de plus facilement y trouuer & ordonner remedes propres & idoines. Tous bois se gastent, encore qu'ils soient de bone nature, s'ils ne sont coupez en la saison qu'il faut, comme j'ay escrit au premier & second chapitres du liure precedent. Il aduient souuent que les marchands les font couper incontinent qu'il les ont acheptez, à leur commodité & à l'aduenture, n'ayans autre regard qu'en tirer l'argent qu'ils desirent. Et pource aduient quelquefois que le bois est debité par les ouuriers estant encores tout verd, ou abreué d'eau, ou bien ayât quelques neuds pareillement abreueez, voire iusques au cœur, qui gaste les pieces qui en sont mises en œuvre. Il se cognoist aussi estre malade par dedans pour les rongnes ou mousses qui jette par dehors, comme si c'estoient champignons ou mousserons. Il a aussi un autre mal pour estre eschauffé, & lors il devient comme tout pouilleux, ayant plusieurs petites taches blanches, noires ou rousses, ainsi que pourritures. D'ailleurs luy aduient un certain mal & corruption de l'aubour, principalement quand il est assemblé contre un autre. Il se gaste aussi, & se fend tout au trauers pour le nasse

Bonne chose de vouloir aider au profit public.

Causes de la corruption du bois.

Mmm iiii

LIVRE XI. DES NOUVELLES

& fait force jarfures. Et fouuêtesfois quand on achepte ledit bois, soit en grandes ou petites pieces; cela ne se mōstre point, mais bien incontinent apres qu'il est mis en œuvre, faute d'estre employé cōme il doit. Quant aux remedes pour les conseruer en œuvre, apres auoir choisi le meilleur (car se seroit grande folie, le cognoissant mauuais, de le vouloir employer) il seroit profitable qu'entre les aix, ou pieces qui sont l'une contre l'autre, y eust de petites lattes entre-deux, afin que le vent & l'air y puissent passer, tant peu que ce soit sera assez: car ie crains que lesdicts aiz ou pieces, estans l'un cōtre l'autre, pour n'estre encores bien seiches, n'ayēt quelque humidité, qui seroit cause de les eschauffer, s'il n'y a diffusion ou euen-temēt, dont pourroit suruenir pourriture & corruption: j'aoit que ie n'aye veu encores cela aduenir, si est-il fort à craindre. De sorte que j'ay tousiours commandé aux ouuriers d'ainsi faire, & y prendre bien garde, combien qu'ils ne l'ayent fait par tout; car faudroit tousiours estre près d'eux. Quand ils auront veu l'experience du mal qui en aduient, ils seront plus soigneux de bien seruir & d'y entendre plus curieusement. Il seroit encores beaucoup meilleur, qui voudroit auoir la curiosité de bien faire, mettre entre lesdicts aiz ou pieces de bois, audroit des cheuilles qui les entretiennēt, de petites buches ou annelets de cuivre, quasi cōme ceux des rideaux delicts, pour y faire quelque separation, afin que le vent y puisse penetrer. Seroit assez quand ladite separation & entr'ouuertures, auroit l'epaisseur d'un teston, ou moins, iamais le bois ne s'eschaufferoit, & se conserueroit longues annees. Aussi il faut qu'à vos poutres & solives, estans lambrisées de quelques ornemens, cōme vous pouuez voir en la figure cy-deuant, aux endroits marquez A B C D E F, vous laissiez quelques petits trous par cy par là, qui ne se mōstreront point du gros d'un petit poix, afin que le vêt aille par tout le dedans des poutres, & lambris des solives. Le bois qui sera de bonne nature, bien assaisonné & sans aucune humidité, estāt bien sec, n'a que faire de tant grande obseruation & curiosité si est-ce que meilleur est le faire ainsi; car il ne se sçauoit eschauffer ny endommager estant en œuvre. D'ailleurs regardez sur tout quand vous mettrez vos plattes formes, poutres & autres sortes de bois, qu'elles ne touchent le mortier ny le plastre; car cela fait eschauffer le bois & le pourrist. Il les vous faut donc maçōner tout autour de terre d'argille avec des tuilleaux ou brique, & qu'il s'en faille demy pied qu'elles ne touchent la maçōnerie faite de mortier de chaux. Qui ne pourra treuuer d'argille, tuilleaux ou brique, il faut mettre autour du bois & des fueilles de fougere en quantiré, cela cōserue fort le bois. & le deffend de pourriture. Sera aussi fort bon de faire au bout des poutres dedans le mur, vne petite espace ou voute toute vuide & creusē tout ainsi cōme vn petit trou où se mettent les pigeons entrās par le dehors dedans les murs; & au droict de la-

dite

*Propos philo-
sophique & digne
de noter.*

*Experiance mai-
sresse des fols &
ignorans.*

*Petits trous aux
poutres & soli-
ues lambrisées.*

INVENTIONS POVR BIEN BASTIR. 325

dite espace ou voûte faire vn petit trou du gros d'un pois, où entrera vn air ou petit vent, qui rafraichira le bois, & entretiendra la poutre & le lambris, de sorte qu'ils ne se pourriront ne gasteront de longues années, comme le bois lambrillé, qu'on a accoustumé faire qui par faute d'air s'eschauffe, dont apres vient pourriture. Si vous obseruez ce que dessus, & donnez ainsi air, principalement par le plat, & par les costez de vostre bois (car de bout en bout n'y a point de danger pour la force naturelle qu'il a en soy) il se conseruera tres-longuement. Par ainsi vous voyez que ceste nouvelle façon & inuention a vn tres-grand aduantage & profit, au pris de l'ancienne. Car si quelque piece de bois se gaste ou se pourrist, vous la pouuez oster & remettre tout incontinent s'il vous plaist, sans rien abbatre ne demolir, comme il se faict aux autres charpenteries. Et encores quand le maistre de la maison seroit paresseux d'y prendre garde, s'il y a de pourry & gasté la quarte partie, ou la tierce, il ne faut craindre qu'il en vienne faute pour les liaisons & assemblages qui sont les vns avec les autres. Si est ce que ie conseilley tousiours n'attendre iamais telle necessité, & ne laisser rien deperir ne gaster, ains refaire incontinent ce qui sera interessé. Car pour vn grand blanc qu'il vous cousteroit aujourdhuy, d'icy à vn an il vous en coustera trois. De sorte que plus attendrez plus y dependrez. Sera doncques tres bon que de six ans en six ans, ou de dix ans en dix ans, faissiez visiter vostre maison, si plus souuent ne le voulez faire, comme font les bons mesnagers. Ce sera la iournée d'un homme, qui avec vne eschelle pourra oster & remettre les panneaux, ou pieces pour voir le dedans des charpenteries, sans faire eschauffer ny auoir engin pour y besongner, à cause des pieces qui sont fort legeres & aisées à manier.

Essuyement & dissipation tres-vile.

La presente Inuention a vie plus de profit que l'ancienne fa. d.

Dilation & attente perilleuse aux bastiments.

Comme on se peut seruir en diuerses sortes de ceste Inuention nouvelle, & de la commodité, profit, & grande espargne qui en peu reuenir, avec vn sommaire & recapitulation de plusieurs choses reprises de tout ce present œuvre.

CHAPITRE XIII.



Et trouue vne infinité de profits, espargnes & commoditez, lesquelles prouieront de ceste nouvelle Inuention. Le premier profit est, qu'il ne sera plus besoing de bastir les murailles si grosses comme aucuns ont coustume de faire: laquelle chose rendra les logis fort plaiants, beaux & agreables. Qui ne void, ie vous prie les maisons où sont murailles de grande espois-

Premier profit prouenant de ceste nouvelle Inuention

LIVRE XI. DES NOUVELLES

seur, estre si melancholiques, outre la despenſe qui y est superflüe, qu'elles semblent pluſtoſt priſons que maiſons pour habiter, & conſeruer ſa ſanté. Veritablement telles habitations ne ſont ſi ſaines, que celles qui ſeront faiçtes de groſſeurs de murs, dont j'ay parlé cy-deuant, & eſcriray plus au long quelque jour, ſi Dieu me le veut permettre.

*Second profit ve-
nant de la pre-
ſente Invention.*

Le ſecond profit de ceſte Invention eſt, qu'il ne faudra plus met-
tre de fer, ou ferrures aux charpenteries comme lon a de couſtu-
me; qui emporte vne despenſe tres-exceſſiue ainſi que j'ay veu,
principalement quand les œuures ſont conduites par hommes qui
ne ſont naiz à commander, & le plus ſouuent ne ſçauent la fin de
ce qu'ils font, ſe conſians par trop à la force des ferrures.

Le troiſieſme profit eſt, qu'il ne faudra plus qu'achepter bois
de toutes ſortes de petites pieces, ſans ſayder de grandes pannes,
ſablieres, poutres, chevrons, pouſteaux, & autres ſortes, pour
leſquelles il faut employer de grands arbres, qui ſont en ce païs fort
rars, & n'en auons à faire en noſtre preſente Invention: par quoy
elle eſt d'une tres grande eſpargne, & telle que tant plus l'œuure
ſera de grande entrepriſe, tant plus y ſera l'eſpargne cogneuë, au
regard de ce qu'on faiçt maintenant. Le tout ſelon la commodité
du païs où lon baſtiſt. Ce que j'ay cogneu par experience au grand
comble du chaſteau de la Muette de S. Germain en Laye, dont
j'ay parlé cy-deuant, qui a ſoixante pieds de large dedans œuure,
ainſi que j'ay diçt. Car qui l'eueſt faiçt comme lon a de couſtume,
il y euſt eſté plus employé de bois dix fois qu'il n'y a.

*Quatrieſme pro-
fit de ceſte In-
vention.*

Le quatrieſme profit eſt en l'eſpargne des grandes voitures, cor-
dages engins eſchaffauts, & beaucoup de temps qu'il faut par
neceſſité perdre, pour le recouurement de tant grandes pieces
qu'il eſt beſoyn de recouurer pour la vieille façon. Le dy d'auan-
tage qu'au lieu où lon met vn an à faire la charpenterie commune,
celle de noſtre Invention pourra eſtre faiçte en ſix ſepmaines ou
deux mois pour le plus, eſtant le bois tout preſt.

*Cinquieme pro-
fit de la preſente
Invention*

La cinquieme commodité & eſpargne, prouenant de noſtre-
dite Invention, eſt aux ferrures & ferremens, deſquels elle n'a be-
ſoyn comme les grands baſtimens du jourd'huy. Leſquels ſi vous
confiderez diligemment, combien y trouuerez-vous de ſortes
d'anchres & barreaux de fer pour retenir les murailles? cōbien de
ferrures, de gauions, & grandes cheuilles de fer, accōpagnes de
plusieurs grandes barres pour ſouſtenir & entretenir les charpen-
teries? Le croy veritablement que telles ferrures aux grands baſti-
mens ne ſont gueres de moindre despenſe & fraiz que tout le bois
de noſtre nouuelle Invention, à laquelle il ne faut pas ſeulement
vn clou.

*Sixieſme profit
de noſtre Inven-
tion.*

La ſixieſme commodité eſt en l'eſpargne de l'ardoïſe, par autāt
que deſſus nos couuertures rondes, il n'entre pas qualſ la moitié
de

INVENTIONS POVR BIEN BASTIR. 326

de ce qu'il faut aux grandes couuertures anciennes, poinctuës & pyramidales Il est bien vray que la façon de mettre ladicte ardoise en œuure coustera d'auantage, pource qu'au lieu où communement on nemet qu'un clou à chacune ardoise, ie voudrois qu'on en mist trois, car la couuerture en est beaucoup meilleure & de plus grande durce. Je ne sçay homme de bon entendement qui ne iuge qu'un bastiment couuert par nostre façon & Inuention, durera plustost cinq cens ans, que celuy qui est couuert à la façon accoustumee cent, pour n'estre tant agité des vents à causes de sa forme & figure, & aussi pour les murailles qui ne sont trop chargées n'y poulées en dehors, comme celles des grands combles du iourd'huy, qu'il plus souuent iettent les murs par terre, s'ils ne sont retenus à force de liaisons de fer avec la charpenterie. Je diray d'auantage, c'est qu'aux lieux où lon ne trouueroit tuille, ou ardoise pour faire les couuertures de nostre Inuention, elle est si propre & si forte qu'on la peut couvrir de pierre platte, cōme liaiz ou sēblable: sans qu'il faille craindre qu'il en vienne faute. Je ne veux oublier icy escrire, que celuy qui sçaura bien donner les proportions & mesures & entendra les symmetries d'Architectures; commençant par nostre Inuention vn bastiment neuf, il luy donnera plus de beauté, de commodité, de grace & decoration vne infinité de fois, qu'il n'y a à ceux qui se font auourd'huy, & n'est possible, se me semble, pouuoir exprimer le grand profit qu'il en aduiendra & plaisir qu'il y aura au pris de ceux qu'on voit à present.

Grande diuersité & espargne entre les couuertes de ceste Inuention & la anciennes.

Couuertures de pierre platte.

La septiesme commodité & espargne venant de nostre dicte Inuention, est aux poutres. Lesquelles on pourra faire, non de gros bois & grands arbres comme on fait, ains de trois, quatre, ou cinq cens pieces de petit bois, ainsi que nous auons escript cy-deuant. Encores vn bon mesnage se fera, c'est qu'aux chasteaux & vieilles maisons, où les poutres & solives sont en partie rōpües, en partie pourries, & pour ce delaissees à refaire, comme aussi pour la grande depense qu'il y faudroit, ou bien par faute de ne pouuoir recouurer pieces de bois autant grandes qu'il est requis, aisément & facilement pourront estre refaites par ceste nouuelle Inuention, pourueu qu'on y puisse prendre ou trouuer seulement la tierce partie du bois qui soit bonne & valable: car la mettant par petites pieces en œuure, comme i'ay enseigné cy-deuant, on refera tout de neuf lesdictes poutres & solives avec peu de despense. Et dureront, peut estre, beaucoup plus que celles qui premierement auoient seruy. Autant pourra lon faire de l'ardoise ou tuille: car s'il s'en trouue la moitié de reste qui soit bonne, il y en aura assez pour satisfaire à recouurer de neuf l'edifice gasté. Qui pourroit aussi estre tel qu'on y trouueroit assez de fer & ferrures pour payer la façon de tout, ou bien la plus grande partie, selon nostre dicte Inuention nouuelle.

Septiesme commodité & espargne.

LIVRE XI. DES NOUVELLES

*Huictiesme cō-
modité, profit
& espargne.*

Laquelle peut aussi apporter pour la huictiesme commodité vn grandissime profit, & espargne indicible à la construction d'un grand Temple, Auditoire, Maison de ville, Palais, halle, Hospital, ou bastiment semblable. Lequel doit estre autant ample & spacieux, qu'une Basilique, pour la multitude du peuple qui s'y doit assembler. Pour lesquels bastiments lon n'aura plus que faire de dresser si grosses murailles, ny faire si grands piliers & arcs-boutans pour soustenir les hauteurs des grands murs, & poissance de la charpenterie, laquelle on à accoustumé dy mettre, si grande & excessiue qu'elle semble à voir vne forest, ou grand bois, plustost qu'autre chose. Ce qui n'aduient, & n'est aussi necessaire ou requis à nostre presente Inuention: pour laquelle ne faut tant de choses, ne si grandes hauteurs de murs. Et ne faut oublier que la charpenterie y estant fort legere, portera son lambris, tout d'une venue, avec peu de despense, & sans aucunes ferrures, comme i'ay dict:

*Piliers & arcs-
boutans n'estre
icy necessaires.*

*Neufiesme pro-
fit & utilité de
cette Inuention.*

Le neufiesme profit qu'on tirera, est tant pour l'entretene- ment des ponts, que pour faire les cintres à porter la maçonnerie pour les reparer & edifier de neuf. Car les fraiz & despenses n'y seront si excessiues qu'elles sont de present, & ont esté. Comme on voit, tant à ceux de Paris que d'autres lieux en France, au grand dommage & despense excessiue du Roy, & de son peuple. Et pour autres causes qui seroient fort longues, si ie les voulois escrire, ainsi que ie les ay cogneues. Qu'on regarde seulement cōbien coustent les cintres à porter les arcs de maçonnerie que lon fait pour les pôts, où se mettent tāt de poutres & grosses pieces de bois à tra- uers ça & là, pour faire les liaisons, que i'ay veu quelquefois quand la riuere croissoit, qu'il failloit qu'elle passast ailleurs, pour l'espèche- ment de l'arche qui estoit toute plaine de cintres, & alloit de si grande vehemence qu'elle ébranloit quasi toutes les maçonneries qui auoient esté faites de neuf. Laquelle chose on pourra euitier par ceste Inuention & faire autrement, sans oster le cours de l'eau, & n'usant de si grand amas de long & gros bois. Car il ne faudra point de plus grandes pieces que de cinq ou six pieds de longueur & de deux ou trois pieces d'espaisseur. Desquelles se fait vne ar- che qui se peut aisément oster quand la maçonnerie est faite, sans en rien gaster le bois, qui sera bon pour seruir ailleurs à choses sem- blables. Et où lon n'en auroit plus à faire pour seruir de cintres, on le pourroit accommoder à couvrir maisons, ou faire poutres, en retraillant les ioints & leur rondeur. Bref icy ne se perd aucun bois, comme il se fait aux autres charpenteries, pour les grandes mortaises & entail qu'on à accoustumé d'y faire.

*Grandes despen-
ses estre faictes
pour les ponts.*

*Ponts faciles à
faire par ceste
Inuention &
avec peu de
fraiz.*

*Dixiesme profit
& utilité de ce-
ste Inuention.*

La dixiesme cōmodité est que celuy qui voudroit faire bastir vne maison à deux estages, n'auroit besoing de faire ses murailles que de la hauteur d'un estage, & environ trois pieds par dessus la hau- teur du premier plancher. Pource que dedans le comble & cou- uerture

INVENTIONS POVR BIEN BASTIR 327


uerture se trouueront de fort belles chambres ou salles, voire beaucoup plus que celles de dessous. Il peut bien estre qu'aucuns diront que l'estage de dessus seroit trop chaud ou trop froid, selon la saison, pour estre si pres de l'ardoise. Pour y obuier & remedier, il ne le faut que l'ambrasser de plastre, ou de terre, ou bien de menuiserie, qui est fort aisé. Quoy que soit, le dedans des combles sert fort commodement à plusieurs choses, ce que ne font tous les autres accoustumez. On peut de ceste Invention tirer de grands profits en autres plusieurs sortes, lesquelles pour le present ie n'escriray, car aussi n'en est il besoing. Et laisseray à monstrier plusieurs autres façons dependantes de ladicte Invention, comme pour faire ponts tous d'une arche, s'il est besoing, de la largeur d'une grande riuere ayant cent toises de large plus ou moins, faire moulins, instruments à monter l'eau, escaliers, & vis pour bastiments, où il y auroit necessité de pierres, & plusieurs autres choses vtils, tant pour l'Architecture, que pour l'art militaire, soit pour conseruer places, ou bien pour les battre prendre ou gagner. Mais voirement ie m'aduise que donnant & publiant ceste mienne nouvelle Invention, qui est seulement vne petite partie de ce grandissime & excellentissime corps d'Architecture, ie seray du tout veu semblable à vn Orateur, lequel voulant decorer & publier les singularitez & excellences de quelque grand Royaume, pour la decoration d'iceluy, seulement il celebre & d'écrit vne de ses villes qui est vne fort petite chose au regard de tout le corps d'iceluy Royaume, autrement parfait, grand, & bien accompagné de toutes les perfectiōs & excellences. Les causes & raisons qui m'ont incité & presque contrainct d'ainsi faire & commencer, ont esté proposées à l'Epistre au Lecteur, & certains autres lieux du present oeuvre. Qui me donnera occasion de ne m'en excuser icy autrement, à fin que ie ne sois par trop prolix, & vsant de frequente repetition trop moleste a ceux qui iusques icy m'ont attentiuement & de leur bonté gracieusement escouté: Lesquels ie prie vouloir receuoir ce mien present labeur, d'autant bon cœur que ie le presente & communique. Ce faisant ils me donneront courage de brief accomplir ma promesse: qui est de mettre en lumiere le vray art d'Architecture, accompagné & illustré de toutes les parties, ainsi que le Seigneur Dieu m'en donnera la grace. Qui est l'Auteur de toutes choses & sçait distribuer les sciences ainsi qu'il luy plaist: parquoy à luy seul en soit tout honneur & loüange

Objection accompagnée de la réponse fort propre.

Choses qui se peuvent faire par ceste Invention.

Belle similitude & fort bien accompagnée.

Frequente repetition engendre ennuy.



*Zoile, si quid habes melius, vel rectius, eia,
Candidus impertu: si minus, ista feras.*

*Hoc lex, hoc pietas hoc vult Deus, omnia non dās
Omnibus, insigni pro bonitate sua.*

A. Morice & G. J. J. J.

Architecture
D E
PHILIBERT
DE L'ORME,

CONSEILLER ET AVMOSENIER
ORDINAIRE D'V ROY, ET ABBE' DE
sainct Serge lez Angers.

OEUVRE ENTIERE CONTENANT ONZE LIVRES,
augmentée de deux; & autres figures non encores veuës, tant
pour desseins qu'ornemens de maisons;

AVEC VNE BELLE INVENTION POVR BIEN
bastir, & à petits fraiz.

Tres-vtile pour tous Architectes, & Maistres Iurez audit Art, vfans de
la Regle & Compas.

DEDIEE AV ROY.



A P A R I S,

Chez REGNAULD CHAUDIERE, rue saint Jacques,
à l'Escu de Florence.

M. DC. XXVI.



AV ROY.



I R E.

Du temps du feu Roy vostre tres-honoré pere & Seigneur, de qui Dieu ait l'ame, apres que i'eus monstré l'experience pour les bastiments, avecques plusieurs choses viles & necessaires pour la perfection d'Architecteure, il luy pleut, aimant le profit de son peuple & decoration de son Royaume, me commander en faire vn liure: à fin que chacun peust entendre les façons & moyens d'y proceder, pour s'en pouuoir seruir & tirer quelque commodité. Ce que ie fis le plus diligemment qu'il me fut possible. Mais (helas.) bien tost apres que ie l'eus fait, survint ce grand desastre & insupportable perte de sa mort qui me causa vn tel mal & infortune, que ie fus empesché de pouuoir, pour lors, faire imprimer & publier ledict liure. Depuis ayant reconuert telle quelle liberte de mon esprit, pour n'estre tant opprimé des sollicitudes & tourmentes du monde comme i'estois, & aussi que plusieurs Seigneurs & personnages tres doctes m'importunoient: pour satisfaire à la volonté & commandement de mondict souverain Seigneur & bon maistre, cognoissant le grand profit qui en pourra aduenir, & ausi que i'ay veu & voy tous les iours aucuns qui se veulent seruir de mesdictes Inuentions, n'y pouuoir si bien paruenir qu'ils ne fassent quelques fautes: comme ordinairement il aduient, lesquelles ne peuuent estre si bien cogneues du commencement, qu'on n'y commette quelques erreurs. Ce considere, & sur tout desirant le profit de ma Patrie & singulierement faire chose qui soit agreable à vostre Majesté, SIRE, i'ay bien voulu lascher (comme on dict) la voile aux vents, & permettre que mesdictes Inuentions soient soubz vostre Royal nom publiees, & à tous de bon vouloir communiquées. Estimant, tout ainsi que vostre tres-honoré pere & Seigneur à aymé la vertu, les vertueux, & toutes choses bonnes, que Dieu continuant les graces, inclina-

EPISTRE

tions & dextérité que nous commençons à veoir en vous, ne pouuez faillir d'estre successeur de la mesme vertu & bonté. A quoy vous sollicitent les bons & vertueux enseignemens que vous receuez iournellement, tant de la Maieité de la Royne vostre tres-sage & vertueuse mere, que de mes-Seigneurs les Princes qui sont ordinairement près vostre personne: estre autres que tres-vertueux, tres-bon, & tres accompli, ne doutant que si Dieu vous donne la grace de viure & vouloir continuer, que vous n'aurez faute de sagesse & bon conseil pour l'entretien des sages & bien aduisez, qui veillent & travaillent pour le bien des affaires de vostre Royaume: de magnanimité & hardiesse, pour l'estime, honneur, & remuneration des vaillants & experimenter au fait des armes: de sçauoir & vertu, pour la cognoissance & merite des doctes & vertueux, qui en leurs honnestes labeurs tascheront à vous complaire & faire seruices. Brief, vous n'aurez faute d'amitié pour attirer les cœurs de vos subiects & les aimer (estant reciproquement aimé d'eux) veu que vous mesmes estes la vraye force d'amitié, qui conuie ceux qui ne vous virent iamais à vous aimer & reuerer. Pour tant de graces, SIRE, & tant de perfections que le Createur vous a departies, & accroistra encore: vous pouuez recognoistre qu'il vous aime, & conduit par sa sainte bonté, tenant vostre cœur en sa main, qu'il tournera où bon luy semblera, comme escrit le sage Salomon: Croyez asseurement qu'il oste aux Roys & Princes, qu'il n'ayme point, l'esprit, avec les gens de bien, sages, vertueux & doctes, qui ont bonne ame, & bon conseil, substituant en leur lieu personages vicieux, mauuais & depravez: les quels à la fin il met en confusion & perdition. Donc vous voyez, SIRE, comme la diuine bonté vous tient la main, & donne toutes choses utiles & profitables, tant à vous qu'à vostre peuple: vne mere, en laquelle reluit la agesse de Hester, la magnanimité de Iudith, & la prudence de ceste tant bonne & tant renommée mere de saint Louys, vn de vos ancestres & predecesseurs. Il vous donne pareillement des Princes qui vous peuuent seruir d'exemple & miroir, sages comme vn Auguste, belliqueux comme vn Cesar, & heureux comme vn Alexandre, tous bien aduisez, & desirants vostre grandeur, avec l'entretienement de vostre Royaume en paix & vraye Religion. Que reste il, SIRE, sinon louer Dieu & le remercier de tant de biens qu'il vous enuoye & distribue, voire en telle abondance que chacun croit qu'il veut faire quelque grande œuvre en vous. Mais entre vne infinité d'excellences, lesquelles il vous donne, nous auons en admiration, que si vostre tres-honoré pere & Seigneur a esté bon, voire la bonté mesme, aimant son peuple & faisant bien aux hommes qui le meritoient; vous monstrez, par imitation de ses vertus, estre son legitime fils & vray heritier. Et quant à ceste mienne œuvre, que ie vous presente en toute humilité, faut que ie confesse, SIRE, que s'il y a quelque chose de bien, ce n'est de moy, ains de la grace de Dieu, sçachant tres-bien, que de moy ie ne puis inuenter, excogiter ou faire chose quelle qu'elle soit sans estre preuenue de luy. Et d'autant que la Maieité du feu Roy prenoit vn singulier plaisir & contentement à ceste Architecture, & que plusieurs fois de sa propre bonté & volonté, il m'en tenoit propos avec admirations de l'artifice qui y est: de sorte qu'il me commanda en faire l'experience en son chateau, & le vostre. Cela, SIRE, me fait penser que ladicte Invention ne sera moins aimée de vous qu'elle a esté de luy. Vous suppliai derechef tres-humblement, SIRE, si l'ay pris la hardiesse de publier le present œuvre sous vostre nō,

& sauuegarde

Et sauuegarde de vostre Maieſté, ne le trouuer mauvais, Et vous persuader que ie
 l'ay fait, me confiât que tout ainsi que vous aymez vertu vous la prèdrez en protection.
 Suppliant l' Omnipotent, Dieu de tout bien, toute consolation Et misericorde, seul
 Createur de toutes choses, qui ſait donner les graces ou il luy plaist, qu'il vous vueil-
 le departir la ſageſſe de Salomon, la magnanimité de Charlemagne, vn de vos pre-
 deceſſeurs, la dexterité de Ceſar, la force de Sanſon, le ſcauoir de Platon, l'elo-
 quence de Ciceron, la prudence d' Aaron, la conſtance de Socrates, la felicité d' Au-
 guſte, Et auecques accroissement d' aage, accroissement de toutes graces Et vertus,
 à son honneur, Et repos non ſeulement de vostre France, mais de toute la Chreſtien-
 nité: de laquelle vous Et vos predeceſſeurs, iuſques icy portez le nom de Treschreſtien.
 Lequel, Dieu, par ſa diuine bonté, vous vueille continuer, Et donner la grace pure-
 ment Et ſainctement le ſouſtenir, repreſenter Et defendre, à l'exaltation de ſa gloi-
 re, entretenement de la vraye Religion, repos de vostre peuple, Et immortalité de vos
 verrus.

De vostre Maieſté le tres
 humble & tres-obeyſſant
 ſubieſt & ſeruiteur.

PHILIBERT
 DE L'ORME.



Conseil aux Architectes & maistres maçons, charpentiers, & menuisiers, qui auront enuie de s'aider de nostre inuention, & pourquoy elle a esté trouuee.

CHAPITRE III.



ES amis, ce qui m'a emeu de chercher ceste inuention, n'a point esté pour lucrative, ne moins pour porter dommage à personne qui soit (comme j'ay Iceu qu'aucus ont uoulu dire, donnans à entendre à un chacun ce qu'ilz ont peu, avec un mal-contentement) mais plustost pour la necessité des grands bois qui ne se trouuent plus en France, & si aucuns sy trouuent, ilz sont fort rares, & aussi qu'en diuers lieux de ce Royaume on n'a point commodité de bastir par faulte de bois, & en aucuns lieux par faulte de pierres. Et pour ce fault trouuer telles inuentions, que ou sera la necessité de l'un, l'autre sâtisface. Comme, ou il n'y aura que du bois, que pour cela les bastimens ne demeurent à faire, & aussi ou il n'y aura que de la pierre, que l'on trouue inuention de faire des planchers & couuertures de pierres, & ou il y a peu de l'un ou de l'autre, que l'on trouue le remede propre: ainsi que se pourra faire par ceste Inuention, qui ne sera pas seulement profitable à ceux qui font bastir, mais aussi à vous tous, pour auoir la commodité de faire plus pour cent escuz que ne pourriez autrement pour trois cents. Par ce moien uous gagnerez plus que uous ne faiâtes, avec ce qu'il ne uous fauldra tant d'engins & cordages, ne si grâdes uoictures, comme uous auiez accoustumé: qui uous sera une grande espargne. Et par la façon que ie uous escry, pourrez entendre ceste nouuelle inuention si familièrement, que uous en pourrez faire beaucoup de ser-

Malice d'aucuns enuieux & detraicteurs.

Cause qui a meue l'Auteur d'escrire le present liure.

Inuention en necessité, fort utile.

Prohe pour les Artisans d'Architecture.

B iij

LIVRE I. DES NOUVELLES

uices aux Seigneurs. Vous aduisant que ceux qui auront bons espritz
 trouveront encores d'eux mesmes autres facons, ainsi comme i'en pē-
 se une infinité de sortes: uoire plus que ie n'en sçauois escrire de bien
 long temps: lesquelles uous uoirez, ainsi qu'il uiendra à propos de les
 mettre en lumiere. Et ne soiez point comme aucuns qui disent, quand
 ilz uoient une chose qu'ilz n'entēdēt, qu'elle ne uault riē, & que ce n'est
 pas la coustume & facon de faire qu'ilz ont appris, uolans tousiours
 demourer en leur uieille peau & anciennes coustumes: qui est tout le
 contraire d'un gentil esprit, qui desire sçauoir & entendre toutes bon-
 nes œuures pour s'en aider, & seruir fidelement ceux qui luy donnent
 à gagner. Et uous ueux aduertir, que quand ie fuz resolu & assuré de
 telle inuention, ie la laissay sans en auiser parler, craignant ce que i'en ay
 ueu depuis: Car on ne la pouuoit croire, semblant estre chose impos-
 sible, mesmes aux ouuriers à qui ie faisois faire les couuertures du
 Chasteau de la Muette à saint Germain en Laye, ayant dix toises de
 large dedās œuure, qui ne l'ot peu croire bōne iusques à ce que ledict
 Chasteau a esté parfait, & lors qu'ilz ont ueu l'experience, ne la pou-
 uoient quasi assez louer. Et ce qui m'a causé mettre cecy en lumiere, a
 esté en partie pour euitier la ruine dudit Chasteau de la Muette, par-
 autant qu'on ne pouuoit trouuer inuention de faire les couuertures,
 à cause des murailles mal faictes & debiles, qui ne pouuoient endurer
 couuertures de pierres de taille, n'aussi terrasse en aucuns lieux: cōme
 i'auois monstre & commandé faire à deux Pauillons sur le deuant. Et
 si le tout eust esté faict de charpēterie, il se fust porté encores plus mal,
 pour la grāde quātité de bois & grosses pieces qu'il y falloit, mal aisees
 à trouuer en si gros & si grands arbres que l'œuure requeroit. Laquelle
 eust esté tant agitée des uents, qu'il n'eust esté possible que telles cou-
 uertures & maçonneries ne tombassent par terre: au moins qu'elles
 peussent durer long temps, pour les murs qui estoient ia corrompuz
 en aucuns lieux. Car fault entēdre que ladicte Muette est un Chasteau
 qui a sept Pauillons, desquelz celuy du milieu a dix toises sur douze: &
 aux quatre coins, en chacun lieu y en a un de cinq toises en quarré. Les
 deux autres sont par le milieu: l'un sert à couurir l'Escalier, & l'autre à
 la Chappelle, ou sont tresmauuaises maçonneries, qui n'eussent sceu
 porter la charpenterie qu'on auoit accoustumé de faire: pour la mau-
 uaise facon & grand' haulteur, qui a environ dixhuiet ou uingt toises.
 Et ne fault oublier qu'il y eust fallu faire une despēse, tant pour la char-
 penterie, ferrures, & plomberies, au grand comble seulemēt du milieu,
 plus dix fois d'auantage qu'il n'y a fallu, & d'ardoise deux fois autant.
 Et uoiant que le temps ne permettoit despendre tant d'argent, pour
 raison des guerres, cela me feit deliberer de chercher autre moie pour
 le grand profit & utilité de tous. Tellement que ce sera une grande

Admonition
de l'Auteur
aux artisans
& archite-
ctes paref-
seux.

Inuention de
l'auteur a-
uoir esté dif-
ficile à croi-
re du cōmen-
cement.

Difficulté de
couurir le
Chasteau de
la Muette.

Tresmau-
uaise maçon-
nerie en la
Chappelle
de la Muette.

INVENTIONS POVR BIEN BASTIR. 5

louange au Roy d'auoir faict un si grand bien à son Royaume, faisant esprouuer telle inuention : laquelle sera non seulemēt profitable aux grands Seigneurs, mais aussi à tout le peuple : oultre la renommee qui s'en respandra par nations estranges, esquelles se portent, comme i'ay ueu, telles façons de charpenterie par plusieurs homes qui en ont prins les deseins, mesures, & modelles, pour tel effect : iusques en auoir esté enuoié en Italie, Allemagne, Espagne, & plusieurs autres lieux. Ce que ie sçay pour en auoir faict faire plus de cent modelles, & grād nombre de protaietz : sans ceux que les ouuriers ont faict & font tous les iours. Ainsi donc, mes amis, ie uous ay bien uolu deduire dont est venue telle entreprinse, ensemble la commodité & profit qu'en tirerez. Je parle à ceux qui la uouldront apprendre & s'en aider, & non à ces outrecuidez qui pensent trop sçauoir, ou qui ueulent faire à croire d'eux qu'ilz sont fort habiles & bien entenduz. Mais les œures le mōstrent : & qui mieux sçaura, mieux face : ie n'en seray iamais marry. Or mon intention est de faire le seruice de mon tressouuerain Prince & Princeesse, & le profit & decoratiō de son Royaume, si ie puis, avec l'aide de Dieu. Sur tout ie uous conseille & prie que seruiiez fidelement, & aiez la crainte du Seigneur, qui est le commencement des sciences. Et ne faictes comme les folz qui mesprisent sapience & instruction. Je dy cecy, pource que i'en uoy beaucoup qui ne seruent que par terme d'acquict, & ne se soucient que toucher deniers, leur estant tout un, moienant qu'ilz en puissent auoir. En quoy ilz ont bien peu d'honneur deuant les yeux, & pour cela ne sont plus riches, mais tousiours en peine. Et silz amassent quelques biens, leurs successeurs, pour estre mal acquis, les despendent follement, & sont souuent cause de leur ruine & perte. Si uous faictes quelque chose bien & sagement par trauail, le trauail soudain se departira de uous ; & le bienfaict uous demeurera : mais si uous la faictes par auarice ou par ignorance, n'en fault esperer que mal, & le mal faict uous accompagnera tousiours. Car tous mauulx ne demeurent impuniz, comme tous biens faictz irremunerez. Doncques si uous me uoulez croire uous userez de mon cōseil, & seruierez fidelement. Si aucuns charpentiers sestonnēt ou autres ouuriers doubtent de telle façon, la trouuāt difficile, qu'ilz apprennent ce beau dict du grand Alexandre, A gens preux rien n'est trop fort ne difficile : & à couardz, tous lieux bien muniz ne sont assez asseurez. En cas semblable : à tous hommes de bon entendement & hardiz n'est rien impossible, à paresseux & timides qui ne ueulent appredre, toutes choses sont en doute. Et ne seruent telz qu'à mesdire & reprendre tout, sans sçauoir rien faire, ou bien peu. Je uous escrirois dauantage, n'estoit que trop grāde diligence n'est tousiours louee, estant retardemēt d'œure, & cause que les propos sont plus obscurs, & la matiere plus ennuiueuse.

Nations estranges cupidites de la nouvelle inuention de l'Anteur.

Outrecuidez & glorieux Architectes.


Nature & facon de beaucoup d'Architectes & pauuiers.


Sentence Evangelique digne de noter.


Trop grāde diligence quelquefois est uicieuse.


Ces figures icy se mettent apres le huitiesme Livre.




































LE HVITIESME

